


叢書集成續編 第一六九冊目錄

文學類



詩別集——明

青暘集四卷補遺一卷	明 張 宣撰	江 陰	一
靜居集四卷附錄一卷補遺一卷校勘記一卷校勘續記一卷	明 張 羽撰		
尚綱齋集五卷	民 魏元曠撰	豫 章	三九
詠物詩一卷	民 胡思敬撰		
眞眞曲一卷	明 童 冀撰	續 金 華	一四七
至正妓人行一卷	明 瞿 佑撰	武 林 往 哲	一九五
袁海叟詩集四卷補一卷	明 貝 瓊撰	香 豔	二〇九
虞山人詩三卷補遺一卷	明 李 禎撰	香 豔	二一三
野古集三卷	明 袁 凱撰	觀 自 得 齋	二一七
集古梅花詩二卷附錄一卷	明 虞 堪撰	殷 禮 在 斯	二七一
省愆集二卷	明 龔 詡撰	對 樹 書 屋	三〇一
拘虛集五卷後集三卷詩談一卷	明 沈 行撰	武 林 往 哲	三三七
石涼詩鈔十五卷附諸公詩一卷	明 黃 淮撰	敬 鄉 樓	三六七
常評事集四卷	明 陳 沂撰	四 明	四〇一
直爰子詩集二卷附錄一卷	明 楊一清著	雲 南	四五三
雪山詩選三卷	明 常 倫撰	山 右	六五五
	明 江 暉撰	武 林 往 哲	六七九
	明 木公恕撰	雲 南	七一三

金子有集一卷·····	明	金大車撰	金陵叢書	七三三
金子坤集一卷·····	明	金大輿撰	金陵叢書	七四七

wt 94/09

青

陽

集

卷之五
仲夏
江陰
金氏
秋

序

余既刻孫大雅滄螺集因并刻張藻仲青陽集蓋二公同時人也滄螺集著錄 四庫汲古閣嘗刻之青陽集四卷則未見刊本此四卷為繆筱珊太史傳錄於夏彥保明經彥保亦留意鄉先輩遺著於亂後搜採而得者余於五百年後為之刊行文字之顯晦固有時耶藻仲少負才名此皆其弱冠以前詩泊入翰林謫濠道卒其間當續有所作而竟無一存世僅傳其別父詩出世再當為父子此心終不問幽明二句而已嗚呼古人如賈

青陽集

序

一

長沙王子安輩年少有盛名而卒之淪落不偶者多矣如藻仲者亦賈王之流亞特并其生平著述亦不能悉傳於後是則文人身後之阨可為深悼痛惜者然此區區數卷之詩閱數百年猶有人鈔而傳之因得刊以行世則其精光寶氣固自有不可磨滅者在猶不幸中之幸也光緒十五年己丑夏六月邑後學金武祥

青陽集序

青陽集者江陰張藻仲氏所為詩也藻仲以齠髻受業父師之前輒能詩敏且奇若有相者人多異之以東阿之幼稚比焉稍長通春秋習舉子業竟慨然曰科第之幸不幸命也其文則如此止耳因一志為詩自前承平至於擾攘始終幾十年由江陰隨嚴君任桐鄉以至播越浙東西周旋二千里間凡感時觸事莫不形諸賦詠焉其所履有險夷也故見於詩者有和平焉有怪奇焉所遭有否泰也故發言命意或欣焉以休感焉以悲不

青陽集

序

一

同也蓋鬱於中者深則宣於言者長接於外者廣則應於內愈周而加熟焉古人所謂涉難而智明者於藻仲之詩亦可見矣方桐鄉盛時總管山居楊公以天子侍從出守而同姓鐵崖先生適去官寓是邦二公文采名天下得藻仲詩而嘉賞之一見皆收為忘年不以諸生視也由是藻仲益厲而其詩益工其名亦頗章章焉歲戊戌越難作葵亦遯陷子與藻仲淪胥其間不謀而同咸窺身至常熟謁觀相見悲喜相唁已則告桓曰某無似獨於詩為勤嘔心之作自前至今何啻數百首比皆

盡於兵不存其所嘗為兩楊公膾炙而稱可者尙能記
憶數十百篇雖年少不敢自謂已至抑嘗聞人窮則工
於詩以某之所涉歷可謂窮矣窮則宜工不自知其為
何如為子誦之桓惟古詩既亡六義無聞焉然觀後世
之所謂詩則亦不離乎六義也顧時代有不同風氣有
剛柔詩亦迎時而變遷耳蓋自曹魏迄唐百變其體皆
自為顯門名家得乎此必遺乎彼長於詞或短於理工
古淡者不能麗志蕩佚者失之淫迨至李杜而後為無
憾也李杜之於詩猶化工運神人力不易及也自餘先
後不一其體苟有投之所向輒得其理趣音節者兼眾
長而能之是謂集後詩人之成者也世當有其人不得
見之無已藻仲亦庶幾乎雖然藻仲自謂窮而後工特
今日耳天其或者使吾子達焉則將造其所未至工其
所未工必不肯畫也桓且有待奏治世之音於異時尙
當傾耳而聽極口而誦未晚也集載詩凡若干首青陽
其舊廬讀書所也因以字集亦以自號云藻仲名宣今
年庚子纓冠於戲仲亦可畏哉友人朱桓序

江陰縣志鄉賢傳

張宣端之子字藻仲讀書過目不忘十歲能詩文既長
益肆力於學楊山居鐵崖二公文采名天下得其詩大
嘉賞一見為忘年交洪武初徵授翰林院編修深被知
遇明祖呼為小秀才知其尙未有室特命歸娶宋濂為
序送之後謫濠道卒所著有春秋胡氏傳標註五經標
題青陽集皆未及行行者惟四書點本畱刻郡庠其春
秋胡氏傳標註鄱陽周伯琦為序謂其潛心研采羽翼
文定之學云

附錄

張編修宣字藻仲初名瑄江陰人父端字希尹博學好
修鄉人稱溝南先生仕為海鹽州判官宣少負才名洪
武初以考禮被徵尋入史局與修元史上親書其名召
至殿庭即日擢翰林院編修常呼為張家小秀才奉詔
歸娶年已三十矣六年謫濠道卒臨終以詩辭父日出
世再當為父子此心終不間幽明聞者悲之

列朝詩
集小傳

青陽集

附錄

一

紫簫吹月夜乘鸞是也乃謫濠道卒以詩辭其父溝南
先生端云出世再當為父子此心終不間幽明誦之使
人心惻

靜志居
詩話

藻仲原名瑄後改名宣見唐肅所為更名記七歲能詩
書遭元末隨其父東西避難具見所為詩中著春秋胡
傳標註周伯琦為之序尤工書饒介有跋其小楷道德
經周伯琦有跋其急就章高季迪有草書歌贈藻仲云
看君把筆若把槩長縮一拂悲風生自言靜裏觀萬物
故能變化窮其情倪雲林亦有贈詩云張君好古生最

晚新詩往往落人間闔閭城西僦屋小書裙牕裏看雲
問一時名流傾倒蓋其弱冠時也洪武初以翰林編修
召請假歸娶詹同魏觀皆有贈詩為當時美談假滿入
直倉卒途次或謂明祖甚之懼而自裁云其書絕不
多見僅見玉虹帖中青陽集尤希有予幸得藏本晉堂
能并刻之則惠桑梓功尤偉也

養一齋
文集

青陽集

附錄

二

青陽集目次

栗香室叢書

明 江陰 張 宣 漢仲

卷一

鵲軒辭 禹節婦詩 義烏行 哀李將軍 桐

廬道中二首 釣臺 移刺院判席上 題洪氏

聽泉樓 戊戌元旦次韻楊鐵崖先生 簡楊太

守元誠 分水縣 遊壽昌縣南巖洞 靈鰻井

山雨樓爲徐孟岳賦 次韻蘇西澗聽琴 寄

鄧思義參軍 陪周公左丞春遊次韻 九日登

青陽集

目錄

一

卧龍山得上字 次日遊陽明洞天得東字 哀

七美人 壽玉清宮道士 試陸穎筆 次韻周

履道言志 悼庭雀 詠雨 詠雪效何遜 送

僧道傳 送楊伯川都事之武林 長亭柳 顧

伯善判官竹亭小集 吳江水西寺次克善韻

長洲春雨 送白以中參謀之淮西 九日偕張

思廉楊孟載徐孟岳三君子登虎邱 贈陸眞士

禱雨有應 詠梅次韻

卷二

送楊仲昭都帥兼守湖州二十韻 題蕭山縣尹

尹本中吳越兩山亭卷 癸卯上巳日侍家君暨

履道季迪二公遊虎邱聯句 和季迪擊筑吟

用韻寄沈仲說 和尚仲賓君子堂 送僧遊松

江 送周履道入越 用蒼巖憲使韻贈王真人

答方崖上人所寄 寄朱仲威編修 感鄰婦

周克復澹泊軒 泊水西次韻簡仲銘禪師

寄謝雪坡參政 答倪雲林見貽 答陳伯昂都

事 秋日登白塔二首 吳江夜泊 石夷門待

青陽集

目錄

二

雪坡不至 再用韻 武林客舍喜逢鄧思義參

軍 訪張子宜 用謝雪坡首句送胡季城之官

陽朔 納涼次朱帥君韻 贈銅臺李壯士 止

詩一首 送余左司從軍襄江 至正甲辰夏五

宣與何君彥恭袁君魯瞻張君景玉戰君傳恭凌

君彥翀張君叔方郁君以文諸進士訪冷君起敬

如此江山亭適君訪友城南明日彥恭傳恭與予

偕往起敬款至亭下援琴作三五弄俾予詠歌之

因賦長句一首并寄諸公 和傳恭山長韻 題

如此江山亭 盛子昭春溪漁意圖 爲周堽生
畫小景 關山雨雪圖 送張叔方之會閣 食
橋與唐肅處敬聯句 題趙魏公畫馬贈張伯宏
之錢清鹽司令 送馬仲良司丞十韻 送遂子
敬宣使還武林 爲謝伯理同知題畫 林屋館
留題

卷三

雜詩二首 呈楊山居總管 染絲行 丹崖有
長松 送章東原北遊 擣衣篇 趙景明詠少
陵李白一斗詩百篇句飲子過醉戲成五言 謝
張雲門惠墨竹歌 錫山道中 春詞 贈數學
陳通巖人吳 聞笛 送洪士賢還鳴鶴山 送
芑上人 題王冕畫梅二首 贈醫士羅誠之
題明妃上馬圖 讀張貞居詩 爲鄉友題畫
送何伯大入京 贈相士 雙蓮卷爲沈秋淵題
題潘以仁城南小隱 六月 賦蟾蜍水滴
逢炬上人 題淵明歸去來圖 掬清亭爲謝伯
理賦 寄唐處敬 送邱宗信之嘉禾兼簡本中

賦鶴亭

縣尹 題周履道畫扇 嚴氏五老圖歌 宿穹
窿寺次韻王梧溪 題沈秋淵小瀛洲 題錢叔
昂美人圖 訪渭清遠先一日還道場山 過沈
仲瞻 送僧之富春 劉庸道提學別去十年慈
谿得所寄詩爲父子感懷述舊次韻叙答兼懷
唐丹厓云 次韻答倪雲林 三先生輓詩 蘇
編修昌齡 鄭廣文明德 成處士居竹 題墨
梅 答參麟雨中見懷 胡宗器復印歌 寄柳
仲修 爲吳可大題畫 獨立 送張德常之官
遊四明山 吳江禪菴次壁閒韻 題焦任道繡
毬白鷗 爲復見心題豫章山房 題蒲菴 送
許穆從遊孫江濱 種茄次韻劉庸道 登秦住
山寄學仙者 寄楊彥常提學 嘲倪雲林 孫
原理徵畫雲山因題 慈谿清道觀次韻楊彥常
提學 詠盤竹得涼字 寄祚上人 題紅梅
題趙仲穆挾彈圖 問訊郁長老 贈鐵筆屠宗

卷四

哲 題溪山雪霽圖 怪石 贈澥上人 與慈
邑諸公會衙茅甫生駐鶴樓以山中一夜雨樹杪
百重泉爲韻得夜字 送張子溥通判 宿澗上
入山房 溪上 北禪寺次韻 留五磊山中聞
吳主一都事來慈溪風雨不果往見詩以寄情
黃筓古木鷓鴣爲王子昭賦 爲舟上人題聽松
樓 喜雨美吳知州 題艾宣蘆雁圖 題孫彥
和映雪齋 喜李楚材至自嚴陵 醉簡楚材
題許士雍紫翠丹房 簡惠子及 次韻太湖觀
兵 過孫原直 寄沈仲瞻二首 過壽蒼山禪
菴 送芭元實住定水 馬沙口號 送呂伯庸
之吳興 和劉小齋述懷二畫梧石 十四韻
偶題 野步簡章景序 送鄭希本還 徽州
溪上偶興 林西玉血書華嚴經報母

青陽集卷一

張香室叢書

明 江陰 張 宣 藻仲

鵲軒辭

金華王良佐性至孝母方氏誕良佐時羣鵲飛
鳴庭下移日不止每至誕辰輒翔集母歿鵲去
良佐思其母於無窮名其軒曰鵲士君子感鳥
傷之義咸為之賦張宣述以為辭

鵲之飛兮疆疆鵲之占兮不否以臧彼君子兮家之慶
羣呼在庭兮歲以為常鵲不聞聲兮母也則亡兒飢母

青陽集

卷一

一

哺兮兒寒母裳撫我腹我今日壯而強母不我見兮我
心則傷母不見兮奈何候靈鵲兮來不來鵲其軒兮爰
託我私嗟軒之人兮永言孝思

禹節婦詩

會稽婦禹氏適同郡吳執中樵李之亂婦與吳
及幼女逃難倉卒失所向兵至將污之婦曰吾
與其失節而生孰若守節而死遂死賊刃下子
讀王偉所作傳因賦禹節婦詩

女失夫何在間關走亂離幾人生幸免獨爾節無虧刻

水清風嶺虞江黃絹辭古今貞孝事撫卷一增悲

義鳥行

庭前最高樹有鳥巢其顛一鳥中矢歸哀鳴何翾翾雖
無主人顧側翅幸見憐羣鳥咸繞之救援相後先眾口
力下上脫彼箭括堅陰風為之慘白日沈雲烟啞啞庭
樹間委命猶得全物情有如此世誼胡不然

哀李將軍

將軍名士龍木汴人父為江陰軍吏因家焉少
尚氣有膂力比壯於武藝無不精讀書知大義

青陽集

卷一

二

以先鋒從中書丞相脫脫南征累官徽州判官
既同知睦州兼義兵都元帥居移刺院判麾下
撫農閱兵民賴以安長鎗氏掠地至睦聲言浙
省丞相師諸將解體移刺公曰吾豈丞相敵哉
潛師退士龍謀知其詐率所部由烏龍山督戰
獲首將破其軍有以敵號遺士龍者士龍斬以
徇至錦沙泉知勢不可為取所挾槊植地飲藥
仰誓曰吾報主盡矣勿令敵斫吾頭遂倚馬瞠
目而逝時至正丁酉十月十四日也士龍幼與

宣同師里中井西程先生宣以兄事之死之日
纔二十有五獨井西弟行可與宣二人哭於陸

州辭曰

盤粟烏龍敵將擒解鞍白馬矢痕侵江山漫漶新亭淚
天地空懸卽墨心仰藥自甘酬萬死斫頭誰許購千金
錦沙泉上新封樹落日蕭蕭起暮陰

桐廬道中

自在眠沙鳥參差上瀨船亂峯寒笛外疏雨暮鐘前
轉疑無路林深別有天羊裘懷隱者高節已千年

青陽集

卷一

三

其二

晚飯富春山晨舟大浪灘境殊時借問林好復回看白
鳥屏閒小青天鏡裏寒乾坤眞設險吾輩敢偷安

釣臺

寂寂寒祠酒一盃斷碑不厭讀千迴漢陵今日無坏土
江水從前有釣臺周黨自陳終所志王良人已怪頻來
夕陽千古登臨意面面青山帶劫灰

移刺院判席上

紫樞新換將軍圖綺晏張高節使家簾隔籬香絲在再

座移樹影玉交加御壺遠降傳金露烟墨初乾草白麻
只待平淮功業了馬蹄催覲築隄沙

題洪氏聽泉樓

萬山樓閣翠岩堯最愛幽居景物饒雲起石巖青過雨
月當林樹白生潮時聞鶴駕鷓鴣瓊佩尙憶匏尊載玉簫
著我栖遲塵土客未由洗耳作咸韶

戊戌元旦次韻楊鐵崖先生

夜半元交子先庚月建寅積陰初見日萬象盡知春
龍仗瞻青駕鸞旂護紫宸江山頻劫火天地幾風塵歲歷

青陽集

卷一

四

頌三正春盤薦五辛羹分甘露酒瀉紫霞醑良戶驅
餘孽乾宮夢耗神寬書來漢主恩澤及齊民已報裴平
蔡何妨衮入閩三公尊賜輦八使重埋輪廟算歸良將
中興仗老臣陋儒何以頌欲效華封人

簡楊太守元誠

榻前親灑山居翰賜與高懸百尺樓烟水光中雙鳳下
林巒影裏五雲浮扁舟擬共漁樵話剖竹行分社稷憂
此地夙聞瀟灑郡范公遺愛得楊侯

分水縣

落日清安道悲風分水關
見人渾似鬼行路不離山
古戍緣雲上殘潮背郭還
蒼茫州水闊依舊白鷗閒

遊壽昌縣南巖洞

巖洞來遊卽是仙
巖開混沌定何年
千人石在芝應化
太乙泉香夢亦予
絕頂下穿山上日
舉頭仰見水中天
問渠借取龍潭水
淨洗平生濁垢緣

靈鰻井

靈根鑿破海潮寒
知有蜿蜒此處蟠
不解隨龍天上去
山人強喚作靈鰻

清陽集

卷十

五

山雨樓爲徐孟岳賦

山雨樓居山到門
山人聽雨足晨昏
根盤百里羣龍臥
勢落三江萬馬奔
王謝風流今尙在
君臣大會跡空存
披圖頓覺衣裳溼
敢擬新詩似許渾

次韻蘇西澗聽琴

羣仙燕集白玉堂
九霄環佩聲微茫
中有一人雲霓裳
龍門之桐手所將
金徽拂拭鏘琳琅
坐令聽者俱徜徉
一鼓天地爲低昂
再鼓日月回晶光
漢水澗漫包湖湘
青泥八百縈羊腸
三十六峯澹青蒼
博山温火存古香

六龍回斡化日長
羨黃周孔儼在旁
直造太古窺鴻荒
秋風小弄轉素商
械敗葉鳴枯桑
世人耳濯絲與簧
未識丹鳳鳴朝陽
推琴神思隨飄揚
恍如扁舟詠滄浪
皎皎亮月生東方
不知身在蠻荆鄉

寄鄧思義參軍時在廣西

風塵擾攘干戈際
兩地俱爲淪落人
夢見亦憐風度好
書來翻遣別愁新
枕椰葉暗蠻溪雨
荔子花濃海嶠春
壯志幾回思奮迅
出門誰慰白頭親

陪周伯温左丞春遊次韻

清陽集

卷一

六

官河流水又春波
流盡興亡事幾多
忍見義熙書甲子
已聞聖德頌元和
數莖白髮非關染
一寸丹心未肯磨
寂寞館娃宮畔月
當時曾照美人歌

九日登卧龍山得上字

以杜牧之與客攜壺上翠微
句爲韻會凡七人
會稽徐孟岳扶風馬本勁
膠東戰傳恭東安唐
處敬山西劉庸道及子家君
而宣在侍焉

栖栖困樊籠
汨汨嬰世網
視聽繁煩襟
登臨愜心賞
覽茲新節序
集此故儔黨
越王古城郭
卧龍山偃仰
犖确

層級躋坡陀小亭上長江浩東歎飄風颯西愴霜露亦
已滋歲月遂云往弔古餘鼻酸無今放懷做餐英制弱
齡岸幘入遐想徜徉竟忘疲攬挹還致爽安得更不歸
逍遙了宮壤

次日遊陽明洞天得東字

會如前人以太白廬山東南五老峯爲韻

攀蘿翠壁散幽蹤來訪人間玉蕊宮金簡有書藏禹穴
丹砂無路問仙翁龍歸石洞芝田涇鶴舞瑤臺蕙帳空
衣上歸來初月也銀盤斜掛五雲東

青陽集

卷一

七

哀七美人

哀七美人者采秦漢而下美人所可哀者以賦
也總之曰哀而有美焉有刺焉所哀者七人而
哀之之目有五焉一日哀其賢而失寵不怨不
怒知以貞靜自守者漢成帝婕妤好班也二日哀
其忠於所事能以死殉者項羽妾虞石季倫妓
梁也三日哀其無辜見虐死於濫刑者趙王母
戚也四日哀其失身異域終不忘君者匈奴閼
支王嬌也五日哀其貴而無德死不以良者陳

後主妃麗華唐元宗妃玉環也合而論之美莫

美於班而刺莫刺於玉環故以之始終焉託風

人之詞而寓善惡之實亦將以爲後鑒焉爾是

作也予與處敬唐君倡之而一時善鳴者莫不

屬和蓋有得於錦囊香奩之體者予既哀爲卷

仍爲引之如此云

鸞車停輪呼國色妾知君恩恩莫極春宮燕子尾涎涎

飛向金闈唾瑤席妾身不如團扇羅南風苦少西風多

空教長信宮中月夜夜照人雙翠蛾 班姬

青陽集

卷一

八

楚歌四面秋聲起美人如花帳中死重瞳將軍蓋世雄

淚流暗逐烏江水妾身妾身賤如土八千健兒何足數

空留恨血漬平原碧草無風爲誰舞 虞姬

齊奴愛妾如愛花瓊樓十二神仙家時時吹笛學鶯語

珠簾翠幙停秋霞珊瑚聲中步帳冷一旦花飛不留影

錦雲壓倒玉丁東金谷無人呼夢醒 綠珠

未央宮深天賜寵手上嬌兒赤龍種商於老仙歌紫芝

羽翼那爲黃鵠重宮中野雞啄人肉香魂一夜團中哭

恨身不作朱虛侯明日五王須赤族 戚姬

卻手爲琵琶手琵琶馬上風裂宮中衣玉關將軍兵百萬
恨君枉殺丹青師窮廬夢斷胡笳曲淚眼朦朧漢宮燭
荒邱遺恨草離離猶帶千年土花綠 王嬭

步蓮香歷臨春閣玉樹歌殘金絡索韓家老虎太生猶

一夜庭花如雨落妾身好似君身重雙魂恨裂銀牀凍

不知秋雨洗燕支多情猶入迷樓夢 麗華

銀盆偷浴金蝦蟆狂狂野鹿銜宮花溫泉春透紅玉暖

沈香小亭飛燕斜姮娥舞罷秋風起延秋門西月千里

素絲無情錦鞵寒不恨將軍恨天子 玉環

青陽集

卷一

九

壽玉清宮道士

聞說玉清宮初陽第一峯仙翁留異跡太史與鄰封山
瀟移棲鶴窗虛起畫龍道人來海上初度日相逢

試陸穎筆

李相焚書日蒙恬拔穎時人文在天上顯晦一如茲

次韻周履道言志

伐檀以爲輻輳諸河之涓我生宛如彼何由適時宜袖
中五色線可補舜裳衣懷哉既有日出矣豈無時君子
有德音足以療我飢相期勉素志先哲庶可希寄語夸

毗者營營竟奚爲

悼庭雀

翩翩雙飛鳥集我庭樹枝好音日相和
親相近意此樂詎可支狸奴卧花陰馴擾兩忘爲云胡
潛禍心乘間乃攫之腦碎身卽斃羽毛血離披孤雌念
其雄喃喃有餘悲人生適意處禍患每倚隨悽然此時
情爲廢閣雕詩

詠雨

邊風吹朔雨蕭灑海門秋途旅倦夙駕思歸念征裘帛

青陽集

卷一

十

繁林胡翼情紆夢澤舟楚客應愁賦巫雲正滿邱

詠雪效何遜

高齋集微霰朔氣回陽春引領望城邑樓觀多含珍盈
盈車馬喧逐逐行路塵未暇陵歌扇何慙施粉人詠梅
馳藻思擬絮屬芳辰終期永清夜挾纒懷重茵

送僧道傳

孤舟碧溪雨杖錫白雲秋說法憐支道能詩憶貫休佛
燈懸榻暝梵唄出林幽他日相逢地禪衣或見畱

送楊伯川都事之武林

一樽別酒吳城外南北高峯望眼中勛業此時須汗馬
文章何事漫雕蟲河陽幕府賓溫造相國華堂舍蓋公
碩畫有人能決勝將軍不患不平戎

長亭柳

莫折長亭楊柳條折盡別魂銷留得青絲千百尺
春風長繫木蘭橈

顧伯善判官竹亭小集得閣字

園亭構深迴車馬謝塵雜種竹滿秋聲炎蒸變扇風以
茲曹謝流下陳徐榻醉眠石苔冷坐惜桐陰匝靜勝

青陽集

卷一

二

境逾清情真道彌合青山夕嵐遠碧樹烟景闡明日挾
勝具惟當候鈴閣

吳江水西寺次克善韻

水西藏古刹依約見遙岑爽氣來朝雨涼雲下午陰靜
參元妙理默契有無心不與郎官共甯知草木深

長洲春雨

東風漲新綠初雨斷復鳴細淹花粉墮斜暈水紋生臺
琴不成弄廊屨俱有聲朝觀思無那白馬烟江明

送白以中參謀之淮西

步出閭闔門飲別上河梁河水日夜流草木春載陽鼓
橐清江濱言至淮楚鄉談兵坐玉帳擊劍歌慨慷廣澤
蔽萑葦四顧何茫茫蒸黎無定居城郭盡荒涼鬪體積
成邱悲風愁白楊豈知耕稼地盡是征戰場向來互吞
噬亦各爲封疆男兒蓬弧舉有志在四方尙念攜手好
悽惻情內傷一言卻秦軍千古有耿光

九日偕張思廉楊孟載徐孟岳三君子登虎邱

招提憑崇岡石壁根空虛躋攀陟層巔歷覽壞劫餘清
商振窮吳爽氣積平蕪雲消初旭吐木落遙峯孤幽潭

青陽集

卷一

三

積水壘修綆斷轆轤劍光欲飛騰神物相有無金精幻
龍虎寒灰沈雁鳧空合弔古人解笑英雄愚况茲良辰
及感我芳情紆戲馬未足樂采菊良以娛不墮參軍幘
甯收方士萸長揖當塗者來與山林俱

贈陸眞士禱雨有應

高田飛埃下蒼耳饑腸吼牛人泣鬼熱雲蟲蟲張牛空
泥蟠老龍鞭不起赤腳道士方瞳子綠章叩天攝天尾
豐隆躍靈隨叱指天公道遺遺三尺水溥爲含靈作歡喜
道士吾知天人爾

咏梅次韻

盈盈冷豔照冬温未信昭君別有村冰雪敢爭天下白
佩環暗反月中魂春前折寄新題句竹外來敲半掩門
認得老坡知已在參差獨與爾黃昏

明 江陰 張 宣 藻仲

送潘仲昭都帥兼守湖州

昭代人才盛明公早冠羣淮壘鍾開氣浙右仰英芬多
 難虧天步奇謀解世紛旌旄分閭外笳鼓動江濱上相
 垂紆眷元戎慎克勤已懷秦晉匹敢後鄭齊勳軍事留
 王粲賢才進伍員謝元終卻敵汲黯每匡君赤縣烏程
 酒青泥碧澗芹竹符兼節制棣萼正交欣劇郡通吳會
 孤城淨楚氛墟烟遙背郭山嶂暗浮雲風壤三州接溪
 青陽集 卷二 一

題蕭山縣尹尹本中吳越兩山亭卷

丹崖青壁不可攀十年飽看江上山江山於人豈寂寞
 我自不留山水間松樓晚飯發漁浦大山西來鳳飛舞
 小山勢走虬龍形半壁峻峭天一柱吳耶越耶山莫知
 兩家強為山作主冥搜遐討興難極白日慘慘雲愁雨

深林雜樹鳥相呼似向江山話今古仰天不見卧薪人

搆兵豈在爭桑女吳宮霜露沾裳衣越王臺榭荆人歸

爾來廢興幾千載空令山水含清暉翠旗金支光閃灑

冉冉靈胥騎白馬飛書下招魂不來洪波連天向空寫

西陵卻買閩門船春風滿眼聞唳鴟千巖空翠生雲烟

再往之計何茫然蕭山郎官好事者作亭名山政閒暇

登高自比古大夫賦成肯落他人下開圖邀我新詩好

每一看山被山惱買魚沽酒辦行纏更約林逋尋賀老

癸卯上巳日侍家君暨履道季迪二公遊虎邱聯

青陽集

卷二

二

句題壁間

坐穩娑羅室行衝薜荔烟履道 輓轡新綆斷睥睨古城

連溝南 禊飲逢今日芳遊憶去年季迪 更須捫膝坐茶

話趙州禪宣 溝南家君號

和季迪擊筑行

被酒兩耳熱壯心不能平自非遊俠子焉知幼眇聲憤

結素鉛起義激黃金輕還將七尺幹博取千秋名

用韻寄沈仲說

道人避世人稀見茅屋多牽薜荔藤無事意行如健鶴

有時跌坐若高僧五株疏柳莊前路一葉歸舟竹外燈
城市黃塵深沒馬幾回夢繞碧山層

題尚仲賓君子堂

把書蟄幽林結構臨修竹永懷山中人愛此堂下綠月
曉散繁陰風秋韻蒼玉何由解塵纓往和淇園曲

送僧遊松江

吳淞一水間茲行豈迢遞青山九點秋村色平若薺種
智得寶珠觀心見清泚濯濯青楊枝百念俱淨洗

送周履道人越

青陽集

卷二

三

與君相見即相師池館春風別此時越絕古城臨碧海
蓬萊高閣聽黃鸝拾遺漫索山人價書記何慚國士知
莫道此行無德色青山是處好題詩

用蒼巖憲使韻贈王真人

冠戴寒星帔翦霞朝燕暮越浩津涯獨騎白鶴朝天闕
盡得青蚨付酒家王烈再來迷石室初平只合住金華
追從我亦非凡骨近學休糧漱井花

答方厓上人所寄

一簾涼月下梧桐憶爾禪房夜話同成佛未隨靈運後

聽秋已向綠陰中何時關塞歸戎馬終古江湖著釣翁
一上南樓增慷慨荒荒千里目難窮上人住平江開元寺有緣陰堂取
韋刺史綠陰生畫靜之句又有聽秋軒

寄朱仲威編修

學省花陰覆苑牆紫霄清切久徜徉雲開輦路通鳩鵲
日射天池集鳳皇朝士只今誰第一故人於我豈尋常
省中每報登聞鼓知有朱雲進諫章

感鄰婦

日月石上老焉能照覆盆可憐東家婦哀聲時一吞將

青陽集

卷二

四

軍豈不仁養士亦有恩失計緣數奇前行鑿凶門甯知
邊頭骨盡是忠義魂妾今止一身又無子與孫婦人不
下堂可上他人門死者已如此何以慰生存

周克復澹泊軒

肉食不自謀生意諒難任即此澹泊趣凝予靜者心開
軒納湖影掃席延清陰適與二三侶池上坐鳴琴

泊水西次韻新仲銘禪師

舫舟直到寺門邊為愛新公文字禪次律前身元有悟
淡成凡骨竟無緣風光秀水留孤刹月色疏鐘敲滿船

結習已空無住本一燈蒲室是真傳仲銘住嘉興水西寺有風光軒取宣宗詩朝廷若問江南事報道風光在水西

寄謝雪坡參政

浴鵠灣頭話別離南風歸棹更遲遲黃梅時節無多雨

安石榴花有幾枝人物升沈天地老江山汗漫古今奇

遙知帷幄論思暇寫得秋香亭上詩

答倪雲林見貽

牀頭敗筆棄如山乞畫題詩去復還道氣看君陵物表

清談許我入元關一舟蕩漾鷗忘慮兩袖低徊鶴妬閑

青陽集 卷二 五

甚欲過從親杖履若為江漢尚多艱

答陳伯昂都事

埤桐垣竹動風枝畫省歸來劔佩移花發紫微星緯逼

漏傳青瑣晝陰遲才名豈向尋常見疎懶空慚一二知

已喜卜鄰纔咫尺抱琴還許坐多時

秋日登白塔有感

馳道秋深鎖翠苔百年身世獨登臺江流不與山相失

潮勢渾疑海併來天目烟雲猶王氣鼎湖弓劔已寒灰

古宮搖落西風後舞鳳飛龍竟不回

玉殿金門閉九重空餘石柱護雙龍神靈跡幻浮圖湧

警蹕聲沈輦路封夜月窮廬歸有夢雲帆滄海去無蹤

西山落日將軍墓樹樹青楓帶慘容

吳江夜泊

風壤三州接江湖一水過虹消滄海兩日落洞庭波羌

笛梅花引吳歛子夜歌從軍古云樂吾意竟如何

石夷門待謝雪坡不至

古戍人何在春程驛尚存竹雞啼樹樹秧馬出村村白

青陽集 卷二 五

雨漫江郭青山對石門謝公遊宿處清興與誰論

再用韻

雞犬隔林聞樵蘇亂後存廟荒人祭樹城遠騎投村山

勢連吳會潮聲到海門幽懷聊可寫時事不須論

武林客舍喜逢鄧思義參軍

十年前事別參卿回首人情幾變更苟或竟辭袁紹去

寂寞獨三三尺劔世間何物是功名

訪張子宜

門前雙樹立牀上一琴橫獨爾無餘事何人有此清
經憎鳥污看鉢待潮生他日同皮陸來尋石上盟

用謝雪坡首句送胡季城之官陽朔

我生不願陽朔簿萬里獨憐君遠行五管西來吳地盡
三湘南繞楚雲平庭深榕葉鶯初歇山簇梅花雪正明
聞道炎荒無瘴癘荔枝須寄別時情

納涼次朱帥君韻

空庭坐待月華生蓮葉吹香到骨清誰把銀箏彈別院
聽來多是斷腸聲

青陽集

卷二

六

池上尋詩遠百迴何須東閣對官梅移牀起看雙飛鶴
定向西山缺處來

贈銅臺李壯士

趙瑟不須彈秦缶且莫扣聽我歌銅臺酌君以銅斗東
髮事遠遊結交盡豪右圯上一編書日夕不去手豈甘
刺客靡不作庸人婦仗劍出里門功名等閒取經楚歷
燕秦流落皆不偶信陵名空在平原骨已朽古人今不
存意氣復何有飄然五湖西濯足洞庭口回首望鄴都
浮雲變蒼狗十年不還鄉鄉人知在否遙將兩行淚灑

向臺前柳尙想歌舞人秋容一壺酒酒酣歌莫哀壯士
真奇才英雄本無主世事如氛埃赤手搏於菟此志心
未灰請君飲銅斗聽我歌銅臺雲飛大風起漢祖安在
哉

止詩一首

我昔喜作詩乳子宵畏虎及觀古時人一字不敢吐吾
志豈不如吾才毋乃魯詩本吟性情反爲性情苦風雲
與月露何有家國補止止且勿吟青山可賓主

送余左司從軍婁江

青陽集

卷二

七

王師江上遠防秋幕下謀臣爾獨優玉帳厭聞河滿子
金錢暗卜大刀頭雷澤水落驚烽火鴻雁雲低拂柁樓
疏嬾自甘巖壑底時於醉裏看吳鉤

至正甲辰夏五宣與何君彥恭袁君魯瞻張君景

玉戰君傳恭凌君彥神張君叔方郁君以文諸

進士凡八人步自胥山訪冷君起敬如此江山

亭時梅雨不出戶者閱月矣適君訪友城南丹

崖青壁悵然者久之遂與諸公謁伍王廟過四

景園坐清暉亭上徘徊吟眺目送江波下上聞

彥恭曰江山不可孤也明當再來明日彥恭傳
恭與予三人偕往起敬款至亭下援琴作三五
弄俾予詠詠之清商出林綠陰晝寂四客相顧
若與世相忘者傳恭有詩彥恭起和宣因賦長
句一首并以寄諸公云

黃梅雨深迷巷陌寸步城南卽相失湖山謾說天下奇
造物似爲人愛惜天公亦復有高趣故遣微雲送纖碧
亂中幽賞頗自快無異鷺鳥凌健翮一峯初入子胥廟
萬室鱗鱗枕其側意行孰知山近遠時有春禽啼格磔

青陽集

卷二

八

孤城百雉忽在望細路古城猶帶驛長空不隔飛鳥渡
海門掩映烟霞色江山如此能幾何明日重尋已陳跡
山靈有約我當往我友便成雲水隔琴中仙人出款門
揮手一彈驚霹靂嗟予好音苦未造觸處要聽差賞適
有如作者不善書奇字能如我能識宦情於人本無味
況乃低頭受羈勒便須速辦買山錢來與琴仙作鄰客

和傳恭山長韻

一雨欣眾綠積陰滿空山素懷出塵想到此欲無還請
萬眺名城依依俯人寰未窮四五登頗覺厭躋攀鳴禽

谷變夏谷鳥猶聞關清風湖上來松林起幽彈心隨白
雲去興逐孤征翰焦琴答澗響舊曲無新散疾商轉春
温五月空谷寒初聆神宇全再鼓清商肝竟日已延趣
佳賞殊未闕往事倏如此後來奚永嘆長揖山中人臨
流漱微湫

題如此江山亭

石滑巖前雨泉香樹杪風江山無限景都聚一亭中

盛子昭春溪漁意圖

石齒漱寒瀨橘花消晚林雲寒覺山近魚泳知淵深境

青陽集

卷二

九

勝跡難邁披圖有遐心

爲周堽生畫小景

秋水碧千里夕陽紅半山野人憐晚色小立不知還

關山雨雪圖

關山雪密灑關山道胡雁拂寒雲秦馬依宿草雪落何

紛紛北風愁殺人江水幾萬里欲歸道無因

送張叔方之會闈

遠挾鄉書上九天眾中楊葉竟能穿客車凍合黃河水

宮樹晴分太液烟柱下自當膺首選殿頭還喜聽盧傳

看花走馬長安道好向春風緩著鞭

食橘與唐肅處敬聯句

璇樞委靈光荆土產嘉植葳蕤翠葉繁肅的礫瑤葩拆

濃霜雨露恩宣厚萃風霜力佳實紛秋枝肅凝寒變朝

色明垂麗水金宣價重崑山璧累累曜晴暎肅慘慘映

餘碧薄采登芳筵宣新餐薦醅醒手開香霧披肅齒澗

瓊漿滴味出洞庭甘宣品陋瑤池白濟物慕蘇耽肅奉

親思陸績既合唐苑歡宣復賞嶺南植木奴號千頭肅

尺素題三百歷包有客知宣益破無仙弈分嘗不辭多

青陽集

卷二

十

蕭累獻欣有得青梨孰敢儔宣赤棗詎能匹於焉爽枯

腸肅謾此破愁臆揮毫共摘詞庶免慚素食宣

題趙魏公畫馬贈張伯宏之錢清鹽司令

蘭筋束骨晶瑩日俯見驂騑出天育何年霹靂起龍池

五花一團雲霧綠霜啼脫兔千里速暫與款段相馳逐

騰空奮鬣會有時知爾鹽車非久服

送馬仲良司丞十韻

使者恭天命欣聞共拜嘉一官名甚籍八品秩仍加敵

已歸旋凱民猶毒捕蛇紫微蘭省舊喬木世臣家赤子

彌滄海青衫映碧沙朔南聲教暨湖汐去來賒夜榜聞

魚筍春田動柳畚清風劉寵廟遺恨伍員車北幹停行

騎西陵落暮笳村村歸化育轉轉易咨嗟

送遂子敬宣使還武林

故人省署輕相別舊約湖山願不違南渡衣冠仍濟濟

北來戎馬正騑駼薇花夜冷香渾涇柿葉秋深樹半稀

臣族如今能有幾未應久著使臣衣

為謝伯理同知題畫

夙抱邱壑尚永懷謝幼輿披圖起遐思雅意與之俱湖

青陽集

卷二

十一

陰生綺窗松花落衣裾吳淞有清賞招彼天隨徒

林屋館留題

區區東南浸日與青天流洞庭諸名山宛在水中洲霞

霓白玉京雲構黃金樓陽阿積珍木輻輳枝相樛仙人

袂去來環珮鏘鳴球逝欲往從之四山澹以秋安期不

可即長年慕浮邱

青陽集卷三

栗香室叢書

明 江陰 張 宣 藻仲

雜詩二首

維南有佳人嬋娟好容儀蛾眉豔素秋鬢髮若雲垂十
五不下堂二十猶在閨時時覽青銅惜此絕代姿勿惜
絕代姿世豈無良媒

良媒愛妾色不知愛妾心知心可同老愛色徒荒淫灼
灼芙蓉花弄影滄波深秋風振庭柯落葉何蕭森懷哉
梁伯鸞千古為知音

青陽集

卷三

一

呈楊山居總管

蚤侍文皇上玉京山居親賜榻前名兩朝遷秩經綸舊
今代崇文眷遇榮未許次山稱漫叟要畱安石慰蒼生
旌麾出守嚴陵日西浙惟存此一城

染絲行

吳蠶吐絲白於銀染絲上機顏色新往來拋梭不停手
及時花樣隨他人以色媚人人見喜不惜蘭房勞玉指
莎雞弔月鶻夜鳴杼柚咿啞淚如水明日彤庭保功賞
翰官不得虧銖兩績庶成布自可衣染絲莫上寒女機

丹崖有長松

丹崖有長松輪囷不知年風霜飽鍾毓萬牛挽莫前西
來一黃鶴引子巢其顛毳毼毛羽日夕相迴旋不鳴
亦不蜚飲啄皆充然逸翮養已就振迅凌風烟黃鶴一
何高燕雀徒翩翩

送章東原北遊

織女守寒機耕夫守寒犁壯士出里門焉用詰所之我
馬色不驚我車已載脂月出霧露黃長風起無時河水
北湯湯太行高遠行無程紀辛苦安足辭不辭辛

青陽集

卷三

二

苦行寸心終為誰

擣衣篇

擣衣復擣衣中夜不得息忽驚鴻雁來遠念征人役淚
隨雙杵落汚卻衣顏色霜寒聲轉悲杵重傷臂力百金
願買劔碎此擣衣石

趙景明詠少陵李白一斗詩百篇句飲子過醉戲

成五言

請以一斗酒酬君詩百篇我非謫仙人自許酒中仙清
者既云聖濁者乃為賢春風正相宜笑對山花妍捉月

采石江聽鶯上林邊呼來見天子玉色錦袍鮮
世英不在貞觀前古人不可見今人空自憐

謝張雲門惠墨竹歌

太常先生官事閒時時寫竹三四竿就中一幅意所到
故使卷贈山人看山人書畫何曾識強向人前弄筆墨
此君更覺與相親筆下無神摹不得長身耿耿霜枝垂
蒼龍倒影雲漢迷玉簫無聲佩環冷彷彿瑤臺夜月歸
黃金錯刀交屈鐵石上珊瑚寶斂折不知何處起秋聲
滿地清陰落蒼雪古來誰爲竹寫真吳生墨妙乃其神

青陽集

卷三

三

輞川千年草木死開元石刻爲世珍清貧太守飽千畝
此竹此人甯復有先生挹袂拍其肩高趙以來無此手
古人乃見今人中今人還有古人風經營慘淡出象外
肯以形似求妍工空齋四壁秋如水坐對恍然巖壑底
天寒翠袖倚佳人日落黃陵愁帝子瀟湘洞庭空復情
此君與我俱忘形雪霜凌兢不改操唯應歲晚事先生

錫山道中

風起晚淚淒愁雲墮欲低近人山鬼泣當路竹雞啼百
里無烟火荒城只鼓鼙故園楓樹外歸夢遶梁溪

春詞

楊花點點上人衣小鳳樓頭燕子歸總有閒情消不得
春風半面識崔微

贈數學陳通殿人吳

青囊曾授不傳書偶向澄川掌擊壺太古以前無甲子
先天之後有堯夫推詳直欲談元奧出處真能與道俱
明日蒲帆南浦闊高臺麋鹿弔姑蘇

聞笛

羌笛悲清夜天高白露晞不知秋塞上夢裏幾人歸

青陽集

卷三

四

送洪士賢還鳴鶴山

鶴影半橫池上蟬聲初罷林閒惆悵東皋芳草故人明
日南山

送芑上人

上人虎邱住日夕臨劔池炯如摩尼珠性照光陸離叢
林歲臘長故國霜露滋袈裟映初日徧禮天人師自緣
締方外因之勞遠思

題王冕畫梅二首

和雲折得江南信枝上蒼苔古意多明日春風誰約束

休教飛近綠雙蛾

百千萬千春何後二十四番風最先猶記西湖相見日
孤山山下小橋邊

贈醫士羅誠之

上池有秘術可以瘡齊侯齊侯不信疾此藥非所投乃
知秦越人未若韓伯休賣藥長安中善價不二求寄言
山林士歲晏聊淹留

題明妃上馬圖

馬上修容善嘔笑和戎曾受君王詔不辭萬里赴烟沙

青陽集

卷三

五

呼韓反側那能料白雪元冰秋草死寒月窮廬影相用
欲託鴟絃寫情懷無復長門舊音調憶別椒闈出鳳樓
六宮盡為官家羞黃金不買丹青筆畱鑄前朝建信侯

讀張貞居詩

茅公壇下舊題詩黃篋樓頭看月時骨蛻潛飛靈石洞
詩碑清洗雪蕉池赤松謾說畱侯伴黃石誰知帝者師
白鶴歸來作人語幻仙還把姓名遺

為鄉友題畫

揚子風烟晚春申水木秋江山如畫好行客未歸休

送何伯大入京

曳裾不入五侯家遠上滄江奉使桂南詔瘡痕渾未醒
中原事業竟堪嗟鳳城曉日鳴珂玉璫帳秋風拂劔花
萬一朝廷拾遺闕且容楚子折疏麻

贈相士

桂叢始華香滿院烝然有客來相見自言幼讀許負書
爛爛雙瞳炯巖電瞪子丰采誇再三昔何夔屈今豹變
窮官得之談笑頃不用文場苦塵戰人生所貴能自知
我嘗鏡中見吾面兩頰赤色耳無輪齷齪低頭甘鄙賤

青陽集

卷三

六

縱如眉目差疏秀已分半生食破硯長吟抱膝倚青天
看盡投林飛鳥倦封侯骨相豈不殊飛虎頭顱加領燕
撥灰煨芋且勿言門外秋江淨如練

雙蓮卷為沈秋淵題

所居扁小瀛洲

鴛鴦夢斷芙蓉浦解佩分明別時語香魂不逐春雲歸
蓮花也作雙頭吐娟娟出水門新粧整整搖風初學舞
只愁涼露浥紅衣零落殘芳滿秋渚花間羽人骨已仙
氣和瑞應非偶然有兄有弟不自憐小瀛洲看雙頭蓮

題潘以仁城南小隱

小向城南隱非關與世違竹光侵研席山翠落琴衣野
老偏來數時人得見稀門前溪似玉穩著釣魚磯

六月

六月苦無雨兵戈況未休田皆龜兆圻人有鵠形憂火
井惟增熾泉池竟不流天瓢如可借嗟嘆變歌謳

賦蟾蜍水滴

何處飛來月窟妖翠光落几瑩銅膏吸將天上銀河水
溼透人間玉兔豪三寸爬沙臨墨沼一心傾寫助文瀟
會當攀桂凌風去攜爾還歸玉殿高

青陽集

卷三

七

逢烜上人

烜吾同里人受業乾明
禪寺宣嘗讀書其中

乾明佛宮古道場中有張子讀書堂天香濃薰白蔞菊
風鐸暗語金頂璫當時聽法蹴龍象只今在邑憂豺狼
別師十載一見覓三生石上母相忘

題淵明歸去來圖

司馬河山半屬劉黃花應笑不歸休柴門三徑依然在
東帶何須見督郵

掬清亭爲謝伯理賦

聞尋此地數相過坐挹南湖爽氣多仙掌露寒凌巖景

天瓢水滿瀉銀河臨流雅稱淵明賦濯足能容孺子歌
不是主翁清可掬烟波如此一亭何

寄唐處敬

雨歇澹野姿目送西山岑故人百里外滄海十年心舟
搖落花晚鳥度空烟深卽此成旅泊悵然懷德音

送邱宗岱之嘉禾兼簡本中縣尹

秋思離離不可云一杯馬首惜臨分交遊自小誰如我
文定諸孫獨見君樹擁寒潮青帶月山留古寺白藏雲
秀州風物依然在況是如今令尹文

青陽集

卷三

八

題周履道畫扇

醉來西澗尋竹夢裏南湖看山我愛子猷清興君居伯
仲之間

巖氏五老圖歌

燕山莫誇丹桂芳馬氏休說白眉良春風堂上五兄弟
誰似慈溪老人之樂康老人家住溪之澚吳越掌書乃
其祖瓜瓞如今四百年同居同一母大兄鶴髮八
十餘小弟稀年雪鬢生來不識兵與革傳家只有詩
與書一門聚食二千指芝蘭玉樹森相倚舊聞太史傳

耆英近者旌書表閭里門前喬木生孫枝曾記君家種
德時故知孝友天所畀尺布斗粟嗟何爲上堂拜君壽
君酒圖中更睹龐眉叟幅巾野服鴻雁行洛社香山未
曾有老人老人和氣鍾藹然坐我春風中願言後來好
孫子勿替同居五老翁

宿穹隆寺次韻王梧溪

共宿禪房靜添香過夜分樓臺天上見鐘鼓月中聞樹
暗常疑雨山高不礙雲還參老衲子燈下說經文

題沈秋淵小瀛洲

青陽集

卷三

九

羽人我夢仍丹邱冷風乃得小瀛洲蓬萊水清一萬里
蟠桃子熟三千秋雷丁未發著書祕海鶴解知吹笛愁
琅玕芝草如可掇汗漫有意同遨遊

題錢叔昂美人圖

繡幃乍出歛秋波花下盈盈小翠娥一曲春愁誰喚醒
雪毛鸚鵡隔簾歌

訪渭清遠先一日還道場山

鳥道晴穿一徑松尋師來此最高峯上船祇隔日先後
飛錫又過雲幾重山水窟中看不足北南派裏話分宗

幾時衣上金陵月歸聽龍翔半夜鐘

過沈仲瞻

黃蘆深處足烟霞羨爾東陽隱者家寒井洗瓢分石髓
雲房呼火試丹砂囊盛肘後芝如草春滿林間橘有花
亦欲相從此中隱溪頭時許飯胡麻

送僧之富春

深院竹池雨空林蘿逕烟僧歸初話別客醉似逃禪雲
氣承行屐楊花灑泊船依依富春郭山水望中妍

劉庸道提學別去十年慈谿得所寄詩爲子父子

青陽集

卷三

十

感懷述舊次韻叙答兼懷唐丹厓云

劉君劉君古君子小隱文溪巖谷裏論交憶過丹厓生
越王城中相見始越王城上烏啼時山陰送君遠別離
春風十見楊柳綠每歌伐木停雲辭皇岡書來說初見
丈夫豈爲鄉土戀萬里從師慕遠遊知有奇才羞自獻
同時朋舊誰有無按劍獨惜投明珠林泉歸來計非晚
司馬本是山澤臞儒臺間作閩闕客不道能爲武林役
丹荔花開瘴雨寒青榕葉暗蠻烟隔我畱浙水東西州
不事于謁今諸侯風雲倏忽天地改側身西望征人憂

揭來四明山水國南山之南北山北蒼茫起讀寄來篇
恰似相逢話行色十載人間事幾多人生如此別離何
文谿慈谿二十里扁舟須權白鷗波阿爹昨日偶出郭
相逐浮雲渡谿壑對君今昔父子情山水於人未寥落
愁邊失喜不能持故交還勝新相知越王臺空江水遠
何由一寄丹厓詩

次韻答倪雲林

早向明時賦隱居烟霞泉石是新除鄰翁結社長攜酒
艇子浮家只載書水滿陸亭逢射鴨草荒吳苑嘆蒸魚

青陽集

卷三

十一

空齋小筆溪山樣蒼石庚庚樹影疏

三先生輓詩

蘇編修昌齡

遺編三嘆古希聲分得乾坤一氣清天上古人俱告老
江南小子盡知名瓊花后土醒春夢夜月空梁黯舊情
地下修文書正朔也知不獨晉淵明

鄭廣文明德

名落人間五十年春風坐老廣文瓊酒錢時送蘇司業
飯顆曾逢李謫仙館閣有才羞自薦文章無業賴兒傳

括蒼古柏長松下有道何人表墓田

成處士居竹

獨攜詩卷下吳淞皮陸以來無此翁老子江湖空白髮
故人臺閣自清風看春往往花間約賞靜時時竹下同
蒼舊只今淪落盡平山山色有無中

題墨梅

飄飄姑射仙冰霜不改節難禁夜來寒相看面如鐵

答彥麟雨中見懷

雁鳩啼歇對初霖掃地燒香淨客心花落不知春已去

青陽集

卷三

十二

日長惟有睡相尋入林看筍防鞵溼綠澗探泉覺發深
三月沙頭舟過我可堪相憶在鳴琴

胡宗器復印歌

胡君私印蓄四五冶工冶銅制復古款文不離鼎與鐘
傳得吾邱三十五連環鎖鈕形各異琢玉追朱室可數
蠶鳥交橫玉筋斜蛟螭盤擊猛踞俯一朝佩向虞江澗
到處題詩滿繖楮歸來惆悵憶空函幾度醉捫腰下組
故人得之自我伍故人見之知某甫囊盛印遣送山房
何異明珠還合浦胡君能文爭快睹姓字久爲詩所許

君不聞吏人盜印中書府裴公不驚歸故所我今寫作
復印詞爲續後來金石譜

寄柳仲修

執別經年信杳然剡溪爲縣喜曾傳知幾謾有秋風客
乘興能無雪夜船竹裏青山官舍小花前早蓋長公賢
諫君留得誠懸筆寫到黃庭第幾篇

爲吳可大題畫

雜樹叢叢倚澗阿披雲小憩石坡陀清談不及當時事
松自鳴琴鳥自歌

清陽集

卷五

十一

獨立

牽牛開遍野牆頭獨立花前起暮愁絡緯啼時涼雨歇
小簷初送木棉裘

送張德常之官

出佐雲間郡天清一鶴隨下車詢父老行縣示威儀禾
黍秋連野牛羊晚卧籬當今循吏傳吾以兩龔期

賦鶴亭

隱居魚鳥總忘情野鶴新亭舊結盟幾度聽來松下立
有時領向竹間行喚回赤壁仙人夢長伴孤山處士清

更借牀頭蒼玉佩與君彈出九臬聲

清陽集

卷三

十四

青陽集卷四

栗香室叢書

明 江陰 張 宣 藻 仲

遊四明山

野人放浪山水情小弄瀛海遊四明半空不見日光射
中夜起聽天雞鳴松風卷濤出萬壑耳邊無處無秋聲
綠蘿碧澗月欲上淡烟遠岫天低橫山中招隱者誰子
相看擬和遊仙行山川奇絕境復清秀色可攬難爲名
安得仙人衛叔卿身騎白鹿來下迎因之一笑白雲裏
授我寶訣教長生

青陽集

卷四

吳江禪菴次壁間韻

松陵遊望處依約見微岑遠浦歸帆小荒菴閉戶深水
風雙激岸雲日半平林更覓天隨侶來酬襲美吟

題焦任道繡毬白鵬

縞衣春日戲花間野鶴沙鷗意共問不用買來雙白璧
便須籠贈野人還

爲復見心題豫章山房

劔江寺裏多年樹縱是榱桷不足鄰拔地巧能遮梵宇
種時已說自唐人翠停車蓋纜千尺花落經牀又一春

畫靜綠陰盤石上坐深禪院指輪囷

題蒲菴

織屨編蒲欲養親結菴慈水寄閒身青青澗底香蘋采
獵獵風前翠可紉寸草心如東野孟叢林人擬睦州陳
兵塵無奈音書隔一望西江淚滿巾

送許穆從遊孫江濱

澄江自古稱多士牆東老人老已死斯文潦倒屈未伸
力障狂瀾有孫子河汾講道身去隋天隨著書常苦饑
先生有才才不施後千百載今其誰聞說年來居秀水

青陽集

卷四

十一

兵革蹉跎及暮齒君山草樹未荒涼胡不遊歸教鄉里
送生從師宜勉旃古人未必無師傳絳帳日暖絃誦好
時從許穆話張宣

種茄次韻劉唐道

茄秧新種一株株種好還知味更腴土潤花多應早結
雨傷根淺每教扶紫瓜貴入隋皇譜白莧清兼太守厨
木柄長鑿真可託不妨題作灌園圖

登秦住山寄學仙者

湖飲蘆川水暮登秦住山仙人白雲中乘風去無還上

有五色芝服食駐容顏
吾將鍊金景舉臂於其間
求之不可得心與雲俱閒

寄楊彥常提學

聞道秋來不出門
眼中人事自紛紛
儒臺慣食公田祿
墓石多爲處士文
塾裏書聲山帶鄖
窗前帆影水通鄞
未歸遺憶狂遊客
猶向東皋卧白雲

嘲倪雲林

平生避俗如避讎
懶瓚先生筆倦投
清閨閣中無長物
秋梢數葉雨蕭颼

青陽集

卷四

三

孫原理徵畫雲山因題

高人愛青山慣與山爲眞
山靈亦笑客久作山中人
當時竊笑濫巾者何用迴轅
此山下乃知學士焚銀魚始
覺雲山不負予

慈谿清道觀次韻楊彥常提學

坐穩列仙館行窳深澗隈
陰壑生晝寒石門倚空開
梧竹蔭層軒烟霞睇高臺
樵歌隔林起樹杪歸帆來
小憩異喧寂既別仍迢迢
浮雲萬里心落日遊子哀
卜居倘可遂爲我誅榛萊

詠盤竹得涼字

一規蒼玉盎中有小篔簹
鶴頂迎風弱龍芽破蘚長
低翻硯影裊裊駐爐香
何必王猷徑秋雲萬頃涼

寄祚上人

大梅山裏多年住身是常師
未可知麻線竹針皆悟法
松花荷葉總成詩一燈曾聽
東皋話三觀毋忘淨土期
定起不知鐘磬晚白雲如雪
度窗遲

題紅梅

睡起紅雲一樹迷冷香先已到
屏帷東風似惜燕脂色

青陽集

卷四

四

玉笛枝頭緩緩吹

題趙仲穆挾彈圖

太液池頭草已深
王孫駐馬正沈吟
彈丸若過春城去
畱著黃鸝伴綠陰

問訊郁長老

題詩問訊老西堂
久住梅峯佛道場
臺殿千年仍紺碧
松杉四面幾青黃
虎存高冢吟秋館
龍出清溪夢故鄉
自笑前生曾習定
山中肯爲借雲牀

贈鐵筆屠宗哲

秦灰已冷文字滅嶧山火焚石鼓烈跨斯肩猶復何人
漢隸唐分競殊劣若人筆力森積鐵屋兩漏痕釵股折
燕京死卻茅紹之四明乃遇屠宗哲亭前墨妙聲登登
野客海鄉歸未能預拂懸崖一片石要須元結頌中興

題溪山雪霽圖

元冥返頽雲積雪山欲倒千峯炫寒玉萬壑絢晴縞凍
鳥萃枯蘋江波漫浩浩以茲清絕地彷彿山陰道奇言
策蹇翁著我極幽討

怪石

青陽集

卷四

五

怪石當軒檻苔花次第侵甯知太古色正似野人心欲
雨生微潤撐空礙薄陰晨昏愜幽賞城市即山林

贈解上人

至正丙午冬同知吉安路事劉野先以使事自
膠東航海入廣舟次萊洋而厄於風同舟百餘
人幾不能保劉默禱觀音大士乞誓爲僧已而
感格善達四明明年正月剃度於定水禪寺禮
見心和尙爲師易名曇解字東後云

選佛誰能復選官迷川黃後渡非難舊存朝帶橫金荔

新受田衣染木蘭舍利有光侵曉拜貝多無葉逐時看
因師共說西來意亦欲將心與一安

與慈邑諸公會宿茅甫生駐鶴樓以山中一夜雨

樹杪百重泉爲韻得夜字

白水冒平田積陰過初夏風雨招友生琴樽相慰藉飛
梯倚孤撐連峯競迥迤晦冥巖壑變空翠林木亞疏烟
截山光微月露天罅僧鐘隔遠寺漁火候歸舍鶴影渚
雲迷風聲瀾泉罷投跡山水邦脫身紛俗駕久忘簪組
累不待休沐暇飲甘心爲壯時危氣逾下佳會不再期

青陽集

卷四

六

茲遊偶來乍雞鳴起營營莫忘永清夜

送張子溥通判

萬里觀光一日還瘴烟霧雨入闔關馬蹄踏遍中原草
不道相逢看越山

宿潤上人山房

獨尋招提深愛此林壑美逍遙對支公霏談愜人耳梵
放石巖前天香松逕裏疏鐘隔烟來孤笛吹月起夜禪
山更空世故心已委遊觀澹忘歸雅趣本如此

溪上

碧漲小溪初過雨香吹初稻午時花白沙翠竹經行處
茅屋江村八九家

北禪寺次韻醉樵雲門二公壁間倡和詩

重來予豈後同賦客何先機捷前三語心清不二禪竹
涼青帶露溪晚白生烟寂寞鷗波闊荒山泣杜鵑

酉五磊山中聞吳主一都事來慈谿風雨不果往

見詩以寄情

走也十七八越中稱先生雄姿挺人傑逸氣秋崢嶸論
交許忘年遂得開尊旨文字每過從金石聲琤瑋賓客

青陽集

卷四

七

日填委曾不倦送迎袖中出卷軸一一求姓名連篇寫
章草豈待用意成誰憐經世才獨以詩文鳴別來既已
久悵憶人中英東吳復南越幾見烽火驚當時交遊者
半作公與卿君心負忠義義重爵祿輕今年別慈谿知
隱湖東城相去無百里不能寄一聲東湖有斯人轉覺
山水清讀君東湖詩身在東湖行五峯勢參天九曲半
日程空山絕人跡落日荒烟橫聞有溪上遊重懷越中
盟布鞵欲下山風雨變晦明相思今愈切恍蕩搖心旌
蹉跎兵塵際況是難合并題詩聊自慰寫此別後情終

當候顏色肝膽爲之傾

黃筌古木鷓鴣爲王子昭賦

格磔鉤朝不住呼湘江暮雨淡烟蕪春山何處無啼鳥
自是行人怨鷓鴣

爲舟上人題聽松樓

我昔看山遊四明二十里風松下行高枝低枝不見日
千葉萬葉皆有聲阿師聽松結樓子雨沐風晞翠如洗
不知兩耳松聲來還復松聲從耳起吹烟出甌挾苓香
白雲滿庭秋滿裳何日六根俱洗淨歸來得與同徜徉

青陽集

卷四

八

喜雨美吳知州

五月天無雨青秧未可移始看甘澤注便似有秋期社
鼓迎田畝椒漿賽水祠功歸賢太守志喜爲裁詩

題艾宣蘆雁圖

漠漠寒沙雁秋來各有羣片雲殘影度斜月數聲聞聚
飲時無失知更夜欲分上林消息斷愁殺漢將軍

題孫彥和映雪齋

吾伊聲裏白漫漫獨做齋居興未闌光射琴樽初入夜
夢回霄漢不知寒案頭絕勝囊螢對艇子渾疑帶月看

東郭先生定相訪洛陽縣令底須干

喜李楚材至自嚴陵

一千里外兩飄零十一年前好弟兄相見不須論別事
故人誰死與誰生

醉簡楚材

江海相望二十春角巾迎笑說風塵酒錢遮莫牀頭盡
滿眼如君有幾人

題許士雍翠紫丹房

許卿妙丹法乃自至人授山房吐神光紫翠騰白晝七

青陽集

卷四

九

返身已經九轉功迺就氣升龍虎交爐存坎離媾心遊

太極先學究義軒後久服令人仙既服令人壽綿綿中
夜存一氣充宇宙奚必注參同何須問句漏求之非有
方練之亦無候金景如可攀吾將一來叩

簡惠子及

衡門春悄下書帷近住祇園也自宜西圃雨來逢甲子
東風花發到辛夷丹鉛在手方論易清苦因君卻論詩
黃歇家山猶未老幅巾藜杖以爲期

次韻太湖觀丘

波浪接天浮觀兵湖上頭戍烟雞破曉驛雨雁沈秋林
屋青西映吳淞碧左流柁樓公事了詩酒足相酬

過孫原直

鶯啼遠林曙霧散澄江碧移石近叢筠高堂坐來寂

寄沈仲瞻二首

花間呼妓飲竹下與孫基幾度空相憶重尋未有期山
深聞事少家遠寄書遲青草俞塘路橋邊送別時

爲報平安信雲山萬疊中數家梅子雨五月麥秋風海

市魚堆白沙田飯煮紅白綠無別事隨處著詩筒

青陽集

卷四

十

過壽蒼山禪菴

我愛蒼山師屹然雄眾峯蒼蒼古鬚眉謂是僧中龍九
山白雲居茅屋三四重屋後自流水屋前自青松天香
遶旃檀禪榻春溶溶何當石頭路杖藜數相從

送芭元實住定水

兩浙東西水一乘南北宗望雲成遠別經歲一相逢入
寺天香滿開窗樹影重舊時題石上爲剝紫苔封

馬沙口號

寒驢馱醉過西沙港口潮來喚踏車望隔江城雲樹近

寺橫東畔是吾家

畫梧石

琴張罷瑤席鶴夢失宵警涼月下前除照見梧桐影

別呂伯庸之吳興

別來聞說住湖州得與閒僧結勝遊故國只今還好在

可人何不賦歸休酒逢簪下家家熟山到吳興處處幽

後夜相思清夢遠菱歌漁唱起新愁

和劉小齋述懷二十四韻

愛山居谷口嗜酒釀牀頭髻推青堪畫坼浮白可簞杜

青陽集

卷四

七

門身倦出謝俗刺慵修越水容狂客秦陵識故侯密藏

時弗售靜習道為謀久聽亭前鶴俄移浦上舟賦歸仍

粟里營老乃菟裘杖倚扶筇竹枰攜對弈楸圖書聊用

遣軒冕恐貽憂細閱升沈理真成起滅漚眾方雜混鷺

名或馬呼牛論議輕餘子聲華隘九州肯令兒輩覺已

分此生休漫築商巖杵虛垂渭水鉤搖搖心獨苦種種

髮驚秋隱處鄰仙館招尋得羽流思超橫野鶴情逐泛

波鷗桑梓敦新好兵塵感舊遊刀圭深所祕疾疢不離

瘳忝竊通家契追從夙願酬賈生徒太息虞氏豈窮愁

樽散知何補巢居亦漸鳩似公能汲引於我匪朋儔倚
許陪朝夕誰云限阻悠

偶題

采石開新徑穿渠引細流午香初浴罷荷葉數聲秋

野步簡章景序

野步延暝色數點松上雨風泉滿幽聽雲山澹谷與非

君數托過誰與成晤語

送鄭希本還徽州

從親南國久為官話別江城歲欲闌三百灘聲流月色

青陽集

卷四

十二

青山多處是新安

溪上偶興

丹楓血染霜前樹回首千山萬山暮水亭隱映隔江村

茅屋幾家山下住長風吹落松際雲笑倚青天數歸鷺

魚歌樵唱下平蕪秋色茫茫不知處

林西玉血書華嚴經報母

上人苦行滅根塵曾作華嚴會上人指血盡成功德水

親恩難報去來身天香圍繞神龍護金色光明字畫勻

鹿野拔提無一語始知經教總非真

青陽集後序

青陽集向無刊本曩閱澄江詩選獲見哀李士龍將軍辭及染絲行等作十餘首心竊好之欲求其全書不可得後聞祝悟斯家有趙敬夫先生手鈔本亟往借觀乃自乾隆甲辰據其門下士夏君朝楷所藏江陰文獻錄繕成者也敬夫先生博極羣書篤嗜古學猶未悉文獻錄爲何人所輯惟懼其久而失傳也爲校正而備錄之先生之用心可謂勤矣顧其中眞贗雜收間有率爾應酬之作特加釐訂不使魚目混珠庶臻完善按舊序稱

青陽集後序

是集成於至正年間藻仲甫及冠耳許伯清謂其古體語多警絕歌行頗見才思而律則始振唐音使天假之年未有涯埃斯言豈不諒哉當藻仲少時卽爲楊山居鐵厓二公所知而高季迪唐處敬諸公又特相契重吾江自許北郭而後能以詩名者藻仲稱巨擘焉獨其以弱冠之年造詣已能至此豈非夙悟神解有大過人者乎明興之初嘗見知於太祖徵入史局授翰林院編修奉詔歸娶後以坐事謫濠道卒此數年間紀恩應制之章行役憂傷之作當不知其幾何帙也然而無一存者

蓋當時禁已甚嚴或後人不克守其遺藁遂致湮沒而不彰也則是集不尤堪寶貴也哉道光著雍困敦之歲如月既望後學周仲簡謹識

青陽集後序

二

送張吳縣之官嘉定賦得採蓮涇

吳娃蕩蘭漿採蓮戲綠波蓄心畱翠房低頭避高荷採蓮不見藕刺傷將奈何使君善爲政聽我採蓮歌

張名德常金壇人見鐵網珊瑚卷八 勤邦注

春草堂詩

青青堂前草雨露日已滋微風一相過眾葉何紛披彼堂中人娛養方在茲其其生意足藹藹春暉遲草榮倏以萎母恩何時衰嗟爾孝子心不爲寒暑移忘憂豈

無萱愛日亦有葵羅生滿庭階擊玩足自怡奉觴以爲壽百年以爲期我歌春草篇爲續節婦詩

溫陵陳思恭早以海賈溺死配莊氏以貞節著聞其

子寶生字彥廉僑寓吳郡之東倉築堂奉其母來居

取唐孟貞曜遊子詩語扁其堂曰春草一時名士均

有吟咏見鐵網珊瑚卷九 勤邦注

感興

天下竟如何陽微氣少和南冠瞻北斗吳女解淮歌鄰壤青猶燧江流白自波古來經畧事不在殺傷多

感事

七載五逢兵飄零尙越城江山非故國父老總歸情青認烽烟熟紅看戰血生永懷愁不寐學舞待鷄鳴不計世事那能料吾生亦苟全干戈隨處見殺伐庶人專家遠書遲得秋清夢未圓夜涼山郭雨吹落樹頭泉心是傷歸切風傳鼓角悲長城眞自壞大厦竟誰支百感生良夜三軍哭此時蒼茫秋色老何處托幽期

寄許如心

知君學隱淪結屋泖湖濱別後全無信書來又隔春沙

明鷗鳥亂草長鹿麋馴紅杏栽千樹人言藥有神

以上五詩見江陰詩粹 勤邦注

遊蘭亭

猗蘭山之亭稷集來羣彥疊疊霏清談我我璨星弁雖無歌舞懼雅調鳴琴薦林壑斂陰霾旭日黃鸝轉新綠送微涼殘紅綴餘戀緬思晉衣冠于焉於越何屈曲水尚流羽觴隨宛轉逝者固如斯隙光掣飛電今人不行樂古人邈可見

題惠子及蓬窩

東吳名都會華構鬱岩堦之人卜幽隱而乃蔭白茅謂
是天地間轉蓬隨風飄經營豈無念所樂非所要故家
輪奐美喬木江之泉層城入楚炬回首山岳焦容膝乃
易安養拙若有操栖隨所遇高咏姬與姚雖云謝薄
俗時赴桑梓招緬懷樽巢居反愧土木勞我無屨眉感
我亦非蓬蒿願陪館下士爲解揚雄嘲

孤鳳吟

梧桐生高岡枝葉苑成林上有孤飛鳳結巢在其陰毛
羽爛五采噉噉鳴好音虞舜去已遠王風邈難尋來儀

青陽集

補遺

三

苟非時亦何異凡禽武祥按明詩綜亦選此首
刪去兩韻今照詩綜錄

新春和沈仲瞻述懷

巖扉坐無賴獻歲屬茲辰正襟味道腴斂息見天真逐
逐雲物煖欣欣草樹新豈不感時節過隙悲晨昏窮亦
不足慨達亦何所欣

白楊怨

白楊蕭蕭石獸蹲樵者言是錢王墳故宮衰草已寂寞
慘雨淒風山下村舊時英雄在何許寒食不聞祭子孫
東西墓頭多白紙恨不生前細家死

劉寵廟

漠漠寒雲淡淡烟清風遺廟立江邊野人不解循良意
猶向空梁列紙錢

乙巳蘇臺檢歷

歷歷山河景象新紀年仍喜見王春無情數幅青臺紙
今夜明朝老得人

題和靖觀梅圖

放鶴歸來獨杖藜孤山風雪意淒迷梅花一落先生手
二百餘年不敢題

青陽集

補遺

四

以上八詩見江陰詩粹續選勤邦注

送胡季城之官陽朔

桂林南望八千里陽朔郵程又在西峒峒皆爲伶佬住
山山惟有鷓鴣啼天垂海國鄉關遠雪壓江城草樹低
恨不從君拜虞舜日窮閭闔意淒迷

右一首見明詩綜又見江上詩鈔武祥按此集卷二

已有送胡季城之官陽朔詩江上詩鈔此詩題下有

代陳壽亭作五字自不可刪

跋

有明一代吾鄉詩人以藻仲先生爲最著李申者太夫子嘗亟稱之惜未鏤板故世不多見自遭寇亂余家所有青陽集暨先伯祖所藏江陰文獻錄遺失無存近始借得一本乃趙敬夫先生據文獻錄繕成而周洋謨先生重加釐訂者也吾家故物一旦歸來不禁爲之狂喜亟錄一本儲諸篋衍錄竟又蒐得古今體詩一十五首附於後不敢與前賢定本相混也光緒丙戌人日邑後學夏勤邦識

青陽集

跋

一

靜居集

丙辰冬月
壬午昌禔廬

欽定四庫全書總目卷一百六十八 集部 別集類

靜居集四卷 浙江巡撫
採進本

明張羽撰羽字來儀後以字行更字附鳳本潯陽人僑居吳興元末領鄉薦爲安定書院山長再徙於吳洪武初徵授太常寺丞尋坐事竄嶺南未半道召還羽自知不免投龍江死明史文苑傳附載高啟傳中史稱其文章精潔有法尤長於詩太祖重其文洪武十六年嘗自述滁陽王事令羽撰廟碑何喬遠名山藏亦稱其文詞典雅紀載行事詳而有體顧其詩名尤著故編

靜居集總目

別集類

一 豫章叢書

集者亦僅錄其詩而文則未之及也朱彝尊靜志居詩話謂其五言微嫌鬱轉近體亦非所長頗不免於微詞今觀其集律詩意取俊逸誠多失之平熟五言古體低昂婉轉殊有劉亮之作亦不盡如彝尊所云至於歌行筆力雄放音節諧暢足爲一時之豪以之接跡青邱先驅北郭盧前王後之間亦未必遽作蜂腰矣

明初四家詩以高楊張徐比唐四傑云聞之故老言不惟文才相埒其攸履亦不相遠眉庵似盈川令終如一季迪存心無疵而斃則同於賓王幼文僅全首領而非首丘先生竄嶺表召還以召對不協慮禍及而沈于龍江與照隣無異此載在張習之志誠哉是言也余讀先生之詩大都清暢綿密典麗體裁頓洗勝國之陋習弘開熙朝之盛雅其撫時倡和感物謳吟深得風人之旨若夫淋漓品畫筆底丹青標勝搜奇毫端泉石寓湖最久詠湖最多篇篇有致字字傳情此中山川宛焉在目每覽一篇未嘗不目見神怡

靜居集序

一 豫章叢書

恐其調之終也曩從舊家得刻本板既漫漶中復賸缺逼覓遺文有年矣往往手纂而補疏之併幼文北郭集同付梓人夫先生爲潯陽耆舊語江西詩派祖山谷而及范揭先生爲吳中寓公語吳中詩乘祖皮陸而及鄭王要之先生之詩犁然具在法眼評騰富得其概上遜高楊下跨北郭亦猶子安之讓盧駱而軼盈川同乎否也昔金華童冀作先生墓誌文簡語深一篇之中三太息焉讀之令人有沅湘之慨然國初吳興有三張羽一則先生止事聖朝以公車徵爲太常丞實潯陽人當入流寓傳其二則以歲貢起家

爲洪永間人物累遷至兵科給事中其三亦以例貢
當正統景泰間爲山海衛經歷並歸安人當入科貢
表其名位世系各別考郡乘者不可不知萬曆癸卯
夏六月朔日吳興張睿卿書于芝榮堂

重刻張來儀靜居集目錄

卷之一

五言古體

雜詩 三首

擬古 十首

雜言 十一首

元夜值雨

春寒

三月三日期黃許二山人游覽不至因寄

春日陪諸公往戴山眺集暮入北麓得石床

巖洞諸勝

初至西林喜遇徐幼文

春齋紫薇

初春遊戴山

靜居集目錄

一 豫章叢書

雨夜

春山瑞靄圖

山中送陳惟寅

春晝

春雪

次韻答高記室春日寄

懷

雨中試筆

春日郊原

春日過田家

暮春值雨宿陳惟寅園次韻高季迪見寄

夏日曉行茗溪道中

夏景山林

山閣夏夜

納涼偶成

五月二十四日大雷雨

酒醒聞雨

觀稼

南庄觀耕田

晚涼放舟

雨餘聞蟬

夏日北窗獨酌

寢齋喜雨

立秋言懷

秋懷 二首

曉起聞雨

始聞早砧

詠秋荷

秋陰遠望

秋雨嘆

積雨始霽

初晴登望

中秋夜玩月懷高徐諸友

月夜舟行入金山

飲酒桂花下

秋日過許氏園林

田園秋日

靜居集目錄

二

秋日茗溪道中

立秋日早汎舟入郭

雨中偶成

秋雨登戴山

戴山石上聽松

大雨山中

答黃孝廉雨中見寄

夜坐

曉起

秋郊行玩

潭上偶詠

菊窗

望西山懷子文

寄中竺泐季潭

雪中待金孝元不至

雪後

秋曉過漾田庄觀刈穫

西齋冬曉

送楊儀曹赴京 孟載

舟過太湖

吳興山水雜詠

弁山

震澤

道場山

茗香溪

碧浪湖

魯公祠

徐孺子廟

何楷讀書堂

碧瀾堂

升山

戴山

白蘋洲

曹孝子

下菰城

峴山

蘇灣

靜居集目錄

三

陳武帝宅遺址

郭璞祠

次韻徐幼文喜予見過之作

閑齋獨夜

奉答吹臺先生送蜀山

人見簡之作

懷方員外以常

槎史赴臺

題陳長史畫

無寐

聽香亭

張節婦

清宴堂

畫爲步羽士題

過雲巖

遷居懷沈都士

登銅塢後巖

毛公壇

寄題北山堂

於書麓中得高吹臺所寄詩遺藁

娟淨軒

倪雲林畫

卷之二

五言古體

懷景佐師

寄杰上人

沈集自錢唐歸以此示之

寄吳隱君

贈吳道士秋雲

舟中

玄覽室

送許尊師還大滌洞

贈醫士劉子中

由竹溪至梅谿書贈莫

靜居集目錄

四

雲樵

扇上黑萱

題采苓子卷

寄金許二高隱

獨夜聞雪

山中答武康徐尚士寄

書

暮歸聞許文學在顧

舟中望佛燈院懷南澗

寓徐給事中舊所植竹樹有懷

擬過園隱阻雨

石門道中

續懷友 五首并序

余左司

楊典簿

王逸人

高徵君

徐軍咨 送方員外力疾歸吳興

答方以常見寄 答宋天章詠懷

送莫翥入郭却還谿居

讀書圖 山居寄止伸

賦麴院風荷贈別 和答童中州掌教

蓼莪堂 岳鄂王墓

經德壽宮遺址 望故人不至

送人之官河南 贈製筆人

晚過費山人園居 雲山圖

舟過西余漾 聞徐使君左降懷慶太

靜居集目錄

五

守因寄 雨中懷黃逸人

觀高吹臺遺稿以詩哀之

若陽草堂 詠庭前菊

過觀音院看竹

楚江清遠爲沈倫畫并寓九曲山房作

會飲戴山僧舍 喜曹程二文學見過

過南庄感舊 徐叅政手植竹今歲忽

抽筍數十莖森然可愛因而成詠

移寓觀音院讀書 夜宿天寧禪院

趙仲穆江浦歸帆圖

觀李仲賓侍郎墨竹

和金琬寄張廉日暮有懷

喜金孝元至同讀書山齋

喜陳僉憲北歸訪宿山齋

過九里山訪陳僉憲

病起 南山遊眺

過黃徵君新居 題錢舜舉畫曉日照羣

山圖 移居新齋

喜金孝元復至 聞齋曉起觀道書

送李文學還鄉 三首

靜居集目錄

六

題晚翠軒 松下曉櫛

雨中簡金孝元 雨窗臨黃庭經

謝車叔明惠筆 詠萱草花

送陳憲副之官東廣

喜得徐主事書 題李唐畫袁安臥雪圖

築室宜春園 翁山僧寄芝草

牧童詞 送陳僉事往河南舊遊

送弟瑜赴京師 送郭伯程遷葬還鄉

侍宴應制 題胡玄素畫

贈胡若湖聶茂先 松竹軒

倭扇

晚歸飲眾芳亭

元日喜雪懷方員外以常

郭上舍讀書處

觀習禮神樂觀歸而有

作

紀行十首

洪武七年甲寅臘月奉

旨乘驛往鳳陽祭

皇陵道經目覽爰筆舟中用記其實

龍江灣

觀音山

竹篠潭

金川門

邦清

高郵城

靜居集目錄

七

清口

龜山

歸過白馬湖

三江口望京闕

樂府歌行

賈客樂

長安道

行路難

將進酒

獨不見

守宮詞

百索詞

羽林郎

邯鄲才人嫁為厮養卒婦

吳宮春詞擬王建

楚宮夏詞擬張籍

秦宮秋詞擬李賀

漢宮冬詞擬溫庭筠

寄衣曲

陌上花

鳳兮吟

公無渡河

結客少年場行

龍馬行

猛虎行

老將行

長干行

吳宮白苧詞

溫泉宮行

咸陽宮行

驛船謠

聽蟬曲

古仆樹歌

踏水車謠

戴山迎送神曲

古劍行

余將軍篆書楊本歌

靜居集目錄

八

葵軒歌

畫雲山歌

醉樵歌

又歌附張仲簡作

秋柱詞

松陰夢詞

寫生碧桃歌

米南宮雲山歌

趙魏公竹枝歌

李遵道墨竹歌

唐子華雲山歌

長洲行

梅花初月樓歌

畫山水行

卷之三

七言古體長短句

米元暉雲圖

高彥敬雲山圖

送周以道入太學 梁節

送人之官河南 奉贈李仲賓侍郎

賦山中樂送友還山

贈四明袁先生廷玉

題赤城霞圖送友歸台

天目山房 遊鄒縣嶧山

望太湖

沈氏宜春堂屏徐給事賁所畫春雲疊嶂

倪元鎮畫竹沈御史所藏

王元章墨梅 錢舜舉溪岸圖

靜居集目錄

九

胡廷暉畫 送沈孝廉讀書天屏山

贈義興宣場賢 王醫士杏林

與徐德望寫扇圖就題

雙節堂 望雲思親

莘叔耕畫梅雪軒 日上人深居巷

賜倭扇 送金秀才歸侍

趙千里畫 高尙書畫

徐士原畫 徐黃門畫

韓介玉畫爲童中州掌教題

陳仲美夏木圖 姚運使溪山仙館圖

青弁雲林圖 費景祥索題徐幼文寫

蕭山古寺圖 丘大卿天柱峯圖

陳昇畫馬 再題廷暉山水

山泉隱居圖 送石隱君還匡廬和車

景輿饋 臨山房小幅感而作

吳興八景

道場霽曉 蒼弁清秋

西塞晚漁 下菰長烟

龍洞雲歸 橫山暮嵐

南湖雨意 金蓋出雲

靜居集目錄

十

五言律詩

尋春 尋梅

早春旅懷 山中春日書懷

山居 吳城覽古

寄王隱君止仲次高季迪韻

遊虎丘 蠶婦

杜宇 江村夏日

夏夜舟中 湖上避暑

蓮花 涼夜

聞蛩聲 夜宿山房

江勝旅懷 次韻高季迪別後見寄

之作 秋夜旅懷

客夜有感 池上

歸燕 秋日寄山中隱

冬日寄友 約徐隱君幼文同隱吳

興 耕漁軒題寄徐良夫

送金文學入 送呂道士

遊黃龍洞 吊鶴

寄吳有本 答劉秀才送竹杖

送人之平江投刺史李

靜居集目錄

七

孫景翔幽居 送劉仲鼎歸杭州

贈王商翁處士 送暨陽田丞

越上別苑景文 隱者山房

讀呂芳卿吟卷 劉國寶隱居

山陰曉發寄暨陽舊友

詩窮 客夜懷王英甫

席上聞歌妓 王昭素吟窩

贈陳逸人 山中答高彥敬

天目山 倪遜翁自在廬

文心之訪予山中 寫懷

愛梅 書自真

贈何秀才歸釣臺 答畫者問詩

塵事 重過楓橋

蘇州道中逢卜德夫

呈林旦翁 玉泉山懷李景山田師

孟二公 訪孫伯宇明府別業

倪隱君歸越 送同行省親

旅懷 梁校理歸杭

永康道中 過瓜洲

浮生 隱者山房

樂庵集目錄

七

贈唐師善父 送金子仁之桐廬

山陰王商翁 寄劉仲鼎山長

次李景山韻 送客還山

藥徑 寄蘭壑宗長

寄大滌山道士 遊山寺

訪道衍上人時寓海雲

解嘲答祐上人 讀珣師潛山詩集

重遊淨慈憶沅禪師

杭州護國寺無門開師道場有龍洞在焉

別英上人 徑山夜坐聞鐘

詩禪

與徑山高禪師

寄贈一見禪師

讀宗祐上人高僧詩

寄祖雍上人

送僧之華田行化

禮覺菴真禪師塔

呈天目山高峯和尚

贈淨慈元師

贈新公雲巖

題海雲寺真禪師道行碑

宿睦州祖師菴

六池菴

勝禪師遊廬山

送明本上人遊方兼寄

蔣山申禪師

古涪文本心

贈僧還日本

夜投白蓮寺

靜居集目錄

十三

五言排律

眠雲軒

綠水園燕集

詠雪

春寒

立春試筆

題太守談侯藏御書

七言律

早春遊望

春雪 二首

仲春遊望

寄宋校書仲溫

春日登戴山懷舊

過吳卽事

首夏閑居

湖亭納涼

夏夜宿道場

夏夜泛湖

川上暮歸

秋日郊居

次韻高季迪寄江上丁至剛

秋夜宿僧院

秋齋早起

秋日登戴山佛閣

九日登山

歲暮山居

雪意

除夕

送李文學還江右

江館漫成

贈趙似之架閣

行樂過百曉

贈一初園錄

送徐君輔歸嚴陵

殘臘書夜

卷之四

靜居集目錄

十四

七言律

元日試筆似吳黃二友

立春日吳黃二友有作因和

贈居寒夜

寄王止仲高季迪

吳興南門懷古

送谷克讓南湖侍親兼

簡李中卿二尹

登德清百僚山

寄迷古道上人

九日登道場山同吳逸人賦

菁山石梯閣與方二尋徐七賁周二復夜坐

贈僧玘

橫舟孺山懷徐孺子

奉同西軒先生前坵看梅

唐叔良溪居

遊方山觀梅

寄雪梅

次高靜學韻

陳氏先壟圖

送胡宗禹之播州驛丞

贈致仕袁省翁

故陳秀才哲手抄詩

送張憲史之江西

復見心錄文見寄

宿保叔塔院

同安阻雨

春園漫興

曉過淮陰

鳳陽使還

雪中懷周大使倬

沅水驛

送人歸隱

靜居集目錄

卷

送僧還天台省親

寄南屏渭長老

寄紫金院喜性二衲

贈景山中道立

寄道場聯上人

初度寫懷時寓菁山

高記室爲予題菁山隱居次韻寄謝

過何山廢寺

重過蜀山徐幼文隱居

贈傅山人

訪許文學不遇

送人之官閩中

重陽道院

官驛雨中

客夜有懷

寄方員外

夜懷傅生森

寄徐主事

贈彈箏人

贈鄭邴文

送蕭丞朝京

金華道中送鄭邴文東歸

金陵道中

揚州道中

燕山客中

喜則堂大參南歸

閩中春暮

過春申君故城

挽徐秋官先生

燈花

登姑蘇臺懷古

涉世寄道衍

送越上人住蔣山

送主上人往京謁本師

寄婺州信長老

送蓮社陸道師歸鏡湖

靜居集目錄

卷

別業

寄贈香山上人

答山西楊憲副故舊見寄

瓊姬墓

過彭江

五言絕句

古意

古恨

和楊孟載四詠

筇

樵

劍

匕首

約高王諸友賞月

石室

石屋

琴臺

山寺阻雨

贈永中山人

讀周尉月山吟稿

山中二絕

山中四景

題徐幼文畫

晚眺有懷

偶成

蕉

萱

秋夜卧病

絕句

胡騎圖

重午四詠

守宮

艾虎

百索

避兵符

靜居集目錄

七

觀魏武本紀

畫

章舟隱畫

仲穆着色蘭

竹

倭扇

山居七詠題送周伯陽

遊仙頂

白石山

樵讀塢

古塚巖

九曲嶺

冷澗

月潭

寄方員外以常

吳興四賢守

王羲之

謝安石

顏真卿

蘇東坡

月潭試茶

寺中書所見

杭州西湖四題

六一泉

蘇公堤

保公巖

蘇小墳

問徐道士病

水邊桃花

畫

蘭室五詠

香

根

靜居集目錄

八

芽

葉

花

看菊懷孟載幼文

贈張思廉韻次余堯臣

方園雜詠十二題

憇養臺

牛羊坡

南嶼

芷畦

古溝

采藍逕

蒼耳薄

見山坡

道林

月牖

茶宴堂

東垞

畫

移蕉

客中聞雁

燕山九日

將歸

六言律絕

題慈感雪峯所藏胡廷暉白雲出岫圖

徐良輔耕漁軒 二首

畫

雪夜

七言絕句

元日

早春野望

春夜

惜春

靜居集目錄

五

試題隣家杏花

蝶

芍藥

飲吳別駕園次韻高季

迪席上作

雨中想東園杏花

雨霽

白鳥

尋花

野市

雨中桃花

和楊孟載花時感事

別李寄閑

和季迪看花已過之作

和季迪春思

送春

暨陽別友

野步卽事

夏日聞鶯

夏日宮詞

夏雨新霽圖

池亭夏夜

重午回文

觀競渡

荷

晴望

山下晚步

桂花開值雨

西村夜歸

秋日簷蔔花

霽川舟中

山居

贈琴士

山中作

詠白芙蓉

題陶淵明像

寄陳麟處士

秋日郊居

步月

山居秋景

靜居集目錄

三

湖上晚步

九月八日菊次徐幼文

韻

山行乍見梅花

尋梅

舟中似文性之山長

冬夕懷方仲容

冬日無題

約友賞梅不至

紅白梅花

寒夜宿山菴

寄鶴驀李士明

張季璉書樓

書朱性夫吟卷後

畫

暮過西曠

東園報杏花未開

悼高青丘季迪

挽楊憲府孟載

哀宋君女阿歸

贈卜者

孟襄陽雪行圖

寄靈隱良泐二長老

林下燒笋

寫畫遂題

聽老者理琵琶

次孤山

頭陀菴聯道者

取勝亭感舊

海會僧舍書

寄友

梅雪軒

畫贈長興典史杜潛

曉發嘉興似友

謝安王羲之劉伶孟浩

然

雙馭圖

舟中聞歌

題畫寄友

書集目錄

三

贈五河驛丞孫本

小遊仙

遊天界寺見亡友高啟題壁詩有感

題故友楊孟載所畫竹

登廬山甫聽雨軒感懷

宮詞二首

廢寺

寄天目山雍長老

雲巖古泉

雪竇瀑布

金華道中

維陽春曉

登韓信城望漂母墓

燕山春暮

賜倭扇

將歸

離離煙樹

目錄終

重刻張來儀靜居集卷之一

溇陽 張羽 來儀 著

高安 陳邦瞻 德遠 訂

新都 汪汝涪 孟樸 校

五言古體

雜詩 三首

后皇有嘉樹受命生南國
謬承雨露恩結根非一日
如何游閒子攀條摘其實
一摘已自傷况乃再三摘
清霜凋綠葉榮枯良未測

其二

靜居集卷一 五古

豫章叢書

泠泠山下泉汨汨谷中源
中有雙鯉魚浮游戲波瀾
江漢豈不深欲往道無緣
風雲諒難遇栖栖守故淵
但恐勺水枯終為漁者憐
感此令人悲置身良獨難

其三

生平慕遊俠驅馬適東周
周人重千金所遇非我儔
撫劍登太山歷覽魯與鄒
小儒事絃歌齷齪安足由
北臨邯鄲道平原曠悠悠
嘗聞虞卿賢斯人不可求
悲哉窮途士緩急將焉投

擬古 十首

落落磯底松纖纖路傍柳
落落固難合纖纖終易朽

感彼世間人結交當結厚
願如膠漆堅寄之當永久
生平長如茲不在接杯酒
如何勢利交變態如覆手
咫尺不相知離隔復何有

其二

行行出荒城遙遙見古墓
慨彼泉下人千歲永不寤
衣冠日已朽狐兔穴無數
白楊來悲風芳草沒行路
人生若飄塵壽非磐石固
陰陽相推遷命如草頭露
自古有生死聖賢亦難度
為樂當及時無為惜朝暮

其三

靜居集卷一 五古

二

蒼蒼西陵樹鬱鬱南山芝
死者不復還生者徒爾為
感彼人一生光陰如電馳
彈琴再三歎戚戚有餘悲
忽念同門友別去長相思
振翮兩相忘何當遠來茲
但願常巧笑歡樂能及時
踟躕感節物遇酒詠露斯
素心一何堅棄捐非所期
庭前有佳樹奕奕發春輝
豐條長華滋綠葉漸芳菲
馨香逐惠風馥馥飄我衣
遊子遠行邁式微胡不歸
相去日已長豈不念乖違
慨彼當今人知音古所稀
采此欲遠寄何由覩容徽

其四

高樓峻而安巍巍造雲表
綺窗四面開華蕙覆清沼
上有絃歌聲音響自繚繞
瑤琴間寶瑟所彈多佳調

不辭彈者勞但恨知音少清商凌風翻中情正悄悄
愛而能惠我願爲雙飛鳥

其五

閑夜會親友置酒臨高堂秦箏間趙舞吹笙復鼓簧
清音隨飄風逸響繞修梁坐客咸同志寧復筭羽觴
人生忽如寄富貴安可常含情待所歡渺渺天一
方譬彼鴟鴞鳥揚聲待朝陽憂思怨零雨白日何時光
且當極歡宴聊以慰中腸薄遊上東門南望青山阿
松柏鬱蒼蒼絕頂亦嵯峨中有避世者存身養元和
我欲求其人年歲空蹉跎驅車尋歸路延目望三河

靜居集卷一 五古

三

古來節俠士孤墳蔽蓬科殺身不成仁倏如飛鳥過
宛轉採芝曲令人生歎嗟

其六

出郭慘我頽鬢北邙墳悽悽挽者歌咽咽喪車輪
旌竿日日滿碑碣朝朝新昨來送葬人奄忽及其身
朝爲席上珍暮爲泉下塵惜哉當路子爲樂須及辰
有金不趨揮當爲誰所吝

其七

出門行康衢所見但車馬登高望太行中原空曠野
胡鴈投南遷白日從西下值此歲年晏無可爲歡者

馳詠寄親友孤懷聊用寫布衣可終身爵祿當自舍
其八

少年好繁華所愛惟桃李結交輕薄兒攜手日遊戲
驅車洛陽陌風塵爲之起繁華在三春芳菲正鮮美
秋霜若磬折漂零此云始豈知松柏堅冬夏長如是
迴轡舍之去深入南山址富貴多留人且從黃與綺

其九

雖離池中鴈飲啄得其時夕息藉芳蓀朝遊蔭階基
仰視雲間翼嗷嗷向南飛朔風摧羽翰嚴霜下霏霏
辛苦萬里道可免寒與饑倘垂終養惠豈樂衡陽栖

靜居集卷一 五古

四

其十

處世如逆旅生年少至百朱顏易枯槁鬢髮終變白
一朝氣息盡奄然歸幽宅衣裳弗復御車馬他人得
豈無俎豆陳滿案不能食所以君子心鼓瑟以永日
佳賓時相過濁酒聊共適况此忘百憂陶然謝形役
區區塵俗中鄙吝深可惜

雜言 十一首 子屏處閒默久絕篇章維時新春

偶感歲月慨然興言既復自課成帙輒書以
見襟抱隨事爲篇雜出無倫故云

青陽萌始節萬物咸光昭我亦動新懷晞沐起晨朝

俯覽手中鏡仰看枝上條枯卉有再榮華髮行已焦
總角服遺訓老大望逾遙不傷華髮衰但恐志業消
學成在永久期之於後凋

其二

右軍懷逸民向平悟易卦如何不決去皆云待婚嫁
區區兒女情達士何足掛我今履其境此語叵深訝
嗟予喪鄉土舊業廢耕稼連蹇五九年玄髮忽已化
一女首甫笄兩男肩相亞依依向父情欸欸接言語
素懷歸衡廬顧此豈違暇寒雞翼其雛鳴鳩均上下
物性猶有然人情諒難舍何當攜幼稚盡室騰遠駕

靜居集卷一

五古

五

其三

蜀嚴好沉冥日食止百錢卜筮人所輕久之操彌堅
君子有所貴乃不在當年百世有知音何必鍾期然
子雲大區區譽之公卿間卑哉益州牧乃欲吏高賢
豈無王侯貴敢見不敢言斯道誠兩得永爲後世傳

其四

此邦非吾土寄跡聊在茲旅食何所營亦復假耜耜
玄冬苦霖潦夏苗奄離披至今畝澮間餘波渺相圍
行恐春澤盛耕墾失其時共虞斯人難豈獨念吾私
先師有遺言耕也有時饑且當竭所務天道非我知

其五

昔予居南山樂有同心人形跡不覓乖棟宇復爲鄰
有酒更相呼得粟還我分時時榛曲中相攜採荆薪
兩賢不相猜所貴得其真一朝各異路隔涉吳與閩
拙宦失其宜薄責恒苦辛慈母抱沉憂與言涕盈巾
昨者訪故廬松竹稍或存依依親舊跡戚戚感良辰
命駕欲相求風波恨通津尙想古人交俯仰愧此身

其六

士有避世者高居浙江源王室方橫潰斯人獨孤寒
抱琴倚衡門清風拂朱絃舉世莫能屈乃獨詣任延

靜居集卷一

五古

六

其七

掃門思爲辱尺牘情屢宣意義有相激權位非所先
周公下白屋斯禮自古然區區功曹檄何足致高賢
生平頗愛酒未常自斟酌一與佳賓過陶然不復却
雖得一醉歡傷生莫能覺况復多謬忘空爲俗所薄
靜言思利已一止良不惡東隣有父老願我忽大噓
與子共禿翁忍棄手中爵酒爲營衛積多憂正相博
呼兒漉新釀且復共酬酢醉罷各相恕誰誠責狂藥

其八

青青女貞樹霜霰不改柯托根一失所罹此霖潦多

高枝委爲新落葉掩庭阿弱柳對門植秀色一何佳
物性固有常變幻其奈何

其九

伯鸞春吳市伉儷乃相之布衣日操作椎結無容輝
居貧敢忘敬舉案與眉齊斯人亦何修感彼糟糠妻
買臣躬負薪室家請長辭豈惟匹婦醜君子諒有虧
周道興閭房祗席詎爲微所以卻缺耨重耳任不疑
斯道久寂寞捐樵爲此詩

其十

余生憚遠涉旅寄百里餘自從去家來歲月忽已除

靜居集卷一 五古

七

歲晏人事迫卷秩還故居揚艦發東臯掛席指西隅
且從家私務暫與友愛疎渺渺遵溪渚行行入吾廬
依依攜童弱藹藹會里閭啓扉玩東園綠葉榮悲蔬
採之侑春酒數酌忘饑飢但苦遭潦荒美秫無舊儲
猶當望來稔尊中長不虛空名百歲後此事非我須

其十一

抱拙衡門下久矣忘鳴琴處塵翳其微絃絕調亦沉
時還置我膝命酒聊自斟高歌出金石拂拭趣已深
耐來枕之臥冥此千古心吾亦忘吾形何事待知音

元夜值雨

嚴地弛宵柝遊宴樂芳年焉知向此夕寒雨暗晴川
佳盟生成阻清觴誰共傳華燈淡無光歌管寂不喧
千門火市散九衢人跡捐弗見心所愛值此獨淒然

春寒

齋居滯積晦餘寒襲春服谷風從東來微雨亂相續
蘭心茁還卷蟄戶啟仍伏樹冷寂鳴禽庭荒絕來躡
此時重燃火傾觴泛新醪尋芳期自愆懷人思方數
淑景元易徂掩扉愁獨宿

三月三日期黃許二山人遊覽不至因寄

隴靈無停機四序互相更唯有暮春節在昔重其名

靜居集卷一 五古

八

姬旦城洛邑多土方來并羽觴隨流波逸語存遺聲
秦王臨河曲高會列簪纓金人貢長劍夷夏俱來盟
偉哉伯王業小人非所營獨愛晉諸賢流風有餘清
亭皋列茂樹修竹蔭崢嶸幽蘭交綠坂清湍左右鳴
濟濟少長集鮮鮮春服明中有王與謝文華冠羣英
沿坻玩流轉列坐無所爭傷來不復停篇翰隨意成
一醉達天和曠然遺死生俯仰宇宙間何物累其情
我欲效斯人茲晨且游行如何千金諾翻自意所輕
歎逝懷方結望來念徒縈良遊誠難遇默默掩柴荆
春日陪諸公往戴山眺集暮入北麓得石床巖

洞諸勝

張宴凌崇顛返策憇澗陰南岑夙厭歷北麓今始臨
危磴絕來術崩壑瞰空潭幽竇抱虛白哀北遞清音
傍探闕窈窕側坐倚嶮欵古苔紋已駁春蒲茸漸深
幽禽語相續驚麋竄莫尋拔蘿冒修袂折蘭芳素衿
奇蹤閱自古勝賞發予心雖微舞雩詠敢諧溱洧吟
山河永襟帶微生終陸沉愧乏古人操將何視來今

初至西林喜遇徐幼文

與君三春別成此一會期清言美無度離緒俄相遺
况復在邱園俱無冠帶縻逶迤下澤遊皎潔艷陽時

靜居集卷一

五古

九

桃紅媚墟圃竿綠遍川坻覆觴申宿戀開秩問新知
澄懷悟淵派脫迹仰冥飛幸同賞心遇白首永無違

春齋紫薇

彼美披垣秀迺此荒庭中賦質非有異置身偶不同
屢供樵爨餘生條幸不窮蒙寵委榛莽灌溉缺人功
謂如泉草棄忽見孤花紅枝長不擇地始知無化工
蓑衣遶青渠輕香散晨風似感幽士知芳意默自通
一聞清露翻預恐綵雲空等是榮謝理何待植南宮

春初遊戴山

雲羅橫四海田野無遺英尙賴二三子共怡山水情

煦煦新陽動寥寥天宇清昔人稱四美茲晨遂成并
前登高邱阻遙睇澄湖明憑林招遠風松檜自成聲
俯仰天地間微軀良不輕安能自羈束坐使眾累縈
處賤足爲貴抱素詎非榮逍遙解神慮庶以適吾生

雨夜

寢閣去門遠春雨荒園夕誰謂在人境宛似空山客
會歸暗竹喧風斷疎鐘寂戚戚寡歡悵良宵端可惜

春山瑞靄圖

鶯啼山雨歇前川綠正繁人家在深樹雞犬晝無喧
澹澹流水意依依田父言謾鼓木蘭楫往遡桃花源

靜居集卷一

五古

十

卽此堪結廬可以做華軒

山中送陳惟寅

春山有佳趣累目同遊寓我爲采薪留君先拂衣去
竹翠落閑階鶯聲出高樹空館愁獨歸依然攜手處

春晝

人間白日靜鳥鳴高枕餘薜蘿引修蔓綠覆茆簷虛
砌筠初過雨幽風時弄書已無車馬跡適似田家廬
於焉何足戀性自樂幽居

春雪

寒雲接春野客衣夜來薄凍雨曉成花隨風散高閣

潤添柳意重清兼梅片落壓篠亂離披穿林紛淡泊
寒雀下空塔凍泉哽哀壑此時開帷坐遙望青山郭

次韻答高記室春日寄懷

幽窗逗春和惠風展殘編注目惜時芳懷人當晝眠
雀乳草漫野花競鵲啼煙襟期想無肯自然情屢牽

雨中試筆

門徑素來靜雨中人更稀山禽時一轉田雉每雙飛
客散罷琴燕心閑清道機南山有佳色相對共依依

春日郊原

陽春氣云晏慈菴衆卉新芳園新雨罷輕風生綠塵

靜居集卷一 五古

三

羣山布遐景廣陌見遊人步階尋蘭遠掩閣看花頻
佳禽有餘嘯靜聽悅心神幸此塵事簡况諸農圃隣
一酌芳樽酒披懷寫悃勤

春日過田家

閑行無所適試欸田間扉稚子出門迎老父荷鋤歸
延客置上坐相見情依依但言開歲來戮力肯復遺
桑麻繞屋長田蠶俱及時且復息所務一壺聊共揮
感此意真淳一醉不復疑躬耕從古然但使願無違

暮春值雨宿陳惟寅園次韻高季迪見寄

嫣紅送韶華去去不可攀那知鳥啼倦徂春掩柴關

扶藜覓良朋圖解永晝閒遠堪山園雨來□□芳顏
□□種韭畔借榻青蘿間通宵話忘眠窗日睡未還

夏日曉行茗溪道中

渺渺孤舟逝寥寥天象明虹霓照川上宿雨朝始晴
沿流玩澄景豁然暢幽情前瞻遠山靜旁眺野田平
窈窕菱荷色幽修蟬鳥聲覽化心已悟遠俗身自輕
值此足容與無爲戀歸程

夏景山林

山中可久留遊子已忘歸喬松蔭茅宇奔泉浥荆扉
颯颯谷風涼嘲嘲鳴禽飛仰聆伐木遠俯視來踪稀

靜居集卷一 五古

三

企石摘蘭苳攀蘿眺嶽崎玄雲蔽赤日炎光變清輝
居安理自順慮淡願無違欲招同懷客共製青蘿衣

山閣夏夜

茲山何蒼巖飛閣復崢嶸疎松含秋思華月麗層甍
開襟倚懸檻沉抱倏已清炎歊暫如忘涼風四座生
翻翻棲鳥沒依依遠火明仰觀星漢回俯瞰原野平
景幽塵事絕安居道心精於焉悟澄靜逍遙寫中情

納涼偶成

野氣變蒼涼華月始東上空庭夜無喧清景自堪賞
散髮乘夕涼當軒坐閑敞輕風度荷氣微露和松響

獨酌詎成歡高歌誰當獎憂來攬衣卧舊游勞夢想

五月二十四日大雷雨

朱火熾中夏苦熱安可當朝遊倦白羽夕息思匡牀
疾雨從何來振風方自揚驚雷破屋柱飛電舒夜光
豐注懸修帶巨漲溢高防恭聞帝舜德至德弗迷方
小子敢不具整冠坐中堂

酒醒聞雨

端居苦炎熱獨卧多早悟微醉易成醒起聞山雨度
蕭蕭煩燠解寂涼聽舉牀空簟更清漏永天難曙
豐霽落芳塘驚禽起山樹此時一披襟將何慰幽素

靜居集卷一

五古

七

觀稼

仲秋積風雨長空夜來晴幽居悶無悰散步南田行
歷覽周回隄禾稼如雲平嘉穗覆高隴秀色接遙城
斜陽照汗陌田禽時一鳴預知年穀登行看倉廩盈
玩景欣美物為農喜歲成方同閭里歡佇詠一開情

南庄觀耕田

榮名非素望守拙居東畝所依在稼穡為獲良已饒
農人告及辰相敦樹新苗汗泥畜新水深根發疎條
青青稟露餘鬱鬱隨風飄婦子俱在野盤餐屢招邀
日夕慰勤劬傾壺具香醪即事誠可喜于焉獨閑謠

緬懷沮溺耦聲名亦寥寥孔席不暇煖問津誠已勞

晚涼放舟

徂暑驚節謝幽煩倦日永翫舟乘夕涼沿渚入煙境
鷺鷥殘陽飛沉沉綠陰靜蒼茫水容寂照見歸禽影
開襟招遠風延目認遠嶺偶遊非素期炎氛聊暫屏
守拙寡世用尋幽得澄景清賞猶未愜孤舟當重整

雨餘聞蟬

村園夏雨歇眾綠陰已成高齋掩晝寂新蟬今始鳴
嘈嘈斷更續嘒嘒遠還輕響悲逐涼吹歡謝引離情
屬耳念已集感物襟易盈煩聒方自此稍待秋林清

靜居集卷一

五古

七

夏日北窗獨酌

仲夏邁時雨嘉木含餘清北窗隅閑坐壺觴聊自傾
數酌忽已醉酣歌漫成聲緬懷劉阮徒遯焉起深情
百年亦何為忽如流電驚如何世間人汲汲徇虛名
落落何為者且對芳樽盈

寢齋喜雨

盛夏久無雨新秋雨亦佳涼颺起西北甘澤須臾來
淒淒逐油雲密密兼殷雷絺衣已傷薄桃笙卷難開
倏忽變氣候炎氛安在哉田父扣我門良苗天所培
預卜豐年慶開觴散幽懷遙想楚王夢蕭颯巫山臺

179.M. 6/1. 43

立秋言懷

閑居迷時節颯然驚早秋梧葉下中庭火星向西流
寥寥天界闕蕭蕭林逕幽感此動中懷歲月忽已過
素髮早垂領前途行未休賴此一觴酒且復慰淹留
天運固有常厲志當自修先師有遺訓任重道且悠
俛焉不知老吾何苦多憂

秋懷

我家住南山遂絕咸陽道寵祿詎足言一身當自保
况值三秋時嚴霜悴百草中心常馳憂鬢髮易成皓
惜無雲螭駕騰化愧不早纍纍北邙塚誰能得終少

靜居集卷一 五古

五

其二

開秋多涼氣時物忽已移蟋蟀鳴空庭悲蟬號故枝
綠樹變紅葉悽愴令人悲如何行路子式微忘歸期
辛苦求名譽定與黃鵠隨不學首陽士守義寧樂饑

曉起聞雨

新秋多佳雨霽然散清朝幽人寐方起披衣更蕭條
靡靡東郊翳渺渺南山遙曙雲隱晴旭庭樹起涼飈
煩衿值時散道心隨景超感此禾稼長沉憂當自消

始聞早砧

寂寂秋景晏蕭蕭涼吹生閨人感寒至一軫遠人情

詠秋荷

嘹亮清砧動紆徐搗杵鳴微茫帶烟遠蕭疎出林輕
此時離居客單眠夢亦驚披衣一惆悵斜月滿山城
杪秋霜露重弱質感涼頻衰遲含夕氣牢落凌蕭晨
衰紅已散雨餘香尙近人翻思盛夏節玩舟涉廣津
插花贈遊女採絲宴佳賓秋風不少佇感此盡漂淪
人道每如此誰知盛衰因

秋陰遠望

重陰生夕霏陰霽紛如霧乍覩餘霞景已失前山處
氛氳迷去鳥杳眇沉疎樹望遠一凄然徘徊獨歸路

靜居集卷一 五古

五

秋雨歎

乾坤積風雨沉淫連夏秋川漲浸百穀行恐交平疇
舊穀已無儲新穀猶未收苦愁禾生耳淋漓未能休
更聞踏車人疲餒力不周斗米豈易糴家貧乏衾裯
安得誅雨師浴日東海頭吾哀斯民艱豈爲稻粱謀

積雨始霽

時雨固可喜雨多反成憂今晨幸霽霽淋漓始云休
朝陽明甕牖景物漸和柔杖藜眺東郊散步欣自由
仰觀天氣佳俯覽園芳稠芄芄隴上麥隱隱天際舟
谷鳥聲尙澁庭草色已幽田父有歡顏負耒赴西疇

耕種從此始各有衣食謀但願天子聖雨陽應所求
使彼畝畝民歲歲得有秋

初晴登望

茲晨氣候佳淫霖始云歇舉目眺西岑青翠連城闕
卉木藹陽和朝霞互與沒野杏花新試谷鶯聲乍發
巖壑晴色歛雲烟夕霏霑遇物感時芳馳思生超忽
心勝景無厭理存情自達延詠賦新篇聊當慰寂蔑

中秋夜玩月懷王高徐諸友

陰靄夜來歇華月湛高秋遙思去年會方塘泛蘭舟
良儔幸無恙歲辰忽已周攜手倚懸檻蕭散釋羣憂

靜居集卷一 五古

七

桂輪今正滿澄規含素流嬋娟映華觴何事秉燭遊
佳會苦難常清輝愴易收幸此一酌歡達曙共淹留

月夜舟行入金山 在吳中

夙志羨山水塵縈久未遑名峯久在望茲辰一來翔
揚船入南渚夕氣條蒼蒼紆直水無極沿洄路更長
皓月懸高天廣川散飛霜夜寒人語清烟扉繞洄塘
歸樵遞谷響驚鳥動林光愛此塵境遠敢畏露霑裳

飲酒桂花下

端居無所娛賞心寓草木亭亭岩中桂開花慰幽獨
對月延清芬憑風遞輕馥干林向搖落對此聊自足

攀條懷舊隱玩芳尋往躅一采黃金花泛此芳樽醪

秋日過許氏園林

清晨理櫛罷一造幽人宅秋園花意謝池靜啼禽寂
觀妙愛澄境栖閑絕塵役負策獨歸時前山淡將夕

田園秋日

靡靡新秋日零零霜露交貧居從稼穡生事在東皋
秋成今可望四體豈辭勞植耒茅簷下斗酒聊且陶
反思去秋日中田泛洪濤舍飢待來稔逋負不能逃
幸此農工畢一飽諒非遙多憂非吾事且復慰今朝

秋日若溪道中

靜居集卷一 五古

六

深秋羣物肅灑氣明朝陽方舟蕩清溪良游閱景光
疎林綴餘綠菰蒲搖晚芳鳴鴻去杳杳遙嶺翳蒼蒼
閑行無物役沿洄自徜徉寂寞欣有得留連豈爲荒
一理滄浪調知音非所望

立秋日早汎舟入郭

連霖啟秋期金氣晨已兆溪雲合餘陰水霞相照耀
登艫泛涼颺乘流駕奔峭迴波蕩塵襟青山列遠眺
蒲葢迷森沉菱荷爭窅窅沙明衆女浣潭淨孤禽嘯
端居積百憂暫出窺衆妙好爵豈不懷衛生乃其要
寄謝滄海人子亦堪同調

雨中偶成

空齋自瀟灑况復值秋初焚香對微雨如在古僧居
庭寒夕鳥下烟澹暝松疎知君寫詩處高情方似予

秋雨登戴山

積雨限遊步超然懷遠觀雖微干仞岡孤吟且流玩
冀展東山望一寫川上歎如何方此時氛霧鬱未散
玄陰蔽白日八表同溟漫郊原近莫覩安能披雲漢
耳目既罕適沈憂將何緩感茲一以悟滯境中自亂
內照苟昭曠通蔽非所問由來君子道尸居或龍見
伏雖乃默化何必扶搖翰去矣齊物變卑栖永遺患

靜居集卷一 五古

五

戴山石上聽松

潤耳俗誼久茲晨一清聽長松遞鮮聽哀壑互相應
奔騰駭濤瀨竒眇韻笙磬至音不假器始覺自然勝
緣觸故成聲動極還歸靜此時憇石坐默然待其定
乃知棄瓢者未悟聞中性

大雨山中作

重陰翳秋節霖潦無時作虺虺伏雷震浩浩洪湍落
浮槎懸修磴湧泉掩高閣禾黍蕩縱橫良疇殫爲壑
頽梁斷來往垣閭增蕭索塊坐空堂上展卷莫爲樂
雖徵農夫憂內顧無僭石先民有遺言君子貴處約

抱關非吾事嗟來非吾食去去遊時命南山有藜藿

答黃孝廉雨中見寄

飛雨灑幽閣庭溜夕已深涼颺驚幽慢秋氣薄單衾
冥壑無霽色寒蚤多苦吟室家曠修渚明知阻遙林
離羣易成咎獨處難爲心賴此几上書時能祛煩襟
念子懷竄憂豐蔀方滯淫遺我愁霖唱要我西山岑
山岑未遂陟旨酒思共斟毋憚沾衣苦傾耳遲蚤音
夜坐

閉門催閉早日落古垣深移床傍秋草對月聞高砧
角巾清露氣華觴澹夕陰毋言空遙夜幽獨故子心

靜居集卷一 五古

五

曉起

新寒人獨卧寢扉風自開向無躡旅念秋思亦佳哉
曙禽翻暗竹白露瀉青苔欲賦幽居意對景每難裁
秋郊行玩

新秋景物嘉樹綠畫亦凝微雨夜來歇朗然天宇清
幽蛩倏知候籬荳花間鳴邊鴻未通信叢桂已含英
恰因文墨暇一遶林間行幽棲寡塵慮散步寫中情
逍遙玩澄景焉知有世榮

潭上偶詠

回澗曲如月冷然綠樹根雲山自幽寂水石共成喧

靜觀因悟性耽聽欲忘言何由駐塵鞅迢遞一尋源

菊窗

種菊南窗下草盛菊苗稀常恐隨蕭艾芬芳永無期
四運相推迫嚴霜百卉腓依依三徑中亭亭見高姿
微芳從地起朝露濯其枝銜鵲泛九華歡言賦新詩
因之感中懷物理貴及時願當盛夏月那復知有茲
衰榮更代謝天道不吾欺且當委窮達一醉不復疑

望西山懷子文

竹色悅朝雨鳥鳴人正閒拄頰信手板遙詠西樓山
企彼巢居士高眠在林間團團青桂樹歲晏待子攀

靜居集卷一 五古

三

寄中竺泐季潭

師從鍾山來遺我故人書一入白雲去相思秋雨餘
徒慙塵土迹來擬竹林居遙想中峯月清梵滿空虛
雪中待金孝元不至

館宿滯窮陰飛雪何綿綿忽感平生友音容間山川
仰歎飛絮詠復誦瑤華篇良知不在宴尊酒徒盈前
想當高齋夜獨擁竹壚眠願展來觀念無待月仍圓

雪後

夕霽眾會歡殘陽照山雪徒令掃幽逕依然人跡絕
綠尊時自命寶書誰共閱默默待歸期故園寧久別

秋曉過漾田庄觀刈穫

移舟過別墅屣步入平田秋風熟禾黍油油被高阡
三時良已勤收穫一欣然力田古所尚躬耕豈非賢
不見沮溺耦千載尙相傳

西齋冬曉

沉沉鐘漏斷皎皎窗牖白幽人披衣起坐攬雲霞色
况此文墨地天寒更幽寂臨池盥濯罷淡蕩諸塵息
旭日上高垣羣書爛盈席節謝景潛移居安情自適
悠悠天壤間獨喜無物役

送楊儀曹赴京 孟載

靜居集卷一 五古

三

會計屈長才善更乃茲辰馳車赴京國遠送臨通津
列筵俯長郊飲饑感秋晨須臾別親愛迢遞冒風塵
道路良已悠誰念行子貧昨遊今已往後會難豫陳
且莫倦行役聖朝方用人佇當綰華綬遠報慰惰勤

舟過太湖

具區涵空濶一葦凌風渡烟花亂晴天浪色生寒霧
遙山含碧氣青蒲冒孤渚解帶俯清流開襟散塵慮
乍聞商婦歌或見漁航聚微茫姑蘇城綠葉洞庭樹
緬思底定功疏鑿有遺處懷安諒非賢臨深豈無懼
且當趣歸楫沿洄難可住

吳興山水雜詠

弁山

吳興富山水弁為眾峯尊岩巖壓南嶺杳眇連北門
岩岫互奇絕谿壑欲崩奔上有千丈瀑飛流駭心魂
下有萬頃湖波濤蕩其根絕竇類鑿成蒼石疑虎蹲
神龍下淵潛幽怪不可論捫蘿上絕頂一覽周平原
林深自多風猿鳥暮喧繁陟險尋靈藥登高問真源
聞有避秦人遺跡今尚存我欲探其穴筋力難攀援
夙抱栖隱志素心懷華崑終當結茅屋來繙綺與園
震澤

靜居集卷一 五古

三

具區維南澤洪緒莫吳會并包潢汗聚涵育魚龍大
崩浪撼坤樞水氣積陰晦蒼茫神靈遇極目光炯碎
中有兩洞庭秀色迥相對峭立根虛無接影浸淡瀟
飛鳥去何窮長垣亘天外風波多險阻舟楫易傾壞
緬思懷襄初洪濤渺無界賴茲神禹功底定永無害
吳越何區區向此角成敗賢哉鴟夷翁臨風發長慨

道場山

出郭展清眺超然釋塵憂揚爐泛澄波曠野延冥搜
水窮始登陸山遠路更幽石林露轍跡千盤到峯頭
林深鳥雀聚飛泉各爭流憑高縱遐覽下瞰城南樓

漠漠江湖遠蒼蒼雲霧浮上有古浮屠建來幾春秋
自經劫火餘僧散不復留年來象教興廊殿稍增修
愚氓冀福田割施如山丘我將祛所惑尸說力不周
臨風一惆悵日莫行歸休

茗雪溪

巍巍天目峯高大壓南紀崩泉初濫觴奔放成茲水
分流為茗雪匯此古城裏滔滔逝不停脉脉來難止
極目更清寒漪漪澄遙洋朝來春雨漲洶湧蛟龍喜
舟楫紛來往萬斛等一葦翻翻輕鷗逝裊裊漁歌起
我欲把釣竿來問玄真子

靜居集卷一 五古

三

碧浪湖

整棹出崇墉平郊眺清迥山表四圍明湖光落天鏡
蒼茫沙鳥逝蕩漾漁舟競洲渚莽迴復蒲荷交隱映
中有浮玉山坡陀泛清瑩已無蛟鯨患自悅魚鳥性
芳春士女繁落日簫鼓盛蓮棹曉同遊蘭舟晚相並
何慙稽山秀未數鑑湖淨願蒙一曲賜將老愜幽興

魯公祠

聞昔天寶時構禍始胡羯大駕方蒙塵妖氣暗金闕
逆虜肆長驅州縣皆瓦裂君能嬰其鋒正氣不可奪
弟兄收散卒義師同時發賊勢苦牽制遂成中興烈

投老陷姦臣萬死能一決元龜乃自棄朝野氣駭眉
茲郡昔來守千載有遺轍登堂拜君像瞻望仰奇節
英靈共血食終古豈磨滅

徐孺子廟

晴明出遊覽南山一登厯上有高士廟淒涼倚空碧
敗爐篆烟斷瓦燈照空壁殘僧散已久客至空歎息
憶昔漢祚衰朝野方奔迫遂辭東湖墅艤棹此山側
高名懸日月千古留遺跡洪州有高亭吳楚千山隔
側身西南望悲風起悽惻

何楷讀書堂

靜居集卷一 五古

美

整棹泛澄明春物暢我懷前登何山嶺短策窮紫迴
晉代有高人結屋臨澗隈至今讀書地石磴不生苔
幽跡去已久遺構安在哉山僧依勝跡下結蓮花臺
亂來各飄蕩龍象亦傾頽乃知興壞理道俗俱可哀
清風動岩壑松聲四山來只疑斯人存遺韻尙徘徊
我欲招其魂舉目但蒿萊臨觴聊一酌惆悵愧高才

碧湖堂

藹藹層城陰瀾瀾溪流漫問誰所構堂軒窗傍高岸
僉云唐刺史文采當時冠華筵勢獨高賓佐俱才彥
吹簫橫落日畫鷁如雲散健兒簸旌旗水戰逞奇玩

臨流賦新詩意氣共稱歎烽火幾荒殘城郭多遷換
歌聲久矣滅郵亭鎖溪畔臺傾鳥雀下闌壞鳧鷖亂
惟餘南山青依然眼中見

升山

升山橫道傍秀色佳有餘雖微千仞岡層巒自紫迂
右軍晉高士曾此眺郊墟苔逕存遺跡千載沒荒蕪
想當登臨日俯仰凌八區放浪形骸外游目多所娛
惜無登高作儷彼蘭亭書我思見其人臨風一躊躇

戴山

譙國有高士寄志在絲琴一聞王門召破琴絕其音

靜居集卷一 五古

美

傳昔居斯山井竈邈難尋至今草木間清風肅塵襟
余家依古跡結屋當東林擇里得所安懷賢思難任
浮屠巧眩世廟廊冠其岑臺殿紛青紅僅足共登臨
誰能構茅宇蘋藻薦所欽相望孺子祠千古同此心

白蘋洲

層城鬱迢迢長溪貫雙流喧然闐闐中乃有白蘋洲
茲晨策杖往秀色散我憂宵眇蛟龍窟澄明鷗鷺秋
開花照白日接葉暗漁舟涼風起其末客衣薄颯颯
我欲攜童稚且此雙釣鉤高歌綠水曲散髮洲上頭
安能隨世人負我平生遊

曹孝子

前登獵場西遺廟當路傍長揖問故老云是古曹皇
挺身代父刑斧鑕甘自當至今百世下血食庇一方
世降德日衰父子如參商原隰不見收溝壑等尋常
安得見斯人與世扶三綱迴車薦蘋藻涕下沾衣裳

下菰城

迢迢下菰城乃在衡山址卜築自何人云是楚公子
連峯負崇墉重闔抱溪水得非蒸土成詎乃久不圯
衢路化為田睥睨猶可指牛羊恣來牧狐兔穴不起
想當豪貴時賓客盛莫比高門遊俠窟諸侯交贊禮

靜居集卷一 五古

五

劍佩紛相摩雜沓曳珠履榮華不可常零落今如此
豈徒雍門琴獨下田文淚

峴山

蒼山走南門雉堞隱相並明湖眇東匯亂石皆北向
勢如渴虹奔飲首臨巨漲孤亭壓其顛窪石類盆益
十手可對飲斧鑿自天匠平生愛山水脫身事幽訪
落帆絕壁下登探俯清曠冥冥沙鳥逝泛泛漁舟漾
崩崖露黃腸云是古人葬我聞襄陽山茲名乃相况
羊公仁足懷杜子功可尙當時一躋攀山勢益增壯
愧我非古人登茲獨惆悵且當隨鷗鷺散髮凌浩蕩

長嘯天地閒身名兩俱忘並音傍與
忘皆去聲

蘇灣

羣山抱高城明湖湛清秋迴岸曲如月橋橫雲木幽
聞昔長帽翁東坡曾來守茲州時清吏事簡公暇輒
出遊揚舡度南關振衣臨清流濟濟文翰侶臨觴更
獻酬賦詩屬篇章自是謫仙儔斯人沒已久遺跡幸
未休至今此處地名為蘇灣頭先生天下士直氣如
雲浮如何羣小人戚戚方見讎玉堂非吾榮儋耳非
吾憂肯將百鍊鋼化作繞指柔我來弔其魂攀芳向
長洲舉觴醉明月日莫風颺颺

靜居集卷一 五古

五

陳武帝宅遺址

霸先亦人傑出自太丘陳洗馬初南遷卜宅若溪津
山川鍾奇秀末運生異人出當梁祚衰殷憂致經綸
拯溺濟橫流受禪主生民化家乃為國霸業誰與倫
我來弔遺址四望靜無鄰狐兔竄古瓦寒烟暮氛氳
哀泉滷幽壑鬼火明荆榛感此興廢理乘時各有因
憂來藉芳草嘆息淚盈巾

郭璞祠

桓桓吳興城孰初相其宜連山如崇墉二水從中馳
乃於蛟龍宅奠此民人基定鼎非有道孰能固郊圻

昔者郭參軍青囊拔幽奇徘徊瞻風氣卜吉實在茲
功德被生民祭法古不遺遂令千載下血食無窮期
撤豆或成兵義方良已虧所以日中壽不能免其危
明智不保身歎息宋元龜悲哉古祠下激冽生寒颯

次韻徐幼文喜予見過之作

欲聽瑤華言一洗塵慮心會文以輔德聖訓昭古今
緣之不憚遐罕舟事幽尋谷風扇春融紅芳滿高林
黃鳥求友生嚶嚶多好音握手罄交歡清醕藉留斟
忘情卽忘形猶鼓無絃琴腹荆脫未薙郢雪徒爲吟
箴規慎乃終三益良可任

靜居集卷一 五古

五

閑齋獨夜

藹藹山景夕閑齋淡幽素高人寂未寢坐聞清漏度
良宵殊未央華月出深樹虛窗響暗接微風吹白露
感物悟清景臨風暢神慮幽獨堪自怡何用人來顧

奉答吹臺先生送蜀山人見簡之作

若人辭天階消搖寒江汜言送將歸人復念林中士
殷勤吐芳藻綢繆寓深旨文虹被林薄簡珠照泥滓
子畏伐檀刺予懷白駒美道同無殊歎神交有妙理
素居序已積孤遊情難委寫心酬妍唱怛然慙下里
懷方員外以常

丹霞散淪陰浩月出東山驚颺鳴高樹飛鳥繞林閒
攬衣起徘徊白露浩已圓豈無一尊酒慰此中夜寒
良朋邈已遠獨酌那成懽薰蕕不可和膠漆不可解
自非同心交誰能久不改

槎史赴臺

高臺闕江山梯航夔成闕佳麗煥夙昔而獨慘我類
逝者固云樂子去不復還平生五千卷寧救此日艱
天網詎恢恢康莊徧榛菅所恃莫可滅才名穹壤閒

題陳長史畫

是其臨難時作

若人悟縣解委蛻順天刑慷慨赴東市一日爲千齡

靜居集卷一 五古

五

李公悲上蔡陸子喟華亭識機苦不豫達生良可經
朱絃亦易絕仄景不可停從容洒芳翰炳煥若丹青
好藝永傳世精魄長歸冥披圖懷平素涕淚綠襟零
無寐 時聞吹臺故

戚戚多憂思悠悠悲夜長攝衣坐窗間仰睇明月光
明月有盈虧軌度豈無常南箕與北斗萬古不更張
人事有大謬天道信茫茫

聽香亭

粲粲歲寒花幽香靜中起人皆待三嗅予獨愛以耳
揖彼瓊瑤句長謠自爲喜聲中豈無香聞覺無異理

更願息聲色□香同一委無聞亦無聽冥然渾沌始

張節婦

行者不復歸處者長相思昔與君別者乃為大暮期
杲杲白日光其雨在何時惟有明明月可以比容輝
兔絲附女蘿窈窕不相離青青忽已槁纖纖難自持
他山豈無木林木豈無枝念彼綢繆好甘隨秋草萎
感茲以終老鬢髮已如絲耿耿柏舟誓千載同所歸

清晏堂

予扁所寓山堂為清晏蓋摘右軍帖中語也
蜀山隱君為書三大字刻著榻間林壑增勝

靜居集卷一 五古

三

因而成詠

少年未識事冠帶逐時流一悟名為妄悠然返林丘
假此精舍居蕭條岩徑幽竹樹共清密川澗屢環周
高峯延新旭華棟鳴晨鳩歸髮東軒下羣書散不收
嘉名余始製妙翰若雲浮况有同心交觴咏接綢繆
始來適未夏今已踰素秋謬處山水宅慙非仁智儔
耽翫味出處栖泊愧淹留誠知非吾廬且得性所求

畫為步羽士題

吾愛陶弘景開窗玩白雲白雲自舒卷青山無垢氛
清耳延松籟齋心閱瓊文問道虛皇老結客古茅君

靈藥青童種名香桂女焚萬乘遙致敬三天久離羣
丹成上鶴去棄俗等拏紛斯人不可見斯世亦徒聞
我獨懷仙契千載仰清芬

過雲巖 在虎丘寺

逶迤度前峯到寺行屢歇齋庖竹外煙汲路松間雪
觀水悟真源聞香解禪悅欲共老僧言相對還無說

遷居懷沈都事

歲晏共依仁孤舟泊烟麓以君吏隱地息我靜者躅
家貧乞假多情狎兒童熟留滯連冬春繞庭芳草綠
開尊對疎雨懸燈照深竹誰知今夜別獨掩高樓宿

靜居集卷一 五古

三

登銅鳩後巖 在吳邑

牽蘿陟雲岫憇此盤陀石欲去更題名淋漓蘚花碧
定有樵夫來怪是龍蛇跡

毛公壇

方壇蔭奇竹儼彼毛骨秀想見黃眉公時來濯冰溜
一往不可得尙問何日又

寄題北山堂

雨罷寺樓曉曲堂秋樹閒暫輟今朝講一玩北湖山
仰瞻上方雲遙見林屋關飛湍盡日雨流會先暮還
卽境知妄迹觀空怡妙顏予乏道門舊阻陪高坐閑

馳咏終非似當冀一追攀

於書篋中得高吹臺所寄詩遺藁

拂塵啟弊篋忽攬故人詩撫迹疑若存驚逝杳難追
憶昔吳苑遊文采眾所推名談析妙理華襟吐芳詞
予時僑城北高齋臨清池焚蘭延佳月對酒彈清絲
誰云茲夕歡乃為千載期冥漠遊魂遠淒涼親翰遺
墨塵尚流馥紙弊猶含滋玩此塗酒澤想君哦咏時
華章未及報厚意良已虧收竟一長慟林風響餘悲
想當寫寄日茲感君詎知

娟淨軒

靜居集卷一 五古

畫

綠竹有異質夙著風人篇猗猗瞻淇隈翟翟懷衛泉
拾遺美形容復有娟淨言微植被獎餘麗句永流傳
若人同所尚撥辭以名軒攢玉矗森爽編翠鬱芊綿
鮮標貫寒日密葉冒清漣遙想佳雨餘靜對罷鳴絃
濡翰傳霜□搦管題春妍聊探詞詠妙默寄圖繪宣
逝將汎濤江□□□□□枝掃涼月憇陰濯寒烟
雖徵求羊高請□□□□□所愛纏繫日為年

倪雲林畫

□□□□□□延陵東清時不肯仕滅跡雲林中
拂□□□□□琴寫松風焚香誦黃庭望雲送歸鴻

門車□□□尊酒無時空乘興畫滄洲古人未為工
于戈樓末路白首隨飛蓬名山乖始願羈遊無所終
賴有車武子能哀阮籍窮傾壺醉陶令辟堂延蓋公
流俗輕高賢貧賤困豪雄孤鳳混雞羣野鶴摧樊籠
豈乏梁伯鸞不聞皋伯通吾將傳遺逸清芬千載同

重刻張來儀靜居集卷之一終

靜居集卷一 五古

畫

重刻張來儀靜居集卷二

溥陽 張 羽 來儀 著

高安 陳邦瞻 德遠 校

新都 汪汝淳 孟樸 全校

五言古體

懷景佺師

旅宿厭煩喧愛此僧居靜蓮宇已摧頽茅齋自清迥
山光林際來野色雨中淨池水不生瀾袈裟坐相映
累日滯幽尋綠苔應滿逕

寄杰上人

靜居集卷二 五古

豫章叢書

相望東西陌共掩林中扉誰言儒道異妙善理同歸
昨歛精舍游步經園徑微高垣夏木遶綠陰生晝扉
振錫還山去空壁掛禪衣何意幽棲侶佳會亦相違
離合兩俱妄去來寧有依究空自足遣了此人我機
沈集自錢唐歸以此示之

錢唐昔所游形勝此邦最尙想鳳凰山飛翔落天外
胸吞滄溟寬江水渺如帶海門豈天設屹立兩扉對
汐潮類臣妾朝暮屢進退羣峰抱明湖浸淫百泉會
不意玉女盆居然墮閬闔崔嵬白塔寺零落南宋內
荒階與斷礎龍鳳紛破碎昔聞毫社屋厭鎮似可怪

豈徒鞭荆尸戮辱極狼狽僧胡固當醜國相豈無罪
雷師秉靈災焚蕩意頗快至今遺民過涕止行且拜
邈遊何草草千古須我輩落日望東南臨風發長嘔

寄吳隱君

隱翁蘊真趣飄飄懷古仙振衣入遠岳順風祈一言
寂歷微妙韻精明天老篤清齋扣玉齒焚香禮岐軒
九嚙華池液七返流珠丹頤性得天和齊物同化元
玉芝非吾茹聊以蘇世瘵神期苟冥會飛步升九天
抗迹遊浮丘塵手招倅佺下視倉扁流永爲塵罔牽

贈吳道士秋雲

靜居集卷二 五古

二

飄飄三素雲鬱鬱秀玉標清明合九炁高游冠神霄
凝化淪無迹廓落乘素飈停陰布甘澍灌溉榮庶苗
冥真無去留靈根永不凋真人保黃寧精鍊五濁消
控駕浮玉洞飛裙歛烟飄子英迴黃旂司命讚洞謠
澹遊何方所享此年劫遙

舟中

朝發戴山岑夕逗金溪瀆雲天方慘栗川途屢迴復
飄駛岸疑轉權奔山似逐鷗鳥隨波泛霜漸孕苔綠
依依浣女影嫋嫋榜人曲采奇忘來久耽勝成往速
悅生良可懷徇名非所欲請試孺子歌去矣從我獨

玄覽室

塵塵游氣運森森萬有羅宵然玄中求理一非有他
存心冥靈府洗胎灌百邪眾妙體常寂豈知形迹多
譬彼明月輪總攬諸山河團團霄中微默然至幽還
又如大淵海潛凝韜眾波中有運寸珠炯炯曜玉葩
問黑歸明月應感無偏頗高觀眾彙表不樂將如何
送許尊師還大滌洞

青山九鎖處白髮一龕居清齋誦黃老不閱世間書
餐霞食真氣對月禮空虛暫來流水地應與孤雲疎
遙知還山日仙壇春草餘

靜居集卷二 五古

三

贈醫士劉子中

伯休無二價長房惟一壺真隱不在山何必去京都
通籍遊金閨觀化眺神區拳蘿采石肉潛波攬江珠
焚香降天老稽首黃農書製之軒光竈湛然龕穢除
金精就日養輔世事其餘超延龜鶴齡高盼凌桑榆
哀哉倉扁徒忘己要名譽當年不白保千載聞醫如

由竹溪至梅谿書贈莫雲樵

出門懷清曠入舟苦炎熾皇天從人欲飛雨颯然至
風吹波上寒淒其感秋氣暝投山僧眠復得清淨地
舟人候明發徒侶不得遲泝流多枉渚篙楫頗告瘁

雖微三巴險事與五盤異聞昔天日頂靈物久潛閱
一朝赴大壑怒折崖谷碎回頭顧其兒首尾屢相值
至令此溪水斗折七十二世遠眾喧傳茫昧竟誰識
但欣秋濤壯水物俱得志我何憚行役沿洄領佳致
鷗鳧泛澹濫蒲柳蔚蒼翠人烟亂餘集茅屋若碁置
之子住河澹相望勞夢寐每怨川無梁握手今可跂
憶昨訪我初茅齋夜深閉扣門滿衣雪僵立不得跪
移燈具雞黍濁酒寒不醉同來鄭廣文清瘦凜欲睡
絕勝王猷顛返棹何太易茲行冒暑雨古禮尙報施
逝將穢輕繞待子思共濟散髮乘長流垂竿釣清泚

靜居集卷二 五古

四

扇上墨萱

虛舟縱超越萬里誰能繫恐此未易期臨川一長喟
團扇復團扇團團三秋月上有宜男草可翫不可折
宜男何足貴能令憂作悅憂思既可忘爲君忘炎熱
無障西風塵汗此皎如雪

題采苓子卷

春山靄眾綠靈苗何處尋孤芳不自掩迢遞入幽襟
塞條繁露散濯根寒澗深持此當朝茹清齋延道心

寄金許二高隱

輕籬始颺幕新篁稍翳隣非關杜來迹苔徑自無塵

獨以靜爲賞彌懷心所親倘畢東臯務一來存故人

獨夜聞雪

未知雪意就向夕足寒雲茅齋夜白掩孤枕夢回聞
暗飛方瑟瑟誰起看紛紛却憶梁園客既醉復能文

山中答武康徐高士寄書

久別得君書開緘散吾慮不寄山僧來何由知我處
剪紙答君書還寄山僧去爲問片雲閒何時一相遇

暮歸聞許文學枉顧

留連東齋飲迢遞獨歸遲忽逢山僧話知枉故人期
月華波上動禽響竹間移不遇君閒咏悠悠清夜思

靜居集卷二 五古

五

舟中望佛燈院懷南澗

院在烏程六都施家橋
東北久廢今爲歸安前

止吳氏
墳墓

蕩舟西陂上望山懷遠公遙知覆衲臥雪屋一燈紅
事殊迹暫曠神交理自通維當待歲杪期子白雲中

寓徐給事中舊所植竹樹有懷

君爲金門彥我向故山來芳樹遶庭綠猶是去時栽
寢閣銷餘馥賓位滿青苔孤賞誰爲樂園花空自開

擬過園隱阻雨

在遠每傷離在近還成隔飛雨渺何窮佳期悵難得
人寒市井空天晚江湖白知君掩閣臥終朝遲來客

石門道中

依微鳥外村逶迤烟中驛帆重因沾雨柁轉時驚石
遙岑樹共青淺浪鷗同白離索詎須愁來往誰非客

續懷友 五首并序

予在吳城園中作懷友詩廿三首其後題識四人
迺嘉陵楊孟載介休王止仲渤海高季迪郊郡徐
幼文也時予與諸君及永嘉余唐卿者游皆落魄
不任事故得流連詩酒間若不知有風塵之警者
及兵後予移寓武林向所懷者往往不相見而五
君者或謫或隱又各睽異嘆離合之靡常感游從

靜居集卷二 五古

六

之難得也故云

幽居古垣下共彼嘉樹陰里隣豈無好念子是同心
芳英帶露折清尊向月斟欲往尋遺躅荒園春草深

右余左司

藩翰屈長才蹉跎事文筆賓筵罷醕醲容臺淹下秩
高門去復醉孤帆望中疾少別歲已華思君無終日

右楊典簿

衡廬古巷中高駕日相顧芳草掩空扉知君斷幽步
殘烟北寺鐘暮雨西閭樹攜賞邈難期庶望遺緘素

右王逸人

子既遷山郡子亦返郊園兩地花俱發離愁春共繁
已罷臨池賞仍睽傾座言從來作者意寂寞向誰論

右高徵君

常懷稚子悲復酒佳人泣草草從軍旅悠悠去鄉邑
芳郊連騎行烟郭同舟入當時苟不樂追權何由及

右徐軍資

送方員外力疾歸吳興

終年不出戶出戶即相違疾病欣在告田園應暫歸
天寒孤舟發歲莫行人稀棹師遵舊路田翁識故衣
望聞桑梓在入里人民非傷哉展丘墓遽爾辭荆扉

靜居集卷二 五古

七

答方以常見寄

余方臥閒館子亦辭公門念惟名跡同中有素心存
昨暮枉高駕飄飄寒雨繁觴酌未云洽烟郭遠成昏
乖曠稍經宿已復長憂煩晨興來芳翰知子憩幽園
庭陰綠始遍時夏鳥無喧感物心獨悟思與靜者論
披詞想清景欲往阻脩轍申章酬佳貺寂寞已忘言

答宋天章詠懷

良辰誰不樂游子獨慨慷慨慷亦何爲感物懷故鄉

故鄉亂庶已欲往川無梁安得凌風翼泝彼西南翔
出門遇行客言曾歷我疆宮室盡爲墟城郭從悲涼
訪予平生親白骨委榛荒君子志四海小人懷一方
勲名愧遠圖豈必梓與桑游子不能答涕下沾衣裳
葉落糞本根狐死首山岡所生良可樂貧賤乃其常

送莫翁入郢却還谿居

舉世皆如醉何人獨愛才余雖識君者相對亦徒哉
落日收書卷涼風送酒杯紛紛俗中悶空谷遲重來

其二

蟬鳴山郭晏一掉出烟扉涼風將皓月迢遞送君歸

靜居集卷二 五古

八

自識門前樹遙聞窗下機應歎緇塵滿臨流一澣衣

讀書圖

幽棲出塵表脩翠連松竹袖得碧苔篇閑來石上讀
日暝欲忘還山空人轉獨

山居寄止仲

旅寓難自選幸此竹林栖石苔饒古色山禽多夜啼
遠形暫爾遣望道宥然迷鬱鬱將誰語申章默自題

賦廸院風荷贈別

露葉颺漣漪風涼水院時翠輕愁欲斷珠圓不自持
低昂隨妓蓋翩翻卷釣絲盤折驚魚逝規蕩宿禽疑

爲語蓮舟女聊將贈別離

和答童中州掌教

皇情眷樂育建官宗聖黷秩微道則重人欽化乃行
若人婺女秀經義宿所精辭歸更楚服持版赴雪城
鄭公論墨守董子著馬庭樞趨仰賢範園橋聆德聲
走也歧望久觀止願未并誰謂在頻初遽申伐木情
偕彼二三子乘流過柴荆傾蓋略宿味盍簪慰中誠
草具豈爲禮所欣接光榮恭承宴集篇華采粲若英
盛德多自負惟能下後生問年子先施仰高余愧盈
憶昔避事來久矣廢將迎豈不懷且暮緬然限音形

靜居集卷二 五古

九

神交跡靡間心照欲自輕斯章擬成報七襄徒致名

蓼莪堂

種莪圖可茹養兒欲奉老莪生化爲蒿兒大不相保
憶昔兒初生長育恐不早兒美未及嘗親骨已枯槁
譬彼種莪人愛此顏色好豈不勤灌溉采擷思一飽
甯知不入口埋沒同秋草詩人感茲義哀哀向穹昊
堂中有孤兒千載共憂抱我願天下人有食奉翁媪
爲莪不爲蒿庶免有遺悞

岳鄂王墓

中原千里志西湖四尺墳長城忍自壞神器憑誰分

流血應爲碧涅背謾成文覆巢無全卵護鋒射元勳
英魄孰相友濤江有伍君

經德壽宮遺址

廢苑民侵久故跡理當微鳳礎埋將隱鴛瓦墜應飛
厚池逢折珮薶草得遺瑣西陵亦如此神遊何處歸
望故人不至

登樓一悄望山川浩縱橫故人期不至迢遞獨馳情
遙見東西陌不聞車馬聲豈應厭煩暑憚此辛苦行
高齋掩閣坐玄蟬永日鳴獨對樽中物幽懷鬱難平
送人之官河南

靜居集卷二 五古

十

驅馬赴河洛致身及休明軒蓋滿衢路送君出南京
符竹懸華綬君恩匪爲輕行當樹勳業永爲閭里榮
睠茲雄藩地山川冠列城周鼎誰復問殷墟今已平
幸因政事暇一詢遺老情時攄弔古詠遠寄余當廣
贈製筆人

端居好文墨高齋清夏時良工有妙製絨封遠見遺
織毫發香墨玉管淡含滋明窗綠陰淨試用寫新詩
文飾雜衆品無如茲製奇如椽歸大手生花勞夢思
憐余俗書拙徒愧右軍池

晚過費山人園居

畏景惜高駕端居抱煩憂今晨微雨餘爲此隣曲遊
一造幽人居蕭然知早秋脩竹滿西墅早稼盈南疇
坐對故人爽復茲庭樹幽開園採夏果進客慰淹留
雖乏杯中物茶瓜當獻酬積喧欣物曠耽賞覺景流
共是棲閑客來去復何求

雲山圖

山氣寂已晦川寒斂如夕沈沈綠樹多隱隱千峰出
碧嶺蕩煙華寒泉散石脉高閣出林端古逕稀人迹
玩圖心已澄對景情還適感彼岩棲人終朝自幽寂

舟過西余漾

靜居集卷二 五古

七

扁舟泛長溪遙川曠清曙微雨夜來晴千山亂秋樹
田舍蕩孤烟菰蒲隱洲嶼縈紆水流澤綿延稼盈墅
賞心與誰同時物欣相遇且復駐歸程悠然散幽慮
聞徐使君左降懷慶太守因寄

憶昔同草澤君獨赴京師遙思此時別顏面久乖違
左遷仍剖竹品秩未爲微一黜故無愠忠勤當庶幾
但念親愛情音容邈難希守郡有餘暇草章當見遺
明時重英彥行當覲丹闈塵垢何足累拂拭還光輝

雨中懷黃逸人

閒居捐俗侶風雨送秋節忽念林棲人如何久相別

坐閣詠新詩步庭尋舊轍對景思依依望雲情嘖嘖
遙知北窗下時將道書閱欣欣慈母情濟濟諸生列
泥深往歎隔居僻來音絕緬焉不可見沈憂爲誰說
觀高吹臺遺稿以詩哀之

聖朝重英彥草澤無遺逸若人抱奇方獨爲泉下客
華草委空篋一覽動餘戚妙詠長傳世精靈已歸寂
幸茲墨澤存零落篇翰述當時攜手地事往今成昔
永乖盍簪好緬懷同心益惻愴結長悲音容難再覩

荅陽草堂

閒居守耕作結宇臨溪曲林扉晝常扃居延昏旭

靜居集卷二 五古

七

高荷映窗晚清渠含苔綠逍遙遠塵事澄心對簡牘
筆硯發幽芬琴酌招近局長吟匪求偶冥觀真寡慾
羨君棲閑意於焉保貞獨

詠庭前菊

種菊逸庭檻曉露汎其英隨風散輕馥感時候□榮
暖曖自成妍曄曄綴且明玩賞祛塵慮一酌起深情
衆芳久已化淹留欲何成

過觀音院看竹

僧齋傍松嶺散步一來遊蕭洒塵喧少扶疎篁竹秋
曲沼山泉合空庭鳥韻流霜清故葉改風動高林幽

愛此歲寒節佇詠一淹留

楚江清遠圖爲沈倫蓋并寓九曲山房作

烟霏亂晴旭遙見西林山憶歸東湖遠人家春樹門
荆扉映水掩應待龐公還

坐愛西山翠手板方支頤白鳥逝如彼孤雲淡若斯
誰能閑料理空滯還山碁

郢水不可極荆門望漸微青山將落照偏映酒家扉
漁梁夜爭渡知是醉巫歸

潮落寒沙廣蒼然遠山暮何處吾師歸自識門前樹
披圖憶所歷彷彿松滋渡

靜居集卷二 五古

圭

參差綠樹短窈窕花源明白雲若可攬山鳥時一鳴

遙羨中林子遲遲南澗行

猿啼楚山晚雲生冒洲渚返照入澄江風吹半峰雨

中有遠行舟悠悠待徒侶

寒烟引輕素斜日在高峰但聞猿鳥響更無塵土踪

山僧暝投寺迢遞來清鐘

南山隔秋水秀色空在眼寒裳不可涉臨流思無限

孤舟肯相濟寧辭去人遠

會飲戴山僧舍

良會在何所僧齋傍林丘共此一酌歡逍遙解煩憂

相攜盡詞客歸依從道流傾觴不復訴延詠可淹留
長松冠岩列脩竹映林幽澄景自難遇佳辰當共酬
况此無塵土不樂復何求

喜曹程二文學見過

乖曠逾時節茲辰一來顧暫駐清溪棹坐覽前山暮
道心無異流名言自同趣新詠各相陳華觴寧見訴
已倍高齋眠復接閒園步茲會良已殷來期苦難屢
預懸別離思明發勞遠慕

過南庄感舊

清晨少休暇散步臨南垌茅廬昔所寓暫別歲已盈

靜居集卷二 五古

酉

長懷秋冬交積潦遠柴荆邑里半流亡雞犬寂無聲
虎迹滿中逵惕息行路驚斯時掩扉坐蕭條霜氣清
賴有案上書稍寬羈旅情舊景逐時變新歡欣歲成
秋禾幸已穫宿麥亦已青且復遂吾性力耕得所榮
徐參政手植竹今歲忽抽笋數十莖森然可愛

因而成詠

假寓養幽素高臥掩柴荆愛此娟娟綠時復下階行
去歲土力微故叢慘不榮今春少延茂新篁矗已成
空庭風雨餘遺籜散縱橫稜稜清露氣蕭蕭涼吹聲
步陰尋往跡對景悵離情重是君子植微物何足嬰

豈應富貴餘便已忘歸耕懷君隔千里憂襟愴已盈
移寓觀音院讀書

本自東臯居暫假西林寓棲身幽人境依道多妙悟
空門少客來永日絕塵務綠疇嘉禾秀碧井寒泉注
果藥羅新榮松筠蔭微路靜對古人書開帙得新趣
且當篇翰餘登臨愜清素居閑事無累擇勝心所慕
此地一棲止歲寒聊可度

夜宿天寧禪院

服役趨城府公餘稍登厯暮投陳朝寺廊殿多古跡
壞龕明金像妙畫在高壁殘碑不可讀零落蒼蘚積

靜居集卷二 五古

五

老僧道心熟趺坐守虛寂示我貝葉傳清談竟茲夕
風鐸入雲鳴池泉和露滴言契自相同塵紛從此釋

趙仲穆江浦歸帆圖

蒼山橫平沙細浪雜烟霧何處遠歸人孤帆望中度
胡僧渡水來負杖行頗遠隱隱聽疎鐘朱樓起高樹
王孫當妙年寫此胸中趣晴窗一披玩愜我平生素
畫史空自多妙手不可遇斯人已云亡遺跡勞遠慕
亂來名畫少真贋每相誤願君藏篋笥什襲煩愛護

觀李仲賓侍郎墨竹

妙筆奪天巧寫出碧玉枝焚香靜相對彷彿生清颺

桃李不可傳霜雪那能欺寥寥此君心惟有居士知
和金琬寄張廉日暮有懷

齋舍翳村巷園林驚早秋忽枉瓊瑤作開緘釋煩憂
迢迢山水隔遠寄何稠繆感茲落日時獨鳥鳴尋儂
眺望多深情摘辭寫心幽寓意欣有託適性亦何求
自愧木桃詠短篇何足酬

喜金孝元至同讀書山齋

駸駸歲年莫漫漫山水隔登山爲誰思端令遲佳客
凌晨趣來裝迢迢造虛僻講習樂羣居直諒獲三益
虛館共弦誦高窗同簡策涉史觀古今談詩竟日夕

靜居集卷二 五古

六

谷口摘新蔬林中尋往跡感此幸有託且當戀儔匹
相期樹脩名莫動歸思戚

喜陳僉憲北歸訪宿山齋

良游久乖闊音塵邈難通偶然罷官歸一舉脫樊籠
清晨來扣關訪宿山齋中具陳險難事各慰離別容
寢扉對嵐嶺高窗敞遙空談詩竟日夕揮手送孤鴻
覽茲金玉章綺麗一何工攜手且爲樂一觴聊可同
過九里山訪陳僉憲

端居彌時節春朝棹輕舟取芳漸芬菲風日已和柔
沿洄指遠嶼汎覽度重洲青山淡微雨白鳥逐輕漚

一遇素心人超然解塵憂各免簪組累同欣泉石幽
朝衣掛高壁坐服對林丘翰墨互貽會尊酒更獻酬
預愁明日別回首雲山稠

病起

齋居抱微疴沈迷倏連朝高眠昧時節局處絕朋交
幸孚勿藥占蹇昇望林郊扶僊步春園卉木咸光昭
青陽轉緒風枯枝變榮條萋萋長綠草藹藹發紅桃
覽物清滯懷玩芳動長謠晨策一來茲羣友相招邀
晤言疾徐遣懽遊心自超對簡問新知披襟蕩喧囂
眷言同懷客終然處林阜

靜居集卷二 五古

南山遊眺

名山亘湖郡峯巖與雲齊巒嶽分秀色臺殿擁高基
登眺乘春芳陟降窮丹梯藤蘿高還下猿鳥飛復啼
仰凌千仞岡俯覽三秀黃長松擢新幹密竹長舊溪
尋源未云極歸途已如迷隱淪幸可託終當構林栖

過黃徵君新居

莊生寄漆園子綦鬻南郭逃虛本無迹委蛇聊自託
子欲隱東山常恐負所約幽棲若有期茲焉遂先豁
塵心頓舒捨人事俱濩落開窗泊迥渚啟扉見遠壑
田逕莽紫迂溪流無淹薄編槿代列廡掛席當懸箔

釣水臨苔榭玩山依茵閣安居志已順相親情自度
高懷既超廣外慮徒參錯願焉長如此守道且爲樂

題錢舜舉畫曉日照羣山圖

朝陽澄霽景麗色散羣峰明霞冠其顛一一金芙蓉
烟樹遠漸辨蒼翠知幾重幽谷俱光彩卉木生春容
茅茨住溪口桃源疑可通閑觀發佳興清賞趣何窮
誓將登日觀一覽披奇胷

移居新齋

素乏經世術自有棲閑情久假西林居羈寓寡懽聲
新移東齋來棟宇喜新營几案亦羅列簡牘復縱橫

靜居集卷二 五古

六

已欣卉木長更愛庭石清隣里各相賀斗酒聊共傾
欲究先師教况復獲良朋幸此安蹇拙但愧學無成
喜金孝元復至

別時春始中別後春已遷思慕日已遠感時情自牽
茲晨東簡策催舟一來旋忽聞扣林扉相見各欣然
綢繆敘間闊芬馥投佳篇嚶鳴念同趣因依學先賢
地僻聊足隱質弱不及宣履運運邁往循已已有愆
願蒙箴規益文苑共高騫

閒齋曉起觀道書

閒居養幽素高齋閱清晨披衣朝東皇嚙嗽元和津

手披丹臺書超然滌心神瓊章多奧理妙韻來眾真
焚香盪諸穢存此妙有身理愜意無遺形超志自欣
願得升蓬萊永離萬劫塵

送李文學還鄉二首

奕葉仙李胄遺芳播千年源宗西平系派別福唐阡
宅瞰廬陵邑門對西江田簪纓著芳牒書詩嗣前賢
喪亂忽無象妖氛方蔓延之子羣宗秀抱器倏東遷
竄身浙河濱匿跡洞庭壖擇里苟可處懷居願亦愆
今上盪昏垢修文偃戈鋌弱喪俱回復流離始歸旋
暫與新知別重尋平生緣元辰理輕裝捐途念行邁

靜居集卷二

五古

五

舉觴一飲餞臨岐願留連分袂郡城陰發棹驛亭前
行行無定端別去情更牽念當息檐時隣里賀款然
故友半凋落廢宅遠板纏丘隴卽先築池沼非更穿
訪林迷新街企澗飲舊泉莊舄罷越吟鍾儀弛南絃
歸根悟妙理衣繡果先言願因下江使馳寄還山篇

其二

人生悲離別重此骨肉情今君反成權乃是還鄉行
驅舟涉大河命駕西南征雨餘眾江滿天高夏雲生
水鄉無炎暑客途有常程捨舟玉山浹遙指洪州城
惻惻鄉土念依依父老迎各敘昔亂離且欣今太平

兵餘少人歸君歸獨能成苟存首丘念何待衣錦榮
休告亦易滿朝謁自有盟勿戀父母邦佇待賓天京

題晚翠軒

百卉與時悴遺榮獨含芳蕊龍耀朝日奕葉凌嚴霜
啟牖延清影俯檻挹寒光夕隕謝浮艷後凋保貞常
幽人抱高節晚歲此徜徉

松下曉櫛

凌晨盥漱罷獨步南階行悄然四隣寂暫此息營營
散髮綠陰下一櫛晨風清彈冠塵自散振衣香更輕
松露空中墜荷氣靜時生悟脫遂真性俛仰忘憂情

靜居集卷二

五古

五

雨中簡金孝元

閒居依僧舍託身事文墨逍遙養道心緬邈絕塵役
與君一夕別恍若千里隔對酒獨難懽理篋尋舊跡
遙思遊詠時山窗正幽寂書帷羅南軒夏衣掛高壁
風驚林鳥亂雨散野筠碧已懷趨闈戀仍抱離羣戚
減詩復何爲憂傷聊可釋

雨窗臨黃庭經

連朝滯積雨齋居事臨池一展右軍翰千載有餘輝
纖鋒多逸氣妙態無妍姿洒落烟霞起縱橫鸞鶴飛
遙思揮毫日心手與神期欣然付道士獨抱白鷄歸

模寫意徒專効壘安可希斯人無復見遡風空自思

謝車叔明惠筆

慙余好文墨模寫自忘疲徒乖入木術詎擬畫沙錐
尊君遠馳念宜毫忽見遺明窗綠陰淨榻試臨清池
玉堂表奇製筠管淡華滋揮搖動清興濡染荷遺輝
裁詩以爲報愧無毛穎辭

詠萱草花

南園衆卉罷嘉草獨含芳丹華慶晴日翠葉艷朱光
盈盈列芳挺淡淡發輕香宜男佩□□沈憂還可忘
願徵鄭風詠移我近北堂

靜居集卷二 五古

三

送陳憲副之官廣東

少年擢高科遊宦歷數春并涼返北駕交廣馳南輪
過家從便道謁告瞻高墳朱衣還故里光榮耀鄉隣
茲辰辱枉顧話舊慰所親王程自有限難爲久逡巡
行行當盛夏何以解炎氛前登越王臺仰視羅浮雲
清風蕭瑟服善政靜黎塵已遂鵷鴻舉還思麋鹿羣
願因上國使緘書慰惰勤

喜得徐主事書

職參秋官部地近白雲天英才展高步恩寵冠羣賢
茲辰辱芳札啟玩一欣然頗言官守重公門甚熬煎

還憶茗城時攜手歷山川高駕不可期尊酒徒盈前
遠念千里隔離思自綿延欲往方自繫將酬未能宣
何因解簪紱歲晏歸田園

題李唐畫袁安臥雪圖

袁生抱高節處順以安時杜門不出仕自與塵世辭
歲暮多嚴風積雪盈路歧擁爐獨高臥中心還自怡
縣令何所聞下車扣茅茨問君胡不出會云恒苦飢
慎守固窮志相干豈其宜此事沒已久緬焉獨馳思
披圖三嘆息高風如在茲嗟彼後之人汲汲徇其私

築室宜春園

靜居集卷二 五古

三

人生固有道勞逸常相於豈云都不營而自求晏如
自從兵燹來第宅無復餘弊宇八九椽守拙依舊墟
茲焉鳩衆工卜築理荒蕪良辰構高堂及此涼秋初
燕雀紛來賀儼然君子居上以奉父母妻孥共娛娛
下以會賓親高車盈門閭池沼引新泉桑竹榮故株
念此園林好塵纓良可除綢繆結石牖禽鳥猶勤劬
託身既得所終焉守吾廬

翁山僧寄芝草

曄曄紫芝草本是聖世祥高僧遠見遺採從南澗傍
生條不復枯秀色映朝陽亭亭銅池種藹藹瓊田芳

齋戒烹金液服食滌中腸當知清淨域產此濟頽傷
愧非綺與角未能遂翱翔絨此拜還使遙望嵐峰長

牧童詞

朝牧出湖田暮牧還山道山路無豺狼湖川多豐草
大牛耳濕濕小牛角嫋嫋脫笠掛疎籬解蓑曝叢篠
有繩不妄牽牽多牛易撓有筐不妄施臨鬪解其擾
坦腹臥空林日夕牛自飽歸來吹短笛悠然發長嘯
取樂在須臾何如南山皓

送陳僉事往河南舊遊

謝病屢辭秩預告欣免歸投迹歸南山深林歌採薇

靜居集卷二 五古

三

何爲遠行邁赴彼千里期河南昔所遊夢想勞心馳
茲晨理行艫解纜臨通岐眷言別桑梓令我恨有違
人生無定端聚散紛如絲別時豈知酸別後各相思
王簡思丙穴越鳥懷南枝京洛無久滯淄塵易染衣

送弟瑜赴京師

何由行邁遠服役向京師飲餞列長筵簫管清且悲
豈徒兄弟情亦有同門思婉戀辭師傅惆悵別親知
朝發戴山渚夕次吳江湄飄飄冒風塵嚴霜薄征衣
索居心易感懷土念多違願言保令體慰此連理枝
王事有更代歲晏當來歸

送郭伯理遷葬還鄉

廬陵有佳士前代適茲鄉結交多賢豪聯句日翱翔
權遊不知歸一旦阻擾攘徘徊死逆旅藁葬南山岡
家有總角兒念父結中腸吳楚各緬邈生死安能詳
今上盪妖氛舟車通四方行泣求父所謂存今已亡
匍匐五父衢撫墓心益傷徂謝已永久松柏儼成行
殘碑委荒草壤額遺隨傍戚戚私心悲迢迢返路長
倉惶啟幽殯明發理輕裝登臚眺仁山掩泪望九江
招魂回故里負骨還高堂新塋附祖禰行樹梓與桑
哀原不見求義風日已涼感彼純孝人贈言受斯章

靜居集卷二 五古

四

侍宴應制

吾皇弘家慶懽樂殊未央小人叨瓜蔓高會公子堂
游目視東園飛蓋集路傍皓月照園中羣木望蒼蒼
靈龜伏水裔好鳥鳴鏗鏘華燭張高筵綠酒充羽觴
弦歌發清音聽者焉能詳勸酬未半席明星已煌煌
願志詩人言爲樂無大荒

題胡玄素畫

我有一區宅寄在匡廬山香爐起戶外瀑布落簷間
梅老花空發草芳人未還惟有藤蘿月夜夜照松關
贈胡若海聶茂先

胡聶兩才子束髮好從戎棄書去學劍聯翩行伍中
論兵舌吐火見敵耳生風連鑣度狹斜接席醉新豐
萬里逐輕車十年無戰功歸來投文吏相顧各成翁
知命顧無怨爲儒豈不通聊復釋襁褓從茲事章逢
君恩仍見收吾道未終窮乘輶九真界策馬三晉衝
一身隨簡書分散如飛蓬嚴秋九月天握手此相逢
垂楊欲生肘浩氣猶填胸却話向來跡恍然醉夢同
一贊少吳司出入蓬萊宮一佐青陽宰絃歌百里封
人非鳥獸羣焉得長相從喚酒金陵市分袂新亭東
高歌句驪曲笑拂寶刀鋒致身貴勲業泣別非英雄

靜居集卷二 五古

五

石城接秋浦九華映茅峰欲寄碧雲句中有雙飛鴻

松竹軒

曹務局終朝齋居暫休沐松陰生晝寒竹色連砌綠
懶從醉吏喧時對高僧宿毋將簿領來穢此山林躅

倭扇

賜從天苑秘來涉雲濤遠入握體還藏向風機自展
豈無白團扇能舒不能卷洗馬手中持終朝陪鳳輦

晚歸飲取芳亭

晨登羣峰首良遊紆鬱陶褰衣涉蘿磴停策眺蘭皋
厓端俯城肆樹杪矚歸濤江平遠帆駛天淨羣山高

曠望信多美喧濁暫能逃况值芳樽酒一酌解疲勞
元日喜雪懷方員外以常

片片逐年來皎色映樓臺墜花驚爆竹落素濕香梅
遶林春宴罷撲馬早朝回應知洛中客高扉徒自開
郭上舍讀書處

蟲鳴縣齋晚月滿杏花壇散帙夜方半下帷人獨寒
屢看孤燭換詎聞清漏殘擁衣待申旦雜佩已珊珊
觀習禮神樂觀歸而有作

維皇忝明祀卜郊時再陽指期戒先事習仗誦故章
竹宮儼清閔羽佩溢中堂蒞階羅舞鉞著位表官行
靜居集卷二 五古

五

升歌出庠藻妙奏發清商臚音肅遠響華鐘泛高張
虛罍待實醴薦璧願承筐想茲天步臨穆若垂景光
駿奔貴有恪報說永無疆豈同交門享惚恍事神方
揆子承人乏具寮慙奉常茲焉陪羣彥會此靈時旁
執禮素寡術敕躬何敢忘愧無安世歌衷望齋房
紀行十首洪武七年甲寅臘月奉

旨乘驛往鳳陽祭

皇陵道經目覽爰筆舟中用記其實

龍江灣

玄天無烈風江水日夜清馳波渺東注迴流抱神京

至哉鍾水德乃以龍爲名舟橋萬方合雄麗殊百城
昔云天塹險今作衣帶縈山川跡不改人理有代更
下馬入官船茲焉始孤征祀事有常期中心念王程
俯視萬仞淵不啻溝澮平涉川古所戒事重軀命輕

觀音山

連山爭南馳劃斷滄江曲勢如萬馬奔鞭鞞忽迴復
石角不戴土蒼然四無麓寸草不得榮唯含古苔綠
浪波撞其根岩竇響琴筑浮圖乃善幻凌虛駕佛星
行人願利涉望拜各致祝人生貴無事安能慮存覆
我欲升其巔憑高快心目飛傳不可留一往如電速

靜居集卷二 五古

五

竹篠潭

凍雨不成雪客行利新晴迴睇三山外殘陽霽餘明
江神不揚波歸流澹且平使者誠寡德國家育威靈
笳鼓發中州禮歌悲且清醴酒凌長風篇翰倏已成
常讀皇華章征夫任匪輕愧無咨詢効何以答聖情

金川門

兩山夾滄江拍浮若無根利石伴劍戟風濤相吐吞
維天設巨險爲今國東門試將一卒守堅若萬馬屯
我來犯清曉天空霜露繁列宿森在列北斗峭可援
江光合海氣溟滓神攸存俯視不敢唾中有蛟龍蟠

浮圖者誰子高居凌風旛下見渡口人擾擾蜂螻喧
愧彼超世士去去將何言

邗溝

衰楊夾高防北風暮颺颺道逢長老問答言是邗溝
相傳開鑿初民勞天爲愁至今濁河底時見白鬻體
陸通梁宋郊水漕荆吳舟渠成萬世利慮始難爲謀
至今南北交此土爲名州飛閣跨通波張幄如雲浮
憶昨少年日寶馬珊瑚鈎經過劇辛輩結託金張傳
醉月瓊花觀微歌明月樓羅綺朝還暮笙竿春復秋
繁華逐逝水一往不可留向來歌舞地茫然狐兔止

靜居集卷二 五古

五

家老無兒孫杖屨驅羊牛小心尙爾不知今白頭
欲從亂離說恐予增離憂長揖分袂去零淚如絲流

高郵城

茫茫高郵城下有古戰場當時魚鹽子弄兵此跳踉
燕師掃境出供餽走四方長圍匝百里旌甲耀八荒
譬如高山頽一卵安足當驕將存姑息頓刀待若降
兩機不容髮百萬莫與亢鹿走命在庖居然屬眞王
空餘菩薩臺落日風吹黃

清口

豁達兩河口前與黃河通高岸忽斗折清淮滙其中

甘羅城在南韓信城在東一爲秦人英一爲漢家雄
人生有不死所貴在立功方其未遇時鹿鹿何異同
時命苟未會丈夫有固窮舍舟登高防歲暮百草空
坡陀隴畝間一二老弱翁遺跡不可問但見荒榛叢
行行重回首目斷雙飛鴻

龜山

輕舟俯淮流千里不見山披衣起清曉忽覩青孱顏
始覺客愁散頓忘行路艱安得策飛筇一造幽人關
翻思在山日午巖厭登攀物少乃足貴不在美惡間
役夫告我言此下棲神姦噓氣成江河須臾駕岡巒

靜居集卷二 五古

禿

僧伽大威力因彼一掬慳石岩下無底繫以千連環
至今風濤夕猶聞響珊珊茫茫淮泗流禹功不可刊
傳奇乃由誰此語當重刪作詩寄崖石庶以開愚頑

歸過白馬湖

沿流信歸棹漸與青山遠遙見鷓鴣飛蘼蕪春尚淺
空嗟心愛離莫緩愁腸轉不對芳樽酒紛思終難遣

三江口望京闕

凋年赴陵邑穉景懷京闕引領鷓鴣觀言旋桃李月
綠蕪滿芳甸青山麗佳節沙氣已含春柳意方辭雪
征夫雖邇近同心仍阻絕逃空庶無遺賞勝聊自悅

吾其和天倪將從莊令說

樂府歌行

賈客樂

長年何曾在鄉國心性由來好爲客只將生事寄江
湖利市何愁遠行役燒錢釀酒曉祈風逐侶悠悠西
復東浮家泛宅無牽掛姓名不繫官籍中嵯峨大舶
夾雙檣大婦能歌小婦舞旗亭美酒日日沽不識人
間離別苦長江兩岸娼樓多千門萬戶恣經過人生
何如賈客樂除却風波奈若何

長安道

靜居集卷二

樂府

五古

長安城中多大道滿路香塵風不掃三條廣陌草斑
斑十二通衢人浩浩少年結客事遨遊繽紛冠蓋如
雲浮朱衣公子金泥障白馬王孫錦帶鈎五公七相
稱豪貴貴里豪家誰得似走馬章臺柳似絲聞雞下
社人如市涇川渭水轉依微五陵北去望透迤還有
閉門讀書者長年不出長蒿藜不學城中遊俠兒百
年身死何人知

行路難

君不見富家翁舊時貧賤不得志平生親戚皆相棄
一朝金多賤還貴百事勝人人莫比子孫成列客滿

堂美人四座回鳴璫躍馬揚鞭游洛陽片言出口生
輝光由來本自一人事人心愛惡不相當季子西游
窮困歸妻織自若嫂不炊行路難良可悲不貧賤那
得知

將進酒

滄海嘗爲田泰山可作砥巒遷靡有常黑白交鋒起
鈎曲封公侯弦直道邊委賢哲今幾存不飲將何俟
獨不見

南國有佳人容顏美無度臨風弄寶瑟其音怨而慕
未奉錦鸞迎詎肯涉行露小院落花深草生春日暮

靜居集卷二 樂府

掩關獨不見淚下濕絃素

守宮詞

細盒和丹食龍子胭脂夜凝神血紫老蟾玉杵寒丁
東鸞尾輕輕飛碎紅靈砂沁透白玉腕細看每將羅
袖卷分明皓雪棲彤霞香痕笑比萼綠華還籠牛臂
縈盤帶蝶粉蜂黃鎖長在天桃一點老青春門前魚
目深如海

百索詞

越羅窄袖香如雪五色絲茸相鬪結看誰結得絲最
長管取自身無口舌大姑巧擘松紋細小姑雙盤作

人字搯來只依金釧寬剩得留將繫郎臂繫郎臂結
郎心一寸絲繩一寸金愛惜莫教容易斷直到明年
與郎換

羽林郎

羽林侍執戟如霜直入承宣內不防要立奇功靜邊
釁長繩生縛左賢王

邯鄲才人嫁爲廝養卒婦

花顏紅柳眉綠解詩書擅詞曲名動趙州城遠召入
漢京天顏加異眷三千粉黛失光晶才高色美易生
妬遂使君心不如故一朝配與廝養卒胸中哀怨從

靜居集卷二 樂府

何訴

吳宮春詞擬王建

館娃宮中百花開西施曉上姑蘇臺霞裙翠袂當空
舉身輕似展凌風羽遙望三江水一杯兩點微茫洞
庭樹轉面凝眸未肯回要見君王射麋處城頭落日
欲栖鴉下堦戲折棠梨花隔岸行人莫偷盼干將莫
邪光粲粲

楚宮夏詞擬張籍

渚宮四面芙蓉開碧水晴搖冰井臺玉壺蔗漿光滿
滿當畫君王頻賜來雲綃半幅涼斂滑援琴向風彈

白雪冷玉屏開十指寒輸却鸞鏡戲相奪吳綾畫扇
鎮長新肯信年年有炎熱不願生入蓬萊峰願妾世
世居王宮

秦宮秋詞擬李賀

涼波翠濕南山影露滴金人光炯炯君王夜半捲衣
回樓壁斜開蜀雲冷西宮桂熟離離子海童不歸海
塵起蟪蛄啼老不勝秋小玉採香惜香死胭脂影破
澄潭白菱角尖尖怎堪摘鮮紅嫩綠來滿船樓前涼
月光團圓

漢宮冬詞擬溫庭筠

靜居集卷二 樂府

石鯨吐浪搖金池吹盡官梅如雪枝避風臺高風不
到寶帳熟眠人未知象爐紅熾狻猊影甃軟翠鴛
鴦並李娘喚春春爲回笑却人問求火井椒房小妓
起常先玉餅暖手濯溫泉白頭臣朔寒無履待詔金
門霜滿天

寄衣曲

家機織得流黃素首尾量來寬尺度象床玉手熨帖
平緩剪輕裁燭花莫含情暗付今瘦肥著處難知宜
不宜再拜征人寄將去邊城寒早莫教遲歸掩雙扉
空淚落舊繡遮身曉寒薄良人早得封侯歸妾身何

愁少衣着

陌上花

江南三月芳菲菲雜花生樹鶯亂啼美人一去幾斜
暈城郭空在人民非山河滿目草離離留得□□落
翠微猶自丁甯緩緩歸

鳳兮吟

碧梧高高碧天寥寥陰風四起吹舊巢時哉時哉日
將莫兮鳳不來鳳不來兮白雲送日空徘徊

公無渡河

東流水無迴波輕生欲渡河勸公不從如之何河水

靜居集卷二 樂府

難渡渡者轉多

結客少年場行

長安少年重游俠生平結交盡豪傑聯騎往來五陵
道豪雄意氣誰能奪渭城三月非人寰桃李杏花開
未闌季布郭解爭追攀十二街頭車班班走馬聞雞
過渭北擣蒲百萬常一擲朝持黑丸斫府吏莫挾青
萍投劍客娼樓夜半張華筵美人勸酒嬌且妍高歌
妙舞紅燭前醉來失却珊瑚鞭此中樂事亦已偏忽
聞天驕渡黑水天子按劍思開邊願逐嫖姚充役部
直上頭谷過祁連誰侶南隣窮巷子閉門長誦白雲

篇

龍馬行

吾聞渥洼之馬一日行千里此馬骨相真無比當時
貢來赤墀下天子臨軒稱絕美權奇自是天駒精四
蹄不動如雲行奚官黃帽不敢騎顧影促踏時長鳴
宮車曉幸宜春苑六街雨晴芳草軟翠薇冉冉塵不
驚西出夾城如電轉天生此馬非徒爲鹽車太行吁
可悲駑駘豈肯自有定何待方致伯樂方能知

猛虎行

南山猛虎何虓雄飢來白日出林中咆哮厚地隨聲
震萬壑悄悄生悲風今年養子南澗北雄出尋羣雌
護窟五陵獵徒不敢射空來山下看行跡射死虎時
納虎皮胥吏索錢還見欺何如縱虎得免費虎自殺
人渠不知昨夜傳聞入南鎮不待三人言已信若殺
一虎賞千金猛虎雖猛應須盡

老將行

少年十二執金吾一身能擘兩雕弧臨陣堂堂膽氣
颯軍中決勝絕代無祁連山前三日戰正馬直走南
單于沙場萬里除殘賊天子臨軒賜顏色當時封侯
立功早今日蹉跎鬢將白淒涼獨守漢西營倚樓閑

看陣雲生胡沙不似當時遠漢月還如舊夜明男兒
志氣豈終改膂力已衰心尙在莫言善飯似廉頗尙
堪一戰空青海

長干行

長干人家向江住朱雀橋邊舊衢路參差碧瓦颯青
旗繫纜門前有楊樹竹弓射鴨向汀州家家無井飲
江流女兒數錢當酒肆商人買笑開娼樓謝家子弟
如蘭玉不見當時舊遊躅夜深月滿大堤寒愁聽陳
王後庭曲送君策馬此中行秣陵遙接石頭城愁來
滿引金陵酒莫聽秋風淮水聲

靜居集卷二 樂府

素

吳官白苧辭

織成白苧勝白絲恰稱吳娃冰雪肌渚宮金剪製舞
衣白雲一片筵前飛舞衣當筵潔且輕君王回盼心
已傾徘徊玉階夜露零桐花拂面微涼生銀燈結穗
晃疎橋墜簪遺珮滿中庭此時不說紅錦綺得以千
秋薦恩喜璧月團團墜江水姑蘇臺上烏啼起

溫泉宮行

有客自秦地驪山來言溫泉宮已廢唯泉尙未涸
上池使客所浴下池行人所浴感而賦此
煌煌帝業三百年驪山宮殿空雲烟美人艷骨爲黃

土山前不改舊溫泉溫泉雖在君王去芳草淒淒滿
宮路泉聲如泣日將莫山鷄亂鳴上林樹憶昔玉環
賜浴時紅樓綺閣香風吹頭上寶釵涼欲墮蓮步輕
扶雙侍兒有客今年曾過此宮壞牆傾山色死虎旅
知更不復聞池上玉龍猶噴水當時此水在天上一
沐恩波榮莫比六宮粉黛不敢唾今日行人鬪來洗

咸陽宮行

客言咸陽宮亦廢有民種瓜其上感而遂賦

百二山河象祖力六雄仰闕不敢敵金人十二高
嶸天下甲兵從此息天子曉御咸陽宮樓閣高低複

靜居集卷三 樂府

三

道通千石之鍾萬石簾遙聞天樂在虛空宮車隱隱
春雷起渭川曉漲胭脂水六宮粉黛謾如雲不救明
年祖龍死榮華奄忽何可論千門萬戶無復存遺墟
久被民家占四望空餘瓜蔓根行人爲問瓜田老地
上揮鋤休草草荆軻昔日猛如狼曾來此地見秦王
百夫之勇猶披棄汝今擔突何敢爾

驛船謠

驛船來鼓如雷前船去後船催前船後船何敢住鋪
陳惡時逢彼怒畫屏綉褥紅氍毹春夢暫醒過船去
棹郎長跪勸使臣願官莫喜更莫嗔古來天地如郵

傳過盡忽忽無限人

聽蟬曲

黃鶯紫燕寂無喧新聲最好是聞蟬栖烟初噪如喧
嚙吸露才停似斷絃乍向風前聞杳鼻營營嘈嘈鳴
不了斷續能牽客夢長淒涼解動羈愁早一番蛻脫
已身輕最是居高韻更清莫道轉丸穢壤底冠綬還
比侍臣榮長樂宮中百鳥靜十二簾開漏方永忽向
上林翻下苑多少蛾眉倚闌聽墜堤干樹柳如烟無
情偏向夕陽天切切自將亡國恨淒淒欲共路人言
蟬聲到處何曾別人心聽來有悲悅何如一枕北窗

靜居集卷三 樂府

三

眠喧寂都忘聞見絕

古朴樹歌

山前古木不知年婆娑黛色上參天霜柯反足鬪龍
虎偃蓋倒影鳴蜩蟬綠葉參差有生意中閒孔穴萃
蟲蟻上枝杳杳橫蒼雲下根落落穿厚地樹傍古廟
祀土神人來酌酒澆樹根但願神靈長血食樹木與
人終古存村中老人長孫子自言此樹多年紀憶作
兒童上樹時今見根柯已如此曾經喪亂見太平幾
遇斧斤還不死山僧愛此來誅茅盤鬱蒼翠當簷扃
待余六月攜床至臥聽南風鳴海濤

踏水車謠

田舍生涯在田裡家家種苗始云已俄驚五月雨沈
淫一夜前溪半篙水苗頭出水青幽幽只愁飄零墮
上流不辭踏車朝復暮但願皇天雨即休前年秋夏
重漂沒禾黍紛紜滿阡陌傾家負債償王租卒歲無
衣更無食共君努力莫下車雨聲若止車聲息君不
見東家妻前年換米向湖西至今破屋風兼雨夜夜
孤兒床下啼

戴山迎送神曲

山蒼蒼兮多木橫絕四野兮下無麓嶽遠望兮登高

靜居集卷二 樂府

堯

神不來兮勞予目煦煦兮雅雅靈修儼兮紛來御叶
胡不來兮夷猶將誰須兮遠者芳莫芳兮澗有萍潔
莫潔兮白之清雲為蓋兮霓為旌神之來兮山冥冥
口絳闕兮朱堂冠余山兮神所宮神之愉兮既降叶
翩龍駕兮雲中屢舞兮僊僊紛進拜兮庭前靈天皎
兮好服神弗言兮意已傳性不實兮酒不旨將淹神
兮神安止神弗止兮福遺我事夫君兮長無已

古劍行

我聞吳王有寶劍其名莫邪與干將此物精靈無乃
是土蝕沙沈寤久藏琉璃寶匣生紅光七星皎皎含

文章寒泉三尺人不識粼粼背負蒼虬色妖血千年
今不乾鷓鴣膏冷秋霜白太平天子方赫然八方四
海無烽烟嗚呼此物無所試慎勿龍鳴虎吼飛上天
慎勿龍鳴虎吼飛上天

余將軍篆書楊本歌

即忠襄公關也

余將軍守舒州舒州之城大如礪長江西來繞城流
賊船如雲壓城破將軍提劍城頭坐劍未動虜已奔
鯨鯢蔽江江為渾孤軍六年二百戰王師不來城自
存無兵猶足戰無食安可支豈無愛妾與愛馬殺之
不解壯士飢力盡矢竭將奚為倉皇辭舌罵不已義

靜居集卷二 樂府

學

士千人同日死祇今還有盡忠池碧血清冷化為水
將軍持節東州時作此篆書形崛奇妙墨已隨神物
化好事當時臨得之雖非其真意獨在垂金屈玉蟠
蛟螭我拜重是忠臣跡秦相雖古其人非嗚呼將軍
此書配者誰請君摹取活溪石上中興碑

葵軒歌

昔君種葵吳門東南風五月花茸茸年年走馬看花
去君家有酒如花紅今君種葵荆山下五月開花還
繞舍看花對酒豈無人祇憶故人無在者種花人在
未成翁何事看花人不同我亦當時看花者忽到花

前如夢中握君手爲君壽但願長看君花酌君酒

畫雲山歌

我昔曾遊廬岳頂欲上青天凌倒景山中白雲如白衣
衣片片飛落春風影雲晶晶兮花冥冥萬壑盡送洪
濤聲恍然坐我滄海上金銀樓觀空中明上清真人
笑迎客夜然桂枝煮白石手持鳳管叫雲開虎咆龍
吟山月白明發邀我升東峰導以絳節雙青童天鷄
先鳴海出日赤氣照耀金芙蓉屏風九疊花茸茸霧
閣雲窗千萬重胡不置我丘壑中一朝垂翅投樊籠
空留萬片雲掛在清溪千丈之寒松愁來弄翰北窗

詩居集卷二 樂府

聖

裡貌得雲山偶相似遂令殘夢逐秋風一夜孤飛渡
江水夢亦不可到圖亦不可傳不如早賦歸來篇仙
之人兮待我還安能驅麒麟塵土間坐令白雲摧絕無
所歸青山笑我凋朱顏

醉樵歌

華蓋山高亘南楚賸產奇材少榛莽山人嗜酒而業
樵背負清樽手持斧丁丁伐木雲之深東薪欲擔力
不任且傾醪醪藉盤石痛飲莫知西日沈白眼望天
歌鼓腹斜衣半染苔花綠頹然俯枕樹根瞑鼻息如
雷撼巖谷起來却笑朱買臣底用金紫纏其身堪羨

劉伶行荷鍾生死無累全天真榭梅豫章等枯槁惟
取醪醪真樂境泛觀世士多沈酣誤入牢籠猶未醒
此作時有忌原本
逸去近尋求補之

又 附張仲簡作 又有高青丘一首見缶鳴集

東吳市中逢醉樵鐵冠欹側髮飄蕭兩肩砢砢何
所負青松一枝懸酒瓢自言華蓋峰頭住足跡踏
遍人閒路學書學劍總不成惟有飲酒得真趣管
樂本是王霸才松喬自有烟霞具手持崑岡白玉
斧曾向月裏斫桂樹月裏仙人不我嗔特令下飲
洞庭春興來一吸海水盡却把珊瑚樵作薪醒時

詩居集卷二 樂府

聖

邂逅逢王質石上看碁黃鶴立斧柯爛盡不成仙
不如一醉三千日于今老去名空在處處題詩償
酒債淋漓醉墨落人間夜夜風雷起光怪

元季淮南行省參知政事臨川饒介之分守吳
中自號醉樵求諸作已設宴酬款以詩工拙定
坐仲簡之歌最協意居首席酬黃金十兩次高
青丘白金三斤次先生止一盞蓋詩有諷略不
滿快也後饒果不得其終人皆與其獨知言云
故老言如此併錄記之

秋桂詞

何年天闕秋風起滿空吹落離離子茁作庭前碧玉
枝開花無數黃金犀幾樹亭亭眩朝日疎影玲瓏淡
秋碧花心如魅復如粟能貯古香千萬斛昨夜姮娥
開寶鏡月中地上交相映月中雖長出輪柯阿剛玉
斧斫已蹉何如地上叢生者百尺連蟠小山下小山
依舊桂花開只恨王孫去不來謾聽淮南賦招隱相
伴幽人歲華冷

松陰夢詞

陽坡碧草秋芊綿疎影漏衣團綠烟龍枝無聲山日
午仙骨蛻空神悄然冰魂微回山小冷鶴語青林表

靜居集卷二

樂府

俯視黃塵蓋九州悠悠凡夢何時曉

寫生碧桃花歌

少年慣作看花客陌上桃花總相識春風似向此中
偏一種花開百般色只愛深紅更淺紅君家此本更
不同枝上白雲吹不散階前明月照疑空一從一衛
根各別香土斜封愁欲折畫筵紅燭人半醉忽見此
花驚是雪武陵秦人那得知河陽滿縣徒爾爲當時
東風千樹錦未比君家瑤樹枝翠禽飛來嗟易見粉
蝶棲時難可辨紅粧美女嬌如花着雨花間應掩面
花今正開鶯亂啼酒醒拈筆爲君題羨君兄弟如虹

覓豪飲不愁花下迷玉壺清酒金偏提箏箏琵琶
管齊走覓橋西舊酒伴莫待風雨花成泥

米南宮雲山歌

古之畫法不復見六朝人物留遺譜後來山水出新
意二李三王差可觀洪谷之後有關荆營丘渾雄獨
造古華原處士志奇崛餘子紛紛何足數郭熙平遠
疑有神北苑爛熳皆天真畫院宣和泉史集俗筆姿
媚非吾倫豈知南宮迥不羣一掃千古丹青塵神閒
筆簡意自足窈窕青山行白雲黃侯黃侯安得此元
氣淋漓猶滿紙晴窗拂拭對高秋恍惚神遊華山裏

靜居集卷二

樂府

生平畫癖奈此何爲子試作雲山歌珍藏什襲子須
記世間名畫今無多

趙魏公竹枝歌

趙魏公宋王孫風流白晢更能文丹青自比董北苑
書法兼工王右軍至元詔書徵草澤召見筵中推第
一三府趨朝賀得人萬乘臨軒賜顏色殿前落筆侍
臣驚雞林象郡總知名夫人通籍宮中宴兒子承恩
內裏行一家三人書總好天子頻稱古來少疏廣歸
來有賜金張芝閑處多章草全盛須臾那可倫百年
喬木易成塵淒涼故宅屬官府零落諸孫隨市人空

留遺跡傳身後一紙千金爭買售屏風畫絕爲誰收
團扇書工亦何有唐生購得墨竹枝一尺中舍千尺
姿若非松雪齋前見應是漚波亭下披曲池已平臺
已壞露葉烟叢竟何在唯有雙溪水北流至今猶遶
空牆外

李遵道墨竹歌

墨竹昉自何人始輞川石刻今餘幾後來蕭悅稍出
羣香山侍郎獨稱美洋州太守善寫真長帽先生差
可擬江南謾作金錯刀枝葉離蕤何足齒北方作者
誇澹游 大金王淡游 房山繼之妙莫比吳興公子最

靜居集卷二 樂府

望

擅名同時亦數薊丘李薊丘有嗣能傳家筆勢翩翩
此其是一筆玉立無因依風露淋漓猶滿紙想當塗
洒發幽興靜對山僧北窗裏江湖無人老成盡百藝
荒涼今已矣展圖三歎墨君堂秋聲滿座悲風起 江
南疑卽李後主

唐子華雲山歌

前朝畫品誰第一房山尙書趙公子二公何以能絕
倫丘壑乃自胸中起由來書畫總心畫政自不在丹
青裏當時豈無劉與商屏障紛紜何足齒唐侯本是
雪川秀愛畫彷彿董與李長松平遠早已工更上歎

州看山水歸來却師郭咸寧參以房山勢莫比始知
絕藝老更成庸夫俗輩那知此此圖三尺誰爲贈雲
氣蒼茫石塊磊牛羊未歸樵子出戶牖寥落蒼厓底
寫成不題歲月字要是頭白居易鄉里乾坤浩蕩江海
空後人未續前人死爲君題詩三歎息世上好手今
餘幾烏乎尙書公子不復見得見唐侯斯可矣

長洲行 送黃茂宰之任

昔我揚飄向東海吊古直上姑蘇臺洞庭水樹淨如
髮一片吳江天際來長洲逶迤覆綠水金沙蕩漾波
光起不見夫差蕩漿歸空有荷花似西子閭門大道

靜居集卷二 樂府

望

多酒樓美人如花樓上頭爭唱吳歌送吳酒玉盤纖
手進珍羞勸人但飲不須愁請看豪傑隨東流伍員
吹簫去國成名鳴夷一去沈恨無聲要離已矣高墳
崢嶸樵兒躑躅芳草春生何如三讓入孤名如水清
亦有掛劍翁生死見交情薄俗輕然諾乾坤長戰爭
兩賢不可作令我淚沾纓君發金陵臘未殘君到吳
門春已還邑人訟少清且閒還同謝眺翫青山開元
寺裏題詩處訪我舊墨蒼苔間倘過臯橋煩借問恐
有高人梁伯鸞

梅花初月樓歌

吾聞仙人好樓居乃在閩風之圃玄洲之墟雲窗霧閣千仞表青天十二金芙蓉風颿颿不可以逕度安能跨海騎鯨魚新安先生列仙儒卜居平生茅未誅曉攜青鹿向烟霧一徑初入千縈紆桃源忽向眼底見風物但是秦人餘五丁何年運斧鑿石樞洞戶夾立中平舒紛紛過客弗敢玩山君守護煩呵噓先生結樓高木杪迥若麗譙雄且孤連峰忽斷西南隅卷簾看月蛾眉初梅花千樹雪不如飛觴醉月弄花影爛然身墮白玉壺亞卿結髮讀父書十年住樓山與娛一朝徵起青雲衢玃玉日向君門趨樓前梅花

靜居集卷二 樂府

吳

自開落樓頭明月還盈虛南窗孤燭照歸夢覺來枕席非吾廬且當致身佐唐虞夔龍豈容混樵漁長干美酒熟可酤梅花如雪覆綠蕪神州月色天下殊何用區區懷故都花間臥月紅氍毹人生花月何處無

畫山水行

題趙待制仲穆所畫江浦歸帆秋林瀟酒二圖沈才幹所藏也

古來名畫傳父子唐有二李蜀兩黃吳興公子冠當代雍也繼之早擅場宋祖子孫盡龍種毛骨固是非尋常珊瑚寶玦久零落空有妙藝傳文章至元天子親召見徒步便賜中書郎奏圖每得天顏喜盛以金匱白玉堂遂令世人爭貴重門戶雜還如堵墻雍初

騰踔晚一蹶五陵豪氣無時忘吳姬越娥坐相擁始肯落筆揮縑緗五日十日一水石屏障彷彿生輝光君家雙圖何所得私印乃出牟陵陽一圖汗漫秋水瀾雁鴻排序投瀟湘山僧悄尋孤寺遠客子喜甚高帆張一圓嶽兀眾峰出疎林葉赤天雨霜消搖巾舄者誰氏可是商山之綺黃風塵瀕洞二十載玉軸錦題多散亡圖書祇應天上有人閒那得千金藏從來好事遂成癖雲烟過眼如毫芒君不見王家桓家勢盡時複牆走鯨不得將何如城南佳山水千巖萬壑摩青蒼與君對此飲美酒雖無南宮北牖庸何傷

靜居集卷二 樂府

吳

靜居集卷二終

重刻張來儀靜居集卷三

溥陽 張羽 來儀 著

高安 陳邦瞻 德遠 校

新都 汪汝涪 孟樸 全校

七言古體

米元暉雲圖

前代幾人畫山水逸品只數南宮米海嶽樓前北固
山頂刻雲烟生滿紙古云丘壑起心骨恍惚似與神
靈通素壁高懸臥清晝耳邊恍若聞松風怪底青山
起毫末森沈綠樹臨溪活仙人道士疑可招芝草瓊

靜居集卷三 七古

豫章叢書

珥俯堪撥千里能移方寸間天機揮洒過荆關如今
畫史空無數對此高踪詎敢攀

高彥敬雲山圖

房山尙書師小米畫得雲山稱獨步筆精墨妙心更
苦世間畫史空無數羨君平生愛奇古興來寫此滄
洲趣須臾丘壑吐心骨高閣連江動烟霧峭壁喬松
靜杳冥森然似與神靈遇咫尺圖中萬里景慘淡悲
風起毫素高堂坐對心神融我欲誅茅向何處

送周以道入大學

吳興才子生白晳弟子員中名第一窮經解說毛公

詩摛文早夢江淹筆入學九年今大成鄉書妙選赴

神京廣文惜別將詩送造士聞來罷講迎杏花壇前

拜師傳芹藻池邊試章句橋門學者如堵牆看君落

筆揮三賦從此飛騰異眾人豈對囊螢長苦辛聖朝

用才不論次年少逢時當致身離城祖帳紛成列絲

柳絲絲正堪折毗陵道上逢梅雨丹陽城裏經蒲節

臨期與子一躊躇莫忘草澤共閑居古來貧交不可

棄行到金陵好寄書

梁節婦

赤城曉擁青絲騎玉鏡愁鸞落紅淚冰魂偷逐水仙

靜居集卷三 七古

二

歸綺樓一夜靈犀碎六曲闌空不礙春羅帶盤風輕

颺塵池波不動夜光碧青天影落桃花雲相思月照

樓前水離離芳樹流紅子無情桃李亂中開不學芙

蓉抱霜死

送人之官河南

羨君罷秩好遊豫舊遊不憶洛京路鴈飛不到吳天

遙千里中原君獨去別離最惡莫秋時縱使事歡情

亦悲西風吹寒射馬耳處處蟲鳴桑葉飛行李匆匆

涉長道風波險阻難自保月昏山店起宜遲古道入

稀歇常早單車御風周晉問山川奇勝恣追攀千金

厚利亦何有世間萬事如等閑愧我浮沈局間井遙
望嵩山一何永別來莫遣寄書稀爲看南來鴻鴈影

奉贈李仲賓侍郎

太白醉吟詩百篇龍眠能畫兼能禪二老清風今儼
然息齋家法得正傳胷中造化妙幹旋眼高四海空
雲烟若非天上人定是地上仙數莖白髮籠烏紗學
佛未肯披袈裟長槍大劍不留意脊梁鐵豎雙結脚
蒲團漏泄真消息毛錐迸出優曇花有時或賦詩風
號雨鳴神鬼悲麗如天孫織成雲錦衣奇似波神捧
出珊瑚枝有時或寫竹密密疎疎翠新沃三竿兩竿

靜居集卷三 七古

三

風外斜千葉萬葉烟中綠清處夷齊心透水瘦時郊
島肩削玉不然翰墨淋漓洒黑雨紙上龍蛇欲飛舞
法度忽似千祿帖規模又入蘭亭序或說有或談空
龐老維摩立下風龜毛排掃乾滄海水兔角杖擊碎
須彌峰君之三昧何從得太白龍眠疑未識我來叩
君君不言一笑相看遠山碧

賦山中樂送友還山

山中自得山中趣卜居近山向山住采山買斧暫離
山憶着青山還復去陰陰夏木綠成帷百尺垂蘿可
製衣清歌自有流鶯囀妙舞時看戲鳥飛結友漁樵

與麋鹿豐草長林自相逐穿雲摘果常滿筐入澗採
芝易盈掬朝卽對山飲暮卽對山吟山古如我貌山
清如我心以此只知山中樂不願市朝與城郭我愛
青山亦不薄送君聊賦還山作願輸十萬買鄰錢相
逐勿與住巖壑

贈四明袁生廷玉

儒而善相

和氏善相玉楚人乃失之後王不深諒空沈沙與泥
方歎善相馬秦穆猶見疑向無孫陽識終與駑駘齊
人生窮達在用舍呂公許負將何爲君不見淮陰餓
隸封侯面沛公不遇仍貧賤又不見新豐孤客人莫

靜居集卷三 七古

四

顧可憐未入常何薦英雄不用則爲鼠燕領虎頭何
足羨袁生炯炯雙瞳方走馬能識人中王如何不帶
食肉相一生奔走鬚眉蒼由來目睫不自見何不借
取青銅光生云富貴不足取我欲玩世聊徜徉昔年
夏統在京洛不說姓名惟賣藥眼中不見賈侍中小
海歌闌風雨作生乎生乎如其人飄然東歸東海濱
倘過鑑湖逢賀監爲報山人行乞身

題赤城霞圖送友歸台

結髮好名山遨遊遍吳楚東遊不到天台路長憶興
公賦中語赤城煥高霞翩然空中舉靈溪碧草春淒

溲瀑水和風響秋雨我欲振金策飄飄凌九垓遊神
不死庭迴光眺瓊臺手招丹丘人共臥石上苔紅顏
去人不復返老大求仙嗟已晚生今一去愁人心願
生赤城圖聽我赤城吟勞勞亭下一杯酒離愁萬里
生秋陰客車明日當早發雲飄孤飛度東越國清寺
前千尺松歲晚應歸望山雪道逢寒山子爲寄相思
情未絕山人若欲知我心五界峰頭看明月

天目山房

昔臥香爐頂汎觀山海圖東遊擬拂華蓋雲下瞰弱
水窺蓬壺天公有目何不在天世傳寄在茲山巔兩

靜居集卷三 七古

五

泓碧水涵霜鏡炯如雙瞳落天邊天高聽卑視亦宜
然云有十二清虛之洞府珠宮貝闕不可睹靈風颯
颯卷飛雨危石深林人上苦盤渦轉轂若雪山青天
隆隆響天鼓龍藏其中是耶非但見人魚作人舞慎
勿戲之逢彼怒頃刻滂沱淚下土前年南昌仙邀我
望山雪神官玉女待我來欲往從之路超越若人有
仙骨居與洞府隣雙童耕雲種瑤草石田自熟無冬
春臥處烟霞飛枕席醉裏山花落酒巾松風蘿月朝
復暮坐見麻姑白髮新我欲駕白鹿共子攀雲岑請
天開天日照我一片冰雪之清心但恐此目不可視

如星有箕斗不可斂與斟且復臨流漱金碧聽我長
歌金石音不然倒却池中水釀作百斛之春酒共君
酣醉臥雲林洪厓舉手或相接更結丹梯千萬尋

遊鄒縣嶧山

嶧山山高數百尋山下咫尺仙凡分紅白花開淺深
樹高低石架玲瓏雲祖龍虎視啖六國臣斯篆文頌
功德侯詞詔語勒諸石野火一焚已無跡亞聖碑紀
至祠呵衛煩靈祇騶衍宅韋賢墓榛莽知何處紫烟
翠霧鎖空濛恍疑誤入桃源路洞口仙翁坐芝石雙
臉凝丹髮垂素見人長揖無一語松間指看三珠樹

靜居集卷三 七古

六

左金童右玉女捧螺杯擘鱗脯霓裳曲奏胎禽舞玻
璃盤瀉薔薇露笑遊乘興不知醉一覺黃梁天地外
啼鳥數聲幽夢醒業風吹入紅塵境生來結得山緣
熟每見好山如骨肉看山看水二十年神仙窟叢今
拭目不須更走匡廬間老死嶧山心亦足何時五花
峰頂突結小茆茨白巖白雲種黃獨

望太湖

或云題首
有一夢字

登高丘望遠澤蓬萊三山不可測何如具區億萬頃
洞庭連娟向空碧東風吹盡吳天雲玉盤雙螺翠堪
摘我昔東遊鳳凰臺嗟峨巨觚如山來白波不動鏡

光曉雲颿千幅爭先開中流縮首心茫然恍如乘雲
行九天驚濤忽逐迴風旋研雷轉轂奔雪山龍伯鬼
國見眼前失勢一落猶蛟涎舟師拍浪咒浪婆我亦
再拜不敢言平時之險且如此何況震蕩洪荒先帝
堯咨嗟逾九年黃能無黜幽羽淵有子大聖與天通
一朝出我羣魚中試觀此湖險始知四載功長養草
木華無心謝春風吳越之事良可鄙虎戰龍爭方未
已水犀百萬今安在惟見夫椒白雲裏鴟夷身退帶
蛾眉不直滄波一杯水我欲臨流叫神禹湘靈鼓瑟
馮夷舞盡挽湖波醴作葡萄春飲醉扁舟臥烟雨

靜居集卷三 七古

七

沈氏宜春堂屏徐給事賁所畫春雲疊嶂

休文堂前花滿枝風物四時春更宜前年三月宴客
時坐上才傑皆能詩眾中獨許姑蘇客千里江山貯
胃臆醉來意氣爲傾倒寫出層層好山色素屏十尺
粉聖鮮千巖萬嶂含春烟客子疑行灞橋路人家似
住武陵源山僧投寺亂松裏山下烏啼人未起柴扉
日出扁蓀蘿漁網波生撒江水楚水湘雲互蔽虧渚
宮隔岸遙霏微東崦晴嵐西崦雨何處長歌樵子歸
亭下流泉春浩浩上有居人往來道相過總是看山
來衣冠雖別情皆好主人愛玩不下堂清晨掃地坐

焚香晴看似見孤雲起暮對疑聞細草芳夫君平生
於我厚記君新吟常在口長干一去無尺書謾對此
圖嗟妙手一從作吏此事廢從前畫癖今除否遙知
紫陌紅塵下每爲雲山一回首人生適意在杯酒萬
事浮雲亦何有君乎何日歸去來畫裏青山待君久
此與後三首因題畫而展敘

倪元鎮畫竹沈御史所藏

雲林之子有仙骨平生好潔如好色紛紛濁士等蟲
沙嗚呼瓚也何由得憶昔常登清閭堂鵲尾爐爇龍
涎香紹京妙墨僧繇畫示我不啻千明璫人間萬事

靜居集卷三 七古

八

如飛電洗玉池空人不見季子城東土一坏何人爲
著黔婁傳繡衣使者騎青驄曾聽竹枝湘水東歸來
見此若夢寐巴陵洞庭生眼中江湖豪翰今零落君
得此圖良勿薄愧我題詩憶故人黃鶴何年下寥廓

王元章墨梅

王郎志奇貌亦奇與世落落嗟莫施一朝騎牛入都
市關吏不識誰何之歸來老作會稽客干戈歟起西
南陞青袍白馬風塵裏越州城邊戰不已雄襟自許
魯仲連一箭無成身已死世上空餘寫墨花只將名
姓花光比於乎人生有才不盡用古來埋沒皆如此

錢舜舉溪岸圖

憶昔至元全盛日天子詔下徵遺逸吳興八俊皆奇才秀郎王孫稱第一一朝王馬去朝周諸子聲名總輝赫豈知錢郎節獨苦老作畫師頭雪白江南沒骨傳者希錢也得法誇精奇晴窗點染弄顏色得錢沽酒不復疑今人祇知重花鳥豈識此圖奪天巧玄雲抱石雷雨垂蒼山夾水龍蛇遶岸側溪迴共杳冥蒲裊深沈映魚鳥漁舟乍隨遠烟散客子競渡澄江曉自云布置師北苑只恐庸工未深了卷餘更有魏公題字擬鍾王差未老鄭侯得之恐神授使我一見喜

靜居集卷三 七古

九

絕倒雙溪流水清何極城外南山空黛色文章翰墨何代無二子儻能躡其迹為君題詩三歎息於乎古人難再得

吳興當元初時有八俊之號蓋以子昂為稱首而舜舉與焉至元間子昂被薦入朝諸公皆相附取官達獨舜舉齟齬不合流連詩畫以終其身故二公之詩各言已志而子昂微有風意覽者當自得也

胡廷暉畫

畫師我識吳興胡身長八尺蒼髯須目光至老炯不枯藻繪萬象窮錙銖大兒十歲能操觚小兒五歲能含朱得錢但供酒家需時復縱博為歡娛魏公家藏

摘瓜圖妙筆奚超千明珠胡一見之神頓蘇以指畫

肚潛臨摹落筆便與前人俱祝融撐空閣道孤朝雲暮雨相縈紆中天碧瓦仙人廬下有桃源風景殊雞犬似是先秦餘潯陽野客山澤臞自從喪亂遭窮途幸逢治世容微軀堯舜亦有巢由徒已辦小艇長鬚奴便欲往從漁父漁江湖此境何地無

趙文敏公家藏小李將軍摘瓜圖歷代寶之者常倩廷暉全請暉私記其筆意歸寫一幅質公公大驚賞亂真由此名實俱進故詩及之

送沈孝廉讀書天屏山

秋空雨洗千芙蓉霜樹遶谷攢青紅嗟我欲游不可

靜居集卷三 七古

十

得子往畢業茲山中念子出身自統綺秀如青松茁蒿蓬十年奔走鍛毛翮黃金散盡家已空懷中一經不敢棄舍此將恐為昏聩束書上堂告父母雲深獨往無僕僮林僧谷叟頗驚客籠茶糲飯意甚忠身閒畫靜百事絕經史左右相研攻逕須跨海踏鯨背且莫瑣屑筭魚蠹車良路端期不止跬步自可升華嵩學成靜俟時自至譬彼力穡遭年豐朝廷懸爵待奇雋掇取五鼎榮三公古來孝弟神所相未必使子贏其躬蹇予少學壯愈情聰明日損鬢已翁世間有書未盡讀安得返老還為童跛驚那由追駭耳贈子以

策情何窮倘有新知遠相教爲我緘寄東飛鴻

贈義興宣瘍醫

長橋下壓蛟龍宮岸上人家如鏡中道人賣藥臨溪
水醫得青蛇是龍子報恩不受千金珠龍伯親傳海
藏書門前扶杖人如市妙術何愁三折臂燕支山前
白草秋冷入金瘡淚欲流安得金丹從爾乞提攜玉
龍還向敵

王醫士杏林

山人種杏白雲中谷口花開千樹紅自惜朦朧帶朝
露莫愁零落向春風春風幾度花間日煉得丹成應

靜居集卷三 七古

七

可食妙年有術濟人多况君自是餐霞客

與徐德望寫扇圖就題

南州高士忽相見求我爲畫白團扇戲拈秃筆掃雲
山頃刻終南眼中現昨夜西風起天未坐使新涼奪
炎熱勸君此扇莫棄捐不用留取待明年

雙節堂

奉化李公復祖母沈年二十生子七月
而寡子既長沈爲娶兄女爲婦生二子
亦寡長公達次卽復今
皆已老故扁其堂云

鳳嘴鸞膠難續絃雙龍鏡破難再圓阿婆二十已守
節新婦哭夫方少年大兒嬌啼母心苦小兒十月安
知父破窗風雨來早秋夜績燈前共相語山頭松栢

摧爲薪山前翁仲亦成塵紅顏憔悴垂白髮生死不
慙泉下人

望雲思親

遊子辭親下江去東遊直到海邊寓水路迢遙難寄
書空望白雲知母處駱駝橋下買船稀算緡日月得
歸遲舉首見雲低首坐此意傍人那得知焚香再拜
雲中君願留阿母待兒身

莘叔耕畫梅雪軒

叔耕名野世居湖之蓮花庄
好畫誰如莘棗強墮馬折肱猶未忘何年寫此寒林
趣精絕未數左手王屋裏何人坐吹笛似是南昌郡

靜居集卷三 七古

七

中客曲終朔雲忽飛來開門滿樹梅花白

日上人深居菴

古桃僧在何處深居白雲裏禪心怎可擬虛空世事
都將等流水長年奈足不辭山一日化衣曾入市間
分碧澗浸楊枝戲採青松爲塵尾窗間啼鳥寂不聞
掌上戒珠聊復爾尙嫌宿習除詩句况肯勞生爲妻
子古桃僧誰得似

賜倭扇

東夷來語嗚呼聖人當天九有服小臣螻蟻將安歸
萬夫伐竹扶桑浹夜搗冰苔成側理製爲鷁尾扇參

差再拜獻入金門裏君王垂衣坐法宮天威謨謨清
秋同尙方受貢應無用分頒徧與羣臣共朝下從容
冰井臺人人襟袖南薰動倭扇來東夷平揚皇風四
海清

送金秀才歸侍

風吹厯陽樹石城悲早秋高堂入遠夢拂袖登吳舟
金陵官酒如乳香酌君送君朱雀坊前日同來二三
伴此時望君俱斷腸科名古來人共羨富貴不如歸
故鄉年年隨計多辛苦十上風塵竟何補秋卷留將
篋內歸彩衣重看階前舞當時縣令親勤行今日還

靜居集卷三 七古

七

家父老迎門外清溪仍可釣山下古田躬自耕子身
長健親長在黃金如山不可買君不見長安城中罷
官客欲作布衣那可得

趙千里畫

宣和天子開畫苑畫史當時皆妙選王孫公族總好
此精絕誰如趙希遠君不見開元之中世尙文宗室
亦有李將軍希遠師之得其妙思陵寶重逾千鈞松
下何人白練裙蕭散似是華陽君展圖安得從爾去
相伴吹笙臥白雲

高尚書畫

君家此畫何由得峭壁陰森如鐵色高閣平臨走霧
低長松總含雷雨黑寒綃七尺半是雲深林窈窕路
莫分幽尋恐與神明遇靜聽唯應猿犬聞海嶽有圖
絕低小後來作者何足云主人借問誰能爾惟是房
山高使君

徐士原畫

營丘老仙百世師後來學者有郭熙寒林平遠世豈
有往往贗本傳其疑吳興徐御好心手貌得郭熙定
真否二三隱人長松下茅屋正對青山口前者迴顧
後者恭抱琴僮僕隨孤童世間豈復有此輩定是栗
里柴桑翁請君更試虎頭筆爲寫我像參其中

靜居集卷三 七古

七

徐黃門畫

黃門給事三十餘面如紅玉少有鬚風骨豈是山澤
癯問着只愛山中居前年版下鶴頭書微起直上青
雲衢文華堂高凌紫虛出入侍從陪金輿排方小帶
紅羅襦精神宛如馮子都朝下手拈八尺及左旋右
轉風生軀有時自擘雙雕弧命中疊發誰爭呼歸來
賓客滿直廬京城酒貴不住醅爛醉坐叱蒼頭奴執
燭寫此雲山圖方今臺閣多文儒似君才藝衆中無
文宜侍中武金吾不負堂堂美丈夫山中故人交不

疎十年貧賤長相俱升沈忽如鳥與魚麋鹿敢逐麋
龍趨見君此畫恒嗟吁關西行李今何如祝君名成
歸五湖來尋高陽舊酒徒何辭解衣贖百壺與君痛
醉黃公壚

韓介玉畫爲童中州掌教題

介玉乃張仲舉門人

我識河東老詞客鶴骨伶俜長八尺白頭徒步拾公
卿人生變化誰能測將軍跋扈天爲傾公持寸管力
與爭當時直氣動朝野至今文采傳諸生諸生白面
今已老三載儒官空潦倒罷歸百事無所爲萬壑千
巖恣揮掃丹丘玄圃落眼前澗水松風鳴浩浩由來

靜居集卷三 七古

五

絕藝出天機肉眼紛紛爭醜好吳興博士今鄭虔故
山未歸雪滿顛今年召對席屢前蒙恩親賜水衡錢
歸來見畫心茫然拄杖欲問金華船金華之洞小有
天下與五嶽相鈞連初平鍊丹去成仙弟兄聯袂風
翩翩洞前白石如羊眠我欲訪之何由緣安得與子
相周旋饑餐紫霞拾搖草石上一笑三千年

陳仲美夏木圖

董元夏木不復見俗本紛紛何足觀陳郎筆力能扛
鼎寫此千章生畫寒陰森似有神靈會偃蹇直作蛟
螭蟠天雞曉鳴清籟發木客夜度雲旂翻林下文人

行杖藜石根葉落失舊蹊孤童襍被向誰宿山風蕭
蕭日薄西商巖紫芝自可食武陵桃花原易迷人間
瀕洞不可處莫畏虎嘯并猿啼

姚運使溪山仙館圖

去年冬姚君繼華過予戴山曾飲順德堂爲仲倫寫

此圖今年春君遂以文學被徵陞任河間都轉運使矣喜而賦之癸丑秋八月望識

去年君爲郡文學獨抱遺經憎命薄出門無馬坐無
禮拜迎官長常作惡今年君爲轉運使殊恩親出官
家賜月給太倉三十斛况復官閒少公事人生貴賤
反覆間世上悠悠那解此憶昨訪我當嚴冬寫此溪
山三數重驂驢一去了無影空有遺跡泥沙中聞道

靜居集卷三 七古

其

河間故城裏開門遙見滹沱水何時爲畫古邯鄲珍
重函封寄千里

青弁雲林圖

前代何人畫山水長安關同營丘李華原特起范中
立三子相望古莫比亦有北苑與河陽後來作者誰
能當米家小虎出逸品力挽元氣歸蒼茫房山尙書
初事米晚自名家稱絕美藝高一代誰頡頏只數吳
興趙公子當時弭節匡廬峰曾寫太平興國之神宮
五峰却立疑爭雄臺殿突兀紛青紅中有雲氣隨游
龍我對此圖臥三日遂令奇氣生心胸亂來學士遭

漂蕩文藝草草誰能工筆精墨妙心更苦那得再有前賢風於乎乾坤浩蕩江海濶使我執筆將安從

費景祥索題徐幼文寫蕭山古寺圖

山人手持酒一卮長跪向我求新詩自言此畫君所識乃是河南使君之所為礪崖怒瀑形崛奇天門閣道相因依中有臺殿橫天梯金繩碧瓦光參差使君當年作此時祇是昂藏一布衣豪雄意氣今已極圖畫應知得者稀右丞輞川不易致此公名位豈卑微請語世上悠悠者人生貧賤安可欺

止大卿天柱峰圖

靜居集卷三 七古

七

昔聞安期生飄飄入秦京上書三月初報罷拂袖去作蓬萊行却笑叔孫通俯仰咸陽城長生亦何補身後留空名何似長安少年客天柱峰頭煮白石朝辭猿鶴下雲中暮逐夔龍侍君側繡衣乘驄馬蹀躞臺城下愛道心不忘歸來坐清夜太平天子親齋祭新擢祠官捧珪幣紫壇醮火曉如星獨着袞衣朝上帝翻思舊隱地石室生青苔來時壁上蒼龍劍七星剝落空塵埃丹砂不復化蘿衣誰更裁人生窮達會有命何須千歲如嬰孩草衣木食苦復苦王喬偃佺安在哉寄語空山舊泉石不須爲我生悲哀功名倘遂

乞身願萬里青天騎鶴來

陳昇畫馬

開元之中馬獨盛秦漢以來難及之豈惟監牧效才力畫使往往稱神奇拳毛玉花最難寫祇許曹霸名當時亦有弟子沙苑丞不解骨法空毛皮近代吳興趙公子渥洼水應通硯池房星筆底倏躍出雍也其子名相馳後來陳昇號入室昇今已老繼者誰青桐颯颯涼風吹奚官朝出試馬時前者迴顧後者隨精神不動鬃毛垂唐家四十三萬匹如此駿骨亦恐稀於乎世間駕駘方滿地安得覩此真龍姿

靜居集卷三 七古

六

再題廷暉山水

近代丹青誰第一精絕獨數吳興胡魏公家傳摘瓜圖將軍妙筆絕代無年深粉墨紛模糊公命胡也全其污鷗波亭前山滿湖賓客不來人跡疎以手畫肚私傳摹歸來三日神始甦下筆直與前人俱今人不見古人畫古画自與今人殊嗚呼眼前不復見此物吾與購之干明珠

山泉隱居圖 入直回爲雲間朱卿題

日長侍立南薰殿聖主從容正開卷內臣如鴿擁圖書詔許近前曾一見玉躡金題照眼新三王二李迹

未陳妙筆森芒洞冥漠乃知今人非古人歸來三歎
北窗下開屏見此新圖畫流涼百折掛石梁古木寒
松勢相亞木末何人一草廬山泉之人昔所居鴻臚
寺裏晚朝下對此高堂心鬱紆華亭柳湖眼中見武
陵桃源路豈殊老夫曾住康王谷五老香爐映飛瀑
亂來井日今可存因爾高歌望黃鶴

送石隱君還匡廬和車景瑛韻

五老峰高翠烟濕金碧芙蓉半空立香爐絕頂多奇
踪白雲片片團秋入謫仙昔年登此峰身如神人氣
如龍九江秀色歷覽徧直欲此地巢雲松石公今登
此峰杪奪得天香滿海島種松巢居雲上頭雲月松
風長不老從此青山欣有主靈鶴琅然作人語掛冠
吾亦盍歸來共爾雲深臥烟雨

臨房山小幅感而作

近代丹青誰最豪南有趙魏北有高風流雄渾各臻
妙下視劉商兒女曹百年零落作者少丈夫文藝俱
草草山川靈氣何代無我縱有心嗟欲老君不見房
山翁曾寫太平興國之仙宮五峰秀出青芙蓉雲氣
鬱鬱如游龍千金珠璧不可博一朝焚棄隨飄風世
間神物久已化紛紛粉墨何由工嗚呼古今鑒賞非

靜居集卷三 七古

七古

具目荆璞淪爲燕石同乾坤浩蕩江海濶使我執筆
將安從使我執筆將安從

吳興八景

見湖州府志補

道場霽曉

城南山簇金芙蓉飛標特立青冥中巖前風來虎聽
法烟外客至僧鳴鐘雲嵐乍捲浮初日臺殿高低耀
金碧筍輿飛處破層雲滿眼清輝弄晴色

蒼弁清秋

青山如龍起西北玉削層崖倚寒碧迢迢爽氣拂朱
簾手版搯頭看秋色雲間窈窕落葉黃澗聲不斷松

靜居集卷三 七古

七古

風長望中翠屏忽點破一行白鴈下斜陽

西塞晚漁

西塞山前日欲暮江樹離離起烟霧玄真仙馭不可
扳時聽漁歌隔溪渡灣頭酒賤鱖魚肥紅塵不上綠
蓑衣投竿倚棹看新月猶見雙雙白鷺飛

下菰長烟

坡陀廢壘青山側至今傳是春申宅三千劍履化爲
塵蔓草蒼烟淡蕭瑟停舟弔古望眼迷平林漠漠斜
陽低荒涼茆屋樵徑小惟有古木寒鴉啼

龍洞雲歸

下岡東走臨具區靈牝下接龍伯居常時出雲作霖
雨每爲下土蘇焦枯收斂神功返林壑往往雲端見
笙鶴掃除腥霧清風來知是龍君下寥廓

橫山暮嵐

橫山山頂嵐光生翠霧直與山俱橫輕陰近拂北流
水落日半隱龜茲城一片松風忽吹起反覆陰晴生
眼底揮毫安得米元暉坐對高春寫詩意

南湖雨意

老龍嘯烟過南浦阿香上天震天鼓浮玉山前雨脚
來碧浪湖中浪花舞菰蒲深處釣魚船不怕桃花水

靜居集卷三 七古

三

拍天收綸穩繫綠楊下開蓬相對白鷗眠

金蓋出雲

峨峨金蓋若之南中天削出青瑤簪白雲無心出巖
岫頃刻變化隨浮嵐四海蒼生苦炎暑從龍飛度平
湖去間却山中屋半間一洗乾坤作甘雨

五言律詩

尋春

朝來微雨罷何處可尋春冰散池容動烟銷柳意新
穿林聽鶯遠度陌問花頻但覺相逢處情親似故人

尋梅

策杖度林塘幽尋犯曉霜臨池疑掩映傍竹畏遮藏
款曲敲僧舍徘徊繞苑牆好攜三弄笛樹底爲催粧

早春旅懷

遠客歸未得東風冷尙嚴燒痕山頂禿春色柳眉尖
病久醫方熟貧深酒債添浮生欲何似朝暮爲薑鹽

山中春日書懷

溫飽非吾志簞瓢樂固窮看雲知世變對竹悟心空
犬臥庭花日鶯啼野樹風市廛榮辱事那得到山中

山居

古書堆滿架栢子當香燒好句無心得閑愁轉眼消

靜居集卷三 五律

三

野茶和月煮畦韭帶春挑賴有天知我生來懶折腰

吳城覽古

故國有荒臺登臨一愴哉屢廊風落蠹香徑雨生苔
苑廢民家占城摧客弔來伍員當日語千古尙堪哀

寄王隱君止仲次高季迪韻

春江念久違獨掩雨中扉新水添漁網初晴稅蠶衣
饌餘憐笋嫩酒熟惜花稀在客偏相憶韶光去若飛

遊虎丘

春入翠微深春風吹客襟相攜木上座來禮石觀音
老樹積古色薄雲生晝陰林僧修茗供默坐契禪心

蠶婦

行行及暮春浴子約比隣選地安蠶室燒錢禱社神
守筐臨鏡懶摘葉度溪頻辛苦輸官罷私衣僅蔽身

杜宇

國亡知幾代啼血轉聲頻爾自無歸處何須苦勸人
烟深青嶂曉花落故城春任是心如鐵聞時亦愴神

江村夏日

江村夏景深蒲稗綠沈沈浣女朝相問漁舟晚共尋
晴雲飛石燕夜雨鬪沙禽一聽滄浪調懸知訝此心

夏夜舟中

靜居集卷三 五律

五

畫舫暮來過風傳子夜歌簟紋涼更淨荷氣夕偏多
落月斜筇柱流螢拂扇羅此中無限意其奈曙鐘何

湖上避暑

湖山疊翠螺湖水鏡新磨一夜雨聲歇滿天涼氣多
芰荷香几席風月醉笙歌少壯不行樂人生奈老何

蓮花

似錦覆池塘南風始散芳龜遊盤影淨魚聚蓋陰涼
綠折含冰縷紅殘露碧房誰家蕩舟女照水鬪新粧

涼夜

金氣已呈秋新涼入夢幽閨人砧欲動侍女扇將收

玉露清瑤簟銀河繞畫樓更憐今夜月隱隱樹西頭

聞蛩聲

微羽感秋鳴爭光似不平輕隨殘漏斷細雜遠鐘清
寂歷催寒意殷勤勸織情遙知孤枕客白髮此時生

夜宿山房

清絕早秋天禪房碧嶂前草蟲依定石竹露潤爐烟
月靜蓮花漏風披貝葉編此心無所著應解悟初禪

江晚旅懷

短長亭下景引睇入吟哦疎樹立寒色短烟行夕波
山空秋氣老江遠客愁多忽動匡廬興白雲生薜蘿

靜居集卷三 五律

五

次韻高季迪別後見寄之作

客中原少寐看月上林端雁叫楓江夜人棲野艇寒
浮踪憐斷梗攪夢怯奔湍不是孤吟懶離羣自少歡

秋夜旅懷

命與時相厄勞生空瘦形苦吟詩有債久病藥無靈
夜雨和愁落鄉山入夢青歸心逐孤鴈飛過浙江亭

客夜有感

十載紅塵悔漂流嘆此身山川孤館夜風雨獨眠人
嗜茗真成癖工詩不療貧還家須及早垂白有雙親

池上

秋水轉庭柯臨池晚興多禽閑棲缺岸魚戲動涼波
露挹將衰柳風歛欲敗荷雖無江海思咫尺得頻過

歸燕

歸夢入烏衣秋風侶漸稀辭巢猶反顧戀主尙低飛
海澗迷烟島樓空鎖落暉最憐江上雁歲歲每相違

秋日寄山中隱

思君住翠微每與世情違林靜猿看果山深虎守扉
養生收木餌備冷製蘿衣遙想新秋日蟲鳴葉始飛

冬日寄友

小雨變輕雪餘寒欺酒厄忽來千里別又是隔年期

靜居集卷三 五律

五

世路誰青眼人生易白髭幽懷禁不得沙上立多時

約徐隱君幼文同隱吳興

吳興好山水子我盍遷居繞郭羣峰列迴波一鏡如
蠶餘卽宜稼樵罷亦堪漁結屋雲林下殘年共讀書

耕樵軒題寄徐良夫

之子住銅坑人傳好事名如何同甲子鬪遺味平生
野岸風中釣湖田雨後畊秋天漸涼冷或可赴前盟

送金文學入關

移宅近關市里間相見稀授徒仍自學訪舊暫言歸
廢圃荒秋雨空房鎖夕暉好尋舟楫便來往莫相違

送呂道士

石室無人住歸心似鶴輕山君驅虎去童子報丹成
玉寶憑龍守芝田借雨耕懷君明月夜遙聽步虛聲

遊黃龍洞

石路少人行山深草樹平寺荒餘舊額龍去只空名
深洞通雲氣飛泉作雨聲素懷棲遁志到此遂幽情

吊鶴

鶴壽可千年傷身竟莫全羽衣埋石室仙夢返芝田
妙舞何因見清音詎可傳山人空蕙帳夜月照孤眠

寄吳有本

靜居集卷三 五律

五

相思不可見夢裏却逢君兩地共明月一方空碧雲
江秋鴻背侶山夜鶴離羣記得湖邊寺詩題醉後分

答劉秀才送竹杖

一枝蒼玉瘦雅稱地行仙不但挑詩卷猶堪挂酒錢
看梅敲雪落引鶴卓苦穿只恐風雷夜化龍飛上天

送人之平江投刺李守

送君何處遊一劍古蘇州螃蟹黃花節鱸魚碧水秋
尋碑松塢寺按曲酒家樓况爾多能者膺門必見留

孫景翔幽居

厭踏軟紅塵閑居江上村養魚寬鑿沼愛竹別移門

月色侵書幌山光入酒樽我慚行役擾猶未卜田園

送劉仲鼎歸杭州

欲別又牽衣傷心故舊稀自憐爲客久不忍送君歸

遠岫明殘雪空江淡落暉東風重回首一雁背人飛

贈王商翁處士

家住鏡湖陰龍鍾雪滿簪一生欠詩債半是忍饑吟

有水釣明月無錢修破琴鷗飛雨下句聲價出雞林

送暨陽田丞

三載浣花溪松邊日賦詩一官清似水眾口好如碑

明月輕歸棹清風亂絲旗怪來肌骨瘦爲不食民脂

靜居集卷三 五律

越上別苑景文

君家難弟兄當世結詩盟五字關風雅千年說姓名

遠烟拖柳色薄月瀉灘聲又作耶溪別何時話此情

隱者山房

家住白雲深好山青對門樹肥花結子土暖竹生孫

猿挂枯松折牛行淺水渾自云歸隱後懶與俗人言

讀呂芳卿吟卷

一編纔百首詩好不須多半世尙清苦五言能琢磨

淡中有含蓄平處忽巍峨深夜挑燈看使人清睡魔

劉國寶隱居

三徑歸來日生涯付醉鄉自言行路險不似在家強
風撼松聲冷雨蒸花氣香如何閑未得猶爲作詩忙

山陰曉發寄暨陽舊友

水漲官河遠西風去棹輕四山猶暝色萬木盡秋聲
村近聞雞犬天寒憶弟兄故園歸未得漂泊若爲情

詩窮

道在何妨拙身安一任貧已知如意事不逐苦吟人
瀑布空山月梅花破屋春奚囊有佳句未肯寄朝紳

客夜懷王英甫

半生江海上猶未卜菟裘今夜雁初過他鄉人正愁

靜居集卷三 五律

青燈孤枕夢黃葉一庭秋何日尋歸棹山陰訪子猷

席上聞歌妓

艷色傾前席高歌度遠楹羞多時掩面嬌重未成聲
淺按紅牙拍輕和寶鈿箏周郎知誤處眾裏最多情

王昭素吟寫

一室如斗大半生常忍饑隨身無長物到處愛吟詩
燈下坐搖膝月中行撚髭不須將此意輕與俗人知

贈陳逸人

蛾眉山下住貌古骨清奇劍在神應護丹成鶴未知
有錢須換酒無日不吟詩却訝多人識孤琴到處攜

山中答高彥敬

矮屋兩三間無榮夢自安好山看不厭終日坐忘食
書就松根讀琴來石上彈浮生間是實何必望為官

天目山

東西峰對峙麋鹿日成羣四月猶飛雪半山常是雲
洞香仙藥徧天黑聖燈分千古錢塘勝登臨愜素聞

倪遜翁自在廬

居然人境外不為利名移四壁空無物一身閑有誰
孔明高臥日康節獨吟時下視塵埃裏勞生易白髭

文心之訪予山中

靜居集卷三 五律

五

遠訪孤峰頂涼荒見道情別來多少事話到二三更
燈影搖空壁茶香出破鑪山中無一物何以贈君行

寫懷

心上無俗事禪餘只好吟命窮甘白屋身健直黃金
世路劍關險侯門滄海深虛名何必尙吾志在山林

愛梅

我愛梅花好情同骨肉親瘦於唐島佛清似楚湘臣
折處香浮樹吟時雪滿巾孤山林處士應想是前身

書自真

不入君王夢徒勞顧愷工有身皆幻物無相即真空

大節死不變五行生得窮鬚毛惟欠白好箇住山翁

贈何秀才歸釣臺

雪上鬢痕新歸耕碧隴春可憐窮作崇空有術如神
野逕多黃葉寒江老白蘋斯文天未喪將見起陳人

答畫者問詩

要識詩真趣如君畫筆同機超罔象外妙在不言中
珠蚌照滄海玉蟾行碧空安能起摩詰握手話高風

塵事

春來秋又去塵事轉茫茫天下若無死人間應更忙
燕啣泥葺壘蜂釀蜜爲房獨有幽棲者眼高空八荒

靜居集卷三 五律

五

重過楓橋

晚泊楓橋市冥搜憶舊遊月明天不夜江冷水先秋
岸曲依漁艇林低出戍樓堪嗟名與利白却幾人頭

滕州道中逢卜德夫

相逢同是客清話見真心四海皆兄弟三生一古今
冥鴻思碧落病鶴戀青林藏器期堪用斯文未陸沈

呈林且翁

公車徵不起高枕白雲眠五字詩中妙一名天下傳
書窗分夜月茶竈出晴烟冷淡生涯足梅花繞屋邊

玉泉山中懷李景山田師孟二公

鴈落蒼烟外蟬吟夕照中與誰論古道獨立秋風
遠岫青無數晴波碧四空故人成久別不見寄詩筒
訪孫伯宇明府別業

風流如靖節出處自分明昆仲多黃甲交游少白丁
掬泉搖樹影枕石落松聲不下青山去月高門倚扇
倪隱君歸越

君歸何處所迢遞浙江東千里故人別一尊今夜同
鴈愁燈影外蟲響月明中潮水將離思茫茫逐去蓬
送同行省親

靜居集卷三 五律

三

鴈背夕陽遠馬嘶春草肥北堂慰孤寂喜色動斑衣
旅懷

寥落無人問青尊獨自斟思親兩行淚倦客十年心
貧久難禁病愁多欲廢吟歲寒誰可語莫逆有孤琴

梁校理歸杭

交情方脫略忽爾話歸期萍水相逢處梅花欲寄時
蠟多投店懶馬瘦到家遲去去西湖上東風柳未絲

永康道中

石路多盤折秋陽尚鬱蒸矮牆低貼水老樹倒懸藤
白髮腰鎌叟緇衣頂笠僧村醪何處問更入亂雲層

過瓜洲

落日瓜洲渡餘寒透薄衣客囊空蕙苴春色自薔薇
江遠水東去天晴鴈北飛故山千里外昨夜夢先歸

浮生

浮生空役役誰肯死前休今日復明日黑頭成白頭
百年身世夢兩字利名愁輸與僧閑好眠雲看瀑流

隱者山房

一龕俱絕頂門外眾山橫池小魚能活庭荒草亂生
窗虛延月色林遠隔鐘聲俗客不得到主人無送迎

贈唐師善父

靜居集卷三 五律

三

唐君天目住詩律有唐聲父子同機軸江湖識姓名
秋風吹破屋夜雪洒寒檠自說貧如許儒冠悞一生

送金子仁之桐廬

不必念離羣男兒看策勳子能行此道天未喪斯文
雨氣沈江樹春帆帶海雲憑將無俗句一說向桐君

山陰王商翁

江湖參讀徧方外又談禪日用工夫到天然句法圓
地爐寒撥火古硯濕生烟清白傳家術靈苗茁石田

寄劉仲鼎山長

我已浮屠隱君仍冷掾遊向人空說項何地可依劉

風雨殘燈夢關河落木秋近聞吟更苦應是雪盈頭

次李景山韻

道人無可愛所嗜特清吟墨痕沁春雪燈影搖秋霖
試將不龜手用鼓無絃琴此意許誰會思君滄海深

送客還山

乍見卽言還望雲歸遠山舟行白鳥外路出綠陰間
隣父開松徑家童掃竹關世途方擾擾誰復似君閒

藥徑

藹藹復淒淒新苗綠滿畦菘菘移得小枸杞剪能齊
曉灌閑塘水春分遠澗泥非因事服食聊此適閑棲

靜居集卷三 五律

寄蘭壑宗長

同宗同在旅彼此繫微官所去無多遠其如相見難
連雲秋樹老卷雪暮濤寒幾度空江上思君獨凭闌

寄大滌山道士

思君不可尋幽夢入雲林碧洞千年古青山九鎮深
無糧澆白石有訣化黃金遙想松林下焚香理玉音

遊山寺

以下皆方外作

紅塵飛不到一寺倚巖陰松老知僧臘潭空悟佛心
古碑蒼蘚合疎磬白雲深坐久生幽思斜陽下遠岑

訪道行上人時寓海雲

尋僧自補屐古寺夏雲中聽鳥明聞性看花悟色空

風傳烟磬遠竹引野泉通便欲捐塵累香燈事遠公

解嘲答祐上人

世外難爲友吟邊僅得君寄將西岳句差似北山文
眾雀爭叢棘孤鴻戀舊羣誓須同白社志不在青雲

讀珣師潛山詩集 夜坐

詩從心悟得字字合宮商一點梅花髓三千世界香
卷翻燈影斷葉墮漏聲長遠想人如玉何時扣竹房

重遊淨慈憶沅禪師

慧日峰前閣重來百感增空存黃面老不見白頭僧

靜居集卷三 五律

齋

遺偈書猶在埋銘刻未曾有詩行已久何必上傳燈

杭州護國寺無門開師道場有龍洞在焉

山脈來天目名高甲眾峰安知巖上樹不是洞中龍
寺小多僧住祠靈有勅封無門那得見塔影暮重重

別英上人

話別踟躕甚江亭酒一卮定交元不薄重會豈無期
坐久風生衲吟深雪滿髭明朝相憶處山月倚篷時

徑山夜坐聞鐘

涼風生毛骨天高露滿空二十三年事一百八聲鐘
絕頂人不到此心誰與同凭欄發孤嘆宿鳥起長松

詩禪

詩悟必通禪功深自入玄句非專鍛鍊妙只在空圓
春草池塘夢梅花水月天寥寥千載下此意少人傳

與徑山高禪師

參禪非易事况復是吟詩妙處如何說悟來方得知
天風吹沆瀣霜月照漣漪賴有師兼善當今一白眉

寄贈一見禪師

名蓋不肯住招隱始中年白日無來客青山獨坐禪
磬敲松頂月茶煮澗心泉見說御花鹿時來座下眠

讀宗祐上人高僧詩

靜居集卷三 五律

姜

一集半千首冰花玉屑妍行須隨手看病亦枕詩眠
不作烟火語自成文字禪倘非知道者慎勿易流傳

寄祖雍上人

破衲捲秋雲入山深更深似聞營梵剎應不礙禪心
寒瀑瀉蒼壁晚花生石林遙思明月夜誰聽穎師琴

送僧之華亭行化

華亭多勝槩此去幾時還古寺寒林外荒城野水間
地靈偏有鶴海近絕無山龐老知音者相看必破顏

禮覺菴真禪師塔

一死雖無憾生平亦可憐道高人不識悟妙世空傳

舍利光含日浮屠影接天修名清似水宜葬太湖邊

呈天目山高峰和尚

冷坐深雲裏巖扉盡日扃齊眉髮半白信口語多靈
入定山神護談禪野鹿聽何時香一片夜靜雪中庭

贈淨慈元師

僧中麟一角尊宿遍參來詩體得活法禪心如死灰
看雲寒坐石踏雪曉尋梅湖上經行處沙鷗見不猜

贈新公雲巖

多年南宕住心事白鷗知懶出因嫌俗無謀自識時
老猶堪入眾貧只好談詩想透靈雲句禪關已不疑

靜居集卷三 五律

姜

題海雲寺真禪師道行碑後 西菴慧長老令師

空色俱明了何心涉世緣高名爭共仰頑石底須鑄
笈笥無遺物衣孟有的傳西菴今跨竈光照海雲邊

宿睦州祖師菴

菴依堯率寺小憩俗心灰竹密暑不到虛窗風自來
山昏飛鶴下磬斷定僧回拂拭殘碑看年深厚綠苔

六池菴

絕頂菴雖小靈踪遠近聞天將六池水澤及一方民
猿叫蒼崖月龍歸古洞雲山翁頭似雪不識市廛人

勝禪師遊廬山

飄然廬岳去破衲共枯藤此地山林勝令人肌骨清
蓮開千柄雪瀑挂一條冰五老如相問煩君爲寄聲

送明本上人遊方兼寄蔣山申禪師

忽忽離天目遙遙問石頭如何當九夏獨自上孤舟
瑞必乘時出身須爲道謀謝郎今老大月下正垂鈎

古涪文本心

一片白雲心飄飄出世塵禪參迦葉妙詩逼貫休真
倚竹風生袖尋梅月滿身老來堪慰意林下見閑人

贈僧還日本

杖錫去隨緣鄉山在日邊遍參東土法頓悟上乘禪

靜居集卷三 五律

三

咒水龍歸鉢翻經浪避船本來無去住相別與潛然

夜投白蓮寺

寺在甫里 增

飲別東家叟行投西寺僧無風收閣幔有月罷廊燈
竹夜聲偏集池寒色自凝無端值詩景清興覺逾增

五言排律

眠雲軒

漠漠復依依蘿房畫掩扉凝衾輕學絮拂桁亂成衣
未肯從龍去應同化蝶飛彩文低幔影濕靄和鑪霏
觸石濃兼淡爲霖去復歸却憐塵土夢空遶畫屏圍

綠水園燕集

芳圃逼江城迴波遠舍清主人擅文學過客總簪纓
適向吳中會何殊洛下英唐虞共敷講風雅用和賡
嬰鑠攻辭健鏗鏘得句精建安方合體大曆却徒名
還展花前席仍敲竹下枰吟餘歌杖杜醉裏聽倉庚
徑竹斑初脫庭蕉綠已呈渾忘在離亂惟欲盼承平
蝸窟休圖隱雞壇可負盟從容四美具感激二難并
更願相加勉留傳汗簡聲

詠雪

含羞待暮天六出總勻圓白變山川態威分造化權
舞風呈窈窕拂水鬪颺躩乍積那能久頻銷不自堅

靜居集卷三 五排律

三

光應欺楚玉色更勝宮鉛到處堆填滿何人剪刻全
梅花慚艷冶柳絮讓輕妍入隙寒禁坐穿帷冷逼眠
凝祥催餞臘呈瑞報書年欲擬梁園作抽毫賦短篇

春寒

東風曉作惡漠漠艷陽天緼服收重着紅爐罷復燃
魚潛池未泮鶯困柳空妍冷落張燈雨淒迷拾翠烟
愁顏銷綠酒凍指怯冰絃可惜尋芳日空成掩閣眠

立春試筆

頌椒方獻歲占斗又逢春萬乘迎新日千官侍宴辰
葭灰初應午木德以爲寅詩進泥金帖釵懸綵勝人

銀塘消宿冱紫陌起香塵行路踏青侶遊賞敢逡巡

題太守談侯藏御書

閭闔開金殿天官侍禁闈龍旂迎翠輦寶扇隱珠衣
天語親垂問奎星墜若飛皇威瞻咫尺教命及依微
拜舞承恩渥歡娛捧詔歸臣僚驚異遇筆硯發光輝
展視人皆羨收藏衆所稀終當遵聖訓千里守名畿
七言律

早春遊望

燒燈城郭嫩寒天早覺春光滿眼前山翠全輕猶帶
雪柳絲纔長便宜烟佳人挑菜甯辭遠公子尋芳各

靜居集卷三 七律

美

闔先從此陌頭車馬動誰能閑坐負華年

春雪 二首

不肯呈祥向臘前却來迎瑞入新年闔粧已落梅花
後學舞還居柳絮先久積已迷芳草地易消還避艷
陽天遙知大輅躬行處共賀瑤瑤滿舜田

其二

亂逐春烟上客衣悠悠颺颺又霏霏隨風已後梅花
落撲地應先柳絮飛鬪舞艷陽消復聚乍飄芳草積
還稀無端誤却尋芳約獨擁寒爐掩竹扉

仲春遊望

春來結伴共閑行此日山川色更明望裏樓臺多見
柳靜中阡陌但聞鶯江藤色帶王孫恨蜀魄吟傷帝
子情莫道韶華鎮長在落花看已滿東城

寄宋校書仲温

郡泮宮邊對雨吟別懷清減到于今聽鶯已謝春風
夢種菊應期歲晚心鏡裏流光催白髮床頭舊物聲
黃金大家共仰臨池筆妙逼鍾王趣已深

春日登戴山懷舊

選勝尋常此地行春日望湖湖更明白浪遙連陽羨
樹青山半掩闔閭城樓臺高下千家柳阡陌東西幾

靜居集卷三 七律

罕

處鶯忽憶從前舊游伴無端愁思一時生

過吳卽景

片帆迢遞入吳烟竹潑蘆汀斷復連柳蔭濃遮官道
上蟬聲多傍驛樓前近湖漁舍皆懸網向浦人家盡
種蓮行到吳王夜遊處滿川芳草獨堪憐

首夏閑居

門巷開臨曲水濱綠陰悄悄四無隣雨餘高笋初迎
夏風逗殘花尙駐春倚杖多因聞好鳥開樽每爲愛
幽人疎簾清簟終朝靜只有琴書自可親

漪亭納涼

汎舟曉入水雲鄉亭子高高午更涼白玉柄寒揮塵
尾黃金鳴冷試沈香榜人弄沐穠荷影侍女調冰壓
蔗漿不信長安名利客黃塵赤日幾多忙

夏夜宿道場

山僧結夏獨安禪對客談空石作筵架上金經傳白
業庭前翠栢長青年松廊月冷驚棲鳥石室風清滴
暗泉擬就遠公修淨社共持巾拂斷塵緣

夏晚泛湖

綠柳陰中艤畫船芰荷香裏聳吟肩雷聲驚動雲頭
雨塔影倒搖波底天羣鷺遠明殘照外一僧閑立斷

靜居集卷三 七律

望

橋邊菱歌裊裊知何處滿袖清風快欲仙

川上暮歸

此地頻經畫舫過暮歸原不畏風波烟中漁網懸楊
柳浦口船燈照芰荷歸鳥去邊行客少夕陽盡處亂
山多此時詩思渾無賴聽得前溪子夜歌

秋日郊居

蕭蕭晴日戶庭幽無數青山枕碧流白露雨餘砧欲
動黃花風冷扇初收雲迷征鴈牽秋夢烟引寒蟬急
暮愁此際不堪搖落恨蒹葭如雪滿汀洲

次韻高季迪寄江上丁至剛

華門疎柳近漁家湖落秋江淺露沙俗吏催征禾未
熟良朋訪舊酒須賒霞生前浦天將雨露冷東籬菊
未花却笑年來貧亦樂阿兒學寫字如鴉

秋夜宿僧院

古寺昏鐘日已沈禪房花木自成陰流螢遠度還依
草宿鳥驚飛不出林僧磬和泉清客慮佛香入院淨
人心夜深共講楞伽字始識空門義趣深

秋齋早起

高齋獨宿寢衣輕覆簟餘香似有情門掩青苔秋澹
泊心同白露曉澄清新詩夜得思貽友靈藥朝飡學

靜居集卷三 七律

望

養生但乞閑身長似此已將雲霧等浮名

秋日登戴山佛閣

風物澄明宿靄收登山欲盡更登樓一行白鴈投南
下百道清溪向北流野嶂雲歸初歇雨湖田稼熟始
知秋空門寂寂無塵事騁望端能散客愁

九日登山

人生能得幾重陽此日攜壺引興長白髮已添今歲
色黃花不改去年香中天雨露開新節下界山河繞
十方正好登臨拚一醉龍山遺跡久荒涼

歲暮山居

寂寂閉居隱翠微蕭蕭寒日暎柴扉葉聲亂響莓苔
展雲氣時生薜荔衣雪滿石床門閉早草侵碁局客
來稀歲寒正好看書卷不用登高怨落暉

雪意

六花欲墮尙遲遲應足裁冰未就時人倚高樓風寂
寂雲連平野柳垂垂饑鳥獨噪荒城堞凍雀羣棲碎
竹枝遙憶梁園起宴客抽毫應擬賦新詩

除夕

季冬今夕年華盡開歲明朝節物新時令漸交初換
慙客愁偏動未歸人暗知春入椒觴重坐覺寒催玉

靜居集卷三 七律

望

漏頻遙憶鳳城鐘鼓動千官拜舞向楓宸

送李文學還江右

亂後還鄉世所稀喜君漂泊獨能歸英雄割據今方
定城郭人民半已非浮梁渡口衝時雨彭蠡湖中看
落暉聞道宗人相待久榮華何必錦爲衣

江館漫成

雞犬相聞自一村兵餘禮俗幾家存蒹葭渚冷哀鴻
度禾稼場空凍雀喧三策徒勞懷董子一食誰復憶
王孫江天悲感年將暮雲樹離離欲斷魂

贈趙似之架閣

萬人叢裏獨知幾六六金鱗避釣時靖節歸來多嗜
酒休文瘦損祇耽詩草青湖岸春遊健潮落江城夜
臥遲來去清豪渾未減一驢猶向雪中騎

行樂過西崦

白日都消筆硯間偶因行樂到松關秋聲不盡蕭蕭
葉夕景無多淡淡山蛩響寒齋僧自定苔荒深院客
常閒已知身世俱成幻莫嘆西風鬢易斑

贈一初國錄

兩鬢秋深世念疎竟攜琴鶴賦歸歟子期心古金雞
鐫韋老詩成錦不如負郭有田都種秫杜門無事飽

靜居集卷三 七律

醫

觀書曾禱可是容塵俗翠竹千竿繞故廬

送徐君輔歸嚴陵

塵戰文場四十年歸來鬚髮已皤然可憐東魯辭家
客又逐西陵上水船沙漠風高孤鴈落汀洲春暖白
鷗眠故山一去音書斷極目遙林起暝烟

殘臘夜書

百年時序渾能幾眼底推遷亦可哀歲景僅隨殘燭
盡春聲還逐曉鐘來烟林衆鳥知更語野館孤梅應
候開預計明朝好風色與誰乘興一登臺

靜居集卷三終

重刻張來儀靜居集卷之四

潯陽 張 羽 來儀 著

高安 陳邦瞻 德遠 校

新都 汪汝淳 孟樸全校

七言律

元日試筆似吳黃二友

草綠南園裏曉塵水開池色動龍鱗天邊北斗迴今日江上東風似故人莫憶往時悲往事且將新句答新春餘生願見昇平日長對青樽壽老親

立春日吳黃二友有作因和

靜居集卷四 七律

陳章叢書

隣舍蕭疎水竹連共看原野變風烟青春又數從今日白髮應多似去年世上浮名都莫愛客中佳節且相憐尋思歲計渾無物只益新詩數百篇

僧居寒夜

上方臺殿駐餘暉露下烟寒獨掩扉山木蕭條啼鳥歇道門清淨俗人稀鐘兼遠籟回鄉夢鷹帶新涼到客衣擬約許詢同下榻自憐幽興每相違

其二

山館蕭條寢復興經聲遙出最高層客愁無伴依童子禪學多難憶古僧塔下鳴蛩沿定石竹間棲鶴避

懸燈遠遊亦有幽居士擬絕塵緣愧未能

寄王止仲高季迪

祗恨孤城未解圍圍開番遣別相知夕陽江上忽忽酒細雨燈前草草詩有夢直從花落後無書空過鴈來時郭西古寺題名處今日重遊却共誰

其二

別後吟成許寄無定知詩境不荒蕪新詞典贍推摩詰古體優長羨達夫華岳羣峰雲霧出梁園萬縵日晴敷肯從大曆開元已重擬清談學唾壺

吳興南門懷古

靜居集卷四 七律

二

郭門南面似襄州野樹寒山對倚樓公子城空無食客霸王宅外有荒丘夕陽冉冉仍西下秋水茫茫共北流只是今時已惆悵不應更爲昔人愁

送谷克讓回南侍親兼柬李中卿貳尹

五兩風生楚客歸夢魂先已到庭闈九疑舜冢蒼梧野三國周郎赤壁磯天地悠悠人自老江山鬱鬱鳥空飛若逢李白煩相問別後平安一字稀

登德清百僚山

湖鄉風景三秋後佛界軒亭四望開碧水番從城裏過青山直到縣前來魚商酒市晴偏集釣艇蓮舟晚

共回自古登高能作賦坐中誰是昔賢才

寄述古道上人

選佛場中讓長年愛投靜刹寄高禪法身說應天人
供世諦無通內外篇月照袈裟行道徧花飛如意說
經圓聞師剩有藏書在擬借蓮房未有緣

九日登道場山同吳逸人賦

忽驚九日當今日同在他鄉望故鄉百里山河天盡
處萬家城郭水中央帷間風動聞靈語寺裡林疎見
佛香不是避喧來此地無妨覽勝到斜陽

青山石梯閣與方二彝徐七賁周二復夜坐

靜居集卷四 七律

三

忽逢晦日驚春盡爲倚高窻到夜分獨鶴夢酣西
樹老僧定入上方雲泉聲落磬空中辨花氣穿林
暗裡聞莫道暫時留愛賞移家終擬避塵氛

贈僧玘

辭家譯遍五天書避亂聊尋廢刹居片月池中觀色
相干花塔下禮空虛行隨流水因齋後坐得新詩是
偈餘聞說到城還不住予生汨汨意何如

橫舟孺山懷徐孺子

登山懷古重徘徊試薦山泉當酒杯此地不聞懸榻
待當時應吊東芻來鷓鴣棲壞棟殘僧散風動寒燈古

殿開千載南州寥落甚獨尋遺跡繞蒼苔

奉同西軒先生前址看梅

最愛前村幾樹梅千花萬萼映春開空憐地主能栽
得却少閑人爲看來弱蕊愁風低着水瘦枝嫌雪淺
封苔不因重度溪橋險杖屨應過日數迴

唐叔良溪居

高齋每到思無窮門巷玲瓏野望通片雨隔村猶夕
照疎林映水已秋風藥囊詩卷閑行後香炮燈光靜
坐中爲問祇今江海上如君無事幾人同

遊方山觀梅

靜居集卷四 七律

四

尋芳正及上春時澗道縈紆恨到遲花似西湖先得
暖人如東閣總能詩酒中瘦影依依見席上寒香淡
淡垂日莫醉歸花滿帽從教大笑鬢如絲

寄梅雪

聞說公亭傍水開黃茆爲瓦不須裁商船無數青山
遠書案尋常白鳥來已信漆園非俗吏誰知關令是
仙才煩君莫抱窮途恨萬事都將付酒杯

次高靜學韻

緼袍無裏食無餘每被傍人笑著書郭泰徒勞誇叔
度揚雄何敢擬相如玉堂天上非吾夢紫極宮前有

敝廬安得故人隣
壤住溪頭來往賦閑居

陳氏先壟圖

雲山漠漠冢嵬嵬
馬鬣封前躡躡開
宗子祗緣懷牒
去路人時爲看碑
來松間芻狗埋秋
草地底漁燈徹
夜臺惆悵年年寒
食近白楊風起爲
興哀

送胡宗禹之播州驛丞

便路之官暫到家
九溪窮處是天涯
夜郎沙軟多龍
跡盤瓠山迴似犬
牙浦口勞歌催畫
鷁門前使節詠
皇華途中定有江
行稿好寄東風萬
里槎

贈致仕袁省翁

靜居集卷四 七律

五

棄官歸去學尋真
有道何愁白髮新
湖上行春靈壽
杖松間對客華陽
巾佛書謾寫綠絲
修靜丹藥頻丸爲
施人自愧後生無
所事也辭冠蓋乞
閑身

故陳秀才哲手抄詩

世間無藥補清羸
身沒雙親却倚誰
少婦寫藏長別
語故人收得舊編
詩空窗夜漏沾書
檢壞壁秋塵落
研池須信才名天
所忌後生休更擅
文詞

送張憲史之江西

燕子歸時却離家
洪州迢遞隔天涯
風帆落浦朝投
驛江火明隄夜探
沙客裡寄書逢驛
使幕中提筆待

霜衙來春我亦尋
歸棹約爾南湖看
杏花

復見心錄文見寄

空堂晏坐一燈懸
僧臘多應倍俗年
老去已除行脚
債悟來不說定心
禪千花禮遍諸天
降半偈都將萬
法傳每愧塵勞煩
見問同鄉兼恐更
同緣

宿保叔塔院

赤闌閑倚化人官
湖上春陰望不窮
百尺樓臺空相
外萬家城郭雨聲
中齋房漏滴蓮花
水講殿經翻貝
葉風自笑世緣心
似石擬聞香炷問
生公

同安阻雨

靜居集卷四 七律

六

出旬方到同安郭
水驛春寒懶放船
白浪翻江風愈
壯黑雲粘樹雨長
懸峰頭僧磬惟聞
響沙口漁罾已
罷牽寄語羣鷗莫
相狎只今無暇與
攀緣

春園漫興

水漫芳塘生暖波
松林蘭若散鳴珂
題詩故欲愁花
鳥避酒還能憶薜
蘿烟柳萬條供妙
舞風鶯百轉當
嬌歌醉斜烏帽歸
來晚一路花飛撲
面多

曉過淮陰

軍城鐵鎖曉開關
使節星馳未敢閑
淮水東流應到
海瓜洲北去少逢
山行人欲斷寒烟
外遠燒時明亂

葦間却憶帝城風物盛禮成須及上春還

鳳陽使還

拜陵初罷雪雲晴使者南還荷聖靈馬上頓更新舊
曆風前重數短長亭逢人問俗諸僞語到處尋源驗
水經却憶長干橋畔柳歸時應待眼青青

雪中懷周大使倬

憶君官舍傍苔磯正是天寒雪擁扉堂上客來公吏
散山前市罷估船稀宦情淡泊同流水鄉思蒼茫對
夕暉歲晚荒村無可寄擬將詩句托鴻飛

流水驛

靜居集卷四 七律

七

憶昨鳴榔出帝鄉水程五十到南荒地連島嶼諸蠻
雜山入辰沉萬里長翠靄羃林光冉冉玉泉鳴澗韻
琅琅麓川又在西林外却倚危樓望夕陽

送人歸隱

野鶴孤雲無定期閑來棲息本相宜雨荒苔石吟行
徧月落松窗醉起遲載誦左思招隱賦何慙陶令去
來辭只今我亦從行役愁絕黃花對阿誰

送僧還天台省親

載經東去路迢迢應爲省親到石橋江上中齋尋午
墅沙邊夜梵雜寒潮宰官問法留三宿慈母焚香製

七條歲晚定知歸本寺待子聽雪坐終宵

寄南屏渭長老

蒲室傳心第一宗老尋古刹寄行蹤贊花偈就人爭
寫壞色衣穿自懶縫案上梵經皆貝葉手中談塵是
青松何年惠遠重開社來聽東林寺禪鐘

寄紫金院喜性二禪

精藍西畔接城園野水交流絕四隣過去真僧留半
偈浮來古佛見三身夜深門有聽經虎歲稔厨多施
米人遙憶兩禪相對處儼然無着與天親

贈景山中道立 寺在青山東北高山上今廢

靜居集卷四 七律

八

古寺殘僧亂後稀獨來林下掩柴扉化人每轉千聲
偈辟地惟將一衲衣池上蓮芳辭伴去山中松偃識
師歸非關願薄難行道自是羣生與道違

寄道場聯上人

聖明新選黑衣巾似共名山有宿因地上布金多長
者室中傳偈總門人法身已應諸天相定力能消萬
劫塵愧我才華非鑿齒道安何事獨相親

初度寫懷時寓菁山

清時遁跡見非才茅屋秋深坐草萊貧爲無田心獨
泰衰因多病髮先摧江天白鳥留子狎家圃黃花待

主開自愧年來初度日常叨旅次故人杯

高記室爲子題菁山隱居次韻寄謝

幽幽山墅隔江城老大纔思避姓名兩屐苔荒林外
迹一瓢風撼樹間聲僧探住近邀禪坐友慮盟疎折
簡行脫使終南稱捷徑稚圭移到若爲情

過何山廢寺

千峰寂寂寺門開石逕春風長綠苔佛閣丹青餘瓦
礫禪房花木變蒼萊繡經室壞僧應散施食臺空鳥
自來誰料空門亦如此獨臨斜日重徘徊

重過蜀山徐幼文隱居

靜居集卷四 七律

九

憐君舊隱此林間一去神京未得還獨客重來多白
髮故人不見只青山岸前古樹曾維艇雪後高齋幾
扣關何日能除簪紱繫莫年相約共投閑

贈傅山人 善相杖

知君本性愛雲山浪迹江湖每忘還相氣獨遊飛鳥
上窮源多在亂松間千重巖穴行應遍一片機心久
已閑亦欲相從尋勝地青鞋藜杖共躋攀

訪許文學不過

杖策思尋半日閑偶隨流水過前山林中不見童迎
客竹外惟聞犬護關道服自懸虛牖下茶中空掛夕

陽間到門不遇君攜手惆悵荒村暮獨還

送人之官閩中

鄉情寥落宦情牽一片征帆帶雨懸投驛遙瞻閩嶺
樹問程先下浙江船公庭理訟枕榔外客舍鳴琴荔
子邊聞道武夷山水勝經過須爲一留連

重陽道院 院在杭城吳山

玉壺泉香草自春丹樓南下瞰城闔青衣童子曾來
地白石先生過去身九轉爐寒銷宿火七真堂古暗
秋塵松間道士多凡骨未省誰爲出世人

官廨雨中

靜居集卷四 七律

十

邑里蕭條民未復齋居卑濕病相牽客愁連月惟聞
雨農事關心擬問天自幸拙耕終歲飽更慚中酒日
高眠不才如此真堪棄敢負明時費俸錢

客夜有懷

欲洗閑愁把酒傾酒醒愁思又還生青燈背壁客孤
坐黃葉滿階蛩亂鳴千里有懷頻入夢一身如寄若
爲情山長水遠人何處兩岸蘆花月自明

寄方員外

結髮從戎二十年獨揮赤管萬人前新辭祿秩綠思
隱閑學齋居似愛禪病裡頻書除藥券愁中久絕看

花筵懷君不隔天涯遠只在荒城暮雨邊

夜懷傅生森

深夜相思浣水邊情懷堪恨復堪憐雲山千里書不到風雨一樓人獨眠蛩帶秋聲吟壁下鼠窺燈影出窗前去年記得西湖上醉倒荷花香滿船

寄徐主事

網羅初解命如絲一片忠誠結主知戴月曉趨丹鳳闕移燈暮宿白雲司鄉書無便還家少旅思多驚得夢遲每到松間并石上懷君愁見舊題詩

贈彈箏人

靜居集卷四 七律

十一

先輩曾將舊曲傳纖纖銀甲更堪憐清和未數湘靈瑟哀怨渾同蜀國絃鶯弄晚風啼復歇鴈飛秋水斷還連坐中北客聽來少暗想當時一惘然

贈鄭邴文

兩鬢星星小幅巾蒼松氣節鶴精神居常倒屣迎佳客貧不將詩謁貴人踏雪抱琴梅嶼曉典衣沽酒柳橋春若非道眼高明者誰肯甘心寂寞濱

送蕭丞朝京

天官妙選待才賢茂宰清名衆所傳漠漠去帆衝暮雨蕭蕭行李似當年逶迤客路朝京口迢遞王城在

日邊爲說烏程民吏待金陵酒美莫留連

金華道中送鄭邴文東歸

柳絮飛飛共語離尊前會面定何時交情冷淡孤衷在世味辛酸兩鬢知春水亂灘船下疾曉風殘月酒醒遲湖邊鷗鷺休相笑破篋無錢只有詩

金陵道中

孤舟曉出古關西江樹蕭疎遠壞堤七里岡前寒雪霽三茅峰頂暮雲齊酒家寂寞人稀醉車路縱橫客易迷迢遞漸看宮闕近月明時聽夜烏啼

揚州道中

靜居集卷四 七律

十二

馬頭津口足風波歲晏遙乘一傳過南渡客來多漢語下江船去半吳歌蕪城總入新編戶瓜步斜連古漕河何處吹簫明月夜野田茅屋曉烟多

燕山客中

只合山中度歲時欲求聞達豈相宜命輕似絮人爭笑心直如絃鬼亦知怕見是非休看史未忘習業尙耽詩春風歸去江南路芳草滿汀花滿枝

喜則堂大參南歸

故國衣冠已變遷靈光此際獨依然一身幽薊三千里兩鬢風霜十九年歸去午橋非舊日夢飛秋塞隔

遙天江南遺老如公少青史名高萬古傳

閩中春暮

吳山入夢驛程賒身逐孤帆客海涯九十日春多是
雨三千里路未歸家枕椰土潤蠻烟合楊柳江深瘴
霧遮倚徧闌干愁似海杜鵑啼過木蘭花

過春申君故城

女牆傾壞雉樓平遺址人傳是楚城遙憶玳簪曾到
處閑陪珠履此中行雨餘但見狐狸迹月冷疑聞劍
珮聲今古豪華成底事臨風惆悵不勝情

挽徐秋官先生

靜居集卷四 七律

圭

榮名堪羨死堪憐遺骨歸來附客船身歿異鄉無子
送名香後世有詩傳丹旌猶寫生時爵白日難開地
底天惟有門生懷舊德獨臨蕙帳一潸然

燈花

畫堂銀燭映歌鐘醉眼俄驚火樹紅白玉屏深留晚
艷絳紗籠煖護春叢闌干清淚非因雨狼藉殘煤總
爲風更憶禁垣歸路靜金蓮隨馬散文虹

登姑蘇臺懷古

荒臺獨上故城西輦路悵涼草樹迷廢塚已無金虎
踞壞牆時有夜烏啼探香逕斷來麋鹿響屐廊空變

羨藜欲弔伍員何處是淡烟斜日不堪題

涉世寄道衍

涉世情懷冷似冰狂歌醉飲任騰騰隨緣卽是無心
佛達理何拘有髮僧但得遺風追賈島不須虛譽繼
盧能歸山未有謀身計空憺閑雲鎖碧層

送越上人住蔣山

落落晨星者舊稀奮然一出拯危機石頭路滑有時
到山頂雲深無夢歸帆葉飽風衝白浪雪花和露濕
緇衣入功德水談空處應有江禽入座飛

送祖上人往京謁本師

靜居集卷四 七律

圭

載經遠向日邊遊因謁名師上石頭到寺定知衝曉
霧還山應是過殘秋千燈喻法元無盡一鉢隨身信
自留大道本來無去住暫時相別莫多愁

寄婺州信長老

軒昂頭角法中龍攫霧擎雲興已慵見說深山居幾
夏只披袈裟過三冬鳥啣臺上出生飯虎避岩前入
定松近日諸方知道價傳燈應可繼南宗

送蓮社陸道師歸鏡湖別業

一錫橫飛下鏡湖頭顛老去世緣疎庭栽竹少堪容
鶴池種蓮多不礙魚滿室香雲經盡後半窻明月定

回初陶潛懶入東林社在在青山可結廬

寄贈香山上人

塵機息盡悟無生日日空山伴鶴行月冷澗泉搖錫影風傳松籟雜經聲逃虛自了三空法見性全消五蘊情莫學湯休餘習在却來人世競詩名

答山西楊憲副故舊見寄

諱基

晉鄙遙山接太霞十年從仕鬢空華秋來有鷹偏催客騰盡無梅更憶家私屬羊毛皆入稅邊風馬乳代烹茶番思共隱江南日每為論詩到晚鴉

瓊姬墓

靜居集卷四 七律

去

館娃宮裏已堪愁况值泉臺闕小丘月冷寶奩無復曉池空玉鷹不知秋蘿間舊屋僧來往竹下新亭客過遊不有佳名留郡志誰能識此為停舟

過彭江 增

遠水殘陽落釣舟近村漸覺野烟收菱歌歸浦家家夕楊葉驚風樹樹秋昨日夢非今日夢他鄉愁是故鄉愁自憐久負山中桂每向江湖憶舊丘

五言絕句

古意 二首

青松如妾心好花如妾面好花有時衰松死節不變

其二

憶郎去不歸淚向東風落不恨郎恩輕自恨妾命薄

古恨 二首

嗟嗟誰家女汲泉來古井纒短不可深俯首弔孤影

其二

嗟嗟誰家女窻下事機織青蠅適何來一玷黑不白

和楊孟載刺客四詠

筑

鉛重難抱彈彈皆北鄙聲試手向君側泰山一毫輕

椎

靜居集卷四 五絕

去

制秦強晉鄙揮袖安國家却笑賢公子虛投博浪沙

劍

黃河三尺冰常污平聲寃血腥射滅銀燈影半夜悲風

生

七首

千丈騰白虹叶三寸含秋霜仇報將身許不肯誤徐

娘

約高王諸友賞月

平分秋色夜桂魄正團圓最好邀同賞那容靜自看

其二

玉露耀金波璇霄遞素娥盍持桑落酒苑和鵲飛歌

石屋 在太平山十二景之一

山根攢棟宇簷椽勢峻嶒却許誰來住閑雲共老僧

琴臺 在靈岩山夫差鳴琴處

坐鼓朱絃日玉人方入吳于今山月下惟聽夜啼鳥

山寺阻雨

游子家何許欲去復停佇曉來雷破山門外正風雨

贈永中山人

之子西峰來問我西祖意欲答還無言風吹花落地

讀周尉月山吟稿

靜居集卷四 五絕

七

撻毳披新詩寒生坐禪石山空四無人笑看孤月白

山中

一聲山鳥啼幽夢忽喚醒起來開竹扉日上中峰頂

其二

窻前瀑布寒林外夕陽薄清風何處來撲撲松花落

山中四景

半啓柴扉曉東風昨夜狂樹頭花落盡滿地白雲香

其二

六月山深處松風冷襲衣遙知城市裡撲面火塵飛

其三

獨坐澗邊石林空秋意長夜深山月白松露滴衣涼

其四

山翁苦愛山山中結茅屋夜來風雪深壓折窻前竹

題徐幼文畫

溪路過橋分晴山自少雲茅堂遠相訪憶似我迎君

晚眺有懷

相思天外人極目倚山閣一鷹不飛來寒汀暮潮落

偶成

正月梅花落二月桃花紅榮枯自有數不必怨東風

蕉

靜居集卷四 五絕

末

綠綺含風弱芳絨卷露新憶在閑庭院婆娑映玉人

萱 二首

佳人重生男競種宜男草東隣有嬌婦對花空自老

其二

酒號忘憂物花名乃相偶憂來對花坐何如飲美酒

秋夜卧病

清齋夜方寂卧病誰相親秋螢如有意殷勤來照人

絕句 二首

荒村無四隣茅齋夜深雨田犬時一鳴厨人暗中語

其二

十載湖邊客何人伴杖藜登山臨水與惟有阿通知

胡騎圖 二首

弓劍隨身帶關支細馬馱天寒水草遠更過白狼河

其二

陣火照紅雲龍延職未分金兜上馬去應避李將軍

重午四詠

守宮

玉杵搗香酥試來紅入髓抵用苦關防妾身清似水

艾虎

作偽欲成真爭穉門下掛若教鬼有靈看來應未怕

靜居集卷四 五絕

九

百索

千絲復萬縷向兒臂上纏教兒長壽命一寸一年年

避兵符

四海靜無塵干戈化縉紳兵符何用戴聊復應時新

觀魏武本紀

促路好蟬短雄心日月長玉床飄總帳徒自戀餘香

畫 十首

江水綠沉沉危峰倒夕陰何人倚高閣月出聽龍吟

其二

白雲飛不定青山斷復通澗道多機杼時鳴春樹中

其三

長松生夏寒野水淨人目借得相鶴經持來石上讀

其四

一雨漲新綠雲開四山濤人掩華門深斜陽照江鳥

其五

空山無四隣閑扉映秋水時有負薪人唱歌白雲裏

其六

我掩手中卷爾罷膝上琴相看坐成晚山水有餘音

其七

竿樞義隨身情於白鳥親一蓑江上老閱盡往來人

靜居集卷四 五絕

十

其八

岩雲捲輕素紅葉當風墮林亭秋色多誰能來此坐

其九

雲寒鳥歸急落日千峰斂不見暮樵還林扉靜中掩

其十

舟隨烟鶴遠行盡碧溪灣歸來小齋裏寫得向來山

章舟隱畫

扁舟小於葉來往橫塘裏為看青山多畫得青山似

仲穆着色蘭 二首

芳草碧萋萋思君澧水西盈盈葉上露似欲向人啼

其一

鸞輿去不返風雨湘江曲芳草獨無情還如裙帶綠

竹

幸逃斤斧憂獨抱風霜節時有野禽來枝頭弄明月

倭扇

萬國扶桑外年年貢扇來皇都無酷暑賜與拂塵埃

山居七詠題送周伯陽

伯陽名復菁山人洪武十七年除贛州府通判

盤雲涉危磴十步五迴坐道傍無虎跡曾有遊仙過

右遊仙頂

秀出眾峰頂尋常雲霧繞上有萬年松食之人不老

靜居集卷四 五絕

三

右白石山

負薪闕方策窳慕軒冕榮至今明月夜猶聞伊吾聲

右樵讀場

圖上作茅場詩云 澗路行將盡高閣倚空虛 月明萬籟寂

空山間 讀書

空林無人行下有百年墓酒掃仗何人蕭蕭白楊樹

右古冢巖

圖上作崑崙山

竹松路陰陰尋幽不覺深不比羊腸坂空傷行客心

右九曲嶺

偶逐微官去暫掩林間宅手種山茶黃歸時高幾尺

右冷漬

圖上作林靖

春風試茶處潭上葛花開去盡同遊伴傷心獨此來

右月潭

寄方員外以常 二首

水竹小窗西新詩待我題相過雖不厭只怕踏春泥

其二

清晨眺高閣積雨春陽晦望望君愈遙青山愁獨對

吳興四賢守

洪武十一年命天下郡縣修志書平陽魏公琦同知

湖州府實輪蒞其事舊志府縣官惟守令有題名餘

皆不得錄至是公命續志自僚佐以下皆得書焉其

靜居集卷四 五絕

三

用意忠厚不沒人善蓋如此他日又摘晉唐以來守

之已著四人為勝游圖以致尙友千載之意云

勝日罷書經揚舡出遠坳清流兼峻嶺應不減蘭亭

王羲之

乍別征南幕神閒務亦閒此中可高卧何必在東山

謝安石

刺史放衙早輕舟泛碧池祇應官事了來寫放生碑

顏真卿

聞道蘇灣裡先生舊此遊湖天風物好應勝在儋州

蘇東坡

月潭試茶

乞火從山婦臨流煮澗芳怪來泉味好併帶落花香

寺中書所見 二首

蕩子秋未還雙蛾欲寒翠微步入蓮宮誰知此中意

其二

修廊徧行却風吹合歡帶小立避遊人伴對香爐拜

杭州西湖四題

六一泉

醉翁去已久廢寺泉流圃朝來春雨涼照見山雞舞

蘇公堤

靜居集卷四 五絕

築土捍衝嘴兀障狂瀾久青眼只依然人那不如柳

保公巖

青苔滿石龕隱隱跡跡想見夜禪深岩前雨花積

蘇小墳

冷落百花朝無人上畫橋東風吹綠草依舊似裙腰

問徐道士病

修竹閉雲房細路穿亂石如何塵中人來問仙家疾

水邊桃花

何處惜春華天桃水際花明朝風雨後流落傍誰家

畫 四首

嵐深山影寒樵響不知處綠樹早鶯時千峰一家住

其二

孤邨窮餘景涼颺洒空谷斜日淡烟蕪坐看千里綠

其三

種菊人未還天香滿林樾孤村雲氣深微雨洒初歇

其四

凍樹僵挺挺湖山雲飛冷却有推蓬人茶香夢初醒

蘭室五詠

香

雜麝猶能別兼風更不分靜時還自得覓處却無聞

靜居集卷四 五絕

根

秋風凋綠艷芳氣坐來歇但使本根在寧愁蕭艾沒

芽

冒土紅初茁緣池綠漸縈道人偏愛惜不敢下階行

葉

泛露光偏亂含風影自斜俗人那解此看葉勝看花

花

能白更兼黃無人亦自芳寸心原不大容得許多香

看菊懷孟載幼文

有月曾同賞無山不共遊別餘數載後空對一籬秋

贈張思廉韻次余堯臣 三首

子有鬼谷術妙算握諸掌劇談徹天機不覺稽吾顙

其二

匣閣雙轆轤瑩若黃河冰半夜寒氣吐射滅床畔燈

其三

未掉下齊舌智士恒鬱伊盍從韓吏部去草淮西碑

方圓雜咏十二題

抱甕汲晨井灌餘烟景微獨坐卷修綆園芳香滿衣

懋養臺

小板平如掌春深綠草肥牛羊識家近日夕自能歸

靜居集卷四 五絕

牛羊坡

北亭望南隩高林照薜蘿日暮鳥聲急時聞勞者歌

南隩

坐愛蘼蕪綠三孫罷遠游不似湘江上千里動離愁

芷畦

故苑金溝斷荒園碧草秋南朝多帝澤曾向此中流

古溝

采采不盈掬幽芳逐微步欲爲公子裳敢畏行多露

采藍逕

杖藜成獨往青林人跡稀日晏迷歸路翠實冒秋衣

蒼耳薄

舉頭見南山相去應幾里莫言不在山看山如屋裏

見山坡

隣近列仙居瑤林閔清境夜深明月來送過檐幢影

道林

結屋連碧篠虛牖抱圓開如何天上月移向壁間來

月隔

園井汲寒深當窻煮金屑應有山僧來問君泛春雪

茶宴堂

一壺兼一杖獨行東塢裏稚子倚柴門孤烟屋頭起

靜居集卷四 五絕

東垞

畫二首

高人自無偶獨向亭中坐日落山風來時聞松子墮

其二

湖路獨行遲開雲逐杖藜欲尋泉落處應祇野猿知

移蕉

移得山後蕉種傍山前屋扶疎數葉開還如山後綠

客中聞雁

南地春光老行行向北飛可憐雲水客不及爾知歸

燕山九日

九日燕南客三千里路家無人送酒至一嘯領黃花

將歸

數載客京華無媒苦憶家家人猶念我連夜卜燈花

六言律絕

題慈感雪峰所藏胡廷暉白雲出岫圖

舍北舍南流水峰前峰後閑雲漁樵底須相訝麋鹿

自可爲羣長松落落朝對清猿啾啾夜聞爲問王孫

歸未桂花如雪紛紛

徐良甫耕漁軒二首

荷鋪喜逢春雨鳴榔又近黃昏誰道南陽渭水不似

靜居集卷四 六絕

毛

湘江鹿門

其二

門泊陶朱歸棹家住張翰故鄉霜落鱸魚出水秋晴

嘉穀登場

畫

看山却勝看畫聽泉何殊聽琴賸得雲林雅趣且憑

泉石清吟

雪夜

清夜無錢沽酒折鐙獨自煎茶門外雪深三尺只愁

凍損梅花

七言絕句

元日

風綻紅雲消積雪陽回玉瑄動輕灰人生但愛韶華

好不道容顏是此催

早春野望

凍雪初消春水流閑看柳色到溪頭梅花落盡桃花

未如此風光直似秋

春夜

夜靜風簾掩復開南園烟月正徘徊此時客夢渾難

就無奈花香枕上來

靜居集卷四 七絕

毛

惜春

重重綠樹掩圍屏無奈庭前花亂飛試向鏡中看白

髮能消幾度送春歸

試題隣家杏花

梅花飛盡杏花開應是春風費剪裁自笑隣翁空愛

惜一枝分送出牆來

蝶

春來到處逐芬芳飛過朱樓與畫牆最是佳人偏愛

惜雙雙繡入舞衣裳

芍藥

綠雲靄靄護晴霞自是人間富貴花試問洛陽遊賞地如今還有幾豪家

飲吳別駕園次韻高季迪席上作

旅踪忘却滯天涯園席斯文喜一家可奈酒闌清興在捲簾帶雨咏梨花

雨中想東園杏花

齋居清晝四無隣黃卷中間過半春落盡杏花渾不看少年人似老年人

雨霽

雨霽垂楊帶煖烟千村草色淡相連殷勤好問桑間

靜居集卷四 七絕

无

女今日春蠶第幾眠

白鳥

門前春水下輕鷗來往偏能近釣舟却似南唐圖畫裡杏花蒲葉滿汀洲

尋花

朝來陌上試尋春空杏溪桃各闌新但恐東風留不久一時吹逐馬啼塵

野市

隔籬春筍參差出滿路野花撩亂開屋角布姑啼正急暖雲分雨過山來

雨中桃花

一樹穠華絕可憐開逢風雨不成妍遊蜂似識人憐惜脚得飛紅過檻前

和楊孟載花時感事 三首

不是春來睡轉濃耐他花鳥怨東風枝頭那解聲聲巧徑裏徒憐點點紅

其二

開過棠梨春不知鳥聲喚醒少年時謝家庭院秋千下曾費黃金賞阿誰

其三

靜居集卷四 七絕

三

雨過香紅委地輕可堪啼鴉迸流鶯一年春色成辜負不似當時放浪情

別李寄閑

客魂未煖各西東望斷吳山杳靄中燕子不來春又老滿襟離思落花風

和季迪看花已過之作

春來已辦賞花期奄忽東風綠滿枝回首紅香已成夢一年好景幾多時

和季迪春思

何故飛花拂鬢絲客愁春老不多時總憑黃鳥啼留

戀亦懶來聽一賦詩

送春

今朝檢曆知時換落絮飛花各闕輕設把一杯留別
意夕陽時節更傷情

暨陽別友

渺渺春風生綠波故人離別思如何陽關一曲移船
去飛絮滿前殘照多

野步即事

村北村南叫鶉鳩山前山後雨初收收糶不管簑衣
溼一笛春風倒跨牛

靜居集卷四 七絕

三

夏日聞鶯

上林花裏亂鶯啼日煖風柔百轉齊何似綠陰清晝
永一聲遙出畫闌西

夏日宮詞 二首

避暑難陪複道行長門寂寂斷人聲獨將玉枕雙紋
簾卧對荷花萬種情

其二

翠幙湘簾着地垂分明前歲奉恩時年來不侍龍舟
宴菱葉荷花自滿池

夏雨新霽圖

看園憶得住山阿茅屋深深隱薜蘿風雨過來啼鳥
靜白雲更比綠陰多

池亭夏夜

方床岸幘坐來遲拂拂涼風半醉時好句忽圓人拍
手鷺鷥飛起藕花池

重午回文

輕羅扇試新詞好玉臂雙圍綵縷長清簟晝閑人闕
草午風微裊篆爐香

觀競渡

橫波爭賭木蘭舟多少人看倚綵樓日暮江空簫鼓

靜居集卷四 七絕

三

散盞均不見水空流

荷

晴波浮影翠浮光欲整還欹柄柄長可愛晚來涼思
好一池風攪碧雲香

晴望

夜聞風雨曉無聲湖上青山似染成試倚赤闌西向
望紅雲多處是南京

山下晚步

獨行松路野橋西山晚涼風逐杖藜知有人家還隔
水烟中聽得夕陽雞

桂花開值雨

桂子誰分月裡枝
亭亭開向暮秋時
朝來風雨如相妬
花下傳觴謾作期

西村夜歸

月落西林客夜歸
前溪烟樹遠依微
出村寂寂無燈火
惟見鶯禽散亂飛

秋日簷蔔花

夏天曾見幽人宅
秋日仍開野客家
素質惟堪伴丹桂
清香應不愧黃花

雪川舟中

靜居集卷四 七絕

七

兩岸荇花水一溪
白沙浦口放船時
斜陽目送南飛鴈
過却好山都不知

山居

翠微深處結茅廬
着我閒身一事無
占得白雲三萬頃
年年不用納官租

贈琴士

有客夜半來山中
橫琴坐石彈松風
松風曲罷抱琴去
落月一聲天外鴻

山中作

世事無因到翠微
禪心詩思共依依
白雲爲被石爲

枕卧看岩前雪瀑飛

詠白芙蓉

早霜時節獨芬芳
白雪肌膚織翠裳
風弄玉盤持不定
一杯清露瀉銀塘

題陶淵明像

五見長大翟卿賢
彭澤歸來只醉眠
籬下黃花門外柳
秋光不似義熙前

寄陳麟處士

先生九里松間住
松下橋橫玉一溪
想得清吟山月夜
秋雲滿樹白猿啼

靜居集卷四 七絕

七

秋日郊居

衰草寒烟斷復連
青山漠漠樹綿綿
終朝門巷無人過
只有黃花滿眼前

步月

夜深月上青石闌
滿窗明月生蒲團
興來出門步明月
一聲老鶴天風寒

山居秋景

年來懶爲利名愁
未老先尋退步休
山色滿窗山鳥寂
一床清夢白雲秋

湖上晚步

畫樓歸去歇笙簫水影山光共寂寥一笑相逢雙鬢
雪向人猶自話前朝

九月八日菊次徐幼文韻

籬落黃花香吐新一尊預把慰秋晨登高總爲明朝
樂醉舞狂歌詩讓入

山行乍見梅花

霜落空林石磴危一枝輕折早寒時水村溪路尋常
見自是山中看更奇

尋梅

杖藜獨冒曉霜來行遍山村與水隈何事南枝開尙

靜居集卷四 七絕

美

曉花神應是待詩催

舟中似文性之山長

朔風吹浪打蓬窗夜靜寒威不可降自嘆閑人閑未
得扁舟載雪過吳江

冬夕懷方仲容

鷹聲歷歷起寒沙人住五雲深處家魂夢隔江飛不
去依然和月在梅花

冬日無題

雪凍瑤階翠襪冰錦襜雖擁粟膚生歸憑粉閣沉香
火暖却纖纖暖玉笙

約友賞梅不至

一樹兩樹花如雪十里五里香不歇玉人未來愁思
深三更立盡孤筇月

紅白梅花

一種春風兩種奇銅瓶並插更相宜詩人自得花中
意不在深紅淺白時

寒夜宿山菴

檜柅爐頭無主賓蒲團坐久自生春夜深一片虛樵
月寫出梅花面目真

寄鶴瓢李士明

時施藥寄真館甚驗

靜居集卷四 七絕

美

購孫嘗熟衛生經笑握仙瓢類鶴形傳得壺天長房
術世人休訝藥偏靈

張季璉書樓

一樓瞰碧石湖陰簾隔黃埃翠竹深月色滿闌風滿
案分明呈露聖賢心

書朱性夫吟卷後

新編寄我白雲中句法清圓旨趣空底事略無烟火
氣吟時和露立松風

畫四首

玉洞仙桃萬樹花樓臺彷彿蔡經家神丹煉就何須

服乞與山童飼白鴉

其二

百道清泉石上流白雲初起亂峰秋此中疑有陶弘景飽聽松風臥草樓

其三

丹崖碧嶂杳難攀臺殿高低積翠間試遣北人來看著多應說似洛陽山

其四

疎散元非用世才日高林戶尚慵開為憐湖上青山好行到冬青樹底來

靜庵集卷四 七絕

暮過西曠

白水泱泱繞壞堤隔林遙聽夕陽雞閑行每到東邊少為有青山在屋西

東園報杏花未開

芳葩未拆避春寒日日煩君繞畫闌莫是主家曾見慣含情欲待外人看

悼高青丘季迪 三首

燈前把卷淚雙垂妻子驚看那得知江上故人身已沒篋中尋得寄來詩

其二

消息初傳信又疑君亡誰復可言詩中郎幼女今癯小遺稿千篇付與誰

其三

生平意氣竟何為無祿無田最可悲賴有聲名消不得漢家樂府盛唐詩

挽楊憲府孟載 二首

南北雲山賦遠遊白頭終老晉陽秋千篇留得平生稿半似蘇州半郢州

其二

恨不尋君未死前須臾一別便千年慰人幸有童烏

靜庵集卷四 七絕

在他日應能續太玄

哀宋君女阿歸

客來喚客最鍾情暫別誰知便隔生昨日閩州書信到傷心猶有阿歸名

贈卜者

老依卜市不論錢習靜年來白已玄安得相逢王輔嗣垂簾對坐說先天

孟襄陽雪行圖

雪滿秦京欲去遲故人當路謾相知平生多少驚人句却向君前誦怨詩

美

寄靈隱良泐二長老

兩禪相對一燈懸
鸞嶺龍宮地悄然
七百年來無好句
泉聲空繞寺門前

林下燒笋

亂堆黃葉就林邊
火力均時味已全
日暮棲禽疑未下
竹根猶白起殘烟

寫畫遂題

薜荔花開僧舍閑
閱香時到竹窻間
朝來小試南唐墨
寫得溪南數疊山

聽老者理琵琶

老來絃索久相違
心事雖存指力微
莫更重彈白翎雀
如今座上北人稀

靜居集卷四 七絕

素

次孤山

水繞荒山路半斜
墓園無主屬官家
我來正是梅開日
滿目蓬蒿不見花

頭陀菴聯道者

苦行能便自小持
松龕寂寂到人稀
齋厨日晏孤烟起
童子新將施米歸

取勝亭感舊

綠雨微消紫陌塵
湖光冷落似無春
朱門記得曾遊處
楊柳青青不見人

處楊柳青青不見人

海會僧舍書 時子瘞

床頭書卷墜牙籤
病起名香手自拈
氣息未回禪誦少
猶能彈舌講楞嚴

寄友

客路尋常忽別離
况逢秋色倍堪悲
一封書到千山暮
正是思君獨坐時

梅雪軒

山如東郭先生屋
似西湖處士家
為問軒中清白吏
還應比雪比梅花

靜居集卷四 七絕

罕

回贈長興典史杜濬

初任武昌津射平其所居里名也

杜若溪頭山似戟
武昌門外柳如烟
何如津射平前去
束帶閑耕墓下田

曉發嘉興似友

城烏啼散驛樓空
一舸夷猶曙色中
不是故人今日共
定應愁絕雨兼風

謝安

典午風流數謝公
高標自許伯夷同
桓郎跋扈苻郎健
都在尙書雅量中

王羲之

白葛爲巾不裹頭
蘭亭會裏最風流
老來忘却觀鵝癖
只愛山人許遠遊

劉伶

鹿車載酒竹間期
不記山妻泣諫時
已識形骸爲外物
何須荷鍤與相隨

孟浩然

四門雪滿放朝回
油壁金鞍覆地來
誰似寒驢烏帽客
解吟花逼艷陽開

雙馭圖

丙官粧束樣能齊
宛落春風信馬蹄
共說放朝無一

靜居集卷四 七絕

聖

事看花直到夾城西

舟中聞歌

何處清歌短更長
清風沙雨共淒涼
不須直向天涯聽
一日辭家已斷腸

題畫寄友

舊是雲山自在身
談將書劍逐風塵
債車何日移家去
還作條桑種杏人

贈五河驛丞孫本

驛樓鬱鬱古河濱
日日征帆送使臣
不共燈前一杯酒
那知亭長是詩人

小遊仙 四首

洞口春泉激碧沙
樓臺彷彿蔡經家
赤鸞啣得金盤子
擲向窻前樹樹花

其二

鬢髮扶桑露氣新
三花樹底坐調笙
到門解說長生理
只有茅家好弟兄

其三

朝遊碧海不騎魚
鳳引霓旌鶴引車
吟得步虛誰解和
歸來閑倩少霞書

其四

靜居集卷四 七絕

聖

門外南風吹葛花
奕棋人散樹陰斜
青童睡起渾無事
乞與神丹餒白鴉

遊天界寺見亡友高啓題壁詩有感

香臺空想舊遊踪
化鶴俄成踏雪鴻
膺有好詩留壁
上老僧恨欠碧紗籠

其二

詩題敗壁墨猶存
苔色微侵屋漏痕
十五年餘舊知
已來看一度一消魂

題故友楊孟載所畫竹

數葉蕭蕭淨俗塵
人雖物故墨猶新
故人清瘦原如

竹見竹何殊見故人

登廬山甫聽雨軒感懷 二首

華陽洞裏烟霞閣雲石山中草樹荒惟有小樓曾宿

處年年春雨滿滄浪

其二

黃冠野服神逾王畫草詩篇老更奇白首故人無在者小樓殘燭雨來時

宮詞 二首

舞衣不着罷薰香金鑰無聲白晝長憑仗玉奴休弄笛恐驚池底睡鴛鴦

靜居集卷四 七絕

聖

其二

永日深宮鎖翠娥岩堯丹闕度絃歌羊車久不行來處竹色苔痕積漸多

廢寺

白晝閑門一兩僧山房深掩薜花青西風不管鐘魚破自在斜陽與塔鈴

寄天目山雍長老

天目之山青岩巖道人縛屋青山椒白雲出山不歸去春風吹老黃精苗

雲巖古泉 卽虎丘井也

一脉靈源劫外春蒼苔冉冉石粼粼老僧笑指庭前栢曾見開山卓錫人

雪竇瀑布 在甯波

一道飛來翠竇中喧雷噴雪冷含風老僧月下遙看處千尺玉龍垂半空

金華道中

芳草平鋪山遠近小橋低跨水西東人歸矮屋籬邊去啼鳥數聲烟雨中

維陽春晚

烟籠柳影亂鶯啼雨濕芹香乳燕飛二十四橋春又盡

盡江南詞客正思歸

登韓信城望漂母墓

遷城春水綠含漪遙憶沙頭辨統時若愛當時一盃飯千年孤塚有誰知

燕山春暮

金水橋邊蜀鳥啼玉泉山下柳花飛江南江北三千里愁絕春歸客未歸

賜倭扇 二首

小國貢來東海外尙方分給午門前終身永寶君王寵總遇秋風莫棄捐

其二

青宮甲觀倚雲開
侍從如雲總俊才
昨暮傳宣容握
扇丹輝清曉謝恩來

將歸

歸舟五月發金陵
遙見家山喜不勝
却憶石頭城上
望白雲何處是吳興

離離烟樹宣和畫瓶中折枝木犀補出
存齋詩話墨宗吉

玉色官瓶出內家
天香濃浸月中葩
六宮總愛新涼
好不道金風捲翠華

靜居集後志

吾吳之詩自唐皮陸唱和爲一盛再盛於元季自王元俞鄭元祐張天雨龔子敬陳子平宋子虛錢翼之陳敬初顧仲瑛輩各出所長以追匹乎古昔繼而張仲簡杜彥正王止仲楊孟載高季迪宋仲溫徐幼文陳惟寅丁遜學王汝器釋道衍輩附和而起故極天下之盛數詩之能必指先屈於吳也維時張來儀先生自江右來與高楊徐相友善聚首之際未嘗不以詩爲事積之既盛名爲大家輿論比唐之四傑故老言不惟文才之似而其攸終亦不相遠眉菴盈川令

靜居集卷四後志

一

終如一太史存心無疵而斃則同乎賓王北郭雖不溺海僅全要領而非首正先生竄嶺表尋召還以對丙政之不協恐禍及已遽投龍江以沒又與照隣無異噫詩在天壤間患惟不工耳苟工而名家則凡具人心者罔不知好之故不欲其傳而人自無不傳詩之存人之存也是知先生之年雖不永於當世而自有以延於後世未可以彼而易此吳中鈔本所謂靜居集者什惟二三自幼抵老求之靡得其全不免文梓垂畢又得吳興本較之雖日加倍猶未完備亦併刊入尙祈博識同志昇足成之尤爲幸甚弘治辛亥

秋八月十二日吳晚生張習謹志

靜居集卷四後志

二

附錄

太常司丞張來儀墓銘

湖州府儒學教授金華童莫誤 字中州

嗟來儀羽其名氏為張始祖散官刺史家潯陽父諱
先母王氏繼曰楊惟來儀幼穎悟耽辭章甫弱冠遵
俶擾違故鄉克樹立擢科第聲遂揚長一山安定學
教有方迨熙朝與文運舉賢良首薦鶚甘退鵠返屠
羊病末學驚葩藻淪荒唐益刻厲追遠古還涪隴時
休暇逐雲月酣詠觴分百年老章布謝軒裳公車徵
晨踵門暮趨裝比廷對膺寵命丞太常賦蹇刺尋罹

附錄

謫投炎荒 萬里踰瘴海一葦杭未半道亟 賜環

□□□抵京國僅信宿遽云亾□ 闕才弗究惟□

傷來儀生歲癸酉日在房月初吉壽五袞逾三霜歿

乙丑實季夏哉生明娶徐氏亦蚤逝女已行繼室韓

子肖象承烝嘗後三祀厝宅兆九里岡月建亥日己

酉卜允臧惟來儀己酉古作足流芳壽雖短言則傳

來日長勒石銘賁泉壤發幽光百世後石有泐名無

志

靜居先生挽詩 南郭呂勉 字功懋 隱士

僑居吳下自潯陽落筆文詞早擅場學識道堪追賈

馬才名近喜並高楊只宜吟嘯終南服俄見飛騰列
太常幸獲全身優等類龍江渺渺勝沅湘

附錄

三

補遺

懷友詩 并序

周道方殷猶訝伐木陶情無慕尙賦停雲况屬時艱
久乖朋好欲摠契闊實藉篇章自牛文學而下得廿
三首因懷成詠不以爵齒爲序約需續賦用繼末篇
牛文學諒

北人南住久學苦不求知多難居家少無媒擇婦遲
名高登第後俸歛喪親時離合雖常有今成異國悲
馮明府允寶

單騎之山縣留家傍海居政諳因久仕祿薄似前除

補遺

十一

井稅重科外公田宿滂餘亂離無處問斜日下煙墟

王主簿欽

官小常拘格家貧未稱閒好吟復近體避誘喜清班
積雨平湖浪殘陽繞郭山傷心舊遊地併在亂離間
韓徵君桐

念君多苦節亂後竟悠悠古巷青矜散空闌白髮愁
近書無片紙舊業有扁舟最憶相尋處柴門獨樹秋
莘孝廉野

破宅臨湖住閒身過鶴長逢人矜俠氣避難恥儒裝
有婦頻脩藥無兒解捧觴從來多遠志今日在何鄉

周先輩復

辭鄉懷薄祿失意却空回暮雨留琴別秋風寄帛來
前程惟信命後進獨稱才憶爾何由見荒城起暮埃
陳茂才恂

記誦通三傳科名行輩期早孤能育弟自學豈勞師
問字尋村遠收書出郭遲可憐逢亂日名姓少人知
陳進士堯谷

憶得前春裏尋君晚望煙短橋青舫外疎柳白門前
詩禮由先世科名及少年從來風骨瘦亂裏定誰怜
莫秀才世安

補遺

十二

蚤歲無知己儒官作掾來兼精律學漸富見詩材
白日書中盡青年鏡裏催平時猶闕養遭亂倍堪哀
方曹長彝

作吏風塵際長懷隱遁情偷閒頻謁告厭俗擬歸耕
月幌留賓臥花宮請客行舊書空滿篋欲覽怕沾纒
牟記室魯

蜀人吳郡住文采擅儒林漫赴諸侯辟時操本土音
空談通外學薄祿媿初心憶爾添惆悵令人欲解簪
葉校書廣居

載筆趨戎幕風塵口壯懷相如才本富方朔語多諧

覆井安書榻開垣建藥齋瘦妻井弱于亂處可能借
唐助教肅

送別記初春書來報哭親干戈方滿目衰墨未離身
文體高如命官程拙似人曾聞舊徒說懷德易沾巾
安文學處善

南中游宦熟異習漸能除不學旁行字曾借上計書
婦賢貧有饌官冷出無車聞說華亭去人傳尙恐虛
朱記室武

青年獨好游馬跡遍諸州書記才堪取將軍意未酬
停盃知曲譜卓筆擅詩籌料得思親苦逢人淚不收

補遺

三

宇文從事材

解綬秋風裏高堂掩總帷省曹驚報狀門客製埋辭
弔服緘來日生芻致奠時何言從此別消息兩難知
董聘君在

遠道終難去歸來理舊編文章流輩許意氣衆人怜
一子成童日雙親迨暮年不知逃難日漂泊向誰前
倪山人瓚

灑掃空齋住渾忘應世情身閒成道性家散剩詩名
古器邀人玩新圖揀客呈最怜山水興垂老失時平
沙門懷渭

曾住潛龍地逢人話昔緣行高生俗教法勝悟師傳
沙鳥聽朝梵胡奴伴夜禪未應愁未劫塵想自成怜
沈茂宰夢麟

命合閒中老誰令有宦情政廉官長忌賦拙吏人輕
故疾愁來發新詩假裏成何緣知在處落日閉會城
胡參政鑄

聲譽過時流塵沙慘做裘泛交通俠士長揖說諸侯
夜雨菱湖館秋風剡水舟從來爲客慣漂泊可無愁
潘茂異牧

補遺

四

愁來悲世短衆裏喜身長料得寧親去留家寄海鄉
李逸人訥

風骨多儒相爲師不歎貧買書高著價避酒屢辭巡
經學傳門第總衣葬里人懷君桑梓舊寧比異鄉親
至正丁未六月一日苔軒高士過予命書鄙作懷友
詩時天氣鬱暑時事紛紛極無歡悵姑此塞命稍暇
當別繕寫尋陽張羽頓首

苔軒高士先生

右詩見

三希堂石渠寶笈法帖

靜居集校勘記

目錄

二頁五行始原誤姑 七頁十九行王誤工 十一
頁七行入下闕 十九頁十八行思原脫末行宮原
誤官

卷一

二頁七行磐原誤盤 三頁六行含原誤舍 六頁
五行中原作申七行故原闕 七頁十一行迫原作
追 十頁三行軀原誤驅 十二頁首行杖原作扶
十四行含原誤舍 十三頁十三行隴原誤隴十五

靜居集校勘記

豫章叢書

行開疑作關 十九頁十二行解原作解 二十一
頁八行挂原作住板原作板十七行仍疑作盈 二
十四頁十二行光原作明 二十六頁七行日原作
日 二十八頁十二行卜原作上十五行寒原作寒
二十九頁六行昭原誤招 三十頁三行和原作
知十一行苦原誤若三行永原誤水 三十一頁首
行衆原闕 三十二頁二行拏原誤帑

卷二

五頁十行波原誤向 八頁六行却原作知 九頁
六行類原作類九行問原作問 十八頁首行齒疑

作齒 十九頁六行牒原誤謀 二十二頁十三行
及原作乃 二十四頁十行衰原誤衰 三十四頁
六行挾原誤扶 三十五頁十行南原誤兩 三十
七頁十五行軻原誤柯十六行靡原誤糜末行噴原
誤噴 四十二頁十五行定原誤是 四十七頁十
七行盡原誤畫

卷三

三頁末行戲原誤獻 五頁十一行卑原誤界 六
頁五行咫原誤只十二行梁原作糧末行編原誤編
七頁十五行含原誤舍 十一頁四行傳原誤傳

靜居集校勘記

二

十二頁八行注耕字原誤時 十五頁十一行博
原誤博 十六頁十一行沱原誤泥 十九頁十五
行渾原作混 二十頁十行版原誤板 二十二頁
五行似原作以 二十三頁八行稗原誤裨 三十
頁六行筆原誤不 三十一頁十七行東原作西十
九行尙原作向 三十六頁四行靜原闕 三十九
頁春雪二首似卽一首前首爲改作 四十頁六行
減原作裁于原誤干

卷四

二頁十四行回原誤南 八頁首行予原誤子 九

頁十四行坎原誤攸 十五頁五行湯疑當作惠
二十一頁四行野原誤崎 二十二頁吳興四賢守
序原低一格此誤 二十四頁十四行土原誤上緣
池原誤緣地 二十六頁四行列原作到 二十七
頁三行卜原誤十 三十一頁十八行侍原誤待
四十三頁二行兩原誤甫
附錄
一頁十行羅原誤羅十六行已酉疑蒙上誤已行酉
當作配末行賈原闕

南昌魏元曠校

靜居集校勘記

三

靜居集校勘續記

卷一

九頁十五行功元誤工 二十四頁十八行妖氣疑
是妖氛之譌

卷二

二頁六行天老疑是天姥之譌 八頁二行從字疑
是徒字之譌 十二頁十三行貞獨當作貞獨 四
十二頁十五行作已疑是作者之譌

卷三

十一頁十行間當作閑 十八頁四行畫使疑是畫史之

靜居集校勘續記

豫章叢書

譌

卷四

二頁九行已疑當作口 十一頁三行浣水疑當作
皖水 四十一頁十行宛落疑是宛洛之譌 四十
四頁末行總當作縱

後志一頁十八行不免文三字有誤

附錄一頁十一行荒下脫文疑是走字十二行闕上
脫文疑是天字十六行古字疑衍雖字元誤云字十
七行銘上原脫石字壤下原脫發字

丁巳夏四月胡思敬記

宋以歐曾蘇王爲六大家而吾鄉居其半元以虞楊
范揭爲四家自楊仲弘外皆吾鄉也及明初四傑出
只來僕一人與之並轡而馳時愈近作者愈少卽文
詞一端驗之而鄉里盛衰見矣此集用萬厯陳刻本
付刊行款一仍其舊唯原刻以雨中試筆送莫翁入
郭山居寄止仲題胡玄素畫諸近體編入五古殊欠
斟酌以流傳旣久亦不敢輕改用存古書真面來儀
詩累經前人評論五古冲淡有致頗近韋柳而竹垞
以爲鬱轡七古多題畫應酬之作未能盡發其奇而
四庫總目推爲一世之豪毀譽皆不得當要唯深造
有得者自知之耳丁巳夏四月新昌胡思敬跋

靜居集跋

陳章叢書

尚 時

綱 集

表

勵 準



甲春康宗校
子永胡榭鋟

心即九泉婉婉桃李花隨時競春妍漂泊風雨中零落歧路間死者
奚所憾不為生者憐

效何水部一首

看梅東閣上遙憶帝京時梁園雪未下華林春已歸香飄鸚鵡觀影
落天淵池已傷白髮暮敢怨清光遲隴首成異域何用寄相知

效陸常侍一首

荆楚三年別巫峽千里遙彩鷁阻去權烏鵲望仙橋山雲自合兩江
水不成潮柳長誰共結花殘復易飄陽臺空在望暮暮還朝朝

效李長吉一首次中孚韻

白露下百草庭階隕紅蘭愁腸劇車輪夜夜相迴還青燈照魚目夢
向交河還枕冷珊瑚枝不知雙涕滑

七言古詩

宋徽宗秋林野雀

君不聞虞廷盛時鳳來儀聖賢仿戒惟時幾又不聞商宗彤日雉雉
尚朝君集卷十一

尚朝君集卷十一

鼎君臣遇災克修省古來理亂良靡常居安慮危邦乃昌我聞宣和
全盛日廟廟懷安事游逸三邊不動無烟塵四海徵求到花石紫宸
退朝清畫開霜林好鳥聲開關乘閒適意一揮灑豈意流落傳人間
海上盟寒朔風急遶水經年斷消息青城月冷烏夜啼一枝莫遂鶴
鶴棲嗟乎虞廷鳳尚鼎雉千載何人占泰否各散梁園鳥雀悲龍沙
或有清夢歸

文信國相遺墨 有序

信國文公手筆公平生大節不待人間表揚者或疑公留
燕所以久不死者予謂公志別有在也夫一成一旅
之眾安知其不能如少康者志則不遂意可悲矣感歎不
足繫之以詩

有宋科第一百年季年得士惟文山文山一身能許國精忠日月行
中天我觀德祐顛沛日國勢駛若東逝川又如膏肓久沈綿雖有和
扁無由瘡公時嘯起嶺海播手執忠義為戈鏃疲瘁弱卒不滿千壯

氣直欲吞全燕倉卒一跌復復願鷲鳥嬰網罕高齋敵人箕踞叱使
前膝不可屈身可捐敵國均禮古所傳驕氣竟折忠義言渡淮粒食
不下咽天意未許為瘴仙白馬係組轡道邊礪州崖山復顛連此身
悔不東海填燕獄甘心坐拘繫四閱寒暑相推遷少康不作志莫宜
齊恨白日埋凡泉我嘗讀公吟嘯編三復遺墨涕泗漣古人道去如
委烟公死不朽奚憾焉

劉氏二子詩 有序

癸卯秋盜掠烏傷素劉瑋實其害全不得將殺之二子抱
父身扞之數創不釋盜獲而免之因為賦詩以勸為人子
者

君不聞卞壺二子俱孝子以身殉父從父死又不聞劉瑋二子家被
兵以身扞父闔父生一生一死幸不幸同博千秋萬古名身亦何所
有子職所當為獨憐彼寇心天理曾不虧嗚呼天理人心曾不虧毀
常敗俗夫何為

尚朝君集卷十一

方壺道人山水歌

吾聞瀛海中有方壺山瓊臺銀闕非人寰秦皇漢武不可到何人醉
夢遊其間乃是龍虎山中學仙子十年辟穀養芝髓青年白日無羽
翰肉重骨凡飛不起雲濤浩渺煙茫海天萬里遙相望神交意會
忽有得身外萬事俱亡羊歸來醉吸三斗墨淨洗胃中舊荆棘解衣
盤礴反閉關日對雲林寫蕭瑟爾來得名三十春眼高四海空無人
殘繪斷楮落人世夜光明月作奇珍君不見寶繪堂中三尺紙開眼
應須論萬里自言曾是揮灑時瓊壺風烟生筆底祇今此境絕代無
却向君家看畫圖平生三鳥惜未到拭目始見真方壺之山果
何處咫尺波濤隔烟霧欲從坡老借飛車釣竿一拂珊瑚樹

方壺錄書張仲舉承旨海上所寄長律見貽因次其韻

古人製車觀轉運學劍偶得白猿翁孰知鐵卦本心盡不待龍圖出
貝宮人言進字始蒼頡我意定禮由姬公乾坤元象煥昭晰渾沌白
畫開溟濶川流山峙巒嶺下日升月沒恒西東自然書法良亦顯何

物世俗未通紛紛墨池疲歲月往往白紛紛草堂長安高僧筆成
塚北邙大官碑作叢斯冰以來少正體曹節而下多變風唱心苦
墓中物刮日未親吳下蒙鉤墓動事刺窮盡分縷析論拙工仲尼
傷虎貌則似叔敖優孟品不同岐山周鼓珠貝覆泗水夏鼎迷始終
响嘯雲深宵露濕暉陽火烈寒烟空鴻都石經變愈下苦瘵衰刻肥
失中壺也獨出超萬葉風兮一鳴瘖百蟲胸中况復有邱壑物外久
已無樊籠蹇子涉世遺多難學道勞生詎有功一卧山林秋草綠十
年湖海戰塵紅從公千里訪真訣守雌畢竟誰知雄

五言律詩

送人之金陵

六代繁華地東南第一州此身雖未到清夢已先遊月淡烏衣巷天
青白鷺洲何時一樽酒同看大江流

遊智者寺次韻

上方人不到嵐氣曉氤氳鳥道初無路僧居半是雲青山空色相流

尚綱齋集卷一

水悟聲聞擾擾紅塵客曷能爲解紛

題吳節婦詩卷

四海歸無地一身從所天白頭終一死青史可千年素節冰霜凍高
名日月懸紛紛珪組客浪沒欲誰憐

題小畫

春來常早起幽事靜中多采藥行林影看雲坐澗阿柴門依水竹茅
屋帶烟蘿却憶隨朝者嚴城散曉珂

海上用兵次蕭申之韻五首

帶甲連三郡投鞭海可梁人心異秦越天險謾並湯火烈牙檣遁星
馳羽檄忙春風桃李夜誰復念流亡

轉餉踰千里屯兵費萬金龍驤頻失利魚腹半幽沈地勢無夷險人
才有古今淒涼江漢詠魏虎設如林

西風吹瘴海一炬烈戈船重耳社猶在相如壁幸全衣冠爭鼠伏貴
位半蟬聯不愧何忠肅臨危更乞憐

干戈寧海嶠烽火復徐方有詔徵司馬無書論樂羊人間微布縷間
外任齊梁矯首天西將風雲正渺茫
天網開三面民生亦少瘳釜魚方假息神虎尙遺憂海曲聞休戍惟
南會寢謀伏波何見晚甘作異鄉留

送王宰遊上清宮

少日栖東白聞風憶上清蹉跎成異域踰隘隔修程宇宙于戈滿風
塵歲月更故人千里別回首百年情春水江如縠仙巖石作杯澹烟
汀草合細雨岸花輕葉縣初飛鳥綠山舊聽笙張公僊去遠漢代跡
難評玉局懸崖隱金沙布地行山川稱福地臺殿象眉城劍氣衝霄
迴丹光入夜明青冥仍羽駕白日降霓旌瑤草浹寒碧琪花架晚晴
雲屏迴暉色月館送秋聲松徑想猿掃芝田遺鹿畔夕行馴虎豹夜
久嘯巖巖塵鞅何年稅菟裘此地管艱難時事改寥落壯心驚華構
殘烽火高原化棘荆登臨非舊跡俛仰歎浮生世路猶多梗關河未
息兵匡時徒有志學道竟無成青鏡慚勸業黃塵謝利名桃源如可

尚綱齋集卷一

六言

問歲晚定深盟

七言律詩

卽事次李本存少府韻
鏡裏功名白髮新青衫猶復困黃塵十年厭聽雙溪雨一策相依萬
里身老覺有情皆夢境窮將無愧事心神莫言未卜歸何日在處青

山許隱淪

輪交久嘆白頭新况復關河有戰塵道在乾坤非外物人多疾病舉
吾身青燈永夜泣山鬼元化何年養谷神慎勿乘風破萬浪世間陸

海正淵淪

姚宋亡來事事新一邱聊復避紅塵勞生未悟夢中夢舉世皆憂身
外身夜月推敲煩木客春風剪刻藉花神年來了絕功名念獨未忘

情向隱淪

早年學業尙奇新半世蹉跎世塵歲月無端誠誤我文章何物解
榮身愁能何隙工爲崇詩到窮人謔有神猶幸他年尤賦在不隨塵

土運涇綸

次本存客居感時韻二首

西江水落臥流槎華屋無人燕作家萬里從軍工草檄十年為客負
梅花人情蜀道九折坂世事黃臺三摘瓜剩把年光付流水公私不
必問鳴蛙

小齋枕水繫流槎老屋栖雲近釣家半榻夕陽開貝葉一庭春色淨
苔花勞生何異蠅旋磨閱世速如蠅集瓜昨夜故山垂入夢一窗白
月正鳴蛙

次韋德希思歸韻

韋京山人丁亥春
韋郎五字繼蘇州妙句難將尺璧酬幾度春風負裏過十年鄉國夢
中遊少陵劍外猶漂泊太史周南久滯留聞道王師方轉戰五湖何
日遂歸舟

次德希感時韻二首

轅門月射劍光流愁聽量沙夜唱籌黃屋宵衣嚴待旦黑山戍卒罷
防秋封疆豈敢思名將江漢金湯重上游關外尋常務持重濟河誰
復念焚舟

復念焚舟
寢薪未覺涕先流銷印無從借箸籌臺閣望隆中執法宮闈政仰大
長秋乘輿北幸嚴時狩帶甲東征盡貴游何日皇威清海岱五湖能
復遂扁舟

次前韻寄赤松觀陳一山鍊師

濯纓亭下羽觴流會折瑤童計酒每白日蹉跎三島暮紅塵俛仰十
年秋愁來莫問丹砂訣醉裏聊同造物游近日桃源足輪鞅洞前寧
復有漁舟

送孫架閣掾淮南省

二月江南芳草青送君此行空復情揀曹頗勝州縣職男兒須勒奔
鼎銘襟懷無愧范孟博姓名似是孫子荆落日重城莫題首長淮吹
浪東風腥

詩會分韻得慈恩寺塔

層梯直上幾百尺獨立中天數暮鴻萬里關河歸眼底一聲笑語落
雲中瞻陵無樹聽秋雨秦華連山走下風落日關干莫回首天樞哭
兀五雲東

送王子充潘生之金陵兼簡楊宗啟

故人八月下金陵秋水揚帆似建瓴王孫有才頭最黑潘郎多病髮
猶青西風燕去烏衣巷落日人歸白下亭聞道揚雄須在告閉門定
草太元經

送翁仲彬回金陵

月明江上樵歌閒倦客東游未賜環千里鄉關非白下十年書劍逐
黃門水生建業魚初上春早衡陽馬未還莫向鳳凰臺上望楚雲盡
處是君山

送王令遊上清宮

張公昔日栖真地飛鳥何年出尚方宇宙風塵三島外神仙樓閣五
雲鄉山空丹氣成龍虎月冷簫聲下鳳凰願從君尋舊約石壇瑤

草漸應長

題畫唐馬

翠華十月幸驪山鳳臆龍髯出帝闈玉殿曉陪天仗立竟庭夜向月
宮還漁陽落日邊聲急蜀道連雲國步艱拭目風塵重搔首丹青蕭
瑟幾成班

送金中孚赴蒲關

腰下吳鉤照日明壺中春酒綠如澗也知孫楚參軍舊自愛陳琳草
檄能玉帳蒐兵春會獵轅門留客夜張燈少年早識從軍樂莫信詞
童動茂陵

寄金中孚

展城旌旆拂招搖大野烽烟一戰消塞上新歸宛屢裏軍中獨數漢
標姚天開恩錫五花馬記室家傳七葉貂共說陳琳工草檄可能有
意向漁樵

寄宋景濂太史

太史東歸未賜還
菟裘營就白雲閒
九重一夜思前席
丹陛經年輟近班
視草玉堂登要地
納書金匱記名山
頗聞向抱烟霞疾
天上蓬萊足燕閒

送友人進表次韻

蘭臺又見上封章
難舌曾頌漢署香
一夜星辰經御覽
九秋宮殿動高涼
中朝典禮藏金匱
上界仙人眞玉堂
白髮詞臣猶奉使
故園松菊老柴桑

題竹隱卷

句曲仙人舊隱居
門前種竹翠扶疏
高人已作遊仙夢
諸子猶能讀父書
孝感定應冬有筍
閒居可是食無魚
最憐好事殊庸俗
千里徵詩到草廬

次金中孚韻寄陳一山鍊師六首

聞道樓居山色近
白雲只在屋簷栖
蒼黃獨如拳大新
種蒼松與屋齊
桂楫每隨波上下
草堂恰似瀆東西
大元近日揮毫覽
上有去

年春燕泥

有客苦吟生白髮
常時得句似黃初
牧羊舊識左元放
瘦鶴近臨陶隱居
石田歲晚惟收秫
野水秋深堪種魚
莫信文成能玩世
飯牛虛寫腹中書

秋流亭下青山近
過雨嵐光照碧窗
宇宙黃塵清氣少
江湖秋水白鷗雙
山中有客如孫楚
林下何人拜老龐
猶喜山田多種秫
西成看釀酒盈缸

我識苗巢陳外史

辟穀幾年餐日華
燒丹每說勾漏令
妙墨能追蔡少霞
案上陰符書柿葉
林頭春藥釀梨花
也知別有滄洲趣
臨水時繫釣槎
山中不問時

東海揚塵又幾年
神山無地可求仙
夢回西宮幻無洞
身在仇池小有天
幾處邱原存馬鬣
誰家柱紐尙蟬聯
山中幸有桃源近
試買扁舟學弄泉

蓬萊高閣枕秋水

開窗政與碧山齊
海東有信傳青鳥
天上無書降

紫泥藥熟桐君時
技請詩成木客夜
分題醉來尙憶雲房宿
幾看關干北斗低

再次韻酬中孚時新卜築優游洞中

徵君久客厭城府
年來旋買碧山栖
牆頭葺荔秋陰合
屋角篔簹雲影齊
人言遠邁似柳下
我憶畫圖如竹西
有約明年定相過
杖藜隨處踏春泥

故人歸隱優游洞
對客清談似泰初
舊栽露果猿能摘
新構雲巢鶴共居
市上三人傳有虎
山中一月食無魚
漢庭當有公車召
莫學虞卿窮著書

諸公衮衮登西掖
有客悠悠卧北窗
當代人才殊不乏
如君困士詩難雙
風流江左問諸謝
耆舊襄陽憶老龐
見說山齋新釀熟
瓦盆能共倒秋缸

黃金不解化丹砂
青鏡時能點鬢華
舊讀春秋演繁露
近餐日月照晨霞
硬黃小字臨章草
大白深盃對菊花
好約安期羨陶子
秋風海上見星槎

上見星槎
懶從唐舉問流年
且服黃精學散仙
海上何人來看日
山中有客去朝天
碧窗夜雨琪花落
金殿晨班玉筍聯
最憶蓬萊潘閣老
白雲無夢到松泉

碧山學道幽居好
新種篔簹繞屋齊
客至時時尊有酒
春來日日醉如泥
但須百斛斟雲液
不用千金買月題
却笑山公騎款段
秋風搖曳玉山低

憶昔公車徵待詔
束書歲晚起巖栖
蓬萊望日三山近
閩闔倚雲雙闕齊
當宁每承宣室問
退朝多在掖垣西
山林此日惟高枕
疇念彤庭拜紫泥

蚤歲能文賦子虛
掛冠甫見二毛初
久依丹地朝王所
恒憶釣天夢地居
紫禁九關嚴虎豹
青山榻註蟲魚漢
家天祿新雲構
劉向能忘舊校書

初秋風下大江歸來寄傲倚南窗正一生諾重黃金百有子才知白
壁雙進善書師羊舌赤退耕進學鹿門龐山田見說秋多稔雲液懸
知應滿缸

大史在官多病久幾年舊筆侍金華上嘗賜告踰三月內錫黃封醜
九霞退直不言溫室樹歸休每憶上林花雲山未覺清霄遠星漢遙
連海上棧

帝鄉一別又經年却向丹邱訪羽仙圓閣五雲丹鳳闕江湖春水白
陽天儒林接武登羣彥官署宏文易習聯頗念草元揚執戟白頭能
復賦甘泉時賜宗敘

東華曉漏聽朝雞幾見彤庭簇仗齊乙夜榻前催草詔九重天上降
芝泥拜官西掖承殊渥策士南宮憶舊題此日江湖殊戀闕蓬萊北
望五雲低

次鄧作霖韻三首名士題
傾蓋相逢見素心別來夢隔楚雲陰不斬下里巴人曲幾和南陽采
術荆湘集卷一

甫吟鴻雁書回千里遠魚龍水落大江深雙谿此夕知何夕解后官
曹又畫簪時作霖置酒
十日春無一日晴可堪折柳送君行遙知客舍聞雞舞向憶賓興賦
鹿鳴懸關幾行青瑣夢還家共羨錦衣榮少陵老去孤忠在定有新

詩紀北征
故山清舍白雲間歲晚移舟楚水灣一棹清風唯載月孤蓬落日更
看山雪晴五老明雙鬢烟淡小孤深翠鬟詎羨還家榮畫錦高堂自
有彩衣斑

再次前韻贈別
一第功名負壯心先鳴寧復記平陰乾坤又見朝周正湖海誰憐尚
越吟兵火十年雙鬢改家山千里暮雲深漢廷未信馮唐老青鏡侵
尋雪滿簪

馳道塵香宿雨晴故人春早京行雪消上苑聆鶯語日上高岡有
鳳鳴宜室已問遊賈誼轎車會見錫和菜四方玉帛皆廷貢不日王

師罷遠征
舊識匡廬壘畫閣飛舟幾夢落星灣卜居未遂東西瀝招隱空懷大
小山四海風塵求駿足十年林壑烟蓑若爲得似南山豹霧雨竹
管聲一斑

次彥德廣文元夕詩韻八首前四首奉廣文後四
入詠溪山舊倚闌十年湖海客遺寒重來已悟三生夢老去難逢一
笑歡草酌春風浮蟻釀花蕪香露瀟龍圖醉歸一夜梅飛雪愁絕江
城畫角殘廣文王風高郡屏

侍過南樓十二闌中天月白劍光寒六朝往事空陳迹百歲相逢且
盡歡汗馬功名輕草檄難堪事業付蒲團山林鍾鼎何須計人世黃
梁夢未殘

小雨苔花滿石闌東風簾幕晚生寒青雲負我平生志白首懷君舊
日歡槐市夜歸燈影亂梅簷花落粉香團祇今寂寞山窗下一榻松
明耿夜殘

玉版烏絲界小關銀鈞光照墨花寒西堂夢草留佳句北關傳柑苑
合歡雲屋醉歸花氣暖月階坐久樹陰圓挑燈又復續青史衛霍功
名半紙殘

節物驚心怕倚闌家山千里暮雲寒桑田俛仰人間世菽水團圓夢
裏歌衡石事嚴宵滿畫博山香暖瑞烟團故人今日替天上還有雙
魚青膾殘潘公姑執人由相府博士

綠窗睡起怯凭闌小立東風散曉寒一笑尊前殊解后百年身外幾
悲歡淡雲螺嶼橫天未落日鷗波點雪團何事休文尚詩瘦鏡中華
髮易彫殘

北望神州倦倚闌帝城三五尚餘寒玉堂月直追殘夢金谷春遊憶
舊歡綵仗鳴騶驛馬過絳紗籠燭舞蛾團山城此夕渾忘絕獨對青
燈待漏殘

小樓醉起怕危闌家僕當年已寒漢武虛開召徐樂宇文會復談
高犬草荒煙港車無跡花滿征袍錦作財昨夜悲遊運人夢芥龍觀

關月初殘

正月十三日飲潘楚清家蘇文時贈于

燕履香凝畫角滿庭月色不勝寒中辰我愧同年少元夕君先出
夜軟醉後傳柑黃玉膩尊前學盤紫青團却嫌壯老康公慎獨宿江
城燈炬殘

次蘇德廣文遷居韻二首

十年烽火照吳中環堵空懷一畝官客舍驚鳥翻夜月官途飛鶴退
天風果園賓客餘杖屐楚國衣冠老白公昨夜壯遊還入夢東華十
逐輶塵紅

登歲論文陋管中策名曾擬薦南宮摩羅信巧徒流日豈虎無成笑
捕風待詔遠慚金馬客學書翻愧白猿公夜宵畏聽雞舞舞三尺龍
光繞殿紅

次前韻備用和助中

燕寢香凝畫省中日長鈴閣靜齋官上台屢度聯輝月南園衣冠盛
尚綱齋集卷一

士風諸將策勳書太史四方馳捷奏膚公雁備兼製河清頌夢筆生
花夜吐紅

大江一帶限天中千古繁華六代宮虎踞龍蟠鍾王氣天荒地老幾
秋風百年周禮存中國九命桓圭錫上公間道水犀屢大閱革車千
乘薄蒐紅

次蘇平仲編修北山紀遊韻二十四首

上方臺殿倚新晴會憶當年此地行松嶺半天驚雨過竹窠中夜聽
泉鳴黃金未煉丹砂就青鏡先催白髮生欲訪舊遊還自笑故山猿
鶴肯相迎

梯航重譯會京都喜見皇風冒海隅萬年新定鼎玉關千里罷
飛芻匡時有志隨羣彥學道無成借壯圖已遂鶴鶴一枝願春風寧
羨上林鳥

丞相祠堂一徑深百年宰木尙陰陰朝端又見新皇開天上長懸舊
羽林祖述中原應有恨孔明梁父謨長吟神州在望空回首落日青

山清暮岑王丞相

桃花源洞不樂低閣有漁郎此路迷白鶴歸來作人語蒼松種久與
雲香水深夜壑藏金室雨過春泥印虎跡共說前岡更幽絕誰能結
屋事農樞

曉入禪關千里深上方高處訪叢林行穿羸磴雲生屐笑拂松花露
滿襟華表鶴歸千歲久靈湫龍整半巖陰亂離學道嗟遲暮頭白侵
尋負壯心

新築茅堂江水東開軒日日看晴峰百年世事如蓬轉三月春光似
酒濃乍可前川開柳隴能絕翠峯松北窗睡起聞啼鳥差勝東
華驛曉鐘

孫首鍾山滄海春烟帝鄉一別又經年玉堂夜直如天上丹地春來夢
日邊西掖故人應好在北窗無事且高眠與來忽憶參寥約杖策同
參玉版禪

空山茅屋掩柴門獨鶴歸來自不羣有客日邊同步武何人林下更
尚綱齋集卷一

移文石田黃獨荒春雨潤翠松起暮雲便好深居絕塵往世間難
少不須聞

神仙樓閣倚晴空高下軒窗面面通萬壑好山如畫裏一聲長嘯落
雲中海天未返乘槎客洞口常逢採藥翁欲訪蓬萊仙路杳無由精
地似壺公

清朝鷓鴣日相陪却伴空山獨鶴回三月春風辭終闕百年姓字在
丹臺天空寬節雲開下日落星槎海上來聞道蓬萊又清淺三山東
望好浮杯

紫皇宮殿枕巖幽星斗闌干在上頭玉局懸崖稱福地青山繞屋似
羅浮雲間瀑布千年落洞口丹光白日流浮世黃塵方昨日祇應吾
道付滄洲

精藍結構自前朝金地莊嚴映綺寮臺殿四時常五色觚稜初日初
重香黃龍聽法竺山靜白馬歌經故國遙向憶禪房會借榻松聲午
夜蘇江湖

北窗睡起正無聊日轉階前影交恰恰一鶯啼午夢飛飛燕定
新巢丹靑佛寺藏山曉白壁人家傍水塢隨分春風且行樂青雲得
意莫相嘲

枕流亭子碧山園石澗橋危過客稀流水落花春自老濕雲栖樹晚
猶飛山人和露收松子木客臨池製芟衣欲向丹崖同採藥黃精雨
後漸應肥

浣花溪上築茅堂好客遺從只漫郎白鷺飛來汀草碧鰕魚初上柳
花香放舟日日釣春雨按劍時時惜夜光好罷絲綸開袖手世間塵
海事茫茫

嘉遜幽人在澗阿飯牛中夜獨商歌光風霽月時時有野水閒雲處
處多屋外好山潭似畫門前芳草漸成窩人生得意須行樂百歲尤
險能幾何

小池春水漲微瀾把酒臨風且盡歡三月韶光付流水百年心事幾
凭欄勞生已信儒冠誤閱世方知蜀道難得失由來會天定雨雲翻
倚網齋集卷一

覆護多端
故人天上輟朝班日向垂林戴酒還聞闕九重天帝所遣萊方大道
家山一年春色二分過百歲浮生幾日閒頗怪滄洲陳逸士抗塵時
復到人間

金陵雙閣屹岩巖臺殿參差上九霄閭闔五雲浮玉氣石城午後抵
江湖中華文物衣冠盛上苑春風鶯燕嬌四海梯航效庭貢信知千
羽格三苗

金華山下舊松肩曾讀黃庭內景經丹壑有時仍羽鶴青霄白日降
雲軒千年福地人間少九奏鈞天夢裏聽太史周南尚留滯何時扈
從禪雲亭

丹砂未就二毛新却向名山訪異人庭下樵夫訝神放山中羽客似
吳筠看雲日日浮松籟臨水時時正葛巾欲向桃源營草閣故人還
許卜比隣

少日論文似馬遷要將勳業勒燕然清心無力追才步黃卷窮年對

聖賢老去肯爲題柱客時來權作出山泉東風昨夜吹芳草又見西
樓斗柄旋

謾說桃源別有天人間無地息塵緣黃梁未覺三生夢白日難謀一
醉眠浮世祇今方尙白故人何日共談玄山林已遂幽栖志底用燒
丹更學仙

十日春無一日晴興來騎馬出江城隔林黃鳥閉關語夾道青山次
第迎流水落花春自老虛堂夢草夜偏清明朝又作紅塵客慚愧浮
雲去就輕

次平仲酬唐宗魯侍郎韻二首
粉署凝香畫省中歸來一笑大江空客星躔度連卯月王國衣冠盛
士風玉帛百蠻重譯貢車書一統萬方同東華門外塵如海何憶天
街踏軟紅

十載懷人寄夢中愁來咄咄謾書空黃塵有恨非今日白首論心見
古風市道交情多雨散士林高論亦雷同歲寒自昔期松柏莫學春
倚網齋集卷一

花且暮紅
追和子昂學士鄂王墳韻
二龍絕漢竟沈離五馬浮江勢尙危北上忠臣生白髮東南輿運止
黃旗新亭誰酒中原淚大廈良非一木支落日湖光明埤堦鳳簫遙
應角聲悲

五言絕句
題春郊曉牧圖
頻年事征戍父子各關山得似春郊外吳健帶犢還

題太古蓮舟畫
一葉杭天風萬里秋雲遠慎勿向三山蓬萊近清淺

題古木寒禽畫
野雀下庭柯裴回弄清影豈無上林枝愛此山月冷

題扇面小景
天開虛白寒露滿空翠冷推持明月光此山河影

題洞明小像

採菊東籬下南山入望時
葛巾新漉酒正耐晚風吹

題太白小像

不到長安久帝鄉
風月閒看餘山水色知是夜郎還

題墨梅三首

索笑山窗下霜清月在簷
平生清白眼今始識無雙

幾年遊洛客衣袖滿縑塵
面色有深墨知非肉食人

昏昏俱守默皎皎欲誰憐
龍意林和靖年來一尙玄

題紅梅三首

玉骨換丹砂夜雪迷春色
欲學綵雲飛東風苦無力

月殿春風早瑤姬試晚妝
為憐酒量重妙舞試霓裳

流水小橋西東風路欲迷
漁郎其回首不是武陵溪

題墨梅二首

歲晚湖山曲風塵到士林
定知松處士移貌不移心

尚湖齋集卷一

莊子觀虛白揚雄守太玄
無雙與姑射不必問媿妍

題小畫

喬木山華構落日幾凭闌
十載于戈後傷心畫裏看

題白公小畫二首

伐木空山裏停雲憶故人
山人莫問嘶愧爾白頭新

世路荆榛滿青衫塵土深
何如兩幽鳥頭白老山林

題釣勒竹四首

月澹秋陰薄庭空夜色寒
西風剪雲母片片墮瓊環

漢女扶湘妃霓旌導羽衣
夜深風露下却跨白鸞歸

野鶴弄清影徘徊臨曲池
誰離霜羽短不耐曉風吹

世路蕃荆榛抗節風塵底
乘茲貞白心歲寒奉君子

題秋江送別圖

江上西風急維舟待曉行
前山新月上正是晚潮生

次韻題梅花

南枝春信早倦客鬢痕生
歲晚空江曲相看只素心

題米道對雞冠花黃雀各一首

絳幘秋風爽青城夜月中
君王有先見應寫雁來紅

良辰春風暖飛鳴意自閒
寧知他日恨却在乾牛山

題扇面小畫

烟艇丹雘曉木落鏡天秋
可惜清宵月無人共倚樓

題睡地墨菊

夜月沙如雪春江似天烟
波幽夢遠不到風池邊

舊日柴桑里黃花口髮新
悵為彭澤令贏得滿衣塵

栗里秋香晚東籬菊未黃
倚然山月下忽見黑衣郎

九日濁醪盡黃花笑酒盃
夜深山月黑不見白衣來

白髮陶彭澤東籬立晚風
寧能效王掾早作黑頭公

彭澤休官後西風滿面塵
故交零落盡誰是素心人

又題墨菊二首

采采東籬菊秋香正滿庭
定知陶靖節不讀太元經

東籬秋色晚白髮對斜暉
獨怪休官後猶紆墨綬歸

次胡仲申先生齋居述懷韻十首兼酬宋景濂先生

晚來新雨過忽憶枕邊書
睡起推窗看茅簷月上初

相逢三島客東海又桑田
不記還東鶴歸來近幾年

一春常苦雨晴意晚方佳
坐看庭前蟻成行上古槐

寒食多風雨年年苦欠晴
漢涼麥孟飯不到北邙塋

平生胡伯始曾是漢廷人
老去長為客傷冠果誤身

亂後追遊簡難逢一笑軟
青春眼目前過白髮鏡中看

故人時見過有酒即須留
但得時時醉百錢餘杖頭

每憶宋夫子終年坐北軒
著書良自苦得意好忘言

勞生終半世志不在功名
欲效菟裘計黃金苦未成

金華山下路吾亦愛吾廬
終歲無車撤階前草不斂

次前韻奉簡范景先先生

...

...

...

陰陽一太極，親董本無弊。欲究先天意，應思未盡初。
種學須時習，工夫似力田。終身事虛妄，不必問豐年。
奕世衣冠盛，應須子弟佳。如何王相國，辛苦樹三槐。
舉食好天氣，東郊踏曉晴。去年金碗出，今日有新筵。
紫陌多芳草，年年問世人。空懷百年慮，誰是百年身。
浮生何往，再百歲幾悲歡。留得修名在，從教後代看。
亂後居城府，青山每見留。晚來新雨過，秀色滿墻頭。
二月春城暖，春風到小軒。茅簷喧燕雀，桃李自無言。
陋巷無車馬，幽居好避名。不因書帶草，誰識鄭康成。
南山青繞屋，秀色似匡廬。好買山中地，春來共把鋤。

題梅花巷寄潘學士

雪後逍遙谷，春風近玉堂。定應承雨露，白髮對清光。

六言

題雲松山房一首

天上豹圖九，重海中盤井。三峯用我玉，堂金馬不用開。雲野松
泰山僅膚寸，合徂徠已千尺。強或用汝作霖雨，慎勿傾人棟梁。

七言

題子猷訪戴圖

香室頽波已橫流，濟川功業纒悠悠。渡江一楫無人畫，却寫山陰雪
夜舟。

題畫唐馬次韻

泥融輦路雪初乾，蹀躞霜蹄散曉寒。十載華清春夢覺，風塵今向畫
圖看。

小遊仙四首次金中孚韻

秦女吹簫

月冷瑤臺語鳳凰，紫簫悽斷白雲鄉。西風回首山河異，鳩鶴樓開漢
未央。

漢武招仙

建章宮殿土花鮮，仙掌亭亭曉露前。沈壘未聯松月墮，銅人已迫茂
陵阡。

劉阮天台

桃花流水舊天台，萬丈紅塵昧不開。見說白雲天路遠，當年劉阮若
爲來。

芙蓉城仙

三生應換黃庭簡，向人間。老月明，秋風颺，鳳翎書。夢是風秋隔五
雲城。

冬日道中

日落疎林度小橋，天寒歲晚路迢迢。道人已是歸心急，更爲梅花住
一宵。

題釣勒竹二首爲程將軍賦

白旄風急秋陰薄，玉帳雲深夜色寒。伏散樓門天似水，一庭霜月在
琅玕。

尚絅齋集卷一

手

玉帳屯兵水宿環，林錫宴夜歸。遶四山蒼翠，秋無影。月侵中天白
羽旄。

山行

一策秋江萬壑鳴，白雲堆裏扣禪扉。歸來兩耳松風在，留得松濤入
夢聽。

題墨梅

一枝秋寄隱頭思，春早江南馬到遲。月黑小樓清夜永，紫簫吹斷玉
參差。

題扇面小景一首

月殿笙簫十二樓，霓裳按徹小涼州。西風吹斷鈞天夢，香老琪花幾
度秋。

度秋

玉鈎半掛水晶簾，金鴨餘香晚倦添。睡熟紗厨天似水，綠荷涼月夜
厭厭。

尚絅齋集卷一

尚綱齋集卷二

金華集下

明 童冀 撰

積金華叢書

賦

樂善堂賦

世有至樂兮非荒忽與混茫愈不悟其在中兮續外索其皇皇蒙養
 菲于文繡兮參厝毒于膏粱贖五音以為聰兮昧五色以為明外耳
 目之暫愉兮裏憂患之槍攘惟賢達其蚤覺兮體吾樂於天常揭孟
 氏之遺訓兮建高明以為堂仁以為柱兮義以為梁嚴忠信以植內
 兮抗高論於虞唐伊萬善之攸萃兮嗟吾樂其未央昔宣聖之飯蔬
 兮藐富貴如浮雲顏氏之庶幾兮在陋巷而忘貧舜雞鳴而莘莘兮
 又樂取之於人軻反身而誠兮亦強恕而求仁企聖賢之遐躅兮會
 莫歎其遺塵魏晉之獨樂兮乃從欲而病民郭善善而弗用兮違顛
 國而隕身援古事以鏡戒兮恒惕厲而書紳東平之嘉善兮克永終

尚綱齋集卷二

樂善堂賦

譽榜不為惡兮乃因強禦固厭遇不同兮惟吾行之不詭君子效業
 今有終身之憂勉修善而弗怠兮汜心逸而日休小人之洵明兮亦
 矯情而外飾羌患得又患失兮益中心之戚戚善與偽其幾何兮憂
 與樂其倚伏臧否在人兮自求多福彼趙孟之所崇兮亦趙孟之能
 卑緊天爵之尊嚴兮匪夫人之得私諒俯仰之無愧兮實君子之攸
 宜亂曰吉人為善惟日不足將乾乾而夕惕兮寧懷安而自佚嗟善
 人之不可見兮吾將樂其善而無斁

雪賦 有序

文賦曰賦體物而瀏亮則體物迺賦體也雪齋寂寥偶思

醉翁汝南故事輒用禁體物語作賦一篇然要非賦體讀

者不以辭害意可也

歲律邁餘寒淹積陰池微陽潛冰霜互結天地戒嚴於是滕六啟途
 元冥御駮召屏翳役飛廉雲騎畢屯風刀斯銛戰野而千林振槁塵
 山而萬壑埋嵐沙揚朔漠氣連天南湯泉晝凝火井宵增飛霰清道

以先集雨雪棧迹而仍兼其始至也則踴躍躡躑午却午前僂舞鶴
 之麋麋其少進也則漸浙慙慙載疎載密殷食葉之春置羌徘徊於
 兩楹漸掩苒於重簾紆迴風之妙舞瑩玉塵之清談拈歌臺之粉英
 玷書室之牙籤投明月於暗室倒寒光於虛簷仰而睨之則馮馮翼
 翼遶混沌未判之先俯而察之則連連延延緬海濤雲靜而風恬山
 岳夷其峻險乾坤大其包函混一室而同仁霽德澤而遐沾累萬鈞
 之莫舉由積漸於微纖調玉燭之至和兆金穰之吉占當斯時也孔
 席罔溫墨突弗默縮馬牛其如蜩蟬凝土脈之不黏僵洛陽之高卧滯
 彌橋之幽探邇北風而悲歌鬱憂心其如悵已而馮夷返旆羲和載
 暹雲陣解駭風師鼓儼朗萬里之青冥流片月之外蟾耿疎梅於遠
 空挺孤松於寒岩客有棲遲下邑偃蹇窮閭平蔡之心未已汎剡之
 興方酣恨白雲之寡和睇青雲而自慚於是泚璇霄之珠露濡玉兔
 之霜髯聊擣懷而作賦願體物其何嫌

閔春雪賦 大前韻

尚綱齋集卷二

雪賦

去冬大雪子既竊取醉翁之義作賦一篇入春雨雪彌甚
 當陽和發育之時肆陰沍嚴厲之氣草芽隱憂不能自已
 輒大前韻復為之賦庶幾觀民風者或垂采焉

伊大鈞之橐籥兮運四序而弗淹肆天高而地下兮圓動植與飛潛
 方青陽之肇和兮忽元除之載嚴久雨雪其彌旬兮汨泥淖於征驂
 緬陳詞於九天兮跪敷衽於飛廉悼上下之凋察兮厲戈矛之方鉞
 因如闕其莽蒼兮皓積素於層嵐續中華之簪組兮寒就食乎江之
 南宇宙廓其無塵兮寂炊烟而晝燔遊桂玉之交迫兮果憂患而仍
 兼睇原田之粳麥兮失翠羽之粲粲開柔桑於旣萌兮易筐筥之可
 蠶願上天之垂鑒兮散陽光於重簾彼盈尺之呈瑞兮誠不根之緒
 談申黃竹之哀歌兮殷餘聲於簡籥回颺忽其振林兮驚落屑於梅
 簷覽世故而惕厲兮恒夙夜而罔怙考春秋之災異兮驗倚伏之相
 函方百穀之始播兮亦震霖之既沾宜條風之扇和兮蔽花雨之廉
 纖諒天道之匪遠兮徵人事而可占肆干戈之擾攘兮化頌白於黎

黔迅日月之跳丸兮熟煎膠而可黏慨李想於千載兮觀虎穴而勇
探誠力業之不建兮鬱中懷其如悵嗟競時之桃李兮遲榮耀於朝
暉固予生之蒙昧兮敢冒進而自傷送子自於孤鴻兮耿予心於寒
蟾偉喬松之耿介兮表獨立乎嶽巖景袁氏之高蹈兮偃僵臥於窮
閭映孫生之餘輝兮漱六藝以沈酣仰廟堂之調變兮配臯夔而無
慚慚予衷於蘭素兮託子辭於兔髯及太史之觀風兮列民語而何
嫌

雪賦三六韻

庚子冬大雪入春未已偶做醉翁茶體物語作賦再疊今

冬雪中登迎華觀因復次韻賦之以呈用和則中云

愛柏先生觀雪平迎華之觀招元暢之沈約懷岳陽之仲淹慨斯人
之既遠發德光於幽潛乃延梁園之柳枚萃金馬之徐嚴道置鄭莊
之驛門停晏子之驂有生未至立于堂簾筆陣賈百戰之勇鉛刀利
一割之銛于時瘴海息波丹崖掩嵐北風興乎衡詩干城美乎周南

尚制齋集卷二

七

兵塵廓其書清烽燧寂其宵燭合四美一難之會有文事武備之兼
東望則天台柏臺山出沒翼旌羽蓋之旣耗西望則雙谿滄溟
白石璀璨孕扶桑瓊蘭之冰蠶南望則枯蒼太末冰崖合沓溢瑤空
爽氣于疎簾北望則芙蓉嶽巖奇峯玉立對瓊樓羽客之高談先生
徘徊四顧長簡典籤沁清風于蓮幕索孤笑於梅簷起胡笳日方今
兩陽時若武嬉文恬美化洽乎江漢先聲警乎殺函瑞雪霽膏澤之
潤草木畢勾萌之沾嵬異材于嚴穴用無間於洪纖四序調玉燭之
和三白應金穰之占客顧室如懸罄突煬弗黔忘鵬翻之天飛滯蜩
涎之壁黏曷不換白雪之高詞脫青雲而冥探舍陋巷之獨樂拯斯
民之焚煖客乃磨折僂僕拜且謝曰天造草昧大明繼過股肱之臣
既東戡而西定仁義之師不阻隘而鼓儻炎精麗陽谷之烏餘光被
月窟之蟾蜍聲漸於朱垠仁風扇乎冰巖爾櫛散逋迹間閭懷雪
案之辛勤玩六籍以沈酣廟堂之高方稷契之比德山林之下託箕
頤而何慚先生澗然一笑欺修栢之蒼髯尋歲寒之深盟吾與汝其

無嫌

閔已賦次韻

閔予生之寒阨兮胡歲序之弗淹獨乾乾其夕惕兮玩六籍以沈潛
窺詩禮之中正兮識春秋之謹嚴固陋巷而重羣兮享美乎厚運而
駕駟申古訓以自勸兮志直溫而簡廉願履實之猶純兮極砥礪而
弗銛昔予之約吾心兮樂雲水而烟嵐遺中原之多事兮莫戈鋌於
東南美歲行之既復兮鬱宵燄其未燼慨曩歲之荐饑兮又疫癘之
仍兼寒暑先其子立兮甚孤鶴之旣耗憂來忽其無緒兮涕瀟瀟之
春蠶取青燈于元夜兮面搖搖之風簾蒐陳筐之遺篇兮味前休之
緒談惟昔賢之勤政兮警中夜之投籤亦焚膏而繼晷兮惜短景之
經簾矧予生之寡昧兮敢怠逸而自恬違亂離而適全兮仰大鈞之
包函絜文治之肆興兮敷敷而濡沾伊大匠之掄材兮諒無間于
泖繼顧出處之靡常兮爰命龜而載占曰孔席不暖兮墨突不黔彼
歧塵之微蝸兮適濡漑而自黏豈伊人之爲靈兮弗旁搜而遠探貽

尚制齋集卷二

四

斯言而遐舉兮釋中懷之憂悵寒若木之飛英兮挹扶桑之朝暉羌
反顧而忽悟兮嗟吾言之夸僂嗚人生之一世兮駛旦暮之烏蟬苟
修名之不立兮愧莘野與商巖誠侘傺于軒冕兮亦何異夫登階於
閭閻激商音其浩歌兮命清尊而醺酣及齒髮之未暮兮庶斯言之
無慚挾刺箴之雲英兮播廣寒之霜髯聊失辭以自誓兮配閔已而
何嫌

述志賦次韻

予悲不及古之人兮汨時俗以自淹造微黃鶴之遐舉兮退慚鐘鼎
之淵潛緬高風於巢許窘逸步於徐嚴日栖栖其弗遑兮蹇却行之
羸驂窮深運而遠適兮愧於陵之未廉將希用於當世兮又悲鉛刀
之爲銛旦予涉於雲林兮挹蒼翠於晴嵐管莢衰於下邑兮謝捷徑
于終南羌延矚於原陸兮般野燐其未燼儘斯懷之誠遂兮信鯨魚
之可兼漱石泉之涼滌兮屬巖花之旣耗固草衣而木石兮亦何事
乎咈豔蔭白雲以爲屬兮揭冰泉以爲簾席風林而偃卧兮面雲山

而高談雜瑤琴之未絲兮倒細帙之牙籤
於後簾夫豈蟬蛻而騰舉兮庶怡神而養恬
事乎戈函幸疎拙而見遺兮苟自足其沾沾
力之微綴伊予志之堅定兮奚龜策之載占
手蒼黔懷醜毒於宴安兮甚濡膠而自黏
處而窮探苟一夫之弗獲兮詎忘心之憂快
髮於朝暹將矢辭以自誓兮懼羣言之僥倖
光於寒蟾睇白雲之孤飛兮撫蒼松於嶽巖
箕於里閭澹蕙山其凝紫兮送落日之紅酣
人而何慚斷雲根之鳥翼兮願碧澗之龍
香其何嫌

琴操

天莽莽兮日曠復幽幽兮瞻雲欲顧天兮不
姪仁兮吾為之臣采西山兮廣徵聊以禦兮
朝飢唐虞世遠兮吾安

右荆山

荆山兮日曠歎予璞兮君門世玉石兮月分
兮心不懲于玉誠珉兮君之明痛泣血兮山阿
聞兮矢心不移石之腐兮君我知

右越江

越山兮我我越之水兮會波不見父兮奈何
不聞兮余生可捐江之深兮深可測天有知兮
悲釋

右禾山

我昔家兮禾山之陽今我曷為釣于蘭江禾山
我漁我室我宇自我不見三載于茲江水東流
南生兮清清飲厭華兮混蕭艾而羣處世罔余
知兮繫其所執植于

其家禾山也為作禾山集以洩其思云
其家禾山也為作禾山集以洩其思云

門兮芳以買思寒持鋤兮曷返質乎空山
右開蘭

辭

醉經堂辭
黃伯真作

緊元酒兮味淡泊醒酒兮釀釀洛誰其得之
兮以道酬醉挹孟之醇兮視馬鄭其禮相彼昏
不知兮購其先覺

宋氏二子字辭
有序

太史宋先生之二子伯曰璣字仲圭清慎端慈
有文先生嘗俾其序其說其惟古者命名之義
日象日假日類取於物為假假者寓名以存其
符也字德之與也名以章義義以制字字以載
成而義者今先生之命二子厥有旨哉夫璣者
璣者佩服之象故取平焉昔之君子比德於玉
良有以也古禮有字辭繫之以辭曰

右荆山

民之初生父命以名既冠而字是曰禮經古之
相須是謂成德德德彼玉璣黃流清潔穆穆清
有瑜蕙衡秩秩大庭周道有章敬爾威儀維民
其物出門如賓承事如祭夙興夜寐戰兢惕厲
我作斯銘式配字辭

王氏諸子字辭
有序

古者子生三日則父命以名既冠而友字之禮也
說誠欲其循名顧義焉爾古禮之廢久矣歷陽
日璣曰璣曰璣曰璣曰璣曰璣曰璣曰璣曰璣
德于玉非徒然也詩云伐柯伐柯其則不遠循名
字之曰敬肅謹圭文武益之以公公者正大之
正大亦可以為成人矣雖然玉不琢不成器士不
子質信美矣盍亦各顧厥義而益務學也哉異日
厥中和之成則大圭拱璧天球璠璵所以登郊廟

有在古禮有字辭因申厥義為之辭曰
敬以持已肅以待人禦侮以武備敬以文謹而將之執圭是則洞洞
屬屬如將弗克劬成一德厥有令名修之弗怠全德可成士之成名
玉之成器百爾君子惟學為貴

美處晦字辭 有序

美君彥名登歲嘗銳意問學有志功業蓋將侶金閨之羣彥依日月
之末光以焜燿當世既而嘉運邱壑更其字曰處晦以自隱焉予聞
而疑之夫處者動之機晦者明之微也古之君子其處也以俟夫動
其晦也以養其明非止于此而已也查亦觀夫水與月乎夫水以不
息為體者也然不處而精則無以盈科坎而放四海月以明為用者
也然不晦而晦則無以復朧朧而致弦望今君之處夫晦也其將終
隱于是乎抑亦處而有待也聞諸古禮有字辭因繫之辭曰

處者動體晦為明微如水之漸如月斯恆混混源源蓄而有待盈科
而進放乎四海月之踰望營魄載生既晦而朧其光乃盈相彼潢汗

尚綱齋集卷二

七 步 選 廣

朝滿夕涸榮榮膏火祇以自鑠衣錦尙糊糊然日章亦有美玉韞匱
而藏展矣君子允蹈斯義朝斯夕斯誠之為貴

鄭仲涵哀辭 有序

浦陽鄭仲涵與予交三十年所居相距僅百里然自始及今會合者
無幾焉蓋予杜門為童子師仲涵足跡罕至城府故間能一會會輒
契聞累歲今年春予卧病再閱月與仲涵不相聞暨予疾起而仲涵
死久矣嗚呼仲涵之殖學砥行不獲一用於世其不大可哀耶然僕
尊青黃乃木之災仲涵之不用安知其非幸耶矧仲涵生孝義家族
姓累千百指公私內外各有侯職仲涵獨以疾無所與扶册讀書安
坐而食仲涵之所得良亦厚矣然仲涵亦無他疾苦惟司聽有未登
其為學更得以專志焉年將知命人遺畧備奉先遺後具有家法其
亦可以無憾也已昔韓子作歐陽生哀辭哀其父母老無所於養仲
涵無是也故予之所哀不在於是夫天之生人未嘗不欲其安也人
之所貴乎壽考者亦在乎安其生也竊嘆夫世之人困頓途途蒙犯

霜霰至於老死而後已彼雖壽於彭聃亦奚益於生哉若仲涵者既
獲安矣而不假之以年將天斬夫安不欲人多得耶抑人處夫安者
理誠不可久耶仲涵後死遂其著書立言之志則其所就未可量
也是則予之所哀也仲涵有子能世其業其亦可無憾已矣予生先
仲涵二年由其安不違仲涵而來者未可期也是亦予之所哀也

之以辭曰

蒼蒼無倪上有天耶人之有生其偶然耶貴賤壽夭果無預乎其間
耶相彼世人其生孔艱憧憧道途老死百年亦有君子式迷其安壽
財不示孰獲其全我親古今萬化一原委順而已理亦何怨嗟惟先
生處世獨閒身雖云亡不亡者存存子續學克紹其傳奕奕高門子
孫曰著我作哀辭以慰後昆匪君是哀用哀世人

贊

友琴生贊 有序

友琴生者向友於琴也生何儒不希合於時常登山臨水絃伐木之

尚綱齋集卷二

八 步 選 廣

詩則悲歌兼慨予竊悼友道之千古感生之志因為之贊云

友者五品之人倫將以取乎人不交人而友諸琴君其何心

郡守小像贊

外國而內方外柔而內剛惟其剛故於物無凝滯執其剛故不與時
低昂此其所以當用武之世收千里之郡而能遺述乎襄黃豈詩所
謂豈弟君子邦家之光耶

銘

無逸齋銘 有序

暨陽俞伯仁名其齋居曰無逸蓋將貽厥子孫也聞來微子銘詩予
惟無逸之書周公所以戒成王也未學諫聞豈能窺其蘊奧哉姑述
稼穡之艱難所以啟後人者為之銘曰

天地兩間中立者人天運不息人生在勤相厥農心服勤稼穡一日
不耕或匱其食有土有壤是耨是耨我苟無逸歲其有秋惟昔先民
罔敢違息厥子不知乃諺乃逸聖有諫訓無逸是師匪惟稼穡百行

是宜奕奕高堂用貽爾後百爾子孫庶其肯構夙興夜寐陟降在茲
所其無逸弗替引之

清白軒銘 有序

舜江楊瑞名其齋居曰清白軒昭先訓也金華童冀為之銘曰
民之初生肇自古先太之有本水斯有源在漢東都政由宦寺桓
太尉振國之紀世道方否志則弗伸獨遺清白垂裕後昆舜江之濟
其流混混厥有闡孫於焉是宅祖德日遠遺訓弗忘日星昭垂有扁
在堂曷承其清曷守其白匪淫不緇匪接不濁清爾志操精白乃心
毋日貽室上帝是臨朝斯夕斯戰兢惕厲造次顛沛罔敢失墜化行
一家肇由一身易止一身貽厥子孫自我先人克承克繼四世上公
垂則後裔嗟我承式亦有後人無念爾祖汝慎爾身百爾子孫以引
弗替我作銘詩永錫爾類

讀書齋銘

聖人之心寓諸方策讀而知之措諸事業詩書禮樂易象春秋萬理
何網齋集卷二

九

咸具無一不周而漢以遺各立訓傳繁文日滋去道愈遠不有源洛
孰濬其源其源孔長其流遂分聖有謨言學問思辨匪惟君子貴乎
實踐大學之道修齊治平學而底此其業乃成展矣君子是則是做
道不遠人庶其允蹈

箴

五箴 有序

子生三十有八年齒日以長而業不加進身日以困而志亦荒落偶
讀韓子五箴而有感焉然予之所愧者非特五事而已姑先其近者
云
學成於勤而游以荒弗荒而勤其道乃光在昔大禹寸陰是惜吾儕
小人放焉朝夕當寐而寐當誦而嬉齒髮逾邁而業日隳前之歲月
如駒馳隙後日幾何能不自力往者莫咎來庶可及今弗力後復
何追

右游箴

人知善言為世之利而不知為時之忌知直言能藥於人而不知為
瘡其身言之信美於己矣利言之諛直適以招疾子不見夫立仗之
馬一鳴斯駭貴言者寡真其默默可以保生厲不能鳴亦以自烹謂
子終默口在之類慎而擇焉庶其無悔

右吉箴

行者一身之基始之弗慎終焉追我今告汝謹始之道惟義之從
惟禮之隨時之所隆於禮或愆或人房趨彼斯焉苟嗚于時義固
斯在舉世所非汝謹勿怠惟忠與孝惟禮與義造次顛沛罔或失墜
既慎爾始又毋爾終朝斯夕斯以靖厥躬

右行箴

是非之心人皆有之好惡之公已焉得私好其可好反以為媚惡其
為惡卒以為伎當惡而好當好而惡人皆謂然汝獨不悟汝非仁者
汝非鄉愿同為合污察斯媒怨聖有謨訓誰毀誰譽佩之終身衣德
昭度

右好惡

名有可畏而不可
一名氣息攸歸苟弗
不顯其光衣錦尚綈
斯灼亦既轉轉能不銷
病無其實弗病無名汝之不
幾何其聞者久

右知名箴

說

雜說

太上立德其次立功又其次立言士志于立言其亦不獲已哉然自
六經而下立言遊多去道逾遠而言固未可廢也亦幸其有神于世
教焉爾去古遠遺諸子各以所挾馳騁當世高者為於元虛若捕風
繫影浮海望洋而無所底止卑者淪于綺靡括青配白浮商泛羽不

異夫好鳥繁音之通耳也如是而日著書立言焉嗟夫古人之所立言者其若是夫

人之所恃以生者食與衣而已至于珠玉人何賴焉然世不貴乎其粟布帛而寶明月夜光者以其得之難也而不得于用人猶

貴之矧其適于用者乎賢才之處世其適用又非菽粟布帛之可比也然累千百人不一人焉其亦可謂得之難矣然世非徒弗之用也

又且弗貴焉非徒弗之貴也又或陋賤之今有人焉毀璧棄珠而重之惜則人必爭非毀之有賢才棄之而世且習以為常其可嘆也夫

貴生于所無賤生于所忽中流失船一瓠千金岷山之下以玉抵鵝彼非弗知玉之可貴瓠之可賤也急其所賤用忽其所輕也士生斯

世亦若是夫雖然寧為玉弗為瓠也破碣售而珉璧混矣將韞匱而藏之乎抑待價而沽之乎玉乎玉乎吾懼汝之抵鵝也

葛之柔不能自立附之喬木則可以凌雲參天石之重至不可舉載之方舟乃可以越江浮海何則得其所因也人之困于人亦若是已

尚綱齋集卷二

十一

雖然木仆舟覆則終不免于泥塗之歸況淪之棄之是以君子貴自勉焉昔者齊有管仲雖無鮑叔吾知其必能致一匡九合之功漢有

陳平雖微魏無知其六出奇計未必不用也世之志士猶嗷嗷然曰世無鮑叔魏無知云者亦昧甚矣哉

楚靈王為章華之臺鳩民以役之盡力弗迨日夕以繼之民疲弗堪右尹子革夕王謂之曰臺其崇矣夫對曰臺則崇矣臣懼王之國其

日蹙也夫土者臺之基也民國之基也今王徒知積土以崇臺而不

知養民以厚國是崇一臺而隳一國也王弗聽臺成而及於難楚王好細腰後宮希寵幸者咸約食以效之餓死者相藉也子深悲

之夫寵幸者身之榮也身死則寵幸何賴焉彼婦人之知宜不及此也世之名大夫位卿相者類皆徇君之欲君悅佞焉則已詭譎而為

諛君好爵焉則已墨墨而為昏此無他誠欲固其寵利也而不知卒償其國以及其身亦足悲夫

燕人有善奕者國中無與為敵趙使之燕聞而欲觀之請諸燕王

召之且召其次善奕者與之角適次善奕者病焉求而得其下數等者既至善奕者之心甚愧之若無人置枰布子惟手是應弗屑計也

下數等者備備焉為慄慄焉熟思而審計惟恐其失之也終局而善奕者折焉君子曰事之不可不慎也如是夫夫奕小數也善奕偶弗慎

反取敗焉而況於將三軍口兵柄者其可以小敵而弗慎也哉

惠子與客觀魚濠梁之上人魚相望也投之以黍其來盈車明日復往觀焉魚潛而弗出惠子怪之客曰子之來也意未嘗在魚也今

而美之有釣餌之心焉惠子嘆曰甚矣物之靈也夫人之機心一萌魚猶知之矧以人為物之靈而欲以機心御之哉

越人釀酒大釀下夕則鑄其戶人跡罕至羣鼠肆飲焉暴暴益聞叫喚衝突越人弗知也一夕客至中夜取酒觴客獨而往鼠方酣

飲適甚不虞燭之至也驚遽溺焉世之乘暗而盜利沽名者盍亦少自儆哉

尚綱齋集卷二

十一

造父之太行見覆車焉其轆輻相其御笑曰是所謂前車覆而後

莫甚焉其御進曰君徒笑之射嘗非夏桀矣而不知卒踐

射矣而不思改其度矣今君不以安之後之人其不噉君也哉

趙有大賈者矣所居室廬堅緻完好猶曰視其碑隤而時葺之杞梓

榱桷無不樹也棟梁榱桷無不備也常曰吾後世子孫誠賢信克任

堂構矣苟或不然後吾材棄備庶免其覆屋焉鄰之民咸嗤之既而

買沒十餘載大風雨以震鄰之屋多壞賈以有備獲免君子曰趙賈可謂貽厥子孫謀者矣使古有天下國家者能預養賢材以貽後世亦何傾危之有也哉

趙之南有錦雞焉每旦日出則出瞻其羽悅其文采揚揚自得也既

而浮于江泝順見其影睥睨翔舞裝回不能去久之眩而溺焉夫雞

惟蔽于文而忘其身之溺也人之眩于文而自取覆溺者亦豈少哉

靈邱之鵲與上林之鳥相遇乎丹穴之山鳥謂鵲曰吾與若形質無大相遠也音響未至遠絕也胡若鳴則遺人之喜于輒違彼之怒也鵲曰是固然爾夫子之鳴先吉而示之微故人喜焉子之鳴未凶而告之咎故人惡焉子不聞夫夏癸商辛之廷乎蓋廉惡來詭譎而則悅龍逢比干蹇蹇而爭則殛矣子何知之晚也鳥不憚復相與諸鳳焉鳳曰有是哉子所謂不惟其時而自取焉者也昔子當舜之時嘗一儀焉文王之時嘗一鳴焉千百年間子特一鳴一見而已今子不惟其時而聒聒焉日號諸人何往而不逢怒也哉

鼠鼯鵲說

物之反常者雖小足以致異非偶然也以鼠之微而能斃夫鵲焉本怪矣哉夫鼠陰類小人象也鵲素質皓日有廉潔之象焉豈其有廉潔之士為小人所中傷乎雖然彼亦處汚濁而僅能自潔者爾然有羽翼而不能高飛遠舉斯其所以致害也與

詩叶韻辨

尚綱齋集卷二

三

音韻之書古未有也非古無音韻也未開有其書也赤子生而五方同音其本然也長而變于時俗其習然也然閭巷小人妾婦孺子見于歌謠者初未嘗變也自沈約撰四聲韻壹以當世之音為主正音于是微矣然古之載籍具存識者尙能辨之口正宋吳棫復取古之正音變於今者為叶韻焉者不待叶也唐陸德明釋羣經間有叶韻之言未敢的為之名也陸氏猶未足徵也漢鄭康成為詩箋其名物度數音韻之說詳矣誠有之則鄭氏言之矣鄭氏亦未足徵也齊魯韓三家以詩專門三家未嘗言之也不寧惟是子夏親傳聖人之經其序詩也有曰情發于聲聲成文謂之音音韻固重矣誠有之子夏寧斯而不以語人乎子夏猶賢者也三百篇親制于聖人取其善惡可為勸戒者以訓後世曾謂音之不正而聖人不刪正之乎然詩猶非聖人所自作也易之爻象皆出于聖人其韻語猶詩也今古觀之秦漢以前載於竹帛者皆可考也東都而下音漸不古沈約已承其誤吳氏纂之弗精不強名為過矣不然則先秦古書若天明慶行之

屬無一語作今韻者是其非較然矣夫又有音韻者猶弗之能察則無音韻之可考者又可既耶嗟夫聖人之大經大法載諸方冊後世所當明辨之者亦宜多矣人不之察顧屑屑乎音韻之辨亦未矣雖然行遠自邇登高自卑古之明訓也若夫遠且大者其難思也竊有志焉

傳

瑛生傳

瑛生者蓋太公望後人也始太公釣渭水得玉瑛放生因以為號焉生少時游心同學漁獵載籍亦有志釣取當世功名會天下多故遂脫畧世務放浪山澤間垂綸終日弗設釣餌志不在魚也人或疑焉子聞昔之有志士多隱迹屠釣間生豈其人耶

贊曰昔嚴子陵披羊裘釣澤中庸常人爾及其動星象歸江湖抗節當時流芳後世遂與許由務光爭烈矣使生有志于斯豈下古人哉

趙立道傳

尚綱齋集卷二

三

趙立道者故宋宗室諸孫也家素饒于財立道幼即簡靜寡欲居常弗御酒肉年四十復屏去醴醬甘脆之味日噴德粥兩杯盛夏未嘗揮毫不潔沐者亦三十年客至輒促席清談或終日忘食晏如也子聞至蒲陽嘗造其居立道時年幾七十矣雖攻苦食淡風神秀拔氣貌脫澤子甚異焉嘗聞空山窮谷中其人食淡寡欲壽有至百數十歲者然皆山澤之隱立道豈所謂養勝而肥者耶

贊曰老子有言五味令人口爽世之嗜甘脆而獲醜壽者多矣聞立道好神仙則道之出口淡乎其無味者立道其有得於是乎非耶

貞烈姜女傳

貞烈姜女寧者越金華邑人也姜故邑大家以賞雄鄉閭間子姓姻黨率以華侈相高寧獨尙質素居常紡績足不踰閭闔其母憐之每曰妾勝幸不之毋自苦也寧曰聞女之職業以麻桑絲繭為事竊自樂之無苦也聆請讀論往往習知其大意戊戌冬兵入郡城母挾寧暨諸女同避一室兵猝至徑前待寧欲犯之寧目其母及姊咸出而

抽兵佩刀自到兵不意愕眙大呼他室兵皆至曰此貞烈女也嗟哉
者久之子與姜同門知其事為詳懼其久而湮沒無聞也竊取春秋
傳信之義為之傳云

贊曰昔劉向傳烈女取其事可為勸戒者以貽後世若寧者豈不足
為世勸也然世之業載籍莫瑣祖者或不知出此開寧之風亦可少
愧矣

褚虛白傳

褚虛白字曼卿會稽人也以文墨顯其先有褚先生者與中山毛穎
弘農陶泓絳人陝元相交善事見類傳虛白惻惻無華不事先業病
時狹薄務崇寬厚弗拘邊幅之行時郡守有卧護淮陽者召參帷帳
虛白廉隅修整處置周密人莫窺其罅隙守得以高枕無事先是居
臺閣者風稜嚴厲郡邑冷官夙夜弗遑温席往往以病在告賴虛白
調護獲終更者甚眾性和易與人交不為翁翁熱人自以為坐春風
中然素昔質外若不可測而中實能容物亦不以顏色苟媚於人同

何絢齋集卷二

五

條金張羅章方貴幸用事出入卧內比周蒙蔽虛白嫉之未嘗與接
後大會二人者侍姣服華麗一坐風動虛白屏退坐隅迥若無人歎
曰吾乃今知炎涼之世態哉因自解免未幾守坐事罷金張羅章相
繼辭去抗塵走俗容色銷沮惟虛白不易其素云

贊曰自竹帛道廢古之載籍賴以弗墜者褚氏之力也虛白雖不學
無文然能世其清白不為市道交是亦可尚云

墨君傳

墨君其先蓋出孤竹氏孤竹氏有國當商周間子孫代以貞節自守
厥後有居淇澳者事衛武公詩人美之漢興滑川諸族尤盛惟墨君
之先無聞唐元和中協力蕭悅始物色之至宋而文洋州同狀其志
節其名遂著君少有奇氣恆欲樹立功業垂名縑素然質性耿介不
能與時俯仰方他族貴盛起家釋褐紆服青紫者布列中外君未遑
焉家徒四壁每清風時至結月在庭悠然自得不知形影之相忘也
蔡期蕭散人一見之則鄙吝之心俱盡亦可謂有德君子者聞其

世亦仕嘗精墨綬故子孫因以為氏戰國也有名墨者又一墨者
非其族云

贊曰孤竹國自夷齊克讓中子嗣有其國其後支庶皆有分地惟墨
君無茅土說者以為別出管城裔云

連華傳

連華其先萍鄉人當司馬氏之時有主浮屠之社者一時士流之所
欣慕子孫世以清白相承焉華蓋其後也華之生也其父以奇偶之
數筮之過坎之比曰是謂比其首克昌厥後子人同心屬乎重陰出
汙而清處幽而馨其澤中之英乎既而華與其弟實俱生為總角聯
居篤同胞之義中道而立不能與世浮沈病時之險薄也尤尚交道
傾蓋相遇至白首而不渝元和中使者採訪河間聞華之名舉而薦
請朝昆季相繼脫白俱宦于陳之澤陳習其水土遂終老焉兩房諸
子尤苦心于學治長年術亦見齒于人厥後有顯于濼洛者蓋其族
也然予不能物色其人故未暇詳其世系云

何絢齋集卷二

五

贊曰連華昆季當波流橫靡之中而能卓然特立直道不倚可謂君
子矣嘗聞其支庶有別為何其生亦著然未聞有連理者周成王之
時有合穎之禾產于唐又一農家者流非其族

鞠元傳

鞠元魯人也其先蓋黃華之苗裔當戰國時有名英者為楚三閭大
夫之所齒至漢而南陽諸族始盛晉末有家榮乘者重為增飾魯士
所採擷其遺顯于世元之生也實有異焉其母管城氏曰嘗游墨池
感而有娠厥父以元經筮之曰黃中通理金復于水母願厥子童烏
之祥奕葉其昌太元其有光及生狀頗而鞠故命曰去素業貧無立
業之地寄迹褚先生家時宗人競以黃白術顯賓客駢從雜遝旁午
元環堵蕭然晏如也迨諸族凋謝元歸然獨存性沈默不以寒暑榮
悴一變其色當道貴人或館致之尊諸座右既而久弗見及載召衣
冠垢弊因拂拭之笑曰君非出塵之器邪對曰元所謂抗塵走俗者
遂自免歸君子謂元合卷舒之義矣以時進退適世無聞其知道者

哉

題跋

題澹然齋卷保宅馬仲涼雅性恬淡嘗出仕與有疎矣既出處之宜也故假辭辭以贊云

澹元亨利幽人之貞象曰澹淡也險而止平潤柔外以正剛中而應是以元亨利幽人之貞也象曰澤上有水澹君子以薄于自奉不願乎其外初九澹其趾素履貞吉象曰初九素履積德基也九二華其衣裾中心泊如匪吝象曰華其衣裾行素位也泊如在中志舍外也六三澹其服赤芾在下雖榮弗處象曰赤芾在下義弗處也六四玉帛几几賁于其里象曰玉帛之賁嘉尚志也九五勺其元酒挹之用缶匪兕斯貞象曰元酒用缶以饗帝也匪兕非擊明德為貴也上六端冕戕戕章甫之加君子是宜象曰章甫在上高不危也

跋王氏家藏頌畫

右仙都王公頌畫一通蓋南北否隔時也今觀其所取武侯而下論

何綱齋集卷二

策凡九條亦海寓未一之世也公之意概可見已惜其厄于下僚而弗施其子魯齋先生栢棹先志之弗伸也裝潢成卷以貽後人百年之間先達名公論贊相望所以發公之孤憤而惜事機之失者誠可為流涕也夫有志之士失時與位固足深憾其得時得位懷於寔安奄然無志者尤足恨也嗟夫聖人之大經大法布在方冊舉而用之亦在乎人焉後之覽者其尙有感于斯

跋米元暉畫

古人論文多貴自然而巧麗不與焉豈不以雕琢者易工而渾成者未易以力致也今觀元暉畫其殄文之渾成者歟然人之所好不同譬之五味各有攸嗜則雕琢者亦未可廢也君子欲知其入觀其所好可以得其人焉

跋宋官階

陳君仲文出其先世官牒示予宋咸淳初元所授也時賈似道秉政國步斯口又十年而來收物矣咸淳距今百有餘歲而斯牒墨跡尙

新夫有國者信任非賢猶弗克守以一語之微有子孫焉乃流傳今其可感也夫

跋宋理宗御書後

有宋理宗賜其臣劉摯詩令其繕寫唐人詩以進且有志貞觀開元之治其欲治之心可謂勤矣然帝王之學不在是也二典三謨說命之書帝王之學備矣若詩之為用蓋以示美刺垂勸戒誠有志于是周宣車攻六月之詩非當時急務乎舍而弗論願肩肩平貞觀開元抑末矣雖然誠有房杜姚宋之臣為之佐則貞觀開元之治亦未易少也等而上之唐虞三代帝王之盛詎非時君所願欲哉惜乎當時之臣不問為是言展對遺墨為之慨然

書鄭氏孝義卷後

易曰父子兄弟夫婦而家道正孟子曰人人親其親長其長而天下平此人道之當然也人孰不知而莫克盡之者私欲蔽之也然有一人焉能盡其道有一家焉能行其道則世必爭稱譽

何綱齋集卷二

之稱譽之不足又從而頌歌之猶以為未足于是相率列其事於邑若州州邑侈吾民之有是也聞之大府大府加禮敬焉上之方伯連帥以達于朝廷焉由是朝廷舉褒旌之典下錫復之令且登其名氏于太史誠欲以風厲天下也夫以一人一家行其當然之道而鄉黨知好焉州郡知禮敬焉天子加寵異焉亦可見人心之所同然矣然而四海之廣郡邑之繁未聞有一家一人興起焉者其故何哉徒知好之而莫思返躬效之也浦陽鄭氏聚其族同居九世矣其父子子夫夫婦婦親親長長之道無一之不盡焉人美之則曰吾行其當然之道也事聞于朝亦既加寵褒矣凡名公巨卿俊民秀士所以鋪張德美激揚風誼者炳耀簡冊亦未聞有一人興起焉子與鄭氏居同郡誠慕其義而樂效之者願以門衰祚薄事與志違竊嘆夫世徒好之而莫思返躬效之也嗟夫自大學明德新民之教不明誠意正心之功有愧宜乎脩齊治平之效不古若也向使長民者誠悅鄭氏之風反求而明其明德以新吾民則孟氏親親長長之效豈寒我哉

百爾君子無徒好之亦允蹈之

書鄭仲涵文集後

木之本深者其發必茂水之源遠者其流必長人之積學有禮義為之本則其放焉而為文也必肆而昌浦陽鄭氏同居九世矣其子孫往往行立而言揚惟仲涵氏生而孝友宜其學問日就而月將深藏厚積不施諸用其所表襮僅見于詞章連篇累牘根仁本義皆其日用之常故其切于世用如菽粟布帛異乎文縉之與膏粱嗟嗟若人今也則亡三復遺編有涕浪浪後之覽者尚有以知其人而弗忘

書姚節婦傳後

始予讀五代史觀王凝妻事未嘗不為之感憤激烈竊獨怪夫五十年間亂離相尋貞女節婦宜亦多有然見錄于史氏者一人而已將世衰道微人不知有禮義故邪邪抑處乎卑下不能自達于當世湮沒而無聞也發為禮義之邦閨門之教豈非他郡所可倫擬戊戌之變死於節者蓋以十數予所審知者得四人焉今觀李君宗表所傳姚

尚絅齋集卷二

五

婦李事信鑿鑿可徵其他獨吳節婦謝嘗見紀太史宋景濂氏若妻女寧方婦李者其貞烈亦可書惜予言微不足傳信後世姑附見其名氏於此嗚呼禮義不明久矣以予今之所聞見猶不克傳如此則五代亂離其不可傳者信亦多矣不然豈百年治平之效吾婆禮義之邦要非五代所可及也與

序

送徐進明序

天下多事志士之幸而民生之不幸也夫志士非幸天下之多故也非其時則無以見其志士焉昔者三代而降天下多故無甚于戰國與午之季而志士幸遇亦無甚于斯世然當時生民塗炭為何如哉是則志士之幸誠民生之不幸也然非志士無以靖天下則志士幸過生民亦與有幸焉海宇混一以來垂八十年晏安無事尚志之士偃蹇于山林巖穴之間沒世無聞者曷可枚舉視當時羣生咸遂幸莫大焉承平寢久兵燹更紛變起不虞因以飢饉戈戟蔓延半東

故世之志士往往獲袂奮臂日趨於功名吾友徐君進明亦有志焉進明早業進士不得志于有司體親老不遠祿也將東走憲臺于王公大臣以發其志以就其功名歸以為親榮同游之士既歌以贈之且徵予序予既傷天下之多故重懼斯民之不幸且嘆志士不世遇也聊于進明焉發之進明其懷乎哉毋以得志為可幸也異時殊禍亂者幸出于志士俾民生亦與幸焉則吾有望焉爾不然則居易俟命豈非志士之上策也哉

送王明府序

金華為邑不過百里而山谷居其什之三故其地類多磽瘠而鮮肥沃在宋嘉定間經界制行郡以邑居近郊其科賦視他邑恆數倍而邑于是始病邑之為鄉東西各六慶雲僅郡城西南負山枕溪高者多剛燥而卑者附砂磧無大陂澤以蓄水加之土性善洩雨稍不時則黍稷無子遺然其稅畝視隣壤反贏焉以故其田多蕪廢不治里胥歲代其輸至破產者相繼歲壬寅建業王君與宗來宰是邑披圖

尚絅齋集卷二

序

考賦思有以更張之屬兵興事殷未遑遵革乃取一邑科調之外等其地里而高下之由是茲鄉之民獲少紓焉民方仰君以漸剔宿弊而君魁任南昌將戒行鄉之士民感君之惠謀所以頌君之德美者相與徵言於予予謂君之惠利非止一鄉而已也而是鄉之民獨感之深蓋自嘉定迄今垂二百年其賦也屬民非一日矣前後長是邑者非一人其視民之困苦漠焉若秦人之視越人肥瘠也今君獨有志于是其賢于人也遠矣其惠利之及人也深矣宜其民之思德頌美而弗忘也惜予言微不足為君重姑記其事之梗概以慰邑人之思且俾後之長民者有所取式焉

送沈樵雲序

天下之物其可欲者必有累乎人者也然物非能累夫人也心蔽于欲而不能自克焉爾今夫南金寶璐大貝文犀其為物非切于世用者也然世之欲之者甚於菽粟布帛焉彼其飢不可食寒不可衣陸不可以載而水不可以航也然世爭欲得之者以其能充夫欲也欲

之者其則其物不足以應世之求其勢必至於兢兢而巳不至至
操矯度不厭也吾懼夫世之競之者未有紀極也然人之生有
耳目口鼻心腹四體固不能無欲也苟不節之以禮閑之以義則必
沈浸陷溺肆焉放決不至于淪胥以亡不止也夫南金也寶璐也大
貝也文犀也飢不可食寒不可衣也陸不可以載而水不可以航也
有目有耳者皆欲見而習聞之也然而競之者雖沈浸陷溺淪
胥以亡而弗悟也夫鈎吻鳥喙野葛鳩羽非病狂易心者皆知其不
可食也今有目有耳欲見習聞甘心于沈浸陷溺而弗悟也夫鳥兔
而喙仰而四顧默深居而簡出誠以慮夫患也然而卒入于羅網投
于陷穽者欲誘之且昧于不知也豈以人焉欲見習聞甘心于沈浸
陷溺而不悟也武林沈樵雲素執蔣之習為黃冠師彼其有見于此
者邪夫雲之為物無心者也固非世之人所欲也世之人所不欲而
吾取焉則不至于爭競而攘奪矣不至于爭競攘奪庶其免于果乎
樵雲將有四方之行持是卷徵子言子方懼世人之胥溺而不悟焉

尚綱齋集卷二

至

喜樵雲之有見于此也故書是以贈之樵雲名某故巨室子也生而
厥紛華其後泊蓋素志云

送林子山歸浙西序

道在天地間未嘗一日忘也其本具于心其用見于君臣父子夫婦
長幼朋友之常其理易明也其事易行也太古之世民俗熙熙耕鑿
作息莫知所為有聖人出因民固有而開導之使合乎中于是君臣
父子夫婦長幼朋友咸得其常然古之道著于德而施于事功故其
理易明而事易行後世道不行而託載籍以傳六經羣聖人之書是
已嗚呼聖人之道不行託諸空言以傳其亦不幸也已雖然使無六
經載道以傳後世則人之類不倫于禽獸者幾希嗚呼吾猶幸有六
經之言載道以傳後世俾人知求之而君臣父子夫婦長幼朋友之
常不至于大失也然自孟子氏子沒聖道言理一晦于異端之充塞再
晦於漢儒之附會韓愈氏特出于千載之後著書立言排斥異端雖
聖人之道不大行于時然學者由是知宗孔氏黜異端迨夫濂洛諸

儒一出數闢正學六經之旨粲然如日星麗天有目有識者咸知敬
而仰之入之所以不淪於禽獸者庸可不知所自乎是則聖人之道
雖不大行于時猶幸六經之言載道以傳後世謂道不藉言以傳不
可也吳興林靜子山有志于道者也不遠數百里竭蹶來金華問道
于葉儀先生范幹先生之門先生蓋學于文懿許公而得其傳者也
許公之學等而上之四傳而至勉齋黃公黃公則受業考亭者也其
師友相承可徵不誣子山之來也豈徒慕其名而已哉亦將傳其言
以淑其身歸而推及于人人吾見考亭之學將大行于浙河之西也
昔漢丁寬學易田何業成東歸何謂門人曰易以東矣子山之歸也
則吾雖謂考亭之學必大傳于浙河之西亦宜也子山博學工文辭
故予推本六經載道之說與夫濂洛諸儒所以闡明夫道者以明之
庶後之人或能因其言以行斯道則唐虞三代之盛于是乎在孔子
曰大道之行與三代之英某未之逮也竊有志焉嗚呼豈特今為然
哉

尚綱齋集卷二

至

黃山采藥圖序

新安汪山人賣藥金華市中人往往稱道之聞驢門告子曰某自幼
抱奇疾嘗遊黃山遇異人授以服餌之術而疾良已由是往來山中
山素多靈藥聞昔黃帝與容成浮邱合丹於此竊有志焉每風晨月
夕荷鋤携筥窮歷幽險遇有所得則攝之持之聞以藥人口獲奇效
茲來金華好事者繪而為圖不鄙見貽先生幸賜一言為之鍼砭焉
予惟天地之間生植蠢動無非藥者願所以用之者何如耳姑以一
草木論之其根莖柯葉用各不同矧有老者稚者細者巨者脩者短
者昂而養者偃而伏者其所性既殊其可徇其名而概用之乎不寧
惟是也世固有以偽易真者鈎吻似黃精杜衡亂細辛蛇牀類藤蕪
又可惑其形似而一其用耶昔人嘗以良醫方良相矣予于是而知
用入之道焉夫人之才品萬有不同世果能不任其才而當其用乎
君子小人述有疑似苟不審其真偽而進退之未有不為蛇牀藤蕪
者也因山人有請偶論及此遂書以贈山人名某字景榮其先世嘗

有德于郡人子孫迄今蕃衍云

宋太史新集後序

鄉先生太史宋公早以文章著名當代其文舊有前後續三集行于世晚際維新之朝薦口載筆所以潤色鴻業登載動庸者別為十卷命曰新集臨川黃公昭嘗為題其端會先生得告歸金華間以示其俾識其末冀惟先生之文志古道者也古之道斯行諸今古之人願不可新諸今乎兵興以來古道寔隱先生首翼文軌黼黻新運凡王業肇建內脩外攘文事武備咸加纂錄舊典新制蔚然可觀昔陸賈述古今成敗爰著新語桓譚考當世行事厥有新論其視昔人蓋兼之矣年幾耳順好學靡倦六經諸子史傳讖緯百氏之言蒐羅剔抉自成一家其于著述之功方日新而未已也冀于先生無能為役過承獎誘于茲有年竊自結髮讀書知尚古道思附與居舊矣第涓埃之微罔以增崇丘山益浚河海而餘波所及承潤良多詎容接魚目于夜光並砥砢于結綠珠玉在前道形瑕玷固辭不獲因題名末備

衛綱齋集卷二

送金中孚序

庶幾異日昌黎之門或齒籍焉云

送金中孚序

自阡陌開而兼弁之患生寘興廢而遊說之風靡士生斯世其亦不幸矣哉昔者成周盛時有井田以贍其生有鄉舉里選以與其賢者能者故士窮居有以自養達斯見用于時何其幸也及周之衰諸侯擅制井田廢則豪強得以兼井而士始無以自存選舉廢則賢能弗獲進用而士始無以自達于是連袂接軫游說天下以口舌劫取爵位以與服夸耀愚俗波流風靡淪胥墊溺至折首覆宗而不悔隄夷至于暴秦極矣子讀書至戰國策未嘗不歎夫士風之弊而又重悲其生之不幸也獨使井田選舉之法未廢則彼詎肯甘心而為是哉漢唐而降其事概可見矣兵興以來士風漸靡于懼游說之風復萌藥于此而深惕焉同郡金中孚學古而甚文誠尚志之士也惜其無田以為養無室廬以為安懷抱利器而弗克施也方且偃蹇下邑不期聞達世所謂背而馳者也間有薦之大府者傳授鄉校之經學子

于是深有望焉夫惟經學不明人徒見利而不知有義故戰國之弊是以至此極苟知有義則其所欲有甚于生者何勢利之有哉今有人焉以經學為士執事者亦以經學任之士固以經學受知其效用當何如哉予于是不能無望于中孚焉郡之大夫士率為歌詩以道其行子與中孚交相好志相同也誠不敢效回路處贈之義氣懼士民漸靡猶幸中孚以經學見知也中孚尚勉乎哉士風丕變請自君始

送鄧鍊師歸上清序

金華距信之龍虎山僅七百里漢有異人居之聞其間多珍禽異獸瑞草嘉木迨今居之者類多卓犖奇偉之士信其山之靈也僕少也有志游焉屢獲墟埃因循未果幸而居抵金華山不半舍而近是山實晉黃初平牧羊之地雲根白石斑斑可識巖岫恆屢游焉兵興以來聲聞不至山中者十年况所謂七百里外者哉去年夏鄧君仲脩自龍虎山來觀其風度信其為山中之人也因與之商畧其山川風物

衛綱齋集卷二

送王鍊師歸省親序

今年秋復會之于元暢樓相與道舊悵然念昔太史公足跡半天下而唐司馬承祿徧歷名山勝蹟僕誠不敢企蹤昔人然高岸為谷深谷為陵昔之壯麗宏偉者已不可見今之僅存者其又可必耶嘗聞山有異人曰方壺氏妙蘊胷中邱壑君之歸也幸為我寄聲倘翰山中之白雲飛以示我俾得游其間則異口入山不為生客矣因鄧君行輒疏此以致遠忱鄧君亦誠慈士名有道術者其再至也禱雨輒有應云

送王鍊師歸省親序

始子讀昌黎公送張道士序深愛其有文武長才而寄迹老子法中以養其親蓋其不以功名累其事親之志可謂知所重輕矣及方鎮搆兵乃不廢朝廷之憂詣闕獻書不報則拂袖徑歸非決于去就者能如是乎予竊怪夫世之為老氏學者未始不以虛無自高其視君臣父子之倫蓋蔑如也然而履履墟埃泐沒聲利求其能稅塵鞅解天張者幾何人哉因明南瀾王鍊師幼歲以父兄命從黃冠師北上

壯遂愿游名山博求真詮頗若有得會四方兵起喪哀異域者迨十餘歲今將假道海涯言歸定省慕吾儒之教力求贈言子謂儒者之道不遇明父子君臣之懿而已今君誠不忘倚闈之思備言遺歸奉菽水之情歎時晨昏之定省則爲子之道得矣耕田鑿井采山釣澤朝餐而夕餐冬裘而夏葛則養生之願畢矣又烏有離親棄俗絕粒導氣而可以致長生哉吾聞海上諸僊密運蓬萊子歸其有所遇矣不然則吾儒所謂父子君臣之懿蓋亘千萬世而不可易者盍歸而盡心焉

送城師序

吾娶之叢林上首子所逮識者曰東陽輝公輝公之道宏而邃其所交極天下之選如吾鄉則待制柳公侍講黃公禮部吳公成與之交子獲執經三君子之門因得以知輝公焉得輝公之傳者曰德隱仁公仁公之學介而通其所交亦當世名士吾鄉則郡博士胡先生仲申起居宋先生景濂王先生子充皆忘形與之交予獲託後塵焉今

荷鄉齋集卷二

送城師序

又得鐵關城師城公蓋慕輝公之道而受學仁公者也方仁公講道智者山中遠邇學者雲集輻輳視城師獨超等夷由是延譽叢林亟登大席烏傷金麟山者唐曉悟禪師之道場也雖鶯嶺云遠而象教攸存城師之往也必將遺述前修流風來葉今則錫飛金華之麓轅指縹湖之濱于是士林交游重惜其去且冀其道之克行也相與來徵鄙辭以申贈言冀幸迨識輝公復託交仁公師弟子間且習聞諸先生之緒論其何敢辭惟昔道林湯休見禮于安石明遠推重當時流芳後裔願子誠乏謝鮑之逸才卓識然希蹤遐躅竊有志焉因述鄉諸先達所以締交方外之題諸篇端庶以爲城師之重云

春草集後序

夫比興之述所以探六義之曠嶺百氏之英模做乎物象而據陶性情者也誠理政之本風教之基躡藝苑之衍徑涉詞源之津滙者矣粵自大雅繼書正始淪音乘柔翰者方偏乎麗縵之圖振教鐸者接軫乎紛葩之林夫其匠意立言構華鋪藻鍊形月露馳情魚鳥聞海

岳之高深軼雲霞之宵妙誠足尙已若乃比物寓興激詞寄聲誠意遠平意表美刺綵平人情規以攷政治之得失關世運之替與時則有若春草集者焉春草集者蓋源乎比興而致文乎綺縠者也惟昔靈運凝思形西堂之幽夢文通惋別流南浦之瓊詞雖藻繪稱工而比興乏體僕自卯歲卽尙斯文鑽研百家殆垂三紀徒徇官辭之未罔窺理義之歸今則觀佳製而視願聆希音而心醉雖欲企蹠遐躅其道無繇緘復襲執後塵措辭末簡云爾

春草先生誄辭序

某年月日春草先生宋公卒歲星告徵少微掩耀松巖輟響蘿月籠照先是世道下降隱德中微莠汝上之高風踵終南之捷徑是以周生習隱孔氏獻嘲樊子虛聲漢廷議議先生夙抱高尚蚤企元蹠履公志樂于耦耕向平期畢於婚嫁潛德靡耀嘉運終身子惟席珍道光朝署右史職記言之重東朝推典學之尊九重加恩千里歸親兼金屢銀于疏傳輪車特寵于桓榮篋賁萊衣家榮芝製菽水甫墜于

荷鄉齋集卷二

春草先生誄辭序

愛日風木遽感于終天吾道興墜士林胥弔昔伯喈致哀于有道靖節見諫於延年異代同悲殊音共嘆伊予小子邈迹先塵縹碧山而引懷睇白雲而披涕式稽禮典爰述諫辭
諫曰啟寶王室胙土受封玉座駭國蔚爲詞宗宏登三事均顯九重矯矯合名人中之龍嗟惟先生奕世高蹈方駕嚴鄭追蹤夷皓漆園養恬蘇門長嘯丹霞非高白雲同轍道輕軒冕志樂邱岑邇風解佩望雲投簪元酒寡味大呂希音篤生合子時惟國琛三金娛親百年愛日掛冠遺歸安車寵錫榮謝列鼎權逾捧檄時時經悲蓼莪貽感嗚呼哀哉在昔太邱海宇赴弔亦有考叔錫類稱孝倚歎夫子異代同調生榮歿哀年高德劭元關暫闕泉臺永扃松月夕墮蘿露宵零表石樹道新宮載銘小子述諫太史是徵

贈醫者序

天下一郡邑也一身一毫髮也善規天下者視一郡邑而天下可徵已善察疾者視一毫髮而一身可候已故以一邑之旱一郡之兵未

是以亂天下也而禍亂之漸則自此始一毫之損一竅之滯未足以病一身也而疾病之萌則自此始善相善醫恆于是焉慎之方朝廷又安四方無事下邑或水旱焉州郡寇異焉弁冕增委者優游廟堂之上不日水旱天數則日風竊狗偷不足恤也大官未至于肉糜糜城不接乎烽燧曠時引歲日銷月鏹不知天下已不可為己人當壯武之時元氣充盛雖一毫或有損焉一竅或有滯焉彼其動作起居未異平日不日髮膚之微則日瘡痍之疾毋庸憂也飲食不問乎慎節精力未至乎衰憊浸淫荏苒氣血潛耗不知是身已不可藥已是非皆不知防微杜漸未能謹乎內而遽忽其外者也昔之治天下者未始不重內而輕外不知四方之費亦朝廷之漸也治疾者未始不急本而緩標不知瘡痍之萌亦腹心之候也使朝廷處置誠得其宜則四方之費無自而起腹心樂衛不失其調則瘡痍之證曷從而生吾故曰郡邑者天下之微而毫竅者一身之候也同郡吳仲祥以治瘡活人垂三十年子竊怪世人類忽瘡痍之微而不虞其為害甚大因

金刺齋集卷十一

三

論天下之事有類于醫者故因以贈云

拙齋記

天下之物巧拙相形而拙恆勝于巧非拙工于巧也拙得天而巧寓夫人爾昔者宋人刻玉楮三年而成一葉巧果何為哉離朱弗能索遺珠顧象罔得之拙果可廢乎同郡陳國光蚤精畫學而以拙名其齋居或可疑焉予謂不然夫拙不足而後有巧巧者拙之靡也嘗試與子因畫而論之自必儼造書契而畫存乎其中矣今觀山川之文而梳峙之形賦焉日月之文而盈虛之理寓焉草木之文而萌蘖之情具焉魚鳥之文而飛潛之機著焉何所容其巧乎去古遠道人僞日擬昔人謂畫莫古于篆籀自一變為隸楷再變為行草而拙不可見矣子亦謂畫莫古于林壑自一變為花卉再變為蟲鳥而巧不勝既矣今君寓名于拙庶幾有意于復古者哉雖然未足以言夫拙也蓋于幼嘗學嗜書習之累年而罔知措其點畫比壯復嘗學琴亦勤之彌月而弗能布其指爪故凡天下之拙莫于若也以君之意匠

經營動有天巧拙云乎哉然聞古有大巧若拙者君之拙其殆近是乎子將抱拙終身竊喜君之有志于是也遂為之記

雪蓮記

人之于物可寓意而不可留意焉夫人亦天地間一物爾苟凝滯于是物交物則引之而已矣昔者劉伯倫之寓意于酒阮遙集之寓意于屐其迹似曠達其中實留于物也君子欲玩物適情當于是辨之武川徐允恭早歲遊遊湖海間玩雪蓮之趣而有得焉既而惜其境之不常在也歸而繪諸圖以寓意焉予謂是境在天地間固不能以常在而亦未嘗忘也昔子家雙溪上每江空歲晚積雪皓然孤蓬短棹交錯洲渚間意未嘗不在是也信宿之後則平沙斷岸已失故態于是境與意相忘久矣然而每一見之意亦未嘗忘也今君之為是圖得非留意于物乎雖然楚則失矣齊亦未為得也自子落城府向之所寓意者不特忘之而遂不可見矣嗟夫濱海浩瀚風波不時意者君無出為濟川之舟楫願乃自放于荒煙野水之濱其將蟬蛻于

金刺齋集卷十一

三

汚濁乎抑將浮沈于斯世也吾聞昔人藏舟于壑夜半猶為有力者持去况皓皓之易汗耶吾懼或者技圖索驥則子雖欲為絕壑之虛舟不可得已安得與子載太古之雪汎無為之波以浮游乎太素之

天乎

尚綱齋集卷一

尚續齋集卷三

南行集

明 董真 撰

續金華書

五言古詩

通洞庭

嘗聞楚身交積火之所傷我來當五月雨過百川會
信無外日月互吞吐風雲時時變南北斯界限江漢相
與曷能孤忽風雨快平生獨往意願覺空眼界孰云吞
芥蒂行當登日觀一覽瀛海外

夜雪簡王雪舟

見時不識愁見雪喜欲顛長大願不喜所望在有年
乃憂思煎一身去鄉國道里遙五千北風昨夜起積雪
美圖際不到蓬窗前頗聞王子猷夜泛湘江船豈無戴
安道掩關方

十言古詩

付胡齊集卷三

送胡琪之高陽

花歸流水下雙溪遙遙百里西南馳北折蘭皋復東
下路金華山色年年青年年來相送迎我家金華山色
飲雙溪水去年送子作賢良握手一笑溪水傍今年我
近錢塘復相送錢塘江上三日留送子又登江上舟富
里江流猶是雙溪水我今暫別行當遠扁舟遙過富春
江酒同出春風開笑口百年歡樂能幾何一年春色成
子亦作歸計衡門待子重相過

謁卞將軍祠

風馳雲擾塵中原五馬渡江江欲渡關中帝子已北狩
南奔新亭英雄相對泣國體艱危僅能立姑孰甫見樓
關輒入江左夷吾身退高廟重臣劉與刁幼君母后等
身風伏先通逃將軍精忠貫白日氣吞餘子前無敵身
人此身不知知有國二子從父身事先父前子後同九

誰不死一門忠孝今千年六朝往事隨流水將軍至今猶廟祀世間
萬事等飄風只有忠孝傳無窮

過安慶謁余忠宣公祠

舒州城小如堵牆舒州城外皆戰場遺民千百多殘削官中况復無
條糧余公東來植綱常民心險固踰金湯開門四野煙塵黃青天白
日騰虎狼公執忠義為鋒健追奔逐北如驅羊羣盜出沒猶披猖
屯蟻聚稱侯王孤城屹立當中央羽檄徵兵驚四方援師不至振復
僅此身真與城俱亡罕室效節沈槍恨聲名日月齊輝光新朝褒忠
勳貞良作廟秩祀嚴蒸嘗平原唯願過相望雲車風馬參翔翔我嘗
拜公制水傍綉衣玉節何煌煌今公道像傷在堂九原不作涕泗滂
秋菊春蘭薦馨香歲時奔走來巫陽江水日夜東流長遺民千古心
弗忘

過賈太傅廟遺跡

洛陽年少古希有誰其薦之河南守聲名一日傾京師漢廷無人出
其右是時天下方治平朝廷納用皆老成惟生新進談世事開口尋
落令人驚流涕未已復太息釋纜人豈相嫉不愆不忘循舊章注
合紛更果何益一官迢遞來長沙承恩又看梁園花疑薪薪上痛時
美屬鳥賦成悲日斜當時未識治安策宣室何勞問前席漢家禮樂
興百年身後時方用儒術武皇銳志追古先待詔金馬非才賢使生
當時偶未死致治三代良非難我聞古人任黃耆大器由來晚成就
舉世皆知非漢文惟我獨憐生不壽空山落日寒煙昏千年遺廟無
復存荒庭古井久不食寒泉一勺料芳菲我生已是千載後老去惟
知懶開口致身富貴須少年獨立乾坤重播青

讀磨崖碑

昔年看稚頗好奇先達示我磨崖碑是時未識六書故豈知中有千
古悲踉蹌塵世逾半百鏡中白髮看成絲劫來薄宦向南紀葉舟夜
泊清湘瀟道旁巨石屹干仞舟人指此為磨崖呼兒篝火徑登岸草
樹叢密無旁蹊圓舟終夜四五起何規清溪聽晨鐘遲明攀援涉巖

湖石燈灰足難階梯平生兩目久昏耗大字盈尺無由窺粵從少小
偶讀意口占夢想心追維乃知天寶全盛日真安敢毒鐘前危華清
十月車馬集滬陽一夕煙塵飛馬嵬倉皇六軍發靈武倡亂于官隨
傳從人望計良是不稟君命禮則非三綱盡失開國日萬事寧論叔
世時翠華東還吳天意白首西內非人為關豈竟一籍國柄化雞幾
再鳴官關向非奸黨自魚肉禍患正恐無時衰中興功名屬李郭致
治政績漸舉衰藩鎮侵尋事偏強朝廷姑息惟鴉腐唐家由此訖不
振百年禍亂基于斯運來涉世六百載當時有物無一遺高崖峭壁
亦消劫大字深刻生痕厥古今幾人此游歷賦詠往往與嘆咨豫章
歌詩明大義鷹隼作賦推事機人情天理兩曲盡嗟我欲詩難措辭
江風東來飽帆腹舟人告我行路遲攝衣登舟亟就枕回首百里浮
煙霧古來變故亦何限胎厥事業須良規周宣一去不可作三復常
武軍攻詩

題梨園小童

何綱齋集卷三

若不買昔年天寶全盛時梨園玉雪千萬枝君王夜入月宮去後庭
愁鎖千蛾眉銀橋閣道相連屬十二闌干倚寒玉歸來不意天上游
獨記霓裳羽衣曲沈香燕坐清夜長流蘇帶帶懸明璫一百五日寒
食節二十六官明月香阿瓊睡足嬌無力夢繞巫山楚雲碧六花散
作晴雪飛落地瑤華曉無迹漁陽一夜飛邊塵六龍萬里天西馳馬
鬼腸斷埋香玉蜀道天高空白雲東歸坐歎年華暮迢夜復漫誰與
度梨園子弟生白頭滿眼新人不如故爾來此恨六百年花開歲歲
春風前乾坤舊事逐流水畫圖却向人間傳半幅齊紈紗蕭瑟拭眼
春風香霧濕當年畫史知幾人恐為君王寫無逸

題梅溪

我昔雙溪溪上住手種梅花千萬樹門前流水橫小橋屋後青山更
無數醉來放舟溪上流青山處處隨行舟十里春風落香雪一溪雲
影如浮鴨年來作客向荆楚夢中猶記來時路披圖不省是他鄉在
欲尋舟便歸去溪光山色殊有情梅花夾道遙相迎南枝昨夜報春

題丹邱生兼簡金華士友

吾聞赤城之東丹穴山上有株樹青瑛珩蒼麟白鹿共馴馴屬五
彩停鳳鸞瀛洲圖囀在咫尺瑤臺銀閣青雲間邇來人世竟寥絕青
鳥久不來塵寰前年衡岳竹多實鳳雛飛來相石壇朱陵洞深溥雲
無華蓋風高秋月寒三閭廟古江蘚碧二女祠荒湘竹斑頗聞楚
又清瘦刷羽夜渡滄江灣滄江東望雲臺海寶城石壁高噴噴赤泉
出穴味如醴瑤草青青冬亦著九苞鳳羽久相連碧梧翠竹交檀欒
東歸幸謝赤松子千歲元裳當復還

贈丹巖隱者

吾聞丹巖東有丹巖山青天削出青屏顏丹梯百丈不可到仙人
以真其間丹成仙去已千載至今草木餘清寒我來覽古訪陳述石
磴仄足難躡攀上有撐雲柱日之香松下有懸崖噴壑之驚雷幽林
野鳥作入海陸洞或有蛟龍蟠何人結屋倚蒼翠抱琴松下聽潺湲

何綱齋集卷三

乃是丹巖仙人老探子少年早脫名利關祇今五十如葛子雙鬢
黑顏渾身門前種桃穠春酒屋後黃獨供朝餐野猿有時來獻果木
客賦詩常往還留我石上煮春茗松花落地要斑斑我家全華五牛
星失身作客天南端微書昨夜題歸興某舟徑下湘江灘去文館深
難量足神武門高直掛冠山中草屋幸無恙拂衣歸共浮雲開明年
花開倘相憶把酒北望與長嘆我書欲寄無馬過少待遠鶴東飛還

水車行

水車行 承州水車不假人力分送諸溝可以
兼農水車風作輪緣江夜響聲空雲輪盤圓圍徑三尺水聲却在風
輪上大江日夜東北流高岸低岸開深溝輪盤引水入溝去分送高
田種禾黍盤盤自轉不用人年年祇用修車輪往年比屋搜軍伍全
家載下西涼府十家無有三家存水車卧地多作薪荒田無人復愁
旱極目黃節接長坂年來見長成丁夫散開荒田納官租官租不關
足家食家家復藉水車力一車之力食十家十家不憚勤修車但願
人常在家車在輪不替禾黍秋不熟

荒蕪行

永州荒田多者草永州田多人苦少南村田荒無人耕北村草深人
不行往年烟瘴被燒盡屋塌戶先軍後十戶迄今無一存舊時家
望長兒孫壯者隨軍入軍伍老者盡作泉下土少者僅存長成十
家九戶惟單丁以膏門戶僅奔走豈有餘力到農畝荒田積草婦人
長熟田近年亦拋荒男婦女號泣不足草根木實常充腹荒田幸免
官徵科熟田徵科實奈何永民自歎生來苦不信人間有樂土君不
見隔岸即是全州山以時耕墾無時閒

漁蕩行

永州江清稀見魚永民歲歲輸魚租當年差官開湖舊尺水從茲起
波浪江濱湖岸多沙洲一望不見人盡頭常時風色黃塵起一夜兩
岸橫流丈量繩引計頃畝半仰編氓強分受黃綾大册書入官版
歲催糧煩甲首大家有田無宿春小家寄食身爲傭年年通負遺
楚儉嗟惟聞賣釣筒小舟載糧輸人倉倉倉歲額常虧糧君不聞道

何絢齋集卷三

五言

州無隸年年足當年開隸官不隸永州無隸一斗米則隸隸升
又無水隸之息民五今隸之

五言近體

江行
客路四千里江行兩月程乾坤變改身世一舟輕事業漸先進聲
名長後生少年容易過寒落壯心驚

七言律詩

丙辰立春日口錢塔
鶴書歲曉下嚴扃千里迢迢去上京春事又從今日始月華猶是故
鄉明愁來無復問舞舞酒醒生吟聽馬聲獨喜歸心似潮水夜來又
過富陽城

江上雨晴曉望

老去情懷厭雨聲蓬蓬曉起坐新晴雲間一鶴從天下江上羣山照
眼明身世悠悠是夢客興事事總關情白頭竟爲微書起深愧青
年書兩生

讀史忠地河余忠堂

竟他外日取雲陰獨立空山便爾遺遺者能言當日事寒泉猶照死
時心百年妻子肯復原一代河山竟誰沈沈故國春風又并草處國
喪九原深

過黃州

楚天雲漢月初收江上南風五月秋勝幾幾年懷赤壁官游今日過
黃州乾坤故物青山在歲月無情逝水流白首此身千里外登臨下
盡古今愁

登黃鶴樓

城上高樓接翠微樓前山月伴朝暉青山萬古應長在黃鶴千年未
一歸兵火喪涼悲燐集靈骨突兀又豈飛登臨不用重嗟感感城郭人
民幾是非

登岳陽樓

片帆西拆大江流五月南風過岳州吳楚尋常多巨浸東西形勝有
斯樓百年共老人問世一代誰先天下憂願我登高尙能賦不堪重
起望鄉愁

何絢齋集卷三

寄武昌吳廣文二首
大江東下鄂州城千里頻頻建牙纛壯志每憐人易老吳興猶喜月
同明雲萍半世偶相遇應教十年無此情問道歸來黃鶴語五湖會
許白鷗盟

春風穠樾楚王城會向蕭蕭聽雨聲席月忽驚頭併白看山幸喜眼
猶明愁來無復軒裳夢老去難忘兒女情最憶故園春事動石田茅
屋要尋盟

次前韻寄衡陽王俊華廣文一首

入詠樓前妾女城一年不聽早鶯聲登樓幸喜青山在覽鏡羞添白
髮明故國春風頻入夢吳興晴鳥最關情愁來更憶王文學何日東
歸共結盟

寄吳興

水西門外西州路猶記津亭折柳枝鴻鴈一年無尸素江湖雨幾各
秋絲三湘地控巴人國八詠樓連發女祠聞道日來頻在告莫因鄉
土重懷思

次前韻寄王廣文

一冬不見衡陽竹開遍梅花到北枝照眼山雲晴冉冉捲簾江雨曉
絲絲青楓落日三閩廟翠竹何年二女祠早晚湘江春水暖好憑雙
鯉寄相思

次前韻寄長沙李叔南

夢舟一別李徵士飽聽三湘歌竹枝太白莫空尊裏月還丹難黑鏡
中絲素王禮殿崇新棟赤帝行宮有舊祠想見登臨足佳製絲毫日
日寫幽思

寄襄陽李仲訓廣文

劉郎新自諸宮還每說襄陽李謫仙夜月醉傾千白酒春風爛寫五
雲樓習家池上開謝馬美女江邊喚喚船白首何由一傾蓬暮雲春
尚網齋集卷三

尚網齋集卷三

樹思年年

送楊明府從軍廣西

尺箴棘闥曾射策轅門老去却談兵烏紗有恨黃塵滿青鏡無情白
髮生半世春風蕉鹿夢孤舟暮雨竹雞聲家山萬里天西北猶喜長
空共月明

送張愈憲從軍柳州

千古清風柳州謫官誰復得清游十年事業那郵枕半世風波昨
艇舟驚風有時棹楫棘貂蟬自昔出兜鍪白頭且遂從軍樂一仕東
陵說故侯

送人還武昌

湘口驛前江水流故人亭下送行舟五更山月不知曉一翼江風澤
似秋無事取琴彈越調有時把酒看吳鉤片帆我亦東歸去早晚相
期黃鶴樓

謝王廉舟事者金

楮生家住剡溪貧每念無辜鄭廣文月夜久諸塵榻冷春風今向
舟分玉堂天上無清夢茅屋山中有白雲見說梅花消息近好將心
事問東君

次前韻送張

寒客南歸水竹故山綠鶴久移文半卷華髮幾年暮一湖青蓮生
夜分季子已無衣卒歲相如徒有賦波雲昨宵又作還家夢茅屋分
明見少君

對月有懷

投老山林種秫田春風吹上楚江船鄉關一別四千里京國還瞻五
尺天宗武日來稀有字廣文客久更無種多情願是湘江月照我清
光似舊年

竹軒

聞道君家軒子好高情更借竹爲名開門蒼雪灑衣濕當畫青雲滿
翠生林下四時無日色枕邊六月有秋聲丁寧慎勿開三徑便有蕭
蕭車馬鳴

蕭車馬鳴

丁巳生日有感

數歲高堂奉壽卮白頭兩度客天涯百年父母劬勞日一歲乾坤交
泰時故園音書歸屬寄異鄉心事落梅知斗杓又復回東北江水歸
心日夜馳

題松庵

余氏安居如斗大長松繞屋四時青雲根有時孕琥珀露氣滿山麓
茯苓鶴踏仙花枝上落風傳天籟夢中聽清宵借我蒲團坐來讀黃
庭內景經

九日泊安慶城下危廣文餉酒走筆奉謝

舒州城頭山可憐舒州城下水如煙一年客路又重九咫尺鄉山猶
二千青眼故人殊念我白衣送酒可知泉定知移夜到京國兩地
人江月圓

五言絕句

病起偶成

一病又十日春歸了不知開門見芳草不省是何時

題雲山小畫二首

不到家山久茅簷長綠草最憐春雨後幽徑白雲多
不踏歸山路于今又幾年茅簷知不遠只在白雲邊

題萬桂秋聲詩集

露冷三秋月香清十里風都將春草夢吹入小山叢

七言絕句

題翠竹紅梅

瑤瑤披前雪未消小樓翠袖倚嬌燒醉中不省看圖畫行過西湖第
六橋

題杏花白頭公小畫

曲江池上踏殘紅十載春風似夢中誤向花前聽啼鳥不知身是白
頭公

何綱齋集卷五

題畫古木

漢室拾材構建章斧斤日日到山岡誰知寂寞滄江上猶有參天古
木長

題秋江小畫

兩岸青山宿雨收西風木落洞庭秋若爲得似游魚樂只恐煙波有
釣舟

題宋徽宗石榴高宗書韓昌黎詩

金風吹綻紫綃囊零落宜和御墨香猶喜梢頭風露少南枝有子殿
秋光

辭

王穆字辭

王生穆名厥父攸命長而加冠字以熙敬古人制字名實相須一有
弗稱豈不厚誣惟人之生匪教曷存一身主宰萬事本根穆之爲
惟遠惟深外著乎觀內存乎心本末交符表裏一致勉而弗怠聖賢

可至在昔大聖穆穆文王緝熙斯教其道乃光吾儕小人惟恐失墜
夙興夜寐罔敢逸豫洞洞屬屬執玉奉鬯戰戰兢兢履水如見
大賓如承大祭念茲在茲終始弗替匪惟知之行之實難匪惟行之
繼之惟艱想彼川流不舍晝夜我月斯征而日斯邁勿謂教止惟恐
弗度勿謂繼止惟恐或愆朝斯夕斯克教克繼曷以致之惟學爲貴
百爾君子各究爾忱我作字辭式配心箴

永庠三子字辭

子生三日父命以名既冠而友字之禮也古者人之命名其別有五
以民生爲信以德命爲義以類命爲象取于物爲假取于父爲類義
也永庠弟子員鄒生復泰生泰劉生升皆以易卦命名其殆德命之
類乎三子亦既冠矣謂字于子因字復曰孟陽字泰曰志同升曰允
升復行厥義爲之辭曰民之初生知愚同類亦既有名蓋思其義幼
而弗學日未有知既冠而字如何弗思古之君子以義制名匪惟名
之實踐于行惟子之名本乎大易聖人垂訓循名責實復之爲義惟
賜始生字爾孟陽進德之亨天地相交其道爲泰字爾志同終始同
悖地中生木進而上升信能積學乃克有成泰道尚同陽德無息升
而不已胡學弗積百爾君子勉之教之朝斯夕斯視我字辭

說

永庠三子字說

余攝教永庠之明年將復如京師弟子員唐政泰懋鄧良請于子曰
政等無侶僻在遠方未嘗聞大人君子之餘論先生弗遠數千里幸
不鄙夷而辱教之今先生遽舍去政等弗獲擔簦負笈以承啓教深
懼荒墜習業以遺君子羞願賜一言而卒業焉子告之曰若亦知夫
爲學之道乎夫學所以盡爲人之道不假外求也詩不云乎天生烝
民有物有則民之秉彝好是懿德夫德者何入所稟于天之良心也
良心之發則爲善政誠勉之弗怠爲學之道豈外是哉然人莫不有
是心也而物欲蔽之存焉者寡孟子所謂操則存舍則亡者也苟操
之弗謹放而不求心且弗存而况于爲學乎因字且曰爾學字政曰

以德懋曰士勉俾之循名順義而勉學焉庶不負斯名矣雖然名者
實之寶也有其名而無其實君子弗與也子其勉焉思其名以踐其
實庶可以爲學矣三子皆淳謹有志乎學故子樂以是語之猶懼其
或忘之也遂書以爲三子字說

銘

拙齋銘

遠古之世民俗熙熙巢居穴處泊乎無爲身自結繩爰逮書契風氣
日開俗由以弊積素爲絢雕質以文是非雜糅眞僞糾紛變故相旋
誦詐相尙徐偃飾仁燕噲竊讓漢陰抱甕桔槔見嗤亦有吳客善用
不龜機心日萌機械日盛射利抵巇以拙爲病代有貞士究觀古初
抱樸行素以拙爲徒日出而作日入而息我置我衣我田我食人謂
不足我則有餘人皆奔競我獨休居相彼世間物有萬類倚伏相尋
利害攸繫謂鳩爲拙乃居鵲巢殊登信巧一身莫逃惟人之生眞罔
實僞抱拙終身庶其無愧有肩昭揭勿替厥名朝斯夕斯視我斯銘

尙絢齋集卷三

七

步

履

題跋

跋所翁龍

昔之善論畫者不于其形似視其筆意而已予嘗見古人作畫規模
畧是而趣度閒遠蓋有出乎筆墨畦徑之外者後人徒泥其迹古意
遂不可見此畫獨得古人筆意信其爲所翁作無疑夫龍之爲物神
變不測尤不可以形迹拘而世謂張僧繇畫龍不欲點睛恐其飛去
此所謂論畫以形似見與兒童鄰者可爲一笑因閱此畫遂識其末

何陋齋集卷四

續金華集

晉川集

明董冀撰

五言古詩

題雙清軒三首

高齋開華館列榜臨清渠綠莎被文砌長楊映綺疏芳洲雜蒔杜金
塘擢芙蓉澄波滌彩鷁藻栢文魚良辰啟華宴列坐徵名儒衣冠
集簞詠歌歌請笙竿香清凝綺席酒淡湛芳壺心賞自云逸日晏不
知飭既醉歌太平桑扈詠樂胥逍遙寓宇內不樂復何如

其二效前

少無管組念雅志在邱岑結廬古澗阿棲迹嘉樹林南軒納朝陽北
牖延夕陰躡門無深敞入室有鳴琴良朋以時至清坐談古今稊田
秋向熟薄醪行可斟傾筐擷圖蔬持竿釣清灣歡飲聊共適過滿非
所歛

其三效前

何陋齋集卷四

高軒臨曲澗長夏有餘清微風灑然至林木起秋聲焚香坐清齋素
心澹無營幸微軒覺累庶免憂慮嬰於陵樂灌園沮溺志耕野言
聊自適誰謂薄浮榮

清芬室

幽人抱高尚結屋城南隅琴書有餘暇山林無俗情春蘭被後圃秋
鞠麗前榮幽香適何來微風相與清竟日澹相對不為塵慮與逍遙
一室內庶以全吾生

贈別

古人重送別送別惟贈言今人亦送別送別重華筵華筵亦何有水
陸具醴餽燕歌逐趙舞齊管間吳絃豈無一日歡願為千日憐不如
贈言好情意馨所宜上言保忠孝竹帛千古傳下言加餐飯相期黃
髮年黃髮不易致青年當勉旃贈言良不多持此白圭篇

送人之安慶

皖城在何許乃在楚江濱客行良亦勤王事有程想揚舳出江浦挂

馬捕中坻簡書豈不勞山水多清輝公餘尋逸興過食常委蛇功名
分所有休棄慎自持加餐何足道願子崇令儀

寄承岸士友

弱齡抱高尚蹇跡相邱園胡為負銘乘遠涉湘水源山水豈不佳風
氣良亦淳况有二三子晨夕共討論寒暑未云易迢遙下吳門尺書
昨夜至香香道殷勤矯首天一方永念懷故人江水日東流無緣復
西奔惟應北風起目送南飛雲

雲林書舍效前

少微軒冕累雅志在林垞讀書三十年乃為屢事嬰東裝去京國道
途抵南荆疾風吹單履五月凌洞庭東還豈不樂尚阻千里程永懷
圃田蕪歲月忽屢更披圖覽斯境依依念平生雲山諒悠悠緬焉起
深情

送人入帝京效前

送客上京國弭節向春江山花為舞女江水當離觴離觴逾鳥疾登
浪似人忙期發東華路足踏散塵香

種德堂

種竹期作林種松望成陰種德何所期乃在方寸心勿謂寸心小生
意無古今勿謂萌蘖微拱把可十尋柯葉日以茂根本日以深尚慮
斧斤伐莫使牛羊侵我歌聊自傲持用此心箴

友竹軒

伐木久輟響谷風遂成詩友道已不古况復叔世時耳餘亦摛隙寄
疎良可知君看友竹軒為事豈好奇擇交遠草木此意誠足悲管鮑
不可作吾將與誰歸

如在堂

奉親有高堂堂無百歲親思親有孝子子無百年身親去日已遠我
心諒如存入室想音容聲教如有聞豈惟嚴烝嘗甘旨方具陳嫩嫩
心目間膝下奉晨昏我身良有盡我心浩無垠百年豈不長子後亦
有孫所愧為人子文報罔極思載歌載舞篇此恨終難填

蘭雪軒

猗猗謝庭蘭玉立美無度託根已得所况復依瓊樹天寒霜雪繁祇恐歲年暮春風不披拂何由覲情素所願瞻春陽時時承湛露

並蒂二色菊

秋林已凋謝晚菊忽獻奇韓霜中英一幹各異姿初疑金玉蝶駢棲瑞樹枝又疑道家術變幻之所為我聞菊稟性真正恒自持胡為逐世慕革面非所希容色信可易本根諒難移所以古君子堅白無磷緇草木非所憐承為時世悲

次張來儀題金華山居圖韻

我昔采元芝東土金盆山仙人五雲車可望不可攀投我日月鼎然鉛汞斑持歸石室中神光燭茅菅自從落城府歲運亦已還願聞青田鶴近自遼海還口銜五色圖飛下青真間山中舊茅屋言歸老雲關丹液庶有成白首回童顏

送王鎮撫

傅制齊集卷四

三

將軍官隴西家住東海頭隴水豈不長不入東海流將軍歸東海葬親海上洲獨有隴頭月相隨歸故邱隴月行復圓王事不可留再聽隴水鳴思趨恨悠悠矯首海上雲只向天南浮願學海雲飛莫學隴水流

七言

送馬明府還蜀

蜀道易昔如上天今如履平地借問昔難今易之所由劍閣插天猿猱愁水行復有電雷憂大明日月照九州山無險道江安流陸走秦鳳輦馬牛水下江漢無停舟蠻荒九譯職貢脩東踰嶽翁西渠搜馬廛家住錦水頭少年把酒看吳鉤祇今五十雙鬢秋萬里作官江海陬三年宰邑政理優桑麻接畛民歌謠問渠何事懷故邱春雨霜露悲松楸人生百年水上漚老我白髮思歸休前年東下岳陽樓冷官自可歸田疇若溪又作三載留矯首先隴雲悠悠今年赴闕覲冕旒承恩幸復來滄洲石田茅屋山之幽一身湖海雲萍浮嗟君素志

亦已酬太平歸鄉復何求歸故鄉守桑梓蜀道昔難今孔易千村高落無荆杞但願千萬年薄海內外無道遺遺民在在安田里太平有象自今始

送劉簿歸雲中

陰山六月天雨霜大磧草白寒雲黃邊民肉食無稻梁追逐水草隨牛羊劉郎家居古定襄少年走馬臨戰場上功幕府差戎行束書甘作薇省郎將命專對行四方竭來佐邑東海傍幡然掛冠歸故鄉北風吹沙鴻雁翔黃河十月冰無梁問君遠行奚所望關河酒綠蒲萄香臂鷹走大獵近岡歸來馬上懸兩狼後車相載免與獐制鮮行酒據繩牀酒酣耳熱起彷彿少年此樂無時忘方今九服盡來王塞上有土皆耕桑五風十雨時歲康歸去歡樂殊未央人生百年誰短長鏡中贏得雙鬢蒼君今已謝名利鞭笑我未識開中忙冷宮十年坐寒窗吾伊五夜聲琅琅三徑松菊日就荒把酒送君增慨慷仰視雲漢何茫茫明年詣關上封章聖恩若許歸滄浪白首擊壤歌虞唐

新刻齊集卷四

四

題廬山圖為海陽張子善賦

我昔放舟下江水拭眼廬山如畫裏披圖一別又十年却望雲山隔千里雲山於人殊有情開帆秀色遙相迎當時山靈不解事不邀我向山中行別來見山每相憶咫尺黃塵不相識三生宿緣知未盡又向君家看山色留侯子孫雲滿巖結茹正近廬山前山中采藥今幾年翩翩兩袖生雲烟我家金華好烟霞赤松牧羊莊其土知君有意相從遊登臨支節一相訪

題松陰卷送杜專長

杜郎家住惟水東早年學種徂徠松讀書窗前愛松綠日夜望松高過屋蕭條兵火二十年有夢不到家山前長林大谷化荆棘蒼松久作爨下煙場來之官向吳會松樹童童偃華蓋官曹白日因簿書客邸清宵聽竿籟故園山徑久已荒東鄰西舍渾相忘昔時遺老無一在頽垣碧草如人長三年坐嘯長松下神武門高冠好掛買舟載取月歸更寫蒼松入圖畫人生出處非偶然問君官還今幾年青雲

得志自可樂白頭歸鄉也不惡

莫士元山水歌

吳興畫手古所傳近代復數莫士元莫即畫山惟畫意不學吳人全
碧黛前年為我寫岑寂落筆悲風動蕭瑟不知渾沌開何年絕壁猶
含太古包雨株古木蒼蒼皮煙雲轉轉迴風吹廣樂秋張洞庭野綠
瀾夜起珊瑚枝林下古木荒茅茨綠蘿交絡簾前垂抱琴來訪者誰
子路險不畏溪橋危顛崖石磴何遙遙仙人往往接丹梯九疑衡岳
儼在目復恐有路通仇池我家金華山色裏見畫忽憶山中時明年
春兩瑞草綠荷鋪錦採南山芝

莫士元畫松為許業

天下幾人畫古松近代獨稱唐棣好莫郎棣也里中子每見蚪枝驚
絕倒閉門一月坐風雨敗壁頽垣恣揮掃不知何年得神跡意匠經
營出天巧晴窗示我雙松圓滿幅煙雲生縹緲高堂六月無炎蒸濕
濕悲風起林杪蛟龍欲雨動鱗甲虎豹擎空齧牙爪孤根盤盤壓厚
地高標落落撐晴昊嘆息徂徠久荆棘何處邱原存合抱客邊忽遇
許元度要我林泉共幽討君家弁山古雪麓巖巖耕雲種碧草松根
茯苓如斗大便擬服食思輕矯只恐明堂須棟梁長材未許山林老

尚朝齋集卷四

正房

閩仲彬山水歌

總章石相之子孫丹青名家今尚存老來高隱吳市門白頭未覺雨
眼昏荆關范郭久擅場彬也醉來下筆親吳興作者何紛紛眼中忽
復見此人高堂雪壁垂綠素白日蒼茫起烟霧長林大谷少人行海
關天低風景暮遠萊園嶠不可到咫尺仙凡隔路路丹崖瀑布懸秋
景入耳颯颯悲風度重岡嶺嶺雲氣連陰洞或有蛟龍眠人間霖雨
不易致便欲辟穀求神仙丈人偶立秋風前悵望落日心悠然明朝
拂衣下衡霍采芝共入商山烟

題趙麟春郊散牧圖

古人畫馬稱曹韓近代獨數趙集賢一往不可得筆法付與誰孫傳
天開紫化踰萬乘神定揮毫覺天勝人馬屬豹不致放散牧春郊見

真性一匹豚坐雙足拳一匹噴吐噓青烟就中一匹倚樹立雄心已
馳青海邊雪峰上人今支還不惜千金愛神駿各傍留我展畫圖復
覓開元閣清峻祇今驕驕世豈無虞坂往往逢鹽車何如駑駘立仗
下日飲太官三品芻

題筆工溫國寶詩卷

古筆以竹資備牘椎棧運鎮古所服後人製類乃神速工巧有餘拙
不足書契而下篆籀繪畫壁汲冢光煜煜張鍾嗣與尙圓熟妙用尤
屬中山族吳興作者首馮陸溫氏父子踵其躡翰林雄文聯巨軸重
之不啻運城玉紛紛末工事角逐文犀象管炫凡目吁嗟溫生老而
禿世無具眼甘退伏百金不售久粗橫安得一用古制復嗚呼安得
一用古制復書契載觀義皇俗

題張來儀青山白雲

天下幾人畫董元近代獨數高房山房山不獨妙形似輔以丹碧增
其妍往年未識廬山面曾向房山畫小見高堂白日生雲烟分明坐
六

尚朝齋集卷四

六

我南康縣大山巖我倚天立倒捲銀河瀉空碧小山起伏爭坡陀海
濤出沒晴雲多醉酣老眼重摩挲此身便欲栖烟蘿十年一夢隔雲
海却向長江問權歌青山於人如舊識滿眼黃塵非故國羞將白髮
照滄浪咫尺家山歸未得先生舊業廬山前丹青蚤得房山傳還能
作畫遠相寄白頭共賦歸來篇

題王生瞻雲圖

王郎家住越水東讀書養母越山中一朝薦書上藩府捧檄又逐西
征鴻去年將命來香水日日思親春雲起今年重到雲水頭看雲思
親雙淚流自言少小失所怙物育恩深賴慈母母今孝養猶有時父
今一別終天悲當年兵塵暗廣路大母年高髮垂素山中一月食無
魚日夕臨流心獨苦跣足弗憚百里遙六月火雲天字高鮮鱗深鱗
貯江水積肩赤日行蓬蒿中途潦水深莫涉咫尺蒼茫失舟楫解衣
抱獲身與俱鑿沈鱗躍身為魚天高茫茫誰與訴此水終年有人渡
我聞此語心孔悲天道凶違諒有知君不問姜孝子舍側雙魚出江

水又不聞王休徵天寒解衣魚出冰當時傳信書太史至今孝感人
間稱百年幾人稱孝子九原有知猶不死古來上壽無百年紛紛浪
沒誰與傳王郎有父亦有母母今日白頭稱節婦一門孝節世所無教
子復有瞻雲圖我作歌詩徵不誣他日太史春秋書

題望雲卷

他鄉見白雲故鄉有慈親慈親白首隔鄉縣白雲日日他鄉見雲飛
有時還故山遊子爲客何時還我願遊子心相隨白雲去莫學白雲
飛只共白雲住白雲住止吾親舍遊子晨昏居膝下坐令天下思親
人歸去家山看白雲裁雲作春衣釀雲作春酒舉酒勸慈親願親千
萬壽從今相期黃髮年子母人間永相守

題江天雪景卷

海風吹濤作山立遙天萬里雲一色天人薄暮剪飛花半夜寒光動
窗白山人睡起僵欲扶摩挲醉眼猶模糊推窗不知人在世拭眼一
觀天地初乾坤渾沌含太素溟海茫茫隔烟霧霓旌羽蓋紛相迎咫

尙齋集卷四

七

尺蓬萊有歸路仙人鶴髮顏如童期期貝闕遊珠宮萬年瑤草凌寒
碧千歲蟠桃如日紅瓊林玉樹交相倚白鹿軒騰素鸞時繼翼不動
天無聲一色瓊田三萬里六龍海上飛金烏鷓鴣啁啾鳴天衢罡風
吹夢落人世却向蓬窗看畫圖黃金未就丹砂訣青鏡蕭蕭滿華髮
從今更約三千年歸去三山白銀闕

題蘇平仲詠梅花卷

我懷蘇子瞻白髮謫嶺南當時梅花有佳句至今清氣遺江潭江南
見耳孫氣貌殊不凡生平不識耕與蠶經史六藝俱沈酣昔年橫經
坐太學壁水浩蕩思波涵高堂忽念垂鶴髮丹陛一夕辭朝簪歸來
結屋依蒼巖白日對客惟清談我家茅屋深烟嵐門前綠樹吹黃柑
徵書一夕下巖穴長江萬里隨風帆雲根黃獨如斗大十年無夢攜
長鏡讀君新詩如夢覺令我一唱歎者三逋仙舊居偶一過夜雨蒼
苔荒石龕南枝久已化荆棘綺衣無復來剋我我方東書上京國百
拙自嘆無一堪長途兩脚倦行役黃塵撲面羞青衫明年儂送歸田

約白首相見期無慙

次張來儀金華山居圖韻

我昔好山未識山研足日日勞躋蹙歸來小樓坐清畫佳處政在阿
堵間蓬萊岱與豈不好挂帆入海經東嶺崑崙崑崙崑崙崑崙崑崙崑崙
里經玉關不如故園瓊奇秀南北兩峰開鬢髮半生足跡不出境詎
意天道如循環白頭南行近萬里壯心未肯放白鬢官船花樓高於
屋長江利涉無險難蓬窗日日看山色脫略塵鞅遺世患眼中臺殿
盡荆棘巖岫無復金碧殷匡廬衡岳不可識殘碑斷礎棄草菅江山
無情亦銷歇豈有大藥能駐顏孤舟歸來豈天意山泉尙許聽潺湲
何物徵官苦雜繁幅巾行逐孤雲還煩君寫圖樹岑寂臥游償我平
生閒石渠天祿無夢到姓名久在丹臺班

遊道場山追和東坡先生詩韻

具區西南古雲麓間有於菟噴林谷何年天竺道人來結茅宴坐蒼
山足雨花散落春漫漫四時香霧烟雲盤浮屠千尺倚晴漢方池六
月鳴鶯滿山僧閉門長不出白日踟躕惟文席清涼境界無兼絲若
提善根由宿植洞庭龍女青雲鬢常時獻果來山間蓬萊方丈在人
世安用入海求神仙人間昏夜何時且却望雲林在天半少年學道
今白頭搔首東風一長嘆

尙齋集卷四

八

登道場山雲峰和東坡先生遊徑山詩韻
十年不見金華山歲月闕人如遊川孤踪放浪五千里復與山水相
周旋場來吳會浮小艇洞庭下瞰神龍淵道場秀色接朝暮有足未
上千峰巖荒山五夜屢燈火寶地一夕開青蓮浮屠突兀倚天半石
磴百折何蜿蜒未將足力供眼界癡坐且學山僧禪豈無筌與捷飛
步亦有杖頭沽酒錢勞人本欲息四體何如一醉山中眠今晨登覽
願自適得意仰羨雲中鳥勞生宇內已頭白百年幾受憂患煎平生
兩足屢奔走瘦筇獨許登山便同行况有二三子忽到絕頂心悠然
蓬萊東望水清淺一笑回首三千年

贈翠峰上人

贈翠峰上人

方壺仙人古詞伯千里聞風未曾識奇書名畫數相遺兵塵不一見
顏色雲山望斷今已仙他生相見應千年翠峰上人道相過下筆似
得壺公傳高齋反關無俗客日對雲林寫蕭瑟丹青脫略兒女姿
猶橫陳古人蹟古來草聖會幾人近代獨數張藏真藏真一往不可
得吾師醉來下筆親高堂雲壁照人目運肘揮毫風雨速青天雲
生晦冥白日龍蛇起平陸枯藤老樹懸蒼烟珊瑚玉玦相鉤連郊
九鼎出泗水支祁鐵鎖淪重淵世人貴耳恆賤目奇寶往往棄道
虞公未信百里奚燕市自售千金骨半生湖海西復東春如社燕秋
如鴻地肺山前踏嘉月天目嶺上眠松風十年鄉國不相見白首他
鄉初會面形容未識聞語音知是山人共鄉縣握手訪舊心為驚
交落落如晨星相知少年盡頭白却話故山雙眼青老我思歸歸未
得咫尺江濤隔吳越憑君爲我圖家山早晚東歸看山色

朝爾泥暮爾泥河水繞田河岸低吳中有田多瀟瀟河水高於田數

何陋齋集卷四

九

尺雨淋浪拍岸善崩歲歲爾泥增岸歷載泥船小水易入船頭踏船
船尾立吳兒使竹勝使篙竹筐泥如濁膠水流泥滑僂沃岸上
淨土何時高此身便作淘河鳥河水終多河泥少君不聞越土之田
高於城連車引水千尺坑車聲軋軋夜達明田間濁水無時盈吳田
苦勞越苦旱越水常怪吳水滿嗟乎世間至平惟水猶不平請君不
用觀世情

修園行

俗書作圩園書無
好字疑當作園

吳田膏腴畝鐘吳地有米皆宿春吳人畏水不畏旱只愁園滿田
水滿家家護園如護牆老少爾泥河水傍前年差夫運官木半歲風
殍并水宿去年處處捉逃軍白日家家深閉門兩年無力修園岸河
水入田天不管今年官令催修園河深爾泥泥亦無岸傍在處無剩
土撐船遠向南山取大團浩渺如望洋小園不啻千畝強田家船小
無十斛低岸長圍何日足朝輪百船防漏暮輪百船防水口船去
船來來去頻岸上何曾土加厚問君園岸何當成請君少待南山平

燕銜泥

燕銜泥年年飛向畫梁栖燕足猶應舊時續華屋年年換新主去年
人作陌上塵今人不見去年春海棠花開春雨歇綠窗半掩珠簾揭
十二欄杆春晝遲美人沈醉簫聲咽繁華一夢隨飛烟燕子歸來如
舊年昨日花開今日落得意春風且行樂花開花落年年春行樂年
年非舊人却羨茅簷舊時燕主人歲歲長相見

五言近體

赴帝京遇雨留客邸次公敘韻

積雨青燈暗驛人白髮生愁知清夜永老覺黑貂輕賓館悲長鼓泥
途畏遠程故山茅屋好漂泊愧浮名

七言近體

丁巳晦日立春

前年孤櫂泊錢塘去歲三湘送雁行萬里歸來猶是客一身強健即
爲癩土牛鞭裏春先到野馬塵中日又長獨喜故園茅屋在小山松

何陋齋集卷四

七

桂未全荒

戊午生旦次丁巳生旦詩韻

去歲三湘把酒厄洞庭煙浪渺無涯雲萍易地懷鄉國風木終天感
歲時容裏交情貧獨在鏡中勳業鬢先知半生舊學皆荒落只有歸
心不外馳

承召入京朝退偶成

陋儒華髮入金門也向彤廷預討論朝退每陪賢俊後詩成會感帝
王尊九重親爲書宸翰多士人均仰聖恩共羨太平千載遇自嗟無
力報乾坤

早朝遇雨次公敘韻

閭闔晨開扇影分風飄仙樂靜中聞九天雨露垂恩澤五色旌旗絢
彩雲犀象效琛來絕域衣冠錫宴總元勳陋儒擬筆闈王會昭代于
今政用文

送人之京

澤國深秋江雨晴郎官報政上神京金陵東望三山遠震澤西風幾
日程雙關曉曉鵲觀五雲天近風風城定知朝能承殊錫宴南
宮預寵榮

送郡守入覲

陌頭官柳綠依依三月春風上帝畿京口帆移雙闕近鍾山日上五
雲飛天開閭闔瞻龍象樂奏簫韶有鳳儀想見在廷稱治最歸來五
馬足光輝

郡府公譙次太守韻二首

江郊曉日迎丹詔一札綸音四海傳聖主九重親制作儒臣千里任
承宣文章喜見隆三代京國遙瞻尺五天尙憶彤廷曾錫宴衣冠濟
濟秋初筵

其二

昔年承召趨京國曾聽東華曉漏傳鳳廟龍新輪轍藩垣方虎舊
旬宜朝回青瑣依丹地酒賜黃封下九天此日江城迎風詔白頭猶

尙絢齋集卷四

十一

得預華筵

次郡守遊山詩韻

一年忽忽春將暮下馬山停暫解鞍晴日撲簾花氣暖晚風迎路麥
秋寒青林佛寺明金刹白壁人家近翠巒知是公餘來問俗不因遊
衍事追歡

贈風鑿田生二首

湖上春風生綠波扣門有客遠相遇開窗共愛青山好隔水方憐白
髮多勦業鏡中還自笑聲名身後定如何雲間黃獨行堪勵歸去茅
簷隱薜蘿

少年功業已無心况復蕭蕭雪滿簪蔡澤生平空自許杜陵老去卽
長吟煙中草色孤村晚雨後松花一徑深正憶家山無限好隔林何
處語幽禽

贈醫者

新築茅堂醫水瀆喜無車馬到柴扉雨荒苔若夫須合日上芸窗展

望飛丹室夜寒珠有暈華池春暖玉生肥不須更學豎公隱恐有文
光動少微夫須也詩南山有臺註願望者何謂書中得一髮掩規
也蓋魚三食神仙字
則化爲此百陽絲知

移竹次以貞韻兼懷湘中士友

泮水秋風吹鶴髮江湖夜雨憶魚竿客鄉頗有書聲好官舍新添竹
色寒粉節飄香浮綠蟻錦箋題字寄青鸞美人遠隔瀟湘浦日暮碧
雲天外看

題翠微吟藁

幽人結屋翠微裏日日哦詩面碧岑嵐氣曉侵書帙潤烟花暖入硯
池深千金白壁無輕售三嘆朱絃有賞音珍重錦囊須什襲莫將聲
價動雞林

題清陰草堂在城中舊署
二水會處

沈氏草堂何所有開門惟見白鷗波樓臺上下通雲氣城郭中間聽
樵歌一夏軒窗秋意早四時關棧月明多喜無車馬紅塵客時有高

尙絢齋集卷四

十一

人轍酒過

題松風閣

若耶溪上晚盧聞萬箇長松繞屋青半空雨歇龍吟曉午夜風生鶴
夢醒孤舟八月過彭蠡廣樂何年張洞庭我亦平生識天籟抱琴來
就月中聽

題黃龍洞

湖州城北山如畫閣有黃龍宅上頭六月林巒常帶雨四時風物總
成秋雲根下伏千年洞巖竇中藏百丈湫昭代於今崇秩祀只將明
德答神休

題廣陵太守歸葬卷

戎馬馳驅歲月遠南柯一夢竟遊仙丁年有限遠鄉國丙舍猶憐有
墓田幾處邱原存馬鬣誰家珪組尙輝聯披圖不用重嗟感金粟荒
岡澹暮烟

觀東坡先生和胡完夫詩卷因次其韻完夫名宗
會稽州人

承恩出守鬚毛斑趣召遺歸虎豹關閣九重天帝所遣東方丈道
家山一時文物隆三代百世才華重兩開獨怪買田陽羨約清朝何
事也求聞

五言近體

題小畫四首

秋水墜蓮房幽禽語夕陽故園歸未得飛夢繞林塘
落日湖光淨芳洲野蓼紅幽禽殊有意獨立向秋風
野水帶平沙叢篁映白花鳥啼人不見春盡客思家
竹外幽花白山禽立晚風行人莫回首不是故園中

題扇面小景二首

前山新雨過碧樹晚風寒可惜清秋景無人共倚闌
雲
澗底雲根溼林梢風葉鳴何時明月夜來此聽秋聲石

題江村片雨圖

斜日江村外蒼茫片雨秋披圖忽相憶會上岳陽樓

尚絅齋集卷四

三

題子昂學士所書詩後

香奩佳句好知是舊王孫留得風流在生綃見墨痕

息齋風竹

夜久商飈起蕭蕭山月明小窗雲影亂無處覓秋聲

次張來儀金華山居圖韻

聞說山中路經年斷客行山人理歸屐莫遺綠苔生

題鉤勒夾竹梅

美人隔秋水贈我金錯刀願因青鳥使報之應瓊瑤

銘

手植檜杖銘

質之堅聖澤存制之樸謝丹腹危能安持永年

靈壽杖銘

杖之靈危弗傾杖之壽持永久錫斯名子汝銘

劬生堂銘

維天生民不能自生託體父母具人之形自提孩煦燠食息訓我
迪我迨于成立日月逾邁孝養弗時風木真感慈教悲憫焯音容
儼在心目永言孝思惟日不足親去日遠我心弗忘我心之存我親
在堂永念劬勞昊天罔極豈不百年痛猶一日棄奕奕豈勝在茲
百爾孫子永言孝思永言孝思以引弗替我作銘詩永錫爾類

芸軒銘有序

盈天地間惟萬物之類有善惡故人之類亦有君子有小人使皆
小人焉而無君子以治之則善類或幾乎熄矣惟物亦然故物之惡
者斯有善者勝之是以蛇虺惡物也而雄黃足以藥之烏附毒藥也
而芸草有以制之然非徒勝之也又制其用有以藥夫病焉則夫君
子之治小人也豈不足以俾以遷善改過而適于用也哉吳興顧祿
蚤從子學未及卒業而仕奪其志其藏書之室曰芸軒弗忘其舊習
也不遠千里來請子銘子惟芸辟蠹者也蠹之為害書之蠹也生既
知有以辟之矣則夫為心之靈者其不可思所以辟之也哉子故特

尚絅齋集卷四

四

為之銘俾之朝夕有所儆省云銘曰

天地間物有萬類善惡既殊利害斯異各稟育性各賦爾形胡不
自靖利害相凌惟木之生惟蠶實蠶亦有蠅魚通蠶雜素有鴉除蟻
有芸辟蠹人惟物靈豈無厥心相彼世人厥靈匪一耳靈惟登目靈
惟色口鼻四體臭味佚安惟心之靈諒非一增曷以養心要在寡欲
天理既明日用恆足心得其養百體具從推以治人曷止靖躬苦之
君子克自惕厲功加于時名垂後世士之為學希聖希賢念茲在茲
終日乾乾

傳

溥川漁者傳有序

溥川漁者鎮之棗城人也少留心學問屬海宇似擾間履旅中踰
二十年及四方底定為當道者推較長萬家邑時徵調繁志比邑長
貳率以事病免去漁者獨竭心政理以畢集以故上官無譴阿焉
得告歸鄉里遂放浪山澤間所居去溥地不數舍因自號曰溥川漁

者云人或疑焉漁者嘆曰是豈不足遂吾志乎始吾之少也亦有志當世矣暨得宰一邑謂可以少摠吾志然操刀未習而遽製錦幸獲免去爲榮多矣今優游田里鼓棹扣舷烟水間是豈有志於釣餌乎哉昔恩嘗鄙世之漁者矣操網罟口答箸以涉不測之淵偶獲尋常之鱗則軒然喜固足厭其志矣彼曾未覩任公子之所獲也夫任公子所獲猶小者耳彼曾未聞嚴光之獲高致重名也然嚴光所獲亦未足多也彼猶未若呂尚之獲千乘國也然吾之志弗在是也非特志不在是也才誠有所不逮也故吾所以假名於是者非欲援古人以自高也亦將持竿引綸相逐漁人舟子以逍遙餘年他非吾所志也予聞而憐之惜其志之弗白也爲之傳云

題跋

尚絅齋集卷四

志

跋時苗留犢畫卷
時苗留犢人概稱其賢廉則近乎矯情干譽時苗之志疑不出此也予竊意其蓋爲務農敦本而然觀者盍於意外求之

題張來儀楚江清曉圖

右楚江清曉圖潯陽張羽來儀爲予作也予別滿湘五年每一念至雲山烟水瞭焉心目間因念結髮讀聖賢書志聖賢學其能不遺忘者鮮矣展玩之餘書以自警

跋王右軍十七帖墨本

右軍十七帖刻于唐貞觀而歷代法帖勒于宋淳化後貞觀論三百載其存者已鮮則貞觀所刻宜不多得也此帖刻畫精好予平生僅一二見然是帖初傳豈止什百而已哉由夫識焉者莫知愛重往往淪棄此蓋其僅存者耳嗟夫豈特帖爲然哉

又

予某歲聞晉唐諸帖其刻畫或未盡善亂棄去不取後觀諸名家所

藏善本與予向所見者蓋無大相遠然後知向所棄者亦未易得也及得此本寶愛殊甚今三十年而所見益鮮則知世間凡物求其全美固不可得也嘗怪世之取士往往失於求備是以有遺才之嘆因論此帖爲之慨然

尚絅齋集卷四

志

尚絅齋集卷四

尙綱齋集卷五

北遊集

明 董真 撰

續金華叢書

五言古詩

過盧溝橋

夜度盧溝橋隱隱聞寒更
人久已寐行子尙宵征
青天四垂暮色見北斗橫
石梁河界漢閣下倚空
明朝風凌以寒况乃霜露零
我行豈不勞簡書嚴有程
同行荷戈卒萬里赴邊城
我身弗遑恤念之感

題鄧伯言詩集

時雨淋漓暑焚香坐清晨
開軒面山色有客過我門
袖銜珠玉篇高論懸河清
香辭及妙語往往與道隣
嗟予生苦晚弗獲親道真
能意表謝餘正始乃復問
古人不可見古道良未溷
俛仰三嘆息永言懷古人

七言

尙綱齋集卷五

趙朱節婦詩卷人

洛陽三月春風起吹落南園桃
桃與李紛紛飛逐馬蹄塵
不學芙蓉抱霜死張家女兒夫
蚤亡聞闕戎馬隨姑嫜當年
紅顏若桃李即今日髮如秋
霜百年世事隨流水留得芳
名照青史君不見東家桃李移
西家年年歲歲開春花

答衍公約看杏花

城南招提紅杏花春風歲歲開
晴霞燕城自昔少春色出門
開眼惟風沙去年抱疾臥官舍
聞道花開已花謝東君不念
客鄉愁十日春光不相借起
來繞樹行嘆嗟落紅滿地春
日斜旋擬殘英眞懷袖留得
餘香歸偷茶今年二月春光
早花開更比年時好出門十
日九行期復恐韶華開過
了一年春事寒食天節物驚
心思少年揚鞭載酒城東道
繁華一夢隨飛煙即今老作
他鄉客每藉春光慰離索裁
詩先爲報花神莫教一夜東
風惡

衍師見和因再次韻

曲江青年千樹花馬蹄踏水翻
明霞春風一夢生白髮帽巾
千里衝黃沙歲月閑人如傳
舍過眼榮枯更代謝百年歡
樂能幾何一日清閒不相借
醉來自笑還自嗟挑燈坐待
曉月斜明朝擬赴看花約汲
泉旋試蒙山茶鄰雞催人故
鳴早起看樓頭天色好東家
蹇驢許相借情負詩囊無便
了人生行止本由天居然負
約如去年百年何時有暇日
三月清明過禁烟老來羞作
看花客還擬持觴慰離索落
紅一任滿蒼苔收拾煎酥也不
惡

三次韻衍師

祇圖何年天雨花春風兩樹
栢丹霞蒼苔歲歲落紅滿不
敷布地黃金沙上人西來住
王舍過眼空花任開謝兩年
約我送春歸半榻白雲許相
借新詩脫口猶咄嗟展卷坐
玩山月斜一自鄉山別屢約
十年不試趙州茶客裏相逢
恨不早道義相忘無醜好花
前幾約共凭關身外多愁未
能了黃塵世事相拘牽况我
齒髮非壯年流光催人劇奔
電病眼看花如隔烟人生未
信長爲客早晚南還慰離索
迎門

尙綱齋集卷五

稚子笑牽衣此日老懷良不惡

海子橋大風卽事一首

海子橋西風大作撲面驚砂
似飛電寒驢局促驅不前僕
夫睚眦行屢却傍人指點笑
相語誰遣先生此行樂韓公
半醉紗帽偏童子竦立高吟
肩惟有王郎跋能履拄杖落
手心茫然君平杖頭無酒錢
羊市街西尋鄭度吸吸避風
如避箭開門經月不相見剝
啄移時始啟關旋汲清泉沃
塵面蕭頭濁醪如井泉沈醉
不虞歸路遠城南招提老贊
公三日不見心中神回鞭便
欲造虛白鷲見斜陽天際紅
歸來獨坐增感慨三復平生
康節戒青燈永夜長自憐白
頭相隨惟影在故山萬里孤
雲飛一身憔悴誰復知從今
風雨閉柴扉養取病鶴江

衍師見和因再次韻

少年一鼓氣方作出語驚人
走水電詞林無日不吟哦騷
壇有敵皆奔却銳心刺腎良
亦苦無筆掀髯方自樂中年
始悟學術偏閉門默

出聯息肩徒知出處亦漫爾未信行藏非偶然耕田而食鑿井飲豈
有樓奪并矯度暮年忽作弦上箭楚水吳山得相見孤帆一日下香
溪十年不覩廬山面今年又復上燕山回首家山路逾遠東林邂逅
逢遠公常時慰我憂心仲祇園共踏寒月白禪林許看春花紅客鄉
慎勿生嘆慨老境情懷須自戒萬里休嗟路遠遙百年但願身長在
秋風旅雁將南飛尺書先報雲山知明年春兩黃獨肥曠泉待我山
中歸

三用韻自警

詩亡然後春秋作災異不獨書兩電一朝夾谷會強齊片言立使萊
兵却當時門人誰好學陋巷獨稱顏氏樂後人往往學術偏自謂聖
賢堪比肩董賈猶存二三策荀揚其然豈其然易經王弼詩鄭元春
秋何休禮服虞東南之美僅竹箭蕭慎楛矢何曾見千載之下得程
朱夢見聖人猶觀面六經自此照日星伊洛未覺洙泗遠我生獨後
此數公望道未見心仲秋霜暗添短鬢白春酒不借衰顏紅憂來
中夜恆嘆慨猶幸平生守三戒志勤道遠力已微夙興夜寐心長在
春風花開秋葉飛歲不待人知不知青年幸從君子學白頭庶免小
人歸

送郡庠諸貢士會試

聖明紀元首洪武二十三年歲庚午北平貢舉數已三南宮科第誰
爲伍朝廷在處興學校河朔于今似鄒魯燕城自昔號多士賢舍書
聲喧兩廡諸生結髮守章句午夜挑燈坐風雨十年經傳久鑽研一
旦青雲共軒翥張生蚤誦毛氏詩不泥漢儒專訓詁郭生卅歲學文
象三絕韋編感尼父晉張二子業啖趙頗知褒貶異衮斧一經直筆
重王正三傳闕疑存夏五王即會窺孔壁書古文魯魚參石鼓苑生
丁卯已策名三載願學心更苦諸子同生聖明世聯鑣共上春官部
黃河十月水無冰高帆大艦鳴雙橈京師人才輻輳地車馬駢闐耀
珪組重譯萬里玉帛朝七旬兩階干羽舞天人三策對大廷忠孝百
年事明主白玉階前集鳳麟黃金榜上題龍虎錦衣遺歸榮里閭青

史流芳照今古老我尙蒙稽古居歲歲粟知何補聖恩浩蕩天地
寬要使疲癯咸得所朽壤猶能出芝菌良材自可充梁柱青雲子幸
成令名白首我歸老環堵擊壤康衢樂太平日作歌詩歌舜禹

題南集賢齋

天下幾人學董元近代復數南集賢集賢畫山惟畫意不將點畫分
清妍乾坤元氣尙渾沌百年此意無人傳我生髮亂愛公畫亂離不
見三十年大明開天四海一江山在處還依然欲求公畫不可得夢
中往往看雲烟昔年爲客上湘水雲山好處常流連九華秀色開滿
蒼匡廬瀑布晴虹懸洞庭雪浪渺無際華蓋曉峰青可憐今年又上
燕山道憑高四望惟青天舟行一月少山色北風吹沙塵畫昏劫來
燕市厭關關且暮車馬爭騁閱蓬萊真境偶一到拭目復見公山川
當時舊物無一在嗟我與公良無緣公家子孫今白髮十年湖海相
周旋客鄉邂逅重相遇速裝又上通州船我家金華山色裏雲間白
石如羊眠柴門小橋枕流水溪聲久不聽潺湲昨宵又作故人夢耳

俞綱齋集卷五

四

邊忽似聞清猿松根茯苓如斗大便欲歸去求神僊安得壹公籍地
法南歸道里猶五千官船利涉急於箭一月可到家山前白頭僮僕
遂此願畊雲自種南山田

和衍公約看杏花詩韻

客鄉不識花時節官舍蕭條如巷陌閉門猶恐迎朔風况復看花事
行樂前年又得殷師疾往往空中聞打麥回思少年真一夢幸免泥
塗陷雙脚非無萬里封侯志庸落繩橋懸度索亦欲州縣謀斗升東
帶長趨謁方伯坐是蹉跎四十年不知兩鬢如霜白東鄰有子早宦
遊駿馬騰鞍日馳驅西鄰有客亦從軍十載歸來門列戟書生半世
成何事出門却笑天地窄南北驅馳今幾年猶喜青衫尙如昨去冬
十月上燕薊朔風入懷衣縫拆散裘百日走黃沙縱有清泉誰浣濯
平生故人幸相值一一襟懷昔磊落四海誰非兄弟親百年同是乾
坤客與來職酒數相遇如此客懷良不惡昨宵忽作鄉山夢便欲飛
書謝妻約來春玉版行可參擬約參寥同大嚼

暑雨即事感懷

江南五月黃梅雨得暑蒸無燥土燕山道上走黃塵不識南中霖
潦苦今年燕山暑雨多六月日日聞滂沱淋漓汗衣欲沾體門前流
潦看成河東家蕭頰空四壁西家木入深三尺蠶蛙白日堂上鳴孤
螢後夜梁間出東薪斗米不論錢城中比屋無炊烟泥塗不異犀浦
道禁火翻同寒食天我生炎方困滯溼不知朔土猶蒸鬱朔南由來
地勢偏氣候一月相後先我願天公憐遠客白頭早遂歸鄉約祇今
溽暑行已過歲晚苦寒其奈何

七言近體

謁岳鄂王墓

鄂王遺廟空山裏斜日荒烟掃暮嵐一死曾微贖身百孤忠寧愧過
河三戰場有敵皆奔北塚木無枝不向南白髮書生謁祠下巖泉一
勺酬芳甘

發龍江

詞類彙編卷五

帝城惜別重依依楊發龍江已夕暉十月尋常寒食短孤帆搖展暮
雲飛天空萬里海青連水落三冬淮白肥却憶故鄉蟹正美季鷹何
事不思歸

儀真舟中

石頭城下雨如烟倦客不知方醉眠中有舟移揚子岸清曉人喚真
州船推蓬喜見紅日上望眼欲到青天邊一夕風波夢中過百年身
世真悠然

廣陵道中

廣陵自昔號繁華過眼春風一夢餘商女隔江歌玉樹仙人騎鶴問
瓊花荒邨石屋無歸燕進道斜陽有暮鴉二十四橋明月夜清光此
夜屬誰家

韓信廟

淮陰事業已荒涼猶幸封侯在故鄉古廟有碑眠宿雨長陵無樹挂
斜陽會聞杖策歸真主安用論功覓假王千古是非會未定英雄回

首事茫茫

黃河舟中述懷二首

昔年承召沐恩波投老飄零感慨多清夢常時懷綠鬢白頭今日過
黃河朔雲鴻雁來邊塞落日牛羊散近坡最憶故山茅屋好春風日
夜長烟幕

解纜龍江暮雨寒朔風迴薄楚雲開五更酒醒惟聞雁一月舟行不
見山半世悠悠孤枕夢百年擾擾幾人閒勞生字內成何事獨羨斜
陽倦鳥還

過徐州

十月朔風解上京孤舟一月到彭城黃河九曲流無盡白髮數莖猶
有情戲馬臺荒沙草合釣魚船小浪花輕老來不負壯遊志又指燕
山問去程

霜天早行

茅店雞聲落月孤車聲催我上征篷裹裘猶訝刀侵指拂面不知冰
在鬚草屋幾家門尚掩野橋何處酒堪沽却思曩歲禱房宿日上山
麓正擁爐

詞類彙編卷五

庚午立春日偶成
一別鄉關十五年寸心日夜望歸田孤舟暮雨滄江上茅屋秋風夕
照邊歸夢常時隨越鳥倦遊何意復由燕小樓昨夜東風起又見天
邊斗柄旋

送朱長史致仕還鄉

鳳城曉日軟塵紅鶴髮承恩出九重千里鄉關淮水北五雲宮闕大
江東漢廷清議賢疏傳楚地耆年重白公想見到家頻致客華鮮履
酒醉春風

春意堂

燕山趙氏隱居好種德幾年春意深見客不談當世事滿庭暉貯活
人心紫芝采處靈生袖丹杏開時錦作林老我故園歸未得來時花
下聽鳴琴

登崇文閣

春明試上崇文閣病起猶憐步武輕遲暮遠為千里客登臨不盡百年情
波雲天外青山小斜口烟中白鳥明皓首江湖歸未得故園春草又應生

石林為金道遠賦

鶴髮仙翁匪石心何年會種石為林參差玉樹參天秀巖何雲根入
地深兩幹有苔常帶潤月枝無葉自成陰季倫當日何曾見鐵網徒
勞海底尋

庚午中秋貢院述懷呈同志

夜久棘闈風露涼盞籥遶迤至公堂百年幾度看明月千里相逢各
異鄉謾把金尊斟綠醕羞將白髮對清光少年獨羨蟾宮路折桂歸
來兩袖香

酬胡季安學正見和

何處玉簫吹晚涼月明如水浸華堂神游自信非人境清夢長思在
帝鄉天上漏聲傳鳳閣雲間劍氣射龍光燕山此夕知何夕猶醉揚

何綱齋集卷五

州滿殿香

中秋述懷

去年江上送歸舟迢遞心隨江水流千里異鄉猶昨日一年孤館又
中秋青山有恨能遮眼白髮無情自滿頭謾說今宵好明月清光兩
地照人愁

次韻衍師約看杏花

去年已負看花約今歲看花復後期白社雲深難載酒彩毫春盡謾
題詩東風有恨埋芳草香雪無情滿故枝猶喜家山無恙在明年歸
看未開時

次韻酬衍師

白首論交得衍公片雲猶恨隔西東百年誤說三生舊十日曾無一
笑同大藥可能消鬢雪新詩自可愈頭風歲寒心事如松柏不學香
花旦暮紅

次莊孟公韻二首

日暮誰令涉遠途此身天地一蘧廬清宵無夢調班馬白日何心校
魯魚萬事已師齊物論一愁未有絕交書故人有意憐岑寂時致香
醪為破除

昌魚陶翁晚歲能無酒惠子平生願有書白日閉門惟靜坐不教塵
土到階除

吳鄉白首倦長途故里青山守敝廬北上慣看沙苑馬南行真食武

五言絕句

次鄧伯言思歸詩韻三首

萬里江南客思鄉無限情白頭誰作伴清夜讀書聲

故鄉書不到歸雁亦無情猶幸春來好會無杜宇聲

睡熟山應白鄰雞殊有情為憐歸夢好報曉獨無聲

題小畫

夜雪掩柴扉漁舟幾釣磯開門聞犬吠知是故人歸

七言

何綱齋集卷五

題夢桂卷

鈞天有宮名廣寒上有桂樹青團圓風迴隔九萬里何人飛夢游
其間乃是蜚臆讀書客清夜神遊生羽翼手攀天上最高枝來向人
間占桂籍我聞昔賢會夢松他日徵應十八公世間萬事有先兆精
神交感潛相通人生出處有定分身外悠悠不須問致身富貴須流
芳青史千年有公論

袁氏族譜詩

生民之初自古先林林莽莽天壤間後來作者有聖賢制為氏族分
烟連猶慮後世昧本源復著譜牒存簡編袁氏之先何蟬嫣宣仲起
家初氏鞅固為博士經術專益一名絲或氏爰不知何年定為袁邵
公登用選時艱垂紳正笏立朝端九重倚賴四海安魏晉而下亦有
年代不乏人乘貞堅石稟忠節貫九泉九原不死愧褚淵恕已殉唐
尤可憐功在社稷垂不刊茲為唐相有圭田請立家廟嚴豆籩子孫
似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

似續遂綿延散居四方日以蕃鄆邑之族自宋遷近代復有玉堂

奕業業備操製鉛共究六籍益覃研自惟受姓歲二千譜膝散跌伊
誰愆乃述所聞手自箋倘病簡略弗克全我言禹功始濟川放諸四
海乃滔天春秋書法得牽聯如彼瓜瓞方綿綿枝牽夏引相攀援後
人繼承能勉旃一傳可至千百傳我作歌詩知其然子孫世守如眞
詮

再次行公約看杏花韻

我生獨後郡康節白首黃塵走阡陌興來猶作山水游不減當年
康樂歸來讀書茅屋底不悟庭中雨漂麥往來爲客上湘水萬里不
異僧行脚東還若雪又十年日夜思歸嘆蕭索移舟五湖弔范蠡
酒三高祠太伯豈無蒼口晴嵐翠亦有洞庭秋月白不問烏飛與
走自樂鸞飛共魚躍去年買舟上呂梁橫波利石森戈戟狂吟不信
風濤險浩飲祇恐滄溟窄眼中往往逢故人謾說人民已非昨去年
二月到燕城官河水動冰初拆解裝孤館深閉門塵纓未暇滄浪
城西招提雙杏樹聞道花開亦將落湯休妙語數見招憐我同是江

尙綱齋集卷五

九

南客嗟予臥病已旬次出門不奈東風惡西家養蠶許相借明日無
風便如約政使飄零掃地香共拾殘英帶冰嚼

追和東坡石炭詩韻奉簡衍公

山根鑿煤山脈斷負煤出穴骨抵肝荒山無人種禾黍百里昇煤入
城換燕城居人十萬家家燒煤勝燒炭土炕潛陽九地回寒谷
陰一時散當年此物賤於土棄置道側無人看今年雪深頗艱得北
風排戶動而悍閉門兀坐廣文穗經月不效稽康銀烟公爲我致一
車更借山中之款段

再次前韻述懷且聞衍公積芻爲盜竊取故末句及之

我不學賤夫固利登壘斷布衣雖做聊掩肝又不能焚膏午夜坐窮
經虛負流年暗中換北燕南越走萬里所至嗜好如冰炭故園松菊
久荒蕪平生親舊雲萍散白頭締交廬山遠黃塵每垂青眼看天寒
爲我致烏薪剛陽可却頭陰悍側聞豪客夜相過乞取薪芻充治銀
爲問此客果誰欺定知不是踰垣段

衍公見和且有石炭之贈用韻奉謝

君不聞百年木作溝中斷又不聞甯戚單衣適至肝一朝儼樽升廟
堂布衣亦有軒裳換世間貴賤良席常萬物變化猶錫放我生不知
行路難五十年來任蕭散白日無事常杜門青山每向牆頭看暮年
南北倦奔走炎雲燥面朔風悍荷公贈我煤專車助我吟哦精鍊銀
諒無報公青玉案感公意重錦綉段

謝樓則中惠炭

則中名庸

白頭萬里客幽燕杖席猶憐有舊邇客舍尋常饒積雪帝鄉迢遞遊
非烟故人頻致烏薪贈豪室空餘歇炭燃昨夜西樓曠斗柄椒花又
喜頌新年

次則中見贈韻

海鶴東遊久未還青田芝老白雲寒前身已悟三生石大藥難逢九
轉丹好景每從愁裏遇鄉山長在夢中看百年身世真何物白首勞
生未得安

尙綱齋集卷五

十

幕石軒爲樓則中賦

海上盤峰僅一拳綠蘿深護夏春烟風回影轉龍蛇動月落庭空虎
豹眠已喜孤根蟠厚地會聞五色補青天摩挲莫問前朝事適見移
來五百年

悼袁公安

清渠三韓萬里城回飄中夜颺風驚身捐魚腹孤忠苦命落鯨濤一
羽輕報國已酬平日志寧親不盡百年情承家喜有連枝在荆樹春
來又發榮

題扇面小景二首

百尺樓臺十二闌重重巖幕護春寒繁華過眼空陳跡留得春風畫
裏看
斜日池臺生晚涼綠荷萬點蕪波光因思五月西湖路畫舫紅雲十
里香

望魯

我家西江望東魯雲山邈悠道修且阻歸白雲今天未惟秋風兮
延佇西江兮幽幽跋洙泗兮道阻且脩愛而弗見兮我心悠悠道在
天地兮何所非魯理會吾心兮靡聞兮古我心之存兮繫道之所

有網齋集卷五

七

有網齋集卷五

永康胡宗標撰四庫全書本校錄

明洪武時金華董真被徵入書館與宋濂張羽等唱酬于埜站之間
後官湖州府教授調北坐舉死官不甚顯所著有尚綱齋集四庫已
著錄稱其詞意清剛不染元季綺靡之習又以進呈之本分為二集
體例雜糅特按標題分為四集內有闕文悉沿其舊余依四庫編次
付刊補其闕文仍竝異日季樸胡宗楙

尚綱齋集跋

一
卷
一
一



光緒丙申秋月

詠物詩

武進莊淦書



錢塘丁
氏重標

少日見謝宗可詠物詩愛之因效其體亦擬百篇其已
詠者不重出也大抵詠物之作拘於題則固執不通有
黏皮帶骨之陋遠於題則空疏不切有捕風繫影之失
故自昔名家鮮有此作被謫以來原棄久已失去留滯
山後追憶舊章得其全者四十首書附吟藁以備遺忘
且以應答士友之知而求索者及回南京又於鄉友董
以誠處得其所傳三十首今至淞江居閒事簡復續三
十首以足百篇之數才疏語拙不可追配前人藏之家
塾以資吟覽庶不忘少日之勤苦用心爾倘有見者幸
勿以前所言二病爲誚也時宣德己酉八月上澣樂全
叟書於郡庠之西樓

詠物詩

探蓮舟

錢塘 瞿佑 宗吉

依紅汎綠往來頻載得盈盈一段春荷葉叢深難問路
瓜皮樣小恰容身撐歸別浦飄香袖擢入回塘動白蘋
幾度風來聞笑語隔花應有斷腸人

織錦機

綠紗窗下響咿啞知是秦川第幾家五色染成長命縷
雙頭挽就合歡花只愁轉軸勞筋力莫謾投梭損齒牙
不似繡牀閒坐倦自將辛苦作生涯

茶鑪

詠物詩

有耳原非鼎鼐材只宜烹茗待賓來煖分道室金丹火
冷撥山房鐵筋灰車轉羊腸聲漸急香浮雀舌夢初回
若教移對舒州杓又屬詩人舉酒杯

香桌

雕檀斲梓樣新奇霧閣雲窗任轉移金獸小身平立處
玉人纖手並擡時輕煙每向穿花見細語多因拜月知
有約不來閒凭久麝煤煨盡獨敲棋

花餅

香泉一勺淨無塵小器翻成席上珍密把英華齊藉口
虛將心腹暗藏春送行不是沙頭玉引恨元非井底銀
貪揀俏枝停久立間中偏稱曉妝人

燈杖

樣比金篋制造精蘭膏燒盡剔紅英指揮鉛水蛾難近
鎮壓銀缸鼠不驚只戀筒編依淨几不貪珠翠上長擎
主人若去登天祿擬效青藜照眼明

搗衣石

一方泔淨絕苔錢才屬秋閨響便傳長夜未央風陣急
美人相對月華圓高於鳳闕黃金礎厚勝花階綠玉甄
幾度晚涼眠不得丁東聲到客愁邊

熨衣斗

有柄何曾挹酒漿隨時用捨屬閨房斡旋天上陽和氣
平貼人間錦繡香翠袖捲紗移玉腕金篝分火近牙牀
衣成遠寄征夫去印顆何時肘後黃

詠物詩

種菊鉏

三逕開成草自青靈苗分植滿開庭春泥微澆金鴉窠
夜雨新抽翠鳳翎谷口長鏡貧杜甫原頭短鋤醉劉伶
算來不抵淵明好日日籬邊嗅晚馨

摺疊扇

開闔清風紙半張隨機舒卷豈尋常金環並束龍腰細
玉柵齊編鳳翅長偏稱遊人攜袖裏不勞侍女執花傍
宮羅舊賜休相妬還汝團圓共夜涼

紙團扇

齊執綉綺漫紛紜曾似溪藤觸建勳玉斧修成大上月

金刀剪落洞中雲三都價貴俱詞賦一枕風清卻垢氛
作字題詩總相稱練帶何必戲羊欣

菊花枕

不共茱萸入酒甌相親似欲老溫柔愁吟長伴風霜夜
醉卧不知天地秋蝴蝶有香來夢裏黃金無價滿牀頭
並欲莫愛鴛鴦穩贏得相思事可憂

虎皮褥

南山遺害已驅除裁就文袍任捲舒不製征鞍隨將士
卻登講席奉師儒夜無惡夢來燈下晝有威風起座隅
每向高堂鋪設處能令馮婦亦回車

象牙梳

詠物詩

三

不與豪門製寶牀晨昏用舍屬蘭房一鉤獨現雲鬟側
八字平分翠鬢傍溪女莫誇銀櫛貴宮嬪空愛玉釵長
從教座上無油木勸酒行看出豔妝

鮫綃帕

繭結扶桑出海濱遠隨機杼倩鮫人不裁洛浦凌波襪
能代湘川拭淚巾紫麝熏香收汗潤彩毫傳恨寄情眞
吳綾輕薄番羅俗出袖宜同掌上珍

蝦鬚簾

曾向長鬚國裏遊鮫人貿易特相留價高珠琲三千斛
名重神仙十二樓海色侵人寒翠幕龍光射屋捲金鈎
相知賴有騎鯨客滿酌螺杯當賞籌

螺杯

海山珍器琢磨成來伴犧樽與兕觥花底最宜邀皓月
席間偏稱吸長鯨琉璃琥珀非同品鸚鵡鷓鴣有異名
縱飲不須嫌量窄請看測海向蓬瀛

橙杯

平分半殼洞庭秋香霧霏霏勝玉甌左手持螯增蘊藉
東籬賞菊臘風流胸吞雲夢言非誑曲奏吳鹽味頗投
寄語黃甘并陸吉較勳輸我醉鄉侯

碧筒杯

傾銀注玉厭華筵分得青雲向水邊手障百川同赴海
身扶一柱獨擎天金莖靈液絲絲露石眼空青滴滴泉
飲後不須愁酒渴花間自有藕如船

詠物詩

四

鸚鵡杯

天生珍貝作杯觴鯨吸能添飲興長李白眞堪託生死
禍衡何必擅文章江風海雨增豪量隴樹巴雲接醉鄉
若使能言便多事舞裙歌扇費評量

鶴骨筵

不將禮幣葬元黃身後宮商要品量玉管裁成斑竹樣
星筒噴出紫芝香魂飛赤壁曾留夢聲徹瑤臺已斷腸
一曲仙音誰利得龍吟碧海鳳鳴陽

羊毫筆

毛穎年深老不能中書模畫歎難勝管城忽現左元放

草澤不容巖子陵壁上榴皮功可逃門前竹葉事無憑
剛柔何必吹毛問耐久真堪作友朋

水晶筆架

三峯近列硯池頭光照文房爛不收冰壑夜寒龍獨臥
雪山春暖兔羣遊彩毫倚閣功應就銀管依棲價未酬
別有珊瑚新琢樣策動畢竟是誰優

水滴牛

不飲人間洗耳餘案頭毛穎可同居一泓黑水犀潛海
萬斛文源角挂書涓滴可甦當道喘辛勤曾見帶經鋤
火攻莫試田單策傾瀉那知腹易虛

硯池

蘇物詩

五

活水源頭一脈清文林藝圃藉滋榮旗搖彩影龍蛇動
筆奪元機風雨驚螢火不愁乾欲死蠢魚今喜放長生
遙思紫玉潭中事靈怪紛紛鬧幾更

鼇山

燈火元宵擁翠微飛來海上是耶非樓臺夜識金銀氣
嶺岫春回日月輝龍伯國人垂釣去水宮仙子步塵歸
女媧立極多勞苦不似東風錦繡圍

藥鼎

白雪紅鉛自有花何須句漏問丹砂香煙滿屋結蒼霧
丹氣穿林生紫霞修鍊欲通三島路烹調不入五侯家
彌明豈識君臣品惟把龍顏豕腹誇

香印

鼠酌香塵盡左旋曾煩巧匠爲雕鑄螢穿古篆盤紅燄
鳳遊迴文吐碧煙畫內僅容方寸地數中元有範圍天
老來無復封侯念日日移當繡佛前

木魚

長廊懸掛發鯨音鱗甲光芒欲倍尋跳躍幸離生死海
空虛已斷去來心開黎課密鐘常早長者思多水共深
龍象有靈能拱護不隨波浪去浮沉

檐馬

鍊鐵能成八駿形渾身堅甲四蹄輕向空騰踏風塵動
逐隊回旋劍戟鳴妝閣香消驚曉夢畫堂月轉起秋聲

蘇物詩

六

玉關路阻金河遠牽付將軍致太平

剪刀

巧製工夫百煉鋼特來開閣共行藏雙環對展魚腸快
兩股齊開燕尾張鍼綫有功憑製造綺羅無價任裁量
隨機鏤出新花樣長在佳人玉指旁

錢篋

器小纔堪貯百千也勝撲滿費陶甄書生紙裏真堪笑
鄰女香囊亦可憐野步不須鞵上繫市沽何用杖頭懸
畫叉更有黃州竹取用隨時合自然

筇柱

新琢珊瑚小更堅爲誰撐拄十三絃斜排陣勢移銀甲

促滾歌聲鬧綺筵馬繫遊韉行不定雁銜征信夫相連
曲終莫遣成孤令收貯香囊若箇邊

琵琶絃

筋拔鴟雞響便調檀槽鐵撥可論交人逢湓浦揮紅袖
曲按梁州袞六么布施空教繫帶帶相思安得續鸞膠
可憐嚴武無情甚忍使芳花半夜彫

骰子

樗蒲局裏任提撕圓轉隨時效滑稽力士賜緋心獨喜
媚孃雙陸夢多遠深藏玉手拈羅帕輕打牙盤刻樹雞
卻憶咸陽客舍裏呼盧喝雉燭花低

線香

詠物詩

七

搗麝篩檀入範模潤分薇露合雞蘇一絲吐出青煙細
半炷燒成玉筋麤道士每占經次第佳人惟驗繡工夫
軒窗几席隨宜用不待高擎鵲尾爐

椰瓢

珍果南來出瘴鄉汪汪滿腹貯瓊漿鑿開混沌通天竅
製作團欒薦酒觴隱者亦曾懸樹杪詩人何必棄溪傍
一簞飲食知同味卻笑匏瓜只繫將

鞦韆

弓樣新裁瘦不禁分明一掬照花陰凌波未試鸞鸞玉
踏月還生步步金細蓄先開傳密意赤繩雙繫結同心
少年前度相看處惟恨秋千別院深

鴛鴦燈

比翼難忘繾綣恩一雙乘夜泊朱門焚膏照破香衾夢
翦紙招來怨家魂火樹銀花相掩映羅帷繡幙共温存
舊遊莫說乾明寺紅袖春宵泪痕

鬪雞燈

怒挾爭機下絳臺月明照見影毬毬彩鸞舞鏡腸應斷
丹鳳迎陽尾乍開五德有名終氣合兩雄相厄未心灰
孟韓聯句誰能續燒盡東風畫燭煤

煙火戲

天花無數月中開五色祥雲繞絳臺墮地忽驚星彩散
飛空頻作雨聲來怒撞玉斗翻晴雪勇踏金輪起疾雷
更漏已深人漸散開竿挑得綵燈回

詠物詩

八

影戲

燈火光中夜漏遲風輪旋轉競奔馳過來有迹人爭覩
散去無聲鬼不知月地花階頻出沒雲窗霧閣暫追隨
一場變幻如春夢線索重看傀儡嬉

煮茶聲

新泉活火試旗槍入耳俄聞抑又揚花落客亭春夢短
雪飄僧舍夜更長細如澗水穿冰壑清似松風振草堂
黃九窮來詩更好解言車轂遶羊腸

屠蘇酒

紫府仙人授寶方新正先許少年嘗八神奉命調金鼎

一氣回春滿絳靈液夜流千尺井春風曉入九霞觴
便將鳳歷從頭數日日持杯訪醉鄉

菖蒲酒

採得靈根傍藕塘祇因佳節屆端陽金刀細切傳纖手
玉葶輕浮送異香厨薦鱖魚冰作膾盤供角黍蔗爲漿
同時節物充筵會縱飲何妨入醉鄉

蓮花白酒

厭飲葡萄酌紫霞喜傳釀法自仙家也知東老偏憐客
故遣西施贖採花玉井汲泉浮曉甕金盤承露浥天葩
從今渴飲無冬夏學士休誇雪水茶

花籃髻

詠物詩

九

春色何曾間四時一筐攢簇上青絲同心對挽團圓結
連理平分左右枝低映桃花紅處臉斜侵柳葉翠邊眉
鬪竿不許閒人得只有釵梁雙燕知

紅指甲

金盤和露搗仙葩解使纖纖玉有瑕一點愁疑鸚鵡啄
十分春上牡丹芽嬌彈粉淚拋紅豆戲掐花枝鎮絳霞
女伴相逢頻借問幾回錯認守宮砂

碧甸指環

一點萍星落指尖分明界破玉纖纖眼看翠鬢侵銀甲
手弄花鈿出鏡匣懷寶自知承寵厚賜環誰妬受恩兼
鳳仙更素柔黃染紅綠爭春色倍添

錫葵

困倚蒲團罷煮湯一團和氣有商量生來不作閒雲雨
老去偏多熱肺腸金母有心同壽域竹奴無意妬專房
布衾紙帳風霜夜始信溫柔別有鄉

壓破孩兒

翠屏繡褥兩相新占斷鴛幃富貴春有分長眠紅錦帳
無心閒惱白頭人不求阿母金訶乳肯踏羣兒竹馬塵
引得熊羆來吉夢卻因弄假偶成真

雪獅

天宮夜降玉麒麟勢壓金猊席上珍百獸稱王光照夜
六花被體氣回春滾毬仙苑追前跡鑄石侯門現後身

詠物詩

十

要使威風長鎮宅煉形更鑄寶坊銀

桃花馬

汗血龍駒自有神雪毛霞暈兩相勻帶將阿母池頭景
故作元都觀裏春鴻鵠追傳千里信蜨蜂飛逐四蹄塵
驪黃藉白何須數獨據仙源立要津

金絲犬

擺尾搖頭慶所遭愛同獅子銜金毛花前喜共狸奴戲
月下難隨狗黨噪易卦已曾稱小畜書篇底用詫靈葵
主翁要使防門戶免逐韓盧較獵勞

玳瑁貓

皮毛斑駁爪牙堅食有鮮鱗臥有禮海客徒能知黑暗

舟人自愛畜烏圓磨替製帶非同品捕鼠銜蟬是獨權
卻笑老狸誇玉面竟遭州鑊薦盤筵

白兔

白玉狡狴脫犀羈遠隨重譯到皇畿仙山昔慣餐霞草
月殿今看舞羽衣塵褐已將狐換腋霜毫欲與雪爭輝
蒼鷹黃犬休回顧拔宅西來得所依

黑兔

脫穎來從洗墨池中書喜得近龍墀日中好與陽鳥對
月殿那教獵犬知自守一元甘寂寞不營三穴費支持
管城若要加封號弊卻緇衣又改爲

白鹿

蘇物詩

十二

角端字刻表銅牌知向宜春勝地來仙子倒騎歸閭苑
聖君馴養在靈臺長生自得千年壽間色誰將二女猜
待看呦呦食苹後吹笙鼓瑟慶筵開

白鷹

早雕赤鵠漫紛紜毛翮安能脫垢氛海外飛來如片雪
天邊颺去似孤雲素鸞安尾求爲伴皓鶴昂頭欲趁羣
玉爪金眸期一縱要看得僞策奇勳

白燕

脫卻烏衣絕點瑕銀屏珠箔舊生涯玉京老去妝初改
玉樹歸來鬢已華避雨有時沾柳絮夢雲何處認梨花
飛瓊不向瑤臺去卻入尋常百姓家

孤鷹

失伴離羣不憚勞此心終不在蓬蒿百年海內皆兄弟
萬里雲間一羽毛夜月相隨形影在秋風獨立性情高
鷓鴣序休相笑朋黨何須似爾曹

喜鵲

簷前啾啾噪無休多爲深閨卜遠遊吉語偏能報歸客
舊巢多是借鳴鳩萬年枝上迎風露五色雲中度女牛
若使有靈能化印幾人談笑覓封侯

關雞

五德名稱不自持怒憑爪背決雄雌三郎好勝真英主
亞子爭強豈小兒兩陣猛如劉項敵一場喜入孟韓詩

蘇物詩

十三

紅羅纏項收功後贏得旁觀舉酒卮

烏骨雞

白毛烏骨獨超羣氣質雖殊五德存行處每隨金孔雀
生前應是黑崑崙元冠勇赴三軍敵黑距雄誇兩足尊
聞道醫家倚妙藥擬同參朮策奇勳

雞雛

殼分混沌見精神鳳侶鸞儔暫化身傍母浴沙花徑午
隨羣啄粟草堂春饒貓尾後垂涎久飢鷄天邊側目頻
羽翼漸成文采備不陪談論亦司晨

僧房鷓

縞袂元裳骨已仙聽經來過法堂前夜翻松頂霜衣露

書遊鹿苑曾相識一落禪林又幾年

海邊睡鶴

困翼難巢滴露松暗香浮處託孤蹤風生東閣春來早
刀到南枝夜未中夢與青鸞遊上苑魂隨蝴蝶落芳叢
通仙去後相知少又向橫江掠短篷

紅蜻蜓

蜻蜓蜂黃氣正驕愛渠欵欵集蘭若翅攢霜葉飛難定
目聚燈花焰未消偷咀仙霞傳祕訣戲塗猩血點纖腰
寫生好倩毘陵筆濃蘸胭脂上輭綃

黃蝶

詠物詩

七

誤入蜂房不待媒巧傳顏色換凡胎遠籬野菜流連住
何處金錢變化來傳粉已知前事錯偷香未信此心灰
上林鶯過頻回首一色毛衣莫用猜

鬼蝴蝶

飛鳥曾聞載鬼車粉香何事亦隨邪傷生不惜身投火
抵死猶將命乞花望帝精靈枝上血韓憑魂魄墓前沙
一般有恨難消滅夢裏相逢更可嗟

蜂房

戶牖誰教各自開花間衙退海潮來分門豈慮添丁惱
釀蜜應防鬧課催蟻穴尙能藏郡國龍宮亦自有樓臺
書生苦欠立錐地憑仗東風爲作媒

蛛網

來往巡檐不憚劬經營何異緝吾廬曉風倒挂蜻蜓尾
莫雨雙黏蛛蝶須屋角儘教長掩護杖頭不用苦驅除
夜來露重春煙暝綴得瑩瑩萬顆珠

燕泥

水溢芹塘過晚潮土膏滋潤長蘭若綠楊影裏和煙入
紅杏香中帶雨調舊壘綢繆惟恨晚空梁零落可憐宵
貪高笑爾雙鳥鵲結得危巢易動搖

金魚

逐隊隨羣樂自如桃花浪暖變形軀散如萬點流星迸
聚似三春濯錦舒玉帶高懸知陛見紫囊同賜憶朝除
池中有此稱三寶須備神龍攫火珠

玉簪花

白露初凝氣候涼花神獻寶助新妝移來銀色三千界
壓盡金釵十二行秋水爲神冰琢骨龍涎作炷麝傳香
不須石上憂磨折長在佳人翠髻傍

鳳仙花

高臺不見鳳凰飛招得仙魂慰所思秋露庭除蛩泣處
晚風籬落燕歸時金盆夜搗聲相應銀甲春生色更宜
好倩良工揮彩筆寫成竹葉夾桃枝

紅木犀

滴露研朱染素秋輕黃淡白總包羞量空金粟知難買

擊碎珊瑚惜未收仙友自傳丹籠術狀元須作錦衣遊
一枝擬問嫦娥乞管取花神暗點頭

蠟梅

玉骨冰肌本自奇年來何事貌如梅
麝香透含風蕊金粉妝成帶雪枝
簷下採香煩蝶使池邊弄色妬鸞兒
漢宮嬌額誰能識恍惚相逢信又疑

綠萼梅

元是仙人萼綠華偶隨春色到天涯
捧心忽見眉顰翠映肉長將袖捲紗
應厭紅椒含蓓蕾尙嫌碧蘚護槎枒
待看結就含酸子本色青青是一家

白山茶

詠物詩

五

消盡林端萬點霞叢叢綠葉襯瑤華
寶珠買斷春前景宮粉妝成雪裏花
餘子競傳丹籠術此身甘傍玉川家
江頭梅樹無顏色何況溪邊瑞草芽

黃葵

仙臺風露淨秋輝不數端陽蜀錦機
正色妝成菩薩面濃香重透女眞衣
菊投老圃開何晚桂入蟾宮見亦稀
獨捧檀心能慰藉金杯傾側醉相依

胭脂菊

露濕霜凝色未消只疑洗茜染倡條
香從渭水波中漲魂向陳宮井畔招
春透桃顚開笑臉酒蒸霞頰暈紅潮
癡人費盡金錢買擬向東籬見阿嬌

西施菊

不惜金錢買冶容移根應自館娃宮
西風冷落三秋後故國繁華一笑中
戲蝶留連香徑晚遊人悵望屢廊空
莫教野鹿偷銜去留映蘇臺夕照紅

荔枝菊

元是風流十八娘七閩分種過南陽
留連晚蝶窺紅顆憑仗秋風折絳囊
知味曾蒙妃子笑採香還乞楚人嘗
兒童一見爭攀取佳實初經滿徑霜

垂絲海棠

娟娟東風拂苑牆天機呈巧織仙裳
玉欄斜搭耐春睡銀燭高烧照晚妝
華屋雨寒愁緒亂綺窗日暖唾茸香
詩成儻有緜毫補願醉佳人錦瑟傍

詠物詩

其

二色桃花

花神弄巧泄元機異品同根世所稀
紅雨亂隨香雪墜碧雲低傍彩霞飛
汗沾妃子新妝面唾點昭儀舊舞衣
好似天台諸女伴深顰淺笑送郎歸

白楊梅

乃祖楊朱族最奇諸孫清白又分枝
炎風不解消冰骨寒粟偏能上玉肌
異味每煩山客贈靈根猶是聖僧移
水晶盤薦華筵上酪粉鹽花雨不知

紅瓠瓜

採得青門綠玉房巧將狸血沁中央
結成晞日三危露

瀉出流霞九醞漿
溪女洗花新染色
山翁鍊藥舊傳方
寶筵滿把瑛盤釘
雪藕調冰倍有光

紅藕

竅斷蛟絲面發紅
披紅一笑逞妖容
提攜纔出汗泥內
點染重歸色界中
酒暈冰顛含蘊藉
霞蒸玉骨照玲瓏
六郎傳得還丹術
更約相尋太華峯

捲荷

初出波心葉半含
乍舒還捲密浮藍
舞衣對束青鸞錦
封事齊藏綠玉函
酒沁碧簫留客飲
龜巢翠繭倩誰探
南風漸見吹成蓋
又聽千聲夜雨酣

斑竹

詠物詩

七

班資合受管城封
老著萊衣跡愈窮
江上啼紅思二女
案邊投筆恨同宗
生花自合來仙鳳
全節何勞記守宮
賴有良工能採擇
繡簾妝點認遺蹤

繡墩草

沿階傍砌密成叢
輭似青氈細似茸
葉底收藏惟橄欖
花間映帶有芙蓉
佳人拾翠行窩穩
穉子攤錢坐席重
况有靈根供藥餌
美名重號麥門冬

寄生草

要路閉門雨不過
生來惟戀舊枝柯
似嫌樹底泥塗滑
應愛梢頭雨露多
冉冉欲遮螻蟻穴
萋萋得近鳳凰窠
教坊樂府多新製
傳得佳名入豔歌

虞美人

劍血多年尙有神
楚歌聲裏弄殘春
迎風似舞腰肢細
帶雨如含淚眼顰
江畔烏鴛空躑躅
宮中人屍可悲辛
青青只有明妃塚
長恨飄零作虜塵

麥浪

翠濤無際拍天浮
水氣生涼四月秋
路隔隴頭高抵岸
人騎牛背穩如舟
腥風只恐藏魚鼈
雪羽頻看起鷺鷗
滄海桑田何足怪
黃雲割盡見平曠

茶煙

濛濛漠漠更霏霏
淡抹銀屏羃講帷
石鼎火紅詩詠後
竹爐湯沸客來時
雪飄僧舍衣初溼
花落船窗鬢已絲

詠物詩

六

惟有庭前雙白鶴
翩然趨避獨先知

竹風

直節綠何也動搖
枝枝葉葉散涼颺
佳人翠袖應憐薄
仙子青鸞不待招
畫靜空階如夏玉
月明深院好吹簫
何須更覓簫簫洞
便駕扶搖上九霄

荷風

一陣南來一陣涼
扁舟來到水雲鄉
吹開太華峯頭雨
散作西湖水面香
清露瀉珠露翡翠紅
衣墜粉妒鴛鴦
飄飄香袖空中舉
知是誰家窈窕娘

雪塵

朔風刮地捲寒埃
非霰非霜旋作堆
密灑漁蓑黏玉屑

亂隨馬足散銀杯曉妝都棄香奩粉夜坐頻

□□□□□□□□□□□□□□□□

霜信 全首缺

詠物詩終

詠物詩

九



眞

眞

曲



真真曲

吳德貝 瓊廷瑤著

桃文公爲承旨時。一日玉堂燕集。聲伎畢奏。有真真者。操南音。公疑而問之。泣對曰。妾建寧人。西山之苗裔也。父司筦庫。於濟甯坐盜用縣官財。實妻以償。遂流落娼家。公憫之。遣使白丞相。三寶奴爲落籍。且謂翰林屬官王棟曰。汝無妻。以此姬配汝。我即其父也。實誠皆出於公。棟字棟華。後官至翰林侍制。噫。以西山之賢子孫。陵遲不至於此。然辱於始而正於終。是亦天也。實谷錄。談紀其事。予乃賦四十二韻。而沉鬱悽婉。亦足以盡其大畧矣。

斷絲寒道。何日綠長松。隨羽別炎洲。不復巢梧。桐。請君且勿飲。聽我歌。僕僕在昔全盛時。冠蓋紛相從。盤遊易水上。意氣天山雄。金刀手割鮮。酒給葡萄濃。坐有一枝春。秀色不可雙。博博劉碧玉。綽約商玲瓏。寶釧金雀釵。已覺燕趙空。或聞操南音。未解歌北風。上客驚且疑。姓氏初未通。問之慙復泣。乃起陳始終。妾本建寧女。遠出西山翁。父母生妾時。謂是金母童。梨花鏡院落。燕子窠廉櫳。

真真曲

十一

九

迢迢官朔方。南瞻山水重。侵貸國有刑。桎梏加父躬。弱女以自贖。白壁淪泥中。秋娘歌。歌舞聲價傾新豐。永爲倡家婦。遂屬梨園工。霓鏡拂新翠。吹簫和小红。身居十二樓。屢入明光宮。京華多少年。門外嘶青驄。自傷妾薄命。失路隨秋蓬。不如孟光醜。猶得嫁梁鴻。客問爲三歎。祖德甯未崇。回黃忽變綠。人事何匆匆。有客傷提紫。無人憐紫鬢。遣使白丞相。削籍歸舊宗。山史三十餘。勿恨相如窮。配汝執箕帚。今夕看乘龍。驚鷺並玉樹。鸚鵡開金籠。銀甲不復整。紅牙不復從。提梁自汲水。絺綌亦御冬。應非事羊侃。頗類歸建封。琵琶感商婦。老大猶西東。崔徽怨。顛傾浪寫丹青容。依依垂台柳。落落春無踪。小妾恨題驛。竟與瓊奴同。時多困坎珂。事或欣遭逢。焉知百尺井。欲登翠玉峰。側聞爲者誰。內相桃文公。



至正妓人行

169 冊 96 冊 691

144

169 冊 96 冊 691

至正妓人行

廬陵李 禮昌撰

永樂十七年。予自柱役房山。是冬邂逅一遺姬於逆旅中。雖膏沒塵土。有費老態。然尚餘談笑風韻。藉以紫簫自隨。助其詳。蓋大都妓人。以才貌練教坊。供奉。陵遷谷變。將落髮為比丘尼。未果。已而轉嫁編氓。愈益淪落。今垂老無所依。隨孫就食匠氏間。遂呼酒飲之。使吹數調。既罷。因與其論。昔其首至正時。繁華富貴事。如日親然。每一追思。懷抱輒復作惡。豈來今往古。紅顏薄命。當如是耶。余為低回悽然。慨歎且悲。其意。作長辭贈之。題曰至正妓人行。第辭華萎弱。不足以寫其態度之萬一。憂鬱之際。取而讀之。匪慰若人。聊以自解焉耳。

桃花含淚傷春老。蓮葉欺霜悴秋早。紅顏翠鬢誰可方。大都伎人白頭媪。言辭婉媚雖足愛。顏色萎摧常再好。姿同蒲柳先凋零。景近桑榆漸枯槁。我役房山滯客邊。客邊意氣迥非前。螺杯漫想紅樓飲。雁柱徒懷錦瑟絃。晏歲荒村因邂逅。

宋 一至正妓人行

十一 香 九

道。芳樽小酌且留連。陽台楚雨情應減。舞袖弓鞋事棄捐。於今淪落依草木。天寒幽居在空谷。爺娘底處謾墳墓。姊妹何鄉尋骨肉。初謂終身永歡笑。那知末路翻撈擲。莫惜繚纏紫玉簫。暫吹絳閣瑤台曲。停觴起立慙如疑。飲罷踉蹌半响時。凝情徘徊聽久。微茫杳渺度腔遲。嬌疑現院驚求友。嫩訝呢喃燕哺兒。巨壑潛蛟驚起鬣。危巢別鶴苦分離。或變或成凄切淚。切愈加香愈咽。蕩子江湖消息稀。疲兵關塞肌膚裂。似啼似訴似泣。若慕若怨兼若訣。孤舟蕩婦旅魂銷。異域蠻臣髮毛折。參商角羽雜宮商。微約紆餘巧。抑揚墜絮遊絲爭。亂哀蛩怨蚓互低昂。呦呦瑞鹿遊靈園。嗚嗚和鸞集建章。楚弄數聲晴洗篔簹。且州一曲換伊涼。伊涼溜亮益閑暇。填篔簹。篔簹聲。在。下。珮。珮。鏗。鏘。韻。碧。霄。機。梭。漸瀝鳴玄夜。須臾衆調多周遍。返席重論盛年話。一白干戈據擾攘。幾多行蹤過淪謝。記得先朝至正初。奴家才學上頭餘。銀環約臂聯條脫。絲綉探絳綴屏書。博局倦餘邀伴賭。鞦韆蹴罷借人扶。搬腰數被那姬妬。鬢髮常煩阿姐梳。羽林英俊馳輕較。慣向奴家通夕宿。鳳枕鶯衾背覆辜。蜂蝶媒使交相屬。玉容反愧

至正妓人行

脂粉尚香體。匪藉沉檀浴。退居始蓄興。聖班。內使傳宣。又催促。宇宙雍熙百姓。安仁軍四裔。覆三韓。長吾運。作必關赤。欽察恩深。谷刺罕。已見拂耶呈驥。還。間。繡。甸。貢。環。玕。丹。極。陸。陵。棲。鶴。鶴。華。裴。玲。瓏。錦。角。端。神州形勝。真佳麗。鬱鬱葱。蔥。蟠。王。氣。五。穀。豐。登。免。稅。糧。九。重。娛。樂。耽。聲。妓。廣。寒。宵。得。侍。乞。巧。太。液。晨。許。陪。修。撰。遊。暑。巡。遊。欲。屆。程。沿。途。宿。頓。甲。除。地。隨。鑾。供。奉。揀。娉。婷。特。教。奴。家。履。蹕。行。齒。簿。晚。排。仙。仗。發。抹。倫。晴。粉。繡。鞍。乘。營。圓。鼓。錫。篋。雷。動。磬。外。氣。埃。掃。電。清。執。扇。試。時。連。大。內。花。園。過。去。是。開。平。宗。王。貴。戚。成。來。會。嵩。呼。萬。歲。齊。齊。跪。排。纓。帽。安。臥。鮑。圓。黑。髮。髻。紉。下。耶。銳。後。先。雉。扇。張。薛。執。左。右。鱗。符。火。赤。佩。茜。鬪。綉。袍。竺。國。師。體。綉。披。天。霓。障。齊。裝。宋。女。總。尋。常。惟。帖。奴。家。歷。教。坊。樂。府。競。歌。新。北。令。勾。欄。情。似。舊。西。廂。敘。寶。院。本。備。豐。賞。喝。采。筵。復。每。擅。場。渾。脫。囊。盛。阿。刺。酒。連。拿。珠。絡。只。徐。裳。胡。元。運。詐。俄。然。歇。遠。遁。龍。荒。棄。城。闕。官。裡。遙。衝。朔。漠。塵。哈。敦。暗。哭。穹。廬。月。壞。宮。窗。靜。著。封。鎖。虛。室。苦。生。龜。朝。絕。絕。微。陰。森。落。落。表。中。原。溷。洞。烽。烟。熱。填。溝。塞。壘。綿。綿。橫。風。似。做。驅。車。瓦。全。窮。窶。蛾。眉。渾。媚。豔。賭。賭。斷。足。亦。羞。纏。祗。圓。

宋 一至正妓人行

十二 香 九

披荆思依佛。梵相脚踏履。練納正宜參般若。赤繩無奈纏羅緣。關心慧質非堅固。宛轉網繆媒。約。嫁。與。凡。庸。里。巷。兒。流。為。鄙。賤。精。糖。婦。文。禽。失。類。偶。難。驚。孔雀迷翠。隨。鴛。鴦。手。具。盤。珠。奉。舅。姑。親。操。井。禮。應。門。戶。物。換。星。移。十。載。強。尊。婢。殂。歿。礎。亡。忍。談。富。貴。徒。增。感。怕。脫。酸。辛。只。斷。腸。筋。骸。疲。德。龍。鍾。久。里。舍。么。娘。嘔。老。醜。塗。抹。伊。誰。識。阿。婆。彈。指。說。自。矜。耀。手。儉。生。又。幸。逢。明。代。垂。死。富。當。正。邱。首。轉。柯。頰。齡。諒。亦。多。槎。牙。瘦。骨。行。將。朽。歡。歡。嘆。古。更。嗟。今。少。日。榮。華。晚。陸。沉。齊。登。願。母。嫌。聒。耳。寥寥罕遇。是知音。織。烏。荏。荏。忙。過。隙。司。馬。沈。沈。已。濕。袴。往。運。推。移。端。莫。換。窮。途。汨。沒。最。難。禁。妓。人。聽。我。相。寬。憫。美。貌。多。為。姿。質。累。倉。皇。明。鏡。樂。昌。分。縹。紗。層。樓。綠。珠。墜。雖。云。死。獨。因。貧。乏。贏得。嬌。曉。到。憔悴。世。上。浮。名。不。值。錢。杯中。醉。耐。休。醉。耐。屏。營。收。淚。起。逐。逐。戰。拜。股。動。乞。賦。詩。上。炕。蓬。牖。愁。寂。夜。挑。燈。快。讀。解。愁。願。那。知。皓。首。送。元。積。那。川。黃。金。鑄。牧。之。灑。翰。酬。渠。增。慷慨。風。流。千。載。繫。遐。思。于。既。喻。以。是。詩。乃。致。謝。曰。此。元。白。遺。音。也。何。相。見。之。晚。也。老。身。旦。夕。且。死。當。

與借。焚。庶。讀。之。於。地。下。明。年。春。予。將。還。京。師。重。往。過。之。則。果。沒。矣。因。誦。斯。稿。
贈。若。見。其。俯。仰。語。笑。之。態。悲。夫。永。樂。庚。子。閏。正。月。朔。日。廬。陵。李。積。職。

卷一 臣民人言

十四

九香 鮑 景 集 書

袁海文詩

集

後學于初北樁
書眉



光緒癸巳秋仲
觀自得高板刊

重校刊袁海叟詩集

吾郡詩人袁海叟當明之初與高青邱齊名顧五百年來青邱集膾炙人口而海叟之詩幾乎若廣陵散此其間若有幸不幸然微顯闡幽亦後學之責也往予分脩華亭縣志及海叟傳旁證諸家紀載言人人殊頗怪當時載筆諸人見闕校近顧何以參差若是欲得海叟集一為論正而訪諸收藏家卒未一見又頗怪從前屢有雕本而何以寥落若是不禁為之喟歎一日過市得此本鈔寫完整則又為之狂喜亟取以讀乃恍然於諸家所紀得罪伴狂之說舉未足信而益信夫尚論古人者

袁海叟詩集

閔序

一

觀自得齋

徐氏校刊

之必貴乎誦其詩讀其書也既為增攷於其傳後而思為此集刊傳則未有能任之者今年春于役滬江聞徐子靜太守訪求祕籍將輯為叢書予友槐廬竝佐按討因舉此集畀之太守慨然謂失今不刻且久而愈晦遂授之剞劂氏烏乎古之作者亦夥矣傳不傳何常之有海叟詩為明初諸人之冠亦既表箸於一時而迄於今惟明詩綜松風餘韻寥寥數首僅見一斑將謂全豹之不復覩乃名山之藏幸不終拚得太守為之重刻將復與青邱竝馳而齊軌是身後之名其顯其晦正復無常又無論朝露浮雲為虎為鼠暫時之顯晦已哉刊既竣

太守謂不可以不叙其重刻之故遂識之於簡光緒十有六年上元後三日後學閔萃祥書於蒲匯塘舟次

袁海叟詩集

閔序

二

觀自得齋

徐氏校刊

袁海叟詩集序

海叟集雲間袁凱氏所著海叟其自號也會稽楊廉夫嘗作白燕詩及覽叟作驚歎以為不及叟師法子美雖時有出入而氣格韻致不在楊下其耿耿於叟者要非一日矣按集中燕詩最下最傳諸高者顧不傳雲間故吳地叟亦不與四傑列皆不可曉者夫毀譽可盡信哉洪武間叟為御史上將戮一人太子固諫而止上以問叟對曰陛下創業之義東朝守成之仁上意遂解未幾以病免歸翰林陸吉士子淵叟同郡人聞道前事令人侃侃生氣節斯亦足以傳矣而况於詩乎叟名行既晦

袁海叟詩集序

觀自得齋徐氏校刊

集亦罕存子淵購得刻本於京師士人家楮墨焦爛蠹涅者殆半乃刪定為今集仍舊名著著叟志也夫韓退之唐之聞人也其文至宋歐陽公始暴於世然則如叟者尚奚尤哉仲默謂國初詩人叟為冠故子淵表揚甚力君子以為知言正德元年秋八月八日北郡李夢陽撰

景明仕宦時嘗與學士大夫論詩謂三代前不可一日無詩故其治美而不可尚三代以後言治者弗及詩無異其靡有治也然詩不傳其原有二稱學為理者比之曲藝小道而不屑為遂其辭其為之者率牽於時好

而莫之上達遂止其意辭意併止而斯道廢矣學之者苟非好古而篤信弗有成也譬之琴者古操人所不樂聞又難學新聲繁豔易學人又喜之非果有自信孰不就所易學以媚人所喜者也若是將使古道復至於無聞焉而已矣景明學詩自為舉子歷宦於今十年日覺前所學者非是蓋詩雖盛稱於唐其好古者陳子昂後莫若李杜二家然李杜歌行近體誠有可法而古作尚有離去者猶未盡可法之也故景明學歌行近體有取於二家旁及唐初盛唐諸人而古作必從漢魏求之雖迄今一未有得而執以自信弗敢有奪今年罷官歸自

袁海叟詩集序

觀自得齋徐氏校刊

以有餘力得肆觀古人之言又欲取我朝諸名家集讀之然弗多得其得而讀之者又皆不稱鄙意獨海叟詩為長叟歌行近體法杜甫古作不盡是要其取法亦必自漢魏以來者其所造就蓋具體而未大耳噫其所識亦希矣吾郡守孫公懋仁篤於好古其子繼芳者從子論學大有向往嘗索古書無刻本者以傳予謂古書自六經下先秦兩漢之文其刻而傳者亦足讀之矣海叟為國初詩人之冠人悉無有知之可見好古者之難而不可以弗傳也乃以授之而并繫以鄙言觀者亦將以是求叟之意矣叟姓袁氏名凱其集陸吉士淡所編定

者李戶部夢陽有序其履歷可攷而知也茲不復述信陽何景明撰

重刻袁海叟詩集引

袁海叟以詩名勝國吾鄉稱詩者蓋淵源於叟又其人磊落多奇蕭然風塵之外嘗應辟命一出爲御史卽以病免歸如神龍不可羈御實異人也然叟以時政孔棘務自韜晦故其名不甚著而詩亦稍稍散逸陸文裕公始購得寫本刻之京師其後柘林何氏復得祥澤舊刻以活字板印行焉顧傳布猶未廣也余守衛偶攜二刻退食之暇恆自披覽陸本頗多殘闕何本稍完而字畫

袁海叟詩集序

三

觀自得齋徐氏校刊

不甚整暢中亦間有異同者輒手爲校定更授劖劂昔李何二公意不可一世至論詩獨稱叟爲國初諸家之冠是惡可令泯泯不得與吳中四傑並傳哉刻成因題其端以識歲月云爾萬厯己酉霜月五日郡人張所望題於衛之吾兼亭

城書室刊本序

明初鄉先生袁海叟實爲一代詩人之冠後之學者所當奉瓣香奉白燕菴者也余按輯我鄉名人遺集於海叟尤爲致意目之所見薈萃成帙因歎叟詩竟之完本其手定全集灰燼已久在野之選中多更竄後有補刊終屬未備卽前輩陸文裕所編亦經刪次且字畫漫漶哀朽蟬斷近日藏書家罕有此海叟集之所以不能廣布也海上曹子巢南夙擅風雅酷嗜叟集其所輯依張方伯叔翹原本視余手錄者較備客冬嗣君敬三寓書余猶于平山索鈔本校對開雕余不禁欣然色動喜曹

袁海叟詩集序

一

觀自得齋徐氏校刊

子之與余有同志也并喜叟集之歷久未全者自此有完本也夫叟著籍華亭時時往來黃浦流連吟眺故海上爲叟舊游地前朝陸張兩刻較他本獨善皆上海人也今曹子亦居上海是編校訂精核考據周詳文裕方伯刻後得此鼎足而三矣叟殆與海上有夙契乎我郡少陵一宗自容開山泱泱大風流傳宇內白燕瓣香從此當益遠矣余故欣然捉筆而書之康熙壬寅春胥浦姚宏緒

懷李老生像



七香改琦摹

黃
法正心慈道一語岐的担小情
活胤精抱仔粗止樣买了知真
嗚呼先生負在的吏

及學歎子流是再之

是像為曹某南氏城書室刊本玉壺山人手筆也玉壺蓋藍本
於徐瑤圖氏雲間邦彥圖徐氏又從搢紳家先世奕像鈎摹故
能得其真余刻是編既竣復得此像亟付覆雕俾讀海客詩
者髣髴於五百年前親見之云觀自得齋主人識

光緒華亭縣志本傳

袁凱字景文號海叟門外其先自蜀占籍華亭父介字

可潛元末為府掾以詩名凱以洪武三年舉人授御史

前志作布衣徵拜御史明史曰元末為疏請都督府

延致儒士朔望朝罷令諸將赴都堂聽講經史庶幾忠

君愛國之心全身保家之道油然而生又曰小人犯罪

固不可赦若老成長者或有過誤宜加矜恕帝嘉納焉

一日帝慮囚畢令凱送東宮覆審東宮遞減之凱覆命

帝問曰朕與東宮孰是凱頓首曰陛下法之正東宮心

之慈帝以凱持兩端心不憚凱懼託疾歸顧府志及明

鑑易知錄作

袁海叟詩集本傳

上大喜悉從之後以疾罷歸卒海叟集李夢陽敘云上

將戮一人太子固諫而止上以問叟對曰陛下創業之

義東朝守成之仁上意遂解未幾以病免歸又陸淡金

臺紀開曰風疾當不仁命以木鑽鑽之凱忍不諱得風

疾太祖曰風疾當不仁命以木鑽鑽之凱忍不諱得風

歸命付太風餘韻引明良記曰有父訟子者帝察其非

乃申天下之仁太子論子斷乃廣帝問廷臣凱曰陛下

伴狂安門太祖命題畫虎詩乃廣帝問廷臣凱曰陛下

題詩長安門太祖命題畫虎詩乃廣帝問廷臣凱曰陛下

種楊樹於宮當詩花雲賦楊白華有讒之者曰欲

帝曰東海走卻大鰻魚金臺紀何處尋得金臺紀聞日

鳥健游九峯三泖間 凱歸田後嘗為縣訓導 引松風餘韻
好事者繪之為圖 學重修大成殿時訓導袁凱攝學事
日洪武二十年縣志職官題名訓導袁凱洪武年任今從之
為文記之前志職官題名訓導袁凱洪武年任今從之
其詩絕去雕飾何仲默推為明初詩人之冠 府志松風
餘韻 案海叟事諸家記載言人人殊考海叟集京師
歸別業詩云政拙辭馳馬身問綠蓑村居懷京下友
籍職事勞紛冗祿食雖云美私心恆自恐歸來得蕭
采擷聊自奉且遂邱園樂承明寵是得罪伴狂之
此說始傳聞之誤茲既摘取異同以存其疑而復考之如

袁海叟詩集

本傳

二

觀自得齋
徐氏校刊

袁海叟詩集總目

第一卷

琴操五首

樂府十三首

四言古詩六首

第二卷

五言古詩七十二首

七言古詩十九首

第三卷

五言律詩五十三首

袁海叟詩集

總目

一

觀自得齋
徐氏校刊

五言排律一首

七言律詩七十四首

第四卷

五言絕句二十八首

六言絕句九首

七言絕句一百三首

共計三百八十三首

袁海叟詩集總目

袁海叟詩集卷之一

琴操

萃野操

黍苗之芄芄兮資雨露之功終歲在猷畝兮豐年之可望堯舜去我兮日遠而心傷夏主有道兮吾於此而徜徉

傅巖操

日之將出兮余趨乎築之所杵丁丁而不息兮汗淫淫之如雨日既入而始休兮飯麤而不飽於乎其命兮余何辭乎此苦

袁海叟詩集卷一

觀自得齋
徐氏校刊

陋巷操

父之生我兮斯爲人類師之教我兮庶斯名之無愧簞有食兮瓢有飲人唯我憂兮我樂滋甚

渭濱操

渭之岸盤盤兮其流湯湯我居其下兮於今幾霜朝飲其水兮暮食其鯉與魴我日斯邁兮於余心以何傷

負米操

路之遙遙兮實百其里以兒視之不逾尺只道路豈不遠兮我親實餒親之餒兮兒安得止親食飽兮兒心安兒勞瘁兮親胡爲歎

樂府

門有車馬客行

主人堂上坐門前車馬來車馬一何廣遠近生塵埃好客不厭多惡客胡爲乎寄言主人道結客何艸艸

江南

江南好流水中有鯉魚與雁鳧汝出取魚與雁鳧養我堂上姑姑今年老鳴聲嗚嗚聲嗚嗚良可哀生而不能養死當何時回死而不回嗚嗚良可哀

短歌行

昨日舊穀沒今晨新穀升壯年不閒任衰年日憑陵日

袁海叟詩集卷一

觀自得齋
徐氏校刊

月行於天江河行於海海水不復回日月不相待自古皆歿亾歿亾不能免安有卻老方仙人鄭伯僑於今在何有爾骨苟未朽螻蟻生肝腸獨有令名士可慰情何傷

雞鳴

雞鳴桑戶閒行人出門闌出門一何易入門一何難君今行遠地妾欲致微意燕趙尙豪俠殺人爲意氣齊魯多儒生彬彬守經義臨岐不感慨自古稱爲明送子涉遠游聽我鳴雞行

陸本末四句作臨岐不惑古
稱爲明送我遠游聽我雞鳴

紫騮馬

君騎紫騮馬遠上燕山去老母倚門啼淚灑門前路
亦何時乾馬去無回步前月附書還致身在郎署月賜
既已多娶得尙書女身榮自可樂母亦無人顧多謝鄰
里人將錢治墳墓

從軍行

烽火塞上來發卒備戎虜翩翩長安兒力未勝弓弩幸
蒙車騎念出入在幕府風煙一朝息歸來受茅土翻笑
李將軍血戰自辛苦

獨漉篇

仰天天無窮俯地地無垠天地自無盡誰爲百年人百
年之中人復能幾汝不成人憂我父母

雨雪

雨雪雨雪淒風如刀我行中野而無緼袍我寒我飢誰
復我知四無人聲但聞熊羆羆欲攫我熊復奪我我身
榮榮進退不可進固難矣退亦何止還望舊鄉遠隔江
海江波揚揚海波洋洋我思我鄉亦可忘

芳樹

芳樹生後園棘生芳樹傷蟲來啣樹根終也被棘傷棘
傷蟲卽亦樹葉自芬芳忠賢在君側四夷敢陸梁不獨
君與臣亦有弟與兄弟宜相近不宜遠相忘相忘亦

袁海叟詩集卷一

三

觀自得齋
徐氏校刊

何難外侮不可當君看芳樹辭辭短義則長

估客樂

大船峨峨來小船蔽江下借問是何誰云是襄陽估
輕貨走四方衣美錦倉稻梁可憐江南農無老與小終
歲力耕不得一飽

銅雀妓

流塵拂還集棖楠儼然陳歌吹自朝暮君王甯復聞松
柏有時摧妾非百年人願爲陵上土歲久得相親

楊白花

楊白花飛入淡宮裏宛轉房櫳閒誰能復禁爾胡爲高

袁海叟詩集卷一

四

觀自得齋
徐氏校刊

飛渡江水江水在天涯楊花飛不歸安得楊花作楊樹
種向淡宮飛不去萃祥案松風餘韻曰陳古白云此全
比也蓋憶建文君之出屬望其歸來
之意故當時有此進議於文皇者云欲種楊樹於
淡宮將蒔花萼於何地袁聞此語遂詭以風疾不起

游子吟

游子行萬里母心亦如之陸行有虎豹水行有蛟螭盜
賊凌寡弱霧松風餘韻作風露乘寒飢誰云高堂安中有萬險
危寄言里中子親在勿遠離

四言古詩

荒園

莽莽荒園陰陰霧羅襟以灌木帶以蒿萊鷺鼠蹠蹠

鴉嘯哀中有一士憔悴形骸三世不顯終身無媒冠裳
綻裂毛髮毳毼倉無餘糝室有浮埃朝倉井李夕蔭園
梅爰有琴冊詠歌喧唳亦有流泉載沿載洄豈不辛苦
聊用徘徊昊天賦命如彼之材卑不可抗高其能摧貴
賤賢愚孰能遷推尼父天縱回亦奇才厄陳屢空曾無
歎嗟明明聖軌烈烈高懷景行先哲敢不欽哉

賦蔣氏壽萱堂

湜湜黃浦東流爲莆維莆之陽季碩氏居維季碩氏夙
失其怙母氏是拊是復是顧是乳是哺燥溼易處不敢
笑語不敢恐懼母也勞苦既長而教出就於校復因復

袁海叟詩集卷一

五

觀自得齋
徐氏校刊

好克荷克紹母也其髦嗟嗟我母如彼昊天何以報之
唯以永年燧燧芳艸樹之於陰翼翼高堂匪高且深維
此芳艸其氣揚揚母氏觀止其憂乃忘既忘其憂其樂
油油無有災咎維康維壽其壽維何如山如河不竭不
磨寢食具宜水有游鯉陸有秔米烹炙浙洗甘滫膏瀨
酌此春醴於堂之北旦旦若是曷其有既我歌我詩置
之於楣告爾後來季也可儀

陶節母詩

維費榮敏江夏啟封何以世家戶侯縣公抑抑節婦實
維其孫始由舊姻遂此新婚翁亦大族內外百口爰覲

令儀具曰賢婦其賢維何孝於姑嫜凡百之爲敬恭是
將夫良妻柔敬之如賓雍雍閨門曾無閒言姻親之間
歲時問遺榛栗棗脩罔敢遺墜孰司其權降此厚災昔
如兩龍相隨以飛如何中途羽翼忽乖又如黃鵠嚙嚙
啣啣一失其雄雌將疇依亦既逝止家亦毀矣煢煢孤
嫠將復何倚婉婉弱女索索空宇載枝載梧越此寒暑
維此寒暑厥維艱哉人維我憂我甯嗟嗟如彼之白涅
亦不緇如彼之堅磨亦不虧蓬首布衣多歷年所不懈
不怠有進無阻天相厥德女既有家庶幾其門不墮以
遐昔聞其姜之外靡慝亦有孝婦終養不忒人亦有言
千載一時欲知古人視此後來山則有杞隰則有芷溫
溫淑人百福是履我歌此詩可配國風實而不浮觀者
是龔

袁海叟詩集卷一

六

觀自得齋
徐氏校刊

賦耕隱

維古四民次二曰農雖及我私豈忘於公溺沮之徒始
爲隱淪滔滔不歸乃潔其身溫溫黃生在彼原畛既耕
既芸遂名爲隱其隱維何無與於世左體右弼聊以卒
歲人亦有言可仕則仕苟非其時進退由己嗟嗟眾人
不惟其危朝趨夕奔終蹈禍機惟生之爲彼善於斯悠
悠我心樂且無災

徐氏建華亭學詩

渠渠新學徐卿始作伊誰克完季子仲寬惟此新學始亦甚隘爰斥爰構以就於大其大維何有門言言有堂軒軒有廡騫騫有階平平高墉連連鑿池濺濺樹木芊芊凡民之俊其來如雲小心鞠躬不惰以勤惟昔元聖訓言斯明百工居肆匪肆不成嗟嗟爾俊亦既知止豈徒誦言厥有微旨其旨維何曰仁與義明仁與義不遠甚邇爾求其方先我孝弟惟此孝弟為仁之始始於家邦終於四海昔為械樸今則梗楠昔為砮矟今則璵璠是蓄是儲邦家之需嗟嗟爾俊克就茲美誰其始之徐氏父子徐氏父子可謂曰賢我歌我詩刻於學官以告後人以永其傳

袁海叟詩集卷十

七

觀自得齋
徐氏校刊

賦許思敬真率軒

邃古之初民性質朴不侈不靡燔黍捭豚汗尊抔飲取足而已淳風既漓日趨於卑如彼流水倉必方丈器必雕鏤蕩然無紀其或不然是有後言爭笑迭毀洛河之南大賢是居思整其圯倡為真率以究其源以窒其委真則無偽率則易成亦克為禮惟許敬氏恭儉和易淡用仰止大書於家朝夕是瞻庶蹈其軌悠悠之徒既沾既濡曾不知此草木無章發為聲詩敬贊德美

光緒十有九季歲在癸巳孟夏之月石埭徐士愷校刊
袁海叟詩集卷之一終

袁海叟詩集卷一

八

觀自得齋
徐氏校刊

袁海叟詩集卷之二

五言古詩

新治圃成

隙壤所自治剪荆去籠茸幸無勞穢雜况此清泉涌灌
滋竟朝夕勾萌各森聳青蒲已彌澤黃瓜方臥隴春菁
向堪抱秋梨日應重自余通宦籍職事勞紛冗祿食雖
云美私心恆自恐歸來得蕭菲采擷聊自奉且遂邱園
樂永謝承明寵

過揚州

淮海表茲郡東南誠要津近代亦雄藩親王蒞斯民荆

袁海叟詩集卷之二

觀自得齋
徐氏校刊

吳自茲入燕趙亦來臻舟車無停運孳貨若邱墳冠蓋
充塵里歌吹咽城闈美酒既如澠梁肉夾道陳休養近
百年富庶難具論大道無恆處榮悴每相因風煙一披
拂奄忽同埃塵空屋嘯蹲鴟崩垣走驚麇荏苒交四野
骹骼儼若新貴賤不復知賢愚安能分子有山陽讞經
過屬秋辰憑高肆遐覽落日無行人欲繼蕪城作薄劣
愧參軍

自揚子舍舟步入常熟縣

水行已兼旬舟楫苦馳逐晨昏侶鮫鱷出沒同鴈鷺黑
風無終竟白浪仍反覆鏗錡絕天樞澎湃折地軸旋淵

屢頃墜利石時抵觸淪喪固非遠哀籲甯辭黷皇天實
陰隲茲辰遂平陸神魂息漂蕩手足散頑木徒侶紛來
慶酒馘及奴僕况茲春氣和百草回新綠山桃亦多花
委蛇自相屬枌榆已在邇曠隔無再宿從茲謝奔走且
飯東臯粟

書北山精舍壁

夙昔慕幽曠中年值奔走及茲始知返固萃祥案明已
詩綜作顧
成皓首茲為山水選風氣固深厚萃律皆嶸嶸巖巖盡
林藪清泉寫幽磴白雪被層阜既多緇素明詩綜
作錫流况
有耕釣叟初松風餘
韻作知心已云協雅言得兼受始來疏梅

袁海叟詩集卷之二

觀自得齋
徐氏校刊

墮松風餘
韻作度復此山櫻剖庶幾去日遲誰謂行當久揮手
謝朋侶吾將寄衰朽

送吳立本歸吳門

九月氣已肅蟋蟀入牀下嚙嚙南來雁寂歷江上雨傷
哉遠歸人斯時不遑處豈惟懷鄉里瑩域久榛莽樵蘇
無何禁奠謁曠時序長年抱憂感噎鬱將誰語茲行遂
初志况復念勤苦勾吳不可見迢迢望煙渚

久旱雨後行園

旱虐不可沮邱園生意窮旨蓄已無遺何以御吾冬昊
天無終極元化沛神功密雲興四郊飛雨蔽遙空涸池

既堪蕩長溝復深深衰茄漸回紫高梨亦垂紅堤柳更
薄陰汀花還短叢荒隴愛登陟平林望青蔥卽此已愉
悅固知慰疲農愧無詩人德何由歌屢豐

辛酉大醉書東郊主人壁

人生百年中疾疾與災危風雨愆期至歡樂能幾時仲
春二三月桃李正華滋蝴蝶滿東郊倉庚鳴且飛招我
同心人策馬試羅衣東家飲美酒西第彈鳴絲鳴絲未
及已四座賦聲詩日暮始歸來明日復如斯君看多財
子計惜枉毫釐終夜不能眠握算至晨曦一朝籍縣官
雖悔何所追

袁海叟詩集卷二

三

觀自得齋
徐氏校刊

擬曹丕芙蓉池作

蔥龍佳木陰蕩漾綠水池月出麗高城流光溢前墀芳
草生路傍馥郁隨風吹臨軒酌酒醴秉翰賦新詩雖非
賢主人列坐皆瑰奇而况同一心相愛不復疑君看隨
陽鳥洲渚亦相依四海皆兄弟斯言豈爲非願敦夙昔
好黃髮不可違

夏景南宅擺霞

高齋夜方永明燈吐光華賓友遠來集笑語紛以譁中
庖出魚鮮盈盤疊頰霞獸鼎飜濤瀾象箸正交加屢瀆
不厭頻啖之味愈佳春醪亦時至醉飽豈云賒我本羈

旅人不復知歎嗟何以著斯美永言發淫哇

淮安道中

花明野館靜樹暗流鶯語行雲千里來凌亂傷心緒傷
心復何事家在江南渚日暮莫回頭脈脈天涯雨

偕友人早出郊

離羣寡遊豫得朋殊繾綣相將度春水散漫入芳甸班
荆煙乍斂摘花露猶泣林鶯坐未出沙鳥飛還見遙山
浮空翠晴雲曳輕練一聽野人言復起滄洲願

詠池上雜花

猗那臨池沼的皪異蒿蓬丹鳳已軒舉牽牛亦蒙茸天

袁海叟詩集卷二

四

觀自得齋
徐氏校刊

蓮破輕碧春羅敷淺紅浥露方臥壠因風更依空離立
各爲妍纏絲復成叢乃知生物心非藉雕琢功淋漓元
氣閒洪纖係其逢悠悠念吾始默默思何窮

送縣學生顧立夫歲貢入京

霰雪殊未已山川氣方互千里向蕭條胡爲事奔馳明
廷策多士歲貢有程度海隅蒼生地慎選恐違誤况茲
生民秀聲聞見庠序居然瑚連器匪但才華富茲行協
輿論拭目俟鸞翥朋游極追仰張設臨浦澈疏柳凝晚
色幽花抱寒素嗟余久衰邁復此動離緒悵望天際帆
徘徊郭西路

池上二首

秋池行樂去池樹色已暝露下夕衣涼月上風簾靜飢禽墮疏竹鳴蛩出深井夜久人事息蕭然諸念屏振兮書齋客逍遙池上步林隈薄霧起石隙幽泉度鷗迷夕樹返魚觸秋荷去清聲水上來欲去更延伫

席上懷吳善卿

荒城下餘照高樹留殘雨林靜微花落梁空孤燕語美人事征討日夕嚴虎旅接袂竟何由持杯望煙渚

范氏溪南野色樓

水北有層構軒窗靜沈沈下視平郊迴艸樹亦蕭森莽

袁海叟詩集卷二

五

觀自得齋徐氏校刊

莽區落閒迢迢煙靄深幽花被高阜夕嵐滿遙岑歸鴻共遵渚海鶴遞鳴陰我聞鴟夷皮輕舟去江濤安知遠孫子高臥遂閒心焉能稅吾駕從爾日登臨

題東齋壁

林廬寄幽曠墟落但煙霏澤葵依廢井秋瓜生故籬左右皆鹿場水鳥終夜飛我來歲云久似與世相違讀書不聞道聊復自娛嬉濁酒雖不多酌之亦忘饑仲父雖云仁樹塞猶見非小人固有分儉陋乃其宜原思坐鳴琴允也百世師

鄉友攜酒至舍下

野老何所將春醪及園蔬遙遙適我舍相與為歡娛上談羲皇際下逮唐與虞秦漢無足論且復話樵漁樵漁雖微賤頗似淳古初戒之勿易言相顧但嗟吁老妻主中饋日暮更烹魚家貧無燈燭枯麻照座隅陸本無老妻以下四句且盡一日樂焉能念其餘

茅宇

邱中有茅宇賤子所自治東西貯筐釜中堂誦書詩雞豚各有家蒲荷亦有池農器更相貸種樹及時為朝出在田中日暮還此歸鄰里相往來春醪亦共揮老夫年既邁筋力固當衰厚祿非所慕好爵不願糜但願衡門下長無寒與飢

袁海叟詩集卷二

六

觀自得齋徐氏校刊

置酒

田閒好風日陸本作今日非昨日置酒衡門前林花發光彩飛鳥亦翩翩弱女時往來小兒誦詩篇細君亦不惡中饋能周旋春蓀前後至魚鼈味亦鮮自我來此居候爾已三年終歲不能安憂患相纏牽乃今得此樂豈復為偶然壺盡汝當沽醉來我自眠

詠池上芭蕉

亭亭虚心植冉冉繁陰布既掩猗蘭砌還覆莓苔路卷舒今自知衰榮隨所寓默契方在茲臨軒挹清醕

早出田所

愧無經濟術徒有茂異名行遊三十年不見有所成歸
來得荒地僮俛始春耕方春多雲氣甘雨亦時行大澤
含澄瀾溝澮皆滿盈清晨出門去路與煙霧并庶幾望
秋實敢懷勤苦情日午有濁醪揮汗且復傾

耕田

竄薄非令器客受固不宜六籍雖云誦於道竟何知晚
途棄末學農圃以為師方春治簞笠陸本作
臺笠南畝秉鋤
基出入田水閒霑溼豈暇辭但願秋穀成童稚有粥糜
沮溺自辭世小人安敢期

袁海叟詩集卷二

七

觀自得齋
徐氏校刊

送林仲鏞崑山學職

仲鏞博學有才行惜乎歿於山東之亂往教崑
山崑山人至今稱林夫子云詩為送林作此序
語意林歿後追書
之者

詰且零雨歇幽澤多蘅杜美人治舟楫言往崑山下崑
山萬家邑於焉有序序談經子所安操袂吾所慮會面
不可知江水渺難度日暮獨凝思藹藹煙中樹

題望雲卷

遊子行遠道孤雲天際飛吾親舍其下道遠不可歸道
遠將柰何孤雲正飛揚飛揚無時已泪下沾衣裳衣是

親手縫線長縫亦密見衣未見親萬里空相憶相憶復
相憶山川中間之兒髮今已白親顏當就衰雲亦日夜
生親亦日夜安行當見親面無用涕闌干

古意二十首

八絃何茫茫千里復萬里六馬方驕悍蹀躞終未已東
臨碣石岸西涉流沙水炎洲氣輝赫幽谷水迤瀾白日
墮崦嵫蒼惶將何止王良本賤工善御彼云爾焉能繫
其足伏櫪噉芻豉

袁海叟詩集卷二

八

觀自得齋
徐氏校刊

游四海日暮集崑崙願言息爾駕還車守蓬門

團團明月珠墮此濁水中光彩雖未泯淪沒豈有窮拔
山固神力舉鼎亦無雙徒有千尋綆挽之竟何從顏生
不遠復斯為蓋世雄

楚人好魚目越人薦明珠一日三至門主人行徐徐相
見纔一言薄送下前除洛陽蘇季子黃金滿後車鄒軻
誦堯舜白首走道途

蓐食出門去慘慘踐嚴霜問子將何之千里赴洛陽洛
陽有劇孟任俠世稱強我願從之游氣勢相頡頏路逢
二三子被服儒衣裳少長各有禮講誦麋鹿場中心忽

愛慕與彼遂相忘

中夜治舟楫越海遠遊遨遊將何為萬寶聚巖坳珊瑚七尺餘珠樹羅蓬蒿持之向中國可以金張豪出門忽不樂欲進心怛怪但恐蛟龍怒骨肉淪波濤人生亦有命賢聖莫能逃遺穗倘可拾言歸臥林皋

秦師困邯鄲趙氏旦夕危魯連山中來排難陸本在重

圍折衝不復言辭金忽焉歸清風映東海千載以為奇我思鄒孟氏處世一何宜被髮雖可救閉戶終可為斯言足明訓賢獨未之思

茫茫古人中我愛原子思食粟豈云飽衣裘豈應時惟

袁海叟詩集卷二

九

觀自得齋 徐氏校刊

倅衡門下彈琴唱逸詩大夫適何來駟馬行駢駢入門即長歎念子病何危貧病固不同發言忽若斯誰為同門生白首不見知

莊生善著書汪洋不可禁時時詆仲尼而况賜與參南金鑄芻狗隋珠彈微禽自昔多橫議言高罪彌深

李斯游洛陽各遂身亦危一人具五刑於古豈有之呼兒語黃犬相顧涕交頤斯時夏黃公商山方採芝

段生方踰垣泄柳方閉門二子豈獨善蓋亦避世喧種粟在南野種葵在東園日夕飯一盤萬鍾何加焉周孔有遺書學士有遺言吟詠荒園裏聊以終歲年

朝坐高堂上白飯鯉魚羹暮歸高堂上華燭送清觥况

有四海人相愛如弟兄彈琴析疑義歡樂各言陸本有情以茲度一世聊重不為輕不學狂圖子空山學長生

登高望八荒未見不灰人徒看後來塚纍纍傷我神伯僑與安期於今亦不存如何學仙侶服食正紛紜獨美

顏氏子陋巷以為仁

陶潛不願仕既仕亦為貧遙遙去鄉曲當時已酸辛衣冠對俗吏自卯直至申終日惟一食濁醪豈露辱歸來荒園裏此志乃復伸清風坐北窗雞黍會四鄰茫茫宇宙中我思見其人

袁海叟詩集卷二

十

觀自得齋 徐氏校刊

白日生東海倏忽墮崦嵫皓月方滿盈斯須亦已虧淮陰有奇功赫赫在一時焉知束縛去還為兒女欺天道每如此人事安足悲獨羨鴟夷子輕舟去江湄

迢迢青雲上自昔為亨衢亨衢豈無極下視乃泥塗商君變法時甯知裂其軀貴賤更迭來榮辱在須臾願為

雙白鷗游戲江與湖

關中論功策陸本相國稱發縱一朝請苑地廷尉忽相逢免冠且徒跣局促如兒童陸生雖豎儒進退頗從容文皇好直言容受無留停鄭公在當時頗得諫諍名一稱田舍翁千載傷我情嬰鱗固為難回天亦非輕先人

101777 / 02777

有薄田歸與長沮耕

幽谷有貧士白髮被兩肩人事既乖互年運亦迤邐
屣久不縫短褐夙已穿讀書雖聞道好酒况無錢常遭
富人笑豈有貴人憐我聞齊景公千駟亦徒然夷齊餓
西山後世稱聖賢

十五志為學四海訪鉅儒低回梁宋郊浩蕩齊魯區庶
從父老問得親交游徒惜哉戎馬起中道乃赳赳歸來
臥荒園白首成下愚

與倪元鎮飲得江上雨

霖霖飄無際憑欄千里陰芳田霑泥泥清波望沈沈楚

袁海叟詩集卷二

十一

觀自得齋
徐氏校刊

客帆已重吳宮樹轉深歸鴻無肅羽別渚有哀吟君知
此時意甯識故園心

賦得綠珠

於越山水秀自古有名娃綠珠雖後來聲名天下誇明
珠動萬斛輕綃亦論車眾人不能得獨向石崇家名園
臨紫陌高樓隱丹霞文犀飾窗檻白玉綴簷牙為樂未
及終前禍忽來加厚意何可忘微命何足多委身泥沙
際終今後世嗟夏女曾滅國周褒亦亂華古人已如此
今人將柰何猶勝中郎女清淚溼悲笳

出西郊

谷陽門西路澗汨澗清川舟艫相縈帶蒲苳亦芊絳依
依望江渚漠漠盼湖田湖田今有秋老稚飯紅蓮此實
父母邦亂離乃棄捐垂老幸一歸不識陌與阡卜築自
茲始逍遙終百年

復出西郊

步出城西門春岸多流水嚙嚙沙雁去花茂江雲起居
民亦何事南畝將耘耔提攜汀沙際吳語煙霧裏自子
離兵燹廿載勞轉徙歸來展遊眺泫然懷我里餘年幸
有待荏苒終可理

賦得泰伯廟送倪元鎮

袁海叟詩集卷二

十二

觀自得齋
徐氏校刊

窮商肇基迹傳季思逮聖兄弟逃荆蠻讓德一何盛千
家聿來從勾吳始開境遙遙至闔閭國大心逾騁深宮
貯妖麗高臺瞰遐迥既拒伍胥忠復甘太宰佞鄰邦樹
讎怨上國肆爭競社稷終變遷軒窗獨完整相傳在閭
里灑掃致嚴淨歲時具牲醴歌舞頻送迎楚魂久無食
越魄將誰崇強暴有湮晦聖哲無終竟於焉送將歸舟
擄得依竝是時春風和氤氳滿芳逕渚花動幽彩汀蒲
發深艷江水去不息煙霧日將暝斂衣拜堦下懷哉起
孤詠

遊西墅

吳王逐獸地土衡聞鶴亭古人不可見荒原今獨行遺
堵儼若存阡陌復縱橫依稀望極浦迢遞盼春城江樹
既掩靄源花復晶榮長煙覆漁屋白水亂鳧汀山川豈
云異人事有消停卽此傷往時聊復樂其生寄言後來
士此理可自明

懷廣西省朱郎中熙

洞庭秋色晏蒼梧雲氣深夫君萬里去山水迥沉沉竟
日凌浩渺連天眺嶽峯龜鼉遊近渚猿狖戲遙林荏苒
杜若香蕭條楓樹陰皇朝重茲土遠氓方致琛而我將
何念歲暮獨離心離心亦何極日夕遲徽音衡陽雁不

袁海叟詩集卷二

三

觀自得齋
徐氏校刊

到搔首更沉吟

新除監察御史辭貫涇別業

側席念賢俊有求逮凡鄙謬當南宮薦重此柏臺委命
嚴孰敢後中夜去田里鄰友贈予邁切切語未已妻孥
獨無言揮淚但相視於時十月交悲風日夜起輕舟泝
極浦瑟瑟嚮枯葦驚鳧亂沙曲孤獸嗥荒市回首望舊
廬煙霞空迤邐撫膺獨長歎胡爲乃至此顧予久縱誕
遠迹隨鹿豕及茲年已邁精氣固銷毀趨事諒爲難速
展將在是皇恩倘嘉惠還歸釣江水

察院夜坐

吏散車馬甯月色東城上斂衣高堂坐重門靜無響文
奏屏在篋朱墨委虛幌簷動影參差霜氣紛蕩漾耳目
幸無役心思多遐想園廡日應敞蘿蔦春還長况茲綱
紀地王事方鞅掌安得春江棹東原歸偃仰

下直懷北山隱者

載筆侍雲陛向夕始餘閒撫彼清泠觴慰此憂戚顏出
軒月纔皓臨街露已繁廣庭行且止修檻去復攀幽樹
靄深翠餘花散微殷俛仰不知久星漢忽西還歸來空
房臥嚴城漏欲殘鴉雞九井動鴉雞陸本
作鴉鳴佩劍亦珊珊
將隨夔龍後祇肅謁重關緬懷息心侶遺世在雲山

袁海叟詩集卷二

十四

觀自得齋
徐氏校刊

能從之去逍遙叢桂間

答禮部江主事漸

谷鳥嚶其鳴求友聲亦屢况生烝民間豈不念朋助齊
魯久咨訪梁宋亦馳驚末路值依人懽然樂平素文義
旣馴雅操存復貞固輔仁將在斯有挾非所慮欣然得
嘉會終歎少暇豫爾贊宗伯禮予牽中臺務俱限清切
地日夕徒思慕茲辰委篇什表情極披露綢繆卜鄰意
委曲耕稼訴靖節休官辭安仁歸田賦歸田賦張衡
作偶誤用耳
子不可見千載同軌度嗟予甚蹇劣豈復希高步聊申
菲薄意用答賢俊願東歸果能遂林廬永依附粉榆輝

映帶雞犬互來去開圖共賞新開圖陸本散帙時温故
茲意幸勉旃歲久恐遲暮

京師歸別業

郊園艸已遍雜卉駐餘春游絲牽木杪孤鶯鳴水濱羈
人懷舊居日夕自傷神遙遙千里塗豈復念苦辛欣然
入場圃兒女各來親當軒釋負擔拂去衣裳塵老夫行
役久歸來志復伸陶潛愛清風張生思故蓐援筆爲此
詩示我鄰里人

新得溪上茅屋

食肉賤糠覈飢人安敢辭狐貉輕短褐寒士固爲奇自

袁海叟詩集卷二

十五

觀自得齋
徐氏校刊

予遭世故舉室盡流離東臨滄海岸北度三江湄蛟螭
時作橫鯨鼉屢見欺展轉及衰暮始見此門楣徒壁類
司馬上漏似原思既無陳平席豈有董生帷覆簣或成
墻編葦聊當籬迢迢白沙岡當戶勢逶迤遙遙秋浦波
臨軒散漣漪翻蜚野鳥羣參差灌木枝賦此平生意庶
爲百世規湫隘誠可哂欣幸方在茲

鄒園十詠

釣磯

白石自團團春流自漾漾閒漚雨邊至輕絲風外颺既
寡羨魚情遠聞濯纓唱嗟彼磻上翁投竿復何尙

柳堤

柔條被晴莎密陰覆芳杜委蛇起沙際寂寞連水滸鷗
眠雨未歇鶯叫煙初曙還將竹竿去從爾釣春渚

碁墅

轟轟林影靜白石况如砥幽幽青苔色離離見屐齒豈
無橋中叟還逢爛柯士日入始言歸相送清川浹

瀑布

青厓寫流淙蜿蜒在牕戶臨風噴輕雪穿林散飛雨高
源出無盡餘澗霑還溥羨彼軒中人似坐匡廬下

桃谿

袁海叟詩集卷二

十六

觀自得齋
徐氏校刊

繁花亦何言人至迹愈顯因石自高下緣源屢回轉鶯
嘯陰久而雨霽苔猶淺漁父欲問津煙中聞雞犬

魚淵

幽壑湛虛靜眾鯨遠來歸游泳方自得沈潛亦其宜既
無網罟憂荇菜復參差辟彼翔集鳥悠然竟何疑

濯清

潭水川上來泓澄復淵淪涵虛既晶晶度遠方粼粼番
番中林叟長纓久埃塵臨風且浩歌似念滄浪人

蓼灘

行迤近橫塘陂陀閒幽渚輕穗含夕霏叢條偃秋雨從

橫覆魚隊閒寂來鷗侶杖策時一臨逍遙更延伫

松壑

矯矯千歲姿生此眾石閒微颺度巖阿殷殷起波瀾幽人一壺酒日夕自怡顏安得川上舟與子相往還

杏塲

窈窕石徑深參差繁英滿發采已云奇生香殊未斷依依午橋路粲粲朱陳阪月色散疏景時時坐橫管

題陶九成南村艸堂

多土方見材斯人乃梧櫟秉心自超越當時識趨舍迢迢溪南村流水亦清寫艸木發深潤里俗况淳雅於焉

袁海叟詩集卷二

十七

觀自得齋徐氏校刊

事結構面勢臨曠野分明治畦町日夕供灌灑秋孤已堪煮春菘行可謝子真久在谷幼安去諸夏囂雜既云遠憂患茲為寡願謝鸞鶴侶從君雞豚社

題葛洪移家圖

有序

按晉書葛洪字稚川當東晉元帝時王導舉為散騎常侍時江左單弱亂臣叛將迄無甯一時諸賢如周戴劉鍾俱繫於桀逆之手洪於是求為勾漏令覓丹砂為神仙事神仙虛無君子之所不道以予觀之其與留侯從赤松子意同世俗不知遂以為真有此事甚可笑也吾友顧德

文蓄洪移家圖一卷觀其妻子奴僕牛畜家具累累相從皆人道之常求仙者固如是乎此蓋院人筆當時亦知神仙為不足信略無一毫詭怪荒誕之意予甚愛之因為賦詩一章以祛千載之惑而申洪之志焉

當時司馬衷愚駭回不慧牝雞肆淫虐骨肉互吞噬淵聰乘時起諸夏受其敝瑯琊遂東來單弱何由濟賴此晉夷吾草草正神器國步未盡康禍亂亦遄至王敦反上游蘇峻復凶悖淵顛已云亾超雅從茲繁葛生當是時幡然思遠逝駕言覓丹砂神仙或可致青牛載妻子

袁海叟詩集卷二

十八

觀自得齋徐氏校刊

典冊付奴僕遙遙向南海蓋欲避斯世嬴秦亂黔首留侯佐高帝婉婉幕中畫取勝千里外韓彭既誅醢相國下廷尉辟穀謝人間赤松乃吾契明哲終保身疇能測其意生也雖後來心迹頗相類茫茫宇宙中清風飄無際斯人不可見撫卷增歎喟

題張國祥三味軒

張名祺號靜鑑

惟昔司馬氏奕葉逐紛披兄弟自魚肉宇內生瘡痍當時四海士委質去相隨既往不知返焉能顧危機至今鳴鶴歎悽其有餘悲矯矯張季鷹明識終見微秋風西北來悠然起遐思微物殊可念榮爵竟何為晨興命吾

駕千里乃東歸斯人已云遠沈冥復誰知夫君實其裔
遠迹江水湄嘉名極仰止巍巍蔭華棧庶幾戶牖閒日
夕得自師明哲終保身發軔方在茲屬辭雖云厲可配
吉甫詩

七言古詩

賦朱煥章所畜鵝鵝鳥

東家有鳥名鵝鵝意度自與凡羽殊冥飛時時近丹穴
夜宿往往歸蒼梧當時六翮頗無禁何乃困頓來庭除
元雲飄蕭羽衣碎俯仰飲啄隨人意空簷燕雀亦何心
喧噪迫逐無甯地孤雌孤雌復何所落日煙波隔吳楚
多少思家失路人

袁海叟詩集卷二

十九

觀自得齋
徐氏校刊

王叔明畫雲山圖歌

有客來自高句麗遺我一幅丈二紙纖白只如松頂雪
光明不減吳江水藏之篋笥今七年妻孥愛護如紈綺
至正乙巳三月初王郎遠來訪老夫陞堂飲茶禮未畢
索紙爲畫雲山圖初爲亂石勢已大橐駝連拳馬牛臥
忽焉披地高入天欲墮不墮令人怕其陽倒掛扶桑日

其陰積雪淡千尺日射陰崖雪欲消百谷春濤怒相激
林下丈人心自閒被服乃是商周閒問之不言喚不返
源流溟溟愁人顏老夫見之空歎息陸本無老夫見之
四字作愁人顏空
歎何由致我共絕壁王郎王郎不愛惜不陸本
作真我買私
酒潤君筆

觀朱澤民所畫山水圖有感

朱公畫圖愛者眾聲價端如古人重王公鉅卿數見尋
往往閉門稱腕痛我時挾冊遊郡城朱公愛我詩律精
時時沽酒留我宿共聽西窗風雨聲清晨起來忘洗盥
短衣飄蕭臨几案太行中條眼底生巖岫冥冥氣凌亂

袁海叟詩集卷二

二十

觀自得齋
徐氏校刊

禹鑿龍門疏洛水根入黃河源不斷南及衡陽抵桂林
東入會稽連海岸是中置我一畝宮正如浮萍在江漢
溪流蜿蜿石齒齒夾岸桃花迷遠邇原頭煙霧散雞犬
屋裏詩書雜童稚扁舟遠來知是誰豈是昔日鴟夷皮
五湖蝦菜殊可樂千古功名何足奇只今四十有三載
公竟不歸畫圖在世閒好手豈易得終日紛紛勞五采
感時念舊心獨苦况我頭顱白如許呼兒捲卻不忍看
白髮高堂淚如雨

徐子修畫山水歌

夏家高堂生畫寒徐卿畫圖墨未乾深山大澤貯煙霧

黑處似有龍蛇蟠襄陽小米師董源妙處不受繩墨牽
頃刻萬里凌風煙房山尙書世稱賢化爲白雲滿晴巖
李家將軍極精妍畏避退縮不敢前至今海內人爭傳
卿惟得此二家意損益往往無凝滯心思元居造化先
筆力正在蒼茫際前年爲吾寫林麓百道飛泉出幽谷
老夫醉來不敢眠淡慮波濤捲茅屋荒堤曲陂路如線
遠入深林隱隱見水上人家不閉門門外幽花滿芳甸
徐卿徐卿我所慕廿載相看髮垂素安得吳淞千尺綾
更畫城東種瓜處

陶與權宅觀張子正畫圖

袁海叟詩集卷二

三

觀自得齋
徐氏校刊

陶翁畫圖眼見稀自言愛之如珠璣清晨掛向草堂上
已覺几案生煙霏蒼梧雲淡眾鬼泣笠澤雨重羣龍歸
崖深谷黝望不極獨有黃鵠摩空飛飛來潭上啄丹實
牽動百尺藤蘿衣藤蘿飄蕭露石角林西更有幽人扉
幽人長年不出戶薇蕨短小身常飢嗟嗟此是誰氏筆
張君吾友精天機君家祖父盡卿相門戶貴顯中衰微
讀書學古有至行粉墨特用相娛嬉憶昔東城飲春酒
君家林木含春暉當時揮灑每見及破屋往往生光輝
自從喪亂盡失去至今夢寐猶依依偶來此處見此本
欲去不忍徒歔歔行當買船秋浦上請君同作釣魚磯

王若水爲畫秋江眾禽圖

錢塘王宰心思長欲與造化爭毫芒下筆百鳥相趨踰
前身豈是孤鳳凰江頭芙蓉花正開花下細浪亦縈回
鴛鴦貼貼天際來雌雄相隨氣和諧一雙鴛鴦睡沙尾
野鳧翩翩唼菰米羣鷗爭浴故未已傾落枯荷葉中水
脊令飛飛多急難睚鳩意度誠幽閒乃知良工有淡意
不在丹青形似閒姑蘇臺前秋氣孤五茸城下煙疏疏
此時此景真相似獨少扁舟歸釣魚宰也只今成老夫
愛我不辭爲此圖我今親老無可養慎勿重添返哺鳥

送曹生從師

袁海叟詩集卷二

三

觀自得齋
徐氏校刊

白沙入泥沙自黑蓬生麻中豈不直生子當置齊魯閒
禮義薰陶易成德三江雪華沒馬牛曹生叩門言遠遊
天地苦寒子何往負笈從師清泚頭曾君爲儒世所知
規矩進退無差池座中弟子十餘輩森森玉立多容儀
子往拜之聽教誨師嚴友親各從類一簣爲山古所聞
百川與海終相會他時還鄉拜庭闈百年門巷生光輝
里中父老皆稱歎勝似蘇家拜相歸

送齊文韶歸東阿

江上春雲晴復溼落絮飛花滿原隰此時君叩主人門
七尺長身如鶴立自言稷下舊書生奉命江南宰山邑

三年仕宦多變故入口飄零少收拾只今零落江海邊
終日遑遑但憂悒主人聞之不暇沐握髮出戶遽延入
淨掃南軒催下榻更開西第同宴集時余挾冊依主人
升堂再拜還相揖一時愛厚忘爾汝况何瑣屑論階級
朝向春園恣遊衍暮歸雪案同溫習爾來倏忽將五載
歲月荏苒如呼吸君居北海我南海馬牛之風豈相及
偶然相值若弟兄信是前生有因襲今晨忽焉歸故鄉
主人錯愕余驚惶干戈未息多盜賊霜露既降無衣裳
君言狐死尚邱首况我先壠安能忘聞君此語良可傷
欲留不留空斷腸殷勤勸爾一杯酒明日思君江水長

袁海叟詩集卷二

三

觀自得齋
徐氏校刊

病阿速阿速蒙古別號也

杭州阿速病可傷况復四體多金創口糧開除但乞勾
終日哀鳴行路傍自言家在雲中住兄弟既歿惟爹娘
往年江南妖賊反聖旨差我隨平章同行二千五百輩
輩輩選用皆精強孰知江南風土異不比中原盡平地
中原地平好馳逐一人騰驤萬人廢江南地卑山林密
泥濘馬滑無由立角弓箬雨輒如縣只尺相看不能射
九月十月歲將暮賊兵突入觀音渡平章脫身向東走
大半盡歿無人顧我幸不歿病已危丞相被逐無依歸
異鄉此日誰相慰只似天邊孤雁飛時丞相答識帖木兒為張士誠所逐

大醉率爾三首

白頭儒生何所作獨抱塵編海邊坐上書格君事已晚
殺賊拯民力猶懦四十無聞五十來不如牛馬空長大
身是江南儒家子十五學經二十史低回欲得賢聖心
浩蕩更覓儒先旨當時自謂才可重豈料中年人不用
白頭縱得溪上田手腳生疏不能種
腐儒學經經不明腐儒欲耕無地耕讀書耕田兩無成
不如相隨劇孟輩博錢喫酒洛陽城

夜歸

黑風漫天天雨汁海水蕩潏如山立沙頭舊屋四角崩
艸茅無人不收拾此時歸來夜將半短衣無絛滿身溼
西鄰燈火喚不應飯冷欲食何由食

袁海叟詩集卷二

三

觀自得齋
徐氏校刊

夜經胥浦鄉時新被寇

丙申冬

枯蒿茫茫雪初集青泥小岸硬復溼艸鞋斷盡餘兩耳
十步九倒何由立空村無人不敢入野狗齧齧累百十
溝中死人血未乾終夜冤魂自相泣

老夫五首

老夫避兵東海頭海風吹衣夜颼颼黃蒿斷岸少人迹
饑鶩無食聲啾啾狐狸向人呼姓名兩腳直立當前
行自信從來膽力壯此時對此魂欲喪

老夫避兵荒山側三日無食在荆棘鞋韉破盡皮肉碎
血被兩踵行不得於時瘦妻實臥病十聲呼之一聲應
夜深困絕倚枯樹逐魂啼來雨如注

老夫避兵三江口江中夜夜蛟龍吼
蒼然一聲腦欲裂千尺長隄忽如走
須臾海門風雨來江水震蕩如奔雷
同行百船半沈溺無力救之空歎息

老夫避兵黃浦上八月秋濤勢逾壯
蛟龍變化不自謀鯨鯢偃蹇還漂蕩
船中小兒懼且泣婦女嘔吐無人色
我獨兀坐面向天篙師疾呼更索錢

老夫避兵三泖邊泖水闊絕無人煙
惡風三日天正黑

袁海叟詩集卷二

三五

觀自得齋
徐氏校刊

溼雲臭霧相盤旋
艸頭飛蟲齧人肉
更有青蛇口尤毒

小兒無知恣奔走
我欲近前捉其手

近陸本作向

光緒十有九季歲在癸巳孟夏之月石埭徐士愷校刊
袁海叟詩集卷之二終

袁海叟詩集卷之三

五言律詩

送孔提舉航海歸曲阜

宣尼老孫子白晢更長身家世誰能念干戈獨愛貧未
聞興禮樂還似泣麒麟今日乘槎去魚龍莫惱人

送李高士歸荊州

南京高宴罷西土遂言歸江路猶殘雨荆門正落暉蓬
生仲蔚宅秋入老萊衣明日明詩綜思君處蕭條鴻雁
飛

馬氏西園宴別吳進士善卿

袁海叟詩集卷三

觀自得齋
徐氏校刊

竹陰連水屋荷氣襲池臺南國佳人在西園高宴開好
風因樹起新月渡河來別後江潭上離腸日九迴

懷陶叟

陶叟今何在迢迢江水東瓜田連暮雨茅屋近秋風本
在羲皇上聊遊鹿豕中幾時春夜飲還對燭花紅

陪楊廉夫登洙涇法忍寺閣次壁韻

伍子行師日秦皇駐輦辰英雄無處所樓閣自天神白
鳥晴沙遠雲山錦樹新誰知千載後悽愴弔斯人

客中除夜

今夕爲何夕他鄉說故鄉看人兒女大爲客歲年長戎

馬無休歇關山正渺茫一杯椒明詩綜葉酒未敵淚干

行

任氏北園呈席上諸公

春色誰家好名園江上開紅樓連廣陌白水接高臺魚
畏垂綸去鶯因好樹來高朋方滿座虛薄愧多才

采石春望

夜泊青山渚朝登采石磯蜀雪應消盡吳船猶未歸五
湖花正落三江鶯亂飛同行王主事此日亦沾衣

春日偶書

罷官御史府屏迹五湖東江水供魚釣山花費酒筒野

袁海叟詩集卷三

觀自得齋
徐氏校刊

情方浩蕩高詠極春容猶有春田事還尋荷篠翁

泗州書懷

白髮三吳客清秋泗水邊宦途隨老馬歸夢逐風鳶酒
盡尋僧舍書來問客船淮南與淮北漂泊過年年

自京師歸別墅

春園含薄霧野水散輕陰落絮隨風遠嘯鶯坐樹淡旅
懷方自遣幽意待人吟獨少楊雄客時時載酒尋

思歸兼簡嚴八

天高風正急鴻雁傷人飛江外無來使淮南盡擗衣悲
歌聊當泣遠道亦同歸爲報嚴夫子滄洲與願違

宴王主簿宅

故人王短簿未老即歸田賓客尊者艾園池有歲年好
花留舞蝶高柳宿嘯鶻最愛西亭好時時得醉眠

懷王道士

宣城王道士愛着芰荷衣一自清江別三年白雁飛酒
徒隨處有沾明詩綠作元客向來稀最憶青城夜狂歌不肖
歸

王山人遠過

聞道神仙侶來尋野客園談元終未悟對酒且忘言接
樹朱櫻密緣坡紫筍繁醉餘春水上坐聽白鷗喧

袁海叟詩集卷三

三

觀自得齋徐氏校刊

送張七西上

楚客舟航小吳門雨雪繁兵戈方浩蕩江海失攀援濁
酒非能醉深交不易言明朝空寂寞獨對野人園

夜泊鎮耶城

江水春逾闊山雲夕更深移舟沙樹底拄杖古城陰鴻
雁攙人去蛟龍入海吟故園雙淚眼拭斷更沾襟

聞張處士竹林甚盛欲觀未能兼簡王一秀才

聞道南村竹春來接遠坡色侵沽酒飾聲送濯纓歌甚
欲敲門看須憑拄杖過餘陰過西沼應覆右軍鵝

陪陳應奉諸公宴馬氏西園

畫樓臨曉日青蓋度行雲歌吹三春好賓朋四海聞絮
嫌飛燕態花妬綠珠裙曲誤誰能顧周郎思不羣

送任李二高士歸越

老去任公子重來李少君仙凡初不遠江海自離羣水
邊吳宮樹山連禹穴雲汀洲有長笛日暮不堪聞

遠客

野客頻經雨深村獨閉門故人俱落魄稚子共朝昏城
郭無歸路江湖有斷魂夜寒燈燄短嗚咽對殘樽

飲馬氏東園

馬良東苑內春色正芳菲上客調詩律佳兒試舞衣天
袁海叟詩集卷三

四

觀自得齋徐氏校刊

桃連雨發鸚鵡入簾飛况是多春酒厭厭夜不歸

書寓所壁

野水斜連屋秋林正壓牀把書驚眼暗嗜酒覺身狂王
伯功名切江湖戰鬪忙分明故園路歲久欲相忘

賦陶與權雲所二首

豈有從龍意還同野老居覆花初冉冉度水亦徐徐隴
上時相逐溪邊或自鋤猶能作霖雨沾灑及鄰墟

斯人肥遯士高臥亦無心野樹留餘潤春花覆遠陰近
牀衣欲冷拂石坐還深為問陶弘景何如隴上吟

懷王生

王生本靜者郡邑少經過家住清江曲春來白鳥多親
庖餘酒肉官賦入菱荷歲暮還相憶臨流獨詠歌

春園

春園江水上江霧日昏昏沙暖常垂釣花淡不閉門小
明詩綜 童鋤隴麥野客共盤食衰老仍耽酒經年嬾出
村

上巳日飲朱氏叔重東園

東園臨上巳北渚倒清觥門繫山公馬花留子晉笙爛
羊方飫節鮮鯉忽調羹不用思歸去荷蘭白露生

登浦上閣

袁海叟詩集卷三

五

觀自得齋
徐氏校刊

高閣春波上登臨獨愴然故鄉從此去久客未言旋花
好誰家屋帆輕何郡船朝來有微雨應灑郭西田

題西山連法師壁

少離身毒國老去住精藍弟子傳燈去山靈入座參猿
嘯雲外樹龍臥石邊潭更欲聞清梵空簷下夕嵐

村居懷京下一二友生

罷職非能吏歸田卽老農有詩聊度日無字可書空白
髮將誰念黃梁且自春故人能問信家在五湖東

丙申歲書懷

素書猶在篋白髮忽盈簪空費千金學何嘗一稱心呼

雞秋岸遠飲櫛夜江淡欲問三遷術陶朱不可尋

飲錢氏東園錢新內寵

小閣臨春水長堤護石橋龜游潭影動鶴舞竹陰搖把
酒依山樹垂竿入澗毛只今花滿院得似綠珠嬌

贈張鳴善

白帝城中客清秋碧海傷乾坤方洵洵身世獨遑遑萬
里空形影全家墮渺茫悲歌三百首一一斷人腸

贈顏近仁

先生忠孝士况是故侯家南省曾攀桂東陵且種瓜舊
聞金可革今見玉無瑕老歲空奔走因君復歎嗟

袁海叟詩集卷三

六

觀自得齋
徐氏校刊

送李千戶時有海東之役

中國人俱化東夷貢未修聖君能大勇滄海卽浮漚貌
虎當前隊魚龍避上流人言漢飛將今日定封侯

寓所卽事

沙水寒猶淺江船遠未來舉家憂米粒終日走蒿萊骨
肉還難棄交游定莫猜癡兒饑困久愛父強徘徊

寓所寄何彥明

門倚秋沙白牕含野樹黃稍能親雁鷺已覺遠豺狼舊
髮從渠短新詩頗自長何郎最知我酒熟定能將

立春日飲任氏西園

把劍歸東海開筵近北臺千林殘雪盡萬里好春回中
散調琴坐山翁待酒來更須花滿樹爛醉臥蒼苔

遊會稽山

山實揚州鎮人逾浙水來禹功懸白日秦刻臥蒼苔龍
起梅梁去神遊石洞開明朝有餘興更上越王臺

懷張叟

說劍真無匹論文亦有神氣高終傲兀頭白更漂淪我
正思前輩誰當繼後塵江南春艸綠何處問行人

飲田家醉後書王生壁

勳業心逾懶耕鋤意頗長布衣方自臥麟閣聽渠忙瓜
袁海叟詩集卷三 七 觀自得齋 徐氏校刊

果鄰家席詩書野客堂醉餘還講論未見野夫狂

泗上書懷

為客山川遠封侯歲月遲後生方爾汝我輩復驅馳豈
是逢迎倦淡知氣血明詩綜衰還將歸老意先報白明詩

綜作 鷗知

夜飲陳叟宅

西苑春光好東堂夜色濃捲簾池艸碧入座燭花紅爛
醉誰能禁高歌不自窮於陵陳仲子心腹最知儂

將帥

將帥多兒戲君王待賊平幾人思報國何處有全城未

識龍蛇陣頻遭犬豕驚亞夫軍細柳千古漢家營

早寒

水鄉寒氣早未暮掩柴扉籬落無人過雞豚各自歸老
妻薰鼠穴稚子臥牛衣安得盈缸酒淡杯日日揮

懷京師一二友生

故人千里外野老五湖東江水舟航便雲山使客通短
書何契闊長日未從容老眼昏花久因君數斷鴻

京師歸別墅

政拙辭驄馬身閒問綠簑此生人共棄長日自行歌野
圃嘯鶯滿春江鬪鴨多王家酒壚近風雨日相過

袁海叟詩集卷三 八 觀自得齋 徐氏校刊

移居

舊屋非吾有新居亦借人往來皆是客到處即為鄰雞
犬遭牽縛妻孥厭苦辛長歌燈下影命也復何嗔

挽夏叔明

別去纔三月那知即九泉人皆遭世故公獨盡天年執
紼多名士傳家有象賢老夫雙淚眼泣罷更忻然

題朱自明座右銘

居官之道以廉慎為先處眾之方以謙和為上
此禮部尚書秦兼善以書傳濟民者

吏治通南海皇綱委重臣贊襄多妙選甄拔到斯人禮

部箴規切中臺翰墨新豈爲銘座右萬一可書紳

懷陶南邨先生

柴桑老孫子清質獨超羣身同鷗鷺侶心軌科斗文著
書今已就運甓誰能勤袁安且高臥歌罷復思君

出三江口有懷野人錢衣

處處無歸路悠悠且逝波渚花風外少江樹雨中多吹
笛蛟龍聽開窗鶴鶴過高人著書手頭白共蹉跎

五言排律

聞誅索羅鐵木兒

國步雖微蹇天心自可稽爪牙翻噬噉宗社欲顛擠蔽

袁海叟詩集卷三

九

觀自得齋
徐氏校刊

日朱旗入連郊鐵騎嘶紫垣通窾豹玉座接鯨鯢聖哲
元無惑晨昏且暫攜濟河聲杳杳幽薊色淒淒密詔親
傳罷中軍氣欲迷登壇惟慷慨撫劍益悲悽敵愾心逾
切勤王力自齊義聲驅海岳直氣挾雲霓滅竈秋煙薄
吹笳夜月低指揮容艸艸進退合祈祈忌器悲忘鼠憂
苗更惜稊逆徒從翦伐元惡待屠封肘腋能無意神靈
况夾批呂侯初受命董卓已然臍雲雨蘇煩熱江河灌
障隄萬方深慰望九廟實安栖天闕歸龍種雲山識馬
蹏問安紆玉趾視膳入金閨膝下歡仍舊宮中樂未睽
清秋多宴會仙仗日東西宮女花垂鬢都人酒滿脾里

聞聞笑語燈火雜孩提白日依中道青春入故畦遠人
來服食絕域盡航梯世祖功如在今王敬日躋鼎彝銘
將相衽席措黔黎淮海休波浪湖湘罷鼓鼙既聞誅桀
虎莫自學醜雞築逆山身首忠賢荷壁珪休同隗囂輩
終誤一丸泥

七言律詩

江上書懷

扈瀆城南秋氣高鴛鴦鴻雁各求曹不眠更識匡牀穩
欲去還思小几牢幾處尺書俱寂寞百年雙鬢獨蕭騷
秋江欲渡愁難渡風雨龍吟長怒濤

袁海叟詩集卷三

十

觀自得齋
徐氏校刊

次王叔善祀天妃有雪

酒正初傳內府醪南來河伯避行舸百年祀事崇邦典
半夜神光出海濤花散曉風紛爛熳禮成春服肅清高
聖躬端爲蒼生禱不比乘槎漢使勞

聞笛

花發吳淞江上村隔花吹笛正黃昏風塵遠道歸何日
燈火高樓合斷魂夜靜幾家無別淚雨聲終日過閒門
天邊楊柳今無數短葉長條非故園

次趙法師過全

松風餘韻作金

秀才隱居二首

陸

墟里人家煙霧淡背岡茅屋自陰陰不愁逸竹妨嘉實

松風餘韻作谷自愛繁枝集眾禽田父耰鋤時得借漁人舟楫

莫相尋舊聞雞犬桃源裏彷彿溪邊花樹林

幽人讀書黃浦上蕭條茅屋倚高岡霜露木葉淡淡赤

潮雜溪流混混黃傍舍杯盤多芋栗秋園門巷亦馨香

為語當時仲長統輸君清曠自徜徉

江上送高丈起夫分韻得暮字

青春送客黃家渡千里汀洲帶芳樹煙中歷歷白鳥來

日晏翩翩綵舟去主人置酒江上屋遠客哦詩水邊路

明朝花落更思君海東月上青山暮

袁海叟詩集卷三

十一

觀自得齋徐氏校刊

扈瀆龍王廟晚眺

扈瀆高城今已殘獨餘木葉灑驚湍風雲浩蕩時將暮

江水蕭條龍亦蟠千里吳鄉多戰伐孤舟蜀客轉飢寒

傲裘涕淚兼新舊終日思家敢怨歎

望南邨二首

南邨煙樹接蒹葭白鷺翩翩滿白沙此地遂成茅屋計

何人更識老夫家即開斷壠行新竹便接平皋樹雜花

戎馬紛紛終未已此身汎汎獨長嗟

野水縱橫不計源雜花先後自成園魚蝦欲上人人取

鳥鵲歸來處處喧但得茅茨容老大即將耕鑿付兒孫

淮南未定江南亂潦倒無歸卻斷魂

次楊廉夫先輩韻

吹笛春江煙霧稀幽芳小草總相依巫峽甯知雲雨夢

滄洲欲試芰荷衣花開鸛鶴迎人起波上魚龍挾棹飛

不似南州庾開府鄉關頭白苦思歸

秋晚東海寓所

落葉寒蟬小巷淡枯藤斜日半墻陰讀書稚子當軒坐

為客衰翁倚杖吟滄海未知終老計白頭難忘故園心

傲裘零落餘雙袖清淚年來似不禁

沙邊

袁海叟詩集卷三

十二

觀自得齋徐氏校刊

沙邊細路少人行只有閒花樹樹明水閣經春塵自滿

風簾終日鳥爭鳴躬耕豈願將軍顧肥遯聊成處士名

白鷺晴煙滿平野老夫於此最關情

喜洪山人恕復至

煙巷雞鳴曙色開秋林鵲噪遠人回老夫自掃風前葉

稚子兼鋤雨後苔近市酒漿渾易得傍溪魚蟹亦頻來

鷗邊野水明如鏡更坐寒山共一杯

亂後貽溪上一二同志

莫道閒居野老貧秋園事事可憐人隔溪霜柿紅於火

出水寒魚白勝銀莫為草茅堆積久只今兒子掃除頻

碁局茶甌總無恙底須相棄不相親

飲謝氏東園

謝氏池臺多好春風簾水檻不疑塵千鍾綠酒能留客
滿樹黃鸝更可人蝶翅乍驚歌扇遠柳花輕觸舞衣頻
醉餘蕩槳城東去正值南湖月色新

池上書懷

野水寒冰上曲池薄雲斜日下疏籬黃蒿處處迷歸路
滄海年年少故知北望朝廷非昔日東來兒女更誰依
老年拄杖猶無力况是飢寒氣血衰

雨後西園卽事

袁海叟詩集卷三

十三

觀自得齋
徐氏校刊

雨後秋園首宿紅水邊秔稻亦芄芄老夫衰憊知無用
兒子耕耘已有功盡室盤飧惟仗汝暮年家事莫煩公
勳業文章等虛妄杖藜濁酒任西東

張叔溫諸公攜酒至泮濱明日作此奉謝

八月風高鴻雁飛三江潮落鱗鱉肥已拚白髮如秋水
未厭清樽共夕暉氛祲遠連豺虎窟波濤晴晃芰荷衣
揚雄舊宅城東住騎馬歸來月滿扉

觀王生所藏王維畫

右丞小景樹參差我有林塘實似之日日欲歸還踴躍
時時借看解愁思恨無黃鶴高飛去獨奈沙鷗靜不移

明日江頭候春水典衣沽酒待篙師

大雨書寓所壁二首

五月六日雨絲絲東望黃浦水連天小溪漫漫不可渡
高岸兀兀何由全家童種竹已穿壁野老捕魚還滿船
南鄰少婦亦可惡濁酒盈缸須見錢

溼雲密密覆高軒濁流滔滔注滿園一雙白鳥當牕下

無數黃蜂入戶喧親朋何由致音問道路已絕無板棧

野瓜新菜最稱意引蔓開花滿敗垣

次廣西省朱郎中熙見寄韻二首

萬里蒼梧入望長薇垣新治日馨香已知南去無鴟獍

袁海叟詩集卷三

十四

觀自得齋
徐氏校刊

更擬西郊聽鳳凰談笑定應多暇日羈縻况復有成章

幕中還試鍾王帖書遍闌干葉上霜

衡陽南去與天長荔子紅椒處處香明月關門無虎豹

清風臺閣有鸞鳳包茅已入皆三節卉服新成有九章

幕下文書自稀少醉餘崖蜜啗紅霜

姚性存將歸鶴沙以詩見別次其韻

十年避地誰知我此日看君自可人空谷正思駒皎皎
清溪還度石磷磷韓公任處皆荒服區冊歸時及早春
聞道沙邊風俗好老夫東望欲爲鄰

京師歸至丹陽逢侯生大醉

白下西風吹夜涼五湖秋艸動微霜千家砧杵多凌亂
獨客關山正渺茫歸去定應殘臘盡飄零猶幸此身強
丹陽郭裏盈樽酒且爲侯芭發醉狂

歸來

淮甸西風送客歸江潭落木正飛飛屋邊鶴鶴鳴高埳
道上狐狸笑敝衣濯足每嫌秋岸冷攤書還趁夕光微
倦游季子真相似獨有賢妻育下機

郭外寄王錄事

白鷗黃鳥弄春聲綠樹清波稱晚晴何用城中走塵土
只消江上過清明淡村濁酒還堪醉野老狂歌亦有情

袁海叟詩集卷五

十五

觀自得齋
徐氏校刊

寄語東門王錄事底須辛苦過平生

送曹新民歸東川

十年西浙曳長裾千里東歸指舊廬原上脊令終有托
旅中羸博近何如朝廷未擬申公使弟子猶傳伏勝書
江州江花總無限爲君今日重嗟吁

賦綠珠得車字

綠珠初嫁石崇家細馬輕駝七寶車已用明珠爲奩篋
更輸白璧教琵琶日日東樓傾美酒朝朝西苑看名花
只爲恩淡不相棄還將玉體委塵沙

陶宅務大蕙謝庭蘭高州大族也暮年客中得子

索詩故賦此

南來萬里不勝勞此日添丁氣自豪庾信甘查方自喜
寶家丹桂未爲高麒麟親送千年瑞鸞鷲初生五色毛
爲語東歸老都尉他年天子召枚皋

賦黃葉漁村

澤國西風霜樹多蕭條茅屋倚江波家人酒饌兼蝦菜
野老衣裳雜芰荷東海任公時問信滄浪漁子亦來歌
白鷗亦有忘機意清影相看奈爾何

懷曾彥魯

不見曾公白髮侵酒杯甚局最關心年華冉冉情何限

袁海叟詩集卷三

十六

觀自得齋
徐氏校刊

江海悠悠水正淡欲買小舟隨雁去便從幽壑聽龍吟

陸本注云聞其
恆往來龍井

明年春滿長洲苑拄杖穿花處處尋

過黃耳冢有感

陸士衡在洛被禍時寄
書犬也冢在華亭南

黃耳塚前春日遲柳條花萼正參差豪華已逐浮雲去
異物猶令後代思願養有恩終不肯交游何事獨相欺
春風綠酒人皆醉落日孤舟自詠詩

京師懷吳中黃道士

吳下黃師吾所憐江湖離別又三年家貧似爲耽詩句
世亂誰能與酒錢溪上瓜田應蔓艸沙邊茅屋正風顛
稍待東南春水綠老夫書札寄吳船

北山雨望丙申三月一日時張士誠據吳

凍雨蕭條江上來隨風沾灑氣幽哉陸機茅屋終難住
伍相祠堂亦可哀獨客飄飄何處去孤帆寂寂幾時回
竹枝聲斷滄江暮短髮無辜獨受催

陪貢先生東山樂飲

蘭亭修禊會羣才此日東山亦快哉詩思正隨黃鵠去
酒懷忽傍白鷗來坐逢細艸身偏穩行近濃華眼自開
日暮前村騎馬去兒童都道習池回

賦梅花清夢二首

江頭隴畔忽經行萬籟銷沈月滿庭琪樹園林春漠漠
袁海叟詩集卷三 十七 觀自得齋 徐氏校刊

水晶宮闕夜冥冥只愁瑞鳳驚飛去未信鄰雞喚得醒
猶似芙蓉池畔客偶然相值兩浮萍
漠漠梨雲凍不飛夜深那得到重闌初疑海上三珠樹
未悟江南萬玉妃瑞鳳欲飛風細細鄰雞未動月輝輝
更隨弱水東流去游遍三山夜不歸

春日溪上書懷丙申歲作

溶溶春水雜蒹葭嫋嫋晴風度落花小卷幾時佳客至
新詩獨向野人誇未聞汗馬收諸國且逐閒鷗坐淺沙
春色酒杯俱在眼底須辛苦欲還家

詠溪上所栽桃

桃樹移栽近淺沙呼兒插竹護欹斜秋來擬喫垂垂實
春到還看灼灼花旋置酒旗淡處掛更將漁艇密邊遮
老夫未是文章手故少新詩對客誇

江上早秋丙申秋作

靡靡菰蒲已滿陂菱花菱葉更參差卽從景物看身世
卻怪飄零枉歲時得倉野鷗松風餘韻作鳥爭去遠避風江鶴
韻作鶴獨歸遲干戈此日連秋色頭白猶多宋玉悲

兵後大醉陶與權宅丙申九日

酒到愁腸味自醅花因白髮更精神兒童休笑燈前舞
老子今存亦後身何處江湖爲樂土誰家門戶有閒人
袁海叟詩集卷三 十六 觀自得齋 徐氏校刊

寓所丁酉二月

多情獨有陶徵士醉過清秋不厭頻
艸閣閒亭春水邊雨蒲風柳自紛然鄰翁對客還爭席
水鳥依人欲上船西北朝廷無使節東南城郭有烽煙
老夫避地非游說正少蘇家二頃田

秋日海上書懷二首丁酉歲作

寡妹城西消息稀老夫漂泊幾時歸朝廷計議知何意
丞相征行事已非東去鯨鯢方作橫南飛鳥鵲正無依
可憐白髮孤村裏終日哀哀賦式微

十年不見鸛鷺軍千里猶殘犬豕羣涕淚每從天際老

檄書誰到日邊聞
荆蠻戰克心猶忍
淮寇平來地已分
莫怪腐儒東海上
時時哀怨動秋雲

舟次上海縣

海上驚風亂鶴飛
千村霜露松風餘韻作落亦霏霏
清砧自是逢秋起
白骨何由遠道歸
戈甲只殘螻蟻命
江山終屬虎狼威
自憐此日身將老
况復中宵淚滿衣

浦上寓所

我有茅堂南浦潯
回岡千尺晝陰陰
繁花映帶墟煙密
弱竹留連海氣深
寂寂軒牕惟鳥下
蕭蕭風雨亦龍吟
東家野老猶瀄朴
酒熟花香數見尋

袁海叟詩集卷三

十九

觀自得齋
徐氏校刊

璜溪寓所

高林淡竹氣冥冥
野色波光更滿汀
艸閣雨晴鳴翡翠
花畦風暖入蜻蛉
書成已與山公絕
賦就惟教阿買聽
猶未忘情是杯酒
尙煩鄰里致盆餅

獨坐荒園

獨坐荒園生事微
幽幽門巷總煙霏
家人問米侵晨去
童子將薪薄暮歸
肉味敢忘三日久
鄉情獨與寸心違
只道年來雙鬢改
甯知多病不勝衣

寄題馬氏艸堂兼簡黃二秀才

江上艸堂風物幽
江花紅白滿汀洲
鳴鳩呼婦東西去

麋鹿將兒遠近游
已有軒牕成晚趣
陸本注云艸堂有晚趣軒更無
舟楫散春愁
東林早晚櫻桃熟
應與黃香數勸酬

追次林太守孟善韻林乃某之舉主

大君開國配皇天
五馬東來爾獨賢
龔遂化行能賣劍
姚崇遺愛合留鞭
生芻未擬登門日
白髮空悲薦剡年
當代何人似班馬
欲書循吏與流傳

浦上木芙蓉盛開約黃鶴山人共觀

江浦芙蓉色正深
清霜點染更沈沈
孤舟向日曾親見
短褐於今欲遠尋
已擬攜尊同野客
不妨展席對沙禽
明年臂痛應全愈
移遍東園野木陰

袁海叟詩集卷三

二十

觀自得齋
徐氏校刊

江上櫻桃甚盛而予寓所無有忽蘇城友人惠一

大合故賦此

野店荒蹊紅滿枝
暖煙微雨共離披
忽思西蜀勾圓顛
正值東吳遠送時
老子細看方自訝
兒童驚喜欲成癡
拾遺門下曾沾賜
此日飄蓬也賦詩

荷花

野菼秋菰共一岐
水禽沙鳥最相知
濃香浩浩無人問
瘦影蕭蕭只自危
歲晏苦心終寂寞
夜深清淚獨淋漓
清宮更擬襄王看
猶恐雄風作陣吹

久雨後寓所

荒村處處聞流水
艸閣時時半掩扉陸本
庭樹葉深沙鳥宿陸本
野藤花退蜜蜂稀
只將書劍消長夏
更倚漁舟送落暉倚陸本
天意未教戎馬息
老夫漂泊敢言歸

得馬叟書作此遠寄

洛陽馬叟世稱賢
童稚相看四十年
只道詩名傳宇內
甯知酒債滿江邊
蓬蒿久沒揚雄宅
蝦菜聊隨范蠡船
此日將書付歸雁
不知清淚溼吳箋知陸本作勝

壬寅九日

野老園籬江水東
溥溥夕露滿幽叢
已教短髮從天白
未厭秋花特地紅
身世只今惟仗酒
安危從此不關儂
神交賴有陶徵士
避地休官意頗同

袁海叟詩集卷三

主

觀自得齋

徐氏校刊

過楊右丞墓

鐵騎千羣下九江
將軍才氣果無雙
欲傾淮海鯨鯢窟
盡說東南禮義邦
關羽不防吳寇入
費禕終惑魏人降
腐儒憂國思家淚
獨向西風灑石缸

寄南臺掾朱自明時初復役

世祖行臺列俊賢
掾郎家世本儒先
一時人物青雲上
十道風霜白晝前
最愛羣公交薦日
正逢天子中興年
腐儒飢餓干戈際
欲買山陰雪後船

登慈忠閣

唐家高閣古城隈
遠客登臨宿霧開
諸帝園陵俱寂寞
三韓魂魄尙歸來
西山雲氣空中度
東海潮音地底回
聞說關河有戎馬
故園南望獨徘徊

清明獨坐

花柳千家郭外村
老夫官屋近荒園
晴林渺渺浮雲氣
細艸油油疊浪痕
川上畫船爭載酒
煙中長笛自銷魂
暮年况復追遊倦
落日泥墻獨閉門

書寓所西齋二首

繁杏天桃碧井西
牽牛天棘故相迷
遂令錦雉將雛雉
復有黃鸝作隊啼
地遠豈知時事改
身閒直與野人齊
塘坳來往誰能見
只有兒童識杖藜

袁海叟詩集卷三

主

觀自得齋

徐氏校刊

西齋春樹日陰陰
下有飛花一尺深
幽意未容他處勝
新詩只向此中吟
鄰翁小圃春相接
漁父扁舟晚更尋
歸去故園應念此
他時懷抱亦難禁

登虎溪閣

秋淡時節雨霏霏
獨坐江樓看雁飛
煙火數家山郭晚
篷檣幾處野航歸
謀生計畫人皆笑
投老鄉關事已非
聞道淮南新易將
江湖此日欲霑衣欲陸本作亦

野城山晚眺

百尺孤亭落照閒六朝遺跡艸斑斑榮華有限英雄去
江水無窮鷗鷺閒商女晚來猶自唱行人春盡不知還
故園遙在三江外煙樹微茫獨倚闌

白燕

故國飄零事已非舊時王謝見應稀月明漢水初無影
漢陸本 雪滿梁園向未歸柳絮池塘香入夢梨花庭院

冷侵衣趙家姊妹多相忌莫向昭陽殿裏飛
驪珠襪錄云時大本賦白燕詩呈楊鐵崖鐵崖極稱珠
簾玉剪之句袁景文在坐曰詩雖佳未盡體物之妙鐵
崖不以爲然景文歸作詩翌日呈之鐵崖擊節歎賞連
書數紙盡散客一呼爲袁白燕以此得名李獻吉
謂白燕詩最下最傳非通論也萃祥案驪珠襪錄所云
是白燕詩爲和時大本而作而李夢陽序則爲楊廉夫

袁海叟詩集卷三

三

觀自得齋

嘗作白燕詩及覽叟作驚歎以爲不及則又似和鐵崖
而作矣今此題後附有時大本和作與前兩說又各不
同紀載之難信有如此茲俱仍之

附時大本和

春社年年帶雪歸海棠庭院月爭輝珠簾十二中間
捲玉翦一雙高下飛天下公侯誇紫頰國中儔侶尙
烏衣江湖多少閒鷗鷺互與同盟伴釣磯

春日溪上偶書

白髮何煩試鶻冠清江久欲把漁竿涓涓濁酒須成醉
嫋嫋晴花已倦看不忍燕鶯頻往復且留鷗鷺與盤桓
東家野老渾知我日日相過卻自歡

次方明謙指揮海上築城韻二首

城堞遙連北斗斜島夷從此識中華諸侯幕府多春酒
上將歌謠雜暮笳別去幾時還下榻興來何日欲乘槎
爲報安期頭白盡更煩重覓棗如瓜

旗影翩翩整復斜中天星月動光華千羣貔虎方屯戍
萬里魚龍聽鼓笳聖主自多開國老小夷休恃上天槎
卻煩上將頻思念時問東門二畝瓜

野航爲范子俊賦

一舸夷猶野水邊渚禽沙鳥各紛然幽花滿棹初維岸
春水連隄忽上天世上風波終未已江南煙雨正堪眠

袁海叟詩集卷三

三

觀自得齋

他日匏尊留我飲更憑孤鶴問坡仙

鏡中梅

的的孤芳野水濱折來應是曉妝人瑤池風煖香初散
銀漢春回跡未真奔月定知猶有影凌波卻喜不生塵
綠毛么鳳無栖處來往蘭房不厭頻

飲任氏西園大醉呈諸公

公子西園花最多花邊展席每經過清芳到手休輕折
白髮欺人可奈何爾貴我榮君莫問鶯兒燕子總能歌
醉後不愁歸路晚亭亭月色滿江波

寄田官馬錄判

馬卿離別又三秋行李蕭條古薊州
杭稻熟時多有賜蒲萄醉後卻無愁
春風白雁雲邊去落日黃河天際流
囊裏新詩三百首還能遠寄海東頭

偕黃叔明王元吉錢伯雲張夢辰金彥振元夕觀
燈會於蕭塘隱居景元舉酒屬客曰七人四百
九十歲爲首句以燈字爲韻予賦此時洪武乙
丑也

七人四百九十歲吳家堂上看花燈皓首龐眉方滿座
金杯玉碗出清冰三寸黃柑渾似蜜百壺春酒況如澗
今日相逢總知己老夫歡喜欲飛騰

袁海叟詩集卷三

三五

觀自得齋
徐氏校刊

光緒十有九季歲在癸巳孟夏之月石埭徐士愷校刊
袁海叟詩集卷之三終

袁海叟詩集卷之四

五言絕句

京師得家書

江水一千里家書十五行行無別語只道早還鄉

寄家書

白髮時時異青山處處同人行千里外書到五湖東

龍江夜行

細雨滿江頭孤篷夜未休歸心與煙浪相逐下揚州

江上二首

野屋藏春樹江堤倚暮花買魚留楚客沽酒問吳娃

袁海叟詩集卷四

觀自得齋
徐氏校刊

日暮江風急江花水上飛吳船三十丈載得錦雲歸

因何彥明賦入新效其體

新煙

覆堤初冉冉渡水尚遲遲一樹梨花色猶能似舊時

新水

柳外朝朝雨平添過舊痕往時桃葉渡今日更銷魂

新燕

乍拂芳池遠還窺繡幕重莫將花片蹴飛舞滿筵中

新草

水邊春尚淺沙際葉纔穿拾翠雙雙女迢迢度碧煙

新鶯

芳樹何年到西園夢裏驚不須重聽汝只是舊時聲

新柳

淺色初含雨輕陰未過池黃昏畫樓畔最是斷腸時

新蝶

怯露依芳蕙驚風入繡幃莫將羅扇撲更待滿園飛

新月

既從碧雲上復傍綺羅移願得長如此教人學畫眉

絕句五首

門外青青草今年更覺淡前時玉釵墮侍婢不能尋

袁海叟詩集卷四

觀自得齋
徐氏校刊

年車行樂處歌吹隔蕭牆賴有鄰房女時來說故鄉

月落長門去千門夜色濃夢閒無限樂不道在宮中

春來栽翦罷密葉閒穠花縫到鴛鴦處行行線腳斜

海內雖無事朝中有諫書大家猶未省不敢候羊車

寄王九秀才

夫子久不見生涯今若何惟應江水上日日採菱荷

詠馬九首

生長月支國何年入漢疆猶懷水草意嬾逐左賢王

將軍皆衛霍不復見韓彭馳騁沙場日時時意不平

玉汗通身涇牽來陣陣香曾騎如子宴疑是荔枝漿

10/11/10 21KX

穆王乘八駿此骨獨超羣繫向蟠桃樹飛花散滿身
雪落天山夜風吹瀚海乾駑駘俱凍死此骨獨禁寒
秦政無靈氣漢武非仙才當時若遇此一直上蓬萊
鞭策相驅急身心不自持每當艱險地有巧不能施
荒郊還獨臥淚眼幾曾開歷歷經行路時時入夢來
老眼幾曾開荒郊獨往來誰能飽芻菽猶勝策駑駘

六言絕句

江上二首

北固城頭晚眺西津渡口煙波白髮人人自老青山處
處還多

袁海叟詩集卷四

三 觀自得齋 徐氏校刊

山下旌旗閃閃江邊楊柳依依騎馬將軍遠戍吹蘧漁
翁醉歸

淮安道中

山陽城中細雨廣陵堤上飛花估客時時吹笛行人處
處思家

郊居三首

西舍槽頭溜溜南園鳥弄關關數觥香醪獨酌一樹梨
花半殘

日轉花影傍戶雨餘山色沿堤一雙蝴蝶對舞幾箇鶯
兒亂嘯

荒園處處閒步小閣時時燕居阮籍惟思飲酒嵇康最
懶讀書

醉歸

北渚看花起早東鄰醉酒歸遲為問臺中官馬別來幾
許人騎

閒步二首

春園偶爾獨往晚徑蕭然自還芳艸煙中冉冉落花風
外斑斑

半雨半晴天氣半開半落山花半醉半醒遊客半村半
郭人家

袁海叟詩集卷四

四 觀自得齋 徐氏校刊

七言絕句

題趙王夜宴圖

玉戶金釭夜未央邯鄲宮裏奏絲簧鄭姬已醉燕姬倦
誰拂君王白象牀

題吳王內涼圖

微月斜侵響屨廊芙蓉清露滿金塘鴛鴦只傍闌干宿
也愛君王水殿涼

題吳宮衰柳圖

遠岸依依落日明吳王醉處少人行多情獨有垂楊樹
猶送淡宮野雨聲

遣懷

白髮三江一腐儒
長年耽酒不耽書
偶逢世亂無生計
落日煙中自把鋤

日暮即事

茅屋秋來破不勝
野雲沙樹自層層
老夫生理全拋廢
日日江潭去採菱

送王生還吳中

陸機宅畔送王紳
泰伯祠西覲二親
他日得書報知己
東門還憶種瓜人

訪張道士題壁

袁海叟詩集卷四

五

觀自得齋
徐氏校刊

道士門前春日温
干重碧艸睡鸞羣
山風忽送桃花雨
溼遍牀頭白練裙

歸來

京國歸來老更窮
短衣蕭瑟怕秋風
不知飢餓填溝壑
日日吟哦江水東

淮東逢

松風餘韻作
張十二信

少年追逐共西東
吳邁文章馬亮弓
一自干戈零落盡
白頭淮海獨相逢

寄錢彥德

故人別我山東去
千里長淮復大河
此日題詩付兒子

白頭清淚不勝多

灌園

荒陂渺渺接連筒
蔥葉青青芥葉紅
不道虞卿著書手
白頭衣食野人同

題張子正雪山圖

西嶺千秋凍不消
人家牕戶總瓊瑤
不知海上張公子
曾過成都萬里橋

口號丁酉歲作

白沙鄉裏今年熟
清酒家家味頗醇
明日杖藜行處醉
只愁駒睡惱比鄰

袁海叟詩集卷四

六

觀自得齋
徐氏校刊

杜彥清攜斑竹簫
作數聲賦此以贈

杜家兄弟我相知
兄既云仙弟亦衰
留得瀟湘江上竹
夜深持向月中吹

蒼梧魂去已難招
帝子臨江雪未消
白髮伶倫多古調
令人從此憶簫韶

送王御史東海監散竈丁工本

王郎五月赴監亭
十丈官船酒滿餅
稍待涼風吹木葉
老夫東下看滄溟

贈歌童舞女

漳河女子薦良童
名在先朝樂部中
記得教坊新隊子

江南江北舞春風

已未九日對菊大醉戲作四首

老夫愛此黃金蕊兒子須將白酒賒直到殘陽下天去

更添燈火照欹斜

遮莫鄰家酒已無教兒更往遠村沽老夫強健如平日

醉過三更不要扶

只今何處無黃菊醉看茅茨有幾人賢婦稍能知此意

殺雞爲黍莫辭貧

縱道今年杼軸貧乃翁才力不超羣明朝若賣長門賦

還爾黃金一百斤

袁海叟詩集卷四

七

觀自得齋
徐氏校刊

江上舟中聞笛

誰家吹笛倚江樓江上行人夜未休獨有思家兩行淚

爲君揮灑下揚州

陪鄭德明倪元鎮遊天屏山四首

官河春水綠悠悠水上人家盡畫樓買取吳娃三日酒

放船直到百花洲

高臺千尺對層巒只許吳王醉裏看山色不隨勾踐去

遊人還得倚闌干

鄭監風流老不衰倪寬頭白更應癡吳越英雄已泥土

欲從江海問西施

百花洲上百花開花是吳王舊日栽吳王去後無消息
歲歲看花人自來

醉後口號二首

新書欲獻帝王家柰此家貧道路賒醉臥江村風雪裏

時時自比賈長沙

誰人更識賈長沙老作江南百姓家但使餅中有春酒

不勞慟哭與長嗟

竹枝歌十一首江上看花作

吳淞江上好春風水上花枝處處同得似鴛鴦與鸚鵡

時時來往錦雲中

袁海叟詩集卷四

八

觀自得齋
徐氏校刊

水上花枝日日開行人頭白不能來請看門外東流水

流向滄溟更不回

江水東流更不回行人頭白苦相催只恐明朝風雨惡

夜淡燒燭亦須來

千株雲錦照江沙沙上青旗賣酒家莫怪狂夫狂得徹

吳姬玉手好琵琶

吳姬玉手好琵琶少小聲名到處誇但使主人能愛客

年年來此看江花

江花紅白最堪憐莫惜看花費酒錢他時白髮三千丈

縱使頻來不少年

黃家渡西多好春黃家渡上酒能醅看花喫酒唱歌去
如此風流有幾人

寒食清明正好春看花須著少年人年少看花花自喜
白髮看花花亦嘔

淞江水碧碧於天水上行人坐畫船記得吳兒竹枝調
爲君高唱百花前

日日花前金叵羅百年能得幾經過花開花謝人還老
狂客狂吟莫厭多

寄語看花江上人清明時節好來頻清明節後多風雨
風雨顛狂惱殺人

袁海叟詩集卷四

九

觀自得齋
徐氏校刊

風雨宿蕭山

東來山郭晚秋時白酒黃柑興不衰欲倩山陰王逸少
爲書風雨渡江詩

送賀九成歸浙東兼簡王若水

賀老秋來憶鑑湖荷花楊柳正扶疏西過錢塘見王宰
東門今少種瓜圖

瓜步夜泊

千里長江雨乍晴江頭燈火夜淡明爲報高樓莫吹笛
故園東望不勝情

揚州逢李十二衍二首

與子相逢俱少年東吳城郭酒如川如今白髮知多少
風雨揚州共被眠

最憶東家水調聲花前檀板雜流鶯此時我醉君猶醒
舞到梧桐白露生

題老蛟化江叟吹笛圖

吳頭楚尾老髯翁千里煙波有故宮日暮江亭不歸去
猶將玉笛倚秋風

附顧祿和韻

千里神龍化作翁月明吹笛倚龍宮曲聲不許人間
聽散入重湖半夜風

袁海叟詩集卷四

十

觀自得齋
徐氏校刊

閒題

相如真是小人儒只解人前賦子虛負郭薄田三十畝
文君何用自當壚

城西送鄧生二首

千山風雪正霏霏君去金陵幾日歸鳳凰臺上還吹笛
東望滄溟淚滿衣

東望滄溟涕泗垂閨中少婦亦霑衣他時若有相思字
只寄春江燕子歸

夜至瓜州

瓜州人家燈火微瓜洲陂上行人稀敲門賣得雙清酒

船在西陵逆浪歸

寄謝蔡道士惠山水障

荆門道士蔡崑邱筆底丹青似虎頭寄我江南山水障
令人日夜憶滄洲

費夫人

官軍應賊著紅巾苗獠來時更不仁若道南州無節婦
請看東海費夫人

楊員外

羣盜南奔日月昏諸公臣節不須論白頭惟有楊員外
不負從來天子恩

袁海叟詩集卷四

十一

觀自得齋
徐氏校刊

寄錢德仁錢士修二國錄兼簡王司業

錢翁父子教成均文筆誰當繼後塵若見青龍老司業
還提江海釣漁人

朝天宮觀方道士所畫三山圖三首

東流弱水不勝塵漢武樓臺空自陳欲借橫江孤鶴去
須憑南嶽魏夫人

巨魚出沒浪波腥東望三山路杳冥安得秦皇射蛟手
為操强弩下滄溟

方壺少小學為仙筆底三山豈偶然見說麻姑頭總白
不知何用得長年

寄三江王六秀才

滄洲荷屋晚秋時橘柚青黃滿戶垂安得扁舟趁潮去
醉看江雨散輕絲

溪上諸友謂予終日酣醉寄此見意

好酒楊雄鬢已星案頭空有太元經只道人來問奇字
甯知門外艸長青

調馬益之

水邊欄檻早涼天荷葉荷花盡可憐安得人如趙飛燕
夜深燒燭舞翩躚

調鄭老

袁海叟詩集卷四

十二

觀自得齋
徐氏校刊

鄭老曾為前代官江湖相見獨飢寒不道夜深霜露重
猶將玉笛倚闌干

送鄭老歸襄陽二首

春風回首古檀溪老子茅茨溪水西鳳凰臺上還相憶
煙浪無窮碧樹低

我愛襄陽老鄭虔高樓吹笛動秋煙他時若有平安信
即寄江東估客船

南京口號六首

君王觀闕倚天開畫出金山復壯哉率土再瞻龍虎氣
高臺還見鳳凰來

聖帝明王德業尊親爲清廟國西門皇心自足超前古
况復貽謀及後昆

放牛歸馬淨塵埃地北天南道路開火雞馴象時時貢
不數周家白雉來

南夷潭水渥洼津幼出龍駒玉雪身笑殺公孫井蛙耳

天生神物待真人

春雨初晴霽色開天街風雨少塵埃白面郎君調御馬
雙雙騎過午門來

駕出東華正好春山中艸木更精神揚雄老去才情減
羞見新來獻賦人

袁海叟詩集卷四

十三

觀自得齋
徐氏校刊

卽事二首

洛陽大賈愛名姬富樂園中飲酒歸千步長廊好騎馬
不愁春雨夜霑衣

天街酒好不須言絃管春風處處喧舊傳北地鳴珂巷
得似南京富樂園

寄北山明上人

明公持律太精嚴一住空山歲月淹聞道新年結蓮社
還能沽酒引陶潛

重過黃渡有感

馬家宅畔無喬木徐氏門前芳艸多留得白頭漁父在

年年長笛響滄波

題西巖精舍

西巖流水夜泠泠流出松根見茯苓八十老僧忘世慮
閒將佛法教山精

紅梅

江上千株雪未消別來渾似董嬌嬈揚州何遜頭先白
柰此春雲亂眼飄

徐子厚宅賞牡丹二首

巨室高門今已非當時臺榭總煙霏獨有徐家後園裏
金盃玉枕待人歸

袁海叟詩集卷四

十四

觀自得齋
徐氏校刊

名花朵朵擁雕簷畫燭雙雙出繡簾最是主人能愛客
高堂春酒夜厭厭

石頭城晚望

落日依依下石頭亂雲東望是蘇州人閒何似歸心切
獨有春江不斷流

觀沙鷗

門外羣鷗我所知終朝相見不相疑借爾橋東楊柳岸
明年春日更添兒

江上寄巖八

一春不見巖夫子底事城中不肯還門外白鷗三萬箇

幾時相對綠波間

江上寄書

湘南估客發西津東入姑蘇花正春獨有相思數行字
欲從江海問情人

醉書壁

芙蓉花開滿高岸還如杜老蜀江邊田夫野客頻來看
白酒黃雞不用錢

淮西夜坐

蕭蕭風雨滿關河酒盡西樓聽雁過莫怪行人頭白盡
異鄉秋色不勝多

袁海叟詩集卷四

十五

觀自得齋
徐氏校刊

李陵

明詩綜
作蘇李泣別圖

上林木落雁南飛萬里蕭條使節歸猶有交情兩行淚
西風吹上漢臣衣

題龍江酒家二首

金陵美酒玉光浮父老相傳最解愁安得身無官府事
長年高臥竺家樓

江上青旗映白沙墟頭美酒玉無瑕李白當年曾醉此
桃花落盡不思家

登閣

木落淮南秋色空閒登高閣送歸鴻白頭老婦癡兒女

蓋在蕭條望眼中

客中夜坐

落葉蕭蕭淮明詩綜
作江水長故園歸路更微茫明詩綜
作范范一
聲新雁三更雨何處行人不斷腸

賦得西施

當時生長苧蘿村山色無光水亦渾勾踐得時方自喜
吳王見後即銷魂

憶南湖二首

我憶南湖春酒香百錢亦可解愁腸湖頭白藕猶堪愛
正似佳人玉臂長

袁海叟詩集卷四

十六

觀自得齋
徐氏校刊

南湖沈叟愛吟詩詩似當年杜牧之一自干戈不相見
令人雙鬢欲成絲

浦口竹枝

浦口荷花生紫煙花時日日醉沙邊更將荷葉包魚鱗
老成江南不怨天

村園露坐

暑氣銷沈夜氣濃倚天秋樹細含風誰家白鶴三千隻
飛過先生艸屋東

調王生

門外桃花落漸多一雙新燕又來過寄語城東王貢士

今年春酒味如何

題妓展僧僧像

陸本止第二首
題云寄瓢齋

不見秋娘今幾年水光山色自悠然月明樓上天如水

猶憶梁州第四絃

不見瓢齋心自苦金陵又復向金華茫茫春艸兼春水

腸斷東風日易斜

寄顧文昭

最愛顧家池水湄千株苔石坐題詩如今又是三年別

白髮蕭蕭只怕垂

題潯陽

袁海叟詩集卷四

七

觀自得齋
徐氏校刊

夜泊潯陽江上槎扁舟何處載琵琶西風不管水流去

依舊滿汀開荻花

諸公攜酒蘇臺餞別醉歸海上作此奉謝

吳王洲上百花開花下人人勸酒杯醉臥春江三百里

不知月過海門來

聞山東消息三首

王事私恩不共天益都城下枕戈眠鯨鯢戮盡為京觀

孝子忠臣億萬年

縱道山東柱石傾華夷黎庶不須驚張皇國勢如平日

詹事新來總父兵

從今父老不須悲詹事英明四海知漢室中興吳楚破

條侯元是絳侯兒

江上逢鄭老

鄭老形容今已衰江頭相見涕漣漣自說琴書零落盡

獨餘吹笛似桓伊

登閣追憶北山張道士

閒登高閣看春雨忽憶空山聽暮鐘道士已隨黃鶴

北山依舊白雲封

袁海叟詩集卷四

六

觀自得齋
徐氏校刊

光緒十有九季歲在癸巳孟夏之月石埭徐士愷校刊
袁海叟詩集卷之四終

海叟詩補

三月四日宿華亭俞嘉言山月軒軒在鳳凰山

偶踏春光去來登高士臺好山依榻住新月度溪來清
共梅花夢香分柏葉疊披襟論千古奇爾濟川才

和夏原吉超果寺一覽樓

湖上雲帆泖上山無邊風景屬憑闌波涵秋影鶴灘遠
天接瑞光鰻井寒花雨滿臺飛白晝石梁當寺障清瀾
老僧留我登臨久不覺楓林日又殘

送敬公

公松江七寶寺僧稱敬講主平日誦經坐禪皆穿能詩有青松集洪武中訪天下十

袁海叟詩集補

觀自得齋徐氏校刊

兩歇郵亭暑氣微溪頭四牡正駢駢雲遮幢蓋應爭羨
日映袈裟倍有輝護法試從金刹講晴空擬見寶花飛
遙知十院多清暇隨處行吟到夕暉

畫虎高皇帝命題

畫得花斑斑只是難相聚惟有父子情相親復相顧

戲題

俞俊嘉興人占籍上海賂於偽守署華亭尹酷刑腹剝人怨之故公戲為此詩未句自注云昔有不軌伏誅暴戾於竿王婆買醋經其下適索朽屎墮破其醋鉢婆謂亦者為之願而諄日汝只是未曾喫惡官司來聞者絕倒

四海清甯未有期諸公衮衮正當時忽然一日天兵至
打破王婆醋鉢兒

贈竹庭長者華亭沈德輝為二沈學士之祖嘗為上海掌籍吏遂刑名多平反至正間

詔免水濱長蕩租額鄰縣抑者輝申之行省日恩在昔沾人以是多之竹庭其別墅也

沈公為吏無私田往往能反有冤獄歸來囊底無一錢
種得庭中數竿竹竹林陰陰多子孫誦詩讀書連朝昏

短墻破壁蒼蘚合人言可比于公門于公種德不種惡

沈公行厚心不薄我歌此詩有深意告爾後來司犴吏

雷震田父耕牛謠

既放歸田里遣使潛察之公益狂放以糴和熟米內為犬豕糞狀夜密棄之艸際晝取為倉使見之以聞得免禍

雷哥哥近前來我和你說箇緣由田父耕牛與你有甚

袁海叟詩集補

觀自得齋徐氏校刊

冤仇怎麼不將一箇大得人憎的與他一箇辣手

理髮時太祖崩始歸理髮

從此一梳梳得去

詠蚊

楊廉夫選大雅集獨取公末句蓋言元政酷虐王室如燬而小人貪殘如蚊蚋蝕人脂血至革命可以少安矣然明而未融蚊蚋尚未盡去故閉門而不敢行似有譏切聖祖之意故集

羣蛇戢戢方鬪爭蝦蟆蟪蛄相和鳴百足之蟲行無聲

毒氣著人昏不醒蚊蚋雖微亦縱橫隱然如雷吁可驚

東方日色苦未明一作東方日出未明老夫閉門不敢行

題張子正桃花春鳥圖

以下五首萃祥據松風餘韻補

不見張公子於今又幾年春花與春鳥相對其淒然

題陳長師壁

蓮幕歸來興更饒一聲孤鶴起松濤呼童滅卻燈前燭
坐待簷牙月影高

題倪元鎮畫和郭明德韻

土苔凝綠上松根前輩空留翰墨存寂寞雲林堂下路
一峯殘雨映孤村

二月一日出門遣興

晝長危坐獨無聊聞說春光到柳條乘興出門行數里
杏花殘雪未全消

袁海叟詩集

補

三

觀自得齋
徐氏校刊

題瓶梅

孤山堂下玉層層幾度尋君策瘦藤折得一枝香滿榻
半窗斜日帶殘冰

海叟詩補

終

附錄

陸儼山金臺紀聞袁凱字景文別號海叟有海叟集行於世國初詩人之冠冕吾鄉人仕為御史太祖高皇帝嘗欲戮一人皇太子懇釋之召凱問曰朕欲刑之而東宮欲釋之孰是凱對曰陛下刑之者法之正東宮釋之者心之慈太祖怒以為持兩端下之獄凱下獄三日不食太祖遣人勸之食已而有之每臨朝見凱嘗曰是持兩端者凱一日趨朝過金水橋詭得風疾仆不起太祖曰風疾當不仁命以木鑽鑽之凱忍死不為動以為蹠茸不才放歸田里凱歸以鐵索繫項自毀形骸太祖每

袁海叟詩集

附錄

一

觀自得齋

徐氏校刊

念之曰東海走卻大鰻鱧何處尋得遣使即其家起為本郡儒學教授鄉飲為大賓凱瞠目熟視使者唱月兒高一曲使者復命以為凱誠風矣遂置之聞之都主事元敬穆余少聞故老談景文既以疾歸使家人以炒麪攪沙糖從竹筒出之狀類豬犬下潛布於籬根水涯景文匍匐往取食之太祖使人覘知以為食不潔矣豈所謂自免於禍者邪又曰元敬嘗道高季迪有贈景文詩曰清新還似我雄健不如他今集中不載海叟墓在松郡東門外賢游涇萬麻癸卯郡侯許維新立碣題曰明侍御海叟袁公墓從諸生薛正平之請墓

秀有數椽為白燕庵董文敏其昌題以公有白燕詩也叟古詩學選七律與絕句宗杜格調最正或以高太史為過之高比袁稍闊大然不脫元人習氣若論體裁終是袁勝白燕詩為世傳誦而空同以為此詩最下最傳以其詠物太工乏興象耳

朱鳳山選公詩為在野集如白燕起句改作老去悲來不自知聞笛詩雨聲終日過閒門改作雨聲隨處有閒門殊失作者之志正蘇長公所謂為庸俗人所亂者耶鳳山名岐鳳孝廉亦有詩名以上原錄張汝弼云景文渾厚含蓄遠逼盛唐

袁海叟詩集

附錄

二

觀自得齋

徐氏校刊

李賓之云凱詩專學杜

陸子淵云海叟詩國初未見其比

徐子元云景文師法少陵格調高雅奚止白燕

莫子良云景文志窮騷雅力挽積靡詩非少陵勿道是

乃得其髓不獨咀其華領其神不獨標其格讀在野集

寥寥數簡令人有一唱三歎之思焉

王元美云袁景文如師手鳴琴流麗有情高山尚遠

胡元瑞云仲默於國初詩特推海叟其詩氣骨出高楊

上才情勿如也

何元朗云袁景文古詩學選近體宗杜格調最正

顧元言云景文才情迥拔往往有奇語

俞汝成云誦海叟詩知為恬澹先幾之士

蔣仲舒云景文如兒鷹試風雖未長成已自縱快又云

雖未登大雅之堂實已超宋人之乘

程孟陽云海叟詩氣骨高妙絕去雕飾天然道貌即之

冷然自宋元來學杜未有如叟之自然者

陳臥子云海叟亦能作俊語

李舒章云海叟如三吳解事子弟頗有游涉未登堂奧

宋轅文云景文秀不及季迪健不及伯温而體格莊雅

時見逸思故獨為仲默所推許

袁海叟詩集

附錄

三

觀自得齋 徐氏校刊

靜志居詩話媿雌子斥楊鐵崖為文妖惟詩亦然雖才

情橫逸而習氣太淡沿其派者高則温岐李賀下或雜

以宋詞元曲孟載子高皆所不免獨海叟純以清空之

調行之洵不易得然合諸體觀之則不及季迪伯温尚

遠何仲默推為國初之冠似非篤論也世傳海叟賦楊

白花有讒之者曰欲種楊樹於淡宮將蒔花萼於何地

海叟聞之遂伴狂騎身隄杖木笛行九峯三泖閒徵典

郡校不起對使者歌月兒高一曲是又河西備補鍋匠

之亞矣海叟居松江府治東門外崇禎末單麻城恂即

其址構白燕庵李舍人待問書聯於柱云春風燕子依

然入大海鰻魚不可尋相傳孝陵有言東海走卻大鰻

魚何處尋得為海叟而發也恂字狷庵庚辰進士以詩

文名待問字存我癸未進士精書法歿於難明詩綜

上洋城書屋曹氏重訂叟集而刻之凡紀叟之事評叟

之詩者具載附錄中而事之可疑者如叟由鄉舉授御

史而王叔明題秋山讀書圖云以布衣拜官其可疑一

也按府志洪武三年庚戌始行鄉試應天中式者七十

二人未及會試悉授以官華亭袁凱以府學中式即

授監察御史故吾郡辛亥無甲橋也查辛亥殿試題名

錄應天所屬成進士者止毫州一人他府無有則未會

試悉授官之說不誣但松郡同舉者六人不皆顯職而

凱獨為御史意授官時適有薦者所以明史彙等書皆

以為薦授御史也諸說中當以在野集序為是又凱辭

御史歸賢涇別業詩有謬當南宮薦之句考之實錄凱

復云然按楊鐵崖改過齋記稱叟自言偏質剛愎不能

齷齪與閭里浮沈又豈有低眉俛首事上官而伍胥吏

乎其可疑二也讞獄奏對一事言人人殊或云上大喜

或云上不懌至謂其持兩端然皆言太祖欲刑之而東

宮欲宥之者也若明良記所載則反是其可疑三也記

高皇帝欲誅文太子練習國事每有大獄輒付論之一

日有父訟太子者帝已察其非罪命付太子論太子得

或帝論太子誤決獄太子言子致父訟雖冤亦無赦帝

問廷臣莫有答者忽班中一人對曰陛下所論乃申天

下之仁太子所斷乃廣天下之孝皆是也帝問對者為

誰曰監察御史袁凱遂命錄其名眾危之因伴狂得免

袁海叟詩集

附錄

四

觀自得齋 徐氏校刊

禍

其罷官也皆云託瘋疾告歸明良記則曰杖而為民

其可疑四也記曰袁凱佯狂避世太祖命題畫虎詩曰

親復相顧太祖雖知其意在諷刺然其才不與加罪

後因雷震田父題於長安門曰雷哥近前來我與你

說個緣由耕牛田父與你有甚冤仇怎麼不揀一個大

得人憎的與他一個辣手太祖見之批其後曰袁凱這

厥放縱不才打他四十為民當差放歸田里遣使潛察

之凱益為狂廢以糖和熟米搗為犬豕糞狀夜密棄牆

根草際畫取為食使者見之以為食穢物也歸陳狀得

免禍後聞太祖崩始歸理髮有從此一梳梳得去之句

其歸田也皆云佯狂避禍乃考其集中年月不廢酣歌

且有田園場圃之樂或稱其讀書松水之陽九峯山中

儻然有出世之志或稱其背戴方巾倒騎烏犍手持木

笛行游九峯三泖閒好事者至形諸圖畫銷聲匿跡者

果如是乎其可疑五也既稱以持兩端見惡於太祖復

謂以賦楊白花被譖於長陵其可疑六也即徵典郡校

一事或云在太祖時或云在成祖時華亭縣志洪武二

修大成殿時訓導袁凱攝學事為文記之則凱曾為校

官矣似與對使者類然雖不拜命謝恩唱月兒高一

曲之說不符豈從御史罷歸太祖復用為其可疑七也

楊鐵崖作改過齋記是為至正之九年歲在己丑叟自

云年已強矣夫四十之為強越二十一年庚戌而舉於

鄉又越十五年乙丑而有元夕觀燈之會叟年不幾踰

古稀乎故詩有七人四百九十歲之句也至和夏忠靖

一覽樓詩乃永樂之甲申歲相去又一十九年此時叟

袁海叟詩集 附錄

五

觀自得齋 徐氏校刊

即尚存必無能復事文皇之理又焉有議事不合賦詩

被讒佯狂放歸徵典郡校之事其可疑八也總之以上

諸說傳聞異詞世久年湮無從核實存疑案可耳曝書

亭集所載叟傳亦祇敘述舊聞別無考證故亦不錄海

叟集四卷叟所自定祥澤張氏刻之後何元之以活字

板印行百本而張方伯叔翹所重刊者是也朱鳳山張

友山所選在野集後雖有補刊已多改削即陸文裕公

為庶常時於京師所得刻本雖係祥澤張氏所刻而蠹

爛大半已非全帙復加刪定仍以舊名用著叟志崆峒

之序可證何林太守仁甫重刻之而序中有瓦缶之稱

也李序又有云叟名行既晦集亦罕存後人句讀之誤

遂謂叟有既晦集為文裕公購其遺闕而刻之者宜其

無傳於後矣叟集外詩上洋曹氏已刻若干首於集中

余復得五首附於前人論定諸詩之後以存叟詩什百

之一非敢妄有採擇致貽蠹測之譏也姚宏緒松

風餘韻

袁海叟詩集 附錄

六

觀自得齋 徐氏校刊

題海叟集後

海叟集舊有刻又別有選行在野集者暇日因與李獻吉員外共讀之又刪次為今集云先生多權奇有才辨雅善談諠卒亦以此自免於難顧其詩乃雅重悲壯渾雄沈鬱殊不類豈先生別出其餘以應世而中之所有固自不可測耶淡先生鄉人也恨相去遠無從考論姑誦其詩以附孟氏私淑之義云陸淡

是編為海叟手定全集國初刻於張氏者久燬陸公儼山因編次為別本蓋急於流布也世所傳在野集者中多朱張二公以已意更竄如煙樹微茫獨倚闌改為煙

袁海叟詩集 題後

觀自得齋 徐氏校刊

樹微茫夢裏山故國飄零事已非改為老去悲秋不自知蓋淺於知叟者矣然郡中作者代起而鮮知叟何耶其富有力量又多纖音無暇為前輩表章風雅每與西谷張君論及淡有感焉因出此編漫識其實如此嘉靖甲子春郡人董宜陽書

袁海叟詩集四卷乃叟手自編定者也叟生於勝國避亂家居洪武初辟為御史尋謝病免歸其履歷之詳載在郡志可考而知也余嘗訪其子孫則湮沒無聞焉故邇來吾松藝苑之士鮮有知叟者可慨也其集舊刻於祥澤張氏歲久不傳弘治中陸儼山先生於京師購得

寫本已多朽爛復加詮次乞序於李何二公僅十之六七耳二公驚歎以叟為國初詩人之冠夫李何當代名家高視海內今其言若此則吳中四傑當出其下矣及

讀其集樂府古詩直窺漢魏近體歌行專主於杜而出入盛唐諸家其辭多悲歌慷慨者實本於憂亂憫世之情亦其時之所遭也李何之言不虛哉今春暇日與紫岡董君論及叟詩董君出余師西谷張公家藏祥澤舊刻即叟所自編者喜出意外因取活字板校印百部傳之同好數十年後倘此本有存則叟之名因以不墜而吾松文獻亦庶幾有徵哉隆慶庚午五月望後學何元之書

袁海叟詩集 題後

觀自得齋 徐氏校刊

吾郡袁景文先生以詩鳴國初所著有海叟集因白燕詩膾炙人口人人稱袁白燕然未有當代名德為之表揚其詩者蓋百餘年而吾邑陸文裕公為吉士時攜示李何兩先生兩先生各為叙論頗極推許而叟之詩始重又五十餘年而郡人何又元以活字板印之而叟之詩始行又五十餘年而吾弟叔翹氏以刑部大夫出守三衢化洽民孚凝香多暇乃手訂叟集授之梓人而叟之詩始日星於區寓吾是以知詩文之傳世顯晦有時而吾弟表章先哲之致可尚也抑余讀何元朗四友齋

叢說得袁潛翁事焉潛翁名介字可潛海叟父也元末
嘗爲郡史其詩有檢田吏一篇元朗謂其質直似木蘭
詞有關時事似少陵石壕香山諷諭由今讀之誠傑然
有古作者風而郡志不載其人檢田一篇之外亦絕無
著述可見是不可以無傳也余因閱叟集而備錄之令
毋泯泯且以見叟之詩學淵源有所自云其詞曰有一
老翁初病起破衲襤褸瘦如鬼曉來扶向官道旁哀告
行人乞錢米時余捧檄離江城邂逅一見憐其貧倒囊
贈與五升米試問何故爲貧民老翁荅言聽我語我是
東鄉李千五家貧無本爲經商只種官田三十畝延祐

袁海叟詩集

題後

三

觀自得齋
徐氏校刊

七年三月初賣衣買得犁與鋤朝耕暮耘受辛苦要還
私債與官租誰知六月與七月雨既絕無潮又竭欲求
一點半點雨不啻農夫眼中血滔滔黃浦如溝渠田家
爭水如爭珠數車相接接不到稻田一旦成沙塗官司
八月受災狀我恐徵糧吃官棒相隨鄰里去告災十石
秋糧望全放當年隔岸分吉凶高田盡荒低田豐縣官
不見高田旱將謂亦與低田同文字下鄉如火速勒我
將田都首伏只因噴我不肯首盡把我田批作熟太平
九月早開倉主首貧乏無可償男名阿孫女阿惜逼我
嫁賣監官糧阿孫賣與運糧戶即日不知在何處可憐

阿惜猶未笄嫁向湖州山裏去我今年紀七十奇飢無
口食寒無衣東求西乞度殘喘無由早向黃泉歸旋言
旋拭顯邊淚予亦羞慙汗沾背老翁老翁勿復言我是
今年檢田吏元朗名良俊官翰林院孔目著有何翰林
集何氏語林及叢說等書又元名元之元朗子也併附
著之萬厯庚戌春三月張所敬長輿書於潛玉齋

袁海叟詩集

題後

四

觀自得齋
徐氏校刊

後跋

癸巳季秋余佐徐觀察于靜校刻袁海容集既竣寶山
陳同叔先生以康熙間上洋曹巢南炳曾城書室刻本
殘秩見詒祇兩卷目次前後微異蓋爲寫刻時所亂首
有改玉壺所寫像姚聽巖先生爲序後增明萬厯己酉
漳南鄭懷魁序及萬厯己丑王俞跋皆張方伯所望刻
本所有也惜殘闕不能錄今錄姚序於後俾海容集傳
刻之淵源有稽考焉閔萃祥再識於上槎浦寓廬

袁海容詩集跋

一

觀自得齋
徐氏校刊

虞山人詩

附補遺

東方學會印



吳中虞先生名堪字勝伯其先蜀郡人宋丞相雍國忠肅公之
 七世孫文獻故家也從叔祖侍講文靖公元至治天歷間職居
 館閣其爲文也圭齋歐陽公實稱其粹然自成一家左右逢源
 各識其職有道園學古錄類稿行於世先生以叔祖之文散逸
 者多乃復博訪遺稿凡二十卷名曰道園學古錄類稿遺編嘗
 請吾鄉先生黃文獻公晉卿及臨川危公大樸爲之序今已錄
 梓大傳先生好學於先世遺文莫不習熟成誦考其家學蓋有
 素矣誠偉人也經罹唐過余示余所著希澹園舊稿希澹用邵
 子語名讀書所也屬余序余惟詩之道有三一曰性情二曰裁
 度三曰音節夫存乎心者本其中發於言者得其和篇章句法
 適其長短大小之制聲韻語叶鏘鏘然琅琅然如金石之鳴
 則爲詩文之善鳴者也余舊讀文靖公之文法度整肅每不能
 釋手恨不生同公時而親炙之今而幸見公之從孫能無景慕
 而愛敬之乎其詩數百篇出語皆中節動有三尺淡若玄酒音
 節希古感慨懷思順天樂性寓意深遠而未嘗肯諂陳迹蓋由
 其所存者大也嗟乎是詩文克傳其家而善鳴者歟余也魯鈍

金華之晚生也竊慕東萊勉齋之學而私淑柳黃諸先生年開
 四秩不得其緒詞陋意淺何足以序爲雖然得附雲立名施於
 後世則所願也於是乎序金華桑以時書

虞山人詩目錄

卷一

古體雜言

- 滄浪操 釣魚操
- 瞻雲操 老子騎青牛像
- 觀山 題栢子庭石菖蒲
- 自畫萬壑松風圖歌 自畫山居圖歌
- 畫山 桃花畫眉山
- 巖居高士圖歌 龍眠居士畫馬歌
- 張商畫竹歌 朱澤民山水歌
- 朱叔仲山水歌 古意
- 鶴羣 紅梅引
- 題王叔明松亭雅集圖 題衛明鉉呢錢出井圖
- 鑑湖春曉 題黃子久關山疊嶂圖
- 題顧定之竹 題錢舜舉畫蠶桑圖
- 山居圖 愛日堂
- 贈筆生施廷用 王季野席上次韻
- 贈星史汪清溪 畫鶴篇
- 賦任公釣臺送王允剛 海上丹房聯句
- 五言 卷二
- 鼓棹 夜坐
- 送陶元庸 送馮令
- 送趙生航海 李檢校使吳
- 送相德謙之越 寄魏秉中表兄
- 重寄魏秉中 寄潘隱君
- 束倪季敏 寄鄧高士
- 寄徐生兼柬廉上人 贈周可久
- 贈湖天鏡講師 次韻石林上人
- 贈閑白雲上人 飛雲樓讌集

趙生席上

聽彈箏

與陸季弘對榻

讀陳天倪處士傳

中秋湖上看月

九日東樓次韻

十日對菊

十月十七夜舟中作

湖村夜泊

溇南書事

季丙卿留飲

漫興

江村漁隱

次韻洞庭秋晚

題朱叔仲山水卷

題陳松巢畫

登鑑湖樓

題文殊院壁

遷上人房次韻

題可賦軒

橫山福壽閣若次韻

題橫塘般若寺

聽雨樓賦

祚真精舍寓宿

詠高麗石琉璃

白雲爲閑上人賦

對雪

山居次韻

送周伯昂

春夜會飲聯句

真目

滄波

舊箏

詠異石

寓目

海岸圖

題醉李太白圖

題列子乘風便面

題青山白雲

題柯參書竹

題倪元鎮畫竹樹

題顧定之出牆竹

題朱叔仲青山白雲

題陸季弘碧桃花

題章橫塘落花

題舍弟畫竹

爲日本僧題梅花

題雲山欲雨卷

題陳慎獨畫

美人撲蝶圖

六言

吳江

靈巖寺

姑胥山

橫塘

盤門

石湖舊苑

題畫小景

題巖壑孤舟圖

題朱澤民書釣圖

題顧定之二條

卷三

七言

汗漫遊

吳伯常家看桃花

山家看花

震澤

拜郊臺

望湖亭

闔廬浦

陳湖

嘉興水西寺

山家書壁

遺老農

登穹窿山訪道士

書陶孝子傳後

旅懷

春興

漫興

聽朱秉中鼓琴

八月十五夜對月

與堅上人看月

江渚移居王純

山中獨夜

漁舟早起

雨中訪王性中

午日訪沈元圭

宿黎里普濟院書壁

重宿瞻雲軒

施宜之守先塋

送馬民立之杭州

真目

送張士阜歸關中

送張伯奇

送朱秉中之杭州

送馬民立省親

送潘公穎還越上

重贈

送魚臺賈景莊

送顧仲贊四明歸觀

送瀚北海上人

送相德謙之台州

送楊方外法師

贈黃山人

書贈錢公權

贈日本僧立恆中

旅贈王宗善

蔡霞外尊師見過

贈單子貞游雲洞

贈湖州二沈筆生

第經歷過野

訪潘公穎南溇隱居

寄黃高士鶴巢

寄馬民立在越上

寄徐生

寄澱湖鄧高士

寄王明仲

題王生畫春山圖

爲周伯昂題春山圖

題王叔明畫羅漢

月夜泛湖

題沈自成水竹居

書耕隱卷後

野人家

看帆

心遠樓

如舟亭

新歲

次韻蒼方彥脩

次韻蒼阮維則

錢公權席上次韻

次韻海上還

次韻秋懷

蒼陳孟章省元

讀饒介之遺徐尤中書

絕句

西蜀

三峽詞

宮詞

謾興

題孫氏小隱湖樓

雪齋軒

安素處士隱隱

次韻朱北窓阻雨

次韻陸高士見寄

次韻蒼王性中

次韻蒼公權見貽

呂彥貞見寄次韻

壽薛鶴齋真人

悼堅上人

池上夜飲聯句

玉墨詞

錦官

有所思

為弘侍者畫萱草

為規侍者畫天台圖

題陶靖節賦詩像

題秋山樓觀圖

題宋端孝公主便面

題趙松雪畫

題陳慎獨竹樹圖

題衛明鉉林居圖

題吳江送別圖

題竹樹圖

題趙魏公楷燈馬

題黃道人畫

題蘇小小真

題夾竹桃花畫眉

題江阜會飲圖

題陳慎獨寒林竹樹

題陸季弘碧桃花

題十六應真圖

題諸葛武侯草廬像

題宣和馬圖

題趙松雪出浴馬圖

題趙仲穆人馬圖

題倪雲林竹樹圖

題徐士元釣隱圖

題吳江春曉圖

題王思齋雪溪卷

題柯博士竹

為李可道題樓臺圖

題木筆仕女

題李安忠猿鵲圖

為王允同題荆溪圖

題盧益脩水仙

題季弘畫竹

題堅石林上人松下相

題石林圖

題盛子昭會琴圖

題張道士畫幀

題張花圖

題王生畫幀

題倪雲林畫

題衛明鉉吹笙圖

題佛圖澄故實卷

次韻分菊

倚樓次韻

賦紅白梅

題日本僧畫

題水月齋梅影圖

題對商觀奕圖

題石壁高僧圖

題夏山圖

題孟仲良雪中才子

題倪雲林畫竹

題倪雲林畫

題盛子昭釣船圖

題江山臺觀圖

題張叔厚吹簫圖

賦錦帶花絕句

蒼韓景中見寄

戲蒼堅公賦木犀

題普大雲梅花水仙

題忻悅道雲山圖

牧心齋題壁

題和靜處士觀梅圖

目錄

真目

五

虞山人詩

卷之一

古體雜言

滄浪操

汎滄浪猗母泊我舟通汗漫猗母過我游彼滄浪猗既立以
勤物擾擾猗其蓋以脩夫滔滔猗吾寧與休孰知我猗不我爲
儔歎自取猗從者惟由

釣魚操

瞰滄江而盤礴閱浮雲之卷舒物悠悠其永繫逝吾何心而釣
魚

瞻雲操

維蒸之麓兮蔚乎蒼蒼英雲下被兮吾親永歲雨露霑兮焉
蒿悽愴嗟親之遊兮其何以往瞻雲之興兮汎乎喬林慨思吾
親兮憂集於心烏翩翩兮且止猿啾啾兮夜吟漣鬱椒兮徹泉
之下泣松楸兮零于宿莽憾吾生兮茹茲茶苦抱終天兮終古
老子騎青牛像

觀山

孰知而傳象帝之先始生八十終言五千度關青牛西邁不還
若有見者乃猶龍然

觀山

山無垢色雲無住心達人觀之其高且深

題柏子庭畫石菖蒲

躡此於菟直持爾鬚大嘯一聲風清月孤

白畫萬壑松風圖歌贈天台朱秉中梅花集

天台萬八千丈山桃花久不流人間上當牛斗開天關仙人幾
度招我窮幽攀瓊臺玉闕迥寂寞石橋且滑空潺湲曾識高人
姓朱者讀書縛屋蓮峰下一從畫得龍馬神龜文走獻天子登
天閣天子莫可官歸來老田野最喜兩兒郎綠髮更瀟灑大者
賦遠遊不肯卑微休休也誰與憐愛我畫滄洲聊將水墨趣寫
此空巖秋鴈蕩雲連赤城暮瀟湘雨裏蒼梧愁我愛仲也琴傾
耳大賞音南風散五絃爲我開煩襟棲鳥夜啼秋月墮黃鸝曉
轉春花深君不見畫中絕是琴中趣萬壑秋風滿松樹應有梅
花可結巢隨意青山看雲去

自畫山居圖歌贈宜春朱隱君

朱侯有隱居適在宜春間東遊久未已浩蕩忘其還山川神氣
俱躍在眼窮幽蹟隱知何限黃河之源出崑崙千里萬里盤旋
屈折支天根自從開闢分九州大噫噓喻生氣浮綿延巨壑接
無盡頭奔泄不息入海流海門限水迴蛟蜃碣石排風駐馬牛
從此山川極輒粵秦王之石禹王穴朱侯朝覽赤城霞暮看山
陰雪山陰溪中釣魚者舊廬亦在青城下胸中巨壑渾天成手
把風雲自揮灑窗窺外鴻濛前來龍起伏頃刻真宛然長松古
檜亦偃蹇不似草草生風烟朱侯長相見談笑共刮目脫履白
石上滄浪歌濯足愛山之癖奈侯酷聊以尋幽畫茅屋青山隔
溪轉白雲就簷宿不短挂猿藤頗長棲鳳竹畫成送侯當早歸
越來溪傍花正飛春山厥長齊菜肥何待滿樹風雨釣朝啼朱
侯朱侯此別勿歎惜一飯勸君當努力但將雞犬深入雲莫管
桃花盡狼藉此畫掛向黉草堂壁讀書萬卷守勿失從教門前
泥濘三尺深深掩柴門莫輕出

自畫關山旅行圖因製畫山曲

三年不作畫一畫旅愁生萬山萬里隔蜀道正難行蜀山高且
遠艱唐水復險別來記得春水深此日欲去風塵滿風塵滿將
誰如何成成都西南愁翠蛾眉愁損人未歸杜鵑啼血朝朝飛
杜鵑飛向何處江南三月春十日九風雨每懷謝眺看青山
安得草堂留杜甫君不見杜甫悲歌一世豪南奔北走何其勞
南奔北走可其勞許身稷契愚且高

桃花畫眉曲

春禽踏南枝新柳拂蛾眉東風一何淺花間聲宛轉君不見
秋鳥一夜啼金井裁衣寄遠剪刀冷便是盧家窈窕娘愁對
離鸞亦斷腸

巖居高士圖歌次韻

山高性所樂好山何處無平生樂山夜入夢神遊歷歷皆方壺
浮雲滿空任紆卷把筆題詩傲軒冕長松如龍鱗滿身風雨年
年長蒼蒼結巢極愛當巖阿平地白雲如湧波落葉蕭蕭作飛
兩自看山中秋色多日夕樵歌響幽谷啼鳥關關亂林木幾年
種木茅公山更弄漁舟武夷山中過慣真脫塵但看日月不

記春巖居高士莫笑我亦本是青城人自愧長年不歸去
尋逢堯竟忘虛一船烟雨在江南畫裏看山得真趣桃花水生
春向寒西來雪嶺雪不乾出門千里更萬里無緣縮地何其難

龍眠居士畫馬歌

龍眠居士畫六馬神妙不在曹韓下始信天閑有六龍毛骨
權奇汗流精風頭顛脚獅子花雄俊豈待奚奴誇騰霜叱撥好
頭赤馭氣競欲追風沙超驥一箇玉蝴蝶蹄如踏鐵眼燈燈真
恐翩翩便飛去一點春風正揚鬣君不見寧王畫馬花夢樓四
海八荒無事秋玉面之馳忽變化開元天子愛之亦莫留迺知
龍媒矯矯不世出自是龍池飛龍歷漢家封疆既混一天馬西
來勞貢錫海宇清平忘戰敵嗚呼海宇清平忘戰敵

飄隱畫歌

溪山昨日風雨來溪上船子衝潮回白鷗微茫渡島嶼綠樹恍
惚迷塵埃烟昏氣黑夜滂渤石梁茅屋多傾頽壺公畫裏何悠
哉寫此世外之蓬萊弱水不渡良可哀

朱澤民山水歌

江山青青江水綠市上何人吹紫竹避暑宮前不見春落花滿
地遊糜鹿千古江山列畫圖朱侯解寫咫尺烟模糊扁舟依然
在洲渚應可自此歸五湖昔人去者今有無昔人去者今有無

張商畫竹歌

洞庭張商愛脩竹放筆從衡寫千幅世上今無玉局翁胸中自
有篋管谷黃金易成金錯刀石室灑灑生秋毫鳳皇飛去空寥
寥張商落墨何其高

古意

乘燭夜何長芳筵惜春暖鶯花已驚曙東風雜絃管還念戰場
人冰花鐵火滿

朱叔仲山水引爲鄒生作

看山朝不飯畫山夜不眠西蜀書生有此過傳癖呼銜索酒忘
青年東吳朱家叔仲子愛畫更覺入骨髓清晨起來頭不梳快
展溪藤潑秋水長年買船上會稽那溪雲門隨所之越人煮海
鏡取富執肯相逐探幽奇歸來自喜胸腹飽磊砢嶮嶮揮不了

東家似子高丈尋落筆唯噴烟嶼小鄒生拜掛長衣掘得畫一
紙七尺餘就中貌得戴安道一丘一壑松兩株前年我亦畫匡
廬還有松巢安讀書昔年李太白最愛雲端漢焦桐不著童子
抱先生自是乘籃輿仙人自在第九疊牧豎樵夫皆可居朱叔
子鄒陽生世俗那辨關與荆齊君不好瑟王子自吹笙何當與
子坐待海晏風塵清更作崑崙頂上行

紅梅引次韻用發中老人一笑

羅浮山下春風來嫣然一笑梅花開東君底是愛顏色玉容
重著胭脂堆要今姑射朝天闕丹砂炯映肌膚潔天人自是質
失驚空谷何年見清絕又如十二飛瓊春酒醒絳紗籠玉九分
明天桃繁杏便飽俗紛紛飽治徒相爭暗香不斷流丹髓三咽
令人銷鄙但莫言春半不耐寒飽泡冰霜不知幾吾生痛飲自
得師對花爛醉高陽池朱顏願我每如此壺公壺公如何鬢成
絲頭倒笑我爲花楊酒厄

鶴歌

青城黃仙師四海通行脚東觀滄溟萬里餘到時兩鬢秋蕭索

手中常持一鶴歌言是太古開花夢偃蹇無斧鑿痕分明洞
有烟霞煉青田一種至今無溟渤崑崙任抄掠一從箕泉遺棄
置便向華表爲棲托自入行囊不記春長懸日月同飄泊彈絲
或奏太古調只與此鶴相對酌醉將北斗挽天潢肯把此瓢分
兩勺君不見伯牙絕絃無知音下和獻璞遺殘虐世間俗子眼
眈眈有耳徒能聽管籥安知老大葫蘆生小摘乾坤自成隸林
屋洞口種橘李山人平生讀書得真樂自是西周老聃姓抱一
冲虛豈樂離琢仙翁亦是非水無懷民大道迥出羲皇若禹穴
南來一避返握手談笑如識昨許以此瓢今可遺臨別要即重
然諾謝之拂袖去意若金落魄山人得之不敢卻左懸右佩貯
靈藥有時掛向青峯間脫屣攤羅坐盤礴月明遼海夜生寒夢
繞秋空雙足躩邇來作者歌鶴鶴說山人惡不惡長歌短句
我亦有兩露雲烟詎穿整我歌不整羸愈奇山人之名愈充擴
李山人莫驚愕我亦青城丈人客昔年西來覽丘壑幾迴嘶髮
太霞顛至今尚負山中約飄乎飄乎爾知否一夕風高起朔漠
瀟湘洞庭木葉落爾今不憂縱爲羸徒向人間受纏縛何當從

今只化鶴何處為我憂然飛鳴一萬里長風浩浩翔寥廓

為季丙卿題衛明鈺所畫呪錢出井圖

神仙好幻術驚世更駭俗笑移天地入壺中大塊輪囷等珠粟
葛仙鍊丹世所傳呪錢出井飛上天長生久視亦已矣此事一
說經千年衛君亦是丹丘子與我論交脫生死昔年學仙差可
耳雅好樓臺今畫史孤雲處士騎鯨去文皇欲官輒不住霧帶
雲裾盡屬君草草落筆成天趣季卿何由得此圖卻寫仙翁何處
煉丹處井氣空明泄海寒丹光錯落關天曙蝦蟆秋飛老桂輪
子規夜叫長松樹季卿父烈丈夫年過五十山澤履手援神農
之百草口誦軒轅之古書回生起死奪造化陰德適種為苗畚
膏盲二豎為哭泣何物五鬼能撼厥一道澄江自西下十年賣
藥留東吳花飛苑樹秋霜薄葉落江楓夜雨疎每尋翁生說烹
煉更得果老稱名譽只今又聞東海上咫尺蓬萊隔烟浪便持
此畫問安期舉手人問謝塵埃

題王叔明為瑛上人所畫松亭雅集

仙人王子喬吹笙度人世天目山前騎鶴來五彩虛空畫無際

題王叔明為瑛上人所畫松亭雅集

祖疎岡頭十八公恰在己公茅屋東要予賦詩請莫笑石上精
魂今古同

題大凝道人黃子久畫關山疊嶂圖

老痴作痴便痴絕畫山畫樹畫若鐵想從憶昔少年遊飽在燕
山度霜雪重關復道壓層巒萬水千山咫尺看只今無復黃知
命脫去人間行路難

鑑湖春曉

越王城南看春曉湖上好山青未了誰採芙蓉落鏡中翠黛宛
凝如可掃賀公歸來酒滿船幽花網戶春娟娟手招南風鳴五
絃鸞沖鶴翥今千年

題錢舜舉畫桑園

桑中鳴禽巧如鳩吳娘養蠶夜不歇暖雨寒風惱殺人政是江
南三四月苜溪遺老白髮翁畫蠶畫葉思春風千金難買吳娘
笑故寫生枝椹子紅

題顧定之竹

錄事官常州政是太平日想得鳳皇枝欲揮彩筆直節應承

雨露恩五色之雲護子孫而今飛向嶺南去搖蕩春風化墨痕

題王元章梅

梅君畫梅若天造冰雪肝腸屢傾倒騎驢曾上燕南道罵人不
識梅花好囊空無錢遂歸早把酒對花心悵悵何處夜半歌呼
發酒狂縱說花王被花惱江南三月春風顛柳絮梨花不堪掃
雪蝶香枝梢頗綴繁那似山中惜懷抱憶君誓不委露草若
欲尋之長行潦聞道關門空讀書十年不見今應老羌笛吹時
不下來而今正合窮幽討君不聞咸平處士骨枯槁白鶴翩翩
度瑤島

山居圖

野人愛山披此圖夫容秀色如匡廬莫知昔人結巢處雲松千
尺今何如如蟻蟻瀑花落飛磴冷烟石髮生雲梳仙家別自有天
地迥見樓觀皆瓊瑤淋漓洞元氣濕柴木一脫秋風疎石田
得饒良可擊轉茅便約幽人居吾鄉青城千萬里山可樵而水
可漁別來不覺幾更改兩鳥巢樹還何處愁予祗今浪跡縱萍梗
仰觀頹視空搔起何當歸來老其下白日躬耕夜讀書

愛日堂為于和仲賦

于君之家臨具區躬耕把釣何勤劬爰作新堂奉親樂嬰啼拙
舞將曠娛知君綵衣常自著匪獨樂爾怡妻孥上堂朝夕具甘
旨列以羔豕兼尊醴稱觴願親百歲壽無由駐日忘朝哺長年
樹桑陰滿戶林中夜夜巢鷓鴣為服勞恐辱子事盡生祥下瑞天
理符君不見東家萬夏畜有餘生兒二十不讀書崇朝街裏調
鞍馬不肯堂中問起居又不見西家有子憤明珠十年辭家遠
遊去天下豪俠相奔趨白髮之親雙眼枯令名既失身受汗于
君子君非爾徒于君子君非爾徒

贈筆生施廷用

哲人藝者多藝筆馮陸當年稱第一馮陸之前尚有人柯山之
徐世無匹何處貞元朝士何處舊王孫憶昔被詔遊帝闈白
玉堂中留補袞馮也陸也此日其藝皆其拾玉堂仙去馮陸死
遂有時名落人耳後來溫生楊生皆擅場鄉里而今有孫子幾
家有藝如有田侯門曳裾筆滿船沈生兄弟懶歸去更有施生
爭後先施生施生良獨苦一棹江湖正風雨雪滿頭顛塵滿

過我烟江闊... 池掃硬黃雲... 張跳龍臥虎... 差可辟易數... 書寒筠簾竹... 中氣清肅作... 山爲君展破... 成都使君王... 素諸公

隱者分湖住... 每同杖履踏... 娟生翠巖織... 會飛觴列坐... 自謂謫仙侶... 隙不飲莫待... 已半空

贈星史汪清溪

李白有奇句... 處白鷗長與... 兩聲年年使... 二十八五緯... 復逢長庚遇... 桃源宵難覓... 傾洞海波不... 安欣榮固窮... 子鼓蘭柁聽... 畫鶴

伊誰畫此鶴... 若長鳴落岳... 翠真昔朝上... 筆來下上寥... 雲霞散華蓋... 一響聞干空... 人境皆非城... 郭在自

脫紅塵世網... 期翔翔栖真... 造化機關洞... 爲此鶴成愛... 箭一隻海塵... 雪登圖南不... 分題賦得任... 任公有釣臺... 閒於焉事幽... 亦好雲天日... 遠遊歸悽迷... 志莫易老

海上丹房聯句

予與東海生... 浦尋欲觀海... 吟咏要予二... 予鶴源蟬螟... 也非耶於是... 六十有四句... 字公權客生... 強圍協洽九... 秋臬候海月... 萬手杵火伏... 髓交媾龍虎... 胎忽騰嬰堪... 商彭乾坤大... 造化幾不息... 體詎割裂名... 鵬化欲飲蠅... 魯連亦逃名... 澗澗金波傾... 觸喧轟地靈...

予與東海生... 浦尋欲觀海... 吟咏要予二... 予鶴源蟬螟... 也非耶於是... 六十有四句... 字公權客生... 強圍協洽九... 秋臬候海月... 萬手杵火伏... 髓交媾龍虎... 胎忽騰嬰堪... 商彭乾坤大... 造化幾不息... 體詎割裂名... 鵬化欲飲蠅... 魯連亦逃名... 澗澗金波傾... 觸喧轟地靈...

沫鏃鏃鏃鏃呈綃錯落蚌獻珠珠燐晶晶一一蒼瑯立雙雙赤鯉綸
何物比目鯨沉爾了頭鯉鯉紫甲竟六縮蝦蛇難獨撐撐飄
飄駐羽節的蝶飛佩瑛瑛琴生躍鯉出王子跨鶴迎迎龍瑄碎
碣石螺航吸滄瀛瀛放此寬大量解以無何醒醒翻然悟忘返
歸歟咏遐征征既御鴻濛氣當作歎乃聲聲謫天本奇術縮地
若偶揮揮局脊頃步勢呼吸萬里程程坐我已几席笑子猶庭
閔閔歲蕤覆肺蓋踰躍鎗心兵兵齒鼓擊旬坎音鐘叩噌吰吰
婆娑鬢以髮傲兀瞪而瞭瞭微吟遊莊鎮獨繭縲縲錘錘
間金石霹靂亂璣理璣鐵畫逗遛壁牙籤響風柳柳驚蛇逐毛
穎飛虹捲陶泓泓萬卷在手破五車於腹盛盛鬼谷應著策羅
浮證基基枰枰果有奕局事豈無高世情情室劍商鑣繡囊琴劉
錦頰頰得趣始破絕有神終合并并蒸爐煖煖煖若釜釜嬰嬰
銀絲過行輪瑪瑙重出囊囊神棗異桃核仙芝類類真莖莖瓜
開犀落匏榴破珠傾樓樓紅擎爛于火青剖環若纓纓丹分
大橋殿對合抱樓樓魁杓落睽睽睽蒨蒨年發鉉鉉軒駒總辟易
猛省渾腥曉曉藥覓罷秋搗窠雞候晨鳴鳴霜結鴛頸瓦燈燈
雁足檠檠舞興悲悲起俠氣衝衝橫橫客豪思橫發童倦噴噴
廣廣冥搜入古差狂歌錯錯鏗鏗嗚嗚泣烟魅呱呱叫狻猊猊
直令東方白盡使鬼神驚驚

卷一

虞山人詩

卷之二

五言

鼓棹

蘭棹鼓清流獨悲江上秋屈生常憫歎漁父亦遲留斑竹涵清淚滄江沒白鷗釣竿斯可寓隨意泊吾舟

與呂志學夜坐

坐待西齋月論過上夜春亂離方促膝狹窄一作勢狹窄豈容身一劍風塵際十年江海濱黃金難鑄日白髮漫催人

送陶元庸歸吳觀母後復遊越依李開府

擾擾越城路搖搖吳水春自嗟淪落客又送遠遊人挾策長憂世謀生獨為親輸君談篋事更向鄴侯陳

送馮令之官烏程

好去烏程令閒關白髮新五紘應得趣一劍只全貧湖水家家綠桃花樹樹春幾番兵燹地天復惠凋民

送趙生航海之京

之子天邊去遠遊滄海中蓬萊十日到雲漢一棧通夜靜應瞻斗秋高定轉篷慎聞堯治語歸慰釣魚翁

李士賢檢校使吳

使者來吳日多君屬後車全家當國難孤直保民餘秉節心仍壯揚名信不虛懷忠獨憐孝珍重史官書

送相德謙之越

世路一何艱風塵戰血殷送君闔廬浦投客會稽山戀闕頭添白尋親淚復潛臺中論前績刀馬豈容閑

寄魏秉中表兄

海上魏公子風流憶漢貂別來良契潤時節竟蕭條歲暮滄江遠天寒白鶴遙艱難慎行處吾欲老漁樵

重寄

客厭吳江冷誰歌蜀道難風塵阻絕歸計且盤桓臘雪明殘夜梅花耐薄寒殷勤屬毛穎聊以報平安

寄南溟潘隱君草堂

湖頭隱居好竹樹日蕭森對酒花當面笑香鶴在陰青山應似

舊岐路只如今潘令思吾否高情足謾吟

東倪季敏南墅隱居

季也端修士高閒獨閉門桑麻深畫雨雞犬自朝噉設以南州榻陶然北海樽何時覓漁者相逐到桃源

寄鄧高士

海上玄真子能詩似謫仙從來披鶴氅長上釣魚船袖有雌雄劍囊無子母錢一壺春自足應不問先天

寄徐生兼柬康愚谷上人

之子病來久緣情多苦吟經旬不會面鎖日廢彈琴兩過江澄練梅酸樹合陰文殊應在座摩詰好論心

贈周可久

漂泊風塵際相逢湖水溥繁君正哀憤而我且狂吟禾黍感行役蓼莪思孝忱憂來無復道端處和鳴琴

贈謝天鏡講師

予渡練川寓于大報國圓通寺寺有大藏道場請師主席師錫自雲間適至寺謂轉大法輪鼓鳴螺震廣闡宗風增耀佛

日者矣我今有分得與見聞踊躍喜歡遂成讚歎

義天本無際心鏡奪方諸白月離滄海清風下太虛扶宗談般若演教契真如龍象朝朝集松堂響粥魚

次席帽山人王原吉韻贈石林上人

石林峨海剌傑出大方家說偈瓶瓢水看經席散花秋聽潮信急夜坐月痕斜借問窮源客曾乘幾度槎

用唐蔡母著作留題龍興寺詩韻贈長老開

西蜀竟忘歸東林自掩扉百年純白髮獨著舊緇衣閱藏心源靜安禪鼻息微天花如雨下無著自空飛

王使君季野飛雪樓講集

翠黛生微暈闌干夕陽亂蛙喧鼓吹芳草滿池塘歌按黃金縷詩傳錦繡囊焦桐誰自弄還問蔡中郎

趙生席上

清明纔過日踏雨到君家列坐新行酒比鄰始種花牆頭紅窈窕盃面綠交加歸騎寧扶醉還人插帽斜

夜雨水竹居聽彈箏

繁溜響簷牙深堂靜不譁坐來聽夜雨歌起酌春霞燭小銀花

旅館與陸季弘對樹

旅榻聯宵話心期一寸水春風倚玉樹夜雨落寒燈世事嗟

讀陳天倪處士傳有懷其子惟寅惟允

惜別經三月相思寄五言風塵淹逆旅烟樹鎖離魂行處松楸

中秋湖上看月

中天今夜月爛照五湖秋玉樹懸虛靜金波入漢流關南北

九日與鶴齋真人飲堅上人東樓次韻

樓臺超有界風月到無邊說幻難逃佛憑虛已是仙玄州生碧

十日對菊

然花悲節過無酒飲無懼客裏情懷惡江頭風雨寒楊雄空議

十月十七夜舟中作

江漢月輝輝孤舟一夜歸白沙漁火清露客需衣樽約寒潮

湖村夜泊

歲晚過湖邊綠村夜泊船數家餘破屋幾度斷炊烟病犬驚籬

潯南書事

偶卽潯南地山原路欲蕪老翁行乞食稚子幼還扶未放開

澄江季丙卿留飲客邸

一勺錢溪水半年澄客心風塵增感慨山水倦登臨處處羣遊

漫興

避地藏吾拙衡門常自扃豺狼時擾擾風雨書冥冥海上琅玕

折山中芝草零如何乘干羽不見舞虞廷

江村漁隱

微茫烟水窟窈窕野人家屋裏容書几門前著釣槎桃花春漲

次韻沈仲說洞庭秋晚

時花媚秋色落日澹晴暉橘亞丹楓樹江分白鳥磯園基應道

題朱叔重畫山水卷

婁東朱叔重滿卷畫雲烟過越乘山橋歸吳放野船危峯蒼鶴

題陳松巢畫

秋山殊可愛畫此似匡廬九疊青峰峻萬珠江樹疎筍與陶

登大覺寺琳公鑑湖樓

談笑寶樓開湖光劈面來浮雲空翳檻明鏡若爲臺野鳥銜花

題文殊院壁

文殊闍者舊珠樹網羅交殿古餘獅座林空見鳥巢天花時作

昭明寺遇上人房次韻題壁

脫俗經雲壑尋僧到竹房林麝發虛巖潭影落天光淨觀禪心

題通上人可賦軒

孤樹給孤園當陽關小軒天空澄霽月海淨浴晨暎霧隱南山

遊宋胡少師橫山福壽閣若次韻書壁

每到橫山麓都違俗世氣僧留夜聽雨我自日看雲歷歷前朝

題橫塘般若寺

西郭橫塘寺開門對越溪潮生滄海近雲起碧山低浮世驚前

夢迴廊瓦舊題重懷先太史曾共白雲栖

王明仲聽雨樓賦

華星不可摘飛雨若為聽忽頃刻已映兼秋響洞庭甲兵連夜
沈絲竹暫時停幾度銷銀燭沈思風宵冥

南城許真精舍寓宿呈希賢哲二公

塵世竟忘情還來訪惠明一燈懸夜榻萬竹起秋聲虎嘯風連
屋烏啼月滿城坐忘渾不味相對話無生

宿堅公房咏高麗石琉璃在練川

石燈如仰月雲截水光寒不為山靈祕應從海若刑中虛長寂
照表淨即空觀絕勝青藜杖寥寥伴夜闌

白雲為閑上人賦用鄭子封先生韻

一片復一片應無去住蹤悠揚輕似羽變幻儻猶龍寶月同瞻
海青蓮別見峰若招岩畔宿飛散下堂鐘

對雪

碧落瑤花滿分明屬化工江山如畫裏天地只壺中瑞應三番
白春無半點紅原頭踏芳草遮莫待東風

山居次韻

山居何所有愴寶過晴雲靈物尋常見塵囂絕不聞花開蜂作
陣松逕鹿成羣莫怪尋幽約長來避俗紛

龍山宛若龍飛舞出羣峰霖雨終須作閒雲或可從蕭條何處
寺隱約數聲鐘條幻聽經去天花雨九重

三

雜樹帶雲栽林間一逕開好鶯鳴不絕獨鶴去還來密踏
生青滿閑花落紫苔為吟清晝寂操几數徘徊

四

勝絕為人誇山中宰相家琅玕皆翡翠金彈是枇杷玄圃生奇
玉丹爐養嫩芽孰知方外事不比世間奢

五

乳燕定新巢翻過柳稍自來簾幙下不墮網羅交細雨迷南
陌飛花接近郊主家貧好在破屋任人嘲

六

好山看不盡一望一番登崖險森如戟泉甘冷若冰鳴鐘傳下

界著屐上高層不是石橋客何山識老僧

送周伯印兵革後歸義興

城郭已皆非人烟觸處稀莫言前度事但得一身歸妻子全當
喜鄉隣在可依孝侯還有廟再拜復襟欵

飛雲樓春夜會飲聯句

樓外兩蕭騷如何慰寂寥在畫闌昏正倚朱履夜從招公子開
東閣先生莫後邀能微協呂望鳥島仁王喬自向

壁誰吹伍子蕭玉壺承酒酌在銀葉藉香燒燈檠懷豁飄飄
氣宇驕過秦人罕論識驪趙客難探文脉如泉湧詞源若

海潮每歌青玉案長想赤闌橋在就醉翻金縷相期折翠條烟
霞同嘯傲汗漫及漁樵酒勝春衫薄詩成蠟燭消悠揚通

蝶夢瘦損過蜂腰最喜相鄰近在惟憐失路遙幸因投契誰何
以蒼瓊瑤瑟瑟低眉溜冥動斗杓結歡得知己端不負春

宵塔

絕句
滄波
滄波吟碧落蘆葉生秋風一船不結纜長嘯月明中

舊箏

雁逐暮雲斷蟬驚秋夢寒蒲條關塞山不復和愁彈

詠異石

吳人朱叔重善繪畫嘗遊石堰山遇方士授異石玉色清潤
如鏡如屏雲白山青趣若天造要予詠之

寓目

觀山有奇術縮此天地根白雲飛不去一片玉渾淪

寓目

天遠水復遙白鳥獨長往當從息機人發此天際想

海岸圖

海岸水西流看山正倚樓迢迢烟九點笑指是齊州

題醉魚

汗漫魚龍窟消搖虎豹關死生渾託醉何獨夜郎還

題列子

昔者列禦寇冷然御其風方諸徹秋水乃今見猶龍
題青山白雲四首

幽人臥春曉四山雲氣迷閉門花任落叫殺護林雞

人家青樹合僧寺白雲封誰共詩翁坐夕陽聽晚鐘

我愛山中住山中住山中住山中住山中住山中住
四山圖手卷

窅窅一帶山沉沉萬株樹著我靜者心獨得看雲趣

秋風來蒼梧白月下九疑不見湘夫人一枝空淚垂

海上青琅玕曾持天上看蕭條風雨夜誰拾鳳毛寒

个个竹弄雨了了樹撐烟還教米拜石癡絕伴清妍

莫笑虎頭痴偏憐鳳尾垂粉墻遮不斷翠雨濕多時

山青綠樹深白雲更多少憶爾越中行揚帆看春曉

別是一枝春飄然似玉人東風仍滿面絕不染紅塵

宜男爛著花不似王孫艸莫引蝶空狂翻令惜春老

吾弟頗灑落鳳梢兼寫秋看渠矜老可憐我憶陵州

飛去三千里開過幾劫春此言誰解得還汝日東人

白雲不作雨作雨但罪微長卷青山路唯教翠濕衣

蓁竹在陂陲蕭瑟隔洲渚咫尺雨中秋披圖設愁予

美人撲蝶圖所繪扇上雙蝶忽飛來撲之意偏好繡扇著春堤恐污宜男艸

六言

吳江

三高祠前流水五湖烟外孤篷楓落吳江夜冷高情都付漁翁

靈巖寺 響屨迴廊何處來尋陳迹都非日暮疎鐘孤起白雲岩下僧歸

姑胥山 不見舊時臺樹空聞千古風流滿地山花落去幾番麋鹿來遊

橫塘 越來溪頭暮雨姑蘇城外橫塘黃帽就船炊飯綠髮隔岸鳴榔

盤門 南兩廟前霜柏閣廬城下寒潮風雨扁舟經過傷心無復吹簫

石湖舊苑 望湖亭子凄然不似當年風景畫船空載梅花誰唱暗香疎影

題畫小景 綠水金塘馬健青山紅樹鳥鳴策策吟鞭遠指濛濛花雨新晴

題岩壑孤舟圖 我將投柝嚴寒愛此松蘿絕塵欲喚滄州艇子不知黃襖何人

題朱澤民書釣圖 泛輕舸兮釣渚歌滄浪兮自取不知所讀何書竟相忘於魚水

題顧定之畫 匪關髮之老稚伊飛翾之羽翹戾九天之披拂運一氣之扶搖

卷二

六言

虞山人詩

卷之三

七言

汗漫遊與姚子靜錢公權壁上人同賦

我亦身從汗漫遊道遠海上覓玄洲
徧探龍藏三千界一駐雙筵五百秋
不用靈槎通絕域祇須神駿蹴崑崙
巨鼻只認是人間世誰共蚌蛤樂未休

吳伯常家看桃花

二月一日走海涯吳生要觀我看桃花重尋玄都定何日且看赤城俱是霞
此番開顏阿母喜他年得子小兒誇蜂衙蝶陣渾擾擾何處春來有汝家

山家看花

折得山前數樣花瓦瓶隨意貯山家
香露昨夜三更雨紅帶朝陽五色霞
不用熏籠蒙獸錦絕勝肌玉護蟬紗
長安道上風塵暗把酒看春復嘆嗟

震澤

虞三

汪洋巨浸控三吳不為黃池入版圖
大禹功成遺鼎在夫差侈極故臺無淵震
尚護龍潛窟國色纒銷鹿臥蕉神物在川輝
日月生民終古樂涵煦

拜郊

吳王城外拜郊臺山色湖光共遠迥
終古翠華隨水去何年玉牒為天開
斜陽一笛牛羊下細雨千帆雲鳥來
忠死倭存墮霸業登臨不盡客興哀

望湖亭

望湖亭子橫山半水色山光落檻前
前輩風流今已矣野人登眺獨悽然
鶴鳴華表誰同聽犬上東門莫自牽
謾把一盃消客恨五湖何事別乘船

闔廬浦

闔廬浦口畫船開興逐秋潮海上回
霜樹露花紅窈窕梵宮仙觀碧崔嵬
南飛越鳥雙雙過北帶吳山隱隱來
欲把一盃觀浩蕩乘風檣舵苦相催

陳湖

渺渺洪流接具區山來耕鑿總膏腴
沉淪為有魚龍混開廓豈無鴻雁俱好覓
根源隨博望莫將清淺問麻姑桑田變海元如此自泛扁舟入五湖

嘉興水西寺

宣城水西不可到秀州水西今獨遊
太白才情真放逸牧之人物更風流
諸天問法元無相千載題詩在上頭
人世古今同一夢切灰烟煨五湖秋

山家書壁

為愛山家人跡稀往來渾覺市塵非
雷鳴谷裏朝尋雨雨過岩前日探薇
草澤底須人自棄桃源真與世相違
他年未必無園綺應是看雲到晚歸

山家書壁遺老農

老農政喜黃梅雨笑我何妨白晝眠
竹逕鳥啼泥滑滑稻畦蛙叫鼓
開關溝放水將鋤去過嶺看雲借履穿
性僻自嫌多懶放空吟未遂卜居篇

登穹窿山訪張袁二道士

穹窿絕頂訪仙居燕坐高人石不如
一點紅爐飛白雪大千碧海擊金魚
坐看日月渾淪轉笑指華夷寥廓虛
我亦飄飄生羽翰不奔塵世五侯車

書陶孝子傳後

常州城陷民陶某父為賊驅去及官軍復克城
父死不知其所某於寓近營塚塚葬父冠裳且暮哭臨故人序其孝云
天兵自昔下宋時常州之民皆死之百年政爾勞生息一日猶然
逢亂離妖氛易滅不足數玉石俱焚良可悲北門陶家有新家子孝親
冤難汝為

旅懷

野閣篝燈獨夜時苦愁風雨失歸期
夢回蜀道關山險行盡江南草木衰
縱酒為憐花落去懶眠重恨月未遲
不知鳴鳳飛何處老却梧桐第一枝

春興

十日寒風剪落梅東西撩亂雪盈堆
王孫何處尋芳草野老多情立舊苔
頓覺繁華隨水去斷無行跡過橋來
黃昏寂寞窳徘徊

久安得清樽爲爾開

漫興

眼中風景非前日
南飛鳥鶴自歸
一盃難強醉
聽朱乘中鼓琴

潮落滄江月上時
無鍾子期蝴蝶
曲白露無聲下竹枝

月色且看今夜好
戈縱復橫赤壁
落華髮催人兩鬢生

中秋夜與堅上人看月
圓通寺裏看秋月
影弄天泓祇知世界無昏昧

悟急聽樓上打鐘聲

江渚移居

柴關臨水野人居
鳥晚晴初底非江
傲兵塵十載漫躊躇

山中獨夜有懷江上故人

三更風露濕衾
客正聽猿闌烟
冥思君清氣滿乾坤

漁舟早次韻

舟泊蘆花雪滿窗
林月墮江拙計止
夢飛渡前汀又一雙

雨中過同川訪王性中齋居宿話舊

天時人事底推遷
對白鷗眠前程
路往事滔滔百道川

夜雨故人高樹未虛懸

午日訪沈元圭席上次黃舜臣所賦詩韻

一雁葵錦爛晴霞
拚髮邊花茶烹石鼎
叟難尋東老地仙家

宿黎里普濟院書壁懷南邦長老

空花室裏臘清秋
縮響南洲瞿曇喻
客在川何必棹歸舟

重宿金處士齋雲軒呈二同遊

昔同下榻軒中眠
可喻雲烟兩公何
好歲寒仍共月娟娟

施宜之處士隱雅宜山守先人塋與堪先隴爲隣承寄柳

神氣接鴻濛
杖履共歌擊壤樂
雅宜山在玉蓮東

送馬民立之杭州

泛泛相逢水而萍
詩感慨生西子湖
柳試聽黃鸝第一聲

送張士昂歸閩中

閩廬城外草芊芊
落夢相牽鳴夷竟
開風塵消息在何年

送張伯奇還花溪草堂

見說石山茅屋在
風亦自同天際淺
低襟高臥布裘還

送朱秉中之杭州將歸天台山中

盤盤佛色動江皋
風亦自同天際淺
水邊寒月夜朦朧

送朱秉中之杭州將歸天台山中

憚路程勞桃花流水心何競華頂尖峰首設擾竊莫西湖巖光
景棧迴南斗滯秋高

送馬民立省親後還官越上

撫戎之越豈能稱拜母還官定有期屈賈有才當用日僕素多
辨正逢時潮平江瀾曹娥廟木落山空夏禹祠政陳好探風土
勝莫將孤劍倚天涯

送潘公穎還越上將葬乃父子素翁

離亂相逢淚滿襟恍如魂夢話侵尋猶愁大澤鯨波險況說南
山豹霧深楊柳折來重忍別我書罷復難吟隨頭還植新松
樹知向栖霞第幾岑

重贈潘公穎歸越

烟塵眯目奈愁何柳色寒深臘未過把酒送君離思遠揚帆過
浦亂山多到家立雪看修竹涕泣隨風度蒼若解栖霞踐
霜露年年湖水綠生波

送魚臺賈景莊自吳航海之京師

鼓柁滄浪歌濯纓送君臨別重征營逃名途是魯連子痛哭安

非阮步兵短褐文章千里重白鷗滄海一舟輕好紆長策干明

主正為蒼生問賈生

送顧仲贊四明歸觀

木落空江烟霧開客程無奈鴈聲催船從賀監湖頭過人在吳
王城裏回梵剎雨花霏雪寶海潮浴日上蓬萊靈椿此日應千
歲好著斑衣獻壽盃

送瀚北海上人住靈岩寺

昔到吳王避暑宮靈岩寺在半天中朝圓終入黃池會山勢爲
紆紉字雄一去豪華千古夢數聲啼鳥百花紅蝶高人好在琴
臺上海月傳心向翠空

次危大參韻送相德謙之台州別駕

一上滄溟萬里船便朝金闕九重天遠臣艱棘曾身踐聖主哀
憐有旨傳別駕之官台宿近長安舉首日華邊故人珍重文章
在報政行看不負賢

送楊方外法師之越上清山觀乃師祝洞天真人

長年海上賦遊仙又送楊君覓洞天華蓋自來塵世表祝融猶

在日華邊先生遂赴渾淪約弟子重參紫籙玄籙燈夜深門
絕頂素華臺上月當圓

贈黃山人

浙東重辟四十年眼空歷歷好山川來龍起伏成形成似大塊渾
淪豈變遷路遠脚根千里健瀾翻舌底九河懸把詩長嘯出門
去又踏春風何處船

書贈錢公權

今年海上逢錢起日日題詩句法新謂我欲高東漢士多君恰
到盛唐人扁舟共泛心相得高榻長懸意獨真唯待吹噓上天
去不知何地有通津

贈日本僧立恒中藏主

上人肯自日邊來大海猶如渡一盃三萬里程空水觀百千沙
界到天台結經席上花飛徧曳屐林間葉落堆政共長吟好詩
句却言又上鳳皇臺

旅贈王宗善

江湖獨客轉飄蓬一雨愁兼半月風正哭窮途如阮籍忽逢佳
士卽王戎故園春去無多燕此日南飛幾箇鴻甚喜得君相慰
藉深漸花落酒樽空

鄉老蔡霞外尊師見過感懷書贈

西來文物眼中稀歲晚相逢款竹扉萬里祇操鄉國語百年唯
著野人衣翠娥江上愁空老白鶴遼東信未歸見說關山塵霧
暗不知城郭是耶非

贈暉子貞遊雲間併柬邾仲義

月過衡門竹樹低清梅聊得話鸚鵡君慎聽雲間鶴笑我空
聞夜半雞千古好懷渾淪盡百年高興屬誰題東南久別
鄉徽士歲晚尋船逆上溪

贈湖州二沈筆生因東潘隱君

沈郎兄弟茗溪客藝出蒙恬人品流十載舊遊渾似夢一番相
見又逢秋扁舟夜雨來滄海滿目風塵易白頭歸去定尋潘處
士爲言無事狎羣鷗

茅經歷之嘉興道過野寓因贈

省郎南郡之官去百里豈爲行路難不謂野人疎世務漫勞舟

料蟻江干沙汀寂寞浮鷗冷城郭蕭條勁草寒自古循良須費
畫好垂竹帛向人看

訪潘公穎南溇隱居

去歲途逢歲欲徂今年歲晚訪溇頭顧未老心先折世路多
艱事屢殊知子淮南思桂樹愁予劍北問桑株別情廿載渾依
舊却笑虞翻走畏途

寄黃高士鶴巢

五年不見黃高士孝行如君豈得之阮籍再生應有愧顏丁不
死即同辭瀟湘表裏飄飄曾瀟涕涕記詩成重所思莫怪剡溪船
不到石尤風阻未堪期

寄馬民立在越上并束孟季成

半生書劍各飄零千里相思望窅冥春水鷗邊吳樹綠夕陽馬
上越山青依劉已是同王粲適度何由似管寧故舊見君還問
我釣船只說寄烟汀

寄徐生

積雨新晴三月初好風輕颺落花疎閣廬浦上安漁艇橋李城

其二

邊問客居吏職可閒還復爾親庭常省近何如一春未得南來
信綠樹陰時想過予

寄澱湖鄭高士

故人消息近何如一別經年未得書世事似蒸餅自奕湖光如
澱不妨漁風塵定阻王喬鳥山野或容陶令居我亦從來絕泥
滓何緣方外學清虛

寄王明仲寓杭

南風畫舸去十日北海清樽空百盃黃鳥有時啼綠柳
紅柳和雨落蒼苔
朝入却喜仙都夜夜回山色湖光固無恙浙船應是未歸來

題王生畫春山圖

山中幽事夢不盡愛我王生每畫之春及把犁耕綠野曉來攜
甕汲清漪桃花泛處漁舟窄
計拙一看一畫一題詩

爲義興周伯昂題春山圖

孝侯孫子獨稱賢
夜不眠看畫每期王右軍
題詩惟

憶杜樊川桃花兩外尋樵徑春水天邊覓釣船
汝披圖良足
慰不須重辦買山錢

顧王叔明所畫岩居羅漢

金錫曾飛海上絳歸來岩窟坐蒙茸已探婆娑
度長安半夜鐘席上銜花馴雜鳥鉢中聽法隱黃龍
變還摩詰應爲人間嘆未逢

月夜泛湖

醉裏誰吹碧玉簫滿湖明月泛蘭橈一時高興都難過
冥便欲飄風水龍吟秋燭燭星河驚起夜迢迢漢槎
似不及空歌度沓

寄題湖州沈自誠水竹居

水竹之居清且幽休文無恙在湖州淵魚或躍誰同詠鳴鳳安
栖不易求
兩高臥清風八詠樓

書耕隱卷後

吳下顧家兄弟賢養親遺子力耕田暖雲穀雨春千畝斜月犁

其二

星隴一川塵市不途真隱者桃源忽見即神仙年年但願長豐
稔無更徵租橫索錢

野人家

野人還住野人家好在山顛與水涯不以紅塵干世事却于青
草讖年華
酒歌呼每到月西斜

看帆四首

襄陽三彥章僑居笠澤數年開小軒與搖城江直風帆沙鳥
如在几席間
復賦之以詩

復賦之以詩

烟波江上使人愁
危由逆順轉看身世亦同謀

二

蚤覺浮生類轉蓬江湖元不限西東十年飲跡居林下萬里遊

情付夢中開國豈嫌梅子雨往來難信石尤風青山坐老堆黃
髮奈爾滔滔泣路窮

三 一日幾番雲作陣百年都若蠟旋堆南金逐翠登燕埒北廟隨
貂到楚臺探藥已將童女去浣紗曾送美人來名奔利役何休
歇日落長天數去回

四 經過澧澗汎瞿唐天險何如地險長我愛越山投剡曲君看吳
水憶襄陽季鷹思給乘高興司馬探書念遠鄉不是烟塵迷錦
里也還鷗燕逐牙樁

題吳江孫氏小隱湖樓 太湖三萬六千頃小樓尋常盈丈間高情自寄烟水澗長嘯不
驚鷗鷺閑白日看雲當檻過清宵放月照琴還誰家燕子空線
繞惟待秋風墜綠髮

心遠樓爲瀚上人賦併發同席鄭明府一笑 東吳勝地黃山麓北海上人心遠樓閑愛白雲飛海嶠靜聽春
雨過滄洲復公詩好不可壓鄭老官餘曾共遊齊滑筍肥加晚
飯得參世外有揚州

雪筵軒爲式上人賦 大方式上人嘗遊雲間泛舟觀海晝夜跌蹠坐筵窻之下而
心解神會所謂水厓鐵樹造證有獨得之者非世之人所可
識其樂而樂也及歸隱靈岩山中縛茅爲脩定之所因自扁
曰雪筵軒蓋將志夫不忘其所得之從來耳新公仲銘乃爲
文以記其事龍華樵過之因賦詩資一笑云閑逢執徐浴佛
日

憶掉扁舟渡海東海風吹雪灑寒筵恍如屋裡生盧白誰共無
邊說幻空暫對鷗盟忘綠渚更探龍藏入珠宮而今別在青岩
半戲玩雲泉去住同

如舟亭爲沈子和氏賦松雪翁所書扁 東老作亭東海頭開應盤礴坐如舟花飛酒幔雲高掩竹映書
籤水亂流留客可看清剡雪學仙應過洞庭秋只從占得鷗波
綠却笑王孫賦遠遊

安素處士隱隱次鄭君韻 滄海揚塵傾洞時荒荒白日誇朱旗田間勿怪小結屋世上更
誰能採芝烟兩荒村歸牧豎風波極浦見漁師清晨出耕晚入
息三尺黃魚足辦炊

新歲次韻沈存齋 滿卜今年見小康莫疑著短復龜長野鷗久識滄洲越海鶴終
期寥廓翔日轉華夷蟠淑景春回草樹發天香先生自種門前
柳已似新鷗與酒黃

次韻朱北窓阻雨留江館對榻 落花如海亂西東綠水青山舊日同無奈春光容易晚不知行
路幾時通竹深野鳥頻呼兩浪浪江豚正轉風苦欲留君休解
纜剪燈聯榻話飄蓬

次韻答甫東方彥脩見寄并束徐生 避地每承先枉問躬耕無計服勤劬兵戈南北家千里風雨兼
葭海一隅故舊豈聞真國士笑談唯愛老漁夫煩君爲覓蓬萊
路徐福樓船近有無

次韻陸高士見寄 美人相別意何長世路悠悠曲似腸軍馬野中猶格鬪漁船江
上亦淒涼連年甫里同茶壺何日成都問草堂惆悵沙鷗隨所
適東溟西泊似無鄉

次韻答阮維則 寒子十年飄滄客奈此一春風雨何泥沒畏途人跡斷草歇
荒屋漏痕多長懷鳥道行行險却著騾綱事事馱萬里窮愁逢
阮藉竹林雖近未能過

次韻奉荅王性中 華館春風昔往來翻成車快逐塵埃狂遊自訝飛龍劍落魄潭
忘化鶴盈天地一漚身未老關河萬里路還開欲將短笛吹佳
調又惜江城玉樹梅

九斗羣峰飛翠寒仙人居處最高安每看直下滄溟小長立危
尖宇宙寬一自兩鳧從遠邁數番雙鯉奉餘糧而今帶月吹笙
去海宴塵清更不難

289

錢公權席上次韻

捲地東風暗落花倚風聊側帽簷紗十分春事都成夢百年
華只漫嗟詩酒縱憑憑知已諳才情渾好著誰誇考功宅畔潮
海便欲乘槎莫問家

次韻荅公權見貽之句

一自風塵傾洞時百年身世轉堪悲豈無懷抱同千古誰共登
臨望八垂為客漫投鸚鵡賦傷春多在杜鵑詩窮途覆轍運回
久莫道為輪不用規

次韻海上還

問君何處覓玄洲還作東方海上遊瑤草只從方士寄蟠桃那
許世人謀塵飛恍惚千年劫槎轉虛空八月秋但怪晨光多變
見元龍不是屨為樓

呂彥貞以詩見寄江舍次韻奉荅二首

失笑自甘成野老放歌猶復哀王孫十年兵阻西蜀道九月霜
兩東吳門缺裂布袍懶適市蕭條菱舍還依村何緣處處無酒
賣故人

其二

白石先生多逸情寄來好句如彌明空江落木秋正下流水行
雲日自生神人忽張洞庭樂老將復捷燕山兵雄深雅健何可
得我一把詠身如輕

次韻堅上人秋懷

曾策羸驂笑獨驚秋風瑟縮楚南天好詩都拾奚囊裏得句頻
過佛寺前坐傲浮雲棲亂葉生憎急管雜繁絃而今頭白心如
水惟有愁情到極邊

用先叔祖頌壽醉鶴齋真人

近以兵避海上會鶴齋真人于練川語及舊遊皆如夢寐因
誦先叔祖太史文靖公詩乃為真人九月一日生朝賦也今
俱客於此復逢此日而誦此詩感懷今昔三十年矣于是堪
不敢無述謹用韻以為壽云

練海秋潮若捲濤遶天得與鶴同遊人間不老三花樹天上初
分五色桃甲子每書聊自記姓名千載復誰逃等閑談笑重陽
近又向樽前一舉盞

薛毅夫

青城文思涌波濤子復長吟海上邀瞻望白雲歌伐木記從
瑤水得餘桃百年風雅誰能繼萬里烟塵共此逃不是菊花
知節序一杯負却蟹雙螯

荅陳孟章省元

文章得失寸心知千載寥寥竟屬誰天象昭回雲漢表人文宣
朗古今宜風鳴阿閣雄諸鎮蟬響悲風引一絲之子有才良得
意關雉麟筆玩多時

陳憲

幾年白髮欲成堆千里青雲未有媒高輪謝願思雙雁遠懷
班馬識高才六朝音響都成遠兩漢文章孰可回想是寸心
知得失相逢為我洗煩埃

悼堅上人

幾度扁舟過練川上人邀我佛樓前聽潮倚柱秋聯句待月鈞
簾夜說禪身世等空前日夢影堂虛設故時筵如何却說心頭
事再結三生石上緣

其三

讀饒介之遺徐允中書

介之善張旭懷素書妙一時人往往爭得之以為奇玩其得
意超邁之筆而徐所善尤多乃裝幀成卷詠者名世世珍
然皆務誇張矜滿之辭略無一語能及國及民如云當年僕
過吳陵時知有諸豪傑今日乃得為刎頸交何也以氣相感
爾又云允中人傑肯與僕傾此夙志矣噫觀夫此得不為果
亡必敗之讖耶今此卷散諸民間使人一展覽便殊不滿
揮毫草草入狂顛歲月猶題破國前郭隗不言才漫爾田單失
計事徒然穴中虎子終探物夢裡麟兒底詫賢總為有生鍾禍
讎絕憐無處託樓船
施架閣池上夜飲聯句
槽頭醪醕倒不盡池上梅花開欲齊今夕好懷良足慰百年
高興若為題銀燈絢綺席珊瑚爛熳採筆聯詩錦繡迷細雨作
花簪際落清歌如縷拍中低潭忘司馬青衫濕似聽宮鶯
綠樹啼公子金狹燒蒿蕪美人屢驚勸離蹄也知北海能乘
傑况有東方善滑稽廢棄低翻弱柳手鐵盃重壓柔夷

先判五夜同傾倒未信三邊尚鼓擊倏忽年華聚且暮風
流人物晉東西江湖空濶鴻偏到梧竹高低鳳獨栖乘興放
船來笠澤散愁投轄憶潯溪襟期久矣交如漆笑語頽然
醉似泥湖漲空灘移舴艑雨晴何處看鳥鷺會須發達憂
憤慎勿登臨動慘悽失喜今宵是何夕酒闌起舞忽聞雞絕句

西蜀二首
西蜀青山青似眉連雲芳樹杜鵑飛墟頭酒熟櫻桃過萬里橋
西人未歸

春風畫舸錦江上細雨朱櫻紅樹中買得白魚贖沽酒丈人相
對倒郵筒

玉壘詞
玉壘峰頭月落西碧鷄祠下杜鵑啼江南倦客多歸思憶踏扁
舟汎五溪

三峽詞
雪浪西來常滾滾雲濤東去自茫茫寧知萬疊關山恨比似難

牽百丈長
錦官買本作
錦官城外山如畫春雨飛花紅滿川人過舊墟還問酒魚來
丙穴不論錢

宮詞
想鳳停針刺繡紋沈沈別殿鎖重門棠梨枝上三更月雪色水
輪不見痕

有所思
美人不來渺何許路傍芳艸綠萋萋桃花春浪半篙淺恨隔三
千弱水西

除夜
出門無路達天衢漫擁寒衾咄咄書歲月又隨更漏盡半生孤
憤不能除

歲朝買本作
帝所新正盡早朝萬方無乃寸心勞野人空老江湖表夢繞鈞

天日已高
草堂人日倚吟筇節日出陰消見遠峰但願一荒買本作春盎盎
無爭即為農

為弘行者畫萱草
弘兄身在空花室夢幻無邊苦憶親要認東風真面目直教重
見北堂春

為規侍者畫天台圖
風雨祇園夜寂寥對僧燃燭畫山椒眼明認得天台路有箇行
人到石橋

題十六應真圖
人人元是買本作有神通步步都行怖畏空不是脚跟能踏實如
何到得大江東

題陶靖節賦詩像買本作
歸來不負酒并琴幽鳥南山伴好吟一自卷中書甲子鈞璣千
古不同心

題諸葛武侯神像
天挺神明不世姿當時出處係安危三分事勢籌筆未出隆
中也自知

題秋山樓觀圖
萬朵芙蓉在屋頭白雲堆裏見層樓題詩忽憶雲門寺幾度尋
僧八月遊

題宣和馬圖
龍姿鳳質滿中原畫隸賦秋風度海門一匹不來踐霜雪沙場
青草自黃昏

題施雅山所藏宋端孝公主所賦桂花詩便面手卷後就
用其韻三首

宋周漢國端孝大長公主理宗女也其所自題桂花詩便面
以碧紗為襯所織折桂澹然與冷月輝映自是宮製絕倫可
知而東廬王野買本作所藏有云在武林時與故舊劉公仲
鼎選茶話因及楊中齋駙馬事故出此見遺乃是吾家
婦之母之筆也藏于篋笥凡三十六年而外孫施宜之其先

有兄弟並舉進士者有雙桂堂尙在堂扁政與屬合誠可以
再爲其後來者識故裝幀爲卷筆其顛末併製桂香詞于後
以予焉且曰貴主此扇時猶未出閣天上清芬世間何有
則知前輩寶重之如此至隆山牟先生用韻賦之有滿身風
露不知寒之句尤極悽惋使人一讀無限感慨今
雅山處士亦既老矣所寶外家遺物又幾五十年自謂雖獲
夜光每棄勿顧而獨護此卷如新不忍去手時時出以示人
諷誦不輟其風韻又可知矣間屬堪賦之某惟前代閨門舊
物固是罕得然相傳之久殆百餘年而不出兩家當時遺老
又能詳記其事使更千百載足以起人之興懷於無窮若雅
山之寶此其意亦在乎於是追次其韻遂并反而歸之宜
之爲雅山處士字云
一方清鏡樣團金壺香墨豈無端萬年枝上天香盡遺恨青
天碧海寒
誰復風流鳳團天人丰骨想毫端楚吟翻泣銅仙淚共洒秋
風玉井寒

虞三

十五

天水雙雙桂影團喜符佳讖在眉端外家風采今猶在長嘯
空山鶴髮寒

題趙松雪出浴人馬圖

澡浴霜寒帶月嘶皎如飛雪度春泥園人不可輕調御花夢樓
前曉仗齊

題趙松雪畫四首

江上晴天錦繡紋丹崖紅樹思紛紜毫端染得秋無際猶是蒼
梧幾片雲

王孫今代玉堂仙自畫苔溪似涸川如此青山紅樹底那無十
畝種瓜田

玉簫吹斷幾黃昏南國風流竟莫論帝子不悲秋色晚墨痕何
以著啼痕

竹色蕭蕭木葉齊石邊芳草迥凄迷斷猿落月愁何處人政
在黃陵廟裡啼

題趙仲穆人馬圖

驥子如龍勢欲飛園人猶著舊宮衣霜蹄踐雪花無數可是長

安道上歸

題陳慎獨竹樹圖

不見高年慎獨翁漫憑圖畫看幽叢石邊竹樹生寒碧好在蕭
條破墨中

題倪雲林竹樹圖

侵晨好在不梳頭寫此疎篁古木秋清氣逼人當不得歲寒誰
與說風流

題衛明鉉林居圖

每因脫俗居林下更復題詩向畫中啼鳥落花空歲月閑雲流
水漫西東

題徐士元釣隱圖

雲去鳥來運適意海枯石爛不移心寥寥千古憑誰論獨見先
生澤畔吟

爲王鳴吉題吳江送別圖

長向空江歎別離含毫猶賦畫中詩一聲鴈叫丹楓落思逐東
流轉船時

虞三

題吳江春曉圖贈張伯奇還橋李驥

吳淞江上春初曉烟水微茫帶淺蕪政是玄真歸去日釣船從
此落鴛湖

題竹樹圖送陳君玉歸呂城

烟杆風篁亂墨痕依稀貌得垞南村歸耕布穀應啼晚好在春
陰護子孫

題天台王思齊雪溪卷

憶昔山陰訪戴船滿溪晴雪思茫然重遊想得前時夢春水桃
花別有天

題趙魏公指瘞馬圖

久忘爬刷向河汾抵樹摩身動晚雲千載有誰憐駿骨展圖空
憶李將軍

題柯博士竹二首

后主錯刀無復見長公珠玉竟荒涼風雲盡捲蒼苔谷若箇如
君葉葉長

饒守風流清且貧珊瑚都入禁垣春奎章博士承恩日一臨

他寫得真

題黃道人畫

垢面野人頭似雪畫山應復畫衡茅幾株五老峯前樹箇箇如雲可結巢

為李可道題衛明鉉所畫樓臺圖

海上相逢憶舊遊更開圖畫說丹丘玉簫吹老人問世獨倚烟霞第一樓

題蘇小小真

錢唐江上月如眉楊柳新住二月時貌得當年美人面東風一曲麗春詞

為王明仲題木筆仕女圖

木筆花開春已深十分闌思向誰吟暖風吹破遊絲夢故折瓊芳比素心

題夾竹桃花畫眉

翠袖籠翠怯曉寒欲妍花貌苦無端黛娥拂得春山遠不負飛鸞桂影團

題李安忠獼貍圖

啼猿靈鶴賦難工映月河星思未窮誰向楚臺愁寂寞想趨殿殿却知風

題江阜會飲圖

日月總消盃杓裡江山都落釣船中何人相對苦不飲應是行吟澤畔翁

為王允同題家山荆溪圖

好山都在太湖西滿路風烟棘刺刺迷華屋燕飛今在否市橋官柳不勝題

題陳慎獨所畫寒林上二字無竹樹圖

為嗟玉樹埋黃土見畫題詩即斷魂健筆清真如宿昔滿林烟月對黃昏

題盧益脩所畫水仙花

盧郎吹笛向漚波夢裏曾瞻帝子何一自美人遺玉佩至今南浦月明多

題陸季弘所畫碧桃花

玄都觀裡花如霧曾弄參差引鳳還幾度春風開劫外不隨流水到人間

題李弘畫竹二首

少年文賦已曾傳畫竹風流老更妍烟雨一竿生筆底珠璣萬箇落簾前

題李弘畫竹二首

倚倚雙玉倚空青翠羽鸞翎裏不停好似皇英愁日莫九疑如黛隔秋屏

題堅石林上人松下相

一得金剛體自然芙蓉萬朶立青天如何恰坐雙松下明月寒潭又脫禪

題教上人所藏石壁高僧圖

了無寒暑與昏曉獨坐松根看沈寥萬丈懸崖顛倒立法身無等劫塵消

為堅上人題石林圖

海邊雲氣接鴻濛萬石林中見玉虹八月潮高秋滿樹看山輪與坐禪翁

為道公題夏山圖

紫翠峰巒雲樹裏瓊樓觀石林端何人曳杖巖頭去不以松風瀑沫寒

題盛子昭畫會琴

二子彈琴固有期空山石上坐移時至音不著人間聽却似許松風湖水知

題孟仲良畫雪中才子

席帽飄飄抵朔風雪中驅策滿橋東幾時却向長安道到處題詩踏軟紅

為范克齋題張道士畫

魏公枝葉學長年曾逐仙人上九天幾見蓬萊水清淺歸來畫裏看山川

題倪雲林為薛鶴齋畫竹

雲林寫竹如琅玕我昔愛之長相看鳳皇去矣秋影獨白鶴歸來遼海寒

畫

一自北堂風雨深
花萎矣思難任
弄干畫裏情
題句爲感春
暉寸草心

爲王明仲題倪雲林畫一首

東遊久不見兒寬
落日秋風海樹寒
一个艸堂偏窈窕
欲於我憶盤桓

參差海樹珊瑚立
窈窕風篁翡翠分
尙想君家清閣閣
臨池誰見榻鷓羣

題王生畫幀

薄命長乘海上桴
展圖驚見好林廬
明年若遂歸耕計
牛角簪豚管掛書

題盛子昭臨吳興公溪山釣船圖

著我春江聽雨眠
漚波亭下水如天
當時度得參差玉
吹起春風滿釣船

題倪雲林畫

天末遠緣生掩冉
石間流瀾落寒清
因君寫得三株樹
忽起孤雲野鶴情

題江山畫觀圖

何處瓊瑤歌舞臺
重重金碧向江開
杖藜漁艇吾偏愛
誰在崎嶇浩蕩回

題衛明鈗所畫王子晉吹笙圖

中袂翩翩鶴背仙
玉笙吹滿沈寥天
碧桃花上春風度
應是人間五百年

題張叔厚所畫羸女吹簫圖

吹動簫聲萬籟希
飄飄風露濕仙衣
彩雲飛斷秦樓月
却跨青天五鳳歸

題佛圖澄應趙故實手卷

喃喃說偈水瓶空
惚惚山河夢寐中
莫怪現前持教畏
水西千載報春風

王明仲遊海雲蘭若折錦帶花貯瓶中索賦絕句

舉手拈花笑似人
海空飛墮一枝春
臨風看舞雙銜鳳
安得徐生便寫真

次韻賦王明仲分菊

就地分花入瓦盆
南風吹雨晝昏昏
幾時簾幙秋香滿
看引飛來野蝶魂

次韻奉答韓景中下八字以酬表成淮見寄一首

離愁迢遞每相干
勁草支風也自寒
切莫想高嘆搖落
舉頭見日是長安

世路羊腸不可之
強將情緒託新詩
素絲黃黑岐南北
政是長悲痛哭時

倚樓次韻

江樓獨倚送斜暉
水盡天南鳥獨飛
風信晚潮吹酒醒
頓無炎汗濕絛衣

次韻戲答堅公賦木犀

青冥昨夜御天風
探得金丹下月中
普散十方香世界
莫教鼻觀塞雙筒

賦小餅紅白梅花

水肌自傲羅浮雪
暈臉偏酣太液春
共立東風妬瓊瑤
瓊倫玉較精神

從將性質比嫦娥
有此霞裳阿姊何
凡戀詎能消酒量
媚人都道得春多

水風烟月兩同吟
骨格纒殊冷不禁
著眼固憐陽飽感
到頭誰得歲寒心

燒得丹成似日紅
別來人世領春風
誰知非色非空界
鼻管欲天便不同

題普大雲梅花水仙

玉質固難禁寂寞
香魂斷可繼風流
縹緲自滿春風面
誰道玉孫託遠遊

羅浮夢裏玉人遙
湘水春深泣翠綃
喻得空王無上法
諸天隨喜作香飄

阿師能畫極清眞
自是金輝玉潤人
贏得蛟龍雙浦上
飛去十分春

題日本僧所畫青山白雲

積水東來沂極天
杯浮三萬覓單傳
等閑三昧都遊戲
未識齊州九點烟

飛去十分春

阿師能畫極清眞
自是金輝玉潤人
贏得蛟龍雙浦上
飛去十分春

題日本僧所畫青山白雲

積水東來沂極天
杯浮三萬覓單傳
等閑三昧都遊戲
未識齊州九點烟

州九點烟

題忻悅道所畫雲山招隱圖
妙年文采有斯人，須得雲山幕隱淪。
天上玉樓成底夢，都門重哭李元賓。

題陳昌言水月齋梅影圖

水月光中作淨觀，墨痕何事寫團圓。
要知無色無香界，不著冰霜襲袂寒。

牧心齋題壁示叔介

牧心齋裏坐來深，萬古原思直至今。
化化生生無別事，但教馴狎莫虧侵。

題劉商觀奕圖

平原亦有羅浮事，況爾樵逢奕局仙。
劉畫李臨茅彥勒，桃花源記託陶傳。

題和靖處士觀梅圖

咸平天地物皆春，客得先生賦隱淪。
一夜湖山風月白，梅花千古亦傳神。

卷三

三

三

予十年前自江右還吳下罹時艱阻不得遂遠道遊觀之志竟
栖跡林泉間與山人野士處頗放意詩酒以銷鎔凡滓耳而留
連光景之歎多寓于咏歌然卽事寄情因校工拙片言隻字無
可成編者今年過海上而從遊襄陽丘晉氏迺哀拾予詩得三
百三十三首創爲三卷以請識予自歎曰詩本性情關時命生
不逢偶獲落偃蹇故發窮愁悲譎之辭以自摠遺奚足以形容
而稱裨制作之雅耶是編雖成未必可傳所謂適足貽覽者之
啊云今年爲丁未歲冬至前一日玉屏山小樵虞堪識

虞山人詩補遺目錄

古體雜言

朝陽篇

咸林行

七言

題季吉甫傳及詩卷後

題贈筆生王純

夢綵堂

絕句

元夜

早春述懷

春興

越來溪

昇公蘭若

賦石屋

寄湖州潘公穎

贈筆生溫子敬

送達明善還嘉興

讀何水部詩集

留客聽琴

荅鄭長卿見寄

良苦吟

踏車謠

季丙卿還鄉

寄題先月樓

春日謾興

花下把酒

吳下口占

過王夫人墓

登天池山

題海淪菴

寄王明仲

贈墨客李慶源

遺陳生

示陳起

遺陳童子

虞山人詩補遺

古體雜言

朝陽篇

大明隱蒙汜翰輜萬世先三浴一出海盈盈上扶桑發機遂動
息幽眇復張皇融結川嶽麗昭回雲漢章所以陽谷賓若稽在
陶唐希天建至極放動被選荒悠悠則萬聖蕩蕩名無疆孰云
時害喪遠之靡不忘三綱既淪敦九法遂乖張斯須浸頽僻終
古失馨香餘腥穢簡帛烏得垂衣裳參兩詎無端乘鼻實有常
暹也父命名欽哉究元良求之得餘師字之以朝陽鳳凰不世
有維時鳴高岡覽輝用比德景瑞期遠翔文獻乃足徵嘉言斯
孔彰冠禮久已廢請訓獨可尚儼如三加祝賓主迭在堂虞生
鄙何述斐然不知量觀象詠元化稽經陳否臧希天復希聖質
說幾荒茫易稱健不息君子當自強惜陰既云哲失道還受傷
夙夜審出處悠久慎行藏羣物豈違忤欣欣樂其昌顛沛造次
間操德其何爽助哉保厥始壽考有餘慶作詩以咏歎永矢慎

勿忘平日再仰察庶幾予匪狂

良苦吟為馬元尋母得見作

水流豈無源草生固有根東風迴驚瀾吹此野燒痕亂離失母
痛割腸難斷恩念如兩慈烏飢號各孤鴛烟迷太湖渚霜隕吳
會門七年一朝見九起萬死魂瀾沿草復苗尺雙信乾坤上承
高蓋旋景入無永昏下憑大載安嫩窮有回轅衣破淚始滅哭
絕聲始吞始命苟有逆終雨不洗冤春暉轉忘憂式復念倚門
翻思在離別豈料俱生存餘懼菽粟具辛苦勿出言我歌良苦
吟頑薄當彌敦

咸林行為楊壓改葬乃祖作

餘杭山前百戰場蒺藜滿道多虎狼黃塵茫茫白日慘子獨往
也良慨傷深衷憤不畏狼虎極目蒼天淚如雨蒼蒼蓋高愁奈
何腸斷咸林一坏土黃腸下深九仞泉我翁瘞此今百年朱幡
玉節久寂寞黃鸝碧草空留連回首東吳三百里無限好山并
好水誓收寒骨幽幽與翁來歸此山裏佳城再卜再封樹麥
飯椒漿好時祀慈烏還來共栖止慰我生存保終始嗟哉楊公

好孫子人生蟬遊在天地間
誰復顧生死骨肉之恩深固如
此嗟哉楊公好孫子

踏車謠

一春多風復多雨田頭踏車最辛苦
去年種田田無收還租賈
却牛一頭今年城西盜賊起
北巷南村盡燒毀城頭土崩日夜
脩壯者服役老者憂晨食糟糠
每忘書妻子長飢面皮瘦公家
吃酒呼歌奴不念私家租不敷
公家若念農家苦水滂祈晴
早祈雨

七言

題季丙卿見示前輩陸子方先生義齋廉使所著乃伯父

季吉甫傳并詩卷後

季父醫名播昔年寸心行義契蒼天
如扶朽顛崖裏盡起春風造物前
虛扁神奇揣復並機雲文字固當傳
至今遺澤流諸子猶似澄江注百川

丙卿還鄉里賣藥躬耕予喜而賦詩為別

季卿為醫世無雙十載挈家遊此邦
逢人賣藥不二價教子讀書同一窓

我昔長嘯綺里季而今歸學鹿門龐

明年何處聽春雨杏花如錦照澄江

題贈筆生王純與徑山愚菴及公同賦

王郎縛筆住湖州翰墨場中得縱游
心力盡於初畫妙眼睛全在一毫頭
青春好樹流鶯嘯白月空山老兔愁
直到玉堂揮翰手新翻落墨為渠優

寄題先月樓

海上陳郎百尺樓月來先得水天秋
為憑碧落無塵界故見滄溟徹夜流
兔魄一生通汗漫蟾光纔露作神遊
何時去倚危闌山更為題詩在上頭

夢綵堂

金士平編夢綵堂人高唐二十一年以兵

高堂白髮不勝簪尚有天涯遊子吟
老萊斑衣每入夢春暉寸草難為心
萬里關山阻南國五色鳳凰鳴上林
東風幾度桐江綠胡蝶飛來春已深

絕句

元夜

鼉山月在滄江冷蛟室潮生貝闕寒
閑却錦囊雙鳳瑀玉人何許夜漫漫

春日漫興

市里祠前春雨晴閩廬浦口海潮生
白鷗聚處蒲芽短鶯起輕輦陣飛花
撲高樹一聲啼鳥正當門閒拈綵筆
無題處寫得江南過雨痕

夕陽半落烏衣巷春樹多陰迷綠野
堂無事山樵難不出也愁風雨暗高岡

去年一得河邊信萬戶千門掩糞泥
不覺風烟慘江上也無豚欄與鷄栖

柔條齊綠柳毵毵又見人家卜養蠶
到處落花隨雨後半分春色在江南

西塞山邊吹戰塵南陽原上草如茵
誰將宋玉傷春句說向登臨感慨人

早春述懷

河邊殘雪未全銷怪底春來暖倘逢
好待東風剪芳草馬蹄踏遍赤闌橋

花下把酒

一百五日正欲莫三月盡頭猶是春
把酒對花須大醉人間誰主復誰賓

春興

詹尹如何為卜休閒身猶住海邊樓
一春風雨知多少花落鶯啼併作愁

原頭芳草綠如茵寒食江南已過春
飛絮漫天兼遠路落花如海倍愁人

吳下口占

吳王城下水連村梅雨新晴海霧昏
誰復吹簫市朝變夕陽芳草斷人魂

越來溪

每踏扁舟過越來青山何處復登臺
野花荆棘都迷恨空逐寒

沙白鳥回

過王季野妻施夫人墓因懷季野

寶玦珠奩土一坏東風原上使人愁落花寂寂迷芳草日暮王孫何處遊

昇公蘭若

莫笑長來過虎溪逃禪喫酒醉如泥桃花落處看春色楊柳陰中聽鳥啼

登天池山發在公一笑

行窮水色與山光覓得靈源到上方躡斷翠厓雲漢上坐捫參井濯滄浪

為在公賦石屋

石屋都無斧鑿痕拍來元是一渾淪借師猊座盤礴開出維摩不二門

題渾淪菴

龍虎山中看月高靜無天籟絕纖毫渾淪消息誰知得夜半吹笙醉碧桃

虞補

寄湖州潘公頌

看花長想曲江春燕子東風散頻君向水精宮裏住題詩還近玉堂人

寄王明仲

西湖何處好題詩落日西冷唱竹枝團扇晚停眉黛飲水寒休弄玉參差

贈筆生溫子敬

銛鋒淬鏑未由降夢底生花愧老江要見太平無事日殺青書裏作長杠

贈墨客李慶源

千金買賦不買墨墨重萬金識者稀卿操絕藝待良史著弊江南舊布衣

送達明善還嘉興

鱸魚餸斫樽無祿阿濫堆成笛正愁昨夜涼風吹得苦莫傳離思入南州

遣陳生

流螢羅扇夜徘徊望斷銀河鵲未來何處海門潮送月幾年空

照越王臺

讀何水部詩集

花瘦幾分

示陳起

談笑說吳鉤

留客聽琴

段拍波飛

遺陳童子

怯夜潮寒

答鄭長卿見寄

木起哀思

補遺

補遺

虞勝伯集有三本一希澹園集三卷 四庫箸錄者是也也是
園亦有鈔本後歸而宋樓二鼓柅稿不分卷述古堂也是園孝
慈堂而宋樓善本書室並有之三虞山人詩三卷卽此本而宋
樓亦有鈔本三本編次不同其實一也此爲長塘鮑氏知不足
齋舊藏前有金華桑以時序後有虞勝伯跋稱得詩三百三十
三首劉爲三卷後署丁未歲冬至前一日考丁未爲至正二十
七年知其詩皆元代所作也卷一爲古體卷二爲五律五絕及
六言絕句卷三爲七律七絕總計二百九十四首視原跋所云
三百三十三首少三十九首往在京師從友人假希澹園集據
補此集佚篇復假得查初白先生寫本手校文字異同於此本
上及在海東得曹氏倦圃藏本鼓柅稿復加校讐知各本互有
得失諸本皆無序跋惟此本有之至此本卷一贈星史汪清溪
五古脫十六韻三十二句卷二看帆詩四首失序漫興四首末
失元夜一首鼓柅稿則脫注甚多又題柯參書竹五絕二首誤
併爲一又查本與此本無大異同曹本則多異字今一一記注
於下復就希澹園集及鼓柅稿補此本佚詩凡得三十八首別
爲補遺一卷較原跋所稱三百三十三首者但佚一篇耳戊辰
仲秋因命兒子福葆校錄付印傳世虞集殆以此爲善本矣滬
上近印鼓柅稿亦不分卷不分體與倦圃本同而編次又稍異
總得詩三百十有三首則與曹本不殊也並附記之上虞羅振
玉

蚤

古

中

琴

彙

丁

壑

上

齊

草	山	溪	歲
煙	秀	日	在
留	琴	躔	闕
首	高	壘	諫
翻	對	紆	闕

明史本傳

龔詡一名翊字大章崑山人建文四年年十七爲金川門守卒燕王兵至谷王穗與李景隆開門迎降詡慟哭去之歸崑山隱居教授杜門不出宣德中巡撫周忱欲薦爲學官詡謝曰詡仕固無害恐負往日金川門一慟耳竟以隱終門人私謚安節先生福王時因謚安節贈翰林待詔

明史附載
牛景先傳

龔安節公野古集卷之上

對樹書屋

逸老龔詡大章著

後學李繼貞散尹選訂

龔氏八世從孫挺較輯

五言古詩

送徐氏兄子牧之司訓青田

涼颼動林柯零露淒以白
日予感衰暮撫景重悽惻
况居憂病中復送遠行客
惟子方妙齡精進有餘力
窮經期致用雲海奮鵬翼
安知時命奇失意主司格分教
赴青田吳越千里隔雖云官卑冷
禮數抗侯伯州縣非不華
奔走泚訶責知子素明達榮辱判胸臆
一朝別我去

野古集卷之上

一

毅然無難色相見知何時
雲樹杳南北願遵姬孔教
麗澤競晨夕清風與高節
當立萬仞壁尤宜戒垂堂
少慰二親憶恬蒼古名郡
文獻富資益幸寄北飛鴻
啟我久茅塞

題寶月軒

悠悠軒中人皎皎天上月
良宵忽邂逅敬待兩無襲
素心期共明雅質願同潔
但求保終始何暇計圓缺
來亦不須迎去亦不須別
淡交有餘情莫與世人說

分金圖爲廷悅賦

古人交有道貴義不貴金
悠悠千載餘猶見管鮑心
洪

水方湯湯羣生困凶歉溝壑同胞人君其幸相念

田家詞

浮雲終日行雨點不曾絕
自從秋分來罕得見日月
禾頭半生耳蝗囓莖梗折
一愁官賦急二恐衣食缺
哀哉田野情言之淚流血

南野先生哀輓

彭澤去千載誰念田園蕪
卓哉南野翁乃是斯人徒
讀書通大義恥逐章句儒
修身事三省惠人期八厨
雅性任真率襟懷恆豁如
東皋樹嘉木西疇藝名蔬
適意任所之殺酒隨籃輿
兒孫奉賓友歡聲溢庭除
每從微醉

野古集卷之上

二

時擊節歌唐虞顧我朽腐材
不異樛與檇謬據西齋榻
曾不鄙迂疏星霜二十周
始終心不渝嗟離幾寒暑
雲樹勞嗟吁復憐身後窮
棺衾預爲儲如此戀情甯與
管鮑殊方圖去茅塞時得親
高居德業望規箴優游共
桑榆如何志未遂頓隔幽明
途載瞻湘陽原痛切心如
列臨穴當茲辰忍奠一束芻
淚爲知己流老眼誰云枯

落葉吟

落葉復落葉階前漸積多
雖知無反期未能忘舊柯
誰知舊柯心已萌新葉意
故情雖不同能不我遺棄
作書報新葉且莫誇逢時
西風一朝起此情當自知

梅花

風雪方嚴凝乾坤發清氣馨香遠彌佳顏色淡逾貴一
聞鳴玉聲已醜調羹味厭芳當避路讓他出頭地

七言古詩

鐵心行寄沈誠學

我有胸中一塊鐵磨君鍛鍊成寶刀不殺狐狸及鼯鼠
要斬南山白額長橋蛟視蛟如虬虎如貓心不為功力
不勞功成畢竟藏諸鞘肯將割肉供君庖縱教埋沒不
復用終使神光夜燭牛斗高

萊菴先生歌

先生姓周字敬修
芝川人隱君子也

野古集卷之上

三

先生雅志樂田野結屋東皋事耕稼不比當年捷徑人
暫託終南待高價不憂丞相嗔不遭官長罵不騎馬旁
人門不低頭出胯下白梅翠竹繞屋栽歲晚吟觀樂清
暇粗衣糲食飽煖休容膝茅茨只三架窗前書卷聖賢
心林下漁樵今古話一出一處聽自然一死一生隨造
化從今寄語郭景純莫為顏舍占易卦

觀梅圖

先生雅操如冰玉不愛繁華愛幽獨有足不踏公家門
有口不食非義粟卻來山水最奇處賸種梅花搆吟屋
霜林雪筵常獨遊竹杖芒鞋巾一幅疏影暗香詩一聯

千年膾炙無人續鶴骨久仙吟夢寒畫圖尚爾清人目
君不見湧金門外西湖邊花柳富貴人爭傳年年二月
三月天士女嬉游多豔船望中一點青青然為識先生
名更妍

山居讀書圖

先生好遞藏幽谷考槃自樂忘榮辱朝看黃鶴天際飛
暮見白雲簷下宿霜後班班柿葉紅雨過青青書帶綠
螢窗雪案聖賢書不惜勤劬終歲讀每當心領神會處
如見孔顏真面目信知名教有樂地何羨輕裘與梁肉

飢鼠行

野古集卷之上

四

燈火乍熄初入更飢鼠出穴啾啾鳴嚙書翻盆復倒覓
使我頻驚不成夢狸奴徒爾誇銜蟬但知飽食終夜眠
癡兒計拙真可笑布被蒙頭學貓叫

續白額行

白額白額猛且雄居然據我林之中白日出林取人食
餽口大開如血紅搖頭掉尾似得意流血滂滂無慘容
遂令自古南山下大道盡日無人蹤一朝忽與獵夫遇
密網弮弓遶林樹白額計窮無所逃四足如豚將去
雖然搖尾乞人憐積惡過深甯汝恕卻憐三四假威狐
遁跡潛形在何處

稽山送別圖爲陸則明賦

越山青青越水白
自古來勝景多遺跡
離人話別不勝情
往往圖之贈行色
陸君來此成清遊
行直上稽山頭
若耶秦望翫未已
興盡忽泛山陰舟
盍簪士友遠相送
爲寫新圖託規諷
倦倦忠孝遺相期
此意須知愛君重
君今快著祖生鞭
明年應轉東南轅
擬沽濁酒候江上
共拚一醉春風前

瘦馬圖

有馬生來異骨格
老病多年伏槽櫪
皮肉消盡精神衰
無復長驅騁材力
憶昔爾當雄壯時
一食或盡粟一石

野古集卷之上

五

鞍轡旣被不著鞭
千里修途如咫尺
安知今日乃如此
欲比驚駟豈能得
有時自悼一長鳴
奴隸無知謂求食
殘芻敗草隨意與
半飢半飽度朝夕
哀哉爾馬誠可憐
伯樂無人誰汝惜
生時識者旣寂寥
死骨豈復千金直

老鶴

骨節稜稜冰玉清
羽毛翩翩霜雪明
不隨神仙去紫府
與我共結林壑盟
甯甘飢渴守我分
飲啄肯與羣雞爭
竹間花外每獨步
風前月底時一鳴
有時向我展翼舞
似欲和我吟詩聲
君不見弋媒徇食良
可恥衛國乘軒
何足榮願言與爾
共卒歲不必雲霄馳遠情

雲鳴歌

白雲閒似白鷗閒
鷗在清溪雲在山
道人家住溪山閒
日與雲鷗相往還
雲無期兮鷗不約
自信溪山有真樂
好爵未足搜我情
俯仰雲鷗無愧怍
雲耶鷗耶不可忘
等閒爲爾開壺觴
醉來雲散鷗亦去
一榻清風夢正長

題畫竹石寄馬字昌沈養明

并敘

二生於余有從游之舊
別久不能爲情近陳羽伯
以寫竹石見遺因賦此寄之

野古集卷之上

六

國風興淇竹易絛云
介石我思千載人
時能踐其跡武公之德
不可忘周公之辭何孔章
乃知在意不在畫無
盤底須脂粉妝
馬生沈生我澁籍
頗知好古循規則
椎鑿不斲太古心
霜雪甯凋歲寒色
別來又見秋風涼
相思之情江水長
爲書古道用相勉
願視竹石同羹牆

自題畫像并送康友竹歸慶安

十年不見康友竹
一日客裏驚相逢
江湖落魄總相似
生意不殊心喜同
爲施丹青造化筆
寫我山林枯槁容
鐵冠布衲草爲履
抱琴瘦僕行相從
寒風兩鬢吹蓬鬆
雪中古木霜中鶴
風流敢託歸來翁
一團清氣蟠心胸
功名不羨裴鄒公
莞爾一笑浮雲空
今年五十已過二
六十相將在眼中
君今還西我歸東
一歎一散眞萍蓬

他時何處可得復相遇爲我添畫尋詩節

送琴士吳先生南歸

先生犖犖真奇士瑩若冰壺貯秋水茫茫宇宙一聞身
南北東西任行止平生知己只桐君出入與俱忘汝爾
每逢佳境得幽趣帆發長歌奏清徵南窺禹穴抵吳宮
洗盡少年箏笛耳先生所口清如此凡塵不受纖毫滓
卻視營營世路人一口何殊負塗豕我從南園一見之
笑談如在春風裏金蘭口分卽弟兄交親何必生同里
君今別我爾東去□□後□□可擬倘勞雲樹寄相思
會向江頭候片紙

野古集卷之上

七

題朱舍人畫南軒放鶴軒壁墨竹

郎官歸自絲綸閣醉向高堂寫林薄修篁挺挺石蒼蒼
細雨濛濛煙漠漠坐令咫尺見千里信爾胸中有丘壑
南野老人真好奇舉酒屬客要題詩座中英彥六七輩
文彩照耀光陸離文雄畫妙兩絕作悅目洗心良可樂
吁嗟老我篤鈍姿浪迹江湖久淪落邇來謬據西齋榻
知已歲寒欣有託清風明月幸平分時得吟觀伴孤鶴

懷東莊

我家瀟灑同三徑車馬不問塵土淨白雲流水互濛回
翠竹蒼松相掩映魏有新醅架有書果蔬自足供盤飴

老妻甘與共清貧勸我不須干趙孟十年作客南野堂
麋鹿未忘山野性倦倦雖樹故人情食粟每羞才不稱
西風昨夜動林柯浩然忽起歸來興殷勤爲我報東君
好著梅花待吟咏

謝孔昭畫山居讀書圖爲存誠賦

大山峩峩氣凌風小山拱揖如賓從流泉一派入溪遙
古木千章含雨重碩人自愛考槃樂風光不減元公洞
盤中首蓿長闌干松葉醲成香滿甕詩書萬卷聖賢心
一生自足供我用世閒名利等韃鎖豈肯垂頭受羈鞅
不到城中知幾年稚松尙憶移根種憐渠世路苦奔馳
得失總成蕉鹿夢我生雖久在樊籠每向江湖羨鱗縱
明當拂袖賦歸來風月煙霞幸分共

觀泉圖

蒼壁倚空如削鐵一帶寒泉噴飛雪只疑天上漏銀河
萬古千秋流不竭若有人兮清且狂平生泉石存膏肓
科頭箕踞翫不已塵慮一洗無毫芒老我飄蕭同野鶴
稅駕每懷山水樂願得相從杖屨閒濯纓濯足隨清濁

梅花三公圖爲龔紱朝美賦

何人善寫生下筆極精妙一枝早發擅魁名三鳥安棲
得公號點染雖人爲活動等天造應知寓託有深意不

野古集卷之上

八

作織奇趣時好之子嗜文學致澤期遠到一朝無心得
此畫無乃開先露機兆鼎鼎調和時冰霜歲寒操願言
有志事竟成吾輩宗盟幸輝耀

詠紙被

紙衾方幅六七尺厚輒輕温膩而白霜天雪夜最相宜
不使寒侵獨眠客老夫得此良多年舊物寶愛同青瑣
不論素纈出南海豈羨文錦來西川受用將圖此生過
爭奈義孫要與阿翁相伴卧阿翁夜夜苦了甯莫學惡
睡驕兒輕踏破

織機娘詩

野古集卷之上

九

織機娘織機娘豆花離落風露涼連宵織得幾疋布一
疋不知知多少長豈知東家新婦性拙慢惟解貪眠飽餐
飯生憎爾曹咿吶不肯休看渠晚歲衣裳問誰辦

風狗行

風狗風狗名爲狗舌吐涎流尾垂曳狂奔迅走不知歸
惡勢橫行無所忌行人萬一爲渠嚙失療死亡知必至
鄉村城市一經過誰不丁甯戒迴避白日都忘戀主心
黑夜全無防盜意必當爲人擊死棄中流惟益終無可
埋地

詠湯婆長句寄談勿菴勉之共發一笑

歲晚江鄉雪盈尺小齋不禁寒氣逼先生獨卧不成眠
兩脚渾如水中石今宵何幸得温温伸去縮來隨意得
非關被底別藏春深藉湯婆有餘力此婆生來名阿錫
紡織無能有潛德緘口何曾說是非謀身不解求衣食
寂寂無聲伴到明不作驕癡取憐惜君不見此婆有妹
名青奴骨格玲瓏如姊默不容暑氣侵肌膚亦與先生
舊相識只因寒暑不同時棄捨塵中倚空壁

野古集卷之上

十

研蒙大淵獻且月

崑山趙詒琛重刊

龔安節公野古集卷之上

龔安節公野古集卷之中

對樹書屋

逸老龔詡大章著

後學李繼貞散尹選訂

龔氏八世從孫挺較輯

七言古詩

甲戌鄉中民情長句寄彥文布政

景泰五年甲戌歲正當南畝耕耘際忽然驟水漲江湖
洶湧浩漫良可畏更堪滂沛雨兼旬大岸小塍俱決潰
田家男婦救忙力竭氣窮無術備沈竈產蛙雖古聞
今實見之非漫記東鄰西舍咫尺間無舟不得相親慰
况逢缺食方阻飢女哭兒啼割心肺哀哉此情當告誰

野古集卷之中

一

上有青天下無地悲悽暗鳴無一言兩眼相看只垂淚
官倉儲積豈無粟有司吝出半封記千年汲黯今無人
誰與皇家壯元氣縣宰懼難伴風顛飽食閉門經月睡
一朝謀定人不知半夜攜金遠逃避郡侯坐視付不知
但挾娼優口酣醉徇私掘去抵湖堰橫流自此無能制
甫差周倅問疾苦搜去白金如土塊府公唯責舊負通
不問蒼生問魚鱸按察徒懲小小疵曲徇鄉情舍姦弊
便宜太保幸見臨香火滿城人鼎沸羣姦媚事靡不爲
潤浴都將布衣纈令行雖僅免輕徭薪米從茲價增倍
勸諭賑給浪得名偽錢糶糶成何濟雖擒妖人許道師

多少無辜枉遭累一夫一婦皆王民鼓弄如何等兒戲
昨來輕發激變語聞者至今猶戰慄功能人苟得專殺
法律底須存八議萬一有失忠義心宵吁深憂豈微細
乃知不學無術人隘陋終同斗筭器婁城老卒張文翔
不忍儉邪肆欺蔽片言出口禍即隨從此無人觸奸吏
只今所在皆凶荒未必不繇斯道致朝廷若不懲此曹
無日可回天地意嗚呼我民今年性命已難保明年豈
有全生計老夫殘喘不足惜橫死深哀後生輩昨夜虛
齋聽雨眠轉輾不能成一寐起來賦得民情詩惠政思
君錄相寄

野古集卷之中

二

右拙作奉寄彥文布政賢姪相公庶幾得審鄉
曲真情非敢招人過也此輩無活人手段但有
殺人手段是詩萬勿示人毋使老拙復作張文
翔也然老拙餓死有日恐不久於世他日歸省
之餘幸致一樽酌我於溝壑中耳是年六月望
日因人便書此以告別

歸自雲間道經澱山湖與竹莊同賦

澱山水深清到底俯視魚蝦遊鏡裏老夫偶此棹孤舟
不是鴟夷載西子往還不覺數日留三泖九峯都遍遊
船中有酒有知己不醉忍使湖山羞與關我欲婁城還

回首馬鞍金碧堆未知何年復到此重與湖山酬一盃

山亭鼓琴圖為顧宗術賦

嘈嘈市喧不到耳袞袞省那經心悠然獨坐草亭下
一曲為鼓瑤芳琴瑤芳琴傳太古不比近來新樂府予
期去後誰知音高山流水元無譜

丙子夏秋苦旱呈鄭明府

北山有雲不為雨南山有雷空作聲田疇龜裂稻苗死
農夫日夜形哀鳴前歲滔天遭大水去年疫癘人多死
甫能今歲可圖生旱魃為災又如此嗟哉我民何罪愆
羅茲荼毒連三年老夫作詩問造物天平天平何以然

野古集卷之中

三

題 戎士討賊鷓鴣天詞後

有元叔 維絕天狗下舐生人血草萊隨處起戈矛
人命輕如 山中雪姑蘇城東淞水南有魏佛廬名福殿
中潛禿 二三輩怒噓毒氣光炎炎時逢毅哉葉君子
不是世間文墨士智謀勇烈出萬夫竟取凶狂付殊死
一從歌罷鷓鴣天民方帖席得安眠至今聞者比昨日
毛髮如竹猶森然春去秋來百年久精爽不隨骸骨朽
玩寇高駢劉巨容地下相逢忸怩否絲來五世得賢孫
善保忠孝弘家門人見黃河浩浩入東海誰信發源萬
里來崑崙 五世孫與中
守獨石有聲

庚辰苦雨謠時五月至六月陰雨兼旬所在禾苗

漫沒殆盡憂民感時殊無好況不能措一辭以

寫悶六日僅得片時晴霽七日又雨為作此謠

重重疊疊陰雲凝疾風驟雨常淋漓橫流瀉晝夜響
不息大厓小岸日欲傾倒無能支為問天公如何不肯
暫時霽得非恠我噤口不作詩老夫今日作詩矣天公
自合生歡喜早賜陽光照四方丁甯農夫作急為我車
出田中水爛苗或有迴生理但得官租不負民不飢敢
惜妻孥飽糠粃

續賦苦雨謠

野古集卷之中

四

今日雷明日雷雷聲未絕雨即隨五月初旬作雨始六
月中旬猶未止田中水增五尺高南風吹作如山濤更
堪海潮挾湖水衝盡岸塍無可抵嘉禾萬頃爛根苗百
姓寸心如火燒晝夜踏車取餅苦不憂播破牛皮鼓天
公倘有哀憐心太陽早賜驅羣陰不然我民必當死天
公惻隱何安此我今粗述民間風願達仁明太守公濟
時肯布萬全策我民感激情何窮

王君澤以白疊扇求詩

王郎手持白疊扇過我草堂求作歌鄙俚豈足道直與
巴唱吳歌爭不多此扇骨格能抱節配以楮生如玉雪

卷舒自我付等閒用舍絲人不須說冬則守寒歸篋箚
夏則招涼解炎熱君不見齊紉出入君懷袖晚景可憐
中道絕我歌此扇止於斯莫羨團圓似秋月諸君諸君
聽我歌昔人解此唯東坡一朝飽喫惠州飯富貴一場
春夢婆

題山居讀書圖

寒泉古木山之隅塵土不到幽人廬清風一榻酒微醒
坦腹自讀羲皇書門迺蕭然寡輪鞅易安隱約柴桑居
平生心迹許誰共展圖令我思歸與君不見諸公衮衮
登雲衢車馬甲第爭紛如無勞肉食已自愧進退况復
懷次且又不見百年光景過隙駒邯鄲一夢俱成虛彼
常不足我有餘冥鴻高舉誰能拘

姑蘇夜泊

闔閭城西越溪北扁舟夜泊官亭側人家燈火亂明星
二鼓市諠猶未息衰翁輾轉不成眠歷想山川感今昔
賢愚成敗非一人後世徒能記遺跡城頭烏啼霜氣寒
江心水澄月色白沾衣幾許牛山情都付漁翁一聲笛

追賦陸烈婦歌

烈婦沈氏琴川人夫死自盡繇其家世貧賤無
人齒錄鄉人張有定爲余言之故爲賦此

野古集卷之中

五

野古集卷之中

六

陸家有子賤且貧一生家住琴川濱唯能擊鼓與吹笛
更無餘策堪賣身其妻本是田家女目不知書心卻古
蓮頭垢面破衣裳樂與夫君共甘苦夫君卧病忽經年
瓶無粒粟囊無錢晨昏何以給餽粥一飽十飢誠可憐
眼中骨肉猶行路況彼鄉鄰肯相顧徬徨懷楚只天知
嘔嘔更無人可訴一朝乞得斗升歸濟急庶以全燒眉
不道抵家日將暮夫命已逐殘雲飛躡地號天幾絕氣
祭畢隨將死相繼誰知村落婦人心有此堂堂真節義
老夫聞此十年餘每歎丈夫多不如芳名未免久湮沒
春秋大筆何人書君不見豪兒剝民恣封殖輸穀公門

僅千石如何反得義民名華表旌門炫金壁時入粟得
名義民旌

爲周德元題陳如隱畫梅

若人情氣蟠胸次素與梅花共心事荷托松滋與管城
寫出孤山早春意不知前代有華光自許今人無第二
千花萬蕊信心手妙處不緣香色泥君不見逋仙宅畔
一枝開雪凜風寒見高致誰知清曉角一聲已醞商家
鼎中味

題印上人所藏趙子昂楊廉夫二公墨蹟卷

馬鞍之山殊峭拔秀麗蒼然壓吳浙暮靄朝嵐聳畫屏

古檜長松挺高節豈無超然出塵土託跡幽深守孤潔
林泉賴此增光輝不負清風與明月吁嗟世變罹兵戈
一時盛事隨消歇蒿萊滿眼鎖寒煙牛羊就牧狐狸穴
見山有院人不知一記惟存趙松雪孟張屬和久寂寥
膾炙幸聞仙伯鐵二公自是文場豪墨妙詞鋒總奇絕
月潭何處得此卷寶愛深逾古環珞老夫爲爾賦長歌
待補山中名勝缺只疑二老冥冥中撫掌相看笑粗拙
禿奴詩戲寄沈誠學

東村二八張小姑鬢髮油油如漆烏朝朝不惜五更起
對鏡千梳并萬梳爭似吾家阿奴禿落落數竿剛後竹

野古集卷之中

七

一生不費膏沐資日出酣紅睡方熟君家有婢亦如此
何幸少年猶有齒夜寒聊取代湯婆殊勝當年玉川子

題阿翌寫墨梅

翌生寫梅不寫迹不用胭脂唯用墨乃知鐵石歲寒心
妝點何須事顏色君不見牝牡驪黃付等閒無鹽應笑
西施白

梅花莊詩爲朱明仲賦

先生卜築吳城山贖種梅花繞吟屋自期歲晚供詩料
豈慕平泉與金谷花開時節天正寒雪花亂灑迷林樾
杖藜引鶴飽幽翫不與梨雲同夢看歸來袖手寒窗坐

石鼎有茶爐有火神交不覺兩忘情誰是梅花誰是我
自述和沈誠學壯遊詩意

先生卜築江之臬屋廬歲久渾無茅薄田數畝書一束
耕耘誦讀忘疲勞旁人笑我謀生拙不道胸中蘊奇絕
幾多明月與清風一一難將向渠說年去年來春復秋
隨宜無喜亦無憂眼中富貴等螻蟻一點不使靈臺留
風雪行看歲寒至破褐從教露雙髀待得春來生意迴
還我一身和煖氣

爲彥中題畫

青山之青如佛頭白雲化作寒泉流世閒塵土飛不到

野古集卷之中

八

眼中景物俱清幽若人自是好靜者豈非五柳先生儔
每托琴書寫高興脫屣樂從魚鳥遊卻笑時人苦不達
但知聲利孜孜求無異貪程夜行客漏盡鳴鐘猶未休
君不見小虞塘西玉峯下一巷已遂吾菟裘共論心事
肯相過斗酒當爲山妻謀

採桑曲

桑柘雨晴如綠雲誰家女兒茜紅裙採桑織織露玉筍
低首不肯觀使君採之採之弗容緩爭奈筐深未能滿
只愁歸晚正蠶飢不道使君欲腸斷

偶題逸老菴

居臨流水繫紆門對青山突兀兀四時風月雲煙總是吾
家舊物但知安分休休不作書空咄咄且喜盈樽有酒
何羨滿牀堆笏君不見朝來簷日煖融融笑看梅花坐
捫螭

題王樸菴隱居圖

王君隱居臨漆浦物雅風淳真樂土杖履時來看故人
滄浪日聽歌漁父盡力耕桑事衣食飽閱詩書驗今古
老夫平日荷知己放棹頻過竹梅所王氏琴樽動輒數
日留忘卻人間有官府憶昨別君滄浪邊東西魂夢勞
相牽時馳歲去已堪惜物在人亡猶可憐賢郎孝友出

野古集卷之中

九

天性對此遺滯號蒼天點隨淚落樹梢雨聲助嗚咽山
中泉我今看畫題一篇含愁閣筆增悽然無絲得與同
遊賞鶴歸華表知何年樸菴昔以此畫求詩留余坐久
矣不幸而卒聊賦此寓哀悼云
續鐵心行

男兒心腸硬如鐵婦人讒言如火烈置之爐冶鼓風煽
須臾硬鐵柔如線長鍼持出砧砧上火星四出誰能向
一椎重兮一椎輕聲聞遠近錚錚鳴椎後復燒燒復椎
或鉏或鏝隨手成乃知男兒有慾心易輒豈能不感常
保骨肉之深情我願丈夫心如金莫如鐵一迴鍛鍊一
迴堅彼火灰寒自當滅

寓意

天上雙星有常處夫爲牛郎婦爲女東西相望自年年
只隔天津一泓許耕田匪易織亦勞不得從容相慰語
傷心一掬淚如珠灑向人間作秋雨

竹枝詞

朝見浮雲飛出山暮見浮雲飛入山浮雲自是無心物
耶既有心何不還

題雙松圖

豫章榭枿中梁樞未免匠石斤斧尋嶧陽桐梓作琴瑟
塵匣空恨無知音何如君家兩松樹飽含風露垂清陰
輪困雖不獲世用老氣自足雄山林長空六月灑蒼雪
清絕不受塵埃侵夜來月出東山岑影落萬丈寒潭深
道人大醉發長嘯直疑驚起雙龍吟

野古集卷之中

十

五言律詩

客中秋夜

仲秋纔十日此夜已三更蕉葉兼梧葉風聲雜雨聲故
園初斷夢逆旅未歸情無那庭階下蛩音響到明

寄陳存誠

南野先翁業東皋素隱亭玉森三迳竹翠展一池萍水
接清源活山鄰古洞靈舊遊憐別久深荷眼終青

碧鮮常封逕紅塵不到門處卑謙德厚用拙道心存制
作追前古窮探到本源每思燈火夜時得耳高論

民風

潮挾兼旬雨登時水橫流鯉從牀下躍鷗向枕前浮措
手知無地將何望有秋野翁如杜老日夜爲民憂

題西疇草堂

閒人無俗事幽境有清娛樂與禽魚共情隨草木俱琴
樽花外席茶筍竹閒厨世路輕肥客相逢莫問渠

七言律詩

吳淞漁隱爲陸大用賦

野古集卷之中

七

故人家住吳淞上不著羊裘只著蓑紅蓼白蘋隨處泊
清風明月任情歌鬱林有石家聲舊甫里無官野興多
昨夜秋風吹客夢問君鱸膾味如何

新秋

夜來絡緯知秋早一片新聲出櫺籬鱸膾夢迴無限興
羅紉題就不勝悲思親腸斷雲飛處憶友心推月落時
無奈江山苦留客故園歸計尙遲遲

設興

辛苦寒窗理舊編不知黑髮變華顛壯心日就如灰冷
瘦骨年來似石堅詩句偶成還自和酒杯得趣與誰傳

功名事業君休問都付青春美少年

秋興二首

井上梧飄一葉秋天邊復見火西流炎威乍熄人皆喜
寒氣方來我獨憂及早好修江上屋趁時宜補篋中裘
卻憐兒輩疏狂甚攜酒方登賞月樓

眼底年華次第過此身未老鬢先皤形容憔悴已如此
事業蹉跎將奈何德薄敢辭知已少患深轉覺一身多
秋風忽起江東興謾託尊鱸發浩歌

和唐陸龜蒙鷓鴣詩

自是禽中隱逸流雕籠衛似舊汀洲菰蒲夢憶雙飛曉
雲水愁憐一望秋素質豈招今日累文章翻致此身營
他時倘獲山淵惠好學高飛海上鷗

野古集卷之中

七

訪倪道士不遇因寄以詩
芒屨竹杖阜綸巾來覓煙霞洞裏人何處去尋騎鶴侶
山陰負此好鴉賓風飄桂子香逾遠雨洗苔花色轉新
爲寄短歌申後約不妨多釀甕頭春

季仲怡江上閒居

白沙翠竹淨無塵歲晚棲遲寂寞濱小艇繫門輕似葉
鮮鱗出水白如銀兒童笑語能留客鷗鷺分飛不避人
我亦未除山水癖載書願結米家鄰

謾興

草座麻衣首猶盤雖貧未足善清歡
堦前嫩草抽書帶溪上新篁長釣竿
陶亮日從親舊樂龐公獨遣子孫安
閉門著得書盈篋未許旁人得借看

竹林深處為九我賦

知君素抱歲寒心晚結茅茨向竹林
書幌色侵蒼靄重釣船陰鎖綠雲深
溪山李白三杯酒風月嵇康一曲琴
自欲杖藜時直造囊中恨乏買鄰金

九我欲買山結室以贈賦詩初之

問山屹立幾何年閱歷應從太古前
巖穴晦明遲旦暮

野古集卷之中

三

松蘿濃淡任雲煙昨看猿鳥迎新客
今見狐狸卧舊阡自信命非金石固
不勞重費戴符錢

述懷一首

自歎微軀一羽輕去留無定似遊僧
病隨春草年年長愁逐秋潮夜夜增
定省久違思老母心胸日塞念良朋
何時得泛歸吳棹重讀父書親夜燈

丙申九月十六夜寓琴川客館夢亡徐氏女兒

月冷霜悽夜未終偶然相見夢魂中
從容尚說平生話清瘦還如舊日容
生死固知難再會幽明何幸得重逢
覺來無語空垂淚恨煞穿雲曉寺鐘

張楓復先生哀輓二首

昔年幸獲叨文會今日那知死別離
我輩正懷瞻北斗先生何忽跨南箕
摛人誰施囊中藥傳世空遺篋裏詩
道路行人盡流涕況予深荷叔牙知

先生德業超流俗遠近咸推君子儒
蜀郡未消司馬渴彭城已發范增疽
雖無好箭書華表卻有芳名照海隅
今日九泉歸葬處淵聲嗚咽助欷歔

寄俞處士

湖海歸來味道腴甘心寂寞卧衡廬
玉堂金馬無新夢竹几芸窗有舊書
方寸淨圓秋月似一身閒逸野鷗如

野古集卷之中

西

歲寒老我思三益正恨離羣久索居

寄寫竹金端石

湖海聞名已有年欲求識面苦無緣
每於筆底觀秋意已信胸中有渭川
萬籟起雷思老可一枝垂露想坡仙
草堂久矣無顏色願乞飄蕭數葉煙

雜興

歲晚歸耕學老農無拘無束甚從容
詩朋酒侶時時會收豎漁郎處處逢
風月每耐清晝夢塵埃不挽綠苔封
有時醉顧山妻笑我欲唱歌卿和儂

送羅孟維歸越中兼柬陳止菴

論心未盡又分襟唱徹離歌酒護斟杖履數陪尋往蹟
鄉關無那促歸心楓林晚映煙光薄江水秋涵雁影深
他日相思隔吳越便風須寄短長吟

夜宿淮雲寺二首似用上人

朝來玉阜向芝川暮轉婁城百里懸僮僕識我心留悼苦
馬知人意不須鞭青青隴麥迷殘照鷺鷥江村鎖夕煙
再到淮雲星月爛扣門驚破老僧禪
偶來借榻淮雲寺愛爾禪房事事清煙穗繞屏香漸熟
雪花浮鼎茗新烹蘿窗有月還生白簷鐸無風或自鳴
他日遠尋蓮社約也須沽酒慰淵明

野古集卷之中

圭

秋日苦雨

九日江皋秋向深農家刈穫苦多陰誰知此日祈晴意
卽是前時得雨心野鳥正呼泥滑滑途人方歎水泔泔
何當盡掃頑雲翳獨使陽烏普照臨

詠松

亭亭獨立秀穹林得地何愁棘棘侵老節定經千歲久
直相應透九原深塵埃不染憐渠貌風雪難移信此心
卻怪祖龍封爵汗不平時作怒濤音

農樂軒爲陸安道賦

耕耘雖苦非爲苦貧賤堪憂未足憂老婦一生甘食糞

稚孫十歲解騎牛官租已畢知無事鄰社相邀慶有秋
絕勝眼中金與紫施難免乞墦羞

趙氏雙桂軒

趙公二子美無度雙桂名軒擬弟兒已信結根同得地
更憐交葉總含清肯隨桃李爭顏色要與松篁一性情
笑煞田家紫荆樹卻從憔悴復重榮

寄懷袁兄

雙丸遞走疾如梭老色駸駸可奈何白髮盡從愁裏得
青春都向客中過壯懷久息營爲懶往事難忘感慨多
珍重故人知我意停雲回首付悲歌

野古集卷之中

夫

郭公輔輓詩

古其樽酒憶相遊瞬息那知往事非生死可憐容易別
交遊轉覺老成稀謫仙此日騎鯨去丁令何年化鶴歸
老眼一泓懷舊淚隨風散作雨霏霏

和寓巷登山韻

情親酒旨復餽佳又煮蒙山石上茶黃菊臘開如有意
青山無價似容賒狂歌感舊聲逾激醉筆題詩字半斜
歸臥草堂成一覺已無魂夢到京華

遊南園

最愛南園風致好不妨日造兩三回設燒玉版供茶椀

旋網銀梭薦酒杯清興豈因春去減新詩不待雨來催
自憐南北東西客可得長叨杖履陪

宿姑蘇半塘寺贈覺師

平生不到半塘寺今夕方來借榻眠水綠山青塵外境
風清月白兩餘天穹碑三復知前事廢業重興憶老禪
珍重覺師能繼武不教松檜滅雲煙

和張文翔在獨石見寄

文翔講翼太倉人
時為言事被請

長思遠道正綿綿南北睽離思慘然明月照人千里共
愁雲迷目萬山連恨孤慈母衡門倚痛念難兄白日眠
我亦為君知所戒唯憑一點免招愆

野古集卷之中

七

送張先生辭順德館西還

春雪初消柳尚疏行人揮淚問前途
返哺空歸月下烏歲月無情雙鬢老乾坤有恨寸心孤
交情付與涓溪水相送歸舟過向湖

歸自琴川春暮偶成

一身南北勞奔走不覺眼中三月殘水流花去送春色
風挾雨來生晚寒飲食小民方困苦髮時野老正辛酸
聊成短述歌時事或備風謠得採觀

移家小虞浦上一首

清風明月小虞濱鶴髮蕭蕭一老身
自信胸中無一事

得居林下作閒人無錢無粟未妨樂有酒有書誰道貧
滿野閒花并野草無非都是自家春

歲晚移家寂寞濱茅菴一箇僅容身昔為風月舊交友
今作溪山新主人白髮被肩渾忘老清霜到骨不知貧
年來學得邵康節拍拍滿懷都是春

陳氏印溪書堂

時琴川陳公範為
師甚方正博文

印溪源委遠而深溪上書堂隱竹林日究周情并孔思
時鳴點瑟與回琴千之自得為師道中國能全愛子心
舉世不知慈大小惟圖厚積滿籬金

寄張文翔

野古集卷之中

末

一自婁城別醉顛嫦娥不記幾回圓放舟久負青龍
名約對鏡空悲白髮年既賀晚成楊子宅不圖先著祖
生鞭肯來逸老菴中話當問再狂學借酒錢

夜歸東莊

夜來鏡棹返東莊遙望東莊道路長書畫滿船風與月
兼葭兩岸露為霜荒雞遠唱如人哭潮水東歸似客忙
更念田家勤苦甚晨炊燈火已煌煌

歸自海上

久別故人邀酌杯趁潮遙自海濱迴風吹簫葉響如雨
浪打船頭聲似雷友病尚淹勞夢想詩成未穩費敲推

候門稚子正相望極目馬鞍金碧堆

甲戌民風近體寄葉給事 八首

疫癘饑荒相繼作鄉民千萬死無辜浮屍暴骨處處有
束薪斗粟家家無只緣後政異前政時改周致得今吳

非昔吳寄語長民當自責莫將天數厚相誣

昨過任溪南北村百家能得幾家存春秋日暮常愁餓
父母妻孥半病瘟荇粉磨成連濁土榆皮剝盡到深根

相逢無復人形狀兩頰何曾斷淚痕

釜可生魚甑有塵此言今日始知真極貧只爲無極業
大患皆因爲有身願義恥隨偷作伴惜名樂與死爲鄰

野古集卷之中

九

西風昨夜催寒信來殺街頭多少人

賦得田家苦楚吟一番歌詠一傷心妻孥命賤等黃土

薪米價高同白金四隅常有盜賊警百里寂無雞犬音

相逢父老歎頭哭淚滴洪波到底深

自憐鬚髮白如銀不道今年遇此迥數畝薄田俱付水

百般老病盡隨身念渠漂泊無家者與我同爲失所民

終夜憂吟聲不絕半因憂已半憂人

一經水旱便流離風景蕭條思慘悽到處喚春空有鳥

連村報曉寂無雞頽垣廢井荒蕪宅垢面蓬頭瘦損妻

更有社公同寂莫年來不復享豚蹄

驟雨狂風日夕并海濤奔湧勢如城一朝稻付深淵沒
不復人從大道行官府乏儲難畫策田家無計可求生
老夫亦是溝中瘠莫怪歌聲似哭聲

田疇不見見江湖煙火人家大半無薄熟豈能周晚歲
實徵安得副官租豈素解矜民瘼奏賦終能達帝都
昨日喜聞停免政不憂鞭撻爛皮膚

千墩夜泊上鄭明府

扁舟夜泊千墩浦耳內都無雞犬聲到處試從村老問
無人不須宰官清一年秋賦相將畢兩月春田次第耕
惻隱願加時賑給莫勞安撫問民情

野古集卷之中

三

陳安止孟東曉詩

幸接芳鄰並早孤如魚同隊長東吳余時遣作通逃客
公已高登貴顯途故里菊松三逕在歸舟囊裏一錢無
澄思七十年前舊淚眼何曾爲老枯

送郁老友歸芝塘

細雨弄晴三月天故人辭我歸芝川橋頭燕子語留客
溪上柳花飛撲船小姬拍案調新曲野老揮毫書大篇
沈誠學 最是落紅如惜別隨風點點墮樽前

春江別意圖送友人

江上春風拂柳絲畫船拋鼓送君時壯行賴有詩盈軸

拚醉何辭酒滿卮風月自今勞遠夢溪山從此起遐思
交情別意知多少惟有青山贖得知

過虞家宅

廿載流光快擲梭虞卿宅畔重經過白頭野老都成鬼
紅粉村娃總作婆官賦孰如今日重人家不似舊時多
夕陽野草花橋路不覺徘徊發浩歌

送王公亮之桂林

春雨初晴春日暄行人話別水西軒一壺易盡辭吳酒
萬里難留適越輟壯志豈愁南海障寸心惟念北堂萱
客中情緒多傷感莫向瀟湘夜聽猿

野古集卷之中

三

寄淮安杜可久可平兄弟

顧我容顏今老大憶君兄弟更辛酸別來十載又廿載
歷盡千難與萬難舟楫幾遭風浪險竹松多受雪霜寒
武陵橋上今宵月千里相思不忍看

題東峯菴爲王庭美賦

東峯境界無塵土華扁未寒前日盟茶話偶來留坐久
功名頓覺等閒輕春風秋月馬鞍山東西二亭名副吟賞夜鶴曉
猿無怨聲主人焚香讀經罷多少青蓮南海情

自況

短髮被肩霜雪如怡然自樂易安居不圖時譽貧辭富

豈謂來生老讀書嘗見一老人年九十手不釋卷人問之曰讀來生書耳無愧自
然成快活多財未必見贏餘眼中役役蝸蠅輩過眼浮
華總虛

送陳說菴先生歸尚湖舊隱

攜取舊書歸舊隱匆匆惜別意如何自憐野老愚蒙甚
每荷先生啟益多客夢遠懸親塚樹鄉心長憶尚湖波
自今良會知何日翹首虞山付短歌

過任陽有感

任水灣灣南北流人家多住竹林幽舊堤不見尋梅舫
遺址空聞夢鶴樓漠漠草萊將薄暮離離禾黍已深秋

可憐當日歡娛地不道今成滿目愁

前此承與中約同諸士友登玉峯弔祭宋先賢衛

文節公祠有感

衛公名德久傳芳祠宇荒涼付夕陽地絕掃除多積蘚
逕通樵牧半無牆不緣著績薰膏壤安得懷賢奠酒漿
流俗但能知詔媚強將夫婦塑城隍

寄淮安陸仲孚

康王宅畔舊比鄰樽酒相違二十春俗態已翻千百樣
故交今失幾多人一般有累丹心苦問是無兒白髮新
若遇便風如見憶離書無惜寄歸頻

送陸德深歸河陽

江上一壺新熟酒，樽頭數卷聖賢書。也知無計留歸棹，未卜何時過草廬。子弟匆匆方惜別，煙波渺渺正愁予。到家暇日遙相憶，尚為先生候鯉魚。

別沈克懋

十載西齋瞬息過，不堪雙鬢易成皤。每驚春雁添歸興，常見秋風發棹歌。久客荷君知我厚，暫違憐我望君多。匆匆莫訝輕分手，爭奈雲人夢何。

別俞景明

多君積學富才賢，文采風流屬妙年。拙句每成勞屬和，

野古集卷之中

三

苦心無訴賴相憐，離樽忍醉江頭酒。別鶴愁聞月下絃，歲晚有情如見憶。雪中當泛子猷船。

和屈季恆寫懷韻因以餞之

季恆詩云青雲望斷吳途窮，白首從戎碧海東。詩酒盟寒嗟會少，田廬業廢嘆囊空。虛名徒爾為身累，往事真成與夢同。後夜相思在何處，海天明月照孤篷。其兄孟東和云念汝情親豈有窮，那堪遙隔海西東。致身雲路知無分，寄迹巢巢嘆一空。花萼庭前徒自好，琴樽客裏與誰同。愁來不覺垂雙淚，長向鶴原望轉蓬。友人袁宗

魯和云丈夫雖困豈終窮，天使丁寬載易東。義重念遺鄉國遠，理明心豁海天空。琴書此日分攜去，詩酒何年復與同。他日老子思誨益，煙波渺渺望歸篷。

渺渺望歸篷

四十餘年吾道窮，一身南北又西東。家山杳杳徒勞夢，事業茫茫總付空。自謂此情唯吾有，豈知今日與君同。題詩不盡相思意，目送悠悠泛海篷。

和安止歸田韻

相逢莫嘆二毛侵，共喜羈禽返故林。因與對牀談往事，不知擊節起長吟。簪纓已果平生願，桑梓今全夙昔心。好約明春真率會，看花酌酒更彈琴。

野古集卷之中

四

吳塘夜泊懷屈季恆

孤舟夜泊吳塘渡，兩岸秋風響荻花。甯海驛潮開畫舫，古婁城戍咽悲笳。兩聲一夜不離枕，客慮萬條都在家。甫睡又成懷友夢，遠隨征雁過南沙。

晚自崑城歸北郊別墅

獨步出城光景暮，村居處處起炊煙。團圓未見月離海，歷落已看星在天。別墅牛羊歸徑遠，汀魚雁下翩。茅茨一點青燈在，知是老妻猶未眠。

和安止秋日見寄

匆匆歲月去如流又見涼風起
荻洲眼底故人年未暮
就中惟我鬢先秋
壺觴謾託耆英會
山水甯辭爛漫遊
聞道北莊饒勝概
宦情得似野情否

送袁兄宗魯入京

少小論交至老成
悲歡離合幾關情
桑榆正擬同幽賞
書劍那知復此行
膝下苦違頭白母
囊中况乏孔方兄
孤鸞別鶴愁無限
謾託瑤琴訴月明

苦旱

狂風日烈迷塵道
不奈爲災旱魃何
病草渴心思化雨
涸鱗翹首望恩波
湫潭靈物空爲禱
田野農夫彊作歌

野古集卷之中

五

若箇解伸探月手
煩君爲我挽銀河

題金崙居爲陳羽伯畫竹居圖次張觀復先生韻

明月清風境界寬
不栽凡卉只琅玕
珥庭除牖有三湘意
枕簟能無六月寒
時見啄苔來縞鶴
每驚拂石舞青鸞
故人詩畫俱清絕
可得頻過一借看

閒居卽事

幽居景物自清妍
入眼經心事事便
暑氣漸消秋近候
涼風欲動雨餘天
庭除千葉舒紅槿
盆盎雙頭吐白蓮
更有芭蕉尤可愛
最宜濡墨寫長篇

與袁葛二兄泛舟至婁東

風滿孤篷雨灑窗
故人同載下婁江
綠疇南北連千畝
白鳥高低去一雙
濁酒任斟那計數
野歌隨意不論腔
紀行豈是無新作
正愧曹鄴淺陋邦

謾成選三

遠慕淵明自把鉏
從渠兒輩笑迂夫
生憐花鳥如兒女
酷愛溪山似畫圖
不飲幸然無酒債
好吟長自負詩逵
年來尙覺疏狂在
折簡應知未易呼

侯門深鎖曳長裾
相府尤慙進謁書
破甕有齏聊當肉
直鉤無餌豈圖魚
清風皓月終歸我
紫綬金章總付渠
謾喜工師求大木
不曾回顧道旁樗

野古集卷之中

五

自愛閒居雅趣多
不容塵土涴松蘿
幽深彷彿元公洞
安樂依稀邵子窩
或武或文燒藥火
非商非徵採樵歌
年來久息趨炎夢
冷笑飄飄赴燭蛾

田家苦楚吟己未秋作

極目滔滔水橫流
不分高壘及低疇
往來客子嗟無路
刈穫農夫恨乏舟
爨下鯉魚聞撥刺
枕邊鷓鴣見沈浮
官家不信民風苦
方擬騰書賀有秋

旃蒙大淵獻且月

崑山趙詒琛重刊

龔安節公野古集卷之中

龔安節公野古集卷之下

對樹書屋

逸老龔詡大章著

後學李繼貞散尹選訂

龔氏八世從孫挺較叫

七言律詩

甯親堂為闕湜賦

事親常欲使親安
子能行世所難既失形聲求視聽
更於服食謹喧寒
設令貽辱性牢養爭似無髮叔水歡
棠棣有詩昭古訓更須同氣好相看

哭金縣丞

名華蕭山人

患難歸來僅兩春
少聞官長愛斯民
適逢被水連三歲

野古集卷之下

十

始見憂時只一人
正是羣黎交頌德
如何二豎遽亡身
老夫雖未沾私惠
公論難忘淚滿巾

並漁圖

方舟何處兩漁翁
滿眼溪山樂趣同
得失總歸談笑裏
功名都付等閒中
鬢毛不是緣愁白
面色常因醉酒紅
去住問渠誰得似
行雲流水任西東

溪行

一溪杳杳通湖沙
兩岸蕭蕭響荻蘆
水鳥傍人來復去
山嵐入座有還無
夷猶望煙波棹黯淡
元暉水墨圖
對此不勝懷感慨
便宜拂袖老江湖

和加寓菴寫愁韻

寓菴詩云荒涼舊業嘆無成
憂患其如百感并
滄海十年鵬遠戍
薄田三月廢春耕
荷衣舊製秋雲薄
蓬鬢新添曉雪明
正是愁懷消不得
更堪牀下亂蛩聲

堪牀下亂蛩聲

底事中宵夢不成
一身無那萬愁并
飄零蹤跡隨蓬轉
澹泊生涯費舌耕
短蠟燒殘寒漏永
慈烏啼斷月華明
年來多少傷心恨
都付梅花曉角聲

過顧玉山舊宅

二首

阿瑛舊宅綽山前
父老猶能話昔年
樓閣儼如真洞府

野古集卷之下

二

主賓渾似小神仙
花時不絕笙歌宴
門柳常維書畫船
肯信只今無片瓦
平蕪漠漠鎖寒煙

當時富貴號無前
屈指絲來未百年
好事主人金粟老
能文館客鐵龍仙
歌兒舞女花間席
茶甌筆牀湖上船
今日我來都不見
數家田舍起炊煙

屈季恆輓詩

東吳南越久睽離
凶問傳來尚可疑
一死果符沈海夢
前季恆常除南海丞此生無復到家時
季方忽動元方
哭管仲空憐鮑叔知
最是數行題壁字
一番吟咏一傷

悲

舟中有作

陽城湖口暫經過沽酒無錢可奈何白水煮魚嫌味淡
溼薪炊飯苦煙多落帆且入三叉港脫險方離萬頃波
東望小橋煙柳外喜聞漁父一聲歌

寄沈誠學

黃童白叟真吾徒田園荒蕪身自鉏不知墨髮變華髮
誰問今吾非故吾時逢知己話半日每對好山傾一壺
世閒萬事不足道醉鄉即是神仙都

登虞山寄朱孟祺

此日虞山試一登四觀佳致翠層層近城市店多沽酒

野古集卷之下

三

傍水人家半下醫紅葉幾村秋老樹白頭何處晚歸僧

分明一段江南意借問王維畫未曾孟祺善畫山水有名

亡內女兄徐氏哀輓

一從夫死誓終天甘守貧寒八十年名姓自期書太史
風聲未肯讓前賢苦心只有孤燈識清夢唯憑獨鶴憐
如此正宜爲世表不蒙旌異爲無錢

芝塘道中卽事

北望寶芝三十里村墟六月雨餘天一灣流水一灣竹
兩岸垂楊兩岸蟬謝老久荒先世宅平章猶記古時田
浮生始悟真如夢一度經過一愴然

王氏玉立亭詩

要君玉立亭子好三世傳來今百年挺挺尙存先氣概
依依不改舊雲煙並當恭敬三槐樹王氏有獨任文章三槐堂
老鐵仙元楊廉夫先生有玉立亭詩今日我來重醉酒不勝瞻仰嘆

前賢

送馮翼夫廣文先生分題得魯橋瞻岱

一肩行李唯書劍北上神州道路長迴還渡沂遵魯望
迢迢仰嶽辨齊疆濛濛欲雨春雲重鬱鬱凌霄晚岱蒼
便好舉身登絕頂曉看紅日浴扶桑

馬鞍山下陳氏故園

野古集卷之下

四

主翁久作黃泉客後事無聞繼者誰奇石總爲他有物
翠萍空酒舊存池野花蜂蝶春遊處荒草牛羊晚牧時
念昔經營良不易山靈應笑世人癡

歸自婁東寄張文翔

憶昨訪君婁水曲輕風寒食小桃開形容客況憑詩句
消遣春愁藉酒盃白髮千莖雖似雪丹心一寸未成灰
交遊獨有君知我都付無言一笑迴

寒家况味詩

三首

迷途役役可哀憐誰悟膏明取自煎花爲可簪遭屈折
草因無用得新鮮分無求外時時樂物不貪奇種種便

從此閉門甘寂寞一囊羞澀任無錢

人道先生貧可憐先生自幸省憂煎詩無俗氣篇篇好

菊有清香采采鮮向友人誠我志折腰兒輩豈吾便

老妻莫管瓶無粟自有韓康賣藥錢

辛勤種植不堪憐齒為辛勤易惱煎瓜瓠及時肥更好

芥菘得雨嫩而鮮傳家枯淡一生樂隨分羹蔬四季便

說與兒孫休羨肉阿翁囊裏素無錢

五言排律

種園有感

憶昔經營始年華已覺衰眾人皆笑晚獨我不嫌遲橘

野古集卷之下

五

記移根處梅思種核時竹松培得所桃李植隨宜夏恐

蒿萊沒冬憂霜霰欺備乾深積水防踐密編籬不俾埋

鉏倦甯知抱甕疲願為經久計恥作苟安期已見花盈

樹行看子滿枝乃知功既至自有効相隨助也徒為害

忘之亦可悲

六言絕句

歸自琴川哀義孫

誰信八旬之老反哀十歲之孫最苦歸來元亮稚子無

人候門

題畫

千尺虬形矯矯四時翠色蒼蒼但見氣雄林壑不知飽

閱風霜

五言絕句

田家詞 選六

積絲方滿寸累尺漸成端持入公門裏何人着眼看

有女年方長其如家食貧鬻為豪右妾不得嫁比鄰

烈日曬皮膚皮膚似漆烏郎君矜白面應笑種田夫

種田良不易盡力費耕鋤入困方為有在田猶是無

縣吏打門急聞聲心膽寒受荆因脫袴露出去年癩

舉網秋江上鮮鱗尺許長丁甯莫輕食留薦里胥觴

野古集卷之下

六

傷田家 選二

布穀催春種南村又北村可憐逃竄盡能得幾家存

布穀催春種千聲復萬聲一身無託處安敢話歸耕

南園十詠為南野先生賦 選二

紅藥翻階

嬌態殿餘春芳名豔花譜樽酒煖風前傲傲為君舞

碧梧夜月

清暉流玉宇繁陰覆金井露警鶴鳴餘先生酒初醒

陳蒙允德東莊八景 選三

悠然處

採菊見南山佳興與心會淵明千載餘高情付吾輩

秋水亭

碧水涵秋空幽花映奇樹茅亭四面開是儂釣遊處

清風徑

自別東莊來歲月易成久披圖懷此君清風想依舊

偶成二首

故人久不來意趣未能愜但見空庭中紛紛走風葉
寂莫歲云暮古樹嚴風號自知非范叔何敢望絳袍

題宋鄭清之畫雙鳥為顧宗術賦

紫翠湖山傍枝頭開雙鳥長憶夢中聞西谿竹窗曉宗術

野古集卷之下

七

別號
西谿

丙子暮春偶成詠落花

雨後殘霞褪風前碎錦飛自知春已去敢恨蝶來稀

為玄明村楊俊齋題周德玄畫

玉笛吹殘夜聲聲太古情美人何處覓霜月正淒清

題小畫二首

我本林下人城市少跡迹有癖愛看山時來坐磐石
山中無俗事林下有閒人我亦無媒者歸來願卜鄰

題畫竹

渴虬迸石出下飲清冷湍想當揮灑處逸興滿毫端

題畫梅月寄淮陰陸仲孚兼柬杜可平

江夜月微明梅花瘦影橫念君千里外多少歲寒情

題雙鵲圖

道人心已靜得失久忘情寄語枝頭鵲無勞送喜聲

題畫小景

古木畫陰陰山高流水深翠苔磐石上誰識坐來心

七言絕句

客中思親三首

才看黃落梧閒葉又見青歸柳上枝慈母鬢毛紛似雪
小兒方寸亂如絲

野古集卷之下

八

江山不阻還家夢筆札難窮感舊愁回首北堂心最切

可憐無計買歸舟

烏母含飢守故巢烏兒折翅墮林皋相呼相應空相憶

夜冷霜青月正高

題畫

竹樹筵筵過雨清沈煙一穗繞雲屏道人無復封侯夢

自讀淨土相鶴經

閒居四景

吾家煙樹水南村盡日觀書靜掩門地僻喜無車馬過

春風生滿綠苔痕

門巷蕭然午睡餘紛紛鳥雀噪堦除明窗淨几無閒事
自錄農桑務本書

偶栽佳菊傍幽泉歲晚泉清菊更妍掬飲撥餐聊適意
不圖卻疾制頽年

林下漁樵平口侶雪中梅竹歲寒交幽居賸得春風力
不放紅塵過小橋

題寫竹贈陳九我二首

記得淇園帶雨移春風又見長孫枝夜來月映南州榻
一段高情孰許知

邂逅相逢酒一樽清風明月滿柴門長安道上塵如海

野古集卷之下

九

不到江南水竹村

題畫

生綃一幅寫煙蘿燕尾蜂腰曲折多最愛小橋楊柳外
可能容我著漁蓑

題畫竹贈袁宗魯

落花飛絮自紛紛歲晚相看獨此君卻憶西齋明月夜
滿窗清影共論文

鸚鵡

身繫雕籠翠羽摧故山千里夢中迴如何性識誇靈慧
不悟能言是禍媒

燕

春風茅舍兩鳥衣花徑芹塘任意飛自與主人相識舊
不唯鷗鳥解忘機

鷺

愛爾翩翩白雪衣水雲深處伴鷗飛不應既出風塵表
猶有窺魚一點機

畫鳥

曉來微雨溼花梢何處飛來拂羽毛正好安棲莫輕舉
野人張網在林泉

梅花二首

野古集卷之下

十

好處非關竹外斜自緣能向雪中華若隨桃李爭春色

縱有清香未足誇

冰雪姿容鐵石腸毅然孤立拒風霜高情卻怕行人折
不放橫枝易出牆

梅實

慣經巖下朔風寒青子纔成已帶酸正味不諧時俗口
未經沾舌已眉攢

趙松雪竹石

舊來王孫元學士草堂心事玉堂身筆端寫出江南意
落日西風爲愴神

101777 / 62777

雜詠

狂瀾萬仞湧銀山坐見傾危瞬息閒舟子慣施僥倖術
滿張風幔意如閒

白髮二首

斗星初轉建寅標已見春風在柳條堪嘆鬢邊新白髮
不隨牆下雪俱消

鏡裏容顏奈老何流光瞬息易蹉跎卻嫌白髮無公道
偏使愁人分外多

墨竹贈陳存誠二首

雨梢風葉夜颼颼長憶溪堂下榻留清氣逼人眠不得

野古集卷之下

十二

吟詩直過五更頭

一別知心幾許時每因風月寄相思定知詩骨秋來瘦
應似霜餘翠竹枝

留侯

已聞赤帝收秦鹿又見烏江別楚猴一點報韓心已遂
重輕宜不較封留

題畫竹石二首

憶移蘭棹過蒼溪溪上天寒日欲西歌罷竹枝風正急
亂雲生處鷓鴣啼

霜清木落九秋天十里寒江暈晚煙記得故人舟泊處

釣竿生在石崖邊

歸婁江

昔年曾住婁江上看到園林幾樹春今日歸來風景異
梅花獨識舊時人

懷季友梅并序

時有司以仲怡博識敦請預修大典訪採物產
地名韓墩有梨風味極美誠異種也仲怡謂收
入郡誌則常歲當貢獻不無貽患百姓遂削而
不書甚愜士論余故于卒章及之

野古集卷之下

十三

人與梅花共歲寒

舉世唯知婦寺忠荔枝與嘆只坡翁羨君識鑑追前哲
敢不低頭拜孟東

雙竹園為陳止菴賦時余歸玉峯是夕寓其館

難弟難兄一樣清襟懷同抱歲寒情夜來醉倚南州榻
愛聽風前珮玉聲

田園雜興選六

十載飄零東復西故園花木總成蹊歸來但覺清貧好
有舌何曾肯示妻

風吹鶴髮短蕭蕭數首新詩酒一瓢愛看前村風色好

不知行過竹西橋

稚子囊書僕抱琴梅花香裏獨清吟人言恰是西湖景

只是先生不姓林

厚味何如淡味長充庖不羨大官羊老妻昨夜挑新菜

釀得黃齏滿甕香

草菴新結傍清溪種得梅花與屋齊結實未圖調鼎鼎

歲寒聊取作詩題

布被稜稜似鐵寒一宵詩夢屢更端覺來愛煞窗前月

送我梅花瘦影看

題畫

野古集卷之下

三

不向東華踏輭紅卻來江上汎孤篷水光山色知多少

都入先生笑詠中

閨怨

枝頭花落減春光遊子歸期正渺茫啼鳥數聲驚夢斷

一庭芳草又斜陽

春來日日望郎歸轉覺天涯信字稀回首又驚三月暮

東風門巷柳花飛

玉容花貌日摧頹夫婿他鄉未卜歸一點妾心何所似

精金百鍊不成灰

陶子巽惠扇以詩酬之

昨荷絨書問起居清風一筆意何如報瓊只有言相贈
燈火新涼好讀書

夏暑

一寒一暑自循環無伐天和付等閒卻笑世人因苦熱

就涼爭欲倚冰山

題畫

每憶家山樂事多小橋煙柳蘸晴波只今已辨歸休計

問字誰當載酒過

秋況

歲晚天寒木葉稀做廬無恙尚堪依如何苦戀魚羹飯

野古集卷之下

四

孤負黃花待客歸

秋日寄袁宗魯

此身憔悴如秋葉每見涼風只欲飛想得故人新酒熟

應培黃菊待僕歸

詠菊

曾見陶公拂袖歸晚香佳色傲霜威過時只抱枝頭老

不學狂花到處飛

林和靖觀梅圖

頽然醉貌古衣冠酷愛梅花冒雪看疏影暗香吟已就

但知詩好不知寒

暮春有感

客邊情緒苦多違
光景那堪過眼非
不覺此身忙裏老
忍看春色雨中歸

歸莊圖爲俞景明賦

青山綠樹映波光
有客歸來趁野航
柔櫓數聲歌一闋
知君應是和滄浪

永思亭爲宗善賦

源發岷峨可濫觴
滔滔東注接扶桑
最憐之子思親念
箇樣淵深箇樣長

周廷悅以畫梅二幅求題將勉其義子馬綱

野古集卷之下

五

玉妃曾服丹霞醖
冰雪雖寒暈自紅
不似陌頭桃與杏
強誇顏色媚春風

題周豫怡園

柳堤鶯韻

搖曳春風綠萬絲
笙簧朝暮語鶯兒
誰知孝子傷心處
不見停盃側耳時

竹塢棋聲

對客圍棋萬玉中
子聲剝啄度清風
仙翁久出巴山橋
遺蹟難忘手澤工

題時苗留犢圖

去官留犢記當年
爭道沾廉未足賢
自己不能嫌勝已
幾人歸去汎空船

陳允德涓溪新詠

選二

柳塘春水

涓溪新水碧如苔
溪上垂楊夾岸栽
詩酒畫船來往慣
眼明鷗鷺不相猜

綠蔭黃鵬

過雨溪山古木齊
亭臺清閣綠陰迷
黃鶯亦似憐佳境
飛去飛來不惜啼

風浪漁舟圖爲族孫以行賦

野古集卷之下

去

巨浪打翻高岸石
狂風吹折古松枝
漁郎要整絲綸釣
好待風恬浪息時

記會稽周士翔先生遺語二絕句并序

余憶十載前假館常熟南野陳氏頻年與會稽

周士翔先生往來聯榻士翔嘗語余記其先翁

有言嘗元末崗中某城遭陳友定之亂兵圍久

之有城主忘其姓名固守不下城陷被執友定

謂曰汝不知有天數耶其人曰我但知爲臣死

忠爲子死孝固不知天命爲何等物也遂被害

又有一人亦忘其姓字殺父讐於既赦之後慮

司執之問曰汝不知國家有赦耶答曰殺人賊
國家之法有赦人子之心不赦也竟致於理嗚
呼士翔當日之言歷歷在耳今士翔仙去久矣
昨夜忽夢見之既覺因憶舊言爲賦此以紀之
非唯先哲之忠且孝得以不泯抑亦足以爲名
教之一助云時甲戌二月七日也

不知天數爲何物忠孝唯求死卽休只此一言才出口
遂令亂賊永含羞

父讐不報活何爲樂府曾聞太白詞李太白人子不從

天子赦片言千載有餘師

野古集卷之下

七

民風絕句寄葉給事選五

昨見城闕未死人青蠅千萬已周身憐渠父母初生日
憂暑憂寒幾許仁

塗松市上漆溪瀆多少替替丐乞人不道孤舟風雪裏
老夫亦是一飢民

鍋無粒粟竈無薪只有松楸可濟貧半買半燒俱伐盡
可憐流毒到亡人

年年村鼓響寥寥知是田家樂社公不道今年逢社日
但聞人哭水聲中

鄉村疫癘肆流行死者如麻實可驚天獨慙遺應有意

要令操筆寫民情

重到涓溪延悅求詩爰題二絕

勝境森森古木齊孤禽曾借一枝棲重來何處尋知己
不足涓溪卽印溪

怡園不到已三年鬱鬱常勞夢寐牽今日重來因話舊
不知清淚墮樽前

秋江待渡圓琴川朱孟祺過余逸老菴爲作此畫
見遺後八年天順己卯吾姻友邵師舜先生築

春水堂於馬溪之上適成見而愛之余因舉以
爲贈并賦一絕句

野古集卷之下

末

愛爾草堂清可憐常因溪隔造無緣如今略構通舟道
不用高聲喚渡船

濯足圖

買得如梭一葉舟水雲深處伴閒鷗從今洗卻雙塵足
不向京華謁貴遊

詠蚊

嘴利體輕乘夜出羣鳴音響似雷同不知血飽身肥後
性命懸人掌握中

過芝塘將謁馬字昌斷岡道中二首

狂風急似離弦矢白雪輕如過眼花北望故人猶數里

禦寒沽酒向誰家

雪隨風力亂飛揚道上行人凍欲僵卻笑老奴如便了

鼻垂清涕尺餘長

題謝孔昭畫山水和邵師舜韻

懶逐諸公入省臺分甘無用老巖隈憑君說向清風道

莫放紅塵到此來

夏木垂陰圖

愛爾幽亭俯碧溪扶疏古木與雲齊涼陰滿地日停午

掩卷無言聽鳥啼

題凌貞婦卷

時洪水橫流官府督民築堤過季英處義方迫貞婦貞婦曰我為婦人豈

野古集卷之下

充

可與鄉男同事耶遂自縊死

貞魂一點鎮常存肯逐飛揚嶺上雲惟有婦娥最知己

清光不惜照孤墳

有感

惟將富貴耀家門風節廉隅總不論世上幾多貧父母

忍將銛刃判兒孫

屈原圖

愛君惟欲悟君心歌罷離騷抱石沈忠義一心如許切

汨羅千丈不知深

歸白北莊

離卻南沙已夕暉隨潮小艇快如飛多情最是波心月
一路相隨伴我歸

早梅

雪窗忽見兩三花便覺詩情漸有涯應是東君念窮獨

春風先遣到儂家

柏子庭畫蒼蒲

愛爾青青石上蒲寒泉清浸一塵無世人不識無鹽女

妓媚唯知羨子都

癸未清明同八九友伴之玄明村爲宋侍御樂菴

先生掃墓

野古集卷之下

辛

道窮千載樂菴翁埋沒孤墳草莽中今日我曹來拜掃

紙錢搖曳舞春風

題聽泉圖

萬竹林中一草亭亭前漱石水泠泠道人不是箏篴耳

靜倚闌干自在聽

負薪圖

會稽愚婦厭夫貧辭去何曾愧失身富貴自期年五十

買臣亦是一常人

有感

羣峯疊疊水滔滔跋涉都忘借日勞唯有不平常記得

每因感觸便長號

晚菊

甯變失所困風霜自信生平晚節香一任寂寥無客賞
看花原不為重陽

觀梅

梅花與我最相知看了南枝又北枝如此冷風如此雪
無人不笑老翁癡

歸自城中遇雪

雪景詩情兩得宜杖藜何惜晚歸遲因過野老溪橋畔
又為梅花立少時

野市集卷之下

圭

偕周季宏遊東皋亭

琅玕萬箇繞庭栽無數青陰覆綠苔謾煮鳳團燒玉版
不妨日日與君來

題西疇竹林

森森萬玉俯青溪徑入蒼雲杳欲迷珍重主人勞載酒
琅玕節下為留題

枯荷

紅衣落盡翠盤傾浣我清波一鑑明說與兒童須摘盡
莫留餘葉引秋聲

庭松

歲寒羣木總凋零愛爾亭亭色愈青誰信道人心似鐵
小窗相對澹忘形

謝南野先生作棺見贈

大患應知為有身鶯鳥螻蟻豈疏親只緣未達莊生意
尚以遺骸累故人

和孫格軒為余題泛舟圖

不慕瀛洲十八仙青雲無意事攀緣只憐南國溪山好
風月琴樽共一船

道中見弋人有感而賦

負弩蹲軀隱薜蘿鶴媒前導舞婆娑鳧鷖只合高飛去
同類應知誤汝多

野古集卷之下

圭

和金尚居為陳羽伯類寫竹韻

尚居詩云海虞山下久盤桓最愛西鄰竹萬竿
欲造可憐無路入半梢唯許隔牆看

旅館西風九月寒修篁搖翠兩三竿最憐明發歸舟裏
可得推篷帶雨看

題西谿書舍贈顧宗術

西谿高隱有餘清最愜閒中野老情秋夜幾迴來借榻
竹聲清比讀書聲

癸亥民情二首

癸亥民情二首

太守安居花錦城眼前兒女沸歡聲豈知田野通宵雨
救水渾如救火情

驟雨狂風日夕并農夫淚眼幾時晴中秋賞客南樓上

唯恨頑雲蔽月明

乙丑冬大雪時邑宰以雪作戲故賦之二首

衣破那禁透骨風雪花如掌暗長空憂民太守方沈醉

熟睡紅爐煖閣中

臘雪連朝冷氣嚴喜聞宜麥更宜蠶老夫正爲蒼生幸
凍死窮廬分亦甘

丁卯初夏

野古集卷之下

三

水旱農家雨不禁旱憂枯槁水憂沈可憐背日求晴意
卽是今期望雨心

夜歸

短棹孤篷一葉槎兩周村裏訪俞華還家已及黃昏後

細雨斜風兩岸蛙

任溪道中二首

縈迂曲徑隨溪轉呀吼肩輿傍柳行忽聽竹林茅屋下

琅琅一派讀書聲

南望玉山三十里從容時坐復時行不獨少寬輿從力

看花兼得聽啼鶯

偶題

性耽閒澹拙趨奔一任旁人笑我村自負疏狂抱奇氣
平生不欲受人恩

過芝塘東虞宅廢園

梨花雪白海棠紅詩酒笙歌歲歲同不道世移人事改
野花無數領春風

題畫

翼然亭子面江開亭下危磯鎖碧苔日日老翁來此釣
見湖西去見湖迴

自述衰謝

野古集卷之下

三

自憐百技一能無兩眼昏花四體枯不解禦凶兼歲去
此身真是舊桃符

自題晚歸圖非序

友人史君實爲余作此畫適余歸自彥中氏遂

題以詩君實和云日短天寒易落暉渡頭風起

浪花飛濟川有興無人識好逐漁郎作伴歸

紅樹離離映夕暉水天空濶雁高飛扁舟一箇輕如葉

常載先生半醉歸

移居二首

飽翫青山性所耽晚從平遠寄茅菴年來苦被前村隔

又擬移家更向南

小虞塘上屋三間雖道無錢且得閒更喜望中無隱蔽
東西全體是青山

與王忠孟登玉峯共飲春風亭

山水千重復萬重少年相別老相逢春風亭下一盃酒
山色不如人意濃

西疇二首

金橘圃

滿樹霜丸萬顆垂年年惠我侑芳卮常因剖食憐佳味
憶得窗前種核時

野古集卷之下

五

梅花隴

壘上梅花開百株歲寒詩酒足清娛不知風雪溪橋路
近有何人跨蹇驢

題宗善所藏漁父圖

清溪清似鏡新磨照見先生白髮多自幸素無官爵累
得從漁父老煙波

題畫詩仕女

過雨湖山紫翠旁柱花香透藕絲裳不知綵筆蠻箋上
和到關雎第幾章

夢覺偶成

夢裏千山復萬山家鄉迢遞苦思還覺來卻在家鄉住
又恐家鄉亦夢間

賀程侯喜得子

久慕君家積德多晚生英物喜如何老夫更着數年活
當賦徐卿二子歌

夜過沈時用宅

扁舟夜過溪橋下譙鼓遙聞第二撾不敢扣門緣底事
恐妨驚起樹頭鴉以人好鳥亦好也

謾興

韞說先生甌有塵先生自道未為貧請看歲晚東籬下
野古集卷之下

五

無數黃金與白銀

五松圖并敘

古人有題松詩末句云一事頗為清節累秦時
曾受大夫官余甚不然故賦此以仰吾松不平

之氣云爾

羣居抗節德非孤肯為狂秦作大夫試想當年風雨裏
此身曾屈祖龍無

旃蒙大淵獻且月


崑山趙詒琛重刊

龔安節公野古集卷之下

龔安節先生名詡字大章生於明洪武十五年卒於成化五年八十八歲崑山人父晉洪武中官給事中以言事遣戍五開衛先生遂隸軍籍守金川門燕王篡位先生慟哭揮戈遂亡命藏身複壁倖免於禍及周文襄公撫吳欲聘先生爲教授先生曰詡仕無害於義但恐負當日城門一慟耳其志節高尚數百年後猶令人欽敬不已焉先生於詩似非所長然忠厚惻怛之懷溢於行閒詩固以人重也野古集三卷爲先生所作李散尹選訂崇禎閒其八世從孫挺所刊爲余家舊藏光緒壬寅先君子重付剞劂有李散尹陸桴亭唐實君諸先生序

野古集跋

并自序末增附張大復撰傳不幸於癸丑遭匪亂板燬忽忽至今已逾二十年余嘗搜輯先生遺文及年譜刊入又滿樓叢書今年始以詩集重校付梓序傳未刊因工費也而自序已列遺文中亦不必重刻於是先生詩文存於今者完全行世而余景仰前賢流傳先哲遺書之志亦可稍自慰矣乙亥秋七月邑後學趙諭琛謹跋



集古梅花詩
二卷

印齋居士署



光緒丁酉七月
九嶷屠梓行

序

錢塘沈隱君履德學博而喜吟詩尤喜集古人之詩其所集詠雪二百餘篇一日傳觀紙貴都下矣茲復出所詠梅花近體共三百六十首余讀而驚怖以爲唐宋元之世相去若是其懸也其閒作者如是其先後也音響未易其叶也興寄未易其相屬也適能令一篇之中音諧字比不以世而嫌於非一世情至景生不以人而訝如出一人聯珠編貝騰輝耀彩鏗金夏玉始翁終繹此集古所難而履德信手拈成斯亦異矣先君嘗欲種梅孤山自題曰草木中閒鐵石心花開不受雪霜侵世閒豈獨逋仙愛萬古相看直到今後家督克承先志手植

集古梅花詩序

數百株於三賢堂惟四照閣四週爲多紅白綠萼蠟黃臙脂種種各備每雪月之中對之酒香花氣與人地相高下仰陋劣頑鈍者見之亦藉此爲藥眩眊其少瘳乎余適致仕歸寄寓巢居閣朝夕追遊亦頗時時盪竿今讀履德集祇覺效顰之增醜也履德嘗集杜少陵五言爲忠孝詩行世其寡母在堂年九十矣鶴髮儂儂履德奉養以孝稱夫梅花有歲寒操類君子志節而道莫大於忠孝亦惟志節不移者能之讀履德之詩者不知其人可乎弘治十年丁巳九日八十七歲人夏時正書於慈谿靈壁嶼之拾穗莊中

集句者何集詩人之大成也吾非不得作也作而與古

鳴世者伍亦若人耳古之人以詩鳴世者凡幾何人當其時彼各以其所長鳴鳴而未必皆善也是故以一人言其篇章之善者無幾以一篇言其句法之善者亦無幾吾朝而諷焉夕而詠焉其善者吾愛之不啻若自其口出其不善者吾不知也當夫事至物來景與意會吾之情不能已於有言則吾素所善者自然呈露發見會合而成章初不期於集而自無不集殆亦不得已而有言者也若是者謂非集大成可乎吾友錢塘沈君履德蓋深有得於此其於三百篇以下之詩無不讀讀而無不究其蘊凡一篇一句之善舉皆集其胸中而無遺遇有題詠輒伸紙信筆寫累數十首皆古人佳句弘治乙

集古梅花詩序

卯春君又集詠梅近體凡若干首其爲篇愈多爲格愈高而其音韻節奏愈精且嘗讀之如出一人之手噫斯亦可謂成矣考之吾夫子之刪詩皆非夫子所自作亦取當時鳴世者之詩訂正之就其閒取其可爲勸戒者而集之以爲經沈君亦集詩者但夫子集其篇沈君集其句其集之法頗相類而所以集之之意則吾未暇論也坡不云乎郊寒島瘦元輕白俗彼固指言其所不善者即其所不善者去之而集其善者以爲篇集句之法如斯而已夫如是則衆人之善皆集於我而爲我有謂之成豈虛語哉傳曰人之有技若己有之沈君有焉遂書而爲之序西軒丁養浩

題辭

張 壺

折選囊珠聚夜光
開分璞玉取琳琅
都將幾夜金莖露
鍊作孤山百和香

陳 辭

萬斛寒香撲酒尊
對花翻案坐黃昏
都將瀚海眞精髓
喚醒羅浮舊夢魂
玄酒大羹深有味
梨花淡月了無痕
此中意思誰能識
除卻逋仙未足論

集古梅花詩題辭

一

集古梅花詩卷上

錢塘 沈行履德著

梅花不肯傍春光百卉前頭第一芳信是乾坤容晚景

亦知草木有真香疏疏籬落娟娟月淺淺池塘短短牆

此際最宜何處看孤山園裏麗如妝唐韓偓宋陳后山元李草閣宋朱文

公張道洽王半山唐吳仁璧白樂天

野水晴山雪後時含情含態一枝枝已疑素手能妝出

不御鉛華亦自奇正氣纔隨灰律變高風唯有歲寒知

何人畫得天生態畫得輸他八句詩唐李羣玉崔魯羅

方干元虞伯生唐薛逢杜牧之

青帝邀春隔歲還分香多是曉中開開花占得春風早

集古梅花詩卷上

數朵先欺臘雪寒鬚長黃金危欲墮蒂凝紅蠟綴初乾

林塘得爾偏增價無限行人立馬看唐王初韋莊李紳

君復唐陶雍王周

杖藜行繞去還來自古騷人酷嗜梅絕色負無朱粉態

繁花頻向雪霜開昏昏淡月疏疏影疊疊沈沈雲步步

且醉尊前休悵望新詩滿眼不能裁宋朱文公胡淡庵

劉學箕董明德唐魚玄機宋陳去非

南北枝頭玉蕊發陽和先已到孤根看花弄水聊爲樂

賞月吟風不要論欲賦妍華無健筆忍教落片點空尊

江邊一樹垂垂發粉蝶如知合斷魂宋張南軒尤延之

唐朱質子固張澤民唐杜子美宋林君復

一氣纔新物未知雪英相倚兩三枝呼兒倒酒乘春醉

掩戶留香笑我癡落落精神終有立搖搖情緒不能持

此花端有歲寒意爲報東風且莫吹唐李建勳王周未

牧之劉兼宋王十朋唐杜彥之

對花弄筆眼尤明誰爲梅花怨未平嗅得寒香只如舊

半黏殘雪不勝情不知標格今何似獨占乾坤許樣清

最愛晚亭東望好有人踏月遶花行宋司馬光唐諱用

君復元羣梅我劉伯序唐白居易宋徐鉉川

不關身事莫思量獨把寒梅愁斷腸蕊訝粉綃裁太碎

蒂圓紅蠟巧能妝天生潔白宜清淨春忌孤高不主張

后夜月明應有夢暮雲殘角五更霜唐白居易李文山

集古梅花詩卷上

韓偓宋張道洽元張仲舉宋鄧仲甘

時候頻過小雪天南枝爲底發春偏向人自有無言意

別夢猶含泣露妍不分雪霜摧折盡裏台桃李讓爭先

明朝擲酒猶堪賞喚取佳人舞繡筵唐陸龜蒙劉文房

宋韓仲止呂居仁唐杜彥之杜子美

不堪寂寞對衰翁只恐相逢是夢中萬倍馨香勝玉蕊

一番消息占春風探花賞酒多先到信手題詩不用工

應笑西園舊桃李等閒桃李即爭紅唐司空圖宋寇平

梅我唐白樂天宋游誠之妓胡楚唐陸龜蒙

且喜年華去復來行吟處處只逢梅固應撩我題詩句

已欲看花泛酒杯不假鉛華知國色定教玉蕊作興臺

誰家玉笛吹殘照嫁與東風不用媒唐張說宋煊長八陳去非曾子固宋

王半山張道洽

野塘春暖獨徘徊策杖時能訪早梅披拂故應攜袖滿

參差又欲領春來全枝惡折惜鄰女疏影誰憐醜綠杯

且是作詩人未老白頭朝夕自相催唐韓偓宋嚴丹上林李謙朱淑貞梅

堯臣朱文公朱淑貞蘇長公

霜林盡處碧溪傍只我梅花獨自芳呵筆小吟聊自老

先春占早為誰忙月娥服馭無非素荷合鑑更換香

亂插繁花向晴昊時人莫道我顛狂宋舒信道田互陳后山邵仲甘張宛

王唐李兼山

我有新詩何處吟棹歌搖艇月中尋小山叢桂且為伴

集古梅花詩卷上

三

冷蕊疏枝半不禁謝客瓊枝空貯眼郢郎白雪少知音

誰家促席臨低樹瑤瑟調高尊酒深唐杜甫李白吳子華杜甫張賁李頻

秦中明薛逢

安得健步移遠梅折來堪下凍醪杯心搖日斷興難盡

冬至陽生春又來野艇幽尋鶯歲晚殘花悵望近人開

幾多生意冰霜裏一日遙看一百迴唐杜甫陸龜蒙李白杜甫宋陸放翁

唐杜甫宋張南軒陳后山

玉立寒煙寂寞濱靚妝纔罷粉痕新清尊素瑟宜先賞

五蕊三花小試春自倚風流高格調要將春色鬪清珍

徘徊盡日難為別索笑題詩覺有神宋朱文公唐王貞白宋孫明復元藍

山宋張道洽元苑之唐吳融元李草閣

不是尋常兒女花盡供新意與詩家環雲照水和花重

白髮多情插帽斜長是臘前泥雪色分明沙際占年華

歲寒卻有凌霜操曷與山巖定等差宋王十朋蘇世法唐吳子華元虞伯

生宋梅堯臣戴式之趙抃趙昌父

年來得病號詩狂因訪寒梅過野塘曾與蒿藜同雨露

更遭風雪損馨香半依修竹餘貞態自向深冬著豔陽

終日苦吟人不曾本來無事卻成忙宋邵堯夫唐李兼山宋王半山唐李

文山宋韓無咎唐韓偓趙承祐宋陸放翁

驛使歸來好寄將霜前雪後想淒涼蒼蒼煙樹悠悠水

裊裊青枝淡淡香歲律又殘還見此天真不假更勻妝

夜窗卻恐勞幽夢暫醉佳人錦瑟旁元黃清老宋白玉蟾林通高子文張

集古梅花詩卷上

四

宛巨陳后山朱文公唐杜子美

陽和為爾臘前來誤作唐昌玉蕊猶樹下酒香留客醉

水邊花好為誰開忽聞曉鳥不知處欲嫁東風恥自媒

花定有情堪索笑也應臨此重徘徊唐韓偓宋晁無咎元傅若金唐羅隱

宋戴式之張澤民范成大邵堯夫

十月先開嶺上梅下臨溪水恰齊開斜陽似欲裝詩句

落蕊猶能韻砌臺何遜到官勞賦詠趙昌精筆寫香頰

只今已是丈人行調鼎何嘗用不才唐裴冕宋楊廷秀張宛巨盧贊元元

傅若金宋趙抃唐子西唐韓偓

幾時塗額藉蜂黃折贈佳人手亦香秀人冰姿欺國色

低臨粉水浸寒光朔風凜凜頻驚坐羌笛聲聲欲斷腸

110 01 1.12

221

卻憶孤山醉歸路半敲斜影入寒塘唐李兼山白居易
山劉從益張澤
民尤冠之田互

癖愛梅花不可醫詠歌林下日忘疲寫真妙絕橫窗影

應候先開亞水枝四面雲山誰作主中天雨露本無私

著人自有奇香處莫道兒郎取次知宋張澤民唐朱餘

千朱芻金黨懷英唐
惟得符宋蘇長公

應將清淨結心期成陣清香擁路歧近水數株殊不俗

當年明月巧相隨靜看冷蕊無人會獨倚闌干點自知

多事東風入閨闈尊前吹折最繁枝白楊巨源王周宋

仲止張澤民唐
李紳未蘇東坡

繡鞵相似畫難真知是孤山幾代孫詞客懷才期獻賦

集古梅花詩卷上 五

湘娥鼓瑟爲招魂看花弄水非無事卻月凌風未要論

我欲品題無妙句爲君悵望又黃昏唐方干元龜山劉

固韓仲止元嚴
奇庵唐羅隱

春風也是多情思挽我梅花樹下來事物閱來如有悟

我頭自白不須催亂花漸欲迷人眼新月邀將入酒杯

半出驛牆誰畫得直應天意別栽培唐韓文公宋陳去

齋唐白居易宋張宛
王唐王周韓致光

白屋寒多暖始開且謀惟洽玉山積邨梅尙歛風前笑

陽氣先從地底回取友喚鄰相領略折花臨水共徘徊

平生久汝哦詩債一日接腸一百迴唐杜甫元稹李文

歐陽修趙昌
文紳去非

歲暮陰陽催短景南邨晴雪北邨梅卻憐冰質不自暖

莫向霜晨怨未開未到臘時須訪問卻尋醉處重徘徊

角巾一幅支筇久不見江南信使來唐杜子美韓逢宋

昌父唐白樂天
韓偓元張仲舉

今年春在臘前回山意衝寒欲放梅一樹輕明侵曉岸

疏枝重覆蕞莓苔愁憐粉豔飄歌席旋折冰花浸玉杯

昨夜雪晴天氣好長風吹月送詩來宋楊誠齋唐杜甫

唐羅隱宋楊誠
齋微宗陳去非

水邊籬落舊精神驛路開花處處新生長冰霜憐硬骨

從教桃李殿殘春凌晨併作新妝面倚竹眞成絕代人

老大看花猶未足空題詩句滿花身元黃南鼎唐柳宗

集古梅花詩卷上 六

公唐韓文公宋陸放
翁唐于鶴宋陳去非

梅花曾試筆猶香一度逢花一斷腸已託焦桐傳密意

挽回歲律放春陽謝郎衣袖初翻錦玉女精神不尙妝

昨夜月明渾似水支筇踏雪度林塘宋李德真唐盧中

李兼山宋張宛上
唐韋莊宋邵棠

郭西山路有寒梅歲歲春風入樹來幽鳥曲池相掩映

天光雲影共徘徊寒花獨向愁中見清豔應留臘後開

風急幾聞江上笛國香和雨落蒼苔元虞伯生林元凱

陸放翁趙抃唐
羅隱宋蘇長公

梅花開遍臘將殘絕豔元非著粉團香並博山蕙莫亂

露消妝臉淚初乾更無塵事心頭起故點銀燈雪裏看

詩酒尙堪驅使在紗巾亂插到更闌元蓋山宋楊誠齋方元修唐白居易

李山甫宋蘇長公唐杜甫宋陸放翁

杖藜雪後臨丹壑卻爲春寒得少留只有名花苦幽獨

曾將詩句結風流雀驚夢斷神猶在春淺香寒蝶未游

卻憶少陵詩上語還如何遜在揚州唐杜甫宋林通蘇軾唐元微之元董

開唐劉兼宋曾子固唐杜子美

江南何處不寒梅傲雪凌霜幾度來清介獨持孤竹操

高標久占百花魁憂花惜月長如此漸老逢春能幾回

句引詩情清絕處月明滿樹十分開宋徐師川邵仲什張道洽元馮子振

唐胡宿杜子美宋朱淑真陳去非

老幹能開白玉花孤標粲粲歷羣葩未論人用調金鼎

集古梅花詩卷上

七

且盡芳樽戀物華秦女紅妝空覓伴袁郎金鈿不成夸

水邊香影黃昏月宜在林逋處士家元李草閣宋戴式之元蓋山唐杜甫

李頻張黃宋曹旣明黃山谷

西崦當年手種梅爲誰零落爲誰開年光到處皆堪賞

風雅含情苦不才常恨青溪照疏影擬酬芳景怕深杯

向人雖道渾無語恰是西廂待月來元蓋性之唐白居易易台孤楚宋林通

吳無咎曾子固唐秦中明宋蘇長公

梅發南枝先得春仙姿瀟灑淨無塵急呼我輩穿花去

不惜春衣典酒頻未許瑤花爲行輩只應空谷伴幽人

不知圖畫誠名手試把新詩當寫真元張仲舉宋朱文公前人元謝應芳

宋張澤民張南軒林和靖陸放翁

樹冰花物已尤最含情處出牆頭夕陽流水吟詩去

雪色嵐光向酒浮十畝何妨自春色兩枝相倚更風流

臨風三嗅馨香泣不合花前不醉游宋麻知幾唐韓偓錢仲文宋梅堯臣

宋文公唐羅隱甘子美章八元

玉骨冰肌迥不羣林花未發已偷新雪欺春淺摧芳萼

粉瘦瓊寒絕點塵把酒惜春都是夢尋香索句不無神

開當晴景何多好驅使風光又一巡元傅若金唐沈佺期李紳元李彥誠

宋蘇長公元李草閣唐鄭谷陳去非

萬松嶺上一枝開不怕清寒得得來宿雀已驚枝上夢

靈花欲向月中栽詩尋靜語應無極香號返魂容易迴

可是晚來風更惡盡將春色委蒼苔宋蘇長公楊誠齋秦敏元楊廉夫宋

集古梅花詩卷上

水

林逋唐韓偓宋僧道潛元張仲舉

萬紫千紅總是春此花風味獨清真更無俗豔能相雜

似供東風別有因雪後園林應有恨世閒草木信非倫

我曹本是狂吟客且作花閒共醉人千家詩宋陸放翁鄭毅夫唐羅隱宋

林李謙潘子賤馮子才王元之

月在梅花第一枝尋花覓路忽成迷孤芳若與東風背

詩客休徵故事題好景入詩兼入畫花枝臨水復臨隄

是中宴坐應容我一洗塵心萬斛泥宋沈平陳去非張道洽林通唐韓偓

馬載宋陳去非蘇子由

何處風光寄夢頻孤根生處地無塵雪欺離落遙難認

氣傲冰霜何待春曉樹放開花意思冷風吹起月精神

流霞淺酌誰同醉老醉花間能幾人唐許渾宋王公燾劉屏山潘子賤邵

棠韓仲止唐蘇郁劉夢得

梅邊春意未全回江畔垂垂又欲開惟有年光堪自惜

故煩我輩著詩催三杯雲液花前酌一片異香天上來

楚客且休吹玉笛狂心醉眼正徘徊宋揚誠齋戴式之唐劉洵宋朱文公

元仇仁近唐李山甫宋梅堯臣唐方干

一般顏色一般香瀟灑渾疑楚岸旁索笑因知猶作態

看花嫌遠卻移牀春前春後百回醉山後山前兩履霜

不比尋常野桃李盜天和氣作年芳宋邵堯夫劉著林李謙唐韓偓宋陸

竹齋唐韓致光

歲云暮矣增離憂橫笛人家花滿樓任落東風伴春雪

集古梅花詩卷上

九

最憐亂點慘貂裘湖山得意有如此情緒牽人不自由

試筆題詩詩未穩前峯月上未迴舟唐杜甫宋黃公度唐李文山宋陸放

翁元段惟德唐韓偓元滕玉霄唐吳子華

雪作交游山作賓一回花落一回新半依古渡迷芳草

可是回根迎小春幸有花枝能照眼忍教芳酒不濡唇

月明記得相尋處疏影橫斜意趣真元包濟川唐李白宋韓仲止潘子賤

宋僧道潛邵堯夫唐張喬宋邵仲甘

園林搖落凍芳塵誰是巡簷索笑人玉色獨鍾天地正

暗香猶帶雪霜新定知何遜緣聯句一自華光為寫真

老眼看來易愁絕回頭青子又生仁宋韓無咎邵康節張澤民呂居仁唐

李義山宋白玉蟾金蔡松年宋陸放翁

梅含香豔吐輕風霜落枯枝正倚空曉日晴雲知次第

窺窗映竹見玲瓏花開花落人如舊傾國傾城豔不同

聞說趙昌今已老欲求精筆畫難工唐許渾宋邵仲甘唐令狐楚韓文公

劉商宋邵堯夫梅堯臣趙抃

寂寥未是采花人鳥踏梅花落已頻水影月香傳妙句

冰肌玉骨是前身也銷造化無多力總入紛華亦絕塵

坐對眞成被花惱晚來幽獨恐傷神唐鄭谷戴幼公元陸景龍宋白玉蟾

唐李山甫宋韓仲止黃山谷唐杜甫

遺懷篇翰底求工纔有梅花便不同吟處美人擊筆硯

世閒凡卉謾鉛紅半山雲影前村雪落日樓臺一笛風

定自格高難著句含毫不下思無窮元張仲舉宋杜小山唐方干宋金子

集古梅花詩卷上

十

王曾公卷唐杜牧之宋尤延之陳后山

莫折梅花共養蒙崔嵬枝幹若游龍坐收國士無雙價

應費司花第一功雲外山高寒色重牆頭風急數枝空

他人似我還應少亭角尋詩滿袖風元陸野雲宋韓仲止陳去非金子玉

唐李山甫韓致光杜彥之宋陳去非

逗曉風回散玉塵相偎相倚不勝春暗香絕色本同種

卻月凌風迹已陳鼎寶自期終有待冰純生認畫難親

此時此景眞愁絕有雪無詩俗了人唐王貞白羅隱元僧無本馮子振宋

陳后山王半山朱文公千家詩

梅花正發竹枝垂斜壓漁家短艇離雲鬢自黏飄處粉

錦囊消得探春詩對花把酒未甘老步月聞香每自疑

誰是丹青三昧手試教圖畫兩三枝唐劉言史崔傳李

元傅若金趙子昂宋尤延之

梅雪相兼一萬枝梅含春意雪殘時天憐絕艷世無匹

花壓萬紅春有私把筆題詩一聊爾得錢沽酒更無疑

隴頭未寄江南信花落月明空所思唐李義山宋王平甫朱文公元凌說

虞伯生宋蘇東坡元陸文圭唐羅隱

拂水藏村復開松一年清致雪霜中無言自得幽貞意

尤物真窮造化功似箭年光真可惜玩花詩思豈無窮

此花自有天容意休說林逋兩句工唐鄭谷宋張道洽劉屏山陸放翁唐

羅壽虛貞宋趙抃元劉立雪

一株寒豔尚參差兩蕊三花春到時自是雪根鍾開氣

集古梅花詩卷上

七

稍看紅蒂染胭脂若教解語應傾國銷得攜壺與賦詩

欲識箇中奇絕處碧天殘月映花枝唐方干元陳野雲宋僧北礪尤延之

唐羅隱鄭谷宋朱文公陳去非

向來開處當嚴冬不關穠華不占紅忽有好詩生眼底

別留春色在壺中晴雲高鳥各自得花豔人生事畧同

應笑暫時桃李樹強勻顏色待春風宋唐子西唐吳子華宋陳去非唐李

觀宋司馬光唐鄭谷韓致光宋妓胡楚

梅花枝上雪初融到此詩家合用功冷澹自能驅俗客

醉吟時復伴衰翁春寒春暖花如故人去人來句不同

羌管一聲何處笛半隨流水半隨風宋朱淑貞唐郭震宋潘子賤元虞伯

生元好問唐羅隱溫飛卿宋邵堯夫

野梅無處不為容綵筆題詩半醉中一別一年方見我

花開花落總由風情多最恨花無語與盡徐歸月在空

悟得一般清意味卻將新句調兒童宋韓仲止范仲淹唐羅隱宋僧無咎

唐鄭谷元黃滔曾德厚宋蘇長公

卻憐無事是家貧野徑尋梅見小春冷豔照杯欺麴蘖

月香橫影已精神良辰樂事古難並露蕊煙稍畫不真

朝醉莫吟看不足枯腸搜盡與空頻唐韋莊宋曾茶山陸放翁范成大蘇

長公唐賈島鄭谷元藍山

折得名花伴此翁不同凡卉媚春風色伴姑射無雙白

天遣花神別致功花氣無邊熏欲醉妍華過眼旋成空

到頭一切皆身外呼酒看花興未窮宋陸放翁蘇長公晁君成唐陸魯望

集古梅花詩卷上

七

靜對梅花讀楚辭我來卻見未開時異鄉懷舊人千里

驛使不來春一枝無主野橋隨月管出塵標格少人知

近來消息真堪笑未落先愁玉笛吹宋趙竹所唐張浩宋梅堯臣林季謙

張道洽元李草蘭王竹齋唐崔善

今朝臘月春意動多愛孤山野水濱平地忽成三尺雪

與梅併作十分春欲邀東郭難尋路不用幽香觸撥人

此景此時模不盡且憑尊酒暖精神唐杜甫宋陸經陸放翁千家詩元羅

梅我宋曾茶山洪龍發唐羅隱

梅花竹裏無人見別出參差玉一枝疏影臥波宜入夜

清香和夢結成詩白雲明月偏相識冷蝶飢蜂多不知

何處遙知最惆悵夕陽樓上笛聲時宋姜堯章元虞伯生凌說宋仇平唐

任華吳仁璧盧允言李義山

梅發南枝先得春園林一雪倍清新行看靚豔須攜酒

曾記寒窗為寫真冷蕊疏枝低作幹冰姿雪色自無塵

幾向策杖終難去任是無情也動人元張仲舉宋曾茶朱文公元藍性

之藍靜之林元

天與孤清迥莫鄰庭前幾日雪花新吟詩得句翻停筆

弄蕊攀條一拂塵肯信冰霜能作惡不將桃李共爭春

城中車馬應無數具眼看花有幾人宋張南軒唐韋莊元凜宋潘子賤呂

居仁唐戎昱張文昌宋邵仲甘

且喜春光動物華數枝妝點野人家漫疑海上神仙似

集古梅花詩卷上

七

不是人閒玉樹花又恐好枝為雪壓故生幽處被雲遮

遲遲欲去猶回首援筆題詩到日斜唐皇甫曙宋戴式

唐戴式之朱文公

問訊江南第一枝幅巾藜杖立疏籬時攀芳樹愁花盡

亦有春風使我知歲暮結交松柏友臘殘初放雪霜姿

欲憑詩句索花笑題向花前帖繡楣唐張榮宋陳去非

山元藍山宋趙抃元李革閣唐韋莊

鼻鼻香英三四枝賞花全在未開時冷將雙眼窺春好

獨遠孤根祇自知索笑幾回驚歲晚尋芳長恨見花遲

江南信使應稀少馬上逢人寄所思唐劉兼宋邵堯夫

一居士尤延之元道高開凌說

苦吟貽笑東西鄰贈爾寒稍數蕊新半落半開臨野岸

和霜和月為精神巧移傾國無雙豔惟有清香可辨真

說與傍人憚不解詩家清景在新春元岑安卿藍山唐

張道洽孫恭夫劉季孫唐楊巨源

一尊何忍負芳枝須信丹青點筆遲絲蝶黃鸝未欲舞

茶甌禪榻兩相宜冰霜節操元非俗泉石煙霞今屬誰

景好花奇精妙處不堪將入笛中吹唐李建勳鄭谷唐

草閣唐白居易宋邵堯夫唐嚴遵

點檢山前梅蕊瘦寒梢氣象自精神晚風落日元無土

冷蕊疏花起自真景物也知輸健筆風騷端合伴幽人

無錢可辨羅浮醉白髮相看意更真宋韓仲止韓子蒼

集古梅花詩卷上

古

隱宋潘子賤元

風芳搖落獨紛紛披開徧南枝又北枝春密未通桃李信

天寒謝絕蝶蜂知名園無處不宜酒老眼看花且賦詩

最是不禁橫笛怨何人持向月中吹宋僧雪巖元王竹

宋蔡松年元李革閣張仲舉趙義若

料得南枝有早梅今朝忽見數枝開相思誰向風前寄

清氣都歸筆底來萬木尊為諸老行東君推作百花魁

怪來詩思清人骨溼墨淋漓點綠苔唐韓偓薛維翰宋

艾性夫邵仲甘唐

一生顏色笑西施况與詩家物色宜臘雪未消連日凍

夜窗喜對出塵姿方從易外窮義畫食向花閒醉玉卮

不待琴芳應有意半供明月半供詩唐李建勳雍陶元
元謝應芳宋歐陽公
唐陸龜蒙宋邵棠

卷畫溪山半是梅乾坤清氣化生來生愁落去輕輕折
不待商量細細開莫對新花羞白髮豈無香跡在蒼苔

道人不作羅浮夢左把花枝右把杯宋劉龍山元王從
潘歐陽公唐韋儼元
王竹齋唐司空圖

團情團思競韶光欲召親朋看一場隨處留情隨處樂
一番吟過一番香彈琴閒作金石奏結子非貪鼎鼐嘗

喚取佳人多置酒脫巾和月到昏黃唐李文山李建勳
元楊廉夫宋王半山
元張仲舉宋王良臣

清香無已敵寒梅歲月崢嶸春又來尚有疏英窺水白
集古梅花詩卷上
五

即看瓊蕊冒霜開村南村北花自落年去年來老漸催
正是詩家好風景南朝何遜自多才唐吳子華元袁彥
蕭蒙元謝應芳元好
問宋魏仲先梅堯臣

老樹著花無醜枝碧峰十二擁瑤姬雪霜迷素猶嫌早
歌詠無才是所悲細朵更無塵土流真香靈許燕鷲知

高情獨有林和靖仰面西園得詠詩宋梅堯臣陳后山
居仁趙義若元
丁鶴年唐鄭谷

碧琅玕外見橫枝萬里江天欲雪時獨奏瑤琴消客恨
合將金屋賦幽姿笛吹遠曲還多怨天與清香似有私

莫待東風總吹卻夜深閒共說相思宋劉迎元黃員父
陸敬齋宋陸放翁

梅堯臣林逋唐
鮑君口薛逢

不愛凡花只愛梅皎然顏色肯低推影涵水月不受采
暖人枝條併欲開擬挈凍醪追勝饒自憐白髮欠詩才

一枝帶雪牆頭出如笑幽人山谷來宋戴式之唐羅弘
謝無逸唐錢仲文
山朱文公樂雷發

數枝臨水是寒梅先得東風一夜開大底物情應莫料
不知根本有何來一時風景添詩思盡日清香落酒杯

老我歲寒頻對此更將何物污靈臺唐李紳李山甫宋
韓陸宋邵堯夫
元藍山胡遜老

天風吹雪滿江南梅蕊飄香殊未闌千里關山千里意
一番花信一番寒誰知湖上新亭好不要牆頭俗眼看

我是夢中傳彩筆數詩狂語不須刪元李卓爾宋曾茶
唐李義山宋蘇東坡
元高志道宋曾子固

惆悵江頭幾樹梅繁如瑞雪壓枝開雖無遠客衝寒訪
偏得朝陽借力催不向碧臺迷醉夢莫教明月照空杯

何人乘月吹長笛半逐東風委綠苔宋朱文公唐羅隱
羅鄴元董佐才
宋曾鞏僧雪巖

陽和都未見芳菲為見梅花輒入詩斗酒長歌心自適
清香皎質世稱奇試看呵手攀條處正是登山臨水時

欲寄相思無好信斷魂只有曉寒知宋趙義若林君復
通盧贊元唐白樂
天澤隱宋蕭東之

傍巖梅蕊為誰舍家是江南友是瀟湘鳥寒煙春惹惹
粉英香萼一般般羞同桃李媚春色自得幽貞傲歲寒

粉英香萼一般般羞同桃李媚春色自得幽貞傲歲寒

169 007 671

倚杖徧吟春照午狂心更擬折來看

元李草閣宋陸放翁唐韓偓王周宋

塵士橋邊古岸隈迎霜破雪是寒梅平沙渺渺來人少

獨樹亭亭對客開數點有情吹面過百花潭未覺春來

一聯香影黃昏月挽取林逋句法回

元陳思仲宋朱文公唐劉文房宋徐

好懷日近少曾開索笑頻題雪後梅應為花神無意管

始知天意欲春回金尊綠酒那辭醉蠟炬高花半欲摧

可惜無人其清賞黃昏獨自詠詩迴

元張翥劉伯序宋李草閣宋曾茶山

歲歲花開知為誰花開只恐看來遲為尋疏影暗香處

集古梅花詩卷上

七

吟徹光風霽月時高節元非連理樹玉鞭誰指出臍枝

江南望斷無來使可得更拈長笛吹

唐李頎羅鄴宋劉可唐李建勳宋陳

怪底空山見早梅森森古木立巖隈高標不合塵凡有

花信仍須日月催好事只今歸北圃對花那得欠清杯

夜深斜倚朱闌外月會深情借盃開

宋楊誠齋唐劉滄宋蔡珪陳去非

林外噉禽自往還花枝欲動輕風寒看花倚柱終朝立

強意裁詩只自寬覓句休教長閉戶怕愁先自怯憑闌

世閒無限丹青手好把纖毫入畫看

宋陳后山唐王維宋朱文公陸放翁

雪後園林處士梅盡收清致入吟才九衢塵土莫能到

幾夜冰蟾照得開功證詩篇離景象天教桃李作真臺

乾坤妙處無人會且向花前把一杯

元丁鶴年宋何月唐王建宋蘇東坡

脩脩老眼入疏梅一半先開笑未開麗日晴天相照映

彩雲白鶴其徘徊幾勞終夕馳魂夢強起題詩對酒杯

寄語東風好擡舉莫教香雪沈蒼苔

宋劉屏山唐方干唐元稹元馮子振

清風高興得湖山一樹梅花獨自看夢入瑤臺香冉冉

月明素萼雪團圓良辰美景忍虛度竹杖芒屨不避寒

遮莫高樓夜吹笛大家留取倚闌干

唐錢起宋葉唐卿元僧志實藍山宋

集古梅花詩卷上

六

不分清霜入小園陽和且可待君溫彈琴對酒不知暮

倚竹無言獨斷魂占斷春魁傲冰雪卻將詩句問乾坤

良宵更有多情處添得寒香月一痕

宋蘇東坡韓仲止雪劉伯序唐杜彥

之花真合在瑤池自是孤芳不入時倒影欲窺臨水鏡

攀條頻認去年枝霜碓月笛休相引水蝶巖蜂俱不知

幸有暗香襟袖暖從今鄉律未須吹

唐陸龜蒙元藍山唐劉畧李文山宋

相逢佳賞日應新鐵石心腸不可親一點春光無限意

萬山晴雪九衢塵正期佳實充調鼎急作新詩報答春

曷若東園桃與李只將顏色媚詩人唐韓翃平元李草
渾元僧大詡宋宋宋僧雪巖唐許
失名唐王竹齋

倚風如共路人言白盤輕明帶露痕幾樹參差江上路

一枝斜映竹籬門酒闌夢覺不稱意月冷霜清欲斷魂

欲識此花奇絕處多情立馬待黃昏唐羅隱齊璧宋戴

元真彥章宋陳式之唐薛逢羅隱
去非蘇長公

未有新詩到小梅相思卻恨劫成灰從教臘雪埋藏盡

迎得陽春次第來淡泊自知如我意橫斜還許落金杯

不知別有栽培力花巧能令頃刻開宋林逋朱文公王

晁無咎唐王半山趙抃黃山谷
周未僧茶山

走傍寒梅訪消息雪晴江路少塵埃風扶清格高高起

集古梅花詩卷上

元

春遶花枝漫漫開韻上那隨今世態故人不寄一枝來

揚州何遜無消息且盡生前有限杯唐李白元藍性之

張道洽朱文公元宋邵堯夫王半山
李草閣唐杜于美

挽回春色異尋常雪意凌侵欲助香誰許風流添興味

我憐貞白重寒芳愁將玉笛傳遺恨小露樹心媚夕陽

昨日已嘗村酒熟花前惟以醉為鄉宋僧雪巖唐韓偓

胡宿宋舒信道唐薛仲止陸龜蒙唐
張南史宋張宛丘

萬蕊爭開點檻光素花映月只聞香風霜未改幽貞操

時世都隨富貴妝遠寄一枝煩驛使不隨羣豔競年芳

花前獨立無人會回首東風一斷腸唐李建勳殷文圭

史宋曾子固韓無宋劉須溪元董良
咎唐趙承祐羅隱

小園晴日見寒梅盡是先生手自栽殘雪臘風驚歲晚

冷香幽豔為誰開還吟卷裏相酬句要向花前不放杯

誰向夜深吹玉笛落英萬點委蒼苔唐吳子華元馬融

固唐張文昌元張仲常宋張苑王曾子
舉趙子昂宋邵仲甘

已向園中壓眾芳歲寒相對闕冰霜詩豪自分材難敵

綺席閒觀興更狂玉笛淒涼吹易散鉛華消盡勿欣妝

兒時見汝今頭白且伴詩翁入醉鄉宋王十朋元劉伯

外王半山僧北磧序宋曾子固僧無
艾性夫陳去非

洗盡鉛華見雪肌千朵萬朵壓枝低玉蕊鶴筆還同潔

杜甫新詩漫自題抬翠每來芳樹下持杯看到夕陽西

幾時心緒渾無事拄杖穿花聽馬嘶宋蘇長公唐杜甫
元僧無本管時敏

集古梅花詩卷上

元

唐萬齊融宋邵仲元僧無本管時敏
甘唐李義山杜甫

歲律崢嶸氣欲新梅花經眼日當人未知何處無佳句

肯與林逋作後塵徧請玉容歌白雪更須芳酒酌花神

笛中無限春風意此日揮毫欲寫真唐鄭谷元李草閣

唐方干宋朱文公德久元修
邵仲甘元藍山

莫作江南一樣看燕釵初試漢宮妝別懷又向愁中見

更晚那辭雪後芳百尺高樓數聲笛一天明月四簷霜

春風也是人間客時去時來管送香宋方巨山唐韓致

道元貫雲石王竹光元劉秩宋舒信
齊宋晏殊張雲叟

萬卉千花莫比芳久留金勒為回腸未憑驛使殷勤寄

卻怕春風泄漏香月魄照來空見影風樓偏巧學成妝

今朝莫負花前醉痛飲狂歌樂未央宋黃山谷唐李兼山唐吳子華宋陳后山唐獨孤及司馬光

獨占新春第一芳風流還解逐人香黃金賸買心無厭白日難留鬢欲蒼不許纖塵污天質祇裁雲縷想仙妝

向來浦老題詩處雪滿山坳月滿塘宋張宛丘唐李山文化宋趙淵王牛山艾性夫張澤民

應笑行人易白頭幾回有夢到羅浮枝南枝北一痕月江北江南千里愁橫隔片煙爭向靜可憐春色獨懷羞

詩情惱得渾無奈更待黃昏送酒甌宋曾子固押韻淵翁林通唐趙承祐宋楊誠齋唐吳子華

畫樓西畔桂堂東點注梅梢破小紅流水高山存古意

集古梅花詩卷上

五

疏花老幹轉春風蟾蜍影裏清吟苦蝴蝶夢中春思空驛使不來羌管歇美人千里思無窮唐李義山宋王震方千元貫雲石唐張傑李文山

又見梅花破玉粲每慚青律與先吹凌晨未噴含霜蕊微骨清寒蘸水枝報答春光如有處獨攀瑤樹不勝悲

年年使我成狂叟句引風情巧釣詩宋僧道潛唐李建唐杜甫韋莊李建勳宋胡澹庵

綽約冰肌絕可憐白頭相看固依然故人已去月千里老鶴一聲霜滿天野水風煙迷慘澹小橋郵店獨喧妍

尋花不問春深淺更向花前作酒顛宋崔德符陳后山宋文公元陸天錫宋林季謙元馮子振唐宋餘慶宋馬定國

不妨閒看不妨行尊酒花前得共傾節物撩人興不淺花枝照眼句還成依稀似笑還非笑道是無情卻有情更被東風致愁絕盡飄芳意委江城唐雍陶李紳宋僧之劉禹錫吳子華李紳

有花偷笑臘前枝蜜被嚴霜勁雪欺吟盡物華愁筆老醉饒言語覓花知人於紅豔應多俗風送清香似可期

憑仗高樓莫吹笛詩人所賞是風姿唐錢翊宋僧雪巖林君復梅堯臣唐詩話宋張澤民

雪綴雲裝萬萼輕柳橋驛路雪初晴照溪洗盡驕春意對客偏含不語情林色天光迷上下清香疏影自分明

斬新一朵含風露縱有良工畫不成唐李紳李郢宋陸放翁唐韓文公宋曾子固元王竹齋宋蘇軾趙抃

集古梅花詩卷止

五

苦砌霜繁夜欲分一花開處自乾坤不知紅豔臨歌扇靜愛寒香撲酒尊倚醉更教重秉燭惜花未忍卻無言

不堪吟斷無人見月在天邊恰半痕唐鄭谷元劉立雪陸放翁蘇東坡唐高蟾元彭炳

不妨雪月照槎牙未到春時見發花索笑固應催客句多情常是惜年華依然竹外并林下不在山邊即水涯

清賞又成經歲別詩成醉墨落箋斜宋劉后村唐林寬宋韓仲止戴式之

余襄公揚大年

集古梅花詩卷上終

集古梅花詩卷上

三

集古梅花詩卷下

錢塘 沈行履德著

凌寒淡泊笑妝成帶月籠窗似有情半落半開臨野岸

渾如湘浦見皇英唐羅隱李紳李文山宋胡淡庵

桃李雖紅日後時凝明應與雪相期霜禽欲下先偷眼

來往翩翩繞一枝唐李建勳方干宋林逋唐王籍

溪風裊裊動松枝莫放梅花一片飛把酒花閒弄明月

賞心渾與世相違唐劉尚宋劉改謝君直元雅琥

竹君蘭友伴清涼把花枝喚宿香賴有東風憐寂寞

夜深留與雪爭光宋沈惟肖唐皮日休宋王半山黃山谷

海潮湧出爛銀盤照見梅花鐵肺肝正是花中巢許輩

集古梅花詩卷下

一

清癯難與俗人看元黃星甫古詩話宋朱文公陸放翁

江北江南天未春暗香先返玉梅魂詩無好句經題品

燭酒何妨盡一尊宋尤延之蘇東坡元丁瑞翁宋朱文公

每想橫斜竹外枝枝南枝北景催詩謝公吟賞愁飄落

午後誰將玉笛吹宋尤延之元陳野雲唐方干元葉天民

西園南面水東頭曾見梅花一夕留耿耿知音唯自在

何人橫笛在高樓唐白居易宋張道洽陸太初王飛伯

閒閒來看北山梅行盡荒林一徑苔日暮詩成天又雪

了然勝見畫圖開宋徐師川張澤民盧梅坡唐朱餘慶

坐嘯千林凍欲僵風葦時動有奇香相知賴有黃昏月

照出經盈半面妝宋陸放翁唐陸甫里元李雲松宋歐陽公

自橫疏影照清池瘦質臨風不受吹要識此花香絕處

竹遮松蔭晚晴時宋僧雪巖邵棠樂雷發唐白樂天

不是愛梅頻賦詩貞心唯有老松知一聲長笛在何處

正是風吹狼籍時元李卓爾唐戎昱元黃星甫唐白樂天

暗香消息已傳梅先向百花頭上開多謝晚來風力勁

隔溪吹送古香來宋黃山谷王沂公朱文公元李雲松

小園幾樹倚雲栽半欲離披半未開山鳥也知琴意好

瞥然飛下立蒼苔宋邵仲甘唐郭震宋吳寶讓唐陸甫里

天寒杖履獨來時月上梅梢最上枝真是畫工須闕筆

呼兒覓紙一題詩宋黨懷英元葉天民宋曹白唐杜子美

南山東畔偶相逢尙恐衝寒不滿谷幸有千年佳趣在

集古梅花詩卷下

二

品題收拾錦囊中唐呂洞賓宋呂居仁元葉天民黃星甫

漉漏春光卻是誰先開牆角向南枝數聲鶴唳草堂靜

正是詩人夢破時萬花谷詩宋僧北魏沈遠元葉天民

瑤酥滴滴綴斜枝目對清標有所思老欲重尋舊題處

一輪明月到天時萬花谷詩宋王十朋元張壽葉天民

喜見梅花輒欲顛羣芳無復敢爭妍落花風裏數聲笛

月好風消聽不眠宋張實齋王十朋唐郭勛吳子華

正須衝雪看江梅素豔風吹膩粉開到得晴來無一朵

空令飢鶴啄蒼苔萬花谷詩唐白樂天萬花谷詩宋蘇東坡

靜映寒林晚未芳好風幾度送天香小園門鎖黃昏後

月落霜嚴自靚妝范仲淹宋黃山谷陳后山同上

老鶴一聲霜月明吟詩亦是未忘情驚回一枕春風夢

直照梅花到五更宋李明叔元虞伯生葉天民李雲松

月到梅梢分外清誰家玉笛暗飛聲夜深曲盡意不盡

愁殺江南離別情元葉天民唐李

一段風情不自持天憐絕豔不教遲道仙去後東坡死

只向尊前詠舊詩宋盧梅坡邵黨元

老幹橫斜半是苔竹梢深處數枝開暗香一陣連風起

人在闌干待月來元盧山宋張道洽

世味令人鬢欲霜梅梢橫月欲昏黃好將杖履西園看

一曲狂歌入醉鄉宋林李謙方秋崖

誰家吹笛海天明吹到梅花夢也清昨夜雪晴山有月

集古梅花詩卷下

王

略無風動亦寒馨元范梈宋劉吉父

月殘曉樹玉玲瓏占盡東皇造化工俗客不來清意足

花前有酒且從容宋邵清甫范堯夫李時白玉蟾

洗盡鉛華見雪肌母前只想弄妝遲直須分付丹青手

畫出橫斜竹外枝元趙山宋尤冠之

爲花痛飲拌千杯旁水幽花帶雪開折得一枝香在手

綸巾斜插下瑤臺宋王十朋元馮子振

花開花落動經年雪壓霜欺未敢妍憶昔西湖湖上路

杖藜踏影訪逋仙宋王遂唐韓文公

不妨花下倒金鍾歌扇驚圍玉一叢且待夜深明月上

歸時休照燭花缸宋張道洽秦少游

孤山幾度看南枝笑倚春風酒一卮詩句因余更孤峭

形容不到未開時宋陳和仲錢時唐

疏花淡淡月娟娟詩句清新欲鬪妍不獨看花仍看影

醉揮秃筆埽蠻箋宋董南江王十朋

醉把花枝盆自傷微微春色染林塘落花共入東流水

流入南湖盡日香唐白樂天陸甫

花開花落盡忘機寒雀喧喧凍不飛唯有詩家風味在

盡驅吟魄入玄微唐陸甫里宋蘇東

芒屨踏破蘚痕斑絕勝溪橋立馬看昨夢江花照江國

南枝向暖北枝寒宋邵仲甘張實齋

拌爲梅花倒玉卮此花開處鶴曾騎黃昏倦客忘歸去

集古梅花詩卷下

四

手把花枝唱竹枝宋陸放翁元李雪松宋鄭樵唐薛能

翻水松風聲合時年年來此看幽姿風清月白更三點

只誤何郎作好詩唐杜甫宋陳後山唐

南枝開後見天心月下芬芳伴苦吟不似馬騰桃李樹

等閒落盡費千金宋魏鶴山唐劉兼

參差猶愛月朦朧萬樹花前一老翁立向東風香不盡

恍疑身在蕊珠宮元僧大詵唐白樂

踏遍青苔未有詩獨搔蓬鬢繞殘枝江雲未放東風暖

自愛狂風妬蝶疑元黃貞文宋劉后村

蕭寺尋梅載酒過小梅纔作玉婆娑醉扶歸路人爭看

頭上花枝奈老何宋陳浪顛錢時

雨香雲淡覺微和看盡千林未覺多賞洽厭聞簫瑯沸

月明歸路影婆娑唐元微之宋蘇東坡

忽見羅浮萬鶴羣清香撲地只遙聞吟邊勝得逋仙趣

且倒金尊任半醺元藍性之唐韓文公

折得寒香不露機冷煙千頃釀寒成箇中有句無人會

笑然花枝獨步歸宋黃山谷元詹可

山童野鶴伴生涯絕似林逋處士家昨日倚闌枝上看

只將影其月橫斜宋陸景龍元劉伯序

江梅欺雪樹槎牙卻道新花勝舊花日上南枝詩未就

罷吟還醉忘歸家宋鄭亦山唐韓文公

看山看雪看梅花晚醉題詩贈物華吟罷醒心何處所

集古梅花詩卷下

孤山流水斷橋斜元宋无唐白樂天

梅花枝上十分春卻要風嚴香更闌行客見來無去意

停鞭回馬立斜曛唐崔魯元葉天民

草木惟梅大耐寒不嫌日日到花閒暗香靜色撩詩句

斷送先生此日閒宋方秋崖劉改之

梅花街雪弄精神夜月輕描玉樣身可恨東風留不住

半隨流水半隨塵宋錢時張道洽

天下無花不服降疏花冷蕊映書窗新詩起我超然興

吟斷遙鐘已曉撞宋陳似仁元葉天民

水邊風日笑橫枝消息惟愁探得遲便向尊前拌醉倒

斷人腸是欲殘時宋黃山谷張道洽

月明還挂舊枝頭自是花中第一流今日多情惟我到

卻疑飛夢在羅浮宋張澤民王季唐

風前詩客倚闌干溫水銅瓶自插看不比世閒紅粉態

朝開暮落費追歡宋王十朋唐羅隱

向來未識梅花時止渴和羹自有期今日重吟香影裏

珠星壁月景離離宋魏鶴山李堯夫

不獨開花不共時世閒柳木敢連枝乾坤清氣無人識

此樂惟余心自知唐方干宋鄭肅公

春風何處有佳期且醉梅閒綠玉卮今日滿園開似雪

幽人自恨探春遲唐武元衡元王逢

竹間璀璨出斜枝絕勝前村夜雪時歌作酒徒零散後

更將春色寄相思宋蘇東坡陳去非唐

月過花西尚未眠曲琴尊酒老梅邊從今一笑春風裏

消得詩人筆似椽唐陸甫里宋邵棠

一輪明月墜南枝褪盡紅稍見雪肌曳杖林閒觀物化

莫教門外俗人知元葉天民宋陳去

驛使歸來合有詩尙餘孤瘦雪霜枝也知造化含深意

只有清風明月知宋梅堯臣蘇東坡

梅雪相輝映遠空歲寒時節自春風清尊封月酌不已

心在先天太極中元僧大詎王竹齋

湖山搖落歲方悲中夜月高天四垂照見梅花開綠萼

祇應圖畫最相宜宋僧道潛元彭炳

集古梅花詩卷下

六

春入東郊雪漸融我心先在影香中花開花落長如此

歲歲年年人不同宋王仁父元羅梅我唐羅隱劉希夷

歲寒心事不相違野路迢迢思欲飛零落梅花過殘臘

入人襟袖帶香歸宋朱文公邵棠唐李類萬花谷詩

季冬除夜接新年多折梅花供老天山思更清人影絕

只留孤鶴伴清妍唐杜審言宋艾性夫唐李山甫元虞伯生

行到西湖處士家數枝清瘦少尤佳一杯正發吟哦興

秉燭三更對此花元黃真文宋趙昌父唐周朴宋蘇東坡

羅浮山下白雲深玉骨冰肌瘦不禁我亦悠悠無事者

不妨杯酒喜閒吟元葉天民僧來復宋王半山唐呂神仙

橫斜豈與李爭華狀出冰枝糝玉葩夜半何人吹鐵笛

集古梅花詩卷下

七

狂風吹去落誰家宋韓仲止劉后村元貢性甫唐賀肅進明

素娥青女共徘徊處處梅花當水開怪得晚來風力勁

隔牆吹送落花來宋劉言父元王竹齋王月屋郝經

瑩然貞白白無瑕雪裏吟香弄粉些何事春風容不得

夜來吹折數枝花元楊朋翼古詞宋徐師川張道洽

曉來花信又相催不願冰霜猶自開山鳥初來猶怯囀

啄教零落點蒼苔宋邵棠元藍山唐沈佺期宋王半山

月到梅花越樣明每逢半夜倍澄清中間著我方成畫

未必丹青畫得成宋徐師川唐李嶸宋劉須溪趙季西

不是尋常一樣花華風先試老槎牙繞溪問訊巡簪素

忘卻停車到日斜宋馮京僧北朝魏鶴山唐杜悰

歲寒不受雪霜侵奈此南枝索苦吟說與旁人應不會

提魚沽酒遠相尋宋楊誠齋陳后山李榮斗唐白樂天

靈根爭肯混凡塵花豔輕明欲照身添得能詩老居士

一篇佳句占陽春宋謝子才丁謂陳去非唐徐商

天姿雅淡似高人月下風前伴老身卻怪夜來詩句好

江山多助到清新宋張實齋唐白樂天元葉天民宋僧北磻

梅花偏向小園開笑指家林獨自來相對了無塵俗態

此時乘興幾銜杯元陳眾仲宋范堯夫元袁菊村失名氏

老梅枝上看春歸腸斷東牆乍見時翠羽飛來棲未穩

遶林空啄未開枝宋錢時元傅若金宋董南江蘇東坡

瘦影扶疏竹外村其人如玉立黃昏寒城月曉聞吹角

集古梅花詩卷下

八

鐵鑄梅花亦斷魂宋尤延之張道洽唐杜牧之元李孝光

梅花如粟已知春一樹橫斜獨可人莫惜黃金共清賞

難留浮世百年身元李仲公宋朱文公黃山谷唐杜彥之

月滿西園夜未央每來花下輒成狂摩挲老眼分明看

且放春心入醉鄉唐胡曾宋張道洽戴式之唐劉兼

爲愛南枝獨向陽偶黏衣袖久猶香時時助我毫端興

多少新詩入錦囊元李雲松宋劉潛夫元李柳開宋張敏之

花不禁春太瘦生懸知欲落不勝情老來只爲尋詩苦

更作登山臨水行宋蔡俊伯蘇東坡元藍山唐白居易

一陽初動反隆寒索笑情懷老漸闌短笛樓頭三弄罷

半隨飛雪度關山元虞伯生宋陸放翁舒肅蘇東坡

歲寒時節挺孤標雪樹參差映野橋莫道看花髮如霰

且燒紅蠟醉香醪宋僧雪巖元傅若金

無處登臨不繫情竹間一樹最分明人生莫道頭如雪

正要相看醉眼傾唐許渾元李柳開

翠禽呼夢月三更纔有梅花便自清徙倚看花仍看畫

無人知我此時情元李雲松宋張道洽陸放翁宋失名

的礫梅花草棘閒佩盡明日試尋看作詩調我生逸興

詩比梅花瘦一般宋蘇東坡謝無逸唐李太白元葉天民

數枝清瘦矧疏籬總是三生姑射姿有底春風能好事

吹香渡水報人知宋僧道潛元陳野雲宋黃山谷王半山

小橋流水夕陽村要與梅花些斷魂獨步獨吟人不曾

集古梅花詩卷下

九

冷香和月浸黃昏元葉天民宋沈惟肖邵堯夫元馮子振

青鞵不敢傍花行敲屋無言似薄情十里湖山春淺淡

對花如對老先生宋張道洽胡淡菴元丁鶴年宋僧北磬

青青石上歲寒枝歷盡風霜只自知不得畫師來貌取

一時收拾作詩歸宋王半山何應龍唐韓文公宋潘勻

娟娟晴月照梅花便與春工定等差可惜暗香疏影處

乾坤收拾幾精華元張以寧宋黃山谷李方叔張道洽

此花莫道俗人看卻墮荒溪野徑閒昨夜山中酒初熟

一尊相對洗愁顏唐李涉宋劉后村元盧潛元宋劉龍山

冰玉豐姿不可雙自慚開筆久臨窗月香水影橫斜處

浩唱庭花倒玉缸宋白玉蟾王十朋元宋本宋劉貢父

起傍梅花吹玉簫曉來簾外玉飄搖花飛莫道隨流水

漫爲芳魂作賦招元李雲松唐胡宿宋謝枋得元申屠綱

疏疏淡影竹林閒耿耿幽姿半夜寒誰信詩能回造化

無詩恰莫倚闌干元趙子昂宋陳後山錢時蘇東坡

迴林村落旁溪橋朵朵生香比玉嬌深夜獨吟還不寐

碧天霜冷轉無聊唐戎昱元申屠綱唐李紳胡曾

玉肌蕭索粉香殘忍立叢邊到夜觀門外好禽情分熟

故來枝上語酥蠶元劉立雪唐方干宋朱淑真王半山

相伴山翁老歲寒閒情一味澹相看卽今攜酒江郊去

也勝吳兒賞牡丹宋錢時胡淡庵宋潘子賤劉潛夫

與繞孤山水竹村雪花如浪灑乾坤向來逋老題詩處

集古梅花詩卷下

十

明月清風許重論元葉天民李柳開宋艾性夫尤延之

萬紫千紅不敢花江頭牆角幾枝斜風搏小朵香初破

彩筆無心賦落囊宋張澤民晁君成唐杜牧宋劉翰

家住夕陽江上村寒松瘦竹共柴門微吟淺酌東風裏

月浸梅花正斷魂宋葉唐卿元藍山宋李明叔趙雍

破荒玉雪繁煙村未受陽和一點恩便向尊前拌醉倒

月明花落又黃昏元劉立雪唐李山甫宋葉少蘊唐杜牧之

歲寒不畏雪霜侵物象相忘趣轉深遊賞且拌連日醉

風前月底一生心宋楊誠齋元申屠綱遠宋范堯夫張道洽

歲事雖殘莫厭殘梅花併作隔年看暗香已厭醮醮倒

蒼苔梢頭破曉寒宋胡雙湖方秋崖黃山谷張澤民

澹薄自矜西子妝人閒一味有真香風尖月細春猶淺

宋呂居仁每信道

幽獨無人為斷腸田紫芝陳后山

水沈為骨玉為肌冰夢霜葩帶雪枝露鶴聲中江月白

先生無睡已多時宋黃山谷元葉天民

梅花清瘦若吟仙花底開尊待月圓得句有誰知我在

閒情元在落花邊元李柳開通易之

清溪一路踏花歸留得野塘如雪枝此度看花心轉密

樹存無酒且新詩唐僧古易溫飛卿

江梅初破一陽天喚取詩人到酒邊把酒對花歌一闕

鬢毛同白不爭妍宋王十朋黃山谷

只應梅蕊故依然露欲為霜月墮煙人已得閒心似玉

宋陳去非黃山谷

粉香都付薛濤箋元陳眾仲張伯雨

梅花開謝自年年盡在疏枝淺水邊晚景乍看何所似

西湖西畔北山前元劉秩黃貞文唐

詩家何物可相方一度逢花一斷腸且戀殘陽留綺席

北風大為發清香唐李建勳盧中

枝南枝北一般春谷口寒雲似見人全覺此身離俗境

迎風索笑暗驚塵元林弼宋王公燁唐

清寒池館靜無塵標格天然寫不真我欲細看持在手

好枝和月插紗巾宋陳後山張道洽

疏疏寒影近房櫳倚遍闌干興未窮酌酒對花歡未極

不堪吟罷夕陽中宋梅堯臣元郭昂

青豔開時混月明何須相倚闌輕盈故園此日多清賞

唐羅韜韓文公韓

皎皎仙姿脈脈情君平宋晁君成

看到梅花又一冬曲闌干外月朦朧沈吟不寐先聞角

狠籍柴門鳥徑中宋張道洽元凌

數枝清瘦少尤佳況復山人與水涯一曲將軍何處笛

飛來飛去落誰家宋趙昌父韓仲止唐

粉香前夜隴頭開水月精神玉雪胎半夜東風吹石裂

亂飛白雪照蒼苔宋陳元老元王從叔

鐵心不受雪霜驚繞樹徘徊獨自行昨夜月明玄鳳下

倚花渾不作春聲宋張道洽元李雲松

村映寒原日已斜瑤林雪霽樹槎牙依稀昨夜東風起

宋張道洽元李雲松

吹作江南第一花唐郎士元元李雲松

雪嶺先開耐凍枝開教探早落教遲長工欲寫無言意

俟我下筆題新詩宋蘇東坡張道洽

試向冬窩帶雪看心知尤物久留難角聲吹落梅花月

愁殺夜深人倚闌宋錢時劉潛夫

江上梅花無數發呼兒傾酒綠盈鍾明朝卷地東風惡

吹向誰家明月中唐武元衡元劉秩

獨攜尊酒此留連一見風飄姑射仙莫待東風吹雪積

暫留歡賞倚春前元元好問宋戴式之

霜姿月骨夜稜稜得似清溪樹下僧欲落又開人共惜

題詩竄莫寄吾曾元黃貞文宋張道

集古梅花詩卷下

上

集古梅花詩卷下

上

春來樂事總關心冷蕊疏花瘦不禁一醉便成經歲別

新詩改罷自長吟元岑安期藍山李

姑射仙姿不畏寒嫣然一笑竹籬閒相逢只賴如澗酒

幾度臨風倒玉山宋陳後山蘇東坡

蒼苔碧蘚近移根杖履南園或北園半夜鶴歸詩思好

一寒安用酒温存元藍山宋邵堯夫

身與浮雲處處閒有梅此地即孤山滿頭花卉盈尊酒

貪醉花閒臥不還唐劉文房宋戴式

水共逍遙雲共孤夜深霜月冷侵膚風憐薄媚留香與

冷澹何心識老逋唐李九齡宋陳文卿

地老天荒儘可花孤根淡似道人家數枝乞與吟窗供

集古梅花詩卷下

五

清絕無煩錦帳遮元王竹齋宋艾性

梅雪爭春未肯降翠娥持燭侍吟窗終須撰取新詩品

且倒花前白玉缸宋盧梅坡梅堯臣

尊前奇賞著詩誇不得春風也自花且看過年開未了

化工有意屬儂家宋趙鼎白玉蟾

老去詩名亦漫然梅花獨與雪爭妍黃昏忽噴當樓月

愛此憑闌夜不眠元藍山吳相州

花裏可憐池上景月明照破小窗幽無端畫角連雲起

吹老梅花總是愁唐王周宋邵堯

梅花一樹大橋邊尊酒相逢意灑然玉蕊檀心兩奇絕

苦吟直欲骨通仙元趙賢宋范堯夫

半依山谷半林泉雪樹生香落月邊唯有吟毫閒不得

詩成又恐競流傳元袁彥章宋李正

風撼孤根雪壓枝憑闌欲去立多時山禽不飛但聞語

此意人閒幾箇知宋李堯夫張澤

志趣幽閒節操堅南枝唯有暗香傳我來袖手吟無句

始覺看花似去年元袁菊村藍山

獨乘曉月對幽姿素萼清香傍酒卮我欲題詩追李杜

白頭才盡只堪悲宋張澤民趙林元

梅花樹下少婆娑作意南枝剪刻多一首小詩吟未就

月明清夜奈愁何元滕玉霄宋蘇東

欲訪梅花信未通憑君莫放酒杯空三更自憑闌干立

集古梅花詩卷下

六

更待銀蟾出海東元羅梅我張翥

午窗清夢起來時春淺南枝如北枝似笑紅芳開豔冶

卻須我輩與題詩元葉天民宋范成大

月中香影闌清奇夢裏春風玉樹枝老子於中非淺興

水亭鶴鷺最相宜元葉天民唐鮑溶

帶黃昏後月朦朧香盡千巖萬壑風野鶴飛棲無遠近

數聲和月到簾櫳宋僧北磻張澤民

梅梢春色弄微和奈此詩情惱亂何淑質仙姿誠罕有

月中不數桂婆娑宋蘇東坡劉迎元

啟窗看月月初生窗外梅花瘦影橫梅月蕭疏兩奇絕

惟愁吹入角中聲元楊明翼古詞宋

吟詩竟日未能回竹葉頻傾滿滿杯此是看梅端的處

前村雪裏一枝開唐韓文公韋莊米戴式之舒信道

花氣侵人笑語香知心誰解賞孤芳夜深得句清無敵

今古冥冥出處忘宋秦少游陸放翁方字若王平甫

半窗花影月籠紗蠟蕊柔香更可嘉不似紛紛桃李輩

亂分春色到人家元葉景南宋王十朋唐張文昌宋秦少游

古松陰下看梅花鱸背詩翁問酒家清氣逼人無遠近

夜深飲散月初斜宋鄭亦山元李雲松貫雲石宋花蕊夫人

瀟灑苔枝出竹林可憐青帝用功深娟娟惟有西林月

照見平生鐵石心元林霽山宋邵堯夫唐劉滄元李久誠

探得東君第一枝冰霜爲骨玉爲姿晚來風起花如雪

集古梅花詩卷下

七

吹落誰家不得歸宋黃山谷元許有王唐劉禹錫韓文公

自鋤明月種梅花正擬相看度歲華好似羅浮山下路

一株煙樹老槎牙宋劉小山艾性夫元李雲松宋僧雪巖

孤山分得一枝春卻賴林逋爲寫真可是貞姿更清絕

生憎桃李鬪芳新元李彥誠吳相州黃泰甫宋張于湖

跨鶴來尋處士家除香除影賦梅花仙風道骨知誰有

合得詩人極口誇元黃貞文劉立雪宋黃山谷韓琦

日斜風定更離披黯淡江天雪欲飛擬看林開明月上

暫時相賞莫相違唐張泌萬花谷詩宋陸放翁唐杜甫

十年詩酒愛逢春皎皎霜葩鬢鬪新能向尊前幾回醉

東風流轉又生仁唐陸甫里宋蘇東坡唐崔敏童元黃甫卿

飛煙籠樹省淹留展折梅花插滿頭後夜雪殘瓊月上

忽疑身是夢中遊唐李邕宋陸放翁元李彥誠唐白樂天

高標已壓萬花羣枝北枝南次第春獨有幽禽解鳴語

隔簾呼醒看花人宋陸放翁元李卓爾宋韓仲止元迺賢

春傍寒梅占作魁數枝開作一枝開當歌對酒腸堪斷

難放紅螺蘸甲杯宋陳元老唐僧齊己宋仇仁近唐曹唐

到處十枝五枝花未妨雪月照槎牙留連真與詩成趣

醉脫鶉裘付酒家唐吳子華宋劉後村唐杜棕宋戴式之

的的冰花已破春寒郊纔喜歲華新倒尊盡日忘歸去

得得相看厭頻元李雲松宋僧仲靈唐王肩宋張道洽

雪邊取體更清勻多少春花屬後塵庾嶺猶開春色早

集古梅花詩卷下

六

相思愁殺倚闌人元張子湖宋張實齊元藍山郭昂

花開日日去看花竹外籬邊一樹斜信馬冷吟迷路處

荒蹊野徑兩三家宋曾子固尤延之唐殷文圭宋王半山

日對梅花醉復醒幽香不減向來清花枝向月雲含吐

瘦牖前頭畫不成元劉秩黃貞文唐元稹元虞伯生

亭亭玉立歲寒身忍凍騎驢早得春折得一枝春正好

試煩纖手插烏巾宋張澤民元李卓爾宋胡炳文元張于湖

貌枯神瘦老槎牙喜見春初第一花好是綠窗風月夜

小瓶春水一枝斜宋艾性夫趙非唐孫氏女宋陳去非

隔溪一見眼偏明句引東風無限情走向南鄰愛酒伴

小舟同載月明行宋張道洽唐白居易易杜甫宋沈惟肖

梅花閒伴老來身相對依依似故人冷澹合教閒處看

無風情景自勝春宋姜白石李之純

微風林裏一枝輕檀暈妝成雪月明幸有微吟可相狎

只將新句賞新晴唐常建宋蘇東坡

忽向林閒見玉神靚妝長與月為鄰明朝又作東西別

此地看花是別人元僧無本宋朱叔真

無人解惜為誰開春意溶溶沁酒杯興罷日斜歸亦懶

惟留策杖立蒼苔唐白樂天陸浪願宋

南浦尋梅雪滿舟聊憑酒聖作天遊歸時不省花閒醉

風逗寒香遠遠留唐劉滄宋邵堯夫

玉蕊蕭條跡更塵東風不阻探梅人夢尋仙姥經行處

集古梅花詩卷下

七

冷冷疏疏雪裏春

宋曾子固元李觀林下輕風待落梅白頭騎馬看花來詩情酒興常相屬

且更從教緩緩回唐孫逖元通易之

四野同雲漫不收幾回山脚又江頭不知何處吹蘆管

人與梅花一樣愁唐詩話宋林通唐

纖薄如冰瓣瓣開年年爭向被春催欲邀通老花前醉

領畧風煙又一迴宋楊蟠唐曹松元

巡簷為愛梅開早自是花中第一流隴上行人夜吹笛

冰肌玉骨未禁愁元李雲松宋王鞏

江梅遠白故園情香比醱醱分外清自笑鄙夫多野興

一尊相對眼俱明宋曾子固吳君成唐

水沈為骨玉為肌雪蘚霜鬚苦癖枝疑是九華仙夢冷

春風元自不曾知宋黃山谷董南江

歲歲相逢似故人巖前獨立幾經春老夫多病無風味

也插山花滿角巾宋陳後山劉太冲唐

雪晴雲散北風寒幾度扶藜獨自看且向花閒留晚照

肯容蝶使戲其閒唐賈至元李雲松

新種梅花好月明絕憐玉雪倚參橫醉鞭款段吟歸去

渾似龍眠畫裏行元謝應芳宋魏鶴山

一枝纔破便精神夢想西湖十里春肯向黃昏求對月

題詩試問隴頭人宋潘紫巖陳后山

竹外疏花一兩枝直愁斜日凍蜂知一尊是處成幽賞

集古梅花詩卷下

六

未免花前倒接離

宋鄭頌蕭東之陸傍巖依樹結層椹月照梅岡雪樹明仙鶴翔空清似水

向人飛下不勝情唐吳子華元張翥

玉作精神雪作膚憑闌小立撚吟鬚憑君說與凡桃李

桃李依然是僕奴宋趙福元真西

梅花開到北邊枝卻憶江南舊賞時憑仗幽人須著意

但教吟取杜家詩宋戴石屏趙抃胡

亭亭孤立雪霜前把燭看花夜不眠饕虐憑凌任風雪

最宜吟詠入詩篇元藍山宋陳后山

凍雪寒雲正冷冬先傳春信到花叢無端陌上狂風起

拋擲深山亂木中宋華岳王震唐

說到梅花也自清絳羅織夢裏瑤英分明昨夜江南夢

欲化西園蝶未成宋張道洽唐趙嘏

老大偏傷節物催枝南枝北一齊開槿籬竹屋江村路

布韞青鞵日幾回宋陳后山曾茶山

前村雪裏一枝香句引詩人費品量絕是精神吟不盡

看渠桃李敢承當宋舒信道陳后山

一生風雪歎江梅小葉稠枝粉壓摧少待須臾更清絕

西南枝上月徘徊宋艾性夫唐鄭谷

春入西湖到處花清姿元不受鉛華老來自苦無新句

立馬踟躕到日斜宋蘇東坡趙福元

斷橋流水領春回風靜寒塘花正開正把新詩望南浦

集古梅花詩卷下 九

仙人應遣鶴飛來元王從叔唐劉

一枝深映竹叢寒點點晴香已帶酸霜鬢不辭全插滿

醉扶歸路縱人看宋林逋方巨山

南枝昨夜暖先回一笑巡簷索酒杯雪豔冰肌羞淡薄

海天何處鶴飛來宋王十朋類編詩宋

無一詩中不說梅小軒臨水為花開黃昏一段消魂思

何處笛聲江上來宋張洵民蘇東

天寒空谷正堪嗟洛素香魂玉作花雙玉瓶乾情正洽

醉看參月影橫斜宋張實齋元張翥

月復誰伴詠黃昏斷角殘鐘半掩門山鶴一聲人未寐

羅浮喚醒雪霜魂唐李義山宋陸放

愛花聊復出江干不畏風霜入骨寒惟有春風知此意

一枝留與雪中看宋陸放翁元王竹

少年相與探花開蘭渚移來手自栽林下水邊無厭日

不妨乘興且徘徊宋歐陽修曾子固

對面梅花冰雪閒得閒來此獨憑闌南枝暗就江頭發

老眼相看在歲寒宋嚴野雲仇仁近

清晨猶爲到西園纔有梅花便不村幾度看花晴雪後

暗香疏影又黃昏唐韓偓宋張澤民

一枝誰寄臘前梅留得先生手自栽笑我有詩三百首

言情不盡恨無才元謝應芳宋辛幼

雲物淒涼小雪初此花風韻更清殊巡簷說盡平生事

集古梅花詩卷下 十

已共孤山入畫圖元張翥宋陳去非

寒梅芳信冠羣倫箇箇枝頭帶月痕總爲從前作詩苦

天寒時復出柴門宋潘子瞻張道洽

人生常苦歲寒催愛此山花四五株心賞不妨隨處樂

一簾煙雨過西湖唐李昭史韋莊宋

宿靄霜黏凍雪殘探梅今夕到江干無人知得花清處

清入詩腸句亦寒宋林逋陸放翁

水邊林下一枝橫歲暮相逢盡傾意悟神交非力索

月高風定苦吟生元李雲松宋王半

潔白精神分外饒江南江北雪初銷一枝一影寒山裏

莫道鄰家笛韻高宋僧雪巖唐劉禹

也先百卉幾分春占斷風情向小園今日孤山山下路

晴香且伴月黃昏元李草閣宋林逋
陸放翁仇仁近

南陌登臨此日情水邊林下曉妝明一杯正發吟哦興

孤月亭亭雲外生唐司空曙宋晁君
成唐周朴宋鄭樵

盡日幽吟歎異常人欲看壽陽妝從容賞遍西園景

只覺閒身是醉鄉宋寇平仲范仲淹
范堯夫唐吳子華

誰信幽香是返魂羅浮山下幾黃昏偏憐雪裏無雙豔

踏雪明朝過遠村宋蘇東坡元袁彥章
宋陶問口元藍山

疏影橫斜更斷腸春風一枕夢魂香箇中有句誰拈出

健筆縱橫為發揚萬花谷詩元葉天
民宋錢時嚴丹丘

瘦蕊疏花耐寂寥冷煙斜抹傍溪橋詩成一笑歸來晚

集古梅花詩卷下

主

疑是經春雪未消宋僧雪巖同上
元郭昂唐戎昱

江路梅花無數開司花著意看春魁幽人獨自西窗晚

還自詩情象外來元王竹齋元道山
唐陸甫里李山甫

冰姿雪色自無塵獨占人閒第一春欲遣何人賡絕唱

衝風踏雪到江濱元林嗣宋林逋
蘇東坡陳后山

小雨廉纖洗暗妝千回百市繞花旁閒吟閒詠人休問

一笑詩成字字香宋黃山谷元陳思
清宋邵堯夫雷淵

三生種種得梅緣散策相尋紫翠邊吟玩獨當明月夜

相恨相合關清妍宋張澤民曾元一唐
白樂天宋李正臣

詩家眷屬酒家仙落日相看斗酒前不是梅花心似鐵

亦惟好事與同然唐白居易宋趙南塘
唐伯生宋趙南塘

老來絕被梅花惱時有暗香來襲人可惜東風情未暖

全憑雪月助精神宋劉立雪萬花谷詩
石曼卿元吳黃庭

礪東猶是欲開梅花下曾騎一鶴來肯伴老人春一醉

隔籬呼取盡餘杯宋韓仲止張道洽
蘇東坡唐杜甫

煙霧中閒見玉人丹青難寫是精神騷人自欲留詩句

須向花開次第聞宋張實齋王半山
同上唐楊巨源

造化工夫自可尋高標不畏雪霜侵酒酣正欲盈簪戴

蓬髻稀疏恐不禁宋邵堯夫鄭毅夫
范堯夫董開雲

玉骨冰肌本自幽寒鴉飛盡水悠悠無端半夜西風起

花自飄零水自流元古紅梅詩千家詩
元藍山宋李易安

春初攜酒此花開且向東風一醉顏眼淨塵空無可埽

集古梅花詩卷下

三

故將巧笑破霜寒唐李文山宋趙抃
蘇東坡陳后山

野梅倒影浸寒塘機放一花天地香明日更期來此醉

詩屏獨聳到昏黃宋李顯卿張實齋唐
司空圖宋白玉蟾

枝頭葉底各爭芳句引道仙蝶夢狂走馬看花生怕晚

山林閒客一身忙宋僧雪巖元葉景暉
劉龍洲宋曾原一

神仙肌骨更無雙惱盡詞源湧大江只恐春歸有餘恨

道人高臥白雲窗元貢師泰宋楊蟠
劉屏山陳以仁

冷香消盡晚風吹酒暈無端上玉肌借問漢宮誰得似

壽陽裝額太矜持宋謝無逸蘇東坡
唐李白宋盧贊元

紅梅四首

姑射仙人玉雪肌春風吹酒上凝脂世人那得知其故

自恐冰容不入時

宋錢子方子適
唐杜甫宋蘇東坡

可愛紅芳愛素芳
歡因小飲便成狂
日斜回首江頭望

錯認天桃有暗香

宋朱文公唐白樂
天唐求宋韓無咎

故應更好半開時
梁廣丹青點筆遲
白雪為肌玉為骨

是誰妝作醉西施

宋楊誠齋唐鄭谷元
元遺山宋錢子是

仙中姑射接瑤姬
試作輕紅也自宜
幾度杖藜貪看早

嬌嬈全在欲開時

唐王周宋方子適
尤延之唐鄭谷

集古梅花詩卷下終

集古梅花詩卷下

三三

嘉熙開雪巖宋伯仁有梅癖著清隱集又寫花之狀貌
題以古律詩爲梅花喜神譜元馮子振海粟倡梅花絕
句百篇釋明本中峯和之更和春宇百律山陰韋珙因
李仲山之命先後成詠梅百首楊維禎爲之序裁冰糝
雪足繼和靖翁能事矣而郭豫亨闢新境探羣言撰梅
花字字香前後二集天真獨發如出自然有明繼之者
周憲王誠齋梅花百詠魏克己和梅花百律童琥草窗
梅花集句三卷附錄一卷和梅花百詠二卷可不謂從
眾香園與梅花特世者耶萬厯中洪洲散人王圻之子
思義仿黃大輿梅苑嘗編梅之圖譜事類賦記詩詞爲
香雪林集二十六卷疏影暗香盈溢楮墨中有沈行履

集古梅花詩跋

一

德集七言律詩一百二十首七言絕詩二百四十首句
鍛意鍊璧合珠聯洵得天然之巧者當時必從單行本
策入今析出重梓豈如梅之返魂香乎履德尙有集忠
孝詩雪詩宮詩均未見也光緒丁酉初春小孤山民丁

丙

沈履德遺詩

褚僕射廟集句 見昭忠錄

孤臣憂國言無隱撫事傷心涕滿袍聖代即今多雨露

精靈何待楚詞招 宋劉後村歐陽修唐高遠夫元傅若金

始終臣節雪霜寒獨立敢言人所難清廟萬年常血食

高風留與後人看 宋羅正之李思中唐李紳宋韓中村

平生忠義只天知醇酒重來弔古祠魂若有知宜自慰

簡編千古大名垂 宋王庭珪金元好問宋邵堯夫律詩類編

一章何罪死何名留取丹心照汗青獨立靈塘加鄉慕

百花開落滿空庭 宋斐微文天祥元嚴寄庵唐劉禹錫

祇因進退繫安危大廈元非一木支欲采蘋芳酌椒酒

集古梅花詩附錄上

愁雲漠漠草離離 律詩類編宋王庭珪元夫名唐賈準

曾於青史見遺功不昧丹心獨此公欲冀忠魂何處問

蕭蕭黃葉起悲風 律詩類編宋王庭珪唐許渾元嚴寄庵

旌功祠集古 見于忠肅集附錄

平生忠義貫長虹不昧丹心獨此公莫道政聲同宇宙

由來勳業屬英雄手扶紅日名猶在薤送歌聲事已空

清廟萬年長血食聖朝還有幾人同

昭化寺集古次俞節齋韻 見仁和縣志

日下風高野路涼雨餘山水落方塘寺深松檜無塵事

夢繞林泉度石梁萬物靜觀皆自得一時清賞肯相忘

我來不問西來意卻訪支郎是老郎

日休為沈履德賦

丁養浩

夾城隱君子日休扁其堂問之何名爾德履素所將行

以德為本德乃行之防乘彝出天性道義為綱常朝夕

此從事跬步不敢忘利行心自裕積久理彌彰俯仰無

愧作隱顯何迨遠悠然方寸地恢恢鑑穹蒼彼昏苦無

知偽行勞動勳隴斷罔微利機鈴陷深殃眩巧顧成拙

顛連果何傷我歌日休詩中有否與臧君子履周道小

人歷羊腸所入一謬誤終身判霄壤願言慎所擇千古

留遺芳

沈履德集古詠雪諸公取真字韻倡和以贈

丁養浩

集古梅花詩附錄上

乾坤萬里都無辨極目渾疑霽景新柳絮池頭風散漫

梅花枝上月精神吟多灑水騎驢愁段西湖放鶴人

欲借梨雲貌奇絕夢中消息恐非真

省

愆

集

省

愆

集

敬鄉樓叢書

中華民國二十二年
嘉永黃氏校印

序一

君子之於詩貴適性情之正而已蓋人生穹壤間喜與憂
 伏困窮其事非一也凡有感於其中往往於詩焉發之惟非
 於性情之正其得謂之善於詩者哉觀予友少保戶部尚書兼
 武英殿大學士黃公宗豫省愆集之作其殆所謂吟詠性情而
 得其正者歟公洪武開登進士擢中書舍人太宗皇帝入正大
 統首選入翰林院為編修累拜春坊大學士以職事被譴居幽
 十餘年仁宗皇帝嗣位即釋復任又累升今官公居幽時感時
 觸事形於賦詠積累成編名之曰省愆其志可尚也惟國家戡
 除暴亂而開大一統文明之運人才彙興大音復完自洪武迄
 今鴻儒碩彥彬彬濟濟相與詠歌太平之盛者後先相望公以
 高才懿學夙膺選補獻皇猷鋪張聖化與世之君子頡頏振

省愆集

序一

敬鄉樓書

奮於詞翰之場者多矣此蓋特其一時幽寓之作而愛親忠君
 之念咎已自悼之懷藹然溢於言表真和而平溫而厚怨而不
 傷而得夫性情之正者也於乎雖哉公閒出是集屬題其端誼
 不可辭遂序之如此以俟觀者宣德八年春二月既望榮祿大
 夫少傅工部尚書兼謹身殿大學士知制誥國史總裁建安楊
 榮序

序二

予嘗讀歐陽永叔序梅聖俞詩謂詩必窮而後工蓋嘗疑焉及
 讀今少保戶部尚書兼武英殿大學士黃公宗豫省愆集而後
 知永叔之言為然夫詩者所以宣人言詠性情豈待窮而後工
 乎然其所以工者必窮居索處觸感憤之情鬱於中而不能
 暢故其發也愛深思遠慨激切有非平時得意者之可比也

公在洪武間以名進士授中書舍人太宗皇帝入正大統首膺

拔擢由翰林編修歷遷右春坊大學士嘗被命輔皇太子監國
 朝夕左右付託隆重久之以事去職遂居幽十餘載仁宗皇帝
 自東宮嗣登宸極思惟舊人再拔用公又累轉今官公在館閣
 時予實與同事凡四方萬國制命之下日不下數十固未暇於
 詩雖閒有所作不過勉酬應亦不暇於求工也是集蓋公居
 幽時之作凡愛君念親感時書事憂鬱自適之懷悉於足發之
 其言正而無邪哀而不傷詠歎而自懲紆徐委備卒本於忠厚
 惻怛其情藹如也殆窮而後工者歟雖然聖俞在當時低徊小
 官志不得奮見於事業徒於詩有稱耳若公以宏才碩學遭遇
 聖明垂三十年聲光著於海內其見於此者特以一時寓於羈
 蹇岑寂之中而發之視聖俞之終身屈抑以窮而老者可同日

省愆集

序一

敬鄉樓書

語耶公方以疾得告南歸間出其集示予屬為之序予閱之再
 三見公之於此畏天祇命志愈堅而操愈篤藹然忠臣孝子之
 思備見於情詞之閒者予無以議為矣然去此而休也吾知公
 怡愉恬適氣益和體益夷奉親之暇與賓客故人時時作為詩
 歌更倡迭和以頌聖天子太平熙洽之盛則其和平盛大之音
 又非前日幽鬱之時之可比矣予日望公倘有以賜教哉是為
 序資善大夫太子少保禮部尚書兼武英殿大學士臨江金幼
 孜書

序三

世自太師之職廢而閭里歌謠訖無所采所謂詩者則皆出於
 一時能言之士去風雅亦以遠矣然其有關於名教者恒見重
 於世今少保戶部尚書兼武英殿大學士永嘉黃公洪武中由

進士官禁近太宗皇帝入正大統擢居翰林日侍左右公以宏
達有爲之才盡心殫慮以奉其職大見信用復俾兼宮僚及車
駕幸北京皇太子監國公以春坊大學士輔導久之以職務被
繫者若干年時其尊府封少保公及母夫人皆在堂公深自克
責念君親之恩惟圖存庶報稱於萬一乃託之詩歌以舒其抑
鬱憔悴之懷故凡風景之接乎目而感乎情者皆發之於詩久
而成卷名之曰省愆集仁宗皇帝即位首釋公復其官未幾進
位師保人皆謂公忠孝之心無間於夷險而卒獲其報也閒嘗
屬予序其集嗚呼觀公名集之義豈徒詩云乎哉古之人孝莫
如舜忠莫如周公世未嘗以舜之孝周公之忠爲有餘則凡臣
子之所以自處者常何如哉公蓋有見於是也夫人心之天不
爲事變所移易則足以昭世教士君子取重於世者以其道信
省 愆 集 序 三 敬鄉樓叢書 第三輯

也豈徒詩云乎哉是爲序宣德七年龍集壬子春正月哉生明
嘉議大夫太常卿兼翰林學士南郡楊溥序

序四

惟我太宗文皇帝蒞阼之初誕興文治規致太平慎簡儒臣設
內閣以處之俾職論思典內外制參預機要而臣淮猥以求學
忝與列焉永樂己丑車駕巡狩北京今上皇帝居春宮監國臣
淮偕二三輔臣承朝命侍左右癸巳再巡狩亦如之受命諒
揚不遑夙夜誓竭駑鈍惟報稱然而質素愚陋以故處事乖
方有不副上意旨者明年秋逮詣北京自分當被顯辟乃復蒙
恩矜恤但寘之獄俾自省過一何幸也在獄踰十年懲艾之餘
他無所事凡觸於目而感於心者一皆形於詩甲辰秋伏遇今
上皇帝即位覃恩肆赦淮獲全喘息復從諸大夫後退食之暇

細釋腹藥得詩賦詞曲合若干篇彙次成帙名之曰省愆集志
不忘也嗚呼先儒論詩以爲窮而後工近古以來若李白杜甫
柳子厚劉禹錫諸名公其述作皆盛於困頓鬱抑之餘至今膾
炙人口淮也才不逮古人處困日久而固圜禁且嚴目不親編
簡手不親筆札口不接賓客之談舊學日益耗落氣愈昏而趣
愈卑志愈窮而辭愈拙深可愧也然而篇什所載或追想平昔
見聞以鋪張朝廷盛美或懷恩戀闕以致願報之私或願望咨
嗟以興庭闈之念至於逢時遇景遣興怡神一皆出於至情蓋
亦不可廢也是用藏之巾笥以貽子孫俾覽者知予處困之大
略工拙云乎哉是年九月朔日介庵居士黃淮序

省 愆 集 序 四 敬鄉樓叢書 第三輯

四

敬鄉樓叢書 第三輯

省愆集卷上

賦

閔志賦

黃淮 宗豫

閔予生之多故兮羌不知其所從肆選搜而隱索兮究微末之
 始終繫繫年之向茂兮卽有志於聞道坤佔畢而事鉛槧兮夫
 既從吾之所好奮侯類而躋璧雍兮謂青雲平步而可登探蟾
 窟以擢桂兮冀黃鶴而騰鸞 瓊瑤於天衢兮與夔龍而接
 武集鳳池而上玉堂兮曾哀職之莫補仰繼明之垂照兮荷眷
 遇之日隆資予紛其駢蕃兮實千載之奇逢慨輪忱而瀝膽兮
 覲圖報於涓滴嗟夙志之未酬兮遽速靈而權辟懷兢惕而內
 省兮豈持操之靡常也何弗良於行兮致顛覆之我戕也駕指
 省 愆 集 卷上 一 敬鄉樓遺書 第三輯

南而之河朔兮遐不虞其所屆結蘭茝以泛溟渤兮亦固知其
 攸濟聞德音之煥頒兮咸鼓腹而興歌慨凋謝之枯竭兮猶未
 沐乎恩波意休復之有方兮契我龜而燠之招巫咸使考卜兮
 或開予而道之謂陽舒陰慘兮皆至仁之流形彼困心衡慮兮
 庸玉汝於有成亮食兆之告吉兮亦昭昭其孔彰也味賈哲之
 遺訓兮將何脩而允臧也重曰孰始而張緊帝力兮孰後而遏
 自貽戚兮處困而亨致命以爲則兮噫嘻小子庶其無斃兮

四愁賦有序

昔張衡著四愁詩舉四 以寓其所懷江淹作 賦以寫
 沉鬱之情至今傳誦之走也不才真叢棘者十年矣涉歷四時
 無非窮苦因兼取二君子命題大意成四愁賦一篇聊以自釋
 云耳第以學庸才陋思有效掇之謂然而感物興懷託辭見志

其義一也辭曰冲虛子索居屏迹息慮省躬因洞觀夫玄化爰

有感於深衷年與時馳光景物之不異情隨事變何忻感之靡
 同若乃陽和煦育品彙昭融稔李芳桃耀繁華於朝日金鞍結
 駃醉羅綺於春風轉歌喉之窈窕藹香霧之空濛踟躕離斯
 遊未已爭妍索笑其樂何窮我則低摧喪氣憂悶填胸虛負歲
 華之遷易那知花信之始終聽簷外鳴禽空教夢斷見墻頭飛
 絮始覺春濃慨窮途之寂寞奈幽思之忡忡至若蘭 傳 鷓
 波漲綠開池館以來南蕙折荷箭以泛醜蘇和白紵之新詞歌
 采蓮之麗曲或鳴琴以俯清流或岸幘而倚脩竹扇影風泛兮
 齊紉懷紋涼透兮洲玉我則業穢流腥炎蒸蘊毒飛旋繞道
 拂何暇於言談流汗沾濡起居不離乎裋褐紛然塵垢之侵肌
 叢爾蠶烟之迷目焉敢恣其趨踰豈能類於盥沐及夫序屬三
 省 愆 集 卷上 二 敬鄉樓遺書 第三輯

秋金風扇冷時維殘臘素雪揚威盼鄉信之沈迷日窮雁字苦
 凝寒之慘慄體怯錦衣漏沈沈兮長夜魂渺渺兮親闈警鐸傳
 聲兮駭膽而慄魄燈照影兮酒淚而長吁于斯時也爾乃闢
 勝詩奇攜朋拉友迓九霄之沆瀣待月南樓翫六出之奇葩張
 筵北牖列侍女擁歌姬薦嘉肴稱壽酒婉兮媚物之情哆兮懸
 河之口第恐爲樂未久而盛時年貌之不留又豈知窮愁迫蹙
 而羈人歲月之易久也嗟夫予嘗究夫庶物之理萬化之原是
 非互見得失相沿競侈靡縱遊觀則流之於放閔阨窮極愁苦
 復溺之於偏况消長盈虛實玄機之旋斡而窮通壽夭豈人事
 之能遷是故陋巷箪瓢回也不改其樂易簪待盡參乎獨得其
 傳又若陸績顛危而不忘乎孝行史遷殘毀而猶校夫陳編韓
 退之貶湖陽而侃然正大之氣上干霄漢杜子美走川峽而懇

乎忠愛之情屢見詩篇此皆騰輝於汗簡非徒誇大於浮言復有至人道備德全不與時化不爲物牽胞悲喜於一致安性命之自然匪棘匪徐留心澹泊之域爰清爰靜游神沖漠之天斯其盛矣我願學焉

四言詩

鹿鳴在藪閱已也沈思引咎感物興懷不能自遂焉

鹿鳴在藪魚則川游我居孔棘伊誰之尤 魚集于沼鶯求其友我居孔棘伊誰云偶 我陟我帖有足伊阻我陟我吧有良其趾憂心孔瘳涕零如雨 孰云父母而不我私豈無良朋能不我遺靜言思之愴矣其悲 擷菹爲舟濱彼川流川流滔滔載沉載浮歲月于邁曷云其休 湛湛露斯如膏如飴何草不茂何枿不滋瞻仰昊天悠悠我思

省 愆 集

卷上

三

敬鄉樓遺書 第三輯

鹿鳴在藪六章二章章四句四章章六句

燁燁者蘭勵志也達不離道窮不失義君子優爲之

燁燁者蘭于彼空谷悠悠我思曷云其毅 燁燁者蘭維芳維

馨我有好爵君子攸寧 蘭其榮矣繁霜瘁之靜言孔念中心

悵而 蘭之瘁矣益厚其根我之懷矣匪善奚敦 蘭之瘁矣

芳華載揚淑慎其身終焉允臧

燁燁者蘭五章章四句

五言古詩

勵志

習苦方知樂居安鮮慮危燭理既茫味窮歎將奚爲釋耕待錄兔亡羊感多歧失得焉可必徒貽達士嗤所存在耿介隨高安厥宜操持苟不貳庶以全我私

釋悶

木枯或就榮水濁良可澄災祥互倚伏聖訓明有徵伊予秉微尚與物多所攬職業未遑著悔各坐相仍皇仁既深廣天鑒亦孔明保此固窮節勿爲兒女情

寫誠短古三章

我心如還丹百煉光逾赤願入紫霞漿金尊薦瑤席酌以琴君王壽與天無極 我淚如迸泉不與泉俱竭願作返哺鳥翻飛向吳越傾情爲我啼聲盡繼以血 我氣如長虹凝爲百煉剛化爲雙寶劍飛精耀寒芒逼彼南箕舌萬象增輝光

白紵詞

省 愆 集

卷上

四

敬鄉樓遺書 第三輯

皎皎白紵衣瑩若霜與雪被服穩稱身拂拭光華發物理潔易汗點瑕卽爲疵嗟哉墨氏子潛焉泣素絲

采蓮曲

采蓮休采菱菱刺多傷手留取玉纖嬌爲郎綴瓊玖食蓮去蓮心心苦難適口誰知苦心中能使根莖秀去年蓮始衰今年花滿池妾顏宜不宜妾心長自持

擬古十二首

造化毓深仁消息互來往陰凝職斂藏陽煦滋長養終始相爲根于焉昭萬象神聖契天心德刑遂宣朗虞廷致欽恤百世民所仰

寶劍埋豐城爛斑土花碧飛精上燭天紅光千萬尺森然叢棘中一劍過中識出匣解飛騰神變良匠測借制此如何物類有

恒則

荆璞蘊良質，瑕瑜不相掩。珠沉萬仞淵，光華亦輝閃。淑人重名節，跬步恒自檢。內顧苟不虧，悔厲復何憚。區區墨氏子，徒悲素絲染。

寅賓啓東作，品彙咸昭蘇。寒谷有冰條，萌蘗何當敷。所處地自偏，造化功豈殊。回也嗚悲士，傳說版築徒。窮達安所遇，名與天壤俱。

卯角粗有知，自謂名可期。出門道未遠，車轄已載脂。力行亮多艱，聖訓不我欺。浮雲起天末，舒卷任所之。可望不可攀，佇立空嗟咨。

鑽木乃出火，火然木已焦。掘井須及泉，泉深力轉勞。夙志固有遠，敢云味所操。瞻彼園中葵，涼風何飄飄。終始傾太陽，匪伊蓬

與蕭

羣鳥朝出林，薄暮復來歸。遊子在遠方，徬徨竟何依。豈無家室念，况懷返哺私。俛首不敢視，淚下沾裳衣。人生駒隙過，擾擾將何爲。

涼飈振林薄，淅淅吹我裳。素顏日凋謝，緇髮颯以霜。褰衣涉前除，沈憂迫中腸。飢飈翻臂鞵，老馬悲道傍。逝矣支遁叟，懷哉田子方。

冶銅鑄明鏡，棄置生埃塵。驅車涉遠道，顛覆摧雙輪。鏡塵尙可拭，輪摧尙可易。逝水日東流，頽陽向西夕。懷哉起遐心，彈我牀頭琴。

榮辱本樞機，聖謨仲尼父。詰詰甚白圭，抑詩歌術武。謬謬良我徒，謫謫豈予伍。調劑靡成俗，運規難就矩。寒兌或不虞，于焉絕

省 愆 集

卷上

五

敬鄉樓遺書 第三輯

外侮

耀靈有常度，既中必就戾。潢潦一勺多，易涸亦易溢。滿損聖所戒，謙撝斯受益。人事紛多歧，失足易淪溺。回視七尺軀，凍焉抱兢惕。

張良從赤松，英名照千古。汾陽許誓國，金章列茅土。身負剛世才，進退皆得所。斥鷃擬鳴鵬，雷門持布鼓。且復安其生，無爲重勞苦。

丙申秋繫回南京經歌風臺

姬籛既云訖，蕙秦潰天經。漢高按劍起，赫然振王靈。斬蛇泣神，驅賭項潰楚。兵燹弓事綿，藉六合清以寧。揚鞭過鄉邑，宴會羅簪纓。酒酣歌大風，氣與山嶽并。治安不忘危，卓哉萬古程。嗟哉季葉衰，蕭牆禍先嬰。雜霸有遺憾，行道何由明。高堂臨野水，日

省 愆 集

卷上

六

敬鄉樓遺書 第三輯

夕悲風生，斷礎翳榛莽。荒碑半摧頽，舟行不可卽。悵望心忤忤。

戊戌正旦

二儀運神化，四序遞遷易。歲事復更端，王正啓璿曆。春陽日以充，品彙各自適。而我抱沈疴，支離窘故跡。履運亦自慶，省躬抱深惕。矯首望白雲，親庭萬里隔。鶴髮映衰頰，莫景桑榆迫。矧伊憂患干，云何慰晨夕。宜觀天壤內，物理有常則。衰榮更代謝，盈虛互消息。傾否亮有期，守道慎無斃。

雜詩九首

乾坤妙無迹，化機自旋斡。秋霜殞勁條，春陽啓苞粟。消息互來往，進退相排軋。卓哉古君子，析理甚明達。處困猶處亨，志定不可奪。

房宿孕神駒，飛騰出四極。紫電掣翠鬣，汗奔赫流赤。懸塊墮一

蹶窮年困輿樞萃秣不充飢逸氣那能抑瑤池春水波清渭烟
草碧顧影奮長鳴浩蕩惟所適
潛魚樂深沼棲鳥戀舊枝物類各有託獨人獨何依微軀非槁
木跬步不可移天道信無忒禍福恒相持寒翁豈不偉百世知
者希

燦燦桃李花離離松柏與柏肖形居兩間所志將安適豈不樂華
妍民彝有常則疏越絕朱絃樵杓不采歸還說聖賢心做在二
歎息

蒿蓬相因依飄飄逐風起風力有時息零落在泥滓蘭蕙幽且
清揚輝被芳泚白露凝爲霜花葉亦波靡蒿蓬何足歎慨此蕙
與蘭蘭衰有餘韻猶足奉君歡

省 愆 集

卷上

七

敬鄉樓觀書
第三

生壯志常蹉跎淒淒朝露歎响勞者歌我生非無足局促將
焉何棄置勿哀鬱哀鬱傷天和

事夫移所天結髮願終老朝花未改容零落同秋草涕泗沾衣
巾沈思怒如擣妾有明月珠朝夕置懷抱慮恐生埃塵拂拭常
自保安得懸君軒照君印遠道

朋友以義合在古理則然信義苟不虧宜同膠漆堅良人與我
違斗杓屢西旋辭色曠不接中心常惛惛如何反掌間棄我如
蹄茶醇酒味不薄春花色易妍誰云一絲淚能令金骨穿

四海同文軌大道無回曲頃兮遠遊子岐路自相逐歧路多荆
榛窮窮迷人目予予尚多艱傷哉千里足謂爾爾不信覆謂予
言洩俛仰多所懷誰能事休復歌我鹿鳴詩聊以慰幽獨

己亥中秋

涼颺屏氛翳遙空逾無跡望舒駕冰輪照虛閣晴華桂樹寒
芒銀蟾凝素魄映水亂搖金常軒淨懸璧盈虧信有恒光華羨
茲夕北里醉歌鐘南樓縱豪邁撫景良足歡羈人重悽惻悽惻
將奈何馳情戀宸極雲漢日昭回胡爲久遐遜稽首願明月流
輝照丹臆

客從遠方來六首

客從遠方來遺我齊紉素拂拭生光耀潔白誰不慕幽篔散餘
香猶繞來時路什襲誰閉藏不使緇塵汚塵汚尙可幹但恐色
非故

客從遠方來遺我五色線文采擬靈 光華自相炫愧非補衰
才對此徒增羨搔首一長吁中心更躊躇置之筐篋間復恐應
時須

省 愆 集

卷上

八

敬鄉樓觀書
第三

客從遠方來遺我伯牙琴伯牙絕其絃歎息無知音秦箏既啞
嘶齊瑟傷哇淫賴此曝陽桐可以宣我心我心苟不欺豈無鍾
子期

客從遠方來遺我歐冶劍光芒照膽寒妖魅肅以斂憶昔初鑄
時比之雄與雌如何中路間雌雄各分飛矯首望天末雲樹何
離離

客從遠方來遺我雙明珠明珠以喻妾心圓以敦佳期韜以文錦
段出入與之俱含情一披閱泣淚沾羅襦珠光恒不滅佳期復
何如

客從遠方來遺我雙明瑤明瑤何足貴惟德在無忘德音日已
遐妾心悲且傷不惜歲華晚所惜慈在梁我 君所贈化爲鴛
與鷺朝夕不相離飛飛還回塘

冬夜夢會草心愚莊二老友

嚴風砭肌骨慨然起遐思所思誰為情良朋各天涯更深席未
暖彷彿見容儀冰壺貯寒露玉樹臨瑤池文丞相照耀翩然駐
騶驎衣我雲錦裳贈我瑤瑤辭交歡準疇昔不悟年歲馳綢繆
未已加有誤笙鼓延朝曦四顧闕以寂中心重淒其人生非金
石縹緲忽已絲忻戚紛糾纏良晤能幾時漢水既深廣閩山復
逶迤素乏長房術何由豁襟期但願壽俱康德業慎無違側耳
聆徽音慰我渴與飢

謫仙謠

渺渺鬱羅天峨峨列仙職參校洞玄章把握文章籍雲霧為襟
裾華池嗽玉液步虛發清嘯流音播無極夫何嬰垢氛翩然就
淪謫清霄霧景澄神光啟虛碧夢逐紫鸞飛拱侍金輿側玉虛
省 愆 集 卷上 九 敬鄉樓遺書 第三輯

初度日承蘭室以詩見慰次韻謝之

初度念庭闈不寐仍達旦曉起辱新詩爛若珠殘燼慰釋固多
情豈能忘浩歎奇形天地間歲華良有限忻戚自相循得失詎
能問願慚蒲柳姿徒懷三冬幹已信多艱難操持冀予贊

雜詠二首

汎汎湖中水盈盈水上蘋霖雨激瀾波驚風蕩其根華葉半摧
靡猶能播清芬惜哉無輕舟采掇及芳辰可以供祀事可以薦
嘉賓莖茶美如飴錫潔非所珍

贈婦

與子結髮時百年長相期孰知轉首間十載守空閨寢食失常
度念我寒無衣無衣亦良苦綻裂猶可補庭闈萬里遙白髮染

榆暮槩也幾弱冠應知應門戶采藥尚嬌癡未諳循矩度舊業
半荒涼甘旨將焉措子能善事親瑣瑣何足陳哽咽不成章泣
涕沾衣巾

代婦答

陽岡有嘉樹直幹凌雲霓榮華足餘蔭憔悴獨傷悲感今復思
昔長歎淚交頤遠承眷顧言慰我渴與飢賤妾雖微弱豈敢忘
恩私高堂垂白髮晨夕難遽離君心與妾意彼此同所懷皎皎
天邊月圓缺固有時誰言處困者沈憂滯還期

懷知己

蒲葦滿方澤林霏凝夕陰中有孤飛鴻嗷嗷吐哀音隨風入人
耳惻愴傷我心矻矻窮且暮離思誰能任自非乏儔侶勢異升
與沈清論久不接何由豁襟襟寄言暇豫者勿疑朋盍簪

省 愆 集 卷上 十 敬鄉樓遺書 第三輯

感知己

桃李競春風葩葉交相媚紛紛綺羅子日向花間醉 柏倚顛
崖顏色苦憔悴幽人致深情滋培不忍棄繁垂悅人目宜為世
同嗜幽人獨何心棄舊德所忌三北不為怯知心良足貴易播
義所重違恤害與利悠悠百世間高風豈云墜停雲起遐思良
晤何常遂安得附冥鴻致我區區意

誦曹子建筮篋引有感

回象運不息經緯交相持晝夜如循環妙化無停機始見春華
榮倏視秋葉衰自非賢哲徒曷能究端倪牛山一何戚筮篋復
興悲人生會有常去去夫奚疑

夢遊仙吟

驅車我馬同鼓柂秋濤靜南溟北窮髮超越在俄頃升降隨長

烟飄飄泛靈景金碧擁蛟螭縹緲大羅境東挽扶桑枝直造蓬萊頂陽鳥刷其羽朝光常炯炯西遊宴瑤池宿醒猶未醒更欲邀嫦娥蟾宮桂香冷折花度弱水弱流不容梗白鶴遠相迎長鳴延素頸仙賞未云既埃氛俱已屏振步入紫微迢迢天路永奎壁聚瑤編輝映祥雲頌昂身振斗樞揮手執其柄勺彼紫霞津濡我玉兔穎草就洞玄文字字驪珠並倏燦雷雨交夕陰忽已暝泐澹澹虛無惚恍超溟泮失脚墮巖崖凜若赴深井舉聲一悲嘯健步何由嘖星宮有仙真霜鬢垂頰領鞭霆駕蒼麟羽衛肅以整顧盼生光輝憫我欲見拯指揮雙玉童百尺下脩綆奮臂欲攀援路焉發深省晨雞未振翼鳴柝尚宵警摩挲措病目寒燈照孤影

七言古詩

省 愆 集

卷上

十一

敬鄉樓遺書 第三輯

戊戌元夕

昔年忝作詞垣客幾度天門看元夕六熬駕上海上來立向龍樓千萬尺一派韶音起半空鸞鳳扶簾驂飛龍宮扇初分仙仗列天顏咫尺回重瞳流光數點金彩走欵忽燈毵燦星斗一輪明月正當天寶鑑流輝絕纖垢火樹銀花取次開華采焜耀金銀臺羅幃市地暖雲合沈檀熱鼎香風回光祿當筵進璫液舞絨峨峨環列辟戎夷酋長雜蕃王總沐恩光侍瑤席樂出梨園部隊分伶官稽首先敷陳清歌妙舞逞奇絕繁絃脆管相續紛黎庶嬉遊隘城闕快靚爭先恣懽悅歎息生來未前聞何幸昇平身所閱吾皇聖德天與同萬國盡在鈞陶中禮樂脩明百度舉垂衣端拱躋時雍五風十雨和氣協年登賦足民安業川后坤靈迭獻祥赫赫光華昭而牒樂民之樂古所希皇仁道覆無

偏私開宴張燈當此夕千秋萬歲長爲期愚生寡昧自貽戚回首雲泥成迥隔清香飛夢遠蓬 落月寒窗正愁寂側聞優謔

詞

團扇燕

烏衣翩然刷毛羽年年愛逐東風起結集偏回王謝家錦雲作隊烟花裏翠幙凝春睡正酣 梁交語何喃喃曉起多應獻喧聒當軒不肯收朱簾往來無計入華屋誤向團扇尋止宿團扇曰吟風日淒相呼相顧驚且疑經營何處啣香泥不入 門傳世俗愁人便欲從 無端浪蝶與狂蜂也向簷前弄晚風

念昔遊

省 愆 集

卷上

十一

敬鄉樓遺書 第三輯

春風漸近清明節鹿城西去尤奇絕紫芝羣峯圖畫列壘嶂所巒千萬折勞若蛟螭初奮壘下瞰西湖照清澈西湖萬頃晴波闊波光蕩漾玻璃滑湖頭柳色青可撥湖上繁花錦機纈杏梢竹外橫斜陽翡翠香凝杜鵑血瀾瀾鸚鵡斑鸚鵡潔蜂喧蝶駐鶯調舌青樓簾幙迎風捲蘭屏飄飄香玳筵設翠蓋雕鞍競騰騰蘭棹畫舫相排軋鷓鴣絃脆從鸞簫咽歌聲直上行雲遇紅裙女兒纔二八銅蟬斜墜堆雲髮玉纖笑把花枝擷背人偷縮同心結回頭索笑爭懽悅狂客驚看醉眼熱嗟予好在情偏切追尋往迹成蕪滅西射堂摧芳草歇思遠樓空怨啼鴉幾處荒墳橫斷碣霧鎖苔痕字殘缺此情難向傍人說撫掌高吟振林樾雲開遙見金銀利縱步窮探未應輟鐘聲自林間發衲子樞趨還迎謁香繞博山沈水蒸延客蒲團茗瓊暖俄復呼童具梨栗還向園中采薇蕨攜壺直造烟霞窟坐看飛流洒寒雪興盡醉歸

日已沒不覺參回斗西振年來自笑成疎拙久向團扉歎離別
雲樹離離渺天末過眼流光如電掣夜雨孤燈更蕭屑愁擁寒
衾夢飛越酒淚牛山何慘烈寒翁得失難預決萬斛窮愁如可
撤買車便逐南歸轍金尊還醉花間月

長短句

短歌行

男兒墮地人總喜弄之以璋射弧矢功名富貴須及時誰肯
礙陷泥滓爭知造物有常理得失榮枯互終始光陰百歲如轉
丸紛紛擾擾徒爲爾豈不見陌上花隨風飄泊渾塵沙又不見
澗底松霜枝雪幹排晴空不如探囊且買尊中醪它日招取巫
咸爲君卜

憶舊遊吟

省 愆 集

卷上

十三

敬 聖 後 妻 香

東風吹香拂瑤草弱柳拖金覆長道錦苞散盡桃李花新綠含
烟搖翠葆雨痕留澗澗輕塵爲聲喚起柳門曉金鞍壓轡玉馳
姪寶釧簇車香霧繞繡燈冰縷纖翠翹金鳳小飛彈擲雲雲轉
低把酒勸花花爲情擅樽象 雜歌調買笑調春不知老我非
有意慕少年自愛瀛洲太平好瀛洲翠仙皆我徒休沐亦許同
歡娛按轡徐行過鍾阜飛龍舞鳳相紫紆黃金撲面松花老碧
玉流潤芝田映山迴路亦轉左折復右趨振衣投策入僧舍碧
梧繞砌清扶疎銅瓶汲澗淪山茗紺芽和露烹園蔬殷勤進杯
罍紛錯羅盤孟主情重分客忘疲酒半酣今日已哺撫掌歌一
曲豪氣凌八區翩然就歸路猿鶴還相呼世閒行樂難同調心
閒意愜俱良圖一從回首仙凡別幾載團扉銀寒月紅稀綠暗
又清和舊事還從夢中說感彼雍門言歎息腸內熱長繩難繫

西飛輪公道誰饒頭上雪可憐有足不得聘此心直與飛雲越
顧瞻黃金臺巍峨勢更雄居庸却立千萬仞丹崖翠壑激嶺摩
蒼穹羣山昂伏作龍虎天津一道銀河通紫宸肅天居住氣常
鬱蔥何當跨黃鶴飛鴻左浮丘兮右空同登其臺覽其勝排
雲獻賦揮我巨筆如長虹安能終日摧眉扼腕不得開心胸

城外柳

城外誰家春滿林綠楊萬縷搖晴陰風花散亂自來去作意攪
動愁人心豈不見滿陵橋東二三月好枝早被行人折又不見
吳堤草荒秋露涼枯條空抱蟬聲咽愁人愁劇心不移年年長
與東風期

廉前鳥

廉前鳥鳴何悲昔日曾同鸞鶴侶靈景光中刷羽儀儀食紫石

省 愆 集

卷上

十四

敬 聖 後 妻 香

英渴飲瑤池水有時發雅音仙韶合宮徵身被五采章噓吸成
文理飛飛長繞藥珠宮胡爲誤落樊籠裏樊籠一已閉歲月何
悠悠飢渴不復顧愁思無時休豈不聞雍陶開籠放白鷗涼月
滿天歸思促何當釋此鳥縱意投林麓卑不願逐鷓鴣高不願
隨黃鸝桑麻野綠盈疇處處春風啼布穀

柳絲長

柳絲長搖存愁春愁萬縷多如織容華銷燼應難留江南春正
好東風弄和柔紛紛綺羅子往來陌上頭柳絲緒作同心結迴
顧索笑爭嬌羞誰知同心亦易解離旋百結空縈繆離亭二三
月行人送離別驢駒曲未終柔條已先折行人一去歸不歸執
手相看那忍訣縱使柳絲千萬丈折來難繫愁腸給我與留華
情更留十年頭是團圓開時向牆頭看柳色

按欲折二字

由來一心願作雙飛燕還向春風舊庭院飛飛不離柳絲旁却
笑離人空斷腸

妾薄命

薄命妾薄命妾昔日顏如花竭來頭半雪翻思初嫁時朝夕承
恩私蕙蘭播清馥羅綺生光輝夜夜庭前拜新月衷情訴與天
公知願同比目魚游泳長相隨願同連理枝百歲相因依豈料
衰榮無定在遂令終始成參差參差良可歎命薄分所宜報德
未及已妾心徒自悲願夫慎保金石軀好音慰妾長相思

五言律詩

自訟二首甲午秋初入獄賦

地位天光近君恩海水深竟無經濟略空負聖明心中歲時同
乘南冠雪漸侵沈思時引咎深愧玷儒林

省 愆

集

卷上

十五

敬鄉樓遺書
第三

寡識識窺海波才蹇曳輪臨深惟恐懼撫己益酸辛聖治乾坤
大仁恩雨露春自新如有路指日聽絲綸

病暑

負愆將一載嬰病又經旬自笑相如渴誰憐原憲貧炎蒸侵瘦
骨雨濕透重衲解慍思餘澤馳心向北宸

立秋

久困炎蒸苦忻聞報早秋斗杓方右指大火已西流班扇行當
棄南冠尙未投有懷如宋玉搔首不勝愁

承友人和立秋詩韻復成一律以謝之

新秋金氣應涼雨書檠糊愁破詩懷好神清肺氣蘇祇慚孤聖
眷寧肯哭窮途更喜承佳製聯篇錦繡鋪

秋熱

入秋旬日後餘熱尙憑陵病體何時減愁懷此日增渴思金碗
蔗清愛玉壺冰便欲凌風去羈留愧未能

憶昨乙未九月一日作

憶昨離家日今朝又一年愁多頭漸白道在志愈堅別淚秋風
裏鄉心夕照邊何言解羅網暫漢載騰鶩

秋日遣懷

自嘆羅嚴譴深慚負盛時愁牽翻似夢力困始知衰逗冷霜初
試迎風葉易摧亨屯元有定安分復何疑

詠雪

雕刻非因巧飛揚若有憑交輝偏得月鎔液易爲冰狂絮那能
擬輕塵莫見陵何須誇六出一白已堪徵

送別

省 愆

集

卷上

十六

敬鄉樓遺書
第三

愧我罹憂患那堪子謫居相期情未已爲別意何如寒雁秋風
外山城暮雨餘聖恩天廣大指日望還車

陶情

虛淡心無競神怡物自忘魚則俯仰宇宙信行藏草色年年
綠川流脈脈長陶然有餘樂擊壤頌堯黃

丙申初度日承諸知己設酒肴相慰詩以謝之

忽忽逢初度南冠慘別魂親庭勞望遠客計向誰論力疾裁詩
句攢眉對酒樽何時恩詔下春意滿乾坤

對鏡

常時不對鏡對鏡即傷情自覺衰容惡誰知白髮生松筠存晚
節蒲柳謝春榮喜有丹心在常懷報聖明

聞鶴聲偶成

乾鵲朝羣集喧呼去
動情每於愁裏聽偏向客邊鳴報喜

應難準填河豈有成何如丹穴鳳儀舞際文明

七月中旬霖雨大作夜分臥處堵頰連榻者先覺不以聞

恍惚中傷鼻出血感何楊諸友慰安情甚厚詩以謝之

嗟余遭罪毀歷涉故多屯不成巖壑險學為知命人倉皇魚在

撤狼狽越依秦賴有知心友相看意甚真

丙申七月離家滿二朞

離家踰二載白髮尙南冠吉兆常多夢窮愁豈有喘炎蒸三伏

盡風雨五更殘點點思親淚何時枕上乾

六月久無雨歲中病者甚多忽霖雨大作書以志喜

久晴思得雨一雨愜羣情病逐炎蒸避涼隨喜氣生九重紆聖

慮四野望秋成趨賀思無地裁詩繼頌聲

省 愆 集

卷上

十七

敬鄉樓遺書
第三輯

九日偶沾得一壺坐閒諸友索余賦此

九日今朝是流光透轉蓬蕭條鄉邑夢憔悴菊花叢老覺詩狂

減顏憑酒力紅登高思向日落帽任西風

初冬

流光隨水逝衰病與愁兼炯炯丹心在蕭蕭白髮添團屏陰氣

蕭短揭朔風尖願假陽和力無令久滯淹

除夕二首

幾畝無停策流光日夜催臘隨寒漏盡春逐曉鐘來爆竹傳遺

響屏蘇憶舊醋相看不成寐寂寞擁寒灰

歲事今宵畢羈愁此日深沈疴猶未釋老態轉相侵迢遞思親

夢勤勞戀闕心來春新氣象翹首聽佳音

夢同僚諸閣老

倏忽三年別今宵夢裏逢相看情緒總慰問語從容豈謂雲泥

隔猶憐道義同覺來揮淚眼燈燼落殘紅

同廟臨江濟人家雜棗林霜輕冬尙暖水關盡多陰客路驚衰

鬢歸舟愜素心從今各努力莫使別愁侵

嘗蟹

紫蟹經秋後輪芒向遠沙霜膺猶未飽風味已堪誇香透橙初

熟樽空酒旋除持蟹供一醉歸興遠天涯

暮春

淑氣屆清和春遊興已過草晴香霧合花盡綠陰多事業孤衷

在年華兩鬢暗還期解羈縻紫陌笑聯珂

戊戌八日

省 愆 集

卷上

十八

敬鄉樓遺書
第三輯

多謝東風力熙然滿眼春祇憐身是客又見日為人水活冰初

動烟輕柳尙翠草堂嗟寂寞誰復贈詩頻

春雪

誰把冰綃剪安排上苑春封桃霞臉薄禁柳翠眉翠脈脈侵歌

榭輕輕逐舞塵尋芳停棹處錯認剡溪人

秋曉

客情多寂寞歸夢坐模糊愁劇知宵永涼生覺病蘇曉風淒斷

角殘月亂啼烏擁 思前事深慚負壯圖

冬至

葭館陽和動梅梢雪未消年華雙鬢改羈旅一身迢未許甘衰

朽何須嘆寂寥丹心逐雲物呈瑞絢晴霄

冬夜

抱病何常差興懷總可憐多愁醒似醉不寐夜如年
灰冷消餘燼妾寒怯故綿固窮吾道在肯爲別情牽

庚子正旦二首

客思何時釋年華幾度新
葵心初向日蓬鬢怯逢春
求貸緹紫切離羣子夏貧
一杯元日酒誰爲慮雙親
寒盡愁難盡春歸客未歸
鳥聲喧曙色柳眼弄晴暉
叢棘樓身久繁華入夢稀
遙思諸閣老環珮集形閑

憶子二首

癡兒年漸長老我尙孤
征久曠趨庭訓徒深紙
憤情書來心稍慰念及淚
還傾舊業南湖山何時共
力耕弱女吾鍾愛興懷百感
并有家雖素願力疾困微生
貞淑無違訓叙縫自夙成
客中聞此語陡覺病身輕

省 愆 集

卷上

十九

敬鄉樓遺書 第三 輯

春愁

莫年爲客久愁思入春深
宵柝三更夢歸鴻萬里心
看花能復醉感物易成吟
何事東風劣催教雪滿簷

辛丑春日書懷十首

按題云十首詩只九首原第
五首與第三首重出今刪去

晨風驅宿霧淑氣颺晴暉
春過未逾半花開到幾分
無聊常自語有信苦難聞
賴有朋知在相看意頗勤
志弱名愈晦道在命何悲
得失慚求劍淒涼陋 岐日
酣花弄色烟重柳翠眉
遙想春光好令人喜復疑

親壽過者蠶庭闈隔歲年
斑衣塵滿篋衰鬢雪盈顛
愛日孤衷切驚心百感煎
癡兒俱幼弱誰爲奉周旋
故山甌浦上先隴白雲邊
湖春碧松花落莫烟盤
殞寒食雨簫鼓太平年
兩地相追憶傷心一惘然

深閨春寂寂孤影思遲遲
烏鵲兼憂喜鶯花歎別離
洛城張籍句鄜月杜陵詩
久乏鱗鴻便何山寄所思

遙思諸閣老濟濟集形閑
恩寵超常秩奎縑吹夜輝
黃封分內醞春服換羅衣
料得多垂念其如信息稀

露凝蛛網溼花落燕泥香
蝶影斜穿竹人聲 隔牆
途窮心自得迹遺境俱忘
矯首看飛翮悠然興趣長

潤耐思甘澤歸鴻翼順風
物情資化育生意藹昭融
樹色煙霞外湖光滟葦中
故園天共遠時得夢魂通

春聲簫雀噪曉色曙烟收
載酒懷同輩尋芳念昔遊
湖山雙短髻身世一歸舟
夙願行常遂閑雲任去留

壬寅生日感懷

節近端陽日子當初度時
幼勞恩罔極憂患事多歧
踪跡隨蓬省 愆 集 卷上 二十一 敬鄉樓遺書 第三 輯

梗年華入鬢絲白雲天共
遠舉自己先悲

聞柯啓暉談黃蒙進學

客底聞公論悠然慰我思
阿蒙方勉學宜遠早能詩
載筆趨鈴開承恩集鳳池
從容多得意不負舊襟期

迹困

迹困心無作囊慳道未貧
周窮常減食補綻勝懸鵝
髮白非關病愁多祇爲親
清吟聊自遣誰謂轉傷神

九日

九日多陰雨晴明亦可嘉
羈人空自髮籬菊自黃花
寂寞題糕字飄零泛海槎
來期猶未卜搔首一長嗟

承樞菴蘭室見和再用韻酬之

雅淡推陶令風流屬孟嘉
酒酣風落帽詩就筆生花
山色丹陽

路潮聲浙水棹同歸應有日話舊倍堪嗟

食粥

汗濡因食粥坐久怯臨風弱體須防疾微生且固粥酒酣金帳
煖茶沸竹爐紅遙想諸朋舊高懷迥不同

贈黃蒙乃兄

半面未相識情深即故知金蘭敦古道松柏挺奇姿屢辱分佳
惠何由致我私盍簪須有日談笑豁襟期

次韻酬友人

詩思池塘草才猷鼎鼎梅淹留清譽在追憶舊懷開雨後遊山
展花前問月杯此情兼此境幾度夢中來

年老

年老身猶絆心煩趣自偏醉餘常凜若喜後但茫然脩竹三冬

省 愆 集 卷上 二十一

秋 雅 樓 書 第 三 冊

勁精金百煉堅敢云忘自勉且復順吾天

老態

窮途多坎壈老態漸龍鍾酒量休過醉交情只怕濃大矣無藝
味寒色淡蒼松誰識希夷子駒然假華峯

憶閑居

憶昔閑居日陶情頗自怡割批風與月驅使酒兼詩求益千林
竹爭雄一局棋飄零吾老矣猶有舊襟期

癸卯端午承楊菴蘭室觴之以酒坐中有詩次韻謝之

幾番端午節猶未脫塵襟雲樹鄉山夢壺觴故舊心興懷多感
舊吊古謾成吟雲路青霄上薰風入舜琴

偶成

人生七十稀十載守園扉莫景還能幾芳心半已違秋霜風葉

老朝日露華稀俛仰默無語悠然愧昨非

兩後聞蛙聲擬賦詩壇一律

形勢依山澤詩壇屢效奇池蛙喧鼓吹圍茗展槍旗花底蜂衙
集槐除蟻陣移有時酣白戰不許寸兵持

除夕與諸友坐談罷感懷

客裏逢除夕流光又十年屠蘇空老大極枯尙拘掣談笑翻多
愧窮愁祇自憐老親頭似雪揮淚向燈前

甲辰春和蘭室病中詩韻二首

人事愁中少年華靜裏消青樽誰復醉白髮肯相饒抱病憐吾
子追憶慨昨朝白雲長在望鄉信一何寥

雨聲寒尚滴霧氣溼難消眼底春猶淺愁邊夢更饒湖山乘月
夜杖策看花朝白髮應多感憑誰慰寂寥

省 愆 集 卷上 二十二

秋 雅 樓 書 第 三 冊

用蘭室韻簡楊菴二首

塵榻三年共清談百慮消棋邊機更捷醉後興偏饒短策看雲
處虛窗聽雨朝詩禪曾劫破何必問參寥

自愛春風好何緣帶雪消願瞻天闕迴空負寵恩饒狼狽愁兼
病淒涼夜復朝朝端多貴客音問竟寥寥

斐子弱冠成人伊始寄一律以勉之

成人良有望弱冠志方安操履期無忝辭章貴可觀少陵憐騷
子陶令責雍端况我乖離久興思百念攢

偶成

迢遞鄉關遠淹流歲月長雁杳書難覓春來草自香食減緣周
急愁多苦健忘半生湖海客贏得鬢邊霜

病起

病起

病起

病起力難任愁來思不禁雙眸雲霧影兩耳海潮音鄉國連宵
夢忠貞百歲心誰能似鷓鴣隨意自浮沈

五言排律

戊申對雪述懷八十韻

屏翳驅雲合玄冥剪水成先容方集歲次第漸飛翼正及初陽
啓仍看六出呈平鋪疑傳粉密洒訝飄瑤撲檻花無豔行沙蟹
有聲悠揚相上下來去解縱橫透隙尤奇絕隨風任使令素虬
鱗甲動縞鶴羽毛輕竹壓翻嫌重松埋更覺清樓臺銀作砌城
闕玉爲京簷溜瑤簪墜池冰寶鑑明餘輝指翠箔皓彩炫金莖
遠視迷珂珮微消鏤水晶同巒忘險易稼穡兆豐盈穴澗蟲還
蟄巢平鳥自爭殿凝須應候忻戚每殊情剡曲扁舟泛孤山短
策行淺困園繡殺僵臥掩柴荆柳絮詩纔就龍團茗旋烹映光

省 悠 集

卷上

二十三

敬鄉樓集卷
第三

勤夜誦破敵遂宵征歷歷前人迹迤迤後世名追攀增感歎優
劣復誰評顧我猶飽繫徂年條電傾省躬追感集懷舊亂愁嬰
鄉曲閒居日江山暮雪晴登樓舒遠目卷幔傍前楹萬瓦魚鱗
盡翠峯玉柱擎梅梢難辨色鷗鳥漫尋盟漸掃通苔徑餘飄拂
采菱開筵旣作帳禦冷酒爲城味美新燒笋香浮旋剖橙蠟房
兼炙蟹菘米勝炊杭煨芋烟凝突調蠶浪躍鑿歌喉無覺妓坐
客總陰鏗難買千金笑寧辭百罰航追歡多繾綣扶醉強支撐
險韻頻搜句長吟當解醒當軒揮兔穎呵凍染陶泓振步登詞
苑聯班 國楨辭章期輔蔽華采耀簪纓古道存風雅周官重
列卿討論紉石室奏對迺延英共羨時逢泰私惟業未精珠呈
漸瓦礫古擊愧韶韻勉違驅策操持慎準衡寵恩恒眷遇賽
予日交并視草仍多暇颺言許載府重祠供坐穩文錦賜衣榮

獸炭爐添燄羊羔蜜和餠雕盤金鯽鱸犀筋紫蛇羹蓮炬光生
席黃封酒在嬰仙音飄律呂清復播蘭蕙和協鑾諧御從容祿
代耕入朝先曉漏退直爛長庚歡洽陽春暖身躋壽域亨豈知
寒凜冽轉覺氣崢嶸未效涓埃報良深犬馬誠負愆憐陸續求
貨憶緹縈延首雲霄遠離羣鄙吝萌秋遠南浦雁春隔上林鶯
衰鷲看頻改窮冬已屢更鷓鴣聊假息蛭縮澹無營書籍從拋
棄賓朋絕送迎靜便依管榻思苦對韓檠衣弊緇塵積囊單旅

省 悠 集

卷上

二十四

敬鄉樓集卷
第三

夢驚 庸俄起粟砭骨利摧兵尤最多驕黠攻求集蚋蝨自傷
緣失墜誰復較奇贏空詫懷如海何由飲似鯨蕭條悲暮景落
魄誤浮生跡擬風中葉心同仗外旌遲迴安定分坎壈昧前程
黃耳難傳信斑衣尚在箴思親嗟靡及戀闈未遑寧恭喜瞻三
白行當翼一鳴敢辭筋力倦幸際泰階平德教覃遐俗仁風洽
庶氓吳穹隆祐命坤后薦嘉禎授簡還能賦輸忱願可貞曉晴
迤北望佳氣繞蓬瀛
壬寅冬至二十四韻是日早雪晚晴
乾坤開葉籥歷象幹塔陰極初陽復寒凝 氣微葭葦灰已
應梅柳雪還飛蠕動回生意根亥孕化機繡紋添弱線霞采弄
晴輝吾道當時長亨途途尙遠厭聞嚴警鐸愁對鎖園扉霜瓦
飢鳥集風簷落木稀目窮瞻雁字體瘦怯鴉衣自怪離情惡兼
傷獄吏威行護看漸澁濁酒負頻揮涕淚酬佳節倉皇送落暉
丈夫當許國先達貴知機迂拙迷前算艱危愧昨非夢魂長繞
繞桑梓故依依臘盡春如海花明錦作圍浮嵐澄夕霽空翠溼
朝霏密竹籠茶臼晴楊拂釣磯敲棋聲剝啄采藥翠芳非水涉
多衝野山行亦采薇香浮村釀熟紅泛鱖魚肥樂事難中輟餘

生或可希鯉庭尋舊業萊服戀親闈佇聽頌恩詔龍河一棹歸
詠雪三十韻

造化鍾靈秘陰陽迭變選玄冥司號令騰六振威權瑤圃花從
嶺崑山玉就鑄同雲如幕布急霰訝珠圓脈脈憑危集輕輕透
隙穿潤凝酥沁液光泛 流鉛食葉蠶蠶細翻空鶴羽鮮冰奮
緣沼合縞帶逐車旋壓竹枝嫌重封梅色關妍飛瓊資雅淡焚
素愛嫵娟恍若虛空界還疑混沌先溼妨蟲山蟹清覺瘴塵頭
序屬三冬候祥占大有年豪家誇詡賞洞府會神仙萃地施金
帳排軒列綺筵羊羔兼異味歌管促繁絃火暖爐蹲獸杯行酒
似泉醉忘寒氣重坐待燭花偏疎拙時同葉膏育疾尙纏倉皇
魚在撒汨沒劍沉淵粟起衰容惡絲添白髮懸窮愁還自遣價
臥復誰憐短褐猶結鄉書絕雁傳青綾餘賜被白氈憶重託
省 愆 集 卷上 二十五 敬鄉樓遺書 第三 集

孤負尋通展飄零訪戴船覺艱寧足羨陶若且須煎葵菴孤衷
切松筠晚節堅淒涼元不厭潔白舊相便未墜冲霄志閒吟詠
雪篇願因風力便吹上九重天
癸卯正旦簡同列諸公二十八韻
鳳曆頒王正青陽肇歲功化機潛幹運品彙總昭融瑞氣浮金
殿彤雲繞碧空曉鐘開萬戶舖坐儼重曠聲度天邊樂香飄仗
外風車書歸一統玉帛總來同劍珮超羣辟紹蟬引上公嵩呼
仰頌祝國祚永尊崇昔綴班聯久均雷龍眷隆退朝雙闕下侍
宴百花中內醞和瓊液春旂絡綵絨刀新繪鯉禁樹重麗熊
香橋存餘綠仙桃擘醉紅蔗漿金碗凍湯品絳紗籠湛露歌初
台清平曲未終中正懸日月鳴鳳集梧桐自願才多憐俄驚疾
迢迢天路遠寂寂暮途窮偃蹇猶願木飄零遂走蓬徒懷

青眼客漸作白頭翁力薄筋俱困心煩耳半聾逢時增慨歎逐
物易昏蒙潤銷須霖雨鶴禽戀舊巢仁恩均覆載民物盡忻懽
欽恤嚴三覆詢謀達四聰利劑興廢滯施舍起疲羸吾道時方
泰亨途迹可通相期敦素履努力帶丹衷

省 愆 集 卷上 二十六 敬鄉樓遺書 第三 集

省愆集卷上

省愆集卷下

黃淮 宗豫

七言律詩

乙未暮秋述懷呈諸同志

忽忽流光九月初南冠又是
一年餘其鴻何事 雁馬猶
堪駕鼓車砧杵淒涼寒信
早風霜搖落柳條疎不緣
知已能相慰對景能無歎
索居

夜夢二親

雙親髮髮久成絲千里關
河入夢思愛日瞻雲情罔
極下機投杆事堪悲風回
過雁鄉書斷月滿圓扉夜
漏遲臣子立身忠與孝不
才深愧負明時

憶院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

一別詞垣數月餘娟娟竹
竹近何如夢魂還憶林園
醉詩句誰從節下書翠色
凝煙春院寂清陰籠月夜
窗虛邇來渴想平安報鴻
雁無情音信疎

和韻

聲價當年孰與過連城白
壁豈終磨客邊孔味渾如
昨間處詩篇復幾何兩鬢
雪霜年未艾九重雨露龍
還多綠知燈火寒窗夜清
夢時時到鶴坡

屈指年華五十過生平壯
志未應磨青雲事業寧無
愧白首功名更若何迢遞
鄉關音信杳蕭颯風雨夜
寒多不知舊日西湖路誰
復尋梅過雪坡

和友人中秋月詩韻

曾照當年首宿樓卻於今
夕動愁端濁醪何自供杯
斝瀟灑多

應徹肺肝夜漏無聲天闕
迥露華如水井梧寒更祈
早晚承恩詔翰苑明年仔
細看

因夢二老親夜寐不成

雲連甌越路逾賒翹首高
堂暮景斜致孝未成烏反
哺負愆忽訝免投置夢魂
來往渾無定消息沈浮更
可嗟大節未酬誠自愧皇
恩猶待聽宣麻

迫和恥庵詩韻

寸心長擬與天游豈料無
才齒繫囚千里親庭勞夢
寐故山先隴長松椒喜逢
阮籍能青眼自笑馮唐尙
黑頭何日共沾新雨露佩
環依舊步瀛洲

丙申正旦

青陽肇序際亨期民物熙
然仰德輝豈謂淳于猶繫
獄應憐伯

省愆集

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

院中竹 院中竹 院中竹 院中竹

知獨憲條垂老雙親俱白髮應門弱子未垂青中情無限憑誰
訴安得因風達九霄

詠雪

恐夷剪水作冰花幻出人閒富貴家簷溜凝寒珠錯落庭柯壓
翠玉交加梁園賦就惟何劇刻曲舟回興可誇安得登樓窮望
眼乾坤一瑩色無暇

自訟還南京賦

歸來猶未脫南冠羞見蕭蕭鬢影班今是昨非須改轍跋前疐
後敢辭艱鄉書難向愁邊寫親舍時從夢裏還仰荷聖明同日
月愚衷應在照臨間

早過直沽

孤城近海曉光遲迤邐認歸程望不迷潮水分流船上下人家相

省 愆 集

卷下

三

秋 暮 懷 舊

對岸東西市聲喧雜商人集野色荒涼雁影低猶記前年留飲
處菊花插帽賦新題

夜行

白髮南冠愧楚囚官程日夜促行舟櫂聲搖月鳴鶴鶴帆影凌
空向斗牛客况淒涼時自遣夢魂縈亂苦多愁迢憐處從諸仙
客賦就長楊寵賚優

賀友人韻

甘載論交道義同豈期憂患復相逢笑談殊覺情偏洽府和何
慚句未工已共丹心明皎日從教白髮老秋風陽春定擬蒙恩
澤釋絃相從拜九重

和韻 曾同往南京後回

憶昔曾同侍從班豈知今日共艱難舟車遠道風霜早燈火虛

宿夜雨寒夢寐惟應似魏闕文章未必誤儒冠于今公論明如
日心地無憂體自安

丁酉元正思親

元正三度客邊逢千里親庭夢寐通暮景應添愁鬢白春杯誰
奉醉顏紅喜看雨露生成際都在乾坤覆燕中載舞斑鳩應有
日休將涕泗洒東風

和博菴中秋詩韻

寸心自擬石同堅漂泊東西類轉回喜逢蟾兔光初滿坐見山
河影倒懸對酒興懷同此日聯珂步影屬當年九重共擬承恩
露還作蓬瀛桂籍仙

不寐

客邊最怕寒宵永散盡更籌睡未濃觸目閒情詩易遣滿懷愁
省 愆 集 卷下 四 秋 暮 懷 舊

藉酒難攻溼漉殘月空虛雁獵獵西風送早鐘百歲幾番朝與
暮字衝何日展微蹤

晚步

拋書徐步出簷楹景物撩人百感并雁帶夕陽延晚色樹含涼
吹作秋聲銀辛未負題橋志且暮常懷獻曝誠自笑臨軍猶伏
輓太行誰復願長鳴

秋暮書懷

極目關山幾夕陽况逢秋暮轉淒涼愁思竹葉浮鸚鵡寒覓蘆
花當鸚鵡報主志存龜左顧思親心逐雁南翔折筵擬卜餘生
事只恐靈氛也斷腸

暮秋雨中簡同儕

三年同作國扉客料得閑遊况味同酒到醒時情轉惡詩因愁

處句還工潤侵衣袂催寒雨聲透窗紗落葉風得失固應關定
分相看何必感秋蓬

自勵

往往悠悠是與非此心仰荷聖明知交游况復俱青眼曠達何
須泣素絲近歲鱗鴻多間關故園松菊半離披隨風凝佇徒傷
感歷涉艱難貨不欺按往往二字疑有誤

承友人和余二詩用韻答之

高節稜稜萬仞松交情如酒味偏濃清談敏捷詞鋒出白戰縱
橫筆陣攻三載閑情同逆旅幾番歸夢共展銷要知處患應非
易先輩遺芳願繼蹤

金闕允已敦交好堅白何須論異同愧我學如蠹海客羨君文
似錦機工繡絲從使三千丈鵬羽終搏九萬風此去承恩多暇
省 愆 集 卷下 五 敬贈 第三 集

日相期樽酒話飄蓬

川同字韻奉方外交洽南洲

每羨羅壘舊法宗孤高不與世人同降魔神力歸禪定敲鈍錫
趙屬鉅工杖錫影指滄海月袈裟香度少林風幾年慙爾剛緣
業却笑浮生類轉蓬

和友人九日感舊詩

謫仙胸次清無邊尋常賦詩如湧泉葛巾自漉樽下酒輪竿時
釣桂頭鱸江楓染霜錦為幄寒雁書空雲作箋客中對景良自
慰何用感昔悲暮年

承友人再和詩復用韻謝之

慷慨論交心見許艱難相款意元濃高才迥出誰能屈過行應
多莫各攻歸興曾同千里梓客愁還共五更鐘新詩廣和饒奇

句酬謝猶能緩末蹤

承濂泉和章就用韻答之

里閉開關千里隔客邊邂逅片言同子應掃兔才華捷我亦雕
歲末技工襟抱共開滄海量交情期振古人風且須守道相磨
礱豈學區區歎轉蓬

送春

久困沉疴力漸衰艱難藥裹厭頻開丹心未許如灰冷白日驚
看似箭催塵篋尚淹題柱筆落花空負送春杯聞知天上多恩
露不信餘生委草萊

秋陰

年華繞過重陽節天氣渾同醴雪時始信北來寒更早還知老
至體旋衰樽酒正好浮醪醪裘帽猶思飾豹 恭喜乘輿遊獵
省 愆 集 卷下 六 敬贈 第三 集

處馬肥弓勁便驅馳

雪

騰六播將六出花先驅屏翳駕雲車爛鋪鉛汞三千界幻出瓊
瑤百萬家海宇豐年先有兆乾坤清氣浩無涯堪憐舊日梁園
客賦就能令世共誇

紀夢

幾載睽違侍從班夢中時得覩龍顏光華恍若瞻依近龍谷猶
存指顧開六兆有占應叶吉半生無補故多艱覺來敬祝齊天
壽佇聽輪音出九關

冬至和濂泉詩韻

曉來翹首盼晴霄紫氣多從日下飄破臘葭葦飛玉笋迎春梅
柳霜霜條共誇此日秋方洽未信明年暖尚遙瓊瑤趨朔天關

曉五雲重椒風儀韶

庚子元夕次韻二首

暖翠香風滿玉京
紫峯高與五雲平
九重鸞馭從天下
萬朵金蓮徹夜明
龍德常陽開泰運
恩波如海洽羣生
祥光一道星垣裏
照見黃河徹底清

幾度觀燈侍帝京
鳳樓南面御街平
珠幢寶蓋開圓闥
八彩重瞳仰聖明
聲度天風仙樂動
香沾春酒臉霞生
客邊廣和尤增感
翹首祥雲繞玉清

又賦元夕

翠擁三山壓巨壑
天門燈夕宴通霄
陽隨春長乾坤泰
樂與民同霽澤饒
香燕沉檀飄瑞鶴
光搖星斗燦晴霄
瀛洲曾預仙班後
猶記清平入鳳韶

省愆集

卷下

七

一

秋那樓遊書

聞車駕幸海子閱海東青

清曉驚輿出近郊
彩雲迎日翠烟消
龍媒立仗黃金飾
鸞鳥搏空白雪毛
政協車攻修典禮
賦成羽獵擅時髦
羈臣聞說昇平樂
獨倚東風望赤霄

辛丑九日

幾年重九愁中過
不似今年思轉愁
南浦雲迷鴻雁字
故園霜冷菊花秋
綸音已喜覃恩澤
潤餅誰憐久滯留
破帽不禁風色緊
却嫌蓬閣日颼颼

贈僧雪庭

原注其僧日本人也

少小曾參不二門
談空說法更精勤
一林逕度滄溟曉
半榻晴分雁蕩雲
巫峽猿聲愁夜月
峨眉秋色澹晴嵐
禪心本自無拘礙
何事虛名與世聞

壬寅初春

十年蹤跡困沈疴
老去其如歲月何
風軟應知花有信
雨晴遂覺水增波
空憐杜老狂猶在
卻笑南榮虛尚多
他日得歸尋舊業
乘半江春色一漁蓑

言志

氣壓元龍百尺樓
壯懷長擬繼前修
半生堪笑隨蓬轉
百煉羞爲繞指柔
霜重兼葭秋易老
雨餘風日晚生愁
夢中猶自陪鸞侶
五色雲中拜冕旒

感舊

留侍青宮居守時
不才何幸被恩私
報章稠疊朝偏早
願問從容出每遲
味重醴酬分內醜
光聯奎壁賜新詩
于今追憶多傷感
報涖埃未有期

省愆集

卷下

八

秋那樓遊書

中秋次韻二首

無情歲月自消磨
客裏逢秋感更多
白髮蒼顏俱老矣
清風明月奈愁何
坡仙起舞舞留新
句李白停杯發浩歌
他日倘能追往迹
桂花香裏把金波

皎皎丰姿玉就磨
涓涓秋水好懷多
客邊清事應如昨
囊裏新詩復幾何
習靜設成蝴蝶夢
尋常猶憶展歌床
頭臉有樽中醪
醉飲鯨翻滄海波

中秋次韻二首

坐待冰輪出海迎
光華此夕更相宜
誰知景物撩人處
正是窮途酒淚時
玉宇瓊樓坡老句
清輝香霧少陵詩
古來才俊多豪邁
也向樽前歎別離

讀書何幸際昌期
廊廟良才子所宜
職典銓曹總數日
身淹叢

棘已多時傷心空負題橋志對景愁吟陟屺詩試看徂徠松與柏霜枝雪幹晚離離

屏迹

屏迹同屏八載餘安危不必問何如江淹思苦還能賦司馬愁深倚著書風度秋聲聞絡緯雨催涼思入郊墟興來偶向簷前坐滿目閑雲自捲舒

友人依首尾對格賦一律余亦効顰次韻

十年冀北淹塵迹萬里甌東憶故鄉春樹籠雲音信遠闌屏局月夢魂長舊時親友多應少負郭湖山半已荒自愧齷齪猶伏櫪不如鴻雁得隨陽

次韻

歲月無情空自惜生平多故復何堪離蟲翻笑成疎拙集多何

省 愆 集 卷下 九 教鄉樓 第三 編

心較苦甘惻惻丹心惟愛國蕭蕭白髮不勝簪太行北向持吾駕善御其如楚在南

次韻二首

朝士相知子最深每從公暇即過臨風姿清潤藍田玉文采光輝瓊水金到處清談多讓席有時白戰獨披襟客邊相敬尤相洽肯負當年故舊心

堪笑年來疾轉深每慚易象戒甘臨窮途力困鹽車輒行藜貧無月伴金懸闕子牟言在耳思親陸續淚沾襟中天日月懸光景安得餘輝照我心

次省齋韻二首

遊宦江湖散已周窮途寥落幾經秋悠悠身世功名舊納納乾坤日月浮道在淳于終貸罪數奇李廣不封侯由來得失關前

定且復高歌莫浪憂

年來甲子已云周白髮蕭蕭不耐秋思逐孤雲天外遠身如一葉浪中浮服田曾竭三時力種橘能同萬戶侯農圃關心何日遂清樽濁酒可忘憂

悼伯兄

蚤歲驚風折雁行季方那忍哭元方香容日遠嗟何及手足情深念不忘同穴無慚憐伉儷承家有託在諸郎孤蹤自愧多淹滯極目煙雲倍感傷

贈濟齋

管鮑論心百世豪陳雷氣概漆投膠嗟余久困艱危日念子能敦道義交周廟尊彝存古制陰崖松柏挺寒梢由來苦 知音少慎勿逢人作解嘲

省 愆 集 卷下 十 教鄉樓 第三 編

日本僧雪庭一旦端坐而逝恥庵賦詩挽之余亦次其韻

原注此僧住東林又住於法華八十五年累死於獄

法香曾演海門潮萬里東歸劍閣逢出水蓮花元不染澆霜松柏豈云凋機緣久向生前盡仗錫還從劫外飄回首廬山舊閣若千峯明月虎溪橋

癸卯新春

縱入新春倍感傷幾回徒倚對斜陽病癘剛遣無時去詩債頻催率意償齊鵲無情休浪喜野花何處但聞香東郊多少閑遊者衣馬輕肥樂未央

承舊同僚諸閣老屢遺惠詩以志之

人情疎闊易乖離高義相憐久不衰免使題門如翟尉多緣知已過鍾期青雲未離垂餘陰繁霜松挺故枝瞻念無山懷似

海臨風搔首一嗟咨

中秋次韻

大地山河片影懸
冰輪飛上九重天
鸞笙度曲來雲表
仙桂飄香到酒邊
愧我老懷空自負
羨君詩法滿孤鶩
明年定在南樓上
坐看驪珠出海圓

中秋追和亡友葉庵去歲所賦詩韻

憶得年來竹待月
庭前相屬總稱宜
今宵看月猶前夜
此際懷人異昔時
忍聽招魂歌楚些
空聞伐木有遺詩
寸心摧折如灰冷
生死那堪重別離

重九次韻二首

紅葉迎霜萬樹酣
黃花壓帽髮參參
四時鄉思秋偏切
九日遊船老尚堪
伏櫪霜蹄應暫蹶
搏霄風翮早圖南
高懷况復清如省

許寒月流輝照碧潭

墨突由來不暇黔
悠然懷古悶懨懨
詩驚設興休嫌拙
棋局無心亦懶拈
風色迎寒梁燕去
霜華拂水沼魚潛
細推物理沉吟久
不覺斜陽轉後簷

謹和家父寄來自述冬夜二詩韻

承恩簪筆向螭頭
薄德終貽父母憂
烏鳥私情空繞繞
鷓鴣倦足尙遲留
迢迢雲路如天遠
冉冉年華逐水流
忽拜新詩揮淚讀
不知離思幾時休
被擁塵氍藉地鋪
凝寒慘若在冰壺
艱危敢歎身飄泊
疎懶深慚學淺庸
萬里朔風吹斷雁
滿林霜月泣慈烏
漫漫長夜難成寐
愁對殘燈照影孤

用韻敘舊二首

深沉秘閣殿東頭
進退從容豈解憂
自愛伯陽爲柱史
誰誇阮瑀在陳留
熙熙化日如春盎
湛湛恩波似海流
幾度金鑾曾侍宴
中傳官勅醉方休

雲葉銀箋雪色鋪
龍香墨汁漬金龜
凝霜兔穎犀爲管
滴水螭盤玉作廚
揮灑謾評騰紫鳳
退朝不覺墜金烏
還家更約諸仙侶
刻燭聯詩興不孤

用韻遣懷二首

黑髮辭家已白頭
江湖涉歷喜兼憂
子牟眷魏心何切
賈誼浮湘迹尙留
烟玉底須求價售
操舟肯逐波流高
吟且復開懷抱
壯志凌雲老未休

中流失相恩淪鋪
始信千金購一壺
已厭風霜摧羽翮
何由芒刺脫肌膚
此心自許明如日
與論誰言黑匪烏
但使操持終不省

易聖情垂眷未應孤

用韻答樗菴老兄聞室鄉友二首
樗菴樞隱墨池頭
心地都無分外憂
西墅每因招鶴去
南湖長爲看花留
詩篇俊麗陰何輩
舉望清高李郭流
莫道老來流駿足
稜稜逸氣豈能休

蘭室生存萬綠鋪
乘閑相遇每攜壺
拔茅已喜曾連茹
失足殊憐久嗒膚
愛子美如青玉案
嗟予老似白頭烏
升沈此去應難定
莫使平生志願孤

再和韻二首

江湖况味苦沉瀟
贏得蕭蕭雪鬢髭
伯起四知難自許
夷吾三北亦何堪
莫邪說結爲鍊岐
路空嗟北與南
誰識當年漁父意
滄浪一曲起江潭

意滄浪一曲起江潭

得意休誇白勝齡幾回猛省思懶懶謀身多爲儒冠誤對客休
將舊事拈萍梗未知何日定山林應待老夫潛興來坐看雲舒
卷風木蕭蕭落短簷

自悼

生來志氣薄雲浮七尺微軀不自謀抱戚嗟臍應已晚沉酣滯
首亦堪羞花間朝露晞春日霜後陵苒苒素秋老眼怕垂揚子
淚且須含笑看吳鉤

用蘭室韻爲樛菴壽

往歲賓朋擁壽筵文星輝映綵雲邊老身強健尤堪喜近况蕭
條未足憐松挺寒梢存晚節柳含春色待新年九天雨露覃恩
澤還擬稱觴舞袖前

用樛庵韻奉簡草心愚莊二友

省愆集

卷下

十三

敬德樓裏寄
第三

青年射策向南宮回首俱成鶴髮翁楚水閩山千里隔暮雲春
樹寸心同窮途愧我飄零久畫省多君德望隆慶澤流芳瑞有
自高門何獨羨于公

生平事業半蹉跎憂患其如老去何幸託斯文清議在喜聞別
駕盛名多鵬程奮迅雲霄翻帝澤汪洋瀚海波朝龍從容買歸
棹到家時節近清和

謝徐恕庵數有贈

贈遺稠疊意逾堅誰似徐卿道義全晚節松筠存雅操青霄鷺
鸞鶴孤鶩伯牙喜與鍾期遇管子深承鮑叔憐搔首臨風無限
思何時連榻話燈前

七言排律

與節菴論唐人詩法因賦長律三十五韻

附注愚意于下
者便於求正也

逸氣稜稜隘九州神交思苦入冥搜以才之洗教凡骨塵俱

淨挽起詞源水倒流隨物賦形均造化陶情造興賦

包羞各極其趣蓮開華岳仙人掌不汗而身鑿鎖元龍百尺樓高而

近日雲霞成五色采澄空月露映三秋折陰翳翕翕奔魘魅怪

武庫森森插劍矛萬頃晴濤翻巨海千尋飛瀑下龍湫放

孤撐怪石擎天柱超秀挺奇松駕壑虬若霜冷鐵衣屯紫塞整

雲隨仙袂下丹丘連城白壁非徒瑤照乘明珠豈暗投光

器重樽彝兼大鼎古樂陳琴瑟開鳴球奏半機蜀錦天葩燦麗

一縷春絲墜緒抽緜鐵鑽下蟠江水黑沉鯨魚奮鬣崑崙浮滿

馮驩作客愁彈鋏考叔爭車怒挾舟壯紅蕖常階迎步障可

可泊波噴峽上孤舟可水晶沈井形難擬豈海市鴻盧影可

却留生阿閣呈祥看鸞飛康衡縱步聘驂騶正奇合度奇

省愆集 卷下 十四 敬德樓裏寄 第三

應須察體製殊倫總見收體雖不同共說五車詩業盛誰云七

步捐才優貴不天然標格元無飾然自是聲音不外求林

呂粵自盛唐推渾厚迄於季世設雕鏤楊王聯軌方前邁虛駱

長驅亦並遊李白詞鋒曾陷敵少陵家法善貽謀岑參高適相

迫逐賈至王維迭唱酬格老趣高儲與孟律嚴義正秋兼劉郊

寒鳥瘦難殊論柳淡章醇豈易傳練句義山工麗密摘辭用晦

尚清脩子昂近古居然別餘輩爭先未暇周一代文章垂汗簡

三千禮樂寄嘉猷驪黃能識同還異軒輊從知是與不此言初

以及何事頽風起委蕪漸看姿媚逞嬌羞蜂腰鶴膝徒爭韻關

靡誇多總費此言要使春容歸大雅須教敦厚更溫柔陽

春一山雖難和也落詩家第二籌詩木性情於正

五言絕句

追和東里詩韻三絕

與子別來久相思日幾回有時成選運多是夢中來
去歲當秋別今年秋未回逢秋能幾度白髮鬢邊來
日晏出西掖鳴珂每獨回感懷如有作應寄塞鴻來

問菊問竹各二首

試問故園菊今年竟若何想經秋雨後零落舊枝柯
試問故園菊霜根今尚存春風一披拂生意滿乾坤
試問窗前竹相遠已二秋風聲和月影還似舊時否
試問窗前竹棲鷺會有期丁寧休剪伐留取拂雲枝

花期

荏苒嚴霜鑰花朝不見花若無城外柳何以識年華

四時詞

省 愆 集 卷下

十五

敬鄉樓表齊 第三 輯

纔聞花信通已覺風力軟寸心元自丹不遂韶光轉
隆暑啓初伏蒸風入虞琴安得播餘輝滌伐煩熱襟
見雁憶鄉關聞蛩思織婦笑語是誰家聲逐微風度
急散透疎櫺寒聲雜鳴柝被冷不成眠夜永愁偏覺

憂悶無聊偶誦東方虬昭君怨三絕後二首妙無以加前
一首頗傷於怨予因效擬賦三章非敢角勝也聊以見志
云耳

欲語嬌還怯含顰恥復驚和親能固處妾不愛微生
馬上琵琶語淒涼不忍聽自知緣薄命誰復恨丹青
胡風號永夜寒月照穹廡夢裏聞天語寒衣下玉除

六言絕句

渡淮

客裏情懷易感途中况味偏諳過淮流數里人家漸似江南

雜詠八首

春去秋來候雁暮還晨往寒鴉愁至不堪著目幾回搔首長嗟
時往時來管鐸半明半滅殘燈枕上懸成歸夢覺來愁心偏增
久拚行囊羞澁只從詩債籌堆怪殺楊柳時時擺動愁腸
夜眠枕冷衾冷曉起風多雨多城外槐陰泛綠方知近清和
拋却青州從事支開老秃中書空詫狂如杜老轉添渴似相如
天外音書斷絕牀頭藥裹頻添咄咄書空作勢時時覓句掀髯
鶴髮雙親老矣蓬頭稚子癡然想起心迷似醉悲來淚下如泉
有限青春易過無情白髮偏多此日尚流塵迹何時重整漁簑

感舊四時詞

竹外桃花夜雨風前楊柳溪橋某水某丘依舊此情此意蕭條

省 愆 集 卷下

十六

敬鄉樓表齊 第三 輯

最憶炎天佳致時來竹塢乘涼錦鯉旋絲銀鱸碧筒醉吸瓊漿
橋柳千絲霜日芙蓉一棹秋波終日心中想像幾回夢裏經過
罷釣寒江向晚尋梅雪嶺初晴同輩年來有幾嗟予老去無成

七言絕句

聞雁

今朝纔得見征鴻羈客淒涼意萬重數行若到江南去好寫平

安向遠空

閨中聞雁代婦作

朝來出閣上簾鉤目斷飛鴻淚暗流自是別離情思劇不緣秋
色解牽愁

聞簫

一枕淒涼夢未休忽聞簫管雜歌謳誰知曲裏聲聲思都是鴉

人宛轉愁

皆蟹

故園霜落暮秋時酒綠橙黃蟹正宜今日持螯仍大嚼不堪回首起遐思

又聞篇

霜壓危簷冷透瓊孤燈耿耿照無眠簫聲若解愁人意應不隨風到枕邊

憶友二首

一日相違鄙吝萌况經三載曠交情可憐回首雲泥隔夢裏猶能說舊盟

中年坎壈幾成絲惟有忠君志未衰知己相憐今鮑叔何因執手話襟期

省 愆

集

卷下

十七

敬鄉樓叢書
第三輯

暑雨

暑雨連朝未放晴不堪病體困炎蒸何當置我崑崙頂兩腋清風萬壑冰

伏中苦熱聞立秋將至成絕句催之

聞說新秋次第來先期特地遣詩催要憑殿令驅殘暑散作清涼遍九垓

七夕

烏鵲成橋擁翠軒牛郎今夕會天孫休嗟隔歲佳期少良會人間有幾番

中秋三首

金水平分夜氣寒月輪飛上碧雲端可憐今夜團圓裏不比尋常一樣看

萬里長空桂影寒夢魂飛越苦無端可憐今夜高堂上對景淒涼不忍看

涼不忍看

拂拂天風撲面寒滿懷愁緒萬千端可憐今夜深闌裏月到紗窗和淚看

端午書懷

頻年輪死逢端午蒲酒生香迭獻酬今日南冠籠短鬢不知醒釀幾多愁

丙中南還舟發通州

官舸乘風五兩輕寒流拍岸浪花生張家灣上頻回首記取南還第一程

臨清道中

野水縈紆野岸迴半川晴雪荻花開舟人指點疎林外茅屋人家有舊醅

省 愆

集

卷下

十八

敬鄉樓叢書
第三輯

家有舊醅

舟次濟寧柳色未改澹齋有詩因次其韻
濟寧南下接通津楊柳冬來色尚新自是聖恩深雨露坐令枯朽總回春

呂梁洪

嶺嶺亂石轟戈矛狹束狂瀾撼地浮疏鑿尚存神禹跡萬年不共水東流

晚步二首

間向庭階步綠苔蕭蕭風葉撲人來客情正是無聊賴惟見寒鴉日往迴

鴉日往迴

閒向庭階步綠苔側身南望獨徘徊遙知風雨重陽節三徑荒涼菊自開

勉子

男兒立志要軒昂莫與閭閻較短長未必儒冠能見誤燈窗努力繼書芳

春曉

聞說山花爛熳開春光欺我暗相催誰知寂寞傷情處斜月穿窗夢覺來

暮春

孤館淒涼客思淹忽聞春暮半開簾東風綠遍階前草何事偏教鬢雪添

中秋不見月

幾處笙歌倚畫樓月華最好是中秋嫦娥只恐傷離思雲幕重重不上鉤

省 愆 集

卷下

十九

敬鄉樓遺書 第三 集

管柑

分得黃柑入口管指尖猶帶洞庭霜却思昔日陪春宴擊出金盤滿殿香

雪

幾度衝寒候早朝錦衣光彩照瑤瑤于今客裏愁如積不共冰花向日消

和省齊冬至詩韻

霞飛玉瑀藹陽和况是清時雨露多收拾琴書買歸棹半江春水綠生波

故里交游高誼在亨途宦業盛名多滿懷清思誰能似月浸寒潭水不波

暮年白髮歎蹉跎蚤歲承恩得意多迢迢夜然鈴閣雨絲毫晴

瀟風池波

又用韻簡濂泉

詩法年來孰與過清新好似少陵多雲開華岳飛秋隼露洗芙蓉映綠波

又用韻簡友人

曾聽鄰雞並曉珂好懷還向客邊多詩才傾寫千尋瀑雅量涵容滄海波

朝回馳馬玉爲珂燕寢凝香得趣多酒量鯨吞翻海月曾紋龜

楊池湘波

寄來綿衣寬博甚揣情因賦

金銷拈來下手難幾回揮淚拭朱顏遙知腰帶圍頗減未忍裁教尺度慄

省 愆 集

卷下

二十

敬鄉樓遺書 第三 集

寒夜

朔風吹冷透衾裯鈴柝交鳴聒耳頻展轉無眠愁思劇却疑羲馭夜停輪

辛丑迺赦後未釋

雨露覃恩渙鳳綸豈知蠲風未全伸愁來羞看墻東柳一度春風一度新

見飛絮

莫怪年來鬢易霜祇緣愁裏度春光楊花無事渾無賴也逐東風過短牆

謹和家父寄來詩韻

養親深愧罔曾賢憂患頻煩遠見憐一札書來腸寸斷哭聲痛徹九重天

跋涉艱危一病軀幸蒙慶祐未淪殞愁來懶向簷前立羞見林
間返哺鳥

讀書寧不志希賢薄劣無成空自憐何日重蒙優詔許斑爛戲
舞樂堯天

每憑魚雁問鄉閭親舊于今半已殞屈指別來經數載流光迅
速逐飛鳥

次韻初春

休問前三與後三短襦破帽一征衫今朝鏡裏看衰貌慚愧蕭
條雪滿簪

數九時光已再三東風送暖入青衫恩光擬逐陽和至南郭看
花笑盍簪

見花

省 德 集

卷下

二十一

秋 德 集 卷 下 第 三 十 一 號

乞得花枝洒淚看滿懷愁緒萬千端故園亦有繁桃李門掩東

風暮雨寒

立春次韻

薄霧籠雲凍漸消柳芽凝碧透冰條綠知天近陽和早便覺風
光勝昨朝

憶故鄉

梧嶺東頭是故鄉碧天雲樹思茫茫甌江直與滄溟接不及羈
人別恨長

城外槐樹

綠泛晴陰過短塢金英爭壓桂花黃一從愁裏看秋色幾度鄉
關舉子忙

鄰家伐去城外柳戲成一絕

無復柔絲拂短塢空餘烟靄送斜陽鄰家料得多深意不使春
嬌惱客腸

詞

七夕嘲女牛調南鄉子

一葉井梧飄玉宇涼生暑漸消乞巧佳人傳報道今宵牛女雙
星會鵲橋 銀漢夜迢迢風露無聲溼翠翹只恐明朝容易別
何勞瓜果庭中遠見招

中秋調臨江仙

雲淨碧天秋似水須臾飛上冰輪山河倒影絕纖塵嬋娟千里
共景物一番新 老我此身猶是客始官桂子曾分今宵月色
倍傷神嫦娥如解事休照別離人

九日調蝶戀花

省 德 集

卷下

二十二

秋 德 集 卷 下 第 三 十 二 號

迅速光陰烏兔走寂寞團扉兩度逢重九夢裏登高還似舊覺
來不管愁眉細 聖德仁恩覃九有白髮青衫準擬蒙寬宥歸
去高堂重獻壽金樽滿泛黃花酒

元正調清平樂

柳絮梅笑別院東風早以吹隔雲聲標榜應是蓬萊仙島 吾
儕久已沉淪持杯試祝東君好趁陽和時節願頭共聽絲綸

元夕調臨江仙

憶昔帝城三五夜簪纓曾侍宸遊山移愁背對龍樓一天星斗
下萬丈瑞光浮 簫鼓聲中催賜飲歸來月在簾鉤而今白髮
欺淹留寒窗燈影裏飛夢遠瀛洲

冬至調西江月

逗暖梅梢破玉迎長霞瑄飛灰葦陰消盡一陽回雲物今朝獻

瑞 自歎人生易老那堪節序頻催東風次第送春來又是一番光彩

除夕調鶴橋仙

梅英送臘椒糴迎瑞爭羨屠蘇先酌紅爐畫閣沸笙歌誰解道
獨人滿索 光陰然指韶華過眼萬斛清愁如昨明朝試說向
東風好爲我一齊吹却

正旦代家人調浣溪紗

何事東風太薄情愁邊忽忽換新正柳眉梅靨爲誰榮 寶勝
羞看腸欲斷同心暗結淚先零何時重整鳳鸞盟

擬去婦詞調風入松

落紅萬點委蒼苔春事半塵埃滿懷愁緒知多少思量遍無計
安排好似風中飛絮時時拂去還來 當年魚水正和諧兩意
省 愜 集 卷下 二十三 敬鄉樓記

絕嫌猜誰知命薄多乖阻簫聲遠零落天涯破鏡終期再合夢
魂長遠陽臺

七夕遇雨調浪淘沙

牛女未成歡別意相關幾回偷把淚珠彈故作一天涼雨過秋
滿人間 瓜果設堆盤夜漏將闌佳人惆悵燈昏山孤負穿針
良會也空倚闌干

北樂府

偶記北樂府詠漁父鸚鵡曲又名黑漆弩晁無咎府和甚
多惜其未及樵畊牧因次韻足成四首

元倡詠漁父

儂家鸚鵡洲邊住是箇不識字漁父浪花中一葉扁舟睡煞江
南煙雨覺來時滿眼青山抖擻綠錢歸去算從來錯怨天工甚

也有安排我處

次韻詠樵畊牧

儂家少室山中住是箇半鵝突樵父踏蒼苔穿遍疎林擔上橫
挑風雨倦來時藉草觀茶柯爛不知回去有幽人要覓行蹤試
聽我歌聲起處

儂家五柳莊前住是箇沒牽掛畊父趁春忙短笠輕蓑耕破一
犁春雨到閒時濁酒頻芻一任鄰翁來去醉磨跼攜箇青藜剛
走到雲山好處

儂家笠澤磯頭住是箇快活煞村父幾回將收箔橫吹聲斷楚
天秋雨晚來時牛背如舟穩載斜陽歸去掩柴扉醉飲三杯這
的是浮生美處

七夕 喜來二首
涼颼輕約銀河浪靈鷲新成織女嬌兩旗開處瑞香飄歎未了
休遣漏聲高

誰言七夕佳期遠爭似人間別意多秋風衰髮漸雙鬢何日可
歸臥白雲窩

秋思 醉太平

西風暮鐘夜雨疎桐一聲聲透入夢魂中正鴛衾半空心猿恨
鎖愁誰共神龜兆協占頻中賓鴻聲杳信難通何時再逢

擬中秋賞月 水仙子

月盈初揭鏡光寒雲帳高寒桂影團風簾微動金波亂通乾坤
清氣滿倚南樓心眼俱寬酒量傾湖海簫聲叶鳳鸞且盡清歡

中秋自述 普天樂

晚風清浮雲淨一輪初上千里同明坡仙俊麗詞庾亮疎狂興

晚風清浮雲淨一輪初上千里同明坡仙俊麗詞庾亮疎狂興

老我淒涼應難非對婢娟且訴平生三年倦客幾番歸夢萬斛
離情

中秋遇雨 疊字醉太平

亂紛紛癡雲驟擁淡濛濛薄霧輕籠漸冷冷幽宮深鎖雨聲中
悶懨懨嫦娥玉容愈煎煎登樓庾亮情難縱意懸懸開樽李白
詩難詠路漫漫吹簫弄玉去難從恨悠悠更長漏永

九日思親 水仙子過折桂令

翠絲風剪綠揚稀纈錦霜凋紅葉飛金錢露染黃花綴玉龍山
佳會集望庭闈無限傷悲任淚雨綠肥落將愁山著意推盼佳
期何日南歸盼佳期何日南歸水遠山遙目斷神馳嚙指情深
趨庭訓切戲綵心違寄信難憑錦鯉對茱萸慵泛金盃暮景
休催壯志難推仰望皇恩趨拜天墀

省 愆 集 卷下 二十五 第一 三

立冬 朝天曲

曉風嘯空報道冬初動蕭蕭敗葉響寒叢瓦霜華凍獸炭爐
圍羊羔酒共醉笙歌錦帳中病翁固窮冷落了梅花夢

冬至 落梅花二闕

玄冥令廣漠風大地一陽催動喜雲物書祥奏九重慶豐年萬

民歌頌

愁千種別幾年想故園梅花開遍欲待報平安頻將錦字傳空
望斷碧天邊數行飛雁

省愆集卷下

題黃少保省愆集後

讀吾友少保黃公永樂中所作省愆詩集至于一再蓋幾於痛
定思痛不能不太息流涕於往事焉初太宗皇帝將巡北京召
吏部尚書兼詹事寇義兵部尚書兼詹事金忠右春坊大學士
兼翰林侍讀黃淮左春坊左諭德兼翰林侍講楊士奇諭之曰
居守事重今文臣中簡留汝四人輔導監國昔唐太宗簡輔監
國必付房玄齡汝等宜識朕此意敬共無怠四臣皆拜稽受命
其後凡下聖書諭幾務必四臣與聞時仁宗皇帝在東宮所以
禮遇四臣甚厚而支庶有留京邸潛志奪嫡者日夜窺伺隙
從而張謫駕妄以為監國之過又結嬖近助於內賴上聖明終
不為惑然為宮臣者骨悚魄驚數見頌繫雖四臣不免或決
旬或累月惟淮一滯十年蓋鄒孟氏所謂莫之致而至者也夫
省 愆 集 一 敬鄉樓叢書 第三輯

莫之致而至君子何容心哉亦反求諸己耳此省愆之所以著
志也嗟乎四臣者今寇黃二公及予幸尚在去險即夷皆二聖
之賜而古人安不忘危之戒君子反躬脩省之誠在吾徒不可
一日而忽之也故謹書於集後以歸黃公亦以自儆云耳宣德
癸丑四月庚子榮祿大夫少傅兵部尚書兼華蓋殿大學士廬
陵楊士奇題

廬陵歐陽文忠公序薛簡肅之文謂君子之學施之事業見於
文章常患其難兼蓋嘆其窮達所志不同而兼之者之罕遇也
若夫少保戶部尚書兼武英殿大學士永嘉黃先生負光明俊
偉之資際重熙累洽之世事業顯於朝廷文章播於寰宇受知
聖主輔導春宮雄才碩學足以掌宣帝制潤色鴻業者海內之
士類能傳誦之至若居幽處獨發之於心形之於言聯篇累牘

珠光玉潔無憂愁鬱抑之氣有反躬自咎之心而忠君愛親之
念未嘗有斯須而替可謂得乎性情之正自非忠孝兩全文章
事業兼備者時克爾邪邇者行部是郡先生出示茲集捧誦數
四何其精純而浩博也因請於先生曰是集不可以不傳先生
固辭力請乃許遂捐俸鑲諸文梓以惠後學賦詩詞總四百有
奇而以省愆名之噫荆山之玉豐城之劍豈窮山枯壤所能久
於沉埋哉將必有卞張者出而知其為希世之珍也知言之士
幸共寶之正統八年二月朔旦中憲大夫浙江等處提刑按察
司副使京口王豫謹書

四庫全書總目一百七十省愆集二卷 江西臨川人黃淮撰
淮字宗豫永嘉人洪武丁丑進士除中書舍人燕王篡位命
入直文淵閣陞翰林院編修累進右春坊大學士輔皇太子
省 愆 集 二 敬鄉樓叢書 第三輯

監國為漢王高煦所誣坐繫詔獄十年洪熙初復官授武英
殿大學士累加少保卒諡文簡事蹟具明史本傳淮當革除
之際身事兩朝不免為白圭之玷史又言淮性頗隘同列有
小過輒以聞解縉之死 按本傳 淮有力焉人品亦不甚醇然
通達治體多所獻替其輔導仁宗從容調護尤為有功雖以
是被訪獲罪而賜環以後復禁躋近迨至引年歸里受三朝
寵遇者又數十年遭際之隆幾與三楊相埒其文章春容安
雅亦與三楊體格略同此集乃其繫獄時所作故以省愆為
名當患難幽憂之日而和平溫厚無所怨尤可謂不失風人
之旨故特存之以見其著作之梗概至其退直入覲歸田三
稿同編為介菴者門徑與三楊不異東里諸集既已著錄則
是可姑置焉

陳敬宗明故榮祿大夫少保戶部尚書兼武英殿大學士贈文簡黃公墓誌銘永樂癸巳車駕再巡狩公留守時漢王潛蓄奪嫡之志忌公獨深日夜窺伺間隙流言監國之過公遂不免一滯十年處困中惟日賦詩以自遣形於詩者無非引咎責躬之言名曰省愆集明文衡八十九

靜志居詩話長陵北征留文簡輔皇太孫漢庶人中以蜚語繫詔獄十年遂以省愆名集集中詩所云寶劍揮豐城爛斑土花碧又云十年頓足圓扉間時向牖頭看柳色是也因是受知宣廟特深賞其入朝賜游西苑肩輿登萬歲山宴太液池親灑宸翰贈行有云朝旭光升紫殿清相對清言良慰情留之累月不盡意歸心又欲東南征雁宕峯高高不極中有謝公舊游蹟采芝劇苓可長年應在天南憶天北君臣相悅省愆集

可謂千載一時明詩錄十七

溫州經籍志二十五案省愆集二卷皆文簡永樂十二年閏九月以漢王高煦譖繫獄十年獄中所作詩文上卷爲賦二首及四言五言七言古詩長短句五言律詩下卷爲七言律詩排律五言六言七言絕句而以詞二十四闕附焉陳敬宗作行狀述此集止云詩蓋撮其多者耳集中五言古詩頗饒古韻餘體則長短互見蓋身處憂患抑鬱無聊藉此以自排遣本無意於求工至朱竹垞所舉寶劍薤豐城一聯今見五言擬古詩第二首十年頓足圓扉間一聯見長短句柳絲長篇亦非集中佳句也其詞高儒百川書志析箸其目曰省愆詞實卽此本辨詳三十三卷詞曲類省愆詞下又三十三詞曲類案省愆詞陳敬宗黃文簡墓誌未載而明

刊省愆集下亦附詞二十四闕高氏百川書志所載疑卽由集內析出箸錄非真有單行刊本也然明志及黃目並相沿箸錄今姑存之用備攷覽

按文簡省愆集自序作於永樂甲辰九月其三楊諸序作於宣德七八年而介庵集序跋則佚無可攷竊疑介庵應爲全集之總名而省愆應與退直歸田入覲諸稿並列爲目後人編介庵全集缺四卷以篇幅量之似已將省愆編入集中蓋文簡在永樂朝十二年詩文僅三卷在獄十年僅二卷此二卷爲歸田二十年僅六卷入覲三次兩卷按此兩卷尙有他稿歸入如永志堂記作於宣德初元方尙在朝之時應入退直又有什齊齋房記作於宣德戊申歸田而持在此稿入何庸復官以至致仕三年之中機務繁重而得有詩文四卷乎命文靖序亦有公在館閣四方制命日不下數十未暇爲詩等省愆集

是其缺卷應有省愆在內可想見矣但原集既有闕佚無從攷覈且明代箸錄家並止省愆一集而無介庵則其單行已久不能輒爲併入今依溫州經籍志仍別出省愆於介庵之後而附著所見如此民國二十年八月黃羣記

省愆集

兼行字誤正釋

序 三 十二 二四三 道宿 儲益

三 二四 十 權 巨滑

卷上 一 十一 二二 號 號 以下應另行編定

二 一 七 神廟子

五 十七 二二三 沙 步

六 五 十三 許贊 許許

六 九 一 矩 矩

七 二 十六 枝 枝

十一 二 二四 昇 昇

十四 二 二十 給 絕

十六 五 十六 壽 按壽損非壽字是時多誤用

二 一 六 稀 暗

二 三 四 三 除 陰

敬鄉樓叢書

第三輯正誤表

永嘉賈氏校印

二四 十六 六 歷 曆

二五 二 一 十八 拾 拾

二五 二 三 八 正 天

零下 二 十六 七 權 備

三 六 六 六五 莖色 色莖

三 六 八 八 暇 環

四 十七 二 二 車 車

十二 二 三 十二 枝 枝

十三 六 九 九 臨 臨

十四 十 十五 舟 騎

二十 二 三 又 富 富

二十 八 八 十七 錄 錄

二五 八 六 六 揚 揚

二 七 三 三 理 理

二 十八 十三 辨 辨



拘虛集

四明張氏釣園開雕

序

當明正德嘉靖之際吾鄉詩人有朱應登顧華玉陳魯

南王四先生者求其述著未易得也既乃得魯南陳

先生拘虛集五卷又得後集三卷魯南早慧五歲能屬

對十歲能詩十二歲作赤寶山賦傳於時既成進士仕

為編修侍講外授江西參議山東參政忤權貴左遷山

西行太僕卿遂抗疏致仕徜徉山水閒以詠歌自娛其

詩清越拔俗自出機軸訟言學杜之弊不詭隨時尚以

是能免明人佻薄鮮質之病又工書法能繪事可謂多

拘虛集序

一四明叢書

約圖刊本

才藝者矣然即其詩觀之詞旨渾穆悠然有千古之思

慨然有憂患之志則又豈止為詩人已哉余嘗謂以詩

論詩古今不乏才藝蔚炳之士兼文學德行論詩難乎

其選矣若魯南先生者固守道君子也詩歸禮義之誼

庶當之無媿色耳爰與詩談一卷游名山錄四卷並刻

之石亭文集十二卷他日訪獲當續刊布民國二十三

年三月後學張壽鏞序

鄞縣志本傳

陳沂初字宗魯後改魯南號石亭居士鋼之子鋼先夢

釋氏奉明珠入室旦生沂五歲能屬對八歲能摹古人

畫十歲能詩十二歲著孔墨辨赤寶山賦傳誦人口劉

忠喬字儲確官南都時皆引為忘年友正德十二年舉

進士改庶吉士顧璘撰年已四十有八為夙名士矣甫

著舊除編修與修武宗實錄嘉靖二年為禮部同考官

墓三年夏會議大禮與修撰舒芬疏凡三上以伏闕皆

得罪沂撰舒芬墓志實錄成進侍講賜白金文綺隨充經筵講

拘虛集傳

一四明叢書

約圖刊本

官撰講章善寓諷勸上問宰臣知其名五年授冊封楚

王墓六年冬舒芬墓志以見忤張璁音舊傳出為江西參議樂

於惠民備設科條以杜奸完賦同官驚服進山東左參

政按沂莒滕費諸郡邑察其災荒發官帑市牛百餘頭

給民墾藝且寬其稅期年皆熟又為蠲除種馬薪木運

布諸征民獲甦息嘗至鉅野察有盜將發調卒襲捕散

之即言於巡撫職兵者不謂然已而盜竟破縣去眾許

其略墓又與提學副使陸武纂修山東通志山東十二

年詔舉堪翰林者吏部侍郎席春欲召還沂尙書汪鏞

不可明史席會入賀遇張璠長安道上勞之曰先生久

外行召矣沂曰齊民困甚能行吾疏殊勝吾受德也璠

意拂然傳吏部舉河南福建布政司皆不遷遂改山

西行太僕卿○案明史以不附張手再疏請老歸築遂

初齋於家園墓志杜門著書絕意世事列朝詩集十七年卒沂

軀不甚長神采朗秀眸子可照孝友忠信出於天性事

二親死生情文備極人所難及素廉於財營弟妹婚姻

貸以備禮及貴周恤南都與四明族屬曲殫心力平生

舉事率歸忠厚墓志少好蘇氏學自號曰小坡名山文采

拘虛集傳

二四明叢書
約園刊本

照映一時明詩綜初與顧璘王章號金陵三俊其後寶應

朱應登繼起稱四大家明史附又與李夢陽何景明徐

禎卿邊貢應登璘鄭善夫康海王九思等號十才子明史

李夢陽傳璘應登羽翼夢陽而沂與章則頗持異論顧璘沂

詩專以唐人為宗謂少陵七言聲宏氣正格高意美非

小家妝飾但才大不拘後學茫昧特拾其麤耳列朝詩集自

入翰林與文徵明講論其畫更進相傳金陵古今圖攷

舊鏤乃其手繪書法不減吳寬江寧府志旁及篆隸皆稱能

品金陵樂府有善知識苦海回頭記行於世人最膾炙

者梅花序子時萬嘉靖十三年舉人江寧志

拘虛集傳

二四明叢書
約園刊本

拘虛詩序

芹山陳子刻石亭陳公拘虛稿成以示龍石子曰詩其有裨於教乎非與龍石子曰日星麗乎乾以光被下土萬物資焉文炳於人以軌物飾政萬化資焉故文之所貴以教詩聲而文者也或漫焉無裨豈詩哉乃取而讀之讀而三復之歎曰斯幾矣源究乎漢晉旨存乎風雅格弗淪於恆俗興弗流於光景力弗窘於繩律贈無阿辭寄惟情慄送寓諷勸登弔發感慨之懷游覽適曠達之趣而復雍遜溫舒有如其人者其詩哉夫詩自廣歌

拘虛集序

一四明叢書
約圖刊本

之餘離騷而上無論矣吾於近世有慨焉而懼夫流之無防也吾竊觀孔子刪詩三百而蔽之以無邪一言端後學之趨也然而古之詩質今之詩諛古之詩節今之詩費古之詩婉今之詩激古之詩法今之詩放是故質罔過情諛則媚矣節罔濫及費則贅矣婉言寓戒激則怒矣法言有章放則踰矣乃若藉以希時執以干進於教之道不亦太遠乎哉吾非知言者惟石亭流聲海內且久故一時名家多麗澤焉可知矣吾自蚤歲而聞其名嘗同官而服其學今參吾東省而知其政詩特其一

事焉耳芹山以文學飾吏事固善鳴者誦公之詩有馭契焉傳諸梓謂有裨於教者也詩為卷五而諸體略備公生平論著甚博是出所自擇殆什一云耳嘉靖歲壬辰四月之望翰林院侍讀學士奉直大夫同修國史經筵講官前春坊諭德古東郡龍石許成名書

拘虛集序

一四明叢書
約圖刊本

拘虛集引

古齊少岱子谷蘭宗撰

蘭宗曰拘虛集陳石亭先生之詩也取莊生井蛙之見以自喻云謙辭也梓行東昌義興任子重刻焉任子之妻與先生之子之妻兄弟也其姻近其傳欲遠也屬予簡其端於平先生之詩太史氏許公評品詳矣夫登雷門者棄布鼓歌陽春者多巴人子難其說者久之會先生稍遷行太僕徐子馳書來訪予且詢大中丞大夫顧公橋頌亭石刻徐子善詩者也因與

拘虛集引

一四明叢書
續圖刊本

論白下詩派獨二公取材漢魏效體陶謝擬格王岑沈宋之間海內孰不知有陳顧而一時江左無能出其右者也然亦工於書臨法晉帖世稱為一妙云邈者並遊故都怡情山水其牛首雨花諸詠益臻精細徐子輒汎誦之叩其作者予不幸而屢中焉無他臭味同也徐子金陵佳士名京其言蓋有所受云任子名卿太學生也

拘虛集卷一

明鄭陳沂魯南撰

五言古詩

李伯時畫謝惠連春游圖戲用謝體

送楊恆叔致政歸用陶詩韻四首

聞寧豪兵圍安慶再旬敗走識喜

鬪雞篇

除歲書懷

江上二首

拘虛集卷一

一四明叢書
續圖刊本

一日復一日二首

四禽篇

孺子亭

哀辭六首

素絲歎

斷絕吟

送劉按察希尹入蜀四首

李伯時畫謝惠連春游圖戲用謝體

覽物出脩坳條風發春柔陰厓雲不結陽嶺氣彌浮既

輟駢筵策亦舍泛湖舟攬轡縱迴眺帶劍懷壯猷素蘊
祛道囑凡醫蕩遐遊主簿不就辟法曹焉用求才充歎
不顯年蹙況多尤

送楊恆叔致政歸用陶詩韻四首

公家既解絆豈受僕夫迫欲別且持杯稅駕向長陌枯
棠發春英寒梅早舒白荒蹊轉幽芳不礙荆榛窄冠裳
各俯首重感他鄉客東華別華省燕寢非吾宅

解環持贈君欲絕循無端君心慎終始不與時敘遷君
歸越海頭我適燕山顛君飲故鄉水我加殊方餐欲聞

拘墟集卷一

二四明叢書

約圖刊本

尚有音欲見已無緣嚶嚶春鳥鳴伐木空遺篇

昔人求神仙竝海循會稽不聞武夷曲泛舟經兩崖飄
然絕世境風露凌高懷久矣抱冲虛脫然志已彌俯仰
觀玄化天彝詎能離野鹿無異圖但不受凡羈無能越
天道歲月任盈虧

春陽漸向煖條風尙微涼芳草生南浦別思滿河梁軒
裳聚京國四海皆故鄉君獨念春燕東歸畏秋霜予心
亦眇眇相逐行路長

聞寧濠兵圍安慶再旬敗走識喜

皖城孤且危江寇何滔滔眾意欲降虜壯士皆悲號主
將坐城上醞酒臨江皋與眾誓俱死不得挫秋毫儒夫
起揮戈發氣凌諸豪虜謀欲何爲我城亦何高號號懸
轟雷流血城周遭哀屍橫成渚敗卒隨奔濤但聞舟中
泣西向委黃袍

鬪雞篇

貴伎起鬪志觀鬪憐異才權樞本柔羽賜距何壯哉邵
氏嚴介備魏主築高臺安知小兒隊能使蒼顏開裂冠
與褫袍那足擅場魁徒令游目羨愧領絳羅回

拘墟集卷一

二四明叢書

約圖刊本

除歲書懷

車前斷深壑舟際陷重冰駕驂不容止轉舵還未能清
漏此年盡紅旭明歲升無歡厭柏醕顧影怨蘭燈閨中
卜云近鑿花指爲徵

江上二首

江水日東逝飄風自東來水性惟欲下揚波復牽回人
事有順逆欲發還徘徊飄風曾幾時息權且銜杯
息權復息權權息歌亦稀歌中有何意但訴志多違流
水宜東去從風合西歸出門豈無定中道復他依

一日復一日二首

令顏妾自愛朝夕理紅妝一日復一日盛顏豈能常君
心何所比不比明鏡光不照妾顏色但照妾心腸
恩愛妾自保庖俸忽驚惶一日復一日炎熱有時涼君
情何所比不比絳緯長引刀終斷絕恩愛此中忘

四禽篇

絕谷自堪止上林那用飛上林有嘉木春夏揚芳菲彈
射游其間安以存危機噉噉鳴至和天道信不違
莫作警慧語寧為啁啾音警慧有災伏安得縱高林君

拘虛集卷一

四四明叢書
約圖刊本

子戒捫舌三緘意尤深況乃損吾性將以悅人心

乾鵲解知風不肯巢高枝自謂得安宅那妨輕薄兒尺

短寸有長束策不自知日月不可踰迭微有時虧

鴻雁秋南征春至復北翔寒暑自有時辛苦易其方嗟

彼病翼鳥不得遠相將飲啄順時化遠適非故疆

孺子亭

漢季歎多艱南州有高士五詔不就官三聘不肯起不
與浮沈存不逐黨錮死太守名陳蕃下榻待孺子當時
無與□時齊復誰似步至東城隅率彼東湖水清風亭

上來亭下百草靡

哀詞六首

空同李按察獻吉

空同少負氣下視無與頽吐論排眾紛所向前莫當今
世鮮述作重憶令悲傷厥子吾所錄健思亦昂藏

凌谿朱參政升之

凌谿激清湍音響重遐聞擢毫揚美詞肆意逐高雲憶
昔重親交遠別傷古郡既見猶未旬日薄已向曠

大復何按察仲默

拘虛集卷一

五四四明叢書
約圖刊本

大復蚤立身弱冠已蒼顏置身向篤什畢命山水閒瓊
璨呈璫與欲逸無能剛安知昔往饑世路悲多難

迪功徐博士昌毅

迪功未弱冠明河盪胸臆南都同被薦鯢翼先奮北博
士三年淹廷尉不受職蘭蕙嗟已萎餘芳未曾息

少谷鄭禮部繼之

少谷美自匿吐氣常不勝鬱思不易發抱尊丹豔凝無
意向珪組蕭散結儔朋明星忽晨隕悲歎撫吾膺

太白孫山人太初

山人太白來託身向吳越初爲赤松遊晚被煙火奪沈
思發玄秘華冕等寬褐一水從邇回百歲永閒闊

素絲歎

漢之士子卿漢之女文姬當時被留虜後皆有還時士
節如白玉女身如素絲白玉志完潔雖涅無玷虧素絲
入濁泥安能不爲緇身既一見辱悲憤何爲解忍顏見
漢土託身益堪悲何如李少卿北向不復疑

斷絕吟

我有白玉環佩在羅襦閒瑩潔莫與比歲久不曾利君

拘虞集卷一

六十四明叢書

約圖刊本

今欲斷絕□□求無端蚓竅能潰川積毀能移山君心
已在棄不能回君顏放豚知所求失犬猶望還妾比盟
濯水豈能長在盤盤水不足惜棄絕相見難願君常明
潔無棄蕙與蘭

送劉按察希尹入蜀四首

我昔游上都相逢狹邪間皇邑且窘步何況川與山瞿
塘復劍閣古昔歎多艱鉤梯歷參井鮮不改容顏整駕
方就途瞻望不可攀

相攀途路長執手豈易辭纏絡當路側策馬亦長嘶發

軻不可留且緩鞅與脂木葉下高林百草霜氣衰土體
各自愛黃髮相見期

見期且未言有言今具陳蕙蘭在荆棘志士懷苦辛蜀
道險莫比開關無推輪淵人悲善溺侈肆生賤貧遠別
安足云分義爲交親

交親利斷金同志艱乃濟羣盜同肺肝利盡敗初誓靡
德無不酬犬馬思奮勵不幸赴國難夷險豈身計崇德
勿復疑願言以終世

七言古詩

拘虞集卷一

七十四明叢書

約圖刊本

對月贈劉按察元瑞入滇中

明妃曲

歌舞美人圖

畫松歌

重別行贈李川甫

題趙魏公畫夫人管氏曉起玩花圖

張司徒山國圖

趙魏公畫赤驃歌

殿中左門燕慶成

單于出獵圖

顧氏圖

少年行

志士行

磨言

對月贈劉按察元瑞入滇中

憶昨看月與君同月在蕭臺煙樹東桐花香吐石壇冷
松枝影落溪堂空可憐今夜高城隔况復蟾光漸生魄
照我思君欲斷腸照君向我天涯別天涯雲霧何茫茫

拘虛集 卷一

八四明叢書
約圖刊本

千山萬山路途長從知馬上看圓缺相逐君行漸異鄉

明妃曲

玉門道上黃塵迷漢妾嫁為胡虜妻朝廷妙謀本為國
不復敢怨收雙啼霓袖揮鞭萬餘里馬數掉頭嘶不止
如雲猛將皆熊羆薄軀那足為生死官家云是輕顏色
何用畫圖勞按索寧枉蛾眉葬虜塵莫因圖畫傾人國

歌舞美人圖

雕籠護日香雲薄綺樹重重宴春閣九曲屏開翡翠裳
雙環鏡裏芙蓉萼脂翻玉筋黃金絲櫻盤錯落珊瑚枝

醅酥酒釀暈不散坐傳小字呼蛾眉天桃對對顏色媚

曲寫琵琶度笙吹飛燕身輕舞態柔初鶯語澀歌聲膩

攏挑按擊十指鮮玉掌應拍猶堪憐裙飄袖鼻錦鴛蹴

細草芳茵時正妍初日房櫳罷梳洗月光照席猶未已

金樽激灑手不停未解歡娛倦肢體晝長復晝夜復夜

光續蘭膏香續麝今年為樂復明年不記春花有凋謝

張禹堂深到者稀季倫金谷忽成非江南誰識韓熙載

贏得街頭百結衣宣和畫史能追憶粉黛丹青塗石壁

音聲意態皆宛然能使生歡亦生戚豪華文彩俱寂寥

拘虛集 卷一

九四明叢書
約圖刊本

何慕近代思前朝京師能事多畫者傳寫關東一幅綃

畫松歌

畫師落筆有生意滿障松林隨手至想當拂拭未畫時
徂徠已入縱橫思畢宏韋偃不可達誰台變化留形蹤
靈根直下據鐵石老幹竝起交虬龍離披倏有風濤吼
影垂千尺陰雲走懸蘿披薜皮慘裂計年台與巖封久
丹青絕筆骨已塵靈怪不朽存天真當時塗染出心肺
今尙運動合精神吁嗟予我亦胸中有直幹為君放出
請君看

重別行送李川甫

帝城門外揚車塵盡日勞勞行路人人生離別重繾綣
況復送君當暮春昨日花開復欲落黑髮幾時不為樂
我今向衰君少年我少年時亦如昨燕臺黃金照日邊
古人已往今誰賢世事多悲更難語繫馬躊躇樽酒前
題趙魏公畫夫人管氏曉起玩花圖

沈香庭前春日遲千花萬花紅滿枝羅巾拂檻醉不起
供奉詔賦清平詞魏公亦是詞垣客王孫面貌仙人姿
風流不作畫眉者崔徽卷裏留春思綠鬢擾擾翠鬪垂
金鴛淺莎芳露滋似向花枝惜顏色未足春伙初起時
花容蕙性兩稱奇大雅相忘不自知水晶宮中永相好
何羨葡萄七寶卮

張司空山國圖

吁嗟牂牁之南越嶺西金馬峻嶒連碧雞鋒攢戟列無
斷絕天門海窟相高低區窮宇盡眇難入鬼魅託跡猶
沈迷飛鷲六翮不能度犀象那敢翻其蹄憶初茫茫起
磅礴崎嶇卻自何年鑿禹導黑水經三危直從秦漢開
滇壑葉榆地廣人類殊羸旃種種分墟落千迴細路向

狗盧集卷一

十四明叢書
續圖刊本

空出百丈飛梯無他著仰攀矜息下股戰回頭轉足厓

當面口標結霧晝不開并窺陽光午初見懸瀑遙從碧
落來危巢震撼鯨濤濺巖盡日少人煙行人裹飯齏
清泉陂陀散處有平壤始見城郭羅居塵神明統方極
遐域戍士分屯雜僮夷衣冠久與中州通雖有長途非
絕塞司徒慨然筆滇史更有餘興圖山國曾聞上世居
江東昆明戰伐成奇功邇來永昌已四葉山蹊水道盤
胸中騰衝象化更阨阻出入萬山無沃土指點縱橫尺
幅閒括取西南盡吾嗜嗟哉能事意態新默與景會摩
天真輞川內史不足數撫卷三復傷人神

趙魏公畫赤驃歌

曹霸將軍善畫馬聲名不在江都下五百年來跡罕存
懸金索市空高價吳興王孫意氣新筆底形姿更風雅
十二天閑色色奇物意恣由吾意寫嘗從畫裏索神駿
色相生來見者寡初看閃閃光燦霞漸覺津津汗流赭
首昂鬣翦赤峯高身長尾窳紅絲把回紇番雜識才性
駟監奚官慣調者人馬意態兩殊絕可憐筆底真陶冶
殿中左門燕慶成

狗盧集卷一

十四明叢書
續圖刊本

南郊回輦帝禋成和風麗日報昇平青陽應歲開承明
玉帛朝元萬國榮魚藻君臣宴鎬京七德獸舞韶鳳鳴
霓旌星蓋浮空迎黃衣入座儼太清珠履上殿列公卿
稽首齊稱萬歲觥金盤百味羅珍瓊錦屏千樹綴華英
班階賜坐旅爵行紫微布象璇璣衛進食時聞玉節聲
九獻繽紛出幔城舞隊千行數奏名耳目應答勞縱橫
天顏下接燕笑生股肱起哉共含醒恩杯欲盡懷捧盈
飽食每令慚汗并羣賢彙進道向亨載歌天保樂皇情

單于出獵圖

狗彘集卷一

十三四明叢書

新圖刊本

龍沙八月百草枯鳴笳出獵天山隅韋韞後擁旌前驅
驕嘶玉勒稱名駒竹批兩耳風傳呼赤汗在背啼玄菟
橐駝捆束交在途巨羅載酪還載酥紫茸緇項碧眼胡
腰插羽箭橫雕弧草頭一縱鷹與盧馬前獻獸只須與
中山異穎山梁雜牝牡竝獲雌雄俱脅下斜穿金僕姑
驅走樂事真豪巖歸來魚炙列盤孟大醉枕藉花氍毹
闕氏起舞樂單于

顧氏園

佳麗樓西羅市前王臺謝館地相連朱雀門通朱雀艦

鳳凰山帶鳳凰泉建業豪華古稱絕十二宮城開綺陌
榮戟高門卿相家山池曲榭神仙宅六朝家世舊風流
猶說江南顧虎頭花竹徑深如樂苑窗楹池繞似滄洲
東晉香鑪金籀字南唐畫障澄心紙米家圖畫鄴侯書
平泉樹石烏皮几逍遙日涉自成趣樾館煙庭非一處
古來不數辟疆園肯使王猷肆然去阿戎來候小肩輿
步履花閒入隱居坐久不知山色暝仰看松月夜窗虛

少年行

君不見昔日高陽之酒徒解貂市上親行酤自笑奮力

狗彘集卷一

十三四明叢書

新圖刊本

非耕鋤盡日博塞爲擣蒲袒跣上踞聲豪鷹得意應手
皆成盧劉殺家儲僧石無擲取百萬時須與千金散聚
輕泥塗五侯七貴猶雞雛唾視不足當昆吾婦女見辱
國邑屠僭據上位身稱孤前途一敗面縛俘還如六博
勢向輸采得來徒爾呼吁嗟乎翻轍覆轍非險途安
得恃勝爲長驅

志士行

玉鏡在匣不掩光寶刀在鞘長吐芒古來神物不自悶
雷電守護終飛揚商山采芝定漢計傅巖版築能興商

志士不求名蘭蕙不逞芳六翮不修大鵬不翔鴛無發
機五步不強請君何爲不自愛將身委置他人旁一人
見知十人疑十人爲祥百人殃如何一足蹶頓令五內
傷羣醫集如堵不出一奇方雖有扁鵲功不能雪洗腸
寶刀寧折玉鏡毀首陽之巔甘餓死

瘖言

長夏欲暮困莫當玉山忽倒依繩牀手持書卷一枕卧
卽與天地俱茫茫風力御我形雲影飄我裳歷歷不可
止杳不知何方但聞鈞天聞龍吟又見天花逐鸞翔崇

拘虛集卷一

十四四明叢書
約園刊本

樓飛觀黃金色出榭層臺白玉光碧紗含霧九重殿繡
拱橫霓千步廊絳題上書彌羅宮銀榜下書曲密房虛
中無聲自清響靜裏不斷生奇香自謂此何事願望心
皇皇有人冠瑤簪下體鳴珩璜語我此天上召汝來帝
旁台階接巨門中路爲文昌貞符載蒼籙神篆回丹章
向前跪受忽驚起兩臂下簾生微涼覺時書卷尙在枕
境已電掣隨潛藏乃思昔日候金馬載筆摘詞登玉堂
橫經御渥去尺咫出入近禁猶尋常恍然所見夢中事
無乃昔日爲黃梁人生大夢有時醒何事役役於心腸

覺來復寢寢亦夢夢覺與我皆亡羊

拘虛集卷一

拘虛集卷一

十五四明叢書
約園刊本

拘虛集卷二

明鄭陳 沂魯南撰

五言律詩

孝皇上賓哀痛二首

和顧華玉朱升之山游次韻二首

登芙蓉閣

山寺將歸次韻二首

秋日游靈谷寺

與彥明登浮圖

拘虛集卷二

一

四明叢書
約圖刊本

觀音山江閣與顧英玉中秋看月

史給事巽仲池亭夜集二首

經牛頭山寺

慧光寺

過寂照寺

與欽佩登攝山頂

憑江閣

喜聞流寇滅于狼山

翰林易欽之歸省長沙出訪于江上因贈

與華玉登金山

詠雲

武林口元瑞別去

宿西湖寺太白山人夜渡見訪即別去

送元瑞參政督賦陝右

送金給事士希北上

秋晚高座寺值友至

山寺贈羅質甫次韻

出左掖見新月

拘虛集卷二

二

四明叢書
約圖刊本

與升之參政夜話

宮柳

土城北望二首

慈聖太皇太后上仙哀辭一首

奉天門同百官遙致正旦慶禮一章

大駕夜出南郊端門內奉送書事一首

幸南海子

還宮

間討寧濠有作

贈同館五君出爲州

中秋對月不寐遂趨禁中仍對于東觀

華蓋殿入候一首

頌曆

除夕缺

對雪次韻缺

郊祀齋居缺

內苑涵碧亭缺

兔山缺

拘虛集卷二

芭蕉園

南臺

平臺

龍舟塢

經筵敬賦一章

雪中過往平

過滕縣

直河舟中夜望

過彭蠡口

三四明叢書
約圖刊本

登黃鶴樓呈黃中丞子和

楚王殿中燕兼詩送行敬答一首

萬壽節祝賀于淮王府敬賦一章

宿獻花巖小星槎閣

飲顧氏園亭二首

登岱嶽

謁關里廟二首

新春二首

再經岱嶽下

拘虛集卷二

九日萊蕪道中

高苑道中

齊河道中

八月十四夜對月

贈別翟子

再登佛慧山寺

孝皇上賓哀痛二首

位失乾坤正神昭日月明紫宸生寂寞玄澤掩昇平世

遠三王政天違四海情無時奉恩喜悽絕五雲城

四四明叢書
約圖刊本

君臣胥慶際民物遂生初日饒虞淵早星沈帝座虛江
河懸涕淚天地動號噓棄擲成千古荒涼寢殿餘

和顧華玉朱升之山游次韻二首

結廬同游日川原秋色深行臨黃葉寺坐望白雲岑
桂懷山隱幽蘭動澤吟未能隨雅躅空自歎塵襟
鷲峯開曠景鬼沼泛新涼跡遠山逾勝情幽草自芳
徘徊駐蓋吟嘯漫飛觴莫遣茲游樂翻爲往事傷

登芙蓉閣

飛蘿懸碧嶂迴榭入丹霄閣暝慈雲結林晴瑞露消目

抱璞集卷二

五十四明叢書
約圖刊本

隨孤鳥盡心共片岑遙佛座鳴清磬惟聞下界飄

山寺將歸次韻二首

野寺逢人少山僧與世疏四禪惟有性六法本無書
古洞棲蘿幌清泉引竹居癡融無復見丈室一燈餘
出郭本無意棲山還有緣道心融寶梵塵路厭華鞵
風鐸花香度雲牀葉影懸招提一回首人世隔蒼煙

秋日游靈谷寺

禪關空山裏鐘聲何處尋徑穿幽樹杳門積古苔深
丹殿揚朝彩雕廊下夕陰鍾陵有佳氣秋盡未蕭森

與彥明登浮圖

古寺慈雲塔峻峻香漢懸風微金鐸緩日正寶輪圓
陵閣浮佳氣闍楹灑絳泉臨高不自覺人望已登仙

觀音山江閣與顧英玉中秋看月

鷲嶺宿龍宮恩闌一望中天遙滄海盡月小大江空
亂石穿寒溜虛廊度晚風只疑銀漢渚偶爾客棹通

史給事巽仲池亭夜集二首

徑出叢篁外懸燈四牖虛蕭森木落後喧語客來初
水月遙青幌山扉入綺疏悠然邱壑興誰道是城居

抱璞集卷二

六十四明叢書
約圖刊本

山亭催短景夜燕發幽襟對酒清歡合分題妙思沈
鳥林風外靜鳥沼月中深爲念華簪客能同野客心

經牛頭山寺

落日牛頭寺攀緣嶺七盤鳥聲林葉暗山影石溪寒
清梵空中聽丹樓畫裏看到門僧不見松桂滿秋壇

慧光寺

丹蹊十里入青嶂百重圍亂木含秋寺幽花淨晚扉
梯懸難繫就閣迴恍疑飛短賞不知倦香風吹客衣

過寂照寺

籃輿度危嶺俯視有香臺疏磬谷中出幽蹊樹杪回煙
花乘暮起山色逐秋來可惜登臨□常因落日催

與欽佩登攝山頂

迢遙臨絕嶺回望始知高一水橫星漢千山疊海濤凌
虛飛步健俯曠引杯豪正足登臨興寧辭陟降勞

憑江閣

紺殿臨高處丹梯接下方浮雲山歷亂落日水微茫岸
闕遲帆影天遙沒雁行虛闕初怯倚凝望忽相忘

喜聞流寇滅于狼山

羣盜方南走王師正北來天心厭兵革海若獻渠魁戎
馬舟中盡旌旗江上回還思經戰地欲說不勝哀

翰林易欽之歸省長沙出訪于江上因贈

舟移揚子岸家望洞庭煙歸計驚時輩高名比昔賢出
逢嗟短景爲別况殘年去逐南征雁相思共渺然

與華玉登金山

江心擁驚峯金界出芙蓉僧向空中定人從水上逢懸
鏡動星月傳梵出魚龍浪說蓬瀛客鯨波更幾重

詠雲

山川遺舊跡雷電發先機冉冉谷中起遲遲雨後歸掛
林初作障披石忽成衣豈是無心出從龍願不違

武林口元瑞別去

異國朋友遠離舟樽酒深湖光千里目山色萬重心計
日嗟行役因風憶惠音停橈不忍□黯黯對楓林

宿西湖寺太白山人夜渡見訪即別去

夜半復歸去西湖何處家煙雲飄去袖星斗上浮槎身
寄三峯下神游萬里涯幽情何所贈言采木蘭花

送元瑞參政督賦陝右

鳳章承北闕龍節向西秦國賦來劉晏邦民識寇恂塞
秋寒氣早嶺夜月光新回首形瞻外江鄉幾故人

送金給事士希北上

諫議還青瑣江鄉正早春傷心山色麗送別柳條新直
節遭明主多才歷要津莫將平日志輕作宦游人

秋晚高座寺值友至

禪房出高嶺秋晚愜幽心黃葉明山色蒼煙暗野陰坐
薰籬菊近行冷徑松深南郭多佳處無期每漫尋

山寺贈羅質甫次韻

拘虛集卷二

七四明叢書
約園刊本

拘虛集卷一

八四明叢書
約園刊本

花臺開野酌且醉莫言醒空寂三生悟風流六代經日
斜江更白山迴靄逾青登賞情方適離觴不可聽

出左掖見新月

東掖朝回處西林月出時城暉低樹杪階影澹花枝掩
鏡披香殿懸鈎太液池願從弦共直莫以曲爲奇

與升之參政夜話

故人萬里至旅館一宵同對語坐燈下相看來夢中窮
愁秋入樹清詠月當空暫聚庭階葉還嗟向曉風

宮柳

拘虛集卷二

九四明叢書
約圖刊本

嫋嫋春聲裏陰陰曉色中樓垂金屋暗花散玉樓空疑
露啼秦苑因風鬪楚宮不知行輦處幾樹近簾櫳

土城北望二首

昌平更西北山勢極天來目盡諸陵地心含六帝哀神
靈安海嶽警戒動風雷聖孝能瞻望宮中自有臺

關鑰雄三險王畿實在燕黃塵回躍馬青海絕飛鳶劍
閣何曾恃金城不可捐輪臺如有詔此意答皇天

慈聖太皇太后上仙哀辭一首

寶訓開遺詔璇題閉寢宮三朝慈聖久四海淚洩同宋

紀垂家法周官播國風徽音無復聽玄殿夕陽中

奉天門同百官遙致正旦慶禮一章

寶曆回端月瑤京際盛年東風先禁柳北極遠胡天心
切沙塵絕身慚鴛鴦聯無由獻萬壽空集鳳池邊

大駕夜出南郊于端門內奉送書事一首

輦屬前旌盡香閣後殿來寶鞵千騎合金闕九城開天
象乘微月皇衢隱薄雷但知心目眩無復賦昭回

幸南海子

春旂出太液夜騎入長楊赤羽驚風落雕弓抱月張橫

拘虛集卷二

十四四明叢書
約圖刊本

驅視沙塞縱發擬河湟未寢征胡議誰爲諫獵章

還宮

寶騎出長楊金輿入建章池煙香合暝宮燭月籠光鼓
角春城閉樓臺夜曲揚從茲罷巡幸四海奉時康

聞討寧濠有作

吳淞窺覲久南方竟失寧帝心宣四國天討慰諸靈多
難何煩見流言不忍聽可憐親睦禮哀痛出彤庭

贈同館五君出爲州

才子來宣室名高不解留諸州分虎節同日下午龍樓搖

落時相逼艱虞志未休關河明夜月偏照遺臣憂

中秋對月不寐遂趨禁中仍對于東觀

愛月延宵坐聞雞促曉鞍西巖猶未墮東觀若為看漸
映仙樓迴時添禁柳寒九天秋色裏清露滿金盤

華蓋殿入候一首

侍從趨中禁天昏夜暫開星辰宿飛棟風露下層臺設
炬人初動傳香駕欲來聯行肅裳佩未敢更徘徊

頽曆

舜德璣衡正堯時曆象新萬年長奉朔四海又回春易

抱虛集卷一

十二四明叢書
約園刊本

邁驚衰鬢難酬感病身捧持無限意拜起下楓宸

按目錄此處脫五律五首目為除夕對雪次韻郊

祀齋居內苑涵碧亭兔山

芭蕉園

雨後芭蕉苑春深楊柳宮倚雲懸碧蓋縈霧閉雕櫳輦
路回天上歌臺出水中久無人笑語沙畔忽驚鴻

南臺

西海河源盡南薰花木深飛樓窺御苑復道接仙岑夾
水翻紅豔當軒落翠陰宸游非玩物康阜入虞琴

平臺

海氣生華蓋天光落彩虹宵階曾帝陟飛觀有仙通燕
士何年召周民不日攻禁西傷舊事七枝指離宮

龍舟塢

帝舸頻催發初開水殿時蒼龍出海國紫鳳浴天池奪
錦新橋斷穿楊月樹披于今芳塢閉聞自內家知

經筵敬賦一章

紫宸初仗散講殿又與臨禹範橫經幄湯盤沃聖心日
揚仙綵動煙拂御香沈侍從勞清問欣承咫尺音

抱虛集卷一

十二四明叢書
約園刊本

雪中過荏平

短草埋深雪微茫路不前瑤波疑動月瓊樹欲生煙乘
興無知己詢風乏隱賢梅花消息遠歸思逼殘年

過滕縣

遠歷齊滕路希聞雞犬鄉有臺傳世子無國問宣王彷彿
居塵在蕭條井地荒于今一統治何用畏侵疆

直河舟中夜望

官舫欲貪程宵喧鼓吹行浪翻孤月冷沙點數鷗明乍
遠風塵跡漸多江漢情十年還舊路華髮夢中生

過彭蠡口

湖日煙波闊蒼茫吳楚連匡廬橫互野彭蠡上浮天陽
雁隨雲度春帆帶雨懸自憐非漢使疑入斗牛邊

登黃鶴樓呈黃中丞子和

城上接山樓飛楹忽縱睥荆吳平野入江漢極天流遠
樹春津台征帆暮雨收不徒來聘望聊假一銷憂

楚王殿中燕兼詩送行敬答一首

醴筵陳楚殿歌樂滿荆臺為重王人入親煩帝子陪廣
茵深列鼎急管促行杯偶應梁園教龍泓出睿才

拘虞集 卷一

十四明叢書
約圖刊本

萬壽節祝賀于淮王府敬賦一章

嵩下三呼日天中萬壽辰去年為近侍此地是孤臣疏
漏龍樓上清班鳳沼濱不知金鑑錄獻納有何人

宿獻花巖小星樓閣

幽棲向飛閣高坐恍虛槎窗迴含星動關回傍月斜飄
形御仙氣揮手拂天花未可投簪冕徒令羨出家

飲顧氏園亭二首

顧況名園地風流尚在茲海棠紅破萼天竹綠抽枝擊
鼓春杯動鉤簾晚席移水亭山榭處隨意坐題詩

徑仄緣花轉窗虛映竹開進階還護筍粘砌不除苔鏡
裏游魚出琴中舞鶴來淹留容易晚常步月華回

登岱嶽

岱嶽瞻依近盤陀去尙遙洞陰含積雪峯色映層霄下
奠窺青兗東巡仰舜堯徂徠汶水外引領眾山朝

謁闕里廟二首

歎近文猶在哀窮道自尊兩楹嗟夢奠百代儼生存圭
壁傳鄒邑宮牆阻叔孫顧子千載後亦造杏壇門

憶昔尼山下栖栖數畝宮服從周典禮官作魯司空道

拘虞集 卷一

十四明叢書
約圖刊本

起春秋日功垂宇宙中子孫千萬祀不與帝王同

新春二首

夜鑪還臘意曙鼓已春正本為迎新事翻多戀故情幸
留冰雪在休遂歲時更腐草甘心絕誰知又發生

臘蠟開青蠶春牛進綵鞭餘寒生積雪韶景應新年獻

壽椒隨酒占豐麥在田萬民同樂事持此答堯天

再經岱嶽下

岱嶽橫中野危梯歷太勞望時初不異登處始知高天
地形何大風雲意自豪雖云容土壤安得補秋毫

九日萊蕪道中

客路重陽月他鄉十五年飄零一杯酒南北幾山川素
褐緇塵裏黃花白髮前心勞謝強健猶可任吾賢

高苑道中

飛旆平林暮征車起自朝風歸鷹擊疾寒入馬嘶驕力
薄慚賢路民勞負聖朝尚憐蒲柳質猶不為秋凋

齊河道中

慘慘行將暮遙林已就曛風塵連薄霧山雪帶浮雲途
道人思歇天寒烏戀羣百年綠底事南北路紛紛

拘虛集卷二

十四四明叢書

約圖刊本

八月十四夜對月

雲端上華月樹底散清輝永夜光逾滿閒庭影更依彩
鸞空自照青鳥為誰飛一寸心方折鄰家正擣衣

贈別稚子

河內經年久秦中去路長驅車頻輟軻拂劍益光芒樽
酒三齊地關山九月霜故人無所贈金玉重行藏

再登佛慧山寺

野興乘秋霽重登說法臺路穿岡勢斷泉竇石紋開隔
嶺人窺見銜花鳥下來繞巖黃菊綴香氣入深林

拘虛集卷二

拘虛集卷二

十六四明叢書

約圖刊本

拘虛集卷三

七言律詩

明鄭陳 沂魯南撰

失意後次韻

與元瑞宿永寧寺

與元瑞飲高座寺晚登雨花臺

陪喬宗伯儲少宰秋晚登臺次韻

幕府山餞華玉

江上呈華玉

拘虛集 卷三

四明叢書 約圖刊本

朝謁值長至大賀和何仲默舍人

內閣觀芍藥呈僚友

端午賜扇

頒戊寅曆

乘輿在北狩立春日京府進各宮春感賦

正旦卽事

過海印寺

冬至

臘日用少陵韻

南征

登香山禪院

元旦夜入候于內殿賦得呈僚友

奉天殿夜朝賀侍班一首

武皇上賓同百官臨哭于思善門外一首

今上入踐大寶用揚慶忭一章

殿前頒曆值雪

壽泓師

除歲值新春大賀

拘虛集 卷三

四明叢書 約圖刊本

元年正旦朝賀

聖駕南郊

郊還

少傅蔣公耆壽同館閣諸公爲慶辭一章

上躬臨雍祀先師孔子陪祀一首

上御彝倫堂祭酒進講乾卦侍聽一首

甲申元旦一首

宿香山大風簡林上人

與馬編修文待詔登西山洪光寺

元夕

燕滕王閣

宸濠廢宮

登匡廬峯

憶昔四首

缺一首

金山

缺

九日舟次花石潭風雨中作

缺

小至舟泊衢城下灘聲月色愴然有懷

缺

雪後經慈雲嶺憩石佛寺

拘虛集卷三

三

四明叢書
約園刊本

登清涼寺午風亭

宿蓬萊閣觀海中日出

二八

入甕口嶺

答門人王庸之太史次韻

人日賦得

北極臺春望答方伯邵思抑

吹角

登佛慧山尋開元寺

失意後次韻

春來人向秣陵歸，卻望長安舊路非。
已報帆檣開曉凍，不禁花柳媚晴霏。
逡巡市酒愁看劍，寂寞京塵恐振衣。
金革未銷羣盜在，壯心空與事相違。

與元瑞宿永寧寺

梵宮高棟幾攀躋，遺傍蕭臺入舊蹊。
四野暮煙人欲靜，滿林寒磬鳥初棲。
窗閒蛩語同僧寂，樹裏星光向客低。
此際對牀那易得，出門歧路各東西。

與元瑞飲高座寺晚登雨花臺

梁皇臺畔氣蕭森，古寺紆回眾壑深。
霜葉漫傷離客思

拘虛集卷三

四

四明叢書
約園刊本

雲山多負故人心，行添短褐寒初動。
坐促飛觴日易沈

不盡豪吟滯歸去，更乘煙色上高岑。

陪喬宗伯儲少宰秋晚登臺次韻

獵獵西風吹鬢絲，清秋未阻賞心期。
江光騁望登臺迥，竹色行吟出寺遲。
中歲蹉跎應自媿，故鄉搖落未堪悲。
鷹鷂萬里憑誰健，原上常嗟病翅垂。

幕府山餞華玉

坐俯清江淨不流，差池沙鳥亂行舟。
風光萬里同遐賞，草色千年非舊游。
幕府荒涼山寺在，霸圖銷歇野煙收。

重臨况送南遷客雲裏瀟湘落木秋

江上呈華玉

龍江東下水疑空飛鳥流雲落鏡中千里晴光遙漾日
滿船秋色澹無風青山舊國知何處芳草離情去未窮
晚折蘋花思對酒銜前還有故人同

朝謁值長至大賀和何仲默舍人

仲冬華月滿仙宮玉瑁寒回夜不風歌樂奏來三殿合
表函傳進萬方同霜痕立馬瑠旗外雲影飛龍寶扇中
幸際一陽從道泰敢依北斗頌成功

拘虛集卷三

五 四明叢書
約圖刊本

內閣觀芍藥呈僚友

昔年燕賞聞題句此地瞻依始見花高幄護香承瑞日
曲階翻彩散明霞移從上苑偏恩渥生向嘉時好物華
凡卉幸因同發育未聞仙路九重賒

端午賜扇

朱明歲應南薰扇端午新逢拜賜年虞闕播揚風自好
漢宮裁製月初圓千官競取金函內中使頻宣玉陛前
惟有經幃偏寵渥眾中傳賞獨華鮮

頌戊寅曆

羲和傳進引彤墀寶曆函開眾物知已屬青陽行夏正
更迎韶景授堯時寰瀛共奉千年朔圖運重逢萬壽期
願自朝元罷神武只將文德贊無爲

乘輿在北狩立春日京府進各宮春感賦

青陽殘臘報芳辰五夜仙宮滿眼新鵲觀月華還映雪
龍池水色已含春近呈花勝爭寒巧遙頌椒盤獻壽頻
今歲條風先朔地宸游無乃重邊氓

正旦卽事

帝輦時巡久未回天門遙拜重徘徊封箋自向慈宮進

拘虛集卷三

六 四明叢書
約圖刊本

方貢還同異國來春轉青旂開羽仗日臨金榜上樓臺
帷城尙在燕山外誰獻正元萬壽杯

過海印寺

昆明池鑿帝城偏岸轉波回殿閣連祇苑樹邊通御氣
慈雲座上引鑪煙門披細柳宸游處壇雨空花法象前
爲惜馳驅向春暮暫將登賞記流年

冬至

朝來候刻初長至雪後衝寒一倍生物意已從天道復
陰雲猶阻日華明中宵宮闕空瞻拜北極變真正遠行

西向玉門風更切何人爲請罷專征

臘日用少陵韻

歲晚關河書信遙天涯愁思酒杯消城鴉帶日翻金羽
渠柳含冰送玉條相對一家非故國每驚多事本清朝
蠶盤豆粥懷諸弟貝闕銀樓傍九霄

南征

聞說東山破斧歸更勞常武頌皇威九重清道珊瑚旗出
千里連塵鐵騎飛徧走軍儲王事急遠提兵甲聖心違
流亡未忍還多事水決徐方歲正饑

抱廬集卷三

七四明叢書
約園刊本

登香山禪院

參差樓閣架嶺岷澗口迴峯立馬看林影百重穿磴上
泉聲一注隔雲寒香臺下接金沙淨仙梵遙隨玉磬殘
塵土幾年凋客鬢暫時憂抱此中寬

元旦夜入候于內殿賦得呈僚友

複砌迴欄逼太清夜臨星斗向承明合宮鐙燭重重見
繞禁鑪煙細細生叨列禁臣先奏禮預霑私渥重含情
傳呼拜起成行出曳履惟聞玉佩聲

奉天殿夜朝賀侍班一首

鳴玉分階出內宮殿中仙樂奏條風花迎座上天顏近
春滿人閒聖澤同屢見傳宣通下界遠聞呼拜徹虛空
駕行幸在詞臣後一字慚無獻納功

武皇上賓同百官哭臨于思善門外一首

帝寢重扉寂寞開鼎湖龍去可能回芙蓉內殿初成後
虎豹離宮不再來三月麻衣明曉雪萬聲號慟隱春雷
巡游幸返蒼梧轡供奉猶存玉几哀

今上入踐大寶用揚慶忭一章

遙從代邸候龍飛銀漢昭回入紫微萬國車書同氣色
五雲宮闕倍光輝赤符再啓周王曆畫展長垂舜帝衣
異類有生應感格百川東注擬同歸

抱廬集卷三

八四明叢書
約園刊本

殿前頌曆值雪

仲冬初旦頌春曆瑞雪同時下九天百代重光開宇宙
五城佳色靜風煙殷邦已協中興日魯史應書大有年
卑散隨行眞系竊敢將調燮望名賢

壽泓師

種樹祇園五十年人間僧臘且隨緣青蓮法喻元無字
明月心空不坐禪問道久從金錫下登堂長拜紫衣前

遠公亦愛陶彭澤百歲時來索醉眠

除歲值新春大賀

殿轉青陽候節開為行春令進春杯千門送故寒更歇
萬象迎新曙鼓催御氣入樓多下見條風拂柳漸東來
還思布德同生發未報光輝及草萊

元年正旦朝賀

六龍初御聖人期元旦天門開曙曦萬國衣冠駕駕集
九成韶樂鳳凰儀椒花綵帖宜春頌柏子香風獻壽卮
惟願恩輝同日月八荒常度大明時

拘廬集卷二

九四明叢書
約園刊本

聖駕南郊

羽衛星羅北極尊九重皇路接天門森嚴萬象先龍馭
祗肅千官翼駿奔曉日層城光欲動春風芳甸氣初溫
精禋上格周王德不羨汾陰燕賞恩

郊還

部鼓鈞韶動地來星麾雲蓋扈天回重輿盡御香風轉
合殿初迎麗日開闔闔布新尊帝座句陳懸法繞仙臺
千春萬祀從茲始媿之甘泉作賦才

少傅蔣公耆壽同館閣諸公為慶辭一章

開濟三朝社稷臣紫微仙苑識真人九江春色來南嶽
八座星光近北辰政府夜淹宮燭久講筵朝拂御香頻
君王道德天同壽元老年年聖澤新

上躬臨雍祀先師孔子陪祀一首

清蹕臨雍降寶輿宮牆親覩曳皇裾乾坤再闢義圖上
玉帛猶存魯殿餘佩雜樂聲飄兩序弁回星彩動周廬
詞臣獨預趨踰後左右冠裳奉穆如

上御彝倫堂祭酒趙永進講乾卦侍聽一首

橋門環擁翠華重寶幄橫經御六龍四海喜聞周在鎬
萬人爭見漢臨雍輝光近日榮裳冕聲教宣風迭鼓鐘
河洛再逢文物盛每沾優渥賜從容

拘廬集卷二

九四明叢書
約園刊本

甲申元旦一首

紫禁初通列炬光玉珂門外已鏘鏘城含雪色層樓迴
花隱鐘聲五夜長聖德昭回開歲正帝衣垂拱應時康
羣情未達懸霄漢願集夔龍黼展旁

宿香山大風簡林上人

萬峯深夜鎖禪扉臺殿風多月色微佛座燈明七寶樹
僧牀法喻五銖衣山空但有鐘聲接室靜惟看幡影飛

不假攢眉促陶令東林咫尺欲歸依

與馬編修文待詔登西山洪光寺

九盤丹磴上招提路出岩峩見絳題盪目風煙雙樹迴
舉頭樓閣萬峯低閒花競吐青春莫細水爭流白日西
暫以塵襟付幽賞可忘賢達重相攜

元夕

燈燭光連十二城暗塵香裏踏歌聲招搖過市星橋動
頃刻開花火樹成九陌樓臺人共醉五侯庭院鳥頻驚
君恩賜暇多游宴引馬歸來坐月明

拘虛集卷三

十一四明叢書

約園刊本

燕勝王閣

帝子樓臺百尺層昔時多難此時登窗臨上界空中坐
檻對西山雨後憑老眼入江增物色虛襟隨地散炎蒸
煙波盡處浮雲外去國辭家總不勝

宸濠廢宮

章水故宮何處是幾株衰柳亦從遮金書葬地無劉渾
玉樹歌聲有麗華秋日放鷹荒草陌春風飛燕野人家
諸公臺省多休暇每憶當時一歎嗟

登匡廬峯

五湖波浪接匡廬眺遠臨高縱目初路出煙霄天欲近
氣蒸吳楚地應虛青牛一去留仙谷白鹿千年問隱居
此處好尋終老計薜蘿無伴意何如

憶昔四首

缺一首

清宵黎火帶星光天祿曾爲著作郎門下候朝深坐館
殿前回院曲通廊羣公次第多含笑滿袖氤氳尙有香
黃屋朱扉照初日中官兩兩玉闌傍

拘虛集卷三

十一四明叢書

約園刊本

一自夢回天萬里長安空見塞鴻飛

宮扉無禁往來宜內使垂髻許侍隨清佩夜聲歸展帳
紫毫朝彩隔罍罍窗籠樹色瓊花島砌入荷香太液池
天上只聞人共羨不緣塵世竟□□

雪後經慈雲嶺憩石佛寺

江驛乘輿曉入山亂峯高下雪初殘深林俯瞰銀樓頤
絕磴平臨玉嶂寒荒草漫侵留偈石飛花長積講經壇
惟憐過眼風光盡數止前旌竚立看

登清涼寺午風亭

前朝古寺清涼殿後主何年避暑宮
五代江山猶往日
五陵松柏自多風行逢盛事隨緣在坐閱韶華轉眼空
老馬尙憐筋力健肯將勳業付飄蓬

宿蓬萊閣觀海中日出

碧水澄澄北海頭起看初日坐朱樓
鯨波影動三山後
蜃氣涼生六月秋已辨遐荒臨絕壤不殊文物在中州
巡行更放琅琊外未解東方百姓憂

入夔口嶺

萬嶺千山一道分向空盤磴歷青雲
丹楓黃菊爭秋色

拘虛集卷三

十四四明叢書
約園刊本

白石蒼厓共夕懸長劔倚峯當面立
淨琴流水傍車聞
秦關蜀棧無踰此絕險真穿虎豹羣

答門人王庸之太史次韻

薊門何處是京師不見同游舊羽儀
胡馬一從憐窮寇
袞龍無復事文思霏霏雨雪馳
驅久謁鶴停雲報答遲
寄語故人多愛惜不教輕出鳳凰池

人日賦得

天上何年事玉皇風塵今日鬢蒼浪
宮衣舊賜恩猶在
禁鼓時聞夢未忘極目朝廷那可見
關心民物重堪傷

春風未解陰厓雪已有陽和到草堂

北極臺春望答方伯邵思抑

崔嵬臺榭接高城影落平湖一鏡明
宿雨菰蒲新水漫
夕陽樓閣亂山橫朱闌合共題詩倚畫舸
還隨載酒行
故國江南渾在眼不勝春日望中情

吹角

高樓吹角正黃昏城郭千家早閉門
嗚咽未成初似語
淒涼三疊轉銷魂胡兒入塞應長泣
老戍臨邊幾尙存
腸斷關山今夜月梅花落盡楚江村

拘虛集卷三

十四四明叢書
約園刊本

登佛慧山尋開元寺

杳杳峯陰入梵宮隔林人語半虛空
迴身磴道冰霜外
極目川原煙霧中絕嶂捫蘿參石佛
荒階掃葉走村翁
因看異代鐫題徧物換星移感慨同

拘虛集卷三

拘虛集卷四

明鄭陳 沂魯南撰

五言排律

閣試五言十二句限體

宿雞鳴寺

禦寇篇

孫南山草堂

成國公北征還師

大駕南征少師梁公少傅蔣公扈從同諸公出

拘虛集 卷四

四明叢書 約園刊本

饒一首

送孫編修貞甫使交南

賜史官燕于禮部

送東閣石太宰代祀泰山闕里

籍田

匡廬瀑布泉

昭慶戒壇贈說法師

再游匡廬諸峯

泉林寺前觀泗上諸泉

閣試五言十二句限體

聖主軒臨後明公閣試時曉開東掖路春占上林枝皇
鑿懸螭陛恩波溢鳳池分題朱案列凝思彩毫遲賈誼
心逾壯馮唐鬢未絲鑪錘荷真宰何以報恩私

宿雞鳴寺

春山臨淨域夜檻出高城萬境煙雲暝諸天象緯明寶
鏡分塔影金鐸亂松聲定處塵機破喧中道念平感靈
僧錫化虛寂佛香生鳥息林初靜龍歸水自清蕭皇遺
世志師竺住山名不到口棲地那能識此情

拘虛集 卷四

四明叢書 約園刊本

禦寇篇

中原方逐寇南楚卽論兵郡設王公險儒揚宿將名麟
符諳古道犀甲動新聲遠牒星傳火嚴關霧結營坐謀
昭國紀薄代得師貞望嬰戈先偃臨疆馬自驚民依知
有父邦鎮喜增城刀劍歸龔遂詩書奉許荆草空狐兔
伏道關旅人行周雅歌江漢王庭擬告成

孫南山草堂

路出巖莊外山迴孟嶺前石林寒野照竹徑暝江煙入
谷忘喧境經橋覺暗泉門深階薛積簷迴薛蘿懸花露

醺孤酌松風詠五紘久棲心合道遠引跡疑仙夜火猿
窺戶春苗鹿在田更無尋藥□但有采芝篇

成國公北征還師

皇仁無戰伐黠虜負綏柔爲討三旬罪因成六月謀師
貞專上將策祕屈諸侯吉甫思匡國襄公舉復讐驚風
喧疊鼓黯氣逐飛輶陣薄山川暮兵傳草木秋喙張看
北走頸繫向南囚獻泮虛稱魯城方寶見周師旋戎法
在凱奏戰功收會有燕然紀還應彝鼎留

大駕南征少師梁公少傅蔣公扈從同諸公出

拘虛集卷四

三四明叢書

約園刊本

餞一首

扈蹕三公貴陳師九伐明雲霞隨日遠台斗附天行樹
雜千旗出郊連萬馬鳴據鞍瞻矍鑠攬轡望澄清國典
資文德帷謀協聖情周公安赤舄方叔耀蔥珩西鎬重
沾燕東山不試兵論功當繫虜按邑且休氓曉肅風塵
冷秋函草木晴詞林同出餞早晚復郊迎

送孫編修貞甫使交南

天詔銜丹鳳詢方萬里行來王尊世享承統告春正大
建飛龍德旁通舞獸情選賢宣帝闔戒旅出仙瀛曉授

雲中節秋揚雨外旌乘軺飛蓋迴製錦綴花明風俗經
重譯星辰應遠征青霄天使館荒草越王城盛貌來藩
禮清標狀國榮尙瞻陶侃在何假伏波平跋涉應窮力
還歸可緩程都亭歌出祖離思重同聲

賜史官燕于禮部

虞書開內局鎬燕集南宮圖列朱扉右名分綺席中禮
加師保貴恩治主賓隆玉體飛觴促珍殽出俎豐烏號
嗟史事魚麗咸歌工御執周旋眾人沾醉飽同因心知
則友稽古媿何功濟濟文儒職悠然大雅風

拘虛集卷四

四四明叢書

約園刊本

送東閣石太宰代祀泰山闕里

上卿膺顯命元祀向東方喬嶽惟青岱生民有素王邁
邦周望秩過魯漢趨踰埽地如躬陟振衣儼帝將諸峯
求禪士數仞入宮牆仰止巖巖外周旋翼翼傍俯窺宜
少壤密造豈升堂峻極神應□惟馨道益光往哉公不
忝簡在事非常媿之崧高贈風雩此詠章

籍田

農祥見嘉月皇度協芳辰首出百王世身先萬國民青
紘端露冕芻蒭御歲輪歲德初開物春禋已布仁三推

周禮盛九貢禹州新雨意隨朱耒風光拂寶茵韶音時
許奏優戲不教陳法履懸天象覃恩治地垠氣偏行幄
土歌動屬車塵擬上豐年頌無忘保介詢

匡廬瀑布泉

瀑水來天上奔流入大荒氤氳元氣合澎湃海波長溟
落明河影晴交白日光星源窮有穴崙嶺倏移方谷澗
千林濕空音九夏涼五峯喧漱石三峽動飛梁入澗懸
猿絕穿雲度鳥妨玉垂風不斷珠散雨俱揚邀引禪心
吸甘分客味嘗無因修淨社終日坐相忘

拘虛集卷四

五四明叢書

約園刊本

昭慶戒壇贈說法師

綺杏千尋閣青蓮九級臺翻經尊貝葉喻旨禮黃梅眾
受三衣至同持五戒回大千歸聖果不二脫凡胎忍草
生前絕鬢花滅處開迷方憑照炬苦海仗浮杯象外飄
慈雨音中響法雷捨身登般若具眼識如來曹洞初聞
水靈山已破埃無勞白馬致那被老龍猜合掌爭求語
歸心喜施財隨緣卽坐起萬劫此中灰

再遊匡廬諸峯

匡廬何峻極作鎮楚邦雄蔥鬱常浮靄岩堯半塞空奇

形發靈秀元氣結鴻濛浪指三山異那傳五嶽崇冥陰
凝濕翠曙景拂輕紅鳥道依岑接虹梁斷壑通歎危還
易至見絕復難窮眾水聲相答諸峯氣不同轉厓開急
峽迴徑闕幽叢望瀑疑垂練臨淵恍照銅境真蹤自覓
巖古力誰攻入昧神棲宅聞香佛作宮斧鳴空谷曉鐘
度隔溪風僧汲寒聲下人行密蔭中潛搜禪積思遐矚
眇雙瞳未戒游貪志寧辭歷瘁躬采篇詩失聖點筆畫
無工寢食安能共吾生託此終

泉林寺前觀泗上諸泉

拘虛集卷四

六四明叢書

約園刊本

陡巘來陪尾看泉到水頭競穿林麓偏分繞寺門幽巖
竇衝雲下沙虛漾月流隱雷千壑霽急雨四山秋砂穴
鎔初透珠淵散不收鼎喧湯沸起簾捲雪花浮□□□
崖去微涓遇坎留寒聲漱石齒哀響咽溪喉鯨吼爭丹
峽虹□飲碧溝跳丸神物弄出縷化機抽土潤諸津溢
山腴百脈周欲冰還霧釀當暑候風颺過鹿羣難濁游
魚眇莫度側聞蠲穢耳俯瞰拭眇眸未忍巾纓濯寧容
唾涕投達川知有木伏地索無由泯泯生殊派芸芸向
一漚偶然臨泗上造物與同游

拘虛集卷四

拘虛集卷四

七 四明叢書
約園刊本

拘虛集卷五

明鄞陳沂魯南撰

五言絕句

春草

青溪橋二首

雞

寄顧全州

秋海棠

待月

拘虛集卷五

題畫

四皓圖

嚴陵釣臺

費縣

枯楊

聞磬

春草

夜雨江南夢春風陌上情東皇如有意移向玉階生

青溪橋二首

一 四明叢書
約園刊本

遙山亂雲樹流水淨溪沙日暮行人絕危橋一徑斜
浮雲亂山出落日飛鳥盡獨立向溪橋寒流照容鬢

雜

被甲霜初墜鳴珂月未低人生最關切夢裏數聲啼

寄顧全州

曲浦湘雲暮幽篁楚雨秋愁心寄鴻鴈煩爾過衡州

秋海棠

露浥秋姿膩風迴宮袂涼無緣被春色猶得向秋陽

待月

拘廬集 卷五

二 四明叢書
約園刊本

抱膝坐一室所思在千里知音期不來缺月山頭起

題畫

樹色春津合雲陰曉嶂空湖亭山雨後天際落雙虹

四皓圖

不受真人召何因孺子來爲劉存赤錄幸免誦黃臺

嚴陵釣臺

漢帝比唐堯先生學許巢此心猶未識那謂布衣交

費縣

季氏當年邑蕭條世代殊人憐閔損知還惜子羔愚

枯楊

枯楊心已腐枝幹半燒痕嫋嫋新條綠春風尙有恩

聞磬

日暮雙杵鳴天寒徹夜聲霜風一萬里吹不到邊城

七言絕句

觀泉

出尤涇

邊警四首

西湖

拘廬集 卷五

三 四明叢書
約園刊本

大駕西狩還京百官出候于德勝門十二首

南巡舊京歌七首

放內苑諸禽

宮詞十首

觀泉

雲間瀑布三千丈天外迴峯十二重滿耳怒雷飛急雨

轉頭寒日在青松

出尤涇

橫涇夾浦盡通潮水國人家去不遙茅屋樅籬脩竹裏

青帘畫舫赤闌橋

邊警四首

八月飛霜塞草枯
胡兒那敢近樵蘇
關城報有彎弓者
見說邊師醉大都

遠聞烽火眾心驚
國計多艱未議兵
卻怪市兒心獨喜
已將名姓事從征

蔽日飛沙成屢深
時聞傳警不驚心
邊人自合沙場死
不用王師奏捷音

河朔流聞胡虜聲
將軍且莫事專征
雲中豈是長楊獵

拘虛集 卷五

四四明叢書 約園刊本

日暮驚沙不易行

西湖

水外帷宮合四圍
宮花千樹泥芳菲
變回舞散歌聲歇
惟見年年錦翼飛

大駕西狩還京百官出候于德勝門十二首

遙聞振旅入居庸
八駿歸來御六龍
莫道榆關消息近
沙河一水更千重

郊城駐蹕整戎行
鐵騎雲屯出射場
塞卒畿軍非一種
箇中承賞耀新裝

直望氤氳紫霧遙
萬重飛輕馬蕭蕭
鴛班虎隊皆戎服

兩度迎鑾德勝橋

馬前倂虜各標名
旗下懸頭耀武成
毳袖韋囊二百掛
由來按劍遠橫行

雲霞十里錦旌齊
常武新詞綵字題
更勒金牌無數面
皇猷一一頌征西

五雷轟鼓過雲車
十部饒歌入塞笳
馬上鳴鼙和羌笛
征西軍士已還家

天王自納簡書回
神武將軍可汗才
仙仗不須陳輦路

拘虛集 卷五

五四四明叢書 約園刊本

籠街喝道數聲來

錦標金胄照戎衣
挾羽橫戈自將歸
萬騎羣中天馬出
一時傳到疾如飛

逐隊緋袍引上公
當街行酒獻成功
人人識得君王喜
醉入仙桃兩朶紅

異敕珍苞闕玉盤
金花進御錦成攢
輕猥禮數皆容納
滄海無如聖德寬

十二坊門結綺臺
喧呼萬姓喜歸來
三時城闕無鐘鼓
宣室承明次第開

紅車翠幃競飛塵
宣府離宮受寵人
花向春風易吹散
綵雲來往逐時新

南巡舊京歌七首

橫戈八駿戰功收
夾剗雙龍水面游
紫蓋風雲過沛上
錦帆煙月下揚州
迎鑾驛下萬艘齊
白浪排空赤岸低
總謂北來天塹隔
豫章城只在江西
六龍神運起江淮
五馬歌聲再渡來
千古金陵王氣盛
彤雲重繞鳳凰臺

拘虞集 卷五

六四明叢書
約園刊本

南都父老忽驚聞
五百年來答聖君
內殿尙存真氏傳
山樓還有閱江文

城南幕府作皇居
宮闕依然古帝都
燕子不來王謝宅
煙花還繞莫愁湖

大勝關前列萬夫
指揮諸將坐平吳
帳中銀燭花千樹
萬歲堯樽夜半呼

山櫻江藕薦時鮮
况有嘉魚出錦淵
聖體從誰問行在
朝廷北極是幽燕

放內苑諸禽

多年調養在雕籠
放出初飛失舊叢
祇爲恩深未能去
朝來還繞上陽宮

宮詞十首

瓊島春泉下玉溝
年年歲歲御前流
無端夜雨生新漲
流出宮牆是外頭
翠荷紅蓮水殿香
不知簾外易生涼
夜來許賜金莖露
明日驚看玉樹霜
果亞枝繁出上林
翠籠傾瀉玉盤深
君王見棗休輕擲
箇箇中間有赤心

拘虞集 卷五

七四明叢書
約園刊本

七寶奩香進上宮
手持黃帕覆金籠
含顰豈是無滋味
不在君王匕箸中

欲傳春恨隔天涯
斜抱雲和待月華
遙聽鳳笙龍管處
夜深迎進五雲車

後庭仙樹是誰栽
春盡重門鎖綠苔
閒說翠華籠口燭
上陽宮裏看花來

金屋藏春春已歸
鉛華還似落紅飛
自憐不及花零散
猶逐香塵上帝衣

淚橫香粉搵雙痕
怨管悲絲只爲恩
多少春風不相屬

落花啼鳥自黃昏

不識君王寵愛偏
卻將濃淡誤爭妍
監宮密密來相告
切莫多言在御前

君心好惡妾心知
妾欲從君偶未宜
恩寵自深緣命薄
落花何敢怨風吹

拘虛集卷五

拘虛集 卷五

八四明叢書
約圖刊本

拘虛後集序

吾鄉石亭先生陳公天賦逸才早窮詩窟由弱冠拔藻
即揚芳藝林一時學士不敢並駕閒嘗檢其自家食至
登殿講巡方岳以來諸彙中極菁華合作者彙為五卷
名曰拘虛集藏之篋笥不欲示人往門人在當路者固
請而讀之遂私刻於東昌五卷中諸體略備然僅僅數
十百首今流之海內識者爭寶不啻靈蛇之璧然可謂
絕詣也已乃後歸田之作甚富自公觀化以來久而未
有傳者季子叔行暇日與二三作者乃選訂數十篇附

拘虛後集 序

一四明叢書
約圖刊本

前五卷以行或謂太簡叔行曰言不貴多惟美則傳先
君嘗記之矣吾今何以多為刻成屬毅以序數捧誦既
久乃僭論曰公書記五車文究百代取才盛世證體大
家良不可及然非有淵深自得之學有優柔和中之襟
則吐詞宜韻安能隨時設象因物抒情若是乎曲中哉
今夫學士文人何代不生顧窮約者其詞戚顯達者其
詞詡放退者其詞懟厥趣淺矣詞即工君子謂之陋觀
公前詩典重俊雅博大渾雄體裁不苟興致俱深昭哉
弘矣及覩茲刻則又蕭散冲夷優閒靜適絕無憤懣不

平之氣干乎其間譬之長松野鶴翛然林莽之中絕遠
汗濁又何慕焉噫嘻深哉昔人評公詩曰古體似漢魏
長篇不讓太白近體諸作直在開元之間誠爲得之乃
穀則曰和而不流怨而不怒公之性情粹美蓋合於風
人者尤多叔行工詩克紹此舉極稱善繼或者以穀言
爲然乃公高文鉅述上逼二京者更僕未盡行將次第
梓傳以茲論詩故不敘嘉靖壬戌秋七月朔前中順大
夫南京太常寺少卿通家晚學許穀謹序

拘虛後集序

一四明叢書
約園刊本

拘虛後集卷一

明鄭陳沂魯南撰

遂初齋四首

抽簪甘老棄卜築水西頭小苑江春入虛簷海曙浮苔
痕雙展齒花影半簾鉤盡日無朋侶時同獨鶴游
僻巷離露俗孤栖近老禪門開修竹裏徑掃落花前
客清宵坐攤書白日眠養生無善術飲酒自年年
茅堂淮水外不異瀼西東草色疏簾雨梅花曲檻風
香一室靜揮塵萬緣空敢謂懷高尚其如老病慵

拘虛後集卷一

一四明叢書
約園刊本

吾愛吾廬好偏宜老去安藤牀隨意設花徑逐時看翻
帙朝餐後烹茶午夢殘見人殊懶慢散髮竹皮冠

登牛首山寺

碧嶂凌雙闕丹梯繞四天松門心出世蘿洞足安禪谷
靜鐘聲應山明塔影懸澄江萬里外一望極風煙

憩幽栖寺尋翻經閣訪達師

古檜空堂靜虛巖小閣明雲留坐禪影風落誦經聲蓮
社攢眉入柴關禁足迎山榜中已朽誰識自含生

從牛首緣山過西風嶺尋寧海寺

花宮何處是峯外更高峯細細雲中路陰陰石上松見
巖知佛窟禮塔得禪宗一任經灰劫青山未改容

飯幽栖寺

歷劫招提古倚空松檜長鈴風山應響鉢水澗生香法
演三車地禪栖六祖堂至今祇樹下花散鳥銜將

崇因寺古巖

願況山中住尋山更幾層其來修淨土見說有高僧座
上光明鏡堂前不滅燈伽衣三百眾合掌禮盧能

祝禧寺福全

拘虛後集卷一

一三四明叢書
約園刊本

朝渡北溪水晚棲南嶽峯雨中烹紫筍雲裏種青松但
識來時意無尋去後蹤石橋南北路一笑是相逢

天界寺果斌

佛園祇樹下坐滿眾僧徒一唱來靈鷲羣迷散野狐匣
中藏慧劍衣上解明珠更向從頭看從頭件件無

長兒時萬會試北上二首

綵服雪中去錦衣天上行青雲須努力白髮若爲情貴
保松筠操無欣桃李榮弟昆相送意惟欲振家聲

垂老憐衰遜飛黃美壯行登庸雖所望聚散復關情臘

盡猶含凍春回擬向榮禁城楊柳色深處聽鶯聲

乞休再疏始得俞旨識喜一首

病疏空連上從誰悉此情就途憐力憊待命祇心驚塞
靜胡笳動霜寒牧馬鳴聖皇哀老朽不遣鴈門行
大馬慚無報乾坤賴有容一朝存散地萬里付幽蹤青
鳥海中路白雲天外峯未嘗離世境仙伴坐相逢

漫興

獻璞當年出今懷白璧歸尙餘松檜楫未老菱荷衣林
靜鳥無語山閒雲不飛此中空寂久那復問禪機

拘虛後集卷一

一三四明叢書
約園刊本

華嚴北峯坐眺

徙倚北峯上長歌對夕暉松聲喧梵唄野色覆伽衣石
澗銜階落山雲拂殿飛更躋臨木杪清磬出巖扉

幽栖寺遇海天禪僧

邈矣傳鈴後巍然講座前花飛看世界雲去說因緣有
象皆成業無心卽是禪更留明月影長照海中天

重游天寧寺次華玉韻

重游仍孟夏草木已繁陰愛此棲禪地悠然遺世心峯
巒迴處合林壑坐中深日入鳥聲息惟聞笙笛音

劉司空自溧陽來見訪病中贈謝一首

老翁多病北山臥有客高情南坦來不得逢迎如倒屣
尙能扶坐共銜杯江湖久絕一朝見風雨劇談終夜陪
烈士暮年心未已司空閒卻濟川才

馬太史仲房見過喜作

文學關西重馬融翰垣供奉十年同林驚落葉從風散
書寄飛鴻向晚通使節遠臨寒雪後朋簪高會大江東
相思欲話無窮事一笑都忘樽酒中

王道思禮部過訪留作次答一首

抱虛後集卷一

四四明叢書
約園刊本

春半猶寒花未開竹閒惟見數枝梅正思何遜題詩到
恰遇王猷直造來頗愛風流殊絕俗不嫌龔繡共銜杯
交游海內懷知己老去逢君有俊才

出郊郭入山寺

巖城迢遞復崔嵬關吏相迎向曙開旌節昔曾揚策去
薜蘿今是挂冠來亂雲高處危峯起蔓草中間細路回
出處自憐聞道晚假年還借讀書臺

幽栖寺納涼遂宿行窩

牛頭山裏覓禪宮伐鼓鳴鐘咫尺通初見佛香飄細霧

更聞仙梵下微風樓臺坐近諸天上草木行吟大地中
到處高峯留一榻夢回常臥半虛空

田莊新酒熟漫興

歲辦田家麴米錢瓦盆盛酒醉春前柴門雪色餘殘夜
草閣梅花寄隔年老去幾人能作伴病來一室似安禪
青山少待身強健欲盡登臨未了緣

入翠屏山

天外羣山高且重西南更出兩三峯白雲青霧互相合
激石亂流時自春行人飛蘿千尺磴坐臨幽徑萬株松

抱虛後集卷一

五四明叢書
約園刊本

一聲清磬隔林杪知是頭陀寺裏鐘

送王元簡會試

家世文章不乏傳里中登榜尙英年遺經善說梁邱易
秀句能爲杜曲篇拾芥功名須自信看花朋輩許誰生
而翁未了虞廷事准擬夔龍在後賢

懷劉司空元瑞

高情蕭散占三州白下纔過不少留往歲每多臨賞地
經年惟有別離憂桓伊江上風傳笛孫楚洲前月滿樓
無限相思遙寄語鴈聲來去自春秋

懷文待制徵仲

杳然林壑在人閒為別多年似絕攀不獨朋交傷白首
每緣游興憶青山門前蠟屐焉能至溪上蘭舟詎肯還
欲待乘春同訪勝劔池崖石坐潺湲

懷薛吏部君采

風塵路塞久懸車南北從誰問索居垂代豈須揚子易
終年何愛老聃書地連禹甸長河外春入濠梁落木餘
聞道琅邪山色勝訪同嵩嶽意如何

丁酉除夕

爆聲雷動千門列烈火煙橫萬戶連坐久歲分將盡夜
起來人拜古稀年梅調玉鼎山中相椒薦瑤尊地上仙
老少歡娛三世共太平歌頌一家前

拘虛後集卷一

六四明叢書
約園刊本

拘虛後集卷一

拘虛後集卷二

明鄭陳 沂魯南撰

自述二首

索居書已報離羣便與人閒事不聞草木山中隨腐朽
風雲天上自紛紜晝眠澹澹蔽林竹晚飯青青出湖芹
日月照臨同下土白頭瞻望敢忘君
衰遲本意去三齊月皎驚鳥不得棲栗里未忘荒菊徑
草堂空在浣花溪朝廷欲補誰裝袞邊塞頻傳自鼓鞀
便效馳驅吾老矣感恩羸馬只長嘶

拘虛後集卷二

四明叢書
約園刊本

永福寺後岡晚眺東珙上人二首

幾日城南尋野寺支郎重與結幽期峯巒樹色初晴後
樓榭煙光欲暮時老眼登臺還聘望閒心臨水獨棲遲
風塵回首都忘卻夢裏前身更是誰

憶昔碧峯西下寺於今白髮始還鄉司空灑墨留禪壁

學士談經向法堂同輩故交俱落落昔栽新檜已蒼蒼

東軒老衲龐眉在笑取牀頭漉酒嘗

寄壽四兄先生

石頭城下繫江船一別吾兄口口年
夜半忽生姜餽夢

春來常憶謝池篇有兒不必言家事向老何須惜酒錢
願得安強更多壽歸時同醉小樓前

許仲貽會試次文待制韻

一夜江南飛雪深卻疑溪上是山陰休輕此去爲常別
珍重來春寄好音文思正如傾玉峽風光還似集瓊林
敷陳願爲蒼生計莫效梁園作賦心

夏日雜興八首

絕壁驚濤濺赤闌炎天江閣更高寒冰船銀鯽光初動
絲籠楊梅色未乾時物獻新先展廟守臣修貢向長安

拘樓後集卷二

一四明叢書
約園刊本

休言玉筋無消息猶有人供苜蓿盤

引袂牽裾塞路蹊茜裙團扇眼俱迷波中競舸蛟龍避
山下迎儼虎豹啼楚澤盤殮江渺渺秣陵祠屋草萋萋
閒居野老無時令門外常驚動鼓鼙

下俯江流百丈深上臨山殿樹陰陰中原正朔回天地

聖祖雄文照古今過雨輕雲虹未斷浴波餘彩日初沈

樽前散髮疏狂甚轉席移觴風滿襟

野寺清涼舊有名空廊還傍石頂城侵階竹蔭差差轉
入座荷香細細生西府山前車輦路南唐宮裏轆轤聲

冰漿玉碗傳瓜處想像君臣萬古情

楊柳微風岸口生青溪泛舸月中行空驚宿鷺迎曉起
卻放流螢入幔明大計劉琨惟坐嘯偏安王導亦垂名
當年燕樂陳魚藻豐鎬由來是帝京

獨攜枕簟入林邱高臥鍾山雲水頭爭奈錦袍勞觸熱
不辭紈扇欲迎秋炎蒸隔斷青松谷冰雪長生白石樓
聞道出師歌六月廟堂誰與慰皇憂

鳳皇臺館接西東三伏銜杯暑氣空暮起青油高障日
輪飛彩扇不停風情韻謝朓裁詩後愁破韓郎擊鼓中

拘樓後集卷二

一四明叢書
約園刊本

卉服藍輿吾亦造懶將冠蓋揖羣公

水邊樓樹晚風和香送陂塘十里荷隔浦紅回紅豔淨
滿山蟬響綠陰多居人不省前朝事溪女能爲子夜歌
飛鷺浴鳧俱自適老翁相對意如何

蔡九遠過訪

故人冠蓋過茅堂別久銜杯情話長投轄愧非陳仲舉
鳴琴欣得蔡中郎水禽梳羽忽當徑野蔓垂花半拂牆
相對羨君真吏隱不妨歸路月蒼蒼

中秋對月

輪滿清秋桂樹圓
九霄飛動近虛闌
光涵上下銀河斷
影入蒼茫玉露寒
何處關山聞戍角
幾人江漢弄漁竿
無窮燕笑悲愁地
灑淚銜杯此夜看

登青龍山頂

植杖尋荒磴
孤峯到絕巔
倚天空草木
俯世極風煙
雲過鳥低度
日高山倒懸
徘徊一舉首
飛袖欲翩翩

過崇因寺簡古曇上人

曠野南朝寺
崇因古法壇
去來還自在
興廢亦何干
有漏身前業
無生世外觀
滿山鍾磬發
僧定在蒲團

拘虛後集卷二

四四明叢書
約園刊本

仙邱何處覓
梵刹此中藏
卓地穿龍井
開山起鳳堂
曇花無伏臘
祇樹有齊梁
相對爐煙下
前因未盡香

七夕

月渚臨黃道
星橋接絳河
杼聲當夕斷
扇影奈秋何
臺候早雲出
閨情送巧過
一宵歡景盡
終歲別離多

山中喜雪

飛雪仍殘臘
風光改歲華
入邱迷鶴埵
向水淨鷗沙
凍柳先飄絮
枯梨早著花
地爐煨濁酒
應讓野人家

與嚴子寅姚原白顧清甫燕集西園

移尊松砌迴
就席草堂虛
暝色情逾戀
風光畫不如
煙橫村遠近
月起樹扶疏
賓主俱忘去
朱輪且卸車

過芙蓉峯坐翠微房晚眺

尋僧過蔥嶺
同坐翠微房
萬木層梯下
孤亭片石傍
地連山靄盡
江接海雲長
欲去還憑檻
多情爲夕陽

禪院對月

愛此西峯下
愴然晚色幽
鳥歸羣壑暝
蟲響四山秋
明月梧桐上
涼風殿閣頭
不知人代裏
那更有閒愁

過吉山永泰寺

亂峯迴絕澗
荒殿掩空扉
當路草盈尺
繞垣松數圍
定僧離世久
驚犬見人稀
午坐同齋供
山廚煮蕨薇

和許彥明詠菊六首

雅豔爭秋色
幽香散晚軒
霜容滋葉媚
星彩綴英繁
點塗宮額盈
盈布佛圓不
教華冕至此
意恐難言
爛熳驚芳卉
棲遲傍短籬
高花華紫蒂
密葉護青枝
幸助年齡健
仍叨月令私
豈知搖落後
翻勝豔陽詩
靜植含貞態
幽姿恥豔妝
整容欺鷺潔
刷羽妬鸞黃
飽裏三秋露
還凌十月霜
芳枝憐折取
但恐負清觴

拘虛後集卷二

五四明叢書
約園刊本

花事啼鶯盡風情戲蝶稀幽叢承委謝密萼更芳菲歷
久容無改驚寒惠不違靜中香氣散能上野人衣
春陽同發育顏色後承恩幸免綠衣欺儼如黃蓋尊魏
廷一束贈陶徑幾枝存想像悠然處南山正在門
未見金英綴何曾別野蒿品奇應入譜意遠雅宜驥但
識託生意豈知培植勞風霜願自保蕭散在江皋

冶城東麓閣

塵境逢仙居滄洲意自殊曲闌迴竹徑高砌上松樞地
向連城壯天空倚闌孤恍然聞鳳下別院弄笙竽

抑庵後集卷二

六四明叢書

約園刊本

雪中漫興次許彥明韻

江城一夜雪曉起沒階深捲幔寒光逼開園淑景臨精
明奪老眼素潔表貞心未盡山陰興來同擁褐吟

後臘月六日對雪二首

野雪饒新景溪堂不厭來離披垂徑竹精采動江梅高
映千峯起遙隨一棹迴坐深風轉急零亂送春杯
積素能均物飛花解近人後庭長照夜上苑易爲春願
稔萬方歲遺清絕塞塵不須欲遣戍天保樂君臣

雪中呈華玉

雪色殊堪訝風光不易尋天河銀作浩仙樹玉爲林簾
捲梨花暗闌回柳絮深美人歌欲罷高調損春心

雪夜賦得

柴門深夜雪倚杖意無窮山徑白雲裏溪橋明月中鴈
聲銀漢迴燈影玉堂空欲賦竟何擬梨花夢較同

山中雨過

石上輕雲起山中黯氣浮雨痕過峽口日色在峯頭掩
映藤蘿溼縱橫野水流老僧禪誦罷相伴出閒游

山頭望江水

大江西入望野水接天流何處新林浦空傳白鷺洲波
中翻落日樹杪閣行舟草色微茫外青山幾點浮

山寺漫興

出郭少人事更居林壑閒僕因隨主懶僧轉愛吾閒碧
草生滿地白雲常在山城中會相問未卜幾時還

寺曉

糾糾雙蒲屨飄飄一葛衣草頭含夕露松隙見朝暉小
閣懸丹壁虛廊接翠微不知身所在但覺世人稀

寺午

抑庵後集卷二

七四明叢書

約園刊本

精舍祇園裏林花多異芬松陰當路合草色向溪分野
鹿山山見風蟬樹樹聞一峯臺殿後常隔數重雲

寺晚

白日下西嶺千巖生夕陰峯霞紅欲斂林靄綠初沈鳥
息斷人跡磬鳴聞梵音杖藜還獨步頗愜住山心

寺夜

寂寂羣山夜焚香一室中藤蘿深見月松柏靜聞風化
境此時盡淨生諸念空莫困鐘磬發途路又西東

觀池蓮

拘虛後集卷二

八四期叢書
約園刊本

祇苑看池蓮時來野水邊花開紅正豔葉展翠初圓朝
露色逾淨午風香可憐法華千卷後會得此中禪

謝所知

一官餘病骨乞罷竟爲榮豈謂懷幽側虛勞廁姓名白
蘋秋浦暝紅樹晚山晴會有發生意其如衰謝情

歲計

歲計常虛乏如何慰主憂官能無造作民可罷誅求入
粟楓宸立揮金槐市游司徒心獨苦未足廟堂謀

曉出東郊

闕難出遠郭下馬度危梁草沒野霜白日籠江霧黃秋
容銜曙色山氣帶林光愛此川原媚馬知行路長

九月十六日玉晨觀對月

皓魄三峯夜清霜九月秋氣橫天外鴈光動水邊樓地
蕭銷塵土星稀失斗牛茅君如有約騎鶴與同游

秋成

豐穰饒黍稌晚歲足饗飧耕稼農夫力歸田聖主恩放
牛向原野殺豕賽鄉村所願無增益常年百畝存

新月二首

拘虛後集卷二

九四期叢書
約園刊本

開簾見新月一歲幾虧盈弓似張初曲眉疑畫未成垂
波魚不起挂漢烏頻驚階下深深拜闕中無限情

晦魄初乘日微痕薄近雲照偏奩鏡露懸絕珮環分玉
兔應藏窟金英未吐芬清光向高朗天保正殷勤

齋中八詠

苑冠

取匏無外飾簪髮本中虛製比切雲小形看偃月如枕
肱猶自整吹髮任教疏莫笑黃冠客荷衣稱隱居

葛屨

濯足納麻屨沿溪采葛屨每防行露處猶戒履霜時花
徑漫無掃苔階軟更宜閒庭人過少晚步鶴相隨

葵扇

爲愛蒲葵扇團圓製亦工裁成堪比月枯落更揚風市
物來東郡聲名自謝公北窗回午夢揮動暑光中

藜杖

啖茹初無厭扶持老更便曾逢叩閣日今遇杖鄉年危
險吾無用行藏汝其賢城南林壑美常倚看飛泉

籜墩

編蒲全異古置席頗宜今不改辭篁色猶存抱節心某
聲疏竹靜詩思落花深繡榻焉能並無勞貴者尋

竹牀

江皋裁綠玉巧製曲爲牀露漬春斑潤風餘晚節香情
高下衡宇夢遠入瀟湘偃仰便朱夏桃笙冰雪涼

藤枕

霧縷藤梢滑溪紋枕面平齊紈落涼影湘簟起秋聲輾
轉情俱適昔騰夢亦清移牀就階下月在樹閒明

桃簟

簟從南楚至當暑重殷勤帶溽沾花氣因晴動穀紋展
安牀有籍坐爽扇無助彷彿湘江上愴然寤寐聞

拘虛後集卷三

明鄭陳 沂魯南撰

隱居十首

近城開別業山館帶流泉暇日邀裴迪同來賦輞川
新築草堂靜韓山煙霧中不殊嵩嶽志自羨比盧鴻
農事西疇畔門垂五柳陰陶潛歸栗里咫尺是東林
穉子洲前浴鳧雛沙上眠江村詩百首須讓少陵賢
結廬林壑美猶不離塵寰身老心隨倦休疑少室山
陟嶺迴仙磴幽棲占白雲北山知我意應不用遺文

拘虛後集 卷三

一四明叢書
約園刊本

謝傳墩猶在堪吾杖屨登風流殊不解相對有山僧
采藥攝山頂歸宗干佛巖此中閒歲月門徑老松杉
八孟塘前路牛頭寺外峯洞陰三尺雪飄下碧芙蓉
亂雲孤塔迴迴徑萬松深靈谷城隅地那須更遠尋
山中閒適二首

蒲團就陰坐草屨入雲登相攜一童子作伴兩山僧
障日青藤笠含風白葛衣山中隨意去短杖夕陽歸
寧海禪院
盥手一爐香山中惟靜坐白雲簷外生黃葉階前墮

齋中十二事

煮茗

芳品花團露細音松度風山吟肺正渴石鼎火初紅

焚香

香爇紫櫻乳火煖白瓷爐高齋簾不捲日長人跡無

洗硯

松滋瀆石硯書罷滌清流頗覺靜中擾日臨池水頭

檢書

討書臨架插翻帙辨華籤殷動手不捲起坐意相懶

拘虛後集 卷三

一四明叢書
約園刊本

掃徑

雨苔埋短屐露草溼輕裾實至太荒穢有時還掃除

卷幔

下幔蔽西日捲幔來南風每為留光景長褰向雪中

移榻

竹榻設闌下坐時隨意移芳蕤拂闌處涼月穿林時

拭几

髹几照人面窗裏揚纖塵引帚時拂拭不妨清淨身

養蒲

青青九節蒲細細生石髮益益朝自親不惜庭露滑

漚花

漚花日引泉采采愛芳鮮笑殺山中叟猶分造化權

摘蔬

芳葵帶朝露手摘每盈掬煮羹具晨餐飽易足

種樹

嘉木愛清蔭宿土戴深根恐失發生意虛勞培植恩

太史石亭陳公以文章著聲藝苑所著有拘虛諸集

皆刻以傳暇日與其子叔行檢閱遺詩得此後卷實

拘虛後集 卷三

二四明叢書
約園刊本

忝通家末輩捧卷莊誦仰慕無已因叔行命書敬贈

而壽諸梓以續前刻云時嘉靖壬戌之秋七月既望

後學張光寶謹識

拘虛後集卷三

跋拘虛集後

跋曰夫虛其固可得而拘之也與哉夫天地萬物之理具於心而大生焉虛靈空洞之妙神於心而明生焉是故君子患勿虛也易大傳曰山上有澤咸君子以虛受人是故虛則明弗虛則窒虛則神弗虛則物物且窒吾見其拘也已莊生乃謂井蛙之見為拘虛其固未之思也乎廣陽陳儒乃為之言曰莫明匪虛唯窒之祛其感匪通唯咸之從是故祛其窒遂昭天下之故體其咸乃通天下之情而虛道備矣吾師石亭挺生南服聲流寰

拘虛集 跋

一四明叢書
約園刊本

字意其必有以挹鍾山之秀而探江海之淵者故其發之乎辭冲虛夷曠中正和平真足以感人而企教者太史氏亦既言之矣抑其充之將與太虛同量夫惡得而拘諸是故君子觀其集可以知其虛矣門人陳儒識

刻拘虛詩談序

前進士守南陽府推官晚生陳鳳撰

詩理宏淵談何容易善乎徐子楨卿之言之也乃世所傳詩話無慮數十百家惟樵川嚴羽氏為有取云至楨卿始有談藝錄談藝之後乃今見陳公此編公自童年即搦筆飾藻馳聲文苑爾後第進士登玉堂參知藩省洎晚歲上印綬歸於其鄉殫心茲業垂五十年少嘗泛濫蘇學中歲證體始一趨於盛唐其所談者固其所得者也其言學四言者當詠味風雅長辭當詠味楚騷五

拘虛詩談序

四明叢書
初編刊本

言古必宗蘇李近體必宗開元以前等語咸指明迷方昭揭廣路至論時賢製用唐初體之弊允謂知言嗚呼希矣然滄浪談義有餘而詞筆弗逮縉紳博論恆所惋惜公以其充棟之稿約千百於什一所謂拘虛集者具存究觀其集出茲所談實有符契焉君子尚毋以其名所同也概視之云爾

拘虛詩談

明鄞陳沂魯南撰

古詩自賡歌為雅頌國風流為離騷降為漢之五言別為樂府至唐為近體為填詞宋詞為盛金元為曲世日降氣日衰聲日淫意日卑淺矣各以其世論之英韶降為武勺雅頌降為諸風離騷降為韻賦漢魏降為齊梁初唐降為晚唐填詞降為南北調亦各有盛衰也

拘虛詩談

四明叢書
初編刊本

以並論哉

山有榛一章兼葭二章實起漢之五言蓋去古遠耳其視二南如齊梁之視漢魏晚唐之視開元天寶也楚辭沅有芷兮澧有蘭思公子兮未敢言蓋祖山榛之詩然其時尚近而詠歎之意自相似邵子論皇帝王霸為道德功力極是賡歌德之發也雅頌功之顯也秦風楚騷力之形也

禹貢一篇其體國經野山川土田貢賦盡王制而無遺幽風一篇其王朔民時君臣上下老幼內外盡王政而

無遺所謂煥乎其有文章也

漢之詩有騷之遺音而意復寬大若十九首與蘇李諸作自是風人之體雅淡溫厚魏乘漢後意短而氣蹙矣惟子建才足以充之獨步於時至晉句刻削而意凡近淵明在義熙時追古近道駕軟黃初之上又不可以世代論也

淵明詩云采菊東籬下悠然見南山此中有真意欲辨已忘言又曰日入羣動息此道寓於情非靈運之流也嵇阮之作終有魏人風味比之晉人自別石季倫明君

拘墟詩談

二四明叢書
約圖刊本

解亦不易作齊梁以後之詩靡麗日甚氣之降乃爾然清新俊逸如餘霞散成綺澄江淨如練芙蓉露下落楊柳月中疏亦非後人所能及唐人每竊用鮑謝陰何之句少陵亦多有之所謂景雲垂拱之先驅不誣也

張正見陳人也從藉田五首華而雅其視初唐應制者自殊終是前輩

初唐承齊梁靡麗之後不能脫去如夜五粧車軸秋金鑄馬鞭徒工富麗殊無詩人之詠詠其氣自壯向盛之音也

初唐王楊盧駱詞藻過人而少意致陳子昂杜審言沈佺期宋之問蘇頌則皆名家宋之問晦日昆明池詩不愁明月盡自有夜珠來意味深厚用事得體後人不麗則太巧也

虞世南侍燕應制云濫陪終燕賞握管數窺天用事之妙如此

楊師道秋夜應詔云鴈聲風處斷楊柳月中寒陳叔達桂林殿應詔云水岸銜階轉風條出柳斜藻麗可比四傑

拘墟詩談

二四明叢書
約圖刊本

董思恭張文琮昭君怨皆絕唱也

玄宗經魯祀孔子詩今看兩楹奠當與夢時同送賀知章豈不惜賢達其如高尚心得帝王之體意亦純正

唐稱高岑王孟王若過之高岑七言長詩似為勝孟之雅致亦不可及

摩詰詩漠漠水田飛白鷺陰陰夏木轉黃鸝雲裏帝城雙鳳闕雨中春樹萬人家謂之詩畫不誣也

嘉州赤驃詩草頭一點疾如飛卻使蒼鷹翻向後與工部老馬詩寒天遠牧鴈為伴日暮不收烏啄瘡極其形

容而氣不衰也

浩然洞庭詩氣蒸雲夢澤波撼岳陽城與工部吳楚東南拆乾坤日夜浮氣象各不同而意各臻妙也

太白詩如素月流光采雲弄色天然意態無跡可尋少

陵詩如風雨雷電驟至變則垂虹返照光景頓殊二家

各具造化之妙特分意之有無耳

太白五言律如塞下曲宮中行樂詞極佳者贈孟浩然

王使君崔秋浦錢少陽宣城北樓崔氏水亭太原早秋

諸詩皆使後人斂手耳

拘虛詩談

四四明叢書
約圖刊本

太白長歌如蜀道難之瓌奇將進酒之豪壯問月之慷

慨襄陽歌之流動其才實出天賦非學而能當時名家

無與頡頏者

高棅論少陵詩不列於正宗而曰大家蓋如滄海無涯

埃可尋其間蛟龍以至蝦蚌明珠珊瑚之與砂石無一

不具要識其所當取者

少陵七言如秋興諸將蜀相懷古出左掖退朝早朝至

日小至九日閣夜返照樓城登樓宿府野望聞笛諸詩

自唐大家作者無此之多且聲洪氣正格高意美非小

家粧飾但才大不拘後學茫昧特拾其釐耳五言律警

妙處首首見之不可以擇可謂詩聖矣

崔顥黃鶴樓華陰二詩足以當百七言長詩如江邊老

入愁敘事直而不俚得古意也

大曆以後錢起之溫泉宮劉長卿之上陽宮二詩可及

王岑但通集披檢不能一律高棅謂之羽翼亦確論也

司空文明寶叔向賈島張佑之五言律二皇甫韋應物

楊巨源武元衡劉禹錫之七言律亦中唐之作家也

昌黎詩有氣聲調不降但少紆徐吟詠之味柳宗元則

拘虛詩談

五四四明叢書
約圖刊本

不及矣

中唐長詩如樂天之琵琶行長恨歌元稹之連昌宮詞

盧仝之茶歌亦謂絕唱

樂天敘女寵曰遂令天下父母心不重生男重生女敘

相遇曰為君一日恩誤妾百年身寄言低小人家女切

莫將身輕許人多少意思豈徒作耶

王建作宮詞敘事不費辭自成體製

楊巨源聖壽無疆詞十首極力摹擬盛唐亦不可少之

作也

李正封牡丹詩國色朝酣酒天香夜染衣亦可追及前人且詠此花者僅見此

皇甫冉早朝詩亦可羽翼王岑賈杜四詩但吟詠之間氣格自不同耳

柳公權薰風自南來殿角生微涼亦妙

李長吉詩真有鬼才非學問所及如筆補造化天無功豈尋常哇徑者可到也

晚唐杜牧許渾劉滄李商隱亦是名家但聲氣衰弱字意尖巧吟詠無餘味賞鑒無警拔其餘雖有可稱亦是

拘虛詩談

六四明叢書

約園刊本

小巧如鄭鷓鴣之類回視大曆以前不可同日語也

大抵唐以詩設科命題擬作爭為奇麗以術主司即今之文字然胡可以求其盛美哉

五言絕句伊州歌一首不知姓名多開元時人所作如打起黃鸝兒莫教枝上啼啼時驚妾夢不得到遼西哥舒歌云北斗七星高哥舒夜帶刀至今窺牧馬不敢過臨洮宮中紅葉詩流水何太急深宮盡日閒殷勤寄紅葉好去到人閒劉采春詩昨日勝今日今年老去年黃河清有日白髮黑無緣語意安閒二十字有無窮之思

此不可以家論也唐以李白為祖晉陶弘景詩云山中何所有嶺上多白雲只可自怡悅不堪持贈君此又五言絕之始也

七言絕亦以太白為祖王昌齡次之開元以前者無醜藉大曆以後者無力量然中唐人絕句獨優於律蓋解道人之情也

五言古唐人雖名家終非所長蓋漢魏優柔渾厚之意喪於齊梁以後至唐僅能承其藻麗以入於律為一代之盛耳

拘虛詩談

七四明叢書

約園刊本

五言排律莫過於開元以前少陵雖於五言律臻妙至長律如上韋左丞之類終欠謹嚴

學四言者當詠味風雅長辭當詠味楚騷五言古必宗蘇李近體必宗開元以前七言長歌必宗太白七言律必宗少陵絕句必以太白為師縱力不能及詠味久則入步正不蹈旁蹊矣如入禪學者必談心經法華楞嚴楞伽圓覺華嚴金剛等經皆如詩之名家但不可再視律論傳錄所載皆是下徹惟資談論不足求上乘進步也

宋人詩如藏經中律論厭唐人多涉於景而無情致不知詩人所賦皆隱然於不言之表若吐露盡更復何說宋人無知詩者惟嚴滄浪之論極是但滄浪所自作者殊不類其所談

詩有古有近古可以言情此其格也宋人以道學之談入於律故失之矣

詩中之理雖觸俎登覽之中自有在也宋人便以太極鸞魚字面爲道豈知道者乎

元人作詩全宗唐其尖巧卑弱視晚唐亦太懸絕惟趙

拘虛詩談

入四明叢書

約園刊本

魏公詩一代之名家也元海叟之白燕詩亦爲絕唱國初詩沿於元之舊習永樂以後平淡江俚成化開始變至弘治間稍盛正德閒數家有可傳者後多宗初唐用富麗堆積如餽釘百家衣畢竟到頭無經緯也

拘虛詩談

雲南叢書集部之三

石崇詩鈔

卷十五

雲南圖書

館藏板

甲寅
年刊

舊序

古稱才難非才之難也全才之為難也是故談者
未聞乎軍旅躬介胄者不事乎毛錐文資武畧於
人之身不亦難哉惟昔裴晉公度韓魏公琦嘗兼將相
之任裴日集賓佐倡酌為樂而韓喜雨喜雪之詩隱然
自負以天下之重其在當時庶幾所謂全才者若今少
師石滄楊公即其人也公自蚤歲成進士歷官五十六
年游陟臺省兩鎮邊陲再登內閣出入將相機務叢委
不廢吟咏興趣所到對客揮毫若不經意然文人墨士
窮日夜苦思力索而不可及風雲之變不足喻其豪也

石滄詩鈔

舊序

江河之流不足喻其順也鴻鵠之舉不足喻其適也若
公者謂今之全才非歟凡公之詩門生孫思和育析之
為數類統之為石滄詩稿梓行於世久矣此曰玉堂後
類者蓋續刻也屬鵬序之鵬惟公德在朝廷功在宗社
澤在生民制作在金石若無待於此者然有東山之什
而後見周公之忠有抑之篇而後知武公之敬是詩出
焉則今日明良際遇之隆中興太平之盛學士大夫游
從之樂皆於是乎在矣此思和續刻之意也嘉靖戊子
閏十月既望賜進士出身右春坊右庶子兼翰林院脩
撰鄉晚生方鵬拜書

自訟稿序

臣一清初以都察院左副都御史督理陝西馬政乃弘
治甲子冬十二月北虜潛伏河套間擁眾入寇寧夏守
臣失利遂入犯環慶固原寧夏陝西兩鎮守臣交章告
急於朝我孝宗皇帝從本兵之議命臣兼巡撫陝西地
方經畧防禦乙丑春正月臣始拜勅即馳至固原以便
宜處置戰守未幾虜遁歸河套乃大閱將士定令約法
顧各邊廩藏空虛粟芻無旬月之積有警調兵何以取
給臣用是懼上疏極言之事下戶部奏發內帑銀若干
萬兩開各運司鹽課若干萬引招商轉輸及分官市羅

石滄詩鈔

自序

量邊城大小險易積粟芻有差時號令方新仗國威信
商民輻輳莫敢愆期於是沿邊庾廩充盈士有鬪志是
冬虜再入寇恃我兵糧有備得以無恐已而延綏寧夏
諸將數與虜戰輒復失利本兵議以諸鎮權無專制不
相為援以至於敗正德丙寅上命臣總制各路軍務進
右都御史久之虜遁去因徧數各鎮兵糧空虛如初又
以便宜招納易糴邊庾各漸充實是年冬虜復擁眾入
套烽火絡繹至臣揚兵耀武以待之虜不敢犯明年丁
卯春渡河北遁屬臣有疾得請歸江南會朝廷分遣部
使稽覈邊儲使者奉法凜凜寸牒齟齬搜剔無遺鈎距

文致惟恐弗甚焉維粟在廩維芻在場歲月既久滄腐
耗蠹有所不免於是自委吏而上至於撫巡無弗得罪
者詔獄所逮無虛月日而臣亦坐是被逮詣京師戊辰
夏四月二十二日錦衣使者至鎮江臣既就繫次日渡
江舟行至徐州使者慮關座阻隔遂舍舟由陸至德州
又慮途淖行緩復登舟五月十一日由河西務車行就
獄蒙恩憫臣病令羈候於外十二日出僦民居以俟命
是後凡三上疏不報六月初九日始得旨致仕以病未
愈不能入朝具疏謝辭十三日出城時暑氣方熾假宿
城東姚氏居凡十日至張家灣宿杭氏莊園又十餘日

石淙詩鈔

自序

二

七月七日發舟潞河八月初九日還鎮江先是聞百官
罪繫頗慘有死於箠楚者其以邊備坐者責令倍償傾
其產不足械繫經年不得解故使者之來親友皆爲予
危之送之江濱相望多泣下予不改常度或問曰先生
何恃而不恐予曰恃一點赤心耳故初渡江時有細檢
平生死亦安之句自是不廢吟詠然桎梏在身不能筆
記旋卽遺忘比宿京邸記而錄之繼首羈候以來至
於莊宿舟行觸物感興動有述作多自咎之詞蓋審分
度勢固有宜然者矣何者芻糧所坐誠得以自解時同
事有讓余者曰使公向不多積則無今日之累予曰不

然居其位則事其事凡所當爲者豈可虞後患之及遂
輟不爲哉且邊儲乏矣而不爲之處則大虞入寇勢難
聚兵地方之安危未可知也而臣之身亦恐不能自保
矣夫惟所積既多不獨一時藉其用于解任後自丁卯
至己巳邊人所仰給猶舊積也予方私喜以爲功雖得
罪其何辭顧後之爲撫巡者過鑿覆車他日必有任其
責者矣若予之自咎則有說焉器非大受而秩進都臺
遂尊才本庸常而任專總制之重易曰鼎折足覆公餗
凶又曰負且乘致寇至凡予之所履皆盈滿之境有招
凶致寇之道焉而又自信太過好惡太分明無容物之

石淙詩鈔

自序

三

量保身之智是皆人非鬼責之所宜加朝廷之所以處
臣者可謂仁愛忠厚之至而臣得以餘生老林下爲太
平一閒人志願足矣何怨何尤自被逮至還家凡一百
六日哀集所作得詩一百一十九首因名之曰自訟稿
俾兒曹藏之後二年庚午夏四月石淙病叟楊一清志
此篇後得故未序入凡例

凡例

一文襄詩稿以石淙名不忘祖也公祖居安寧有水流石間作淙淙聲故名曰石淙文襄流寓鎮江仍名所居曰石淙精舍而詩亦從其名焉

一石淙詩稿經崆峒對山編輯而孫思和育即其生平出處各以類分今本係石屏陳孝廉海樓自江西抄回而保山袁蘇亭又匆匆借抄其分類標目已不復存又底柱行見於金山石刻遊法華寺詩見於安寧州志山丹題壁見於甘肅志乃稿中未收者茲詳考明史本傳按其出處之先後而以其詩之詞意合之

石淙詩鈔

凡例

一

定為十五卷蓋不必明分以類而亦居然有類可稽一稿中間有涉於應酬者或可因以考証其人之賢否旁徵時事之得失則仍存之至泛泛之言概從就刪蓋恐讀者借為口實非敢妄肆去取也

一底柱行係文襄手書刻於金山其詞旨足為文襄寫照故置之卷端致仕一首總括生平閱歷故置之卷末而系諸咏松竹梅畫三首之後此於編輯舊本中稍加參酌覽者指示當否幸甚

一李康諸公當日必有敘文惜抄本未錄而於第十三卷渡江詩後載翰林方鵬數語於全稿畧有關會故

移置編端俾閱者得知其梗概

一文襄與李西涯先生同官為僚同志為友方鵬則翰林後輩崆峒對山唐鵬在弟子之列分誼懸殊故稿中於西涯批語列諸眉間其餘則繫在詩末亦以昭輩行也

一坊間作宋字者往往囿於俗訛斯刻校對精嚴點畫必遵字典庶乎可以無憾然魯魚亥豕仇校實難閱者希垂教焉

一文襄道德文章尊重一時每有吟咏人爭和之而陽明西涯諸公氣類相投尤徵殷摯今采其倡和數篇

石淙詩鈔

凡例

二

附於卷末亦可為知人論世者一助云

一是刻價費多金賴諸君子眾擎同舉得以觀成所有同人姓字例得備書

同人姓字

孫玉庭 雲南巡撫

袁文煥 雲南縣教諭

陳若霖 雲南巡撫

樂恆 昆明縣教諭

顧菴 雲南學政

陳履和 石屏舉人

史致光 貴州布政使

李煌 昆明舉人

韓克均 雲南按察使

戴恩詔 雲南府拔貢

潘蒸辰 雲南鹽法道

萬重質 開化諸生

余正煥 雲南迤西道

池生春 楚雄諸生

景謙 雲南迤南道

錢昌齡 雲南府守

石淙詩鈔

同人姓氏

宋湘 廣東嘉應人

楊楷 廣東知府

劉大紳 山東同知

楊桂森 石屏州知縣

石淙詩鈔卷一

明安寧楊一清應寧著

門人北地李夢陽海編

底柱行

長江萬餘里來自岷山巔摩空互地不知幾千載直與造化爭機權千流萬派時吐納滾滾下徹滄溟淵當年神龍驅百怪宵馳晝走無停鞭巖摧峰坼在頃刻溝決浪倒湯湯浩浩止有巨浸無平田天吳愁海若懼排清都訴上帝帝問曰吁其可傷錫以底柱為隄防中流無

石淙詩鈔

卷一

聲屹相向狂瀾過之不敢狂江漢朝宗衡嵩鎮定乾為之清坤歸其靜猗歟嗟哉雨雲變態晨昏殊風波世路多艱虞元氣一脈須匡扶何人能作底柱乎柱乎柱乎今有無

送樸庵先生省墓歸湖南

南國垂髻上帝京一經何幸有師承春風立遍庭前草夜雪吹殘帳裏燈仙露幾年瞻閬苑故園三月夢巴陵明時畫錦人都羨欲賦陽春恐未能

慶成宴和韻

禮成郊祀宴千官又奉龍顏咫尺歡春醉仙桃天向午

此句當多勝耳

日臨豐草露初乾承恩愧有涓埃報食祿還思稼穡難此樂會須均四海願言同報寸心丹

逸老堂為謝寶慶賦

一從韋布到金緋藉藉才名滿帝畿晚節自應存直道急流寧肯蹈危機憂民疏寢心仍在逸老堂開願不違贏得高風激鄉俗台南山色與巍巍

憂旱

宵肝勤倦仰聖明小臣兢惕夢先驚郊原五月還憂旱烽火三邊未息兵獻納可能裨職燮調須遣慰蒼生十年鳳沼追趨地不盡沾恩報主情

石淙詩鈔

卷一

送林黃門使暹羅

百年文軌萬方同地盡暹羅古未通封建原從昭代禮掄揚兼仗使臣功天連島嶼巒烟靜日射滄溟瘴雨空聞道越裳王化在幾多重譯頌聲中

陸鼎儀先生陞諭德分韻得篇字

翰苑官僚上界仙一時登簡屬才賢士林山斗唐韓愈國史文章漢馬遷青殿講餘勞賜同紫宸朝罷聽傳宣不須再上千秋錄請誦幽風七月篇

沈提學仲律夜話邃庵和韻二首

虛堂五月汗初沾坐愛槐陰散午簷客到祇憑花送酒

和章用韻

日長時有燕過簾極知病骨因詩瘦況復清才與操兼
豪興不隨車騎遠幾宵風月為君添

雨過苔塔屐欲沾感時搔首立風簷唐宮獨擁青綾被
漢閣誰開翠羽簾萬古乾坤吾道在百年憂樂此心兼
高歌入夜渾無寐石鼎泉清取次添

和韻贈陳白沙

九重溫詔慰閒情聖代優賢禮未輕吾道不隨身共隱
此心真與月同明十年舊夢青山在一夜離愁白髮生
我有塵襟何處濯恥將名姓託冠纓

正月十七日郊壇供事有述

石淙詩鈔

卷一

三

平明翠輦出行宮天子郊禋祀禮崇瑞應入春剛見雪
輕寒向晚不生風憂民早已殞宸翰抗疏無勞補聖躬
淺薄逢時叨侍從惟將歌頌祝年豐

瞻壠圖

十畝佳城在郭東乾坤遺恨此難窮斷雲落日蒼茫外
春雨秋霜慘澹中往事誰能回逝水苦心吾亦念良工
幾回客邸披圖處松柏蕭蕭起暮風

賀朱都憲召掌院事

早從鄉里望風標節制西南萬里遙裴度破淮終相國
希文平夏始還朝先聲直遣豺狼避正氣曾令瘴癘消

淮翁批云
送諫官詩
慷慨激烈
讀之可憐
見其人矣

淮翁批云
此四首尤
勝餘類如
此豈獨於
於文字場
中遊耶

總道重臣歸社稷似聞商鼎待公調

送林待用謫姚州

朝廷養士自高皇風節植棧此激昂抗疏載聞唐陸贄
移書終媿宋歐陽孤忠自保青天在直道看同白日光
我亦低頭拜東野遲徊無計挽行裝

別意逢秋思不禁西風黃葉望中深一封竟作投荒計
萬死難忘戀關心猶有圖書隨舊案也宜山水助高吟
生還事業君須記況復霜華未上簪

佛骨章存事已陳每從青史憶丰神八千里外重遭謫
六百年來更有人邈矣山川隨別駕蕭然行李識孤臣

石淙詩鈔

卷一

四

都將一片憂民意散作南荒有脚春
把酒相看意有餘仰天欲語更躊躇不堪別路情懷惡
却悔前時會晤疎炎海病軀須藥裹瘴鄉風土好樓居
停雲定有懷人賦消息猶煩慰遠書尊陽曰高
氣格堂堂

送張兼素謫師宗

乾坤正氣古今存幾日封章又見君未許陽城惡陸贄
終教王質饒希文風波道路誰相憶冰檠聲華眾所聞
莫向黃花歎遲暮生還有待策高勳

宦游蹤跡半江湖直以風波作坦途一代勳名方自許
百年綱紀正須扶襟懷老去真君子風采居然大丈夫

我亦有官稱獻納仰看高論似君無

杏園曾是看花人回首風塵定幾春歷盡悲歡年未老

閱來夷險路方真乾坤俯仰丹心在湖海交游白髮新

如此別離良不惡幾人青眼送征輪

一曲驪歌酒漫傾憐君何事復行行身為逐客還多病

志在匡時豈近名故國關山無限路異鄉風雨若為情

也知物論終難屈莫把文辭作楚聲夢陽曰四篇誠如滄翁所評

送履庵蕭文明還鎮寧

瘦馬衝寒萬里行鄉心安敢緩王程天依北斗瞻仍在

地入南荒夢屢驚聊以文章供歲月恥將溫飽負平生

石宗詩鈔 卷一

湘江回首經過路應笑前人弔屈平

慷慨憂時意未伸一官非是愛閒身邊州不隔還朝路

聖主方思補袞臣到處乾坤皆逆旅此生江海畧知津

鎮寧亦是要荒地慣識中原有鳳麟

雪夜顛風釀曉寒一尊東郭且留歡人情自與流年別

世事還如行路難唐介豈應淹別駕陽城終不忝言官

投荒合是孤臣分肉食紛紛恐未安

楊參政所藏山水圖歌

高堂豪素不盈咫何人更得丹青理病眼摩挲看欲花

水光山色參差是叢榛集篠巒岩阿白石蒼苔雜汀泚

湘省曰七言古詩此篇獨佳

由來此地可行樂超然肥遯者誰子空亭落落不見人

亭下苔痕餘蕪想當月白風清時四顧蒼茫任頭指

仰看飛鳥豁心性俯瞰溪流洗塵耳一尊長嘯歌聲雄

傲脫乾坤如脫屣南陽草廬諸葛亭幽興蕭然差可比

盛時才俊多彙征烟霞高臥何時起古來達士各有存

功名豈必俱青史吾宗大參風流客平生酷愛佳山水

宦遊南北幾貌年貌得滄州心獨喜吾亦因君感舊遊

天涯蹤跡還泥滓青鞋布襪猶未能廊廟江湖徒爾爾

一官閒散未脫俗酒債詩逋日填委空齋對此懷抱開

置身如在寰瀛裏忽聞車馬戒行色吏人索畫門常倚

石宗詩鈔 卷一

物各有主當歸君為作長歌謝知己他時對畫應我思

兩地江山萬餘里

南坡別墅

南坡近在城南曲南坡主人清似玉結茅作屋幾歲年

有琴在牀書在屋東家桑柘西家禾蹇驢破帽時相過

公租私負兩無累俯仰乾坤樂如何十年塵土長安道

欲歸不歸心燥燥人生難得老來閒身退還應健時好

鑑湖恩詔根不早匡山舊盟終潦倒爭似南坡歸及時

綠鬢朱顏未枯槁門前載酒紛如雲惆悵舊遊今幾存

手種青松盡成蓋移來慈竹多生孫登高眺遠恣歡譁

水邊谷畔松下酌多少低頭拜下風利網名韞甘束縛
白雲渺渺山蒼蒼高風不媿嚴陵鄉撫卷披圖三歎息
爲君擊節歌滄浪

送倪侍讀歸省分韻得邑字

尚書謝塵鞅不受軒冕繫之子瞻庭闈夙夜心鬱悒封
章叩天關雨露殊厭浥十年兩歸寧此例非沿襲節序
屆新正祖帳衣冠集柔風播陽和春雷起潛蟄南望金
陵山孤帆渺何急遙知畫錦榮簪組共輝煌登堂上親
壽兄弟具且翁閭巷騰歡聲海宇况寧輯尚書老其間
樂事古稀及何用訪赤松引年求絕粒結髮讀古書忠
石滌詩鈔 卷一 七

著軒

近名固可恥無聞亦虛生善積名以隨赫然播英聲譬
如玉在山草木競敷榮又如珠在淵風雲發光晶物理
有如此愚者徒營營斯人克自樹敦茂性夙成俛焉飭
厥躬所志非沽名持謙乃受益欲晦顧愈明良賈藏若
虛鴻鐘叩斯鳴請看尚綱詩毋忘謹獨情

蔡進士介夫乃祖挽詩

棠棣久絕響同氣或乖睽競彼刀錐利而使天倫墮骨

肉且有然路人何足悲翁生罹多難門戶強自持弱弟
病且革平生多遺資諄諄屬續問所憂在稚兒呼兄屬
後事淚下如縷縻死者不復還生者長相隨遺言猶在
耳安忍棄置之臥起恆與俱寒温必適宜年齒浸以長
悉還故所遺豈微身後名所志敦民彝形管爲爾書百
世聲不虧

末俗競豪奢被服繡與文黃金買戲劇歲月供一嘔盈
滿苟不戒終焉委泥塵猗與君子儒所志惟儉勤絲竹
豈不佳有耳如不聞非無綺羅色恥爲兒女人况當清
明時擊壤歌堯仁幸無漆室憂寧甘環堵貧藏書數千

石滌詩鈔 卷一

卷一

八

卷亦足陶吾神九原嗟已矣永懷葛天民
權門方炙手奔走皆豪雄汗漫侈歌頌低回荷餅幪一
朝隨物化溘焉如飄風翁生不出戶全德以令終里人
不巷歌鄉黨爲輟春大篇續高里寤寐懷高蹤舊史書
彥方宿儒推林宗公道炳朝暉愚者紛如瞽俯仰隔今
昔惆悵涕無從

和楊鏡川學士先生遊南園詩韻

官屈僅旋馬致客真無謀諸公不我棄枉駕同郊遊韓
家好庭宇石徑通林坵輕風散炎溽白露瀟以秋泉脈
灌畦潤槐陰當屋稠地僻境逾靜身閒心更幽攀芳步

鏡川云佳
作佳作當
與西滌爭
衡

南清觀稼來東疇高情不在酒而況饌與羞調林有鉅
筆古調難爲酬豈徒慰孤陋亦足消煩憂羶眉擬相效
出吻還自籌惟餘江山興歲歲無窮休夢陽曰此篇果勝
他作鏡川知詩矣

太公釣圖

萬古乾坤一老翁生涯都付釣竿中誰知東海逃名意
翻作西周蓋世功

竹西書屋

萬竹參差路不分草堂風景隔塵氛他年有約東鄰卜
半爲先生半此君

白鷗

石宗詩鈔

卷一

九

秋盡長江白鳥飛平沙淺草故依依海翁底事勞相狎
不獨忘機已見機

紫菊

小摘幽花帶露看花名不忝動騷壇屈平零落陶潛死
誰復同心保歲寒

補送平江伯漕運還鎮

恭襄遺愛是前規風采居然復見之相國轉輸終佐命
士安漕運更憂時朝廷貢賦今全盛民力東南恐不支
宵旰有懷君識否萬年元氣仗扶持
漕舟千萬往來輕節制雄才仗老成坐遣漢兵皆虎旅

直教周甸重金城春山齊魯長隨眺秋水江淮或讓清
總道故家門閥在先公勳德是西平

夜泊夾溝驛時九月八日

高樹蒼蒼帶暝烟佳期剛在菊花前荒城夜泊時聞角
殘水秋來不受船別根祇憑詩當酒歸心眞以日爲年
東江西上黔南路萬里雲山若箇邊

送平江伯改南京中府

風塵道路已多時南甸山川暫解頤根本地應歸簡命
老成人合在留司分符歲久家如水憂國心勞鬢有絲
不獨笑談能却敵姓名元自繫安危

石宗詩鈔

卷一

十

旄節重臨舊將門秋毫須識是君恩陰晴此日終難定
寵辱於人更莫論冰檠不妨清譽在河山還與誓書存
公才久繫淵衷念祇恐南都席未溫

送宿遷朱大尹朱先任教官

停舟小憩夕陽邊人道鍾吾是宿遷官有逢迎稱劇縣
民多流徙憶凶年平沙白草連秋水破屋荒村帶野烟
北望君門萬餘里綏懷全仗使君賢

纓辭芹泮卽花封兩地閒忙此道同書簿不妨新宦業
絃歌元是舊家風極知撫字須勞念未必江山解惱公
今日內臺多縣令如君風采合乘驄

席上呈戴憲長廷珍

一曲驪歌此駐驂，十年猶記舊時談。冰霜地望中兼外，桃李門牆北又南山。雨著人衣半濕，江風吹面酒初酣。情多莫更留詩別，已覺詩成思不堪。

瑞昌道中

磴雲百尺繞蒼空，亂篠叢苔一徑通。瘦馬不禁山上下，斷溪常失路西東。乍逢野寺驚僧夢，小駐荒郊問土風。亦有壯心能叱馭，千金非敢愛微躬。夢陽曰：讀詩即如躬歷其險。

輿國道中

十日登程九日晴，鄉心羈思一時平。鳥聲細逐泉聲緩，石淙詩鈔卷一

風力寒欺酒力輕，馬首青山堪入畫。路旁幽草問無名，逢人若話經遊樂，賸有詩章為紀行。

望岳陽

岳陽南望是并州，三十年來兩度遊。同學故人今幾在，異鄉孤客此登樓。高雲絕島連青漢，落日層城俯碧流。誰遣王程戒明發，吏情吾已負滄洲。夢陽曰：句亦佳。

江上偶吟

浪花搖曳急流分，徙倚船窗日又曛。萬里江山低度鳥，一林春樹半含雲。帆歸驛渡看看近，岸有漁歌歷歷聞。莫向朱絃揮楚調，別情鄉思轉紛紛。

登岳陽樓

百尺高樓倚碧空，乾坤登眺幾人同。眼前憂樂誰無意，天下江山此最雄。孤棹影衝烟浦外，浩歌身在水雲中。東流萬里終歸海，不盡狂瀾底柱功。

華容訪劉國紀東山別業

南北萍蹤六載奇，故人顏采夢中疑。如何遠客尋幽地，剛及東君駐馬時。別去定應懸一榻，相逢還為解雙頤。東山合有蒼生念，况復動名鬢未絲。夢陽曰：自負自知。

登科猶記少年時，不道才名與數奇。歲月幾多憐躑躅，江山如此怪棲遲。官非薦士空知爾，志在憂人欲叩誰。

石淙詩鈔

卷一

三

夢陽曰：相業素具二句見之。珍重賈生長，治策萬年留。取對軒墀與國紀，同過王翁家。被留午餉，詩以道意。

天上歸來路幾千，故鄉風物尚依然。蒼茫忽醒三生夢，邂逅真成一飯緣。到處浮萍皆逆旅，幾家喬木重當年。匆匆不盡筵前話，又聽離歌落照邊。

和陳憲副韻

一日羈愁破客邊，詩成不待酒為權。人生傾蓋有如此，仕路逢君非偶然。遠塞清風停候火，高城斜日帶炊烟。夢陽曰：讀此句富庶可想。極知倡和多佳興，恨不追隨十載前。聞柳拱之擢四川憲副喜而有作。

▲滄洲日情思在

別來心事動參商聞領選恩出帝鄉清白舊風歸仲郢
激揚新命戲蘇章福星正接瞻雲路春酒看登戲綵堂
公義私情知兩遂爲君歌罷喜如狂
青鸞兩世西川路猶記寧親幾度行且向絃歌尋舊俗
會聞豺虎避先聲江湖一札寒暄少燈火通宵感慨生
從此萍蹤定何處祇將金石見交情

東鄒侍御

聞君體力未全平可是憂時百感生病骨比山應更瘦
詩懷於水合同清相逢不盡揮毫興饒別兼勞載酒情
莫爲瓜期聊假借盛名從古飛垂成

右滌詩鈔

卷一

三

新興道中遇鄉友金調元得西涯先生所寄書喜

而有作

愁懷無限此袪除好話傳來十日餘十日餘調元在路萬里忽

逢青眼客千金兼領玉堂書南荒巾履猶塵土北地寒

暄僅起居總爲交情同骨肉向來離思幾躊躇夢陽曰詩本性情情多自佳

自佳

謁咸陽王廟

以下七首俱在雲南作

香火高城廟貌崇邦人相對泣遺忠漢廷才望金車騎

唐代勳庸渾侍中夢陽日以番人詠番人奇絕地盡關山開禹跡人

於絃誦識華風車書又屬文明運猶有新碑紀舊功元平

章寶典赤治
滇有大功

謁黔寧王廟

授劍從龍二紀強生占侯相死稱王孔明威畧終降虜
充國屯田坐困羌一代山河還帶礪萬年香火自蒸嘗
仍雲作鎮同封建未數元勳在漢唐夢陽曰冠冕

謁王忠文祠

六龍飛御五雲間遺孽居然敢肆頑元老竟遭希烈死
漢廷空望子卿還墓墟落落銘猶在廟祀堂堂詔始頒
留得文章兼節義不知曾汗幾人顏夢陽曰精句激烈

抵家雜述

右滌詩鈔

卷一

四

落日長松掃故阡聖恩真已到黃泉關山路盡九千里

水木心懸三十年祭酒幾人勞遠奠穹碑七尺看新鐫

可憐鬱鬱佳城地吾父遊魂獨渺然

遠客初還似夢中若爲悲感動深衷寒暄多是弟兄行

進止總隨鄉黨風遠郡有人求識面新詩無地不開筒

衣冠比屋皆絃誦信是車書萬里同

小堂冠蓋日逢迎敘罷寒暄未識名忽漫還鄉翻似客

偶然陟岵更關情空懷杖履追前輩豈有儔刑屬後生

人道謝庭餘慶在眼看蘭玉滿崢嶸

遊法華寺和韻

重慶絕來往惟有白雲通萬幸都歸幻淨生本是空心
開波自止性定月方中亦有明與留詩寄遠公

鎮遠登舟

車馬山行一月強更隨秋水上孤航歸心直與水爭急
鄉夢杳如山共長飛浪撲窗衣半濕奔流激石槽全妨
風波歷盡艱虞地猶有先憂意未忘

期柳拱之不至以詩自慰

長擬停雲賦未成一年心事幾懸旌如何鄉里過從地
不及江湖盼望情交誼恐成沙聚散人心能似月虧盈
始知剡客多深思不肯中宵見戴生夢陽曰責之恕
之仁人之用心

石淙詩鈔

卷一

三

歸途

楚江秋色授衣前萬里歸途一雁邊已覺中星三度易
載看明月九回圓身多疾疾應全瘦僕有狂愚轉自憐
最是旅懷消未得更看滄浪滿寒川

漢江阻風

渺渺飛帆入楚雲晚風歸雁不堪聞高江白浪舟難定
短燭孤篷夜未分如此鞫懷真作惡縱然豪飲不成醺
平明舉目寒烟盡倚棹看山到夕曛

和韻寄章德懋先生二首

夫子文章一代標鳳麟端合瑞中朝直將正學歸湖洛

澹翁曰首
聯二句豈
公所自况
耶

澹翁曰此
地此景吾
所親歷故
之語然

若究真才失管蕭湖海朱絃聊自語乾坤白髮為誰饒
如君勇退懸車日曾待山翁折簡招
早從科甲占時名曾有昌言補盛平一代文章天下士
百年憂樂古人情儀刑自合歸山斗風采人猶仰鑑衡
幾日停雲漫相憶新詩翻引百愁生

界亭道中

桃源西南鄭家峰孤村迢迢細路通界亭百里接新店
兩壁直在千山中岡巒如拱復如揖叢林蒼鬱蒼烟集
空翠拂天雲半棲繁陰匝地衣全濕白日慘淡晴亦昏
况是前途風雨急四十八道溪流長雨深澗壑難禁當

石淙詩鈔

卷一

六

山腰水瀉疾於箭一夜平透二尺強握衣涉水水聲惡
亂石截足足且僵坡頭泥深沒雙屐偃面僕偃不敢望
上山如天下如井尺地恍若殊一方人言我馬最强健
三步一蹶寧無傷古今危險稱蜀道我謂此地真羊腸
低回向晚膂力盡高興豈復能飛揚旁人舉手為予賀
茲程幸是今晨過不然明日溪水盈欲渡無梁將底作
流行坎止故有時雖有巧慧難預知腐儒生世百無補
敢謂神明相護持向來夷險不須論聊以慰藉生歡嬉
我行雖勞尚温飽獨可憫惻夫家兒凶年藜藿不充腹
官府賑貸無盈資願天及時降晴雨豐年不負秋成期

康衢擊壤會有頌我亦重和豐年詩夢陽曰長篇才氣橫壓今古然鋪敘之詞工而形容之妙寡類推盡力而關合未至方之古人蓋有問焉

盧指揮所藏高房山水圖歌

前朝尚書房山高平生落落人中豪有時妙思入圖畫指點物象歸秋毫蒼山高出青雲裏層崖疊嶂參差起天風不動玉宇清萬里澄江淨於洗是時野色當黃昏數家烟火東西村沙頭弛擔者誰子欲渡不得心如焚人生夷險信有數百年豈必俱安步謝老中流意自閒莫公逆浪猶能派江湖隨處皆通津濟川誰是商家人不見白頭垂釣者生涯都付滄波綸生綸一幅半枯槁

右流詩鈔

卷一

七

夜光明月真奇寶盧侯清士乃得之風景因人倍增好嗟予畫癖與君同大纒短素多名公半年不見心鬱鬱幾度夢落滄洲中滇南無限佳山水圖畫雖工亦徒爾世上誰知履與眞人生適意斯已矣高堂坐我青芙蓉一觴一曲仍從容安得麥光百尺許日日載筆來相從

風雨歸舟圖

空江落木號天風雨脚墮地雲濛濛浪花千疊大如龍扁舟一葉山之下萬里飛帆駛於馬平生忠信足風波不羨磯頭釣魚者人生適意須還歸急流無乃多危機湖天鏡平風雨歇蘭漿桂棹常相依

畫水

何人筆力眞如杠解衣盤礴堂中央研丹吮墨試揮掃坐驚雲水生微茫滄波奔騰動地吼靈脈迤邐連天長長風飄搖浪千疊咫尺應須萬里強如登崑崙望青海層樓鮫室騰輝光洞庭冥冥不可測日月出沒蛟龍藏黃河之水天上下吞吐四瀆傾太行江流浩渺自西極直與中國爲巨防南人慣見且目眩北客倉卒心徬徨平生樂水固天性徒以聲律相鋪張豈若丹青逼眞貌移時地軸歸毫芒畫工神思乃如此不獨李吳能頡頏恨不前身爲博望仙槎無路通銀潢中流擊楫亦有意

右流詩鈔

卷一

六

題陳憲章墨梅

氣吞雲夢非荒唐高歌臨風發清嘯仰天四顧增慨慷有客有客風神清骨爲片玉姿爲冰世間萬物瑣瑣不足數直與梅花爲弟兄紅塵勞勞恐相失一日不見難爲情有時暮寫向枯筆奇態傾刻烟雲生湖上春寒雪未霽山頭月落參初橫欻然素壁見疎影便欲起繞南枝行古云意足不在形妙意今與形似并旁人底爲無香惜不道香多招妒客相逢任詫素與緇會有方峯眼中識

題畫

秋江瑟瑟葭草青數行朔雁歸寒汀黃葉飛殘樹如戟
天風萬里開虛明乾坤此景信奇絕遙山正對林間亭
掃石焚香白鶴舞臨流鼓瑟遊魚聽中流有客初揚舫
長歌激烈凌高冥匏樽五夜載赤壁鐵笛一聲浮洞庭
幽尋奇問各有志不然肯向洪波經揮毫作圖圖者誰
王維孫子筆意清由來意足乃佳畫俗夫指點求真形
詩成欲借井州剪與子對面分滄溟許由秦地空馳逐
完璧且須歸趙卿

題沈石田山水贈高鐵溪貳守

嗚呼絕藝多天成吮毫妙泄天之精胸中倘有萬坵壑

石淙詩鈔

卷一

九

氣運潑潑隨風生古人縑素多漫滅零落數紙令人驚
按圖索驥竟何事如舍其骨求其形大江東南石田老
山川風味嘗應飽門前索畫如索逋墨汁朝朝爲人掃
大窮天地細蟲魚信手爲之翻大好此圖此景知何時
烟雲不礙山城曉坡陀縈複路逶迤一峰特立蒼冥表
山北山南青未了處處奇花雜異草山頭老幹屈鐵回
山下翬龍何天矯山坳靚深巖結廬翠竹爲幃樹爲葆
青鞋布襪秋復春幾送餘霞落飛鳥松根老人行復休
醉歷崎嶇歌窈窕足音空谷已難聞相逢且試開懷抱
乾坤安得此區寰我欲從之心噪噪不是匡廬是武夷

澁翁曰變
化脫酒

澁翁曰此
篇亦佳

細觀無乃天台道人言此格黃大癡意在筆前非積稟
春蠶見物繭卽成或有神功爲施巧夢陽曰此數句世
如子美口中出
問真履不可知夜光魚目翻相嗤好事之流滿天下君
看賞鑑者爲誰鐵溪道人房山後平生豪素常在手近
時朝士能丹青永嘉三子黃姜柳君今並起稱四豪俗
夫吐舌羣工走公餘坐我池竹邊徧檢瑤笈翻牙籤判
評好惡析幽渺如以藻鑑分媼妍酒酣指點到石田把
翫再三真可傳果然名下無虛土贖物紛紛空賣錢感
君意氣服君識願比干將當留別此人此物不易遭在
我在人誰失得珠光合浦浮雲濤豐城劍氣凌碧霄君

石淙詩鈔

卷一

十

莫展向雷風朝只恐精靈化神物騰空一去難爲招陽
日長篇
之最

水晶宮客

吳興山水聞南州苕溪霽溪匯復流蜿蜒一瀉二百里
月華波影相沈浮中天合有光明燭下見諸山如削玉
皎然蒼翠浮空明何以狀之曰水晶水晶宮名從此始
誰其標榜趙承旨居人紛紛竟莫知對景不樂翻如痴
名韜利網日馳逐却詫夢遊徒爾爲汪君此地長爲客
坐挹空寒清興發果然身在廣寒中不似人間波與月
歸來偃蹇向深山縮地有心還未得手持圖畫日把玩

尚覺清寒鑑 毛髮火雲六月驅不開出門紗帽沾黃埃
金流石爍無處避水晶之宮安在哉東望嵐光渺天日
安得與子相徘徊嗚呼安得與子相徘徊

秋江歸鴈圖次高鐵溪韻

長空如洗絳河流遙見鷺鴻掠樹頭斗酒早須謀婦飲
江湖又是一番秋

扇面小畫

山坳剛著一茅亭憑仗孤雲爲作扇落葉滿階秋瑟瑟
青燈徹夜誦黃庭

富春道中雜詠

石淙詩鈔

卷一

三

風雨孤舟話乾坤萬古情山形斷仍續雲氣晦須明漱
石聊成戲磨崖欲識名匆匆戒行色不獨重王程

勝遊兼弔古清思轉冷然瀟灑落帆衝雨山深鳥沒煙屐
穿無着步纓濯有新篇倚棹須明月漁歌隔暮川

遠嶼迷新漲迴汀帶急流野花疑送客江月巧窺舟獨
坐成遐想逢人話舊遊烟霞何處所吾亦愛尋幽

閔苑家何在桃源事亦陳君看結屋者莫是避秦人歲
月忙中過江山夢裏真早須回馬首遊樂及芳辰

雪谷

平生居雪谷晚歲益相親天下更無白山中別有蒼素

光看不斷空響聽來真一榻曾分我冷然發與新

送湖廣馮總戎

奕代班周爵青年請漢纓龍沙三箭勇虎帳一裘輕提
旅參南帥建師衛上京廟謨歸懋簡物論仰先聲授劍
親推轂符分重總兵軍中稱大樹關外得長城湖海英
風遠乾坤老氣橫指揮驅狹獮談笑掃欃槍日擁飛龍
陣塵消細柳營邊書誰奏凱埃火定無驚保障須材傑
懷柔惠聖明恩隨春共到操與玉兼清多士瞻儀度遐
方識姓名敢論文武異直遺德威并休戚憐吾土風謠
感舊評貪功者誰子遺虐在蒼生俯仰嗟如昨瘡痍苦
未平相逢煩軫念爲別正關情謾說蟬璫貴看留竹帛
樂策勳宜慎始居寵務持盈下榻從傾蓋投桃媿報瓊
玕筵歌屢闋彩筆賦初成芹獻非無補雜壇况存盟重
來是何日回首動心旌

寅庵爲蕭憲長作

臣人代天工同寅靡崇庫矧茲蒞邦禁民命實繫之息
心一萌葉輕重或倒施淫刑召災沴不獨爾職隳賢哉
蕭提刑一敬每自持誰云法可撓五過將汝疵誰云民
可虐帝鑑恒在茲忍將一寸心負彼三尺規虞書著嘗
災國法有矜疑求生苟弗得服念踰旬時東海民無冤

南山判不移閱歲浸以多聲問如馳馳公心益惕若欲
然恐弗支大書揭華扁相對如嚴師出門屢却顧退食
方凝思內焉勅爾心外則慎爾儀萬念協貞吉豈但一
職宜有欲稽公行請誦寅庵詩

東于守正

萬里江天陰復晴相逢漫話未分明也知湖海飄零地
不盡乾坤覆載情事到定時猶夢寐路從難處見平生
不須更問君平卜識破機關百念輕

赴任途中有述

江左朝天棹未開璽書還向日邊來并汾舊是多賢地
石淙詩鈔 卷一

卷一

三

章句元非用世才不遣緇塵生白壁敢於嘉穀謝汗萊

王言自有權衡在鸞鳳鷹鷂莫浪猜

路入河東轍未停感恩圖報益兢兢秋霜未必無春意
三尺何曾廢六經得失在人非水監晨昏隨我是盤銘
文章案牘皆常事願得真儒薦帝庭

出連雲棧

雞頭關下石杈枒傍險憑高此駐車一水縈紆通漢沔
萬峰迴合控褒斜雲中棧閣燒難絕谷口簷窗翠欲遮
蜀道秦關俱莫論於今四海總爲家

挽鏡川先生二首

龍蛇入夢歲云徂公去飄然不可呼一代文章韓吏部

百年道術董江都官尊未改山林興病起猶懷社稷圖
却憶漢家麟閣裏如公風采定誰模

極知碩輔由天降誰遣中朝失此翁元老存亡關象緯
相公名字識兒童家無長物鏡湖上國有遺憂金匱中
見說希文諸子在後來門第足清風

入京會西涯先生感而有作

日暮停雲望故人登堂相見轉傷神微生不絕應憐我
淚眼交揮總爲親南國山川千里夢東風花柳幾回新
欲將心事從頭說莫厭相過倒屣頻

石淙詩鈔

卷一

三

石淙詩鈔卷二

明安寧楊一清應寧著

北地李夢陽
門人
武功康海編輯

閩陝西命下有述

聞道新恩下禁闈征車又逐暖塵飛烟霞實負山靈約
桃李虛傳物望歸
心憶舊書渾欲忘眼看時事恐多違
秋毫未答君王賜敢向尊鱸道拂衣

夢陽曰此以後
作意氣健暢

金山夜宿和聯句韻是日餞王丹徒公濟

落落長風撼怒潮望中漁火隔江遙詩因惜別難成調

石淙詩鈔

卷二

一

興在登山不待招天上浮雲看欲盡水邊殘暑坐來消
乘流載酒吾人興赤壁千年更此宵

雨中王丹徒公濟招遊焦山席上作

無端秋色登臨地不盡長江眺望時世路渺然空作客
風光如此可無詩及辰爲樂人能幾冒雨看山興亦奇
直待曉晴凌絕頂徧摩蒼蘚認殘碑

金山寺

爲學如爲山且欲躋其巔望道如望洋誰能涉其淵振
衣妙高臺濯纓中冷泉茲行良有得不在山水間知音
苦遼絕俛仰復何言

紅梅爲鄭太守賦

綠葉青枝莫謾嘲詩家別自有風標玉顏中酒寒初暈
絳雪經春暖未消落日夢同姑射浦軟塵遮斷灞陵橋
芳心不爲冰霜改自是天門雨露饒

贈樊廷璧憲長擢應天尹

十年南國三乘驄義氣壁立千仞峰堂懸生魚非矯激
身騎猛虎還從容五陵合避韓京兆百姓能舍包開封
畫船搥鼓渡江去春陽一夜回窮冬

修武寄陸克深大參約河內一會

玉堂少日瞻風神一麾南去春復春已知氣概抗流俗

石淙詩鈔

卷二

二

何止文章能潤身當時沮遏者誰子鳳池亟奪良有因
明廷未乏班馬輩揣分甘與簿書親敘州九載多勞動
閭閻禮讓風俗淳黃堂坐嘯若無事盤錯到手紛如塵
功成進佐七州伯褰幃處處宣皇仁行河決獄總經義
以儒飾吏斯言真任渠喜事笑迂腐忍貪勞伐聽吟呻
西州過客問民吏共道我侯爲吏循因君重感蒼生念
四野觸目雙眉顰直從徐揚向懷衛白屋蕭條生意屯
黃河流徙固天數勝天有術須吾人雖云盛平異卯累
亦可先機憂厝薪公才自是濟時具恨不專制當通津
杞天漆室本迂誕愚者一得公休嗔相違百里阻歡合

笑馬欲進仍逡巡北風吹沙天宇暗後庭殘葉聲相聞
乃知良會不易得聊以尺素通殷勤交神命駕如有意
或者河內逢冠恂

寶應湖

山色帶重湖黃昏一棹孤顛風吹水立細雨入空無野
曠低飛鳥沙寒怯浴鳧賣魚成夜市欲買欠青蚨

東河驛

秦嶺暮衝雪東河朝履冰孱軀一僂僕病眼雙瞢騰凍
鳥住不住亂山眉復層夜寒愁擁被無語對孤燈

白水江舟中

石淙詩鈔

卷二

三

萬丈丹崖勢欲傾石稜層處水花明櫓聲咿嘓乘流去

一似瞿塘峽裏行

幾年卜築大江頭慣見乘風萬斛舟今日渡江剛一葉

也須擊楫向中流

北人生來不識船問渠那能底事便篙工屈膝向予答

我在三巴是長年

小舟搖曳坐還興把卷揮毫總未能猶勝鐵山山下路

自驅羸馬踏春冰

康海曰好

山中吟

春陽律轉先深山村花柳同彫顏鳥鳴高樹聲關關

幾家烟火自村落春酒熟時相往還

兩旬天氣晴復陰黑雲故故團春岑耳邊時聽潭龍吟

深山大谷非可宿前途風雨愁人心

宿子午鋪

躡磴穿蘿路轉遙夜寒燈火正蕭蕭官程又出子午谷

鄉夢遠懷丁卯橋子有別墅在丁卯秦嶺天低星斗近

石泉郵亭

漢江春暖瘴嵐消馳驅敢作賢勞嘆愧有涓埃答聖朝

石淙詩鈔

卷二

四

壯心不爲道途降花明兩岸春隨馬門掩孤村夜擁釭

發金州書事

怪底夢回南國去水聲到枕正淙淙

城上笳聲罷曉鐘驅車又向石橋東山腰路僻深藏雪

水面寒多不受風流徙漸安耕稼樂懋遷兼喜往來通

寒封處處皆王土誰爲全收保障功

書懷用前韻

山南山北路重重使節還隨斗柄東客裏心情詩當酒

春來天氣雨兼風家鄉在遠無書到故舊相思有夢通

便欲乞身還未可坐糜官廩愧無功

迎建儲詔

八葉重熙戴寵靈萬方和氣擁明廷虹光下繞坤宮赤
春色潛浮震殿青江漢有潮歸少海華夷隨地仰前星
遙通知問寢龍樓日帝範分明列御屏

詔錄開國功臣後裔

當年授劍掃羣雄萬死艱難百戰中國有大蒸遺像在
家無尺土舊盟空天王許續河山券太史重尋竹帛功
不獨兒孫知報主英魂猶解佐元戎

畫馬二首

昔年簪筆螭頭下慣見宮墀立仗馬雲雷變化龍有神
乘黃誰遣歸圖畫雙瞳夾鏡耳卓錐雄氣不受人間羈

石淙詩鈔

卷二

五

玉鬃輕揚蒼尾動落花浸帶浮塵飛天閑騏驥粟盈石
獨立西風臥斜日長嘶要蹴崑崙崙崙碧邊頭戰馬身帶創
長楷短豆空蕭瑟夢陽曰古調他快長篇多不
速此然律詩則有過之者

雲蒸霧擁天降精古來異物非虛生渥注龍種不世出
白沙汗血今知名千金遠致華軒下意氣深沈更瀟灑
青絲玉勒秋復春長恐乘風遂神化曹韓妙思悟者誰
紛紛畫馬空毛皮人間豈復生伯時此圖經營竟誰學
果然廐馬堪爲師夢陽曰亦
是杜牧

謁橫渠祠

洙泗咽不流道源眇於絲寥寥千載下濂洛起凌之源

西涯批云
典則

深流以長波及秦之郡至今橫渠派河洛爭分馳萬方
被澤潤豈但九里滋我生半江海望洋徒爾爲茲行竊
一勺頗覺心神怡窮源顧未得臨流動遐思

天池遊詠次韻

雲根脈脈細泉通水色含青近若空鳥影夕陽明滅外
足音虛谷有無中山涵宿潤多城雨寺枕高寒易得風
同是宦遊遊未得恥將名姓託羣公

五月十五日逢先母忌辰寫哀一首

淚眼懸河不受揮年年今日痛慈闈聽墮風木聲猶急
恨與江流去不歸客裏盤殮甘亦苦夢中顏色是還非

石淙詩鈔

卷二

六

一官竊祿成何事況是松楸萬里遠康海曰夢
我之餘

行部至靖虜與憲副李大經聯句和韻

矮爐活火旋烹茶頗覺風光一倍嘉山勢北來青未了
水聲東去聽猶賒豪吟下徹蒼龍窟小坐平分白鳥沙
莫向圓頭驚蝶夢平生君實嬾簪花右和四
園聯句

垂楊冉冉落花灣故國風光夢寐間不道舊盟渝白水
也知真樂是青山溪心月色和雲瀉樹裏泉聲帶石屏
亦欲留連效魚鳥恐教人比少年間右和詩
上聯句

邊城

漠漠窮邊路迢迢一騎塵四時長見雪五月未知春宵

既示賢意馳驅報主身逢時今老大羞作素餐人

日邊

黃河

活活真源渺未知乾坤於此判華夷鑿開積石從天降
吞盡羣流到海遲九里潤多資下土千年清合應昌期
不緣砥柱龍門在浩浩三川恐不支

康海日曾
次中物

宿三岔驛

公館蒼涼匝地陰幾家烟火夜沈沈疎燈照影黯然坐
布被怯寒聊爾吟西橋風高飛鳥盡前村雨過落花深
殊方亦是同文地無限幽情取次尋

石淙詩鈔

卷二

七

河州書事

四面峰巒紫翠堆萬家花柳及春栽纜橫河岸梓為渡
磨引溪流水自推漢將屯田閒虎帳羌兒交市獻龍媒
便宜有疏憑誰上聖代邊功久不開

對月

塵鞅控僊年復年聰明已覺不如前四千餘里江雲遠
三十九回奏月圓別久可勝懷故舊心勞何止廢詩篇
捲簾欲共姮娥語碧海青天意渺然

秦州謁太昊宮

一自乾坤鑿混茫歷年四萬總荒唐不緣八卦抽神鑰

世不多見

誰為三才泄祕藏代有牲魚歸祭賽人於書契託綱常
極知功德齊穹昊此廟何孤一瓣香

九成宮

唐皇避暑此溪山宮觀銷沈草樹間惟有侍臣金石刻
長留書法在人間

自汧陽往寶雞風雨大作溪漲不可渡阻村寺中

兩晝夜至寶雞聞南關為水所衝民多壓溺者作

長句以紀之

七月七日趨寶雞出門先涉汧陽溪是時雨餘秋水足
村村禾黍青蓮哇車行齟齬進還却一分瓦礫三分泥

石淙詩鈔

卷二

八

蜚廉怒號驅人至豐隆奮飛爭神異雲拖雨脚疑有無
白日深山暗嵐氣須臾挽起天河翻恍惚蛟龍在平地
馬前物色不可辨但覺飛泉滿衣袂俯臨巨壑仰高原
敗木摧巖動交墜有耳如瞶目如盲有足更如舟不繫
平時賁獲難為強倉卒良平失其智已將薄命寄一髮
未必痴兒全了事孤村迢迢步轉遲僕夫掩面啼寒饑
布禪如石屢如鐵牙齒戰擊肩過頓金陵河深渡未得
指點僧寺求棲依驅車徑造寺門裏有一老僧面如鬼
焚香露頂走相迎破屋數間而已矣行裝隔河追不還
欲寢無衾食無米便須假息無外求枕瓦和氈聊爾爾

雨聲徹夜急不停向曉淙淙聽尤駛門前寸步皆波池
僵僕缺堂剛尺尺洪流注牆牆欲傾顛風撼門門亦靡
床床漏濕勿復道政恐波濤蕩堂址東汧西隴俱阻絕
心欲奮飛難脫屣村農知我困泥塗負擔挈壺勤數子
麥粉春來銀縷長溪芹採得青絲美因之撫慰兼咨詢
今歲秋成定何似長安亢陽數月許赤地茫茫極愁予
向來雨澤頗沾足復恐秋霖敗禾黍自從關陝頻告荒
白屋蕭條瘡未和扶傷那忍重遭傷哀此鯨恫置何所
農兒稽首雙涕流知公夙抱蒼生憂我貧未離桑梓樂
公行豈爲身家謀衣裳黯淡塵土色煩聞一出春復秋

石淙詩鈔

卷二

九

吾儕野人本無識一語合比千金酬秦人氣概雄天下
況復知方如此者誰云忠敬代有宜彷彿民風是殷夏
居常濫給五斗粟應變空懷萬間廈渠雖不語吾自知
往事分明成蕞苴直明晨雨歇趨駕輪灘頭水平石露痕
百夫扶舁強登岸直與魚鱉爭毫分南望陳倉四十里
躑躅不進天黃昏縣南郭門縣西村一夜墊沒河流渾
孩童哭父翁哭孫乃知吾生已多幸向來辛苦惡足論
吁嗟乎人生夷險信有數康莊豈必皆安步江湖逆浪
猶堪汭君勿羨傷弓之鳥但高飛亦勿笑厯塊驂騑初
識路流行坎止任天機自保貞心向遲暮夢陽曰長篇如此沈著痛

快又有開闢去古甚近
○康海曰鋪敘委曲

還司

二月西巡八月歸此身真逐塞鴻飛文章未技曾何補
道德初心恐漸違弦月幾宵光欲滿秋山一雨翠成圍
年來擬作沙鷗伴縱未忘機已息機

行部至朝邑得報蒙恩進官仍理學政有作

東晉西秦歲屢移璽書三度下宮墀極知金紫沾恩地
敢忘蠶鹽未遇時章句恥將身作範官曹聊以位相師
河流百折終歸海欲障狂瀾恐不支夢陽曰是豈謀富貴者

聽雪

石淙詩鈔

卷二

十

庭樹蕭蕭夢屢驚幾同風景逼人清坐吟食葉春蠶句
起聽空山裂帛聲寒落瓦溝停更響爽疑天籟靜還生
憑誰爲續幽蘭調萬古悠悠此夜情

積雪

至後新陽復春前積雪深江山萬里色天地一元心
荊歲云暮馳驅力可任前程不須問緩轡且行吟

商山道中

躑躅秦關險飄蕭旅髮雙地塵經雪盡馬力爲冰降敗
薛深藏凍流漸半帶淙商山何處所吾亦厭紛龐

立春

一日春盤薦素絲絲幡新剪照花枝如何斗轉星沈後
恰是雪消雲散時夢陽曰何等光明

五平五仄體

春雲驕難同朔雪苦不足寒聲驚人眠曉色奪我目龍
鸞交橫飛玉石兩滅沒天開先春花地秉不夜燭沙鷗
湯燐翎海鰲陸死骨輕塵揚遊絲暗響遞折竹空林炊
煙遲近市酒券促平增江山清厚滿澗壑欲荒汗蒙包
含騰蟻賴斥逐天心昭來牟帝命走嶽瀆歡呼馳黃童
瑞靄動白屋行將登絃歌豈止塞口腹而予章縫儒濫
披瀝豈服觀風聽民謠稽首効華祝休徵年年加聖主

石淙詩鈔 卷二

十一

萬萬福

次府谷

不覺輶車臨府谷中原回首亂雲岑人家隔岸分秦晉
河水中流自古今塞上風煙秋瑟瑟城頭笳鼓夜沈沈
臨河不返非無意要探龍門砥柱深

歷盡崎嶇通縣郭數家煙火起巖陰雲中石筍看疑墮
雨裏溪流晚更深敢以絃歌輕吏治兼愁暑險是人心
留詩莫道經過少已有新題續舊吟壁上詩有此地從來少客過之句

與源梁話舊有感

一別居然歲屢移停雲東望不勝思官曹落落論心日

苦塊熒熒相我時交遊始看朋友在此情須遣子孫知
相過莫惜留連坐明日蕭蕭各路歧夢陽曰情勝

自商州歷南山抵漢中有述

歷盡秦關三百里中原形勝此無雙南山西去遙通蜀
漢水東來直到江道上飛花春冉冉沙頭奔溜晚淙淙
濃陰墮地雲團蓋秀色摩空樹擁幢石竇噴泉晴亦雨
松巖鳴籟靜疑瀧烟橫薜荔全迷徑浪湧桃花半沒砭
社鼓逢逢當路響梵鐘隱隱隔林撞沃饒賸有耕桑利
羈旅多成父母邦羣聚自應防剽掠浮生誰爲挽鴻龐
尙書廟宇真遺愛司馬干戈浪殺降攬轡無功還問俗

石淙詩鈔 卷二

三

采風欲賦不成腔興闌投筆中庭坐四顧無人月在窗

廉泉

山腰飛瀑與雲平匯作寒潭徹底清只恐有人來洗耳

臨流不敢濯塵纓夢陽曰望人者厚

雜述四首

聖代崇儒吏明王有教刑迂疎初學律老大未窮經世
事雲俱變鄉心草自青夜深瞻望地直北是朝廷
入關秦地盡出棧蜀山長樹迴雲隨馬溪迴石作梁鶯
花春未老湖海願粗償不盡生平意先憂是廟廊
遠客懷鄉地驚聞杜宇聲年華成潦倒風雨又清明白

日飛花急聞門春草生滄浪千尺許聊用濯吾纓

匹馬關南路行行都是春語言全帶蜀氣候已非秦白

屋炊紅稻滄江薦錦鱗茶牙兼竹筍風味一時新

平涼挽林紀善先生

記得兒時杖席前頗聞先子道公賢蒼茫一別知何處

忽漫相逢各惘然歲月蹉跎人事改老成彫謝後生憐

東芻絮酒通家意應有哀聲到九泉夢陽曰新句

三原壽豕宰致政介庵王公

白首三朝社稷臣水中龍馬見精神長持國是終辭位

欲報君恩肯愛身舊日丹青緣夢傳當年崧嶽又生申

石淙詩鈔

卷二

三

登堂亦有岡陵祝半為吾皇半為民

一品官階八袞強清風都付午橋莊百年桑梓耆英會

兩世絲綸畫錦堂直遣兒童知姓字似聞軍國待平章

陽和又逐葭灰動管取年華與日長

藁竹蒼松年復年峇顏矍鑠地行仙官如彥博身兼壽

心似希文子更賢天下達尊聞有幾人間五福見誰全

不知海屋籌多少八十從今數八千

相國歸來雪滿顛儀刑隨處有人摹丹心直與青天在

赤手曾將白日扶位極人臣唐尚父家傳清白漢司徒

狂瀾一決滔滔是更有中流砥柱無康海曰四詩非王不

送都憲陳公巡撫宣府詩有序

憲長三山陳公被簡命為都察院右僉都御史

奉勅巡撫宣府節制諸軍事予時出巡河西諸

郡縣有傳邸報至者自念淺薄賴公磨切一旦

別去心用戚然輒成小詩一首馳寄之既還司

陪飲之餘共得八首公之風神器度可以概見

若離別戀慕之懷雖不能不言而實有不能盡

言者也

一官中外足清風濯濯聲名簡帝衷總為北門須寇老

烈教西土失韓公平生道誼交能幾多少肝腸話未終

石淙詩鈔

卷三

兩

願得旌麾暫延佇更將藥石啓愚蒙

重城列寨起嶙峋極目龍沙萬里塵朔漠以南繞此鎮

文莊之後可無人行問武勇還知義氣向嚴凝却有春

不用燕然重勒石蚤看相業畫麒麟

十年簪筆侍天闈長憲超遷出異恩宋璟到來春有脚

于公讞後獄無冤河山重鎮留新詠桃李春風滿舊門

應是交親非一日怪來臨別幾銷魂

豸斧新兼節鎮榮法星高並將星明先聲遠到陰山窟

威令嚴於細柳營不信兵戎非素學祇將忠義誓平生

范韓事業君休羨今日中原異汴京

近塞降胡職貢開文皇親賜璽書來當時德意羈縻爾
今日勦勞保障哉戰罷青山猶白骨棄餘平野尚汗萊
憑君莫話開邊事多少凋傷氣未回

素心非矯亦非隨聲戒孤高跡戒奇明比薛宣翻白晦
廉如胡質恐人知傳稱長者固如此王有盡臣今在茲
正是交游沾溉地西風秋問路多歧

宦途聲利公無取朋輩交游我最深俗子謾勞誇覆手
丈人元不解機心鷹鷂縱猛何如鳳翥雖多不謗金
願學未能空仰止幾回低首愧冠簪

公餘長得叩龍門一日三秋意未論剛道別來先入夢
石淙詩鈔 卷二 五

欲成吟處已忘言多情佇聽西歸雁無計能回北去轅
此恨縱深猶自遣不勝墮淚是黎元康海曰八詩俱好

和歐陽公禁體雪詩韻

長空緯繡觀朝華脈脈隨風旋回薄望窮袤廣極幽潛
至巧信出天機作江山一洗塵土空使我方寸成恢廓
卽訪見睨行且消輕體不受春陽爍閉門靜聽疑有異
歷亂聲隨瓦溝落寒光照室不成寐起坐中庭擁裘貉
狡兔失穴無所歸饑鷹斂翅難施攫農倉有粟床有醞
醉飽歌謳躍如雀出門翫雪意所如水行孤舟陸雙屨
一官坐食百無補矧敢暇先民樂題詩苦無道韞續

取茗不待家姬淪紙窗官燭夜沈沈翠柏蒼松雲漠漠
翻思京國十年事白戰壇中曾擁槊短歌聊爾代風謠
不似尋常浪吟嘯康海曰此六一公敵手棋也

和蘇長公聚星堂禁體韻

鳳團一掬浮桐葉瓦爐活火初烹雪是時真宰設奇觀
物態人情兩幽絕懸崖老樹僵不死生意往往存摧折
江山一色天冥冥鳥影不度人蹤滅孤舟把釣吾所愛
有時真被微官掣急呼紅燭照金杯不覺醉顏生綺額
歐蘇詩數有嚴禁餘子效顰徒瑣屑今我不樂真成癡
樂音尤陰翳難管嗚呼世人多附熱此與蕭蕭向誰說

石淙詩鈔 卷二 六

君看桃李鬥春妍護道廣平心似鐵康海曰此東坡敵手棋也

碧桃花

猶記看花紫陌同夢陽曰度向人開春風本是無私物
何必玄都觀裏栽夢陽曰

停車

停車樹底問田夫民瘼年來苦未蘇十日爨無三日飯
四分人辦九分租日圍舊主今餘幾雞犬荒村恐漸無
記取流離影落狀監門誰爲寫新圖

古渡道中

足跡居然編九疋肚懷無限已粗酬杜陵老大當爲客

司馬平生本好遊芳草載春明驛路疾風吹雪暗邊頭
陰晴頃刻何須問流水行雲且自由

甘涼道中書事感懷雜詩

四十年前事驅馳百未成心猶含赤子道已負蒼生流
水山中意浮雲世外情夜深羣動息孤月更分明
寥落窮邊路艱關未足論寸心勞益壯雙眼病來昏石
壁磨崖宇沙場濺血痕毛錐異長劍何以答君恩
望望日以遠行行春又闌蒼茫青海月咫尺玉門關北
關星辰上南州夢寐間青山隨處有一見一開顏
潦倒天涯客邊塞上車驚心是烽火病眼更風沙雨

石淙詩鈔

卷二

七

陪秦川草春明長樂花良辰莫負吾事在公家
到處蹇離問邊城近若何敵塵今去遠兵食向來多萬
馬肥能躍三軍飽欲歌翻思昔年苦清淚幾懸河
皇武怒斯赫臣心奮欲興軍中新白起閫外舊中丞叱
咤風雲變搗詞虎豹騰光明信有燭萬里照來會
擣穴兵何速奔馳不暇謀成功真張大後計必縹緲寨
守須乘險兵防不待秋但教戎馬息何用覓封侯
戎王我封國乞救急於焚天子初頒詔元戎便策勳開
邊豈秦漢宇小是湯文膽落而方虜飛來何處軍
孤矢威天下雷霆震域中天丘方出塞醜虜自相攻繼

是時中丞
都督只克
等皆約不
出關之師
偏將節制
而親信間
之真不欺
實事耳

自此以下
五百首皆
克復哈密
城事而作

絕君王義宣威將帥功從今 月肝慮不復在西戎

千里齋糧地輕兵掩襲時羌 背盟約將相起猜疑不

敗非天幸成功豈力為由來 百萬敵不敵有名師

敵愾諸侯義與尸弟子羞云 明諸將出獨少萬全謀孟

獲降心日康居授首秋誰云 爭事得失不須籌

驍將委塵埃彫傷氣未回臣心 須保障帝德本懷來大

勇貴能戰邊功莫更開芻蕘 深察狂瞽謾相猜

絕塞無關隘多防虜騎衝層岩 堪力斬平地可成墉民

力須深惜邊儲不易供一勞還 永佚此計莫從容

榆林昔多事烽火時時驚邊牆 一朝築關塞十年清怨

石淙詩鈔

卷二

六

去恩常在兵間民樂生九原不 可作司馬是長城

青驄按邊部一月無留行濫給 五升粟虛勞千騎兵關

山初識路將領半知名辛苦無 所限茲行快平生

昔未出城市坐談如窈冥一官 今萬里世事得身經賢

智多才畧君王有典型紀行聊 適興誰採獻明廷

六首典則鋪敘大類子美○康海
日十六詩邊情將畧摹寫欲盡

將至涼州

雉堞連雲十里城將臣開府此 屯兵山連虎帳千年固

地接龍沙一掌平塞上馬嘶春 草色村中人和凱歌聲

祇因邊徼無烽火忘却關山是 遠行

山丹題壁

關山偏仄人踪少風雨蒼茫野色昏萬里一身方獨往
百年多事共誰論東風四月初生草落日孤城早閉門
記取漢兵追寇地沙場猶有未招魂

甘州書事

千里提封節鎮雄壯遊還復此觀風黃沙白草三邊接
北虜西番一路通敢謂禦戎無上策也知薄伐是虜公
關山盡處頻回首戀闕懷鄉兩意同

嘉峪關

嘉峪關頭西更西聖朝封建幾藩籬不勞尙父盟回紇

右涼詩鈔

卷二

九

又見陳湯斬郅支萬里總歸唐節度諸番爭覩漢官儀
天威咫尺驚心地盡是梯航納貢時

岔口遺虜變越三日過其地作詩紀之

莊浪西來岔口驛醜虜當年曾數入自從元帥領虜巢
兩歲邊城稍寧謐春草青青塞馬肥豺狼有性難羈縻
長驅直入五百里竄伏荆棘藏禍機閏月十九晨初飯
潛度重巖下平阪路旁墜堞有若無瓜空燃烽誰付管
城中兒女不得知壯耕少牧方嬉嬉卒然至前無處避
如以鷹鷂掠雞雉城東城西數十騎毒矢射城張虐勢
耕牛站馬一網空跳嘯還從舊途去二百城中按伏兵

縮手無措心神驚迫之欲出不敢出點虜睥睨如空城

莊浪得報日當午守將聞之怒於虎兩軍並進分道追

殞首捐軀那復顧龍沙漠漠風塵昏賊聞兵至禡其魂

兩酋迎戰亟授首餘孽倉皇窮力奔自知天誅不可赦

盡將虜掠歸吾軍須臾雪花大於手墮指居然十之九

一矢不費全軍還信是田禽執無咎丁男纍纍脫虎口

那更遭寒死川藪將軍下令收其尸餘澤猶能及枯朽

歸者相見如更生去者茫茫空有情婦哭夫男母哭子

我來尙聽嗚嗚聲兩旬之前過此地安堵人人道無事

乃知事事貴先幾慎勿徒勞後時計徒薪休待火方然

右涼詩鈔

卷二

三

墟戶須當寒未至東門已失桑榆收掩面不隔城頭羞
將軍功過畧相準直須據實陳宸旒康海曰前歲土酋番之數百倍於此

紀復

河西書事

河西漢五郡在昔人稱雄聖朝罷郡縣宿兵障提封軍
衙一十五聯絡當要衝玉關據其西金城控其東莊浪
達永昌迤邐山丹通鎮番稍孤懸咫尺豺虎叢西寧市
茶馬吾得資戰功甘州扼其吭設險由化工甘泉水汪
歲祚連山鬱崇上將此開府握符總兵戎文臣實監之
運籌帷幄中相制如犬牙相資如厯聖偏裨各分鎮人

自守與攻上承下指使同寅仍協恭譬如大綱舉萬目
紛以從聖人蒞中國四夷仰華風梯航納琛貢孰敢不
來降燹茲失穴虜出沒無定蹤搶攘數載間行路恆忡
忡塞草靡遺綠狼烟不絕紅我城鐵不如樓櫓摩蒼穹
甲兵數十萬一一皆罷熊以茲靜制動誰復當其鋒胡
為動雖伏不聞奏膚公朝廷重養士比郡粟芻供自從
撫取乖腹削無終窮遂令行伍間藜藿恆不充奄奄喘
息徒如木蠹已空焉能效死力滅沒甘秋蓬伊誰生厲
階痛毒流瘵恫孳戮有餘罪何止罰厥躬大明有普照
神聽無遺聰綸音赫然下一網羅羣兇盡將疆場任界

石綜詩鈔

卷十一

五

之良與忠民物改觀聽山川洗昏蒙黃童與白叟擊壤
歌年豐人和古所貴德力難為同行將銷鋒鑄鞬矢囊
其弓願歌於鑠詩獻之明光宮康海曰當時之史

還至莊浪

平沙落日路漫漫千里風光一色看剛道雨來翻見雪
偶然熱後忽生寒夢陽曰窮通氣候二句盡之城非據險兵猶少地
屢經荒食更難堪喜沿邊諸將吏肯甘清苦慰彫殘

涼州次韻贈李士清少參

少日雲霄萬里情老從邊徼益知名身於別後看長健
路到難時見獨行霧隱青山驚變豹春歸幽谷聽遷鶯

天涯莫漫嗟留滯汗簡動名在晚成

錄民謠

村農遇雨把犁耕聽得傳呼浪自驚寄謝勾呼人去也
放寬些子待秋成
從今容易莫伸冤囹圄風光日似年一字入門淹數月
不知費却幾多錢
去歲青黃不接辰官司開廩賑貧民貧家不得沽升合
轉寫文書乞富人
前年官府踏灾傷只作奸人貿易場以熟作荒荒作熟
貧家賦稅一般償

石綜詩鈔

卷十二

五

兩官俱少愛民聲一箇歸休一受旌不是公家兩般法
此是平日善逢迎康海曰篇篇俱實字守灑派

還入金城關

一夜高城畫角催曉衝寒雨入關來兵戈亦是同文地
章句元非用武才西徼山川吟欲盡東風桃李晚能開
太平勳業慚多負聊為明時詠有臺

鄆縣謁明道先生祠

幽鑄遺風故未忘大儒還此佐琴堂斯文舊秩千年祀
遺愛新嚴一瓣香此日藏錢還有訟當時佛首已無光
庭槐手種今千尺多少邦人護召棠

謁吳山三首

金方形勝此岩巖絕頂離天故不遙靈氣定歆千古祀

端居合受眾山朝風霆頗覺驅來易晴雨多從祭後調

夢陽曰祭而後我有微誠神鑒否蒼生疾苦未全消

調神固如此乎登臨瞻拜聊酬仰止心疆宇故憑山作鎮

朝廷真待汝為霖閒雲野鶴意俱流此水桃花春復深

慚媿胷中塵萬斛依依猶自戀冠鏡

七年剛此躡仙蹤可信名山不易逢明月照來千錦障

青天幻出五芙蓉烟霞石室宵過虎風雨靈湫書起龍

誰向白雲深處看丹梯欲上恨無從康海曰但好

石淙詩鈔 卷二

宿東固城

風雨瀟瀟陰復晴夜深燈火宿孤城深山六月無炎暑

絕塞窮年有戍兵疆理蜀連秦地盡野田番雜漢兒耕

驅馳幾度能開口聊復微吟一紀行

階文道中

灌木陰陰翳晚烟仰攀高嶺俯深淵驚心却立容錐地

舉目剛窺一綫天政豈泰山甘畏虎夢回南國怕聞鵑

平生慣叱王尊馭歷徧危途益浩然

殺賊橋

墮地長虹望轉遙野烟寒雨共蕭蕭黃金誰縮封侯印

綠水猶橫殺賊橋村柝尚煩傳夜警羌歌聊采代風謠

居夷蹈海非吾願一統車書屬聖朝夢陽曰讀之慨然便覺一將功成萬

骨枯之句氣西固城守將率諸番酋長來迎

西固山高月色新武都城下水鄰鄰羌兒隊擁前驅馬

漢節風生遠道塵媿有冰霜此語暑似聞枯朽待陽春

兵家不用誇增竈今日華戎盡帝民

讀李進士夢陽詩文喜而有作

細讀詩文三百首寂寥清廟有遺音斯文衣鉢終歸子

前輩風流直到今劍氣橫秋霜月冷珠光浮海夜濤深

石淙詩鈔 卷二

林黃門寸草春暉卷

聰明我已非前日此志因君未陸沈

落日乳烏啼遠林天涯遊子淚沾襟年年寸草自春色

縷縷衣裳惟苦心大統岡頭野雨暗鳳凰山下秋烟深

微生亦有終天痛欲賦哀歌愁不禁夢陽曰作物體愈精采

送趙孟希黃門持節蜀藩冊封

天子臨軒頒玉冊使臣持節出金屏宗盟禮重周封建

近侍名高漢瑣闥蜀道山川春似錦楚鄉車馬畫生輝

還將翰苑揮豪手無限民風盡采歸夢陽曰佳篇凡七言律對起便健

寄仰方伯舊憲長三首兼柬徐方伯用和柳憲副

拱之

公來落落幾知音公去淒然直到今身老不移薑桂性
官尊猶是布韋心半窗風雪孤燈在萬頃波濤一柱深
自古旬宣稱重寄似聞枯朽待甘霖

曾共含香侍內朝別來雙鬢已蕭蕭言非知己慵開口
禮向權門怕折腰塞上春雲晴冉冉江南芳草綠迢迢
與君預定閒居約兩地相尋故未遙

瀟水橋邊送別回黯然懷抱未曾開如何骨肉通家話
剛得緘封幾字來載路遺陰猶隴樹滿城春色又江梅
南州徐孺河東柳無限新詩與共裁康海曰言涉有
情便爾流麗

石梁詩鈔

卷二

三

山水畫

雲淨月華明江山各自清道人垂首坐莫是聽松聲

畫鳥

飲啄空山撫二雛枝頭相望便相呼養成羽翼高飛日
得似慈鴉返哺無

別吉惟正後有懷

臨別留題竟不成春風猶自隔重城空懷綠酒離亭話
不盡青山獨客情舊日危言真爲國平生直道豈干名
君王又下求賢詔莫戀終南舊隱盟

過中書舊直

少日鳳池誰奪我朝廷雞舌人含香雲霄舊侶飛騰盡
灑海初心次第償玉筍尚依天咫尺紫微空對月昏黃

興隆寺

一日興隆寺裏齋彩幢繚繞覆天街過門不敢長驅馬
上有君玉萬歲牌夢陽曰淡中味
康海曰忠厚

聖節羣臣行慶賀禮

宮漏依稀促曉籌珮環搖曳殿東頭樂聲漸與龍顏近
雲氣長隨羽仗浮百辟嵩呼祈萬歲幾人金鑑獻千秋
遠臣獨立瞻華蓋猶記分班侍冕旒康海曰好

石梁詩鈔

卷二

三

和西涯先生贈行詩韻

西堂日深坐倦仰幾昕夕搏沙忽放手此興難再得惟
餘一寸心耿耿似疇昔乾坤百歲間大半長爲客君恩
本無涯士望寧有極休哉慎所如無爲苦相憶

於皇撫雍熙薰蒸百餘歲公生嶽降神夙抱台輔器遭
時古所難爲臣今不易簡在豈徒然爲此天下計煌煌

舜衣裳賴公補其做公心子所知温飽非素志文章祇
緒餘道德乃經濟如聞四夷言司馬今在位虞周太平
業可以坐而致

哭樸庵宗伯黎先生

俯仰忘辰夢屢驚海天空濶恨難平極知燈火門牆誼
不盡師生父子情小有緣勞接引疎頑何計答生成
黃泉萬一逢先子可聽人間痛哭聲夢陽曰此篇不
忍讀惟實故妙

灤縣舟中別喬本大

說著分攜便黯然身隨征鴈又南旋燕雲隴樹三千里
夜雨春風二十年盛代科名終得雋故家人物本多賢
極知文藻尋常事莫遣芳心與世遷

勝果寺次高鐵溪韻

尋幽直入招提境悔却前時塵務侵夢陽曰
起笑兀山光入戶
翠烟濕秋色滿庭黃葉深習靜本甘林下樂偷閒非是

石泚詩鈔

卷二

七

少年心淵明自有無絃趣何用逢人覓賞音

掃墓

手種青松二十年宦遊還此掃寒烟瞻雲時報終天恨
愛日虛吟陟岵篇太史文章遺墓石大夫蘋藻有圭田
西風血淚徒盈掬可得哀聲到九泉夢陽曰凡多情則
句自佳圭田奇對

後園池亭觀物感懷雜詩

池塘日晚午風清水面遊魚作隊行縱使人來不知避
也應無有羨魚情

重陽雨過菊芬菲把酒相看坐夕暉不覺臨風還自笑
主人今日未真歸

山檜移來數尺青盤迴今作老龍形紅塵遮斷青山色
留爾當軒作畫屏

南面塵喧稍見侵旋栽疎竹借清陰東風歲兒孫長
到得歸來已滿林

竹已成林却太繁翳風礙日不成看便呼童子持斤斧
芟去敲斜數百竿

長怪風塵拂面多坐臨池石自摩挲水清冠屨俱堪濯
莫信滄浪孺子歌

登焦山

西風殘葉嫩寒初兩日幽尋興不孤心愛竹巖留客坐

石泚詩鈔

卷二

七

力窮雲磴遣人扶城頭山色遙連楚樹裏江聲直到吳

莫怪居人誇勝地分明此景是蓬壺

登焦山矣

得山更如

石淙詩鈔卷之三

明安寧楊一清應寧著

北地李夢陽
門人 武功康海 編輯

汴城與徐方伯用和話舊和往年韻三首

九載重逢此晤言
雲山迢遞會應難
紙窻官燭開新晏
白雪冰絃續舊彈
坐榻穢勞高士下
檄書頻動老親歡
玉壺秋月皆心事
何物纖塵敢謾干

有山如嶽水如河
重鎮因君一再過
不忝具瞻詠維石
也憑忠信涉風波
烟雲八桂年來夢
淮楚甘棠去後歌

石淙詩鈔卷之三

見說瘡痍隨處有
似煩公手為親摩

別來空作夢中人
暫得過從敢厭煩
自媿駑駘飽官粟
爭看鵬鶚離風塵
眼前同調應全少
世上交情幾是真
爾取舊時忠告在
到頭休負讀書聲

謁睢陽協忠廟

哭罷玄元便起兵
裹瘡辛苦捍孤城
怒髯直欲吞凶孽
血指兼懷滅進明
三十六人盟共歃
百萬載氣如生

唐家天子應驚問
不獨平原未識名
一旅艱關百戰中
漁陽鼙鼓避英風
城危竟失江淮蔽
義正終收郭李功
滅賊死甘為厲鬼
擁兵生恨失奸雄

年年明水祠官在不媿前朝表協忠

城頭六矢交鋒地
帳下駢肩就戮時
不信萬春非木偶

果然南入是男兒
荒原落日孤臣墓
古木秋風異代祠

見說履霜應有漸
曲江忠諫本先期
夢陽曰月中有忠義凡作忠義詩便

佳便如眼見之

讀李忠定公行狀

閉氣生來命世雄
顛危之際見孤忠
七旬五日匡時畧
二百餘年養士功
豪傑苦心猶戴宋
廟堂長策竟和戎
南遷不返親征駕
禾黍空然繞故宮
夢陽曰天下所短廟堂所長

辛苦經營老未休
有才無命更何謀
生能素定君臣義

石淙詩鈔卷之三

死不忘情父母讎
歷數漸歸元歲月
興亡誰紀宋春秋

魏公相見應相問
地下忠邪可辨不

孟秋享太廟陪祀

明明圭鬯廟中央
肅肅臣工此禩將
地厚天高同報享
宗功祖德重烝嘗
駿奔已後周多士
淺薄猶慚漢奉常
回青五雲佳氣裏
祗應明德是馨香
夢陽曰化經為詩古今警句

補送高侍御陝西巡茶還朝

西邊茶馬向乖張
數載官民兩受傷
人以虛名招物議
公爾實惠在戎行
也知霜雪皆生意
縱是圖書不入裝
欲采風謠歸直筆
為公傳誦到朝堂

孟冬陪祀太廟用舊韻

五鳳騰雲接未央六龍扶輦下相將文孫王國還神聖
大孝逢時有禘嘗列祖精靈天作配百僚奔走歲為常

鸞旗已隔仙凡路猶有迴風送御香夢陽日大詩便妙

錢朱懋恭同年城南席上限韻六首

少日相逢已見推中年此會本無期如何夜雨孤燈話
更作秋風遠道思流水心情聊自適菜根滋味保能知
同遊頗覺同年少那復能禁此別離夢陽日情真意悲

歧路無端歲月奔送君還復過吳門自將秋色共詩料

誰與春衣置酒尊三尺有聲先郡邑一官無補媿蓼莪

石淙詩鈔

卷之三

三

要知別後思君意看取黃花晚節存

乾坤正氣養能成歷徧江山老更英鐵漢歸來猶苦硬

貪泉飲盡見真清丹楓照眼暮天碧涼露滿空秋月明

無限離愁無處寫祇將金石蒞心盟

斗酒難開別後顏宦情鄉思繞江干西風落木頻搔首

細雨黃花一倚闌交以義投無入近政隨俗易有嚴寬

漢家三尺君能事又向盤根錯節看夢陽日名言

凌雲賦裏見才高老氣橫秋一倍豪到處風謠須采拾

閒來山水暫遊邀謀家計拙無三窟憂國心勞有二毛

姦宄載途民力盡秋霜春雨繫吾曹

江山又是一番秋木落天空晚更幽細雨滄波連極浦

夕陽江樹遠平邱從君苦被冠裳縛過我須教水竹留

寄語京江數知己不妨多暇與同遊夢陽日未意灑然

次屠天宮先生韻送李亞清督運臨清

國計長勞帝顧頻璽書今遣廟堂臣先憂在念有前輩
喜事無端空後塵財賦本非刀筆吏朝廷須用老成人
君恩未報身仍健莫更多情憶釣綸

陪祀太社太稷壇

春祈秋報總緣農太社壇高五色封德配皇天周后稷

功參后土夏勾龍鐘鳴樂奏來仙仗奠玉埋牲見禮容

石淙詩鈔

卷之三

四

自幸清時為侍從長陪禮祀荷恩濃

哭徐都憲用和二首

士論於君久未輕忽傳凶問使人驚志存國計寧辭謗
力糾官邪豈近名丹陛重違推轂念白頭無奈倚門情
知君地下無遺憾盛有弓裘屬後生

為別年多幾夢思汴城三宿話交期北來尚憶重逢日

南去翻成永訣時旅殯苦無親屬在行裝貧有路人知

中年已覺同遊少一望官河一涕洟夢陽日世人每謂壽挽難觀此二作

則知大家數自別

少宰吳先生席上會同年三首

當年曾探杏華春回首長星歎屢新同是歐陽門下士
獨慙張詠榜中人鳥聲別院催歌急樹影斜陽入座頻
隨取歲寒心事在底須文字是交親

宦海茫茫白髮新相看二十八年春斯文可少同年會
此日真成異姓親樞府賓僚新燕集曲江詩酒舊風神
翻思射策金門日一寸寸心已致身

一榜英雄三百輩向來朝籍幾通班狀元志果非溫飽
吏部名應重斗山鸞翼九霄勞接引龍門千丈許躋攀
杏園年少今非昨坐食無能有厚顏

吳少宰東園和朱懋恭韻

右滄詩鈔

卷之三

五

狀元關地此開軒好是端明獨樂園隱向吏中聊適意
詩難畫處却忘言當年種得青松老何處飛來山鳥喧
不為招延難徑造相門今已異開門

玉延庭上竹成陰海月菴前樹十尋客去自檢材館錄
詩成聊寫觀物心清光入戶夜方寂蒼翠滿空秋正深
此外俗塵無處著朗然一誦堯夫吟

送南陽李節推之任

把卷開題贈別詩忽因名姓感當時宦途似隔三生夢
童子真慚一字師恩為列卿承蔭補官於執法覓才奇
南陽菊水多延壽一掬分來寄所思

終慕堂為錦衣張子所題

閱君詩卷聞君語兀兀窮愁愁不禁寸草有情吾與子
終天之痛古猶今貪生豈愛為官樂忍死徒堅報國心
無限良辰空屬我縱然能賦不成吟

陪西涯先生燎黃父墓用舊韻一首

十年雙淚灑西風往事真隨逝水東不遣人間遺一老
豈知身後有三公典刑前輩凋應盡俯仰平生恨未終
最是沾恩翻地藉詞宣罷意無窮喪陽日無窮之悲不盡之意難為之妙

和西涯先生卜居韻

石滄詩鈔

卷之三

六

滄目風沙日未陰相遇真為解煩襟聞君築室求田計
慰我通家結社心元老交親期約在北堂門闕歲年深
京江東去無多路有意先歸聽好音

西涯和韻見答再疊一首

楊子東頭陽羨陰分明吳楚是喉襟無南無北皆王土
時止時行任我心黃閣經綸身未老蒼生霖雨望方深
朱絃一奏成三嘆媿向希聲續古音

西涯宅上月下賞菊限韻

良辰休沐荷君王我馬西堂繫綠楊月底看花新故事
望前開燕小重陽九月十日內廚酒出金莖露列寺光燭

粉署郎今夕定知何夕是不妨同醉頌時康生客王太僕公濟喬
考功希大。夢陽
日不經人道語

承西涯和答再疊前韻

坐愛揮毫逼二王幾陪高宴詠桑楊黃花老圃還秋色
佳氣南山更夕陽開口暫逢能賦客登高多屬少年郎
極知醅酌非吾事蟋蟀關心敢太康

少宗伯傅公席上十月賞菊限韻

種得秋叢正滿家不隨春卉落泥沙摘英尚隔南山路
飲水兼懷甘谷涯醉引餘歡歸夢寐清憐佳會異茶瓜
年年爲結冰霜社來看東籬歲晚花

石洪詩鈔

卷之三

七

叢菊開時不在家似聞三徑已塵沙鄉心邈矣地千里
秋興渺然天一涯香挹佩來同晚蕙味思餐處勝園瓜
殘枝風露猶堪把何必重陽始是花

送金調元之遼東都司經歷

當年文采動詞林贏得朋游屬望深總爲催科甘下考
應慚道德負初心定州舊夢依稀記遼海新詩取次吟
珍重錦囊瑤瑟在關山隨地有知音

南去懷人意有餘北歸相對重跼踖關門早抗諸生疏
光範曾投博士書世上儻來聊爾耳夢中前定欲何如
河東未効吹噓力空復微音慰謫居夢陽曰二篇淺淡活活如春溪之流

送王詹事守溪先生歸省

十月承恩故里回春風旋復待公來東朝可闕少詹事
國典方勞副總裁宮錦服當晴畫好黃封攜向壽筵開
猶懷京口同遊地鄉思頻驚旅夢催夢陽曰時事入詩安之又安

朝回長切倚門憂暫得歸寧慰白頭金馬石渠天上客
黃柑紫蟹洞庭秋百年寸草心應苦一日三公願已酬
要試君王將父念故鄉雖好莫淹留

題蔡贈友人

抱憂勞勞自濯畦乾坤生意晚相宜菜根合是書生分
便欲從君問圃師

石洪詩鈔

卷之三

八

賦蟠桃園壽劉驗封母宜人

文軒有輝象服新劉太夫人初度辰郎官拜舞意不極
良工爲寫蟠桃春何人誤入西崑裏親見龜臺蠶天起
金母落莫天應憐握取丹霞散烟水度索之山長幾許
此桃蟠屈二千里早聞一實不數枚安得纍纍乃如此
蟠桃有無不可知談仙如夢還如癡漢皇欲種不敢種
何物小兒能竊之古今寓言亦無數至竟要道誰能窺
太夫人德世稀偶昔者令妻今令母夢陽曰食報碩果約而該
理則宜不用餐霞自眉壽母恩高厚如乾坤子心但願
母常存南山松栢皆善祝觸物擬議休深論仙桃信有

君須得星郎早注仙家籍會從金母乞餘核後三千年
更朱實長願母色如桃色歲歲作歌歌母德

題畫三首

白雲胡為生清泉胡為出雲水亦何心天機妙難測因
之識卷舒亦可觀消息一邱一壑間不然安足述

石梁坐終日抱膝欲忘言春風入深林好鳥鳴關關乃
知希聲妙不在山水間相逢但長嘯有琴不復彈古人
知音少今人知音難

向來石田畫往往屢奪真嗟余號知己有日隨風塵而
況六合間悠悠行路人山川有真設良工徒苦辛空然

石涼詩鈔 卷之三

九

索形仙浪擲邱壑春世事每如此翻覆難具陳夢陽日散散說
到非古非今

會同年和吳抱庵先生韻

聞說同年會敢違佳期不似向時稀坐聯兄弟非同姓
眼看金紉是布衣合遣聚星占帝里能忘捧日戀皇闈
杏園舊辱推年少老大猶懷玉樹依

雲霄心事苦多違鷓鴣班中跡太稀賤子敢論周禮樂
諸公真補舜裳衣相期共濟逢昭代猶記知名自禮闈
此誼後人當世講龍頭詩券永因依夢陽日二篇大作

李王事母安人挽詩

誰寫哀音托楚騷太安人是女中豪未亡已分甘貧苦
有子終然被寵襲人道柏舟為蔗境眼看庭綵又宮袍
欲尋遺行當何似只恐前身或姓曹

飲朝天宮遇雨對竹口占贈竹逸居士

三千里外尺書招一笑相逢萬慮消好是長安煩暑後
龍宮誰為挽天瓢

江南竹逸何居士長憶風神是此君今日見君還見竹
一時清興與平分

送宋生介司教太平

半生辛苦嘆蓬蓬一日長楊賦最雄秦晉山川元接壤

在涼詩鈔 卷之三

十

唐虞疆土尚遺風西來憤識龍媒價北上真教驥野空
師道極知關化理簿書回首媿無功夢陽日齊整

題衍聖公東莊逸興卷

東莊只隔宮牆外聖學元非稼圃間滿目春光憑望野
萬年吾道此登山飲餘色笑侯思樂浴罷從容點也還
却憶舊曾瞻謁地幾時重得一追攀

送給事甯惟臣代府册封席上限韻

居庸西北雲中郡帝子分封控朔庭天節到瞻顏咫尺
皇恩宜拜語丁寧萬年玉牒昭宗派十月龍沙候使星
定有度詢歸論列一官休負瑣關青夢陽日壯

兩兩朱衣下紫宸
龍南面降絲綸
朝廷禮重封同姓
給舍名高識近臣
朔地早寒秋墮戶
邊庭無事晝消塵
皇仁不獨宣宗國
凋敝兼勞使者詢

良宵佳會十年纔
歲晚交情託嶺梅
聖代藩封須保障
中朝人物見奇瑰
殊方共喜同文教
多事誰應釀禍胎
豪傑正勞天下計
底須刺刺向提孩

送成國公南京守備

天語親承下紫宸
舊都根本托斯文
龍蟠虎踞興玉地
玉節金符柱國臣
五等元勳三世舊
一年恩命兩迴新
輕裘緩帶君能事
莫負平生報主身

石涼詩鈔 卷之三

七

挽成國莊簡公

東平門闕更平陰
莊簡勳庸望益深
南國江山畱守寄
一生清淨老臣心
民歌舊愛有遺樹
曾到上公無賸金
將相中朝看子婿
不須哀挽重沾襟

夢陽曰又是一種

送胡德延姊丈還京口

天順歲甲申與君同筆硯
時我尙垂髫君齒當弱冠
君伯貳守公少起滇南薦
顧我先府君曰此同鄉彥
而我遂通家心交豈徒面
因之締姻好我門奠君鴈
我童與許偕召對金鑾殿
石渠翻秘書瓊林醉春宴
晏天弗我弔家門邁凶變
府君捐館舍遺孤眇於綫
扶柩返江鄉

客葬非所願
遇君聞公計
方寸各糾亂
問我南歸計
迷途空汗漫
滇南遠莫致
巴陵誰眷戀
咫尺鐵巖城
長江

互天塹古稱朱方地
卜葬豈不善再拜聽其言
哀苦和淚嚙府君有遺志
重此骨肉念佳城既協吉
買屋如成

算公柩亦東還
居止同里閭
維兩太夫人
高堂懷家範
公女復妻予
親上親重見
菟絲女蘿枝
附引固而蔓
桂

再三十年流光迅
於電玉樹紛墜
除究竟同一幹
倚君今逸民才美不自銜
甘與木石居
避名如避箭
君舍四

壁立懸磬老無怨
君身但韋布不受軒冕
絳索居本無競昧者猶謗
訕爲別動經年京塵羈
薄宦悠然忽我思

石涼詩鈔 卷之三

七

棹鼓南風便世途
多轍軻顛蹟隨款段
翻成樂正愁
數月不踰限
吉占果勿藥
懷歸速張翰
孤尊未傾倒
雙袂

倏已判茫茫
天地間浮生多聚散
恨不逐君還
水石同泮
渙江東無限奇
願使君獨擅
嗟先府君高山軼雲

漢我公亦奇特
軒然聳魁岸
老成雖淪落
典刑有垂憲
紛紛夸毗子
葩葉逞才辯
所以宣尼聖
寧思古狂狷
贈

行述疇昔亦足表
文獻去任本何常
煩仰成願盼
小子須識之勿使供一粲

夢陽曰不可無之作

邊太守汝成話別席上聯句同喬考功希大作

分符未浹月子行何太急
楊蒼黃一顧間慷慨萬感集

喬謀國心孔勞憂民夢先入楊中藏詎能忘外議久已

翁喬堪噉彼為通翻謂子多執楊世途任紛拏矩步稱

特立喬移山不改判上功肯差級楊威行虜騎遁令下

邊民泣喬六察望匪輕一麾去難繫楊淮陽古有名豐

芑今載什喬風霜解嚴疑雨露布履溫楊新圖或更張

宿弊豈公襲喬如聞病霖潦相望失原隰楊扶傷詢老

瘡探隱發幽螿喬益照無遺寒谷惠須及楊愛文硯

不封備武兵亦習喬士風回靡靡農苦念粒粒楊代期

恐借恂臥治暫煩汲喬門楣風高火簪組共輝熠楊治

弓固相承金紫真俯拾喬通家眷綢繆惜別重於悒楊

石宗詩鈔 卷之三 三

為童各樞趨函丈同拜揖喬聲氣感雲龍水火從燥濕

楊歲華閱寢深才力愧猶遊喬淮川清瀾瀾淮山高岌

岌楊徵黃遲君歸勲業留郡邑喬。夢陽日才力並獻

守愚為姊丈德延題

不蹈危機非慕甯擬尋聖域欲希顏今人志向有如此

前輩儀型定許攀小智極知為性累淳風端合自君還

若教舉世皆愚化衡斗刑書盡可刪

竹逸為何思道賦

渺渺平沙接水村此中聊可避塵氛清憐白屋通孤逕

老愛閑身伴此君夏日涼生深院雨秋風綠送滿溪雲

七賢六逸休重道一叟幽情自不羣夢陽曰

送趙太守之濟南

二千石是古諸侯山海青齊亦壯遊吏治固應先禮樂

君心元自有春秋雪霄事業平生念汗簡勲名取次收

莫戀省闈輕郡牧幾多民瘼待公瘳

題何竹逸墨菊便面

何郎本愛梅顧託王猷竹劃然襟抱中見此淵明菊南

浦入指顧寒香不盈掬因之可延年何止解醫俗三物

本同調得一願已足君今兼得之而亦厭梁肉如騎揚

州鶴腰纏恣所欲真宰豈偏私人事防倚伏願言慎晚

石宗詩鈔 卷之三 古

節居貞向幽谷

送丁鴻臚應韶奉使荆府

君王封建歲分符使者銜恩出帝都文采舊稱名進士

朝章元屬大鴻臚中原人物看麟鳳南國山川識楚吳

定有民風須采拾歸來能獻讜言無夢陽曰整

送楊延驛丞之夾溝

北纜南檣此要衝漕河千里閘初逢人家近接彭城郡

山色遙連泰嶽峰名在公家非案牘世傳清白自宏農

題詩漫作離觴送明日天涯意萬重

用李徵伯舟中韻奉東乃翁西涯先生

骨肉情多欲話難近違還作遠游看寄書人到頻頻問
對客詩成字字安顧我通家猶惜別念渠歸夢幾承歡
純仁見說真能子莫太關懷恐廢餐

爲別長懷行路難夜燈深坐取詩看多情作客能開口
一札逢人道問安生世不禁離處苦好音先卜到時歡
似聞歸棹清如許不媿蘭紉與菊餐夢陽曰說盡人情

送何可閑都紀還鎮江

半世藏真不出山承恩歸去領仙班名占仕籍知無慮
心斷塵緣尙可閒有客籠鷲留勝事幾人騎鶴叩元關
獨懷丁卯橋頭路晚歲幽期聽往還

石淙詩鈔

卷之三

七

次沈石田贈可閑韻

身在人間心物外從師少小讀南華也知入道真成隱
翻怪爲官是出家受寶錄來兼佩印課黃冠罷早休衙
丹邱只在襟期裏莫更逢人問鼎砂夢陽曰勝前首

送杜理問抑之之江西

壯承恩命出宸宮弱冠銓曹籍已通藩省政須三尺法
理官才擅一時雄西山暮送滕王雨南浦秋生孺子風
更向豐城占劍氣要看光彩貫晴虹

讀書讀律兩留情七品司刑亦未輕政簡不妨親案牘
官卑猶幸少逢迎北來待聘千金價南去攜家一水程

江省故人交石在一緘兼託寄平生同年吳憲之政號交石

壽同年蕭海鈞文明七十

風神猶記曲江頭黑髮勳名二十秋退勇道隨身共隱
取廉天以壽爲酬中朝獻納餘封事東海心情有釣舟
還自古稀歸上壽直教造物與同游夢陽曰只用後首足矣

同年此老居青瑣先帝將名錄御屏外補一官猶別駕
量移三載始提刑人言彩鳳鳴昭代我羨飛鴻向紫冥
靜壽故應仁者得不須多祝定遐齡

陳侍御父母蘇門雙壽歌

太行之山連崆峒蘇門東起當其雄泉源百道雲根出
石淙詩鈔

卷之三

六

山澤一氣元相通古今豪賢此盤礴前有孫登後邵雍
泉山無恙典刑盡長嘯絕響行窩空潛菴近起慕先哲
壯不求仕今已翁身棲城府與邱壑葛巾野服無畱蹤
行隨溪月濯清影坐倚岩樹生高風有賢伉儷亦同德
婦也孟光夫梁鴻兒郎趨庭復善學忽見裘箕爲治弓
學成發解貢天子御墨親灑明光宮花封出應郎官宿
柏府歸乘御史驄賢錄勞後恩典七品封勅蟠雙龍
繡衣阿父孺人母義方果爾能收功猶懷定省曠晨夕
欲歸不得心忡忡朝來持斧按郡國節制遠行鄉邑中
晝遊車馬勿復道一日色養勝三公王正二月風光好

畫星下燭弧筵紅錦袍紗帽坐赫赫翟冠霞帔春融融
稱觴造膝視顏色再拜起舞還兒童捧檄之歡何足數
板輿况與嚴慈同夙興長跪聽教戒自古王臣當匪躬
公家有程不可緩攬轡一去馳風駿子行親意更怡悅
旋歸舊隱藏雲峰登高臨流抱遐想直於造物游鴻濛
由來至和召至壽看數甲子三千重親賢子孝兩馳譽
萬古泉山相始終

予往年以酒致疾因讀陶止酒詩竊步其韻定為三
分之戒且六閱歲矣入京以來朋輩以深盃相勸偶
不自制遂違初約而舊疾復作病自中深自悔之再

石淙詩鈔

卷之三

七

用前韻一首以識吾過追復舊戒斷自新春為始

中年因多疾止酒勢方止丁寧三分戒尙載盟書裏真
止效陶翁不飲慕蘇子汝志不自持而欲殉人喜譬如
剪荆棘種在時復起雖云不及亂已昧德將理昏昏病
目餘內顧真失己覆車鑒非遙不改斯過矣東皇轉嚴
律春陽浩無浹作詩尋舊盟剛制從今祀

疊韻奉答西涯先生

紛紛止酒人大半非真止所以知言者聽言窺底裏類
然醉夢餘惺惺者誰子三分以為節適意差獨喜活水
止方塘不為風濤起倚伏信有機消長亦常理由來匹

夫志操之本由己謔言良激予起謝命之矣君心軒虞
上渾渾難為浹而我尙須盟儀刑愧前祀

和西涯先生分獻星辰壇韻二首

大駕親郊出鳳城內壇分獻幾人行六宗本重三辰祀
萬里同瞻五緯明薦享德隨馨共遠登歌聲與器俱清
樞機轉運君能事天下人方仰治平

雲星彩照高城赤寫從容上界行萬象總瞻辰是極
九霄真助月為明文章北斗聲名重人物中臺地望清
備在豈徒勞奉幣似煩公德迓休平

郊壇陪祀和馬宗勉太常韻

石淙詩鈔

卷之三

六

萬里空明月正中遠瞻香駕出行宮乾坤百祀今咸秩
禮樂千年此折衷奉幣幾陪周洛盛賦詩非與漢汾同
不須太史占雲物已驗初春十日風

再疊止酒韻答馬宗勉先生

比辱和章莊誦遺體之戒追憶先太安人遺訓
惻然感之媿汗交集非至愛不及此用韻自訟
錄以拜德

陶侃初嗜飲以母戒而止飲不踰常限事者遺編裏事
天如事親顧養崇伯子憶侍先安人過飲輒失喜斯訓
猶在耳音容邈難起昔非養志賢今失敬身理恨無伯

俞杖引咎祈撻已及時不自懲後悔無及矣酒星天有象酒泉地有淚矢心天地間焚詩薦時祀

答劉用熙戶部

讀君止酒詩似欲止吾止達哉誠有見恐墮清談裏初篇極規諷厚意良服子倉卒張疑兵毋乃窺怒喜不聞軍中驚能撼亞夫起飲否各有存未究同異理張也敢相人參乎唯省己吾非草聖流前言戲之矣會波中冷泉遲子江之淚飽嘗玄酒味是非付干祀

答邵國賢郎中

適奉和章太過之說非所敢承而謹始之戒正

石涼詩鈔

卷之三

九

中僕病聞命悵然益知自厲依韻奉謝幸終教之

謹酒雖小德至善亦難止古來賢達人誰在中行裏吾方媿不及俛首曾男子望之不可至敢以過為適酒天豈無漸多自涓滴起先幾失禁防未流費疏理還思十年事芒刺真負己公言良博哉我風斯下矣茫茫止酒心因君得津液行錄止酒勸君當作元祀

答吳克温內翰

比辱高和語意深婉讀之慨然依韻一首奉謝非敢遂非也

湯武嘗聖人亦豈不知止作銘示深戒每托盤觴裏而况衛武公箴誦勤小子多言固害道無言誠可喜翻恐方寸路莽茨介然起不如托微言亦足闡至理語默各有宜幸勿分彼已重滋德將訓公其謂我矣化機無停運逝者寧有淚寥寥無言化仰止杏壇祀

再答劉用熙

得第二和章疑為閒語及得是詩乃知公固達生者以飲為高似亦有見蓋雖未能從焉而亦不能不羨慕之也再疊前韻以謝不敏頗恨聞命之晚幸卒教之

石涼詩鈔

卷之三

三

吾生不絕飲三分僅能止頗知醉翁與不在深盃裏勞勞塵鞅中達生幾失子酒本非深量而獨有深喜試教深酌之醉臥何能起君深軒岐術豈昧攝生理招之不可致欲往愁喪己吾亦任吾真先生且休矣浮生信有涯飲者豈無淚杜康已落寞而况劉伶祀

答吳飽菴先生

止酒和章甚多顧其辭旨不皆同雖契愛者或不以僕為然僕竊異之比得高作極感成人之美捧誦自慰初志益堅奉謝一首幸終教之止酒懼弗勇猶賴人贊止交遊無限情託之詩句裏言

人入殊惡飲纔數子餘或病吾止恐失麴生喜徘徊
昧所適詩訟器然起最後得公詩深契周詰理公本獨
醒人度物善推己把甌不能釋此志今定矣有如執熱
餘而濯清江浹願恆服公戒步酒如步祀

再答邵國賢郎中

止酒雖云美所美在能止彼美真止翁尙落空言裏以
美成人美嗟君古君子惟口嗜則同顧美胡不喜病來
豈美事累日妨臥起至美天界予形惟同一理中含外
斯達充之美在己一朝失矜持百美俱喪矣美瓊難爲
酬感歎日無淚願借美人盟竊比雞壇祀

石淙詩鈔

卷之三

三

候喬希大和章久不至而其僚友杭考功世卿張

驗封進之遽蒙和教用韻呈二公託爲問之

惡酒不絕酒未欲酒全止投詩以詩答愛託詩篇裏佳
句多杭侯深戒激張子氣類故相投感之心獨喜白巖
號知詩聰明數予起豈不因於酒解識斟酌理木桃報
瓊琚居然後知己公事無了期私燕今足矣憑君一問
之流光幾涯浹郊齊記同盟奄忽春丁祀

答張進之驗封

承八和陶詩皆嚴酒戒最後二章爲羣言所惑

始有他志且誤落已韻再疊一首駁之忙中之

錯賢者所不能免勿訝勿訝

春來作酒誓論難殊未止不圖同心人近在同鄉度高
篇託郵筒奔走動稚子應接已不遑把甌益自喜胡爲
三思餘他念顧籛起羣言雖博納所貴折諸理如聞陶
翁訴列人乃忘己醒醉日相尋方寸誠亂矣不須太好
奇漱石枕江浹請吟悔過篇絮酒供陶祀慶陽日止酒
十一篇因人
變化如韓白用
兵無所不可

送劉璧元分教玉田

燕山西麓海東潯故國遺墟尙可尋種玉田荒餘白壁
招賢臺古更黃金鳳麟有道逢時出桃李無言載路陰

石淙詩鈔

卷之三

三

各教自來多樂地一官何必定朝簪

送瞿大用分教貴州平壩衛

杏花壇是舊門牆世業月裘況未忘聽罷絃歌還閱武
教來行伍盡知方平生歲月供殘簡萬里風烟接故鄉
莫嘆窮經難用世也勝頭白因炎荒慶陽日以上二
首題小而詩大

吳匏菴先生宅看畫留飲遇雪歸途二首

一尊對酌此情真勝賞兼逢雪意新白戰壇高曾接引
玉延亭迴更風神寒簷落葉時時下老圃疎花樹樹春
却笑山陰中夜棹到門空返是何人

咫尺園亭不出城故人相憶轉多情豈知東閣尋詩興

翻作長安踏雪行銀海眩餘非世界紅塵消盡是平生
賞心莫更空觀畫只恐天機畫不成夢陽曰觀畫觀雪
偶遇而合更是天機

畫松爲神樂道士賦

玄都道士偶相逢不種桃花只種松歲晚烟霞不知處
擬隨黃鶴訪高蹤

郊壇陪祀有述

齋宮賜饌屏芳葦天語丁寧再拜聞閣道烟雲朝散彩
屬車龍鶴夜成羣夢陽曰二句如畫乾坤定禮園方合海嶽諸
壇望秩分霞識百神昭答意入春佳氣正氤氳

石淙詩鈔

卷之三

三

朵雲當夜捧行宮天地分明陟降中明德有馨神自饗
燎烟將合念先通班分玉珮懸孤月隊擁龍旗出半空
二十年前供奉日重來奔走愧無功夢陽曰
如畫

壽劉中書母夫人故閣老壽光劉先生之配也

老去潘輿樂未厭幾人榮與壽能爭中書門下身重到
申國夫人教本嚴裙布儉看封後著手機勒憶賞時拈
年年歌管稱觴地記取春風滿畫檐夢陽曰險
韻妥句

畫馬四首

世上孫陽不易逢千金浪說馬羣空豈知掣電追風足
不在驪黃牝牡中

獨立西風十二閑驕行顧影望奚官長稽短豆眞誰事
赤汗連錢苦未乾

天驕牧馬大河邊二載王師未凱旋約束龍驤三萬匹
將軍指日到燕然

曾相龍媒渥水還天精儲得在人間似聞聖主辭千里
莫論邊功啟玉關夢陽曰四首亦佳
恨辭不盡意耳

馮汝揚自內臺遷太原守詩以贈之

一夜東風到國門冰霜銷盡見春溫平生故有鷹鷂力
此去應多雨露恩心事幾人憂樂共循良千古典刑存
他年指點官曹事須向甘棠頌裏論

石淙詩鈔

卷之三

三

懸沈義士傳

偶從佳傳憶風神古道微茫未絕塵白首恥隨流俗態
黃金不作負心人清聲聽逐滄溟水義氣看回泰岱春
不獨中丞能表厲旌門有待降絲綸

新齋爲河間施太守賦

人心不盈掬利欲分交馳天德豈不明汗染逐物移所
以古聖人銘盤窩箴規大哉日新訓炳如雲漢垂君侯
世儒碩嘉各誰錫之憶當過庭初授簡有深期悠悠三
十載顧名時惕而大書揭高扁相對成嚴師中扁本虛
白不受一物欺斯理固昭昭彼昏胡不思忍令虛者塞

而使白者縉商書載不顯周雅歌緝熙君心耿不磨聖
域行可窺本深末乃茂庶事不足爲高山軼層霄仰止
恆在茲

遊西山詩引

引治辛酉春三月壬戌予遊西山李兆先徵伯
實治具以從同從行者開郡馬宗範成憲廣陽
劉釗德幾何春啓東肥鄉郭鄂于蕃太原喬宗
本大淮陰楊磐國安凡七人皆門下士也是夜
宿香山寺厥明循山麓而北登望湖亭尋呂公
華巖諸洞漱玉泉歷功德寺沿西湖岸東皇探

石淙詩鈔

卷之三

三

奇覽勝小大不遺飲酒鳴琴各極其趣予間有
所述輒爲諸君誦之衆次第屬和之抵暮入城
已大醉猶與徵伯遞爲句續然皆率意口占次
日不復能記而諸君乃哀輯之以請於予曰是
行也弟子獲奉杖屨庶幾暮春浴沂之樂焉不
可以不識也予笑而書之因憶往年備員侍從
與諸朋舊山遊登覽無歲無之自擢外臺以出
先後幾二十年兩以公務入京亦嘗定約以往
輒爲他事所阻比還朝又二載公私糾紛竟未
能成約此行稍慰平生而曩時同遊故人無一

與偕者予又領南都太常之命戒程有日此別
不知後來當復何似言之悵然喬吏部希大亦
與此山知己蓋汲汲倡予爲是行者而適以改
曹文選公務方劇不得偕往故予於聯句及之
其辭其意兩有憾焉非湯爲笑也後二日甲申
石淙某識慶陽曰西山諸篇勝
它作江山之助歟

初到西山口占示同遊諸君子

偶向名山慰所思幽尋已是隔年期一春風雨清明後
滿目鶯花爛熳時老覺同遊非故侶笑看殘壁有前詩
相逢得意憑開口莫爲迂疎引興遲慶陽曰更
欲何言

石淙詩鈔

卷之三

三

二十年來別此山勝遊隨意且開顏雲林隙地僧俱占
春水扁舟客未還花鳥不須愁漫興烟霞空自暮真閒
登臨我已非年少頗覺丹梯不易攀慶陽曰感慨與劉
出老遲此意
默會可也

夜宿香山寺

昏黑來登氣轉豪磴雲梯石不知勞望餘臺殿諸天近
歷盡藤蘿上界高池帶月形相掩映寺圍山色故周遭
樂天舊社名應似欲賦無能媿我曹

望湖亭示諸生

家住西南本愛湖登臨未覺此身孤乾坤顛仰還高下

魚鳥飛潛乍有無雲夢可吞應待子滄浪如濯未妨吾
浴沂童冠真誰是猶自臨風詠舞雩

華嚴洞聽琴贈何生啓東

步入深巖醉復醒坐來幽思轉泠泠數聲皋鶴在遠灘
千疊水雲浮洞庭調裏溪山心自語城中箏笛耳差聽
鍾期去後知音少莫怪齊門眼未青

湖上作

湖光入望寺門前淺水平河斷却連對景不妨詩當酒
傍溪聊藉馬爲船及時不樂真徒爾此景逢人亦偶然
淨洗渴塵三萬斛舊遊重續定何年夢陽曰天下事皆如此

石淙詩鈔

卷之三

三七

西山雜咏二首

十里長堤一掌平野田溪草正縱橫青山遠映秋雲薄
紅樹疎含夕照明細荇牽風浮不定落花隨水去無聲
幽人合是忘機者傳語沙鷗莫浪驚
夕陽紅樹遠平邱極目乾坤萬里秋自是閒官堪適興
不須吾土亦消憂幽崖礙日懸青蔓高閣憑虛瞰碧流
咫尺洞門無路入野雲孤鶴爲誰留

送郭于蕃之英山

宣尼嘆剛者謂見不可得世遠俗益頽柔風轉充斥趁
起昧所如偃僕成局踣嗟嗟患失徒名教奚暇責君懷

誠磊磊觸之動激烈胷中百千卷瀾倒無窮極平生凌
雲氣丹崖迴千尺瀾步信周行俛仰無敵側臨民甫歲
期政聲已輝赫清明照幽隱嚴霜剪荆棘闔境稱神明
山移判不易肯貪五斗粟而受人挫抑靡然風塵中高
標挺孤特吾聞先民戒吏太剛則折矯枉固足多過正
翻可惜君看夸毗子簞豆不奄色特剛顧成戾與彼同
一格君年倏已彊世事飽經涉而況先府君令儀固不
忒門牆夙通家敢視如秦越我非教君語亦豈欲君默
願持忠恕心應物推矩絜願爲循良吏恫瘝念淒惻勿
完以近名勿訐以爲直謙勤更果斷是乃剛之德君今

石淙詩鈔

卷之三

三

英山行我亦金陵客公家有程期一燈話離別沉沉春
酌夜從容露肝膈壯哉扶搖圖高舉振六翮此意君自
知多言亦奚益

再書于蕃扇

新水官河彩鷁輕送君無奈別離情舊時桃李先春色
老去松筠獨晚成千里山川還赤縣百年憂樂是蒼生
箴言不盡通家意又託清風贈遠行

留別贈太常崔卿

太常登簡屬才賢公在容臺四十年位重自應兼禮樂
形清無乃是神仙官曹不獨齊明地奏對長瞻咫尺天

却愧鷓鴣初接翼，爾詩翻恨向離筵。

補送都憲安成張公督運還鎮

文皇北狩開洪基，古之燕薊今邦畿。官河舳舻挽飛粟，歲四百萬供京師。直從三湖到瀛海，四十餘閘中透迤。雖云恭襄擅勞績，廟算天假非人為。漕規百年漸成敝，民財已盡兵兼疲。豪門貨券不知數，公廩未入私逋追。姦人復此恣漁獵，罔念膏血成塗泥。君王聞之重悽惻，曰此瘡痍當底綏。詔求經濟起頽廢，公名首應朝堂推。都臺舊豸許重渚，先聲忽滿清淮湄。寒帷問俗布新政，風霜雨露無偏私。人言更化先將領，疏屏庸瑣將無遺。

石涼詩鈔

卷之三

三

明揚才俊給任使，數月威令如飈馳。高山虎豹莫敢狎，精采一變非前時。疲氓傲卒總生氣，昔者戚戚今嬉嬉。朝廷綱紀藉臺憲，頗恨吾人翻壞之。姑息之風滿天下，漢家三尺空然持。剛者矯枉不達變，志固可取終何裨。不然淫刑肆屠刈，忍寡人婦孤人兒。公柔不茹剛不吐，寬嚴兩酌還平施。淵魚苛察豈公事，權度在我誰能欺。漕司政務亦填委，老匠坐授羣工治。如身使臂臂使指，大綱一舉萬目隨。安得皆公撫諸鎮，頓使赤子回春熙。嗟予關中舊分憲，莅公節下叨公知。迂疎未敢辱同調，頗覺氣類元相宜。公今入朝，天顏喜縮紳動色。瞻風儀

太常閉曹無報稱，却望賢勞增怙怙。秋風冠蓋送歸鎮，把酒欲賦難為辭。似聞臺省虛公位，尙爲淮人歌去思。

丁祀齋居用韻奉答少宰楊碧川先生

南雍釋奠遣官行，少宰名高冠列廟。典禮故應藏太史，絃歌元自隸司成。衣冠坐與神明接，金石聲諧鳳鳥鳴。却望廟廷奔走地，宮牆數仞不勝情。

行釋奠禮用前韻

玉璫鏘鏘次第行，兩堵鵠立半公卿。禮將明水還三獻，樂奏簫韶又九成。道上宿氛當夜盡，空中靈籟入秋鳴。

石涼詩鈔

卷之三

三

金聲玉振瞻依地，不盡登山望海清。

八月十九日有事於雞鳴山禮成夜過林見素有作

肩輿乘輿叩君居，漏下高城四鼓餘。坐擁明衣香尙在心，通盼蠻敬初舒片言却比千金諾。奇事須煩巨筆書，起看月華成久佇。不知涼露濕襟裾。

送王司徒提督貴州軍務

萬里車書棘道迥，夜郎何事阻華風。我公舊有綏懷畧，此去休論戰伐功。八部蠻烟行處盡，盤江春瘴洗來空。都勻白骨憑誰念，風雨啾啾恨未窮。

送龍山王諭德先生至南畿鄉試還朝

帝都論秀兩京同無限英才入彀中科第早魁多士選
文章今擅一家雄門牆桃李春生色藥籠琴琴晚奏功
歸路江山莫畱滯東朝勸講正須公

送侍講劉司直先生

舊京求士有封章詔進儒臣下玉堂收盡英才唐陸贄
變來文體宋歐陽中州正派分河洛南國重遊識鳳凰
畱取平生華國手山龍看補舜衣裳

和楊碧川先生寄姪志仁詩韻二首

喜擬授吏部擬志仁
常陸知府

石淙詩鈔

卷之三

三

遷客生還聽好音極知來復是天心名於宣室才人重
恩比英州別駕深身老尙餘腸似鐵官貧唯有帶紆金
新蒲細柳年年色畱取風霜向晚林

慰解綬

十年局促笑駟滿目黃塵未掃除白首還鄉元不錯
丹心憂國恐難祛生無毀譽非夫也道有行藏是命與
多少蒼生望公起未容日與世緣疎

絳州張氏忠孝卷

乾坤大義明朝暎寸草葵藿猶知恩封人賜羹遺慈母
野老食芹懷至辱頹綱尙憑一綫舉砥柱莫障東流奔

善哉河東張氏子長卷三歎淳風存

孝陵殿供祀一首

采雲高覆殿西東聖祖分明陟降中俎豆四時陳玉醴
鼎湖千載閱元宮山川合有神靈護草木猶知造化功
獨向爐烟深處立不勝惆悵泣遺弓

壽致仕徐司空七十

職方門第早清風遼海曾收保障功歸去位加新太傅
年來人憶舊司空東山杖履追遊外洛下耆英繪畫中
管取遐齡自千百白眉老子更方瞳

送潘都憲總鎮兩廣

一官兼控廣西東兩鎮山川節制同定有風聲先嶺嶠
早知兵甲富胷中天低百粵星辰近日射重江霧雨空
不似開邊遺養寇恩威隨地有膚功

賞梅和韻

一樹橫斜半帶烟坐分春色入新年風標元是竹松行
題品肯教桃李先對雪尙懷東閣裏尋詩兼到北枝前
太常門地清如水復恐清魔攪夜眠

壽延平劉司空

京華少小接門牆坐裏春風久未忘一品官階仍保傅
幾人經濟更文章自憐直道逢明主天與完名歸故鄉

合遺優游還上壽看攜鳩杖謁朝堂

陪鄉友遊城南山寺

城南風日山南寺此興元非在酒殺我病三分仍淺酌
君情千載是深交孤雲過眼逢今雨倦鳥依人失故巢
莫怪投簪心未改山林應恐有書嘲

大風

蜚廉怒逐雨師過大塊無端噫氣多木拔瓦飛嗟爾甚
江翻石走奈人何蘭臺快憶襄王賦茅屋愁生杜甫歌
更是長安淫雨後蒼生疾苦為誰摩

寄慰熊司馬

石涼詩鈔

卷之三

三

望盡長江一柱深宵隨波浪共浮沉青山似入年來夢
白日真懸老去心載貨久知非馬援殺人元不是曾參
眼前休道相知少猶有清風解賞音

次見素韻賀喬希大擢官太常少卿

要途遷秩更仙卿珍重明言戒官成復恐聰明非少日
豈應溫飽是平生百年郊廟馨香地萬古中和位育情
莫道朱絃真絕響遺音猶自待人鳴

和鄭亞卿廷綱雪詩韻

一雪長安落未銷即看暮暮與朝朝人家頓失昏明候
野色全迷遠近橋官樹有花開欲滿紙窗多罅掃還飄

只應共作豐年慶無問山林與市朝

石涼詩鈔

卷之三

三

石涼詩鈔卷之四

明安甯楊一清應甯著

門人北地李漢

武功康

海編輯

入關 弘治癸亥八月奉命督理陝西馬政

手提文印七年還五載乘輅又八關化雨三千秦子弟
秋風百二漢河山恩深欲報無遺力位重非才有厚顏
却望華峰仙掌近丹梯何地可躋攀

殿撰康德涵謁予平涼行臺

一疏承恩出禁闈入關人道狀元歸光生梓里明宮錦

石涼詩鈔

卷之四

一

春溢慈顏坐暖暉盛代科名真不忝平生忠孝莫相違
瓣香綠野憑君問遺緒誰尋一綫微武功有綠野亭書院宋橫渠先生講學處也

當年劍氣欲橫秋高價深藏不待求冀北千金收駿骨
關西多士有龍頭板輿華髮自春色白日錦衣非夜遊
最是相過重相別一樽何惜更淹留漢陽日二詩深穩

與常承恩御史夜話思亭和韻思亭鞏昌行臺亭名承恩因以為號

夕亭深坐不勝思却喜高情不廢詩鐵面風生行部日
驚車雨過捲幃時十年交誼孤燈在一夜離愁兩鬢知
同是天涯羈旅客別君翻恨見君遲

一日三秋費夢思君何止愛君詩百年青眼相看地
萬古朱絃未絕時樂事尙慳春又去好音如到鵲先知
歸途更有追遊願猶幸瓜期兩月遲

次西涯先生贈別三詩韻

善人有先憂所憂非為家樂先憂乃後俛首空自嗟閭
閻日困做不獨緣干戈民貧賦益急未老成衰誰當
延上醫為民起煩痾浮沈亦何難恐為識者呵豺虎塞
衢路行人敢誰何吾身已許國而暇卹其它改絃鼓新
調覆轍監前車非公不及此望公意無涯

官程日西邁所至皆第宅端居感時事不寐耿連音羈

石涼詩鈔

卷之四

二

懷勿復論有身孰非客顧非專制才能辨此勞劇區區
一寸心徒自為形役蒼生固一體戚休本無隔願皇布
明令為遺天下食

小小翻秘書天恩許逢觀中年走塵鞅恍若飛絮亂光
陰能幾何今歲復強半知音良難逢不覺成繾綣遭時
無寸補給廩猶旦旦君看邊庭信願託南來鴈

弘治甲子冬十二月北虜大舉入寇有詔臣一清

經畧防禦兼理巡撫受勅之明日督諸軍赴邊

拜罷綸音便啓行邊頭豺虎正縱橫非才敢道寬西顧
勅詞云使朝廷無西顧之憂斯爾之能 伏節安能避北征將士幾人稱善

110 mm 21 1.32

254

戰關山何地是長城主憂臣辱心應苦愧有涓埃答盛

平夢陽曰

臣一清上章乞解巡撫不允且有才望素著之衰

感而賦此

南北馳驅欲二毛一官負乘使心勞封章未荷天恩許

才望兼承帝旨哀潦倒邊城三駐節笑談樽俎一揮毫

經營土馬歸來日不覺秋風生戰袍

一清既被命巡撫仍不妨馬政

經畧官仍馬政兼腐儒偏荷寵恩沾錦雲尚愧秦非子

兵甲難希范仲淹一簣遠隨行處進千鈞重覺擔頭添

石洪詩鈔

卷之四

三

不才遭際真逾分物論於人恐未厭

夢陽曰三詩堂堂之氣

送總制秦公四首

老臣承詔起安攘早有威名動一方帳下三年開虎豹

關西千里壯金湯近看肅敏無多讓遠比希文有耿光

昨日彤墀獻圖冊雙龍天上捧宸章

夢陽曰凡大題日詩使佳大人難以

小知

修疆有補更何疑已省防邊數萬師多口不憂羣小愠

一心惟結九重知終然怨去恩常在管取名高福亦隨

不用笑談能却敵姓名元自繫安危

平生勲業半籌邊老去仍都將相權自有胷中兵十萬

不勞門下客三千風霜不改中丞操甲子看登尚父年

夢陽曰中丞尚父的對天下蒼生方屬望封章莫更乞歸田

達人謾說開邊苦善戰何如不戰高往事分明成覆轍

我公端的是人豪成功不受黃金印直氣猶橫繡多袍

要識名門多慶澤君看老鳳有新毛

送季體仁御史還朝

纔看持斧下秦川不覺瓜期是隔年已向風塵看玉立

更於議論見河懸家聲西晉青雲舊人物中朝彩鳳騫

多少封章疏民瘼早囊應徹冕旒前

相逢聊得話相知猶記天門抗疏時到處陽春元有腳

石洪詩鈔

卷之四

四

平生白筆本無私冰霜道路看行色風采河山繫去思

留取胷中兵甲在不妨談笑卻羌兒

夢陽曰二首優

曹生謙侍坐命書五韻賦之

丑春

旋分新火試新茶不覺高城已暝鴉萬里一身真許國

五更孤枕忽思家雲霄舊路懷歸鳥風雨閒庭見落花

何物儻來何足道愁心翻逐事權加

偶述

垂髫謁紫宸四十一回春年如下坡路身是未歸人故

國青山舊窮邊白髮新世情自翻覆吾獨任吾真

成以

丙戌被薦入朝至正德丙寅凡四十年矣

聞河套有警

百二秦關故可憑，延寧千里險堪乘。
黃河下遶還成套，虜騎冬來慣踏冰。
塞上烟塵嗟未息，胷中兵甲媿無能。
粟芻山積君休羨，民力年來已不勝。

豫旺城

冰霜歷盡宦情微，又上高樓坐夕暉。
野草燒餘邊馬瘦，塞屯開盡漢兵肥。
沙場估客穿城過，草屋人家罷市歸。
不謂荒涼今得此，當年肅敏是先機。
余肅敏首建城守之議，越二十年守始成之。夢陽曰：此首似劉長卿。

固原道中

石淙詩鈔

卷之四

五

金湯千里鎮稱雄，十萬貔貅指顧中。
戰馬嘶沙苑月，征旗晴動塞垣風。
陽和漸喜回春律，精采新傳得總戎。
為語邊民須按堵，邊塵回首掃除空。
時新易主將

寄馮汝揚

時汝揚以太原知府遷山西副使

郡侯新擢監司，上品秩雖同地望高。
入坐忽驚臺有栢，呼童重剪豸為袍。
四知莫夜元難入，三尺閻羅更莫逃。
所喜向人腰不折，好官非厭簿書勞。

題畫六絕句

閒行出東郭，春風到花鳥。
時哉勿復驚，於今網羅少。
野老看山坐，風雲日日新。
青山渾不語，看盡古今人。

幽泉出谷鳴疏竹，和雲長微吟坐開襟。
梧桐月初上，幽禽借高枝。
非愛香與色，風霜一寸心。
歲晚應相識，猗蘭久不作。
行路誰知音，便須紉作佩。
與子結同心，萬卉皆顏色。
幽花性所宜，年來雙病眼。
猶認傲霜枝。

遊崆峒山 自序

予往年提學陝西，凡六過平涼，望崆峒之勝而未之能遊也。既遷太常，以去頗自悔。弘治癸亥奉命來總馬政，行臺在平涼，私心自喜，若以為天假之者。越四年始克一遊焉。賦詩得三首。

鼓吹泠然出半空，上方雖遠路能通。
青龍冉冉歸雲洞，石淙詩鈔

石淙詩鈔

卷之四

六

碧草萋萋問道宮，萬里關山長作客。
百年天地忽成翁，欲尋仙跡茫無地。
古樹殘鴉夕照中。
歸雲洞名

直上名山最上頭，分明人境有瀛洲。
鳥啼花落歲復歲，樹轉峰環幽更幽。
舊事人誇翻自笑，茲行天假不須求。
向來赤日黃塵裏，一濯清泉解我憂。

一日閒行歷翠微，十年心賞恨多違。
青天早鶴乘風下，古洞蒼龍帶雨歸。
林密鳥聲晴聒耳，山深嵐氣午沾衣。
馳驅未了公家事，莫更桃源問是非。
夢陽曰：三篇並佳。大作深山之嵐，午猶未消，惟入山者知之。

野營夜坐

旌旗行擁萬籠貅玉帳從容坐運籌鬢有二毛因國老
心無一事爲身謀柳營星散沙場夜雁塞風高鼓角秋
但得烽烟無警報書生非是愛封侯夢陽日好詩

花馬池一首

萬馬踏平蕪天兵此備胡塞深沙草白城迴戍樓孤笳
鼓連營靜風烟隔歲無要和長治策經畧有新圖

邠州與喬希大夜話贈別

希大太常奉祀西行至蒲州予折簡招之會於
邠州留閨宿仍以別告時王虎谷應韶實與偕
至空谷足音喜慰可知公家有程義不可復留

石深詩鈔

卷之四

七

懷抱艱縷殊不能盡爲之惘然使再留旬日
情亦不能盡也希大出松露鄉先生所贈詩卷
漫賦三章識別希大大父侍郎公初爲給事中
亦嘗奉祀并晉故予言及之

一統神天祀事修近臣將幣總儒流皇王河嶽歸成秩
秦晉幽并托勝遊兩世精禋還此地十年懷抱已全酬
獨憐千里相過處尊酒剛爲一日留夢陽日此一首太實
行臺深鎖一燈明坐聽高城報五更今夕何夕見吾子
似醉不醉令人驚青山夢裏歸未得白髮年來添幾莖
不須更問投簪事愧有尺寸虛平生

千里緘封次第裁忽傳好語自東來留懷似爲龍門壯
客抱兼因虎谷開禮樂正須經國手勳名庶念濟時才
臨歧鄭重休相負明日相思首重回

送何子元郎中還朝

西涯門下盛英賢親見風標自少年策有治安頻叩閣
才多經濟幾籌邊向來濶別胡爲爾此日重逢豈偶然
關塞江湖俱萬里從君爲借遠遊篇

過盡青天白雁羣一冬沙嶺正懷君相逢夜酌燈前雨
惜別春停隴上雲前輩風流還故武本朝人物更斯文
羽書未報三邊捷坐論煩君策茂勳

石深詩鈔

卷之四

八

送王元愷堯卿二首

猶記通家自昔年一燈深語重留連極知風教因時盛
不獨文章與代遷歲月忽驚春又晚聰明應愧我非前
如聞逸少多才俊又看朝陽兩鳳鸞予與元愷父良弼
爲吳逆友其弟元

公元亨皆負才鄉
用將並顯於時
向上功夫合與誰先民遺論重著龜身心以外元無學
風雅之餘未足詩明道也曾親吏治河汾徒自號人師
極知道理平鋪在時止時行莫更疑

寄贈李叔淵方伯

四海瘡痍苦未瘳先生隨處有先憂如何沐省三回至

不為清澤歎或留錯節盤根知利器清冰苦槩慕前修
三秦亦有雲霓望經畧時方急遠猷

次涇陽公署壁間韻

西來騎馬更乘船歷盡名山與大川命駕心情於我厚
八關詩句自人傳沙頭汗漫春添水城上青蒼嶺帶烟
今日見詩君不見空勞魂夢夜燈前

贈喬白巖王虎谷

白日虛堂燕坐時晚風簾幙翠雲垂飛花似與歸心急
啼鳥偏增客路悲身歷風波自保眼着蒲柳嘆吾衰
白巖虎谷相逢地若為山川共闕奇

石淙詩鈔卷之四

九

出關正德丁卯五月欽准謝病還江南用入關韻

九重優詔許東還行李蕭蕭又出關塞上風塵新白髮
江南松菊舊青山祇因多病偏成老可是先憂未解顏
若遺身閒還復健丹崖翠壁尙能攀夢陽日前詩以憂國老此又言以多病老所謂易

地則皆然

贈賈拱貞

時予以病乞醫禮部題奉欽依行取拱貞隨軍治療

十年仗鉞鎮天山戎事憂勞減舊顏聖主垂恩憐老病
國醫乘傳入秦關心同卜式輪邊去身似相如衣錦還
四海瘡痍今滿眼憑誰一化慰彫殘

阻雨野泊蒙縣村中

溪雲壓船白晝昏猛風急雨聲相聞倚蓬繫纜不得發
望裏炊烟何處村河流勢急如貪海沙衝石走成塊磊
剛道雨時禾黍秋翻愁河徙桑田改石淙病夫裏頭眠
思鄉真以日為年流行坎止信有數村醪山款聊隨緣
夢陽日佳篇

渡江

五月輕舟夜渡江潤州遙指是鄉邦揚帆巨浪心猶在
擊楫中流氣未降老去自應親骨肉病餘聊得謝紛龐
山川無恙賓朋在却笑歸人短鬢雙

石淙詩鈔

卷之四

十

石涼詩鈔卷之五

明安寧楊一清應寧著

門人北地李夢陽
武功康海編輯

開徑

分符仗鉞幾登壇歸去豈關行路難性本迂疎非用世
身多疾疢合休官閉門未赴鄰翁約開徑聊隨稚子歡
天地國恩慚未報夢回雙闕可能安夢陽日用世之志
雖老不衰然恬淡
之趣
少矣

雪景長句禁體

石涼詩鈔卷之五

老狂醉圖三尺帛不圖麗景惟圖雪高堂六月寒逼人
不似常情附炎熱玄冥令嚴何栗烈疑雪盡昏天宇黑
行人有口不敢開面皮皴破足爪裂古木鱗張矯欲騰
峭峰壁立危難越徑滑猿猴不得上水冷鯨魚未堪掣
鴟鴞飽肉鷗鷺饑咫尺悲歡各差別市肆忻揚得估帛
山橋懼失歸商轍東郭先生履尙穿谷口負薪休更說
行吟坐嘯者爲誰目盼南枝自怡悅詩髭欲撚冰先斷
琴指未揮絃已折世間豈少清曠士不獨廣平心似鐵
向來憂樂勿重陳且聽農兒頌宜麥敢言爲瑞不須多
自古豐年兆三白

睦拱貞所藏沈石田山水二圖

可人對局開畫圖索我賦詩如索逋亦知二者皆戲劇
况乃聰明非故吾少年山水興不惡老大一官成束縛
石田神交未識面仰睇高鴻雲漠漠布袍芒屨烏角巾
無乃斯人自寫真誅茅結屋占幽僻有腳不踏長安塵
濃花萬點亂晴晝好鳥數聲啼暮春嗟予謝病不出戶
對此稍覺怡心神局終詩就畫亦返清風徐來白日晚
夢陽曰二句願君拂拭頻借予爲洗煩襟豁雙眼
夢陽
廷徐有味願君拂拭頻借予爲洗煩襟豁雙眼
夢陽
田稿中長篇惟此以下四篇爲最以格
之高也夢陽曰二篇似杜後篇更好

石涼詩鈔卷之五

畢竟未奪丹青長山高水澗鳥飛盡叢杉集篠迴林塘
蓬門蕭蕭絕車馬落葉不埽苔蝕牆松根兩翁相揖讓
狀貌奇古鬚眉蒼豈無王猷棹剡曲或有孺子歌滄浪
育菴好畫真成癖用光割愛不自惜楚弓得失皆吾人
寶劍烈士非輕擲白石清泉無處無世有真樂寧在圖
青鞋布襪誰爲侶吾已拂袖歸江湖夢陽曰憶
慨豪蕩

錢宗玉所藏王元章墨梅

吾聞王郎傲世者白眼看人氣凌駕平生好爲梅寫真
一幅未論千金價古枝樛曲老不凋渴龍下吸長江湖
微雲墮空成點綴清風近人疑動搖夢陽曰二句世間
與梅同神

尤物信不妄意匠無乃經營勞何遜林逋俱已矣冰姿
玉骨無知己鐵心石腸徒自許此圖零落知幾年錢侯
愛之入骨髓君不聞物之顯晦良由人浪傳仙筆能通
神

題閻允德畫贈孫廷賢

閻生拂袖歸隴山風韻盡落毫素間夢陽曰起句好甚黃花棊

竹傍幽石嫵媚恥爲桃李顏初疑羣仙出閨苑金冠絳
袍相追攀又如壯士挺高節直教閭闔呈琅玕丈人坐
愛兒女拜氣岸俯視千嶺岼當時下筆亦偶爾至今尺
紙迴波瀾夢陽曰四句氣壓百代南徐孫生號奇士爲道畫意非

石淙詩鈔

卷之五

三

無端豈徒狀氣兼比德人情物態元相關我公功成合
心退小子終當托肺肝愛生賞識爲生贈莫遺肉眼紛
相看願言對此成三益共保貞心盟歲寒夢陽曰亦是杜格

聞屋舟先生初度走也浴德有素尙阻登堂感怵
之私徒深頌祝敬成長律用代壽觴之獻情愧乎

辭

鷺花滿目慶長生未到賓筵意已傾瑞祉載回南極彩
德星羣集少微明詩才直與春爭麗心地惟應水共清
濃淡墨花聊適興深淺杯酌自陶情探奇偶結桃源契
避俗頻尋綺里盟橋井因多猶世業屋舟跡古更時名

鏡顏華髮添來少火候丹砂養欲成青以倚龍觀月嶠
玉章傳鶴聽風笙沙頭鳥狎忘機客石以泉流洗耳聲
杏渚春林栽後實菊餐秋圃落時英堂前荆樹應常茂
階下蘭芽已競榮絃管沸庭歌雜沓斑斕繞舞舞崢嶸
笑看阿囷呼郎罷謾說錢鏗祖大彭八座香雲飄羽帳
半空涼露浥金莖南山松柏年俱老東海塵埃望屢驚
三世通家孫又子幾人異姓弟還兄願從芳社聯佳約
擬共康衢話太平記取重三前六日長陪仙侶醉蓬瀛
夢陽曰此詩平正

何君竹逸持此圖爲憚君雪江壽索予賦之

石淙詩鈔

卷之五

四

小仙酒酣圖老翁神氣炯炯雙方瞳粵從西池謁金母
錫以一粒蟠桃紅憚君家住大江東瀛海咫尺蓬萊通
生辰開宴集賓客正及春王正月中願君眉髮如翁白
啖盡山桃種其核一年一宴三千年看桃開花更結實
夢陽曰此篇如半醉拓戟意氣逼人

與陸拱貞張宗義手談限韻

閒把春情伴局棋更排孤悶爲裁詩病來盃酒交歡少
老去鷺花引興遲芳草到門還舊色夢陽曰浮雲過眼妙句
亦多奇凭欄無語悠然坐心事唯應野鶴知夢陽曰好結
題畫送上國賓

楚物偏宜贈楚人月明霜白楚江濱
歲寒采摘俱堪賞何必秋蘭獨可紉

采采黃花歌竹枝湘雲楚澤夢中疑
十年塵土天涯道

歷盡風霜是故知夢陽日此首佳

送張宗義之浦二首

作別本無近為情俱可憐不知從此去
明月幾回圓夢陽

日此首佳

我病勞相慰君胡復此行停雲未足論
須念倚門情

沈石田山水為南京守備劉公賦

金陵古稱形勝地我祖開邦作之對
石城鍾阜龍虎蟠

石淙詩鈔

卷之五

五

長江西來渺天際雨纜風帆日夜浮
層臺傑閣烟花麗

雞鳴牛首信幽絕我昔追遊心欲醉
蘿攀躑躅不可窮

更指深叢向蒙翳雲水長和島嶼青
衣襟半染嵐霞氣

十年奔走徧西極南國山川徒夢寐
歸來臥病不出門

偶然見畫依稀是石田老翁人品高
平生落筆皆風致

此圖經營復精妙冥想立搜入心記
細觀崖石有親題

始信翁年八十二潦倒人間毫素流
惡石繁枝莽兒戲

聞翁近年不苟作至寶若為乾坤秘
臨汾劉公好事者

公餘講學兼游藝會勸書幣走三吳
巨卷長辭亟相寄

謾誇人以畫為珍豈知畫後因人貴
倦指雙眼一賦詩

詩不稱圖觀自媿高天素月留餘彩
落日長風發青吹
祇緣神物難久留什襲遺公附郵使
夢陽日大作

戴文進畫五絕句

江湖心事自年年日暮風波或偶然
高卧滄洲看江月

中流猶有未歸船

平生山水與不惡都向無聲句裏尋
合有高人擅幽獨

野橋行子定知音

江南山水故清妍何處嵯峨勢插天
曾向太行高處立

分明山脚起雲烟

飛泉噴石四時雨細柳新蒲三月風
好是江南佳麗地

石淙詩鈔

卷之五

六

烟花臺閣鬱葱葱夢陽日五首此一篇勝

人人解道靜菴畫肉眼誰知履與眞
君看芙蓉出霄漢

霜臺眞箇可通神

送劉舉人倫

蓬門驚見玉人來有客緘書下鳳臺
別後幾年勞客夢

病餘雙眼爲君開交游骨肉平生念
文武衣冠伯仲才

男子要爲天下士宮花看映曲江杯

補寄錦衣千戶劉君儒二首

故家門閥重臨汾服武平生更好文
三箭龍沙曾相我

一編黃石喜逢君江湖歲晚飛鴻盡
關塞秋高落葉聞

幾度懷人不成寐緘書聊得慰殷勤

江雲迢遞隔秦川却憶談兵自昔年老我疎慵招物議

羨君才畧是家傳功成俯拾金吾貴興到高吟白雪篇

黑髮勳名從此始莫將心事媿前賢

送唐雲卿之臺州推官

丹徒唐君雲卿去年舉於鄉連得進士未幾有

臺州府節推之除便道過家拜其父母兼畢姻

事一舉而眾美具焉樂可知矣將之任予以通

家道誼之雅為賦二詩賀且餞之

五雲釋褐聽鳴珂畫錦歸來樂事多載路爭看新進士

石溪詩鈔 卷之五

七

填門兼賀小登科仙橋駟馬題猶濕春酒高堂髮未皤

不盡通家桑梓意相逢無幾又離歌

祈天一脉是祥刑三尺何曾廢六經設道書生終讀律

早知家學自趨庭蕭蕭紅藥鳴秋籟采采黃花薦晚馨

東望赤城應不遠政聲須向口碑聽

解印歸來畫掩扉老懷真與世相違科名後進呼前輩

壽算今年過古稀合向椿庭誇五桂早從家世慶重闈

小春天氣華堂燕白日清尊照錦衣

相過曾泛剡溪槎京口毘陵路不賒看竹長懷蔣詡徑

開樽欲醉陶潛花榮名過眼祇一夢至樂如君能幾家

欲向長生問消息要看滄海生桑麻

贈句容尹劉德機

少日風雲起筆端燕臺門閣舊衣冠讀書只說為官好

用世方知作縣難文獻地應先禮讓催科心合念彫殘

牛刀亦是尋常事須向盤根錯節看

西涯門下託交親又作傳經問字人老我平生曾造士

喜君才調獨宜民清風莫夜庭如水赤縣謳歌脚有春

桑梓句容應咫尺思君安得見君頻夢陽曰此上九首皆堂堂之作

沈石田三吳山水卷

職方有數名具區三江之雄五湖腴碧桃萬頃玻璃色

石溪詩鈔 卷之五

八

生意頗仰隨鳶魚千巖萬壑共拱揖林木葱蘢蒼烟集

翠微依稀入空莽茅堂生苔土花澁洞庭山連明月灣

柳枝蘸水濕不乾石路縈紆穿細嶺陰風浙瀝生高寒

固知開鑿自天地雖有雞犬非人間有誰獨往占幽僻

孤松鎮日相盤桓有誰臨流不洗耳仰面踞坐聽潺湲

有誰輕舸泛寒綠酒酣耳熱回朱顏高山一曲不可和

丹崖千仞難為攀我生足跡半南北長載圖書隨傳驛

吳帆三挂不一遊老大追思空太息豈應好事不相逢

或者山靈闕題籍誰為此圖石田翁病眼摩挲似粗識

谷口浮雲乍有無澗邊野草仍蕭瑟此翁胸中富山水

與到不待相督迫鑒賞再遇今劉侯此卷此人非偶得
并刀欲剪恨不能詩成畫去長相憶夢陽曰亦以格高
又曰好篇末句脫

錢舜舉漁翁樂趣圖

漁翁樂漁翁樂祇向烟波寄生活長江水明魚潑潑八
手不厭霜刀割前村老嫗新醅酸沽與妻兒恣歡謔世
間萬事耳不聞兒啼嗥嚼猶苦賸兩舟結鄰自來往翻
笑屋居真束縛嚴陵羊裘不無心渭濱後車那可奪江
淮以南留魯多五湖三泖皆風波漁翁之樂樂如何擬
樵山中懼豺虎欲耕戶外愁征科黃蘆瑟瑟秋風滿何
石淙詩鈔 卷之五 九
處寒江無釣蓑漁翁之樂不用一錢買請君試聽滄浪
歌

雲津書院詩卷爲太和劉教諭啟賦

乾坤靈氣融爲川舊緒漫滅今猶傳萬古綱常水行地
一方人物龍躍淵學如前輩直希聖澤裕後昆多象賢
便合爲雲雨下土九五時乘方御天
前輩日以遠斯文今在茲龍淵擅奇勝書院有遺規補
袞眞華國爲霖合濟時要知堂構意卷裏寄深思

遊茅山雜作

出郊

向來塵慮已眞拋一卧經年始出郊天下華陽稱八洞
人間福地是三茅病求仙木聊充餌老愛雲松願結巢
夢覺迷途自茲始北山猿鶴謾相嘲

曉晴出遊

十日窮陰始放晴秋光經雨更分明丹梯路接二峰近
捫蘿攀蘿取次行夢陽曰所謂
何天之靈奇

坐上官道房

瑤堂正對大茅峰一日閒行萬慮空青鳥夜歸元圃月
碧桃春綻玉臺風上方樓觀天應近古洞蓬萊路或通
更欲尋仙還自笑夕陽芳草茂林中夢陽曰此等句足
破百世迷仙者之

石淙詩鈔 卷之五 十

華陽道中

望入華陽路青山與世分漁樵坐相語麋鹿畫成羣夢
陽曰古詩漁樵不到處鹿成羣今到
處成羣矣足見山之深且大也香氣諸天近鐘聲下
界聞夢陽曰二句
又見山之高平生愛眞隱亦欲禮茅君

華陽洞

古洞陰陰石壁高坐聽仙侶奏雲璈神仙草莽今陳迹
空憶吹笙醉碧桃
坐久衣巾上綠苔白雲深處是瑤臺道人細樂頻頻奏
勾引眞仙出洞來

登大茅峰

茅峰最高處俯視千崖壑決皆入空無馳情向寥廓明月印池心白雲起山脚仙翁莫相訝吾已辭束縛

與范元博手談

茲山古洞天茲人今國手吁嗟兩奇觀得之良不偶少年愛局戲老大猶故醜小巫見大巫安得不低首神仙不可窮爛柯豈真有翻思專門人爭長動相詬蛛絲碧落狂虎穴青山瘦終然付一笑得失竟何咎因君悟三昧頗頗善持守我欲盡君術此意不在酒局終振衣還夕陽掛山口

石洪詩鈔

卷之五

十一

喜客泉

望窮林麓與山顛又醉仙家喜客泉亦有閒愁驅未盡且隨魚鳥共盤旋

巧石亭

仙家怪石似羣羊東帶相看坐夕陽我醉欲眠難下拜風情真媿米元章

送戴揮使江西監兌

侃侃萬戶侯別我江西遊臨歧遺我絹七尺要我賦詩壯行色知君不是汗漫行憲臺飛檄嚴王程一方轉漕賴監押兵民命脈須關情摧堅解紛良不易自古盤根

知利器莫言異地不相謀須把一心勤國事姑蘇山水錢塘湖桐江之上如畫圖鄱陽秋風渺空濶匡廬秀色凌虛無公餘登眺飛觴舉去歲東君今在否囊中詩句動百篇處處逢人皆快靚丈夫生來志四方紛紛株守限封疆君才磊落眼前少雲夢胷中未可量夢陽曰大作

送楊太守遷四川提學

讀書讀律兩收功為吏為儒道本同無計南州留召父有緣西蜀得文翁先聲迥出飛霜外春色都歸化雨中未學紛紛久彫傲頽波誰障百川東夢陽曰堂向來學政少全功妙選今非舊格同作郡循良追往哲

石洪詩鈔

卷之五

十二

過庭詩禮自而翁斯文未喪時方泰吾道分明日正中老我通家從夙昔送君心逐暮雲東夢陽曰堂

酷暑行 六月十八日

建末之月伏更初祝融仗節天南隅火龍前驅朱鳥後陽鳥助燄燒寰衢六合茫茫同塊炭山髮為童骨將爛海波沸鼎鼎欲乾天吳震懾鮫人竄形雲萬疊凝如烘熖氣經旬吁不斷雷霆虛無雨師懶翻遣旱魃真稱亂物在炊飯不可逃燥者出火液流膏飛鳥惜羽獸憎毛崇堂密蔭日卓午轉覺絨絨成組袍畫纈齊納聲噉噉病膚那復禁爬搔如快如焚廢食寢忽坐忽起煩兒曹

鋤禾負擔賜幾死使我念之心孔勞願排清都決銀漢
冰盤一瀉消炎飲濡焦植樸在頃刻不待金風秋氣高
夢陽曰

送陶公甫之南昌訓導

碧雲仙路幾升沉苦盡年來抱玉心齊客叩門無錦瑟

燕臺求士有黃金文章星斗芒終在名教乾坤樂易尋

早聽棟梁榷角詠莫教霜雪上冠簪夢陽曰堂

郭于蕃以便面請題爲書短句

南山之麓有亭翼然匪地斯僻心遠自偏青松堪撫白

石堪眠俯觀遊魚仰視飛鸞真樂在我我何歉焉黃塵

石涼詩鈔 卷之五

塞途浮雲行天其不自我勿礙我心田夢陽曰此

金山與王揚州別後口占寄贈

欲擬停雲賦未成金山寺裏晚潮聲臨流試汲中冷看

好似君心一樣清

次李獻吉贈張宗義韻

小坐籬邊日幾迴江頭不作杜陵哀眼驚世事如花過

耳聽秋聲帶雨來野菊經霜甘隱逸沙鷗忘我故遲徊

時行時止吾人意漫說雲臺與釣臺夢陽曰細

題竹屏

春風滿座玉爲屏占斷淇園數畝青世外一塵無處著

夢餘髮眼爲渠醒影疑驚鳳空中下聲訝蛟龍雨後聽
回首侯門雲錦障豪華能得幾周星夢陽曰

瑞麥爲揚州王太守賦

有人江北傳聲歌廣陵四月薰風和黃雲萬頃麥秋晚

一莖雙秀實且多唐叔同穎差可擬張堪兩歧奚啻過

僉曰物瑞乃嘉穀連理之木空婆娑衢填巷塞獻所有

公堂拜舞紛童皤年荒政煩民困極賴我邦侯勤撫摩

我侯莫夜門如水我侯清靜庭張羅往時詠求盡報罷

吏胥無復相撓詞男安耕作女安室雞豚滿柵牛滿坡

天將休祥表異蹟感應之理真無頗侯曰吁嗟我常職

石涼詩鈔 卷之五

馨香感神皆帝力夢陽曰大

撚鬚亭爲劉希載賦

撚鬚亭上客吟哦苦吟不了如鬚何嘲風詠月暮復旦

一吟一撚將無多神遊象外坐無語仰面不避王公訶

吾聞風雅適情性枯腸無乃窮搜羅君不見唐家杜陵

死殉癖飯裏甘受詩仙呵后山閉門亦何事擁被呻吟

如抱疴亭前物色清如許鬚固可斷心不磨君看于思

能百戰爲語山谷休橫戈

觀復齋

一陽地下已胚胎七日驚聞夜半雷亡疾自應知道長

成功端合待朋來千門萬戶扇方啟元酒希聲氣始回
識得天心無改處真元須向此中培

送胡邦治司訓之任

桂殿龍門信已虛廣文辛苦一瓊餘官同泮水歌新什
坐擁皋比講舊書黃葉風高人去後碧天霜冷鴈來初
猶懷四十年前事青眼相看白髮疎

與郭于蕃話別二首

相留無計又西東俯仰茫然感慨中往事君應忘塞馬
宦情吾已付冥鴻平生口過心無作老去官貧道未窮
早寄平安三五字莫將懷抱逐秋蓬

石淙詩鈔

卷之五

七

猶記門牆問業辰一時桃李羨青春名成進士還高價
官到中臺亦要津逸足康莊翻寄涉畏途風雨止愁人
眼前故舊應全少把酒臨歧莫厭頻

送段惟勤僉憲之福建

早從霄漢羨蜚英爲別年多老更成聲價文章還政事
官曹錢穀又刑名繡衣持節宣威去翠幟生風問俗行
江國地連閩粵近口碑須聽說澄清

把酒江干話別難秋風驛路早生寒朝廷新定分臺制
綱紀全資執法官面帶冰霜消瘴癘政覃膏雨起凋殘
莆田邵武巡行地好爲蒼生問謝安

林待用朱懋恭
夢陽日堂堂

題畫三絕句

漫道春遊好遊秋更可人青山紅樹底別是一風神
晴雨尋常事何須婦作讎世間翻覆者如爾媿雌鳩

二月舊絲盡時哉萬類新天機自濼濼猶有不蠶人

十月十八日邊汝成歸自京師晚過予予衰病久

廢筆視空谷足音不覺自喜呼酒賦詩用寫懷抱

吾子北歸朝候我衰翁病起強開尊蕭蕭霜葉秋猶在

滾滾風江浪正奔骨肉交親今更幾壘鹽心事老須存

錢塘只隔孤帆外兩地相思一夢魂

夢陽曰
好篇

春風京國後堂深希大周旋更汝成已覺頭顱非夙昔

石淙詩鈔

卷之五

六

祇將肝膽見平生橫金曳紫沾恩日茹藥餐冰作宦情
勳業無成吾老矣幸因諸子託時名

汝成夜話濼菴

昔行殘暑後今歸小春餘倦仰節序變感之增煩紆平
生道誼交落落晨星疎別易會却難王事多馳驟自從
別子來短髮不盈梳耳重不聞琴眼昏兼廢書豈徒原
憲病亦有杞人愚不逢同心人何以慰索居燒燈坐終
夕至論良起予翩然舍我去佇立空踟躕非無百尺繩
難以縉征車子才本利器盤錯濼解紆子心一衡鑑應
物無差殊悠悠萬里途勸哉慎所如

出西郊山行

石淙水清淺一葦不可航大岷山逶迤纍纍青石岡晨
興肅征夫與子同徜徉山行多戒心茲遊幸俱忘不須
畏豺虎豺虎避神羊不須畏荆棘拉朽隨干將平生千
萬歧涉歷如周行我老已息游子志方奮揚健哉圖南
翻高舉凌扶桑夢陽曰志堅如石氣屹如城

茲晨大霧比山行豁然開霽戲作一首

宿霧濛濛帶雨纖朔風吹釀曉寒尖青山要識詩人面
百丈丹梯一捲簾

汝成謁先壻志感

石淙詩鈔 卷之五

十七

淚痕和露灑楸梧渺渺長空鴈影孤應是通家遺骨肉
三年兩度奠生芻夢陽曰此篇情勝

口占漫談四首

歸鴈初從北官舟亦復南風塵嗟滿眼何處歇征驂夢陽曰是唐人句

皇華拜家慶樂極倚門情如聞雙病眼已復舊時明汝成母夫人目盲且十年至是復明

問訊西涯老君言實慰予雲林隔朝市不敢致興居

一月京華住相過但曰巖難壇今下馬應記小時談夢陽句

日唐

汝成過丁卯橋石淙精舍有作次韻

往事空驚歲月忙浪諺泉石有雲莊力微已謝千鈞重
道大難窺一隙光每向星辰瞻魏闕直從夢寐接羲皇
山中習靜今成癖猶厭風來水作淙夢陽曰此結可與靜者道

汝成偕諸友遊焦山

老夫平生好山水十年車馬泥塗裏歸來幸免纓絛累
布襪青鞋從此始曉聞騎馬去看山多病相違吾負子
石公渡口一風帆三詔洞前雙屐齒瘞鶴舊銘多漫滅
十字字存而已矣定知崖石有新題合與山靈先志喜
因思漢朝重風節東帛安車猶不起紛紛塵網誰能逃

石淙詩鈔 卷之五

六

空羨巢由能洗耳君看脉脉山中泉依舊流行還坎止夢陽曰大作

席上漫興

予憂病之餘聰明不逮偶因汝成觸我高興強
措痛眼伸紙疾書醜惡可厭同心之言或者不
在字畫間亦竊附古人贈處之義云耳

弱背偏宜煖日烘小春天氣入初冬露花霜葉依稀盡
不隔青山秀色重

甯惟臣話舊有作

京華抗師席英俊紛追隨於時雲路中後先爭奮飛文

章華館閣論諫光瑣關聯班布臺省各各能自持荏苒
三十年大半登與緹建立有大小一節無瑕疵得喪不
皆齊貴此名譽垂君居諸子中灑然絕塵姿敬皇樂從
諫封事多匡時曾毀延齡麻不受若訥嗤東藩具瞻地
早被朝堂推霜蹄忽以蹶三年滯離司舊物始光復新
問隨颺馳我豈河汾儔敢稱房魏師姓名幸有託聊以
慰衰遲一燈話疇昔離緒千縷絲眷言平生交對酒安
可辭出門冰雪厲萬物斂華滋灰葭動律管陽回無愆
期晚節益自珍持滿須惕而皜皜白苧裳勿使緇塵緇
詩成寄同志庶以存箴規

夢陽曰
唐句

石淙詩鈔

卷之五

五

惟臣初與喬希大諸生游予門同遊者皆一時名
士後先登進士第者四十餘人得省元者三人得
會元狀元探花者各一人三十年來升沉得喪不
皆齊皆能慎自樹立今在仕途爲侍郎者三人爲
太僕卿爲少卿爲翰林學士爲行太僕卿少卿爲
按察使者各一人爲鴻臚卿爲參政爲按察司副
使者各二人爲參議知府者各四人其分臺南北
布列郎署出爲府佐州縣正者尙多所進殆未可
量惟臣在諫垣獻納糾彈茂著風采遷山東左參
政尋以無妄左調者久之今年乃

遷山東參政大拜蓋從此始矣予病廢無補慙負
國恩徒恃諸門生託名不朽故於惟臣之會夜話
及此漫錄爲贈箴規期待之意於是乎存非以師
道自居且街也別有近體二章續書於后

舊街重領遲恩新未老平生報國身世味辛甘嘗已熟

路頭夷險認方真看君可是愚如甯

我會同困在陳

寄一枝春

別久相逢強盡歡幽懷欲放苦多端齊民喜訝舊參牧

士論猶傳名諫官冰雪正深君又去陽春欲轉歲將闌

石淙詩鈔

卷之五

三

政成他日留遺愛應向甘棠頌裏看

百鳥朝鳳歌

乾坤大化何氤氳至和所鍾方出羣古稱四靈王者瑞
羽蟲三百六十鳳凰爲之君崑崙之陽丹山穴有鳥有
鳥文五色威儀何止稱九苞體質分明全七德夕飲底
柱湍朝餐琅玕石和聲隨祥風異彩絢朝日覽德知時
從去來不信人間有矰弋昔在軒轅天下治安乃巢阿
閣乃止東園眾鳥從之翩翩翻翻別如雌鳩序鴻鴈潔
者鶴鷺文者鴛華蟲孔雀各競彩鸚鵡鸚鵡紛能言奇
毛怪羽瑣瑣不足數聳身注目俯仰萬態一一相向隨

騰壽帝曰噫嘻此何祥乃召六老求其端候聲調管和
律呂象形設色爲衣冠金天繼至以瑞紀官虞儀篇
周鳴岐山從此寥寥千百載王者不興靈瑞怪神雀丹
鳳虛紀號謬指野鳥呼鳳鸞遂令百禽失附麗空向朝
陽矜羽翰梟雄鷲猛各扇毒弱肉強食翻相殘吁嗟乎
萬水朝東眾星拱北此道天人同一格當今聖皇御宸
極一統華夷歸帝德鳳兮鳳兮胡不來看畫題詩三嘆
息

因益之得東山翁消息用韻二首吟翁錄寄益之
閱覽不必寄翁

石涼詩鈔 卷之五

三

慷慨西行未死年敢將心事問蒼天忠能結主非孤立
計不謀身見獨賢塞馬寒嘶青海月胡笳悲咽玉門烟
江雲迢遞飛鴻盡那得音書到九泉

牢落窮邊定幾年黃塵際海草連天心如鐵石寧甘死
名在華夷共識賢戰後沙場枯有骨夜深陰火黯無烟
殊方不是淹留地衡楚山川望早旒

夢陽曰二篇亦堂堂正氣

張五老壽圖

留侯孫子生盛時醜顏紺髮雙黃眉錦堂春酒照春色
人間豈復殊瑤池堂前寶樹光風滿堂後春陰初日遲
霓裳羽衣且莫論請看關關綠兒玉桃花開金母宅

仙翁食桃去其核核多直與崑崙齊笑指滄瀛化卷石
彩雲堆中三老圖相逢似語天地初青松古作丈人行
白鶴下應山童呼神仙渺茫不可問此翁此壽今所無
夢陽曰灑然之篇

遊金山三首

坐上青蒼接淼漫樓臺面面枕高寒八牕帆影隨潮過
兩岸人家隔水看江有名山成偉觀天將底柱障狂瀾
塵心到此消應盡更欲臨風漱碧湍

東望海門連北固渡江形勝更無前且拋盃酒尋常債
來試中冷第一泉雲破遠峰天際出月明高閣鏡中懸

石涼詩鈔 卷之五

三

時清不作乘桴計聊向松蘿卧晚烟

留雲亭上立多時古木滄波繫遠思南北界分還此水
孫張題後豈無詩風高鶴嶺驚秋早江轉龍門到海遲
三十年餘塵夢裏每因登眺覺吾衰

夢陽曰三篇亦復堂堂

送石樓李叔淵遷少宰還朝

皎皎清冰映玉壺向來風采動留都風霜滿面炎蒸避
甘雨隨車槁朽蘇聖代弓旌看漸廣中原麟鳳未應無
憑君寄謝西涯老士氣須煩赤手扶

夢陽曰平正

石樓公之別予既贈詩公席上以岑參早朝詩韻

索賦遂得二章併錄識意

別來長恐舊盟寒相見無言酒亦闌宋璟陽春真有脚
萊公門地似無官青驄按部名猶在紫鳳銜書墨未乾
世路艱虞應飽涉李膺元自不辭難

江南細雨杏花寒又見春光一度闌力振臺綱前御史
政扶元化古天官相逢話舊盃猶淺遇景留題硯不乾
莫怪臨歧成繾綣老來偏覺別離難夢陽曰二篇語意俱稱非石樓所能勝

奉陪石樓吏部李公遊焦山口占一首席上限韻
得四首併錄求教

勝概東南幾擅雄此山屹立大江中君來價重韓吏部
石洪詩鈔 卷之五

我老才非蘇長公且向川流觀道體要從濶倒識神功

輕舟便合隨風去海上蓬萊咫尺通夢陽曰用事如囊中探物

歷盡丹梯更上臺病餘雙眼爲君開沙頭幽鳥自出沒

洞口白雲時往來江海未忘憂國念風波應仗濟川才

相逢此地真非偶何惜花前爛漫盃夢陽曰曾中有此景筆端始有此景

浮玉有山真勝絕每因風景費攀躋磯頭白石添新水

雲裏蒼崖認舊題入海潮聲遠日暮過牆帆影自東西

金龍玉帶真誰事欲爲山靈暫乞犀夢陽曰好聯讀之眼中心真如見之

三詔當年下漢京不將高隱博浮榮地奔龍躍此巖在

浪打雲霾稀客行石壁凝烟苔色重海門浴日霞光明

茲遊奇絕人間少悔却前時不出城

清風直與富春長江水悠悠樹色蒼蒼祇祀載嚴周典禮

遺編猶紀漢文章松聲暮逐胥濤急花氣晴薰梵語香

却恨高人少幽躅漫將好景屬空王夢陽曰五首並皆佳妙

奉陪少宰石樓李公遊焦山餘興得長句兼以贈

別

金山之東復焦山兩柱屹立洪流間石樓先生好奇者

公暇拉我同躋攀江波不動平於掌鼈背穩踏心神閒

想當造物開混沌鬼斧爲鑿蛟龍關至今嵯峩鎮南極

吐納江海迴狂瀾靈根不畏滔天沒直與元氣相爲端

石洪詩鈔 卷之五

焦光託名亦幸爾何物浮屠能踞蟠與君尋幽兼弔古

梯磴歷歷披榛菅龍叟生孫青玉塢仙翁遺世桃花灣

華陽真逸有舊刻名不可滅字已剝病起曾遊半山止

兩眼生花腰脚頑君年稍長體力健直上如挾雙飛翰

兒童攙扶強追逐吸江亭前成大觀仰窺空無俯渤澥

京口諸山如彈丸倦來下憩水晶菴旋烹竹筍燒沉檀

白雲自封三詔洞亂石齒齒苔痕斑帆檣如林出屋外

鼓櫂放歌時往還酒酣閒行繞山脚稻田旆旆魚班班

古今解道惟蘇子而我舊遊徒汗漫君如朝宗意先往

我獨佇立留應難海日堂深白雲晚輕風吹面生微寒

101 m 76 2 Hr.

揮毫賦詩兼贈別留向他時作畫看夢陽日
大作

重遊甘露寺

地迴樓臺出半空固知開鑿自鴻濛望窮江海朝宗處
身在鳶魚俯仰中僧定不知兜率雨我來偏得舞雲風
祝融莫謾憎多景至巧終難奪化工多景樓屢經回祿
夢陽日風中之

雲變化
誰測

已辦登臨罷遠遊倦知吾土故多幽渡江形勝諸山小
到海風烟一日收晴影抱樓僧寺午寒聲飛雨釣巖秋
滄波滾滾何時定贏得丹心伴白頭夢陽日萬事如浮
雲過前定之又定
堅之
復堅

石涼詩鈔 卷之五

三

弔竹逸何翁

隔歲生芻奠始成到門魚鳥亦含情長江自繞圖山麓
故里猶存竹逸名翁去耆英誰主社我來風日正秋晴
最憐蕙帳揮觴處忍聽堂筵鼓吹聲

石滌詩鈔卷六

明安寧楊一清應寧著

北地李夢陽

門人 武功康海 編輯

正德戊辰四月二十三日被逮詔獄至揚州有作
才薄官高負荷難罪甘縲紲南冠飽經世路危何害
細檢平生死亦安行子其憐雙鬢白老天應鑒寸心丹
向來憂病軀全瘦猶自微吟強進餐

宿徐州

三日彭城夜不眠愁懷真以日爲年因將舊事從頭記

石滌詩鈔 卷六

只恐中心或愧天

警柝聲嚴院鑰深一燈無語夜沈沈多情合是窗前月

照見平生鐵石心

雨意冥濛有却無麥苗蔽野未全枯龍宮若借天瓢水

頓使彫傷一夜蘇 時方苦旱

見新月

木栝不離手愁添霜鬢毛皇仁原不隔臣罪本難逃少

小承恩厚平生體國勞長空有新月萬里燭秋毫

登舟三首

南冠隨駕使舍陸還登舟長河下通海日夕無停流北

望帝都適使者心休休顧我獨悽惻園扉念幽囚此身
懼不免而暇爲官謀平生不灑淚那更攢眉頭使者勸
予酒病飲不滿甌倚蓬聊復歌庶以寫我憂

少年蓋忠願垂老盟肺肝悠悠三十載行路誰知難奪
我鳳凰池置之戎馬間仗鉞走強虜龍沙浩漫漫日月
豈不光江海豈不寬稅駕行有期俛仰復何言

腐儒愧遭逢兩年三命新耿耿方寸心誓委七尺身東
巡起彫瘵西征障風塵奮劍當城狐遑恤流俗瞋營營
彼何爲巧言方亂真不疑本無兄參乎非殺人吠聲亦
常態安用此云云天定會須勝君王自明仁

石滌詩鈔 卷六

五月十二日入京師時已得旨羈候在外病中言

懷絕句十首

赫赫章條詔獄時白頭鄉井已無期天恩近許寬縲紲

痛定翻成數日悲

臥病頽然不出門幾因風雨欲消魂故人相見多相慰

猶幸君能七尺存

青天極目浩漫漫高鳥晴雲意自閒回首關山戎馬地

丹心贏得鬢毛斑

客至從噴不下樓兩年多病不梳頭消愁謾道杯中物

縱飲無過數酌休

溽暑中人如中酒白日饒睡昏昏然江鄉水竹渺何處
脫屣未能情自牽

天近從知易得春病中情思夢中身連章莫道承恩晚
猶有圓扉未脫人

生平直道任人嗤自倚青天白日知不是流言真可畏
祇緣才薄負明時

白髮年來白已多愁添新白欲如何笑知人事天時在
一曲臨風浩浩歌

藥裏關心夢不成午時起坐自天明門生故吏時常過
誰說青山也世情

石涼詩鈔

卷六

三

天地茫茫氣一丸浮生消得幾悲歡要知消息盈虛意
半夜呼燈借易看

晚蠅雜蚊而飛

白羽風多不住揮畫蠅狂帶夜蚊飛病來血肉無多在
何物營營未息機

有以賜枇杷分饋奉謝

翠籠分來數顆黃嚼餘風味齒生香多情似解相如渴
賜得金葦許共嘗

苦熱三首

儼居得西樓西日偏相照忍狂不敢發科頭但微嘯

大塊一洪爐熱氣如蒸海清風招不來道上無水買
刻彼中冷泉悠然妙高臺美人在天南我將歸去來

六月初九日得旨致仕志感二首

病來真得謝塵鞿又聽天書降紫泥罪大已拌身似葉
恩深還許帶橫犀便呼童子成春服自課園丁灌夏畦
猶有誇張隣叟處故山樵徑未全迷

千鈞擔重本難任共道皇恩與海深榻枕山雲眠較穩
酒邀江月醉還斟行藏任聖遺編夢消息青天萬古心
閉戶著書吾願足舊游休更費招尋

喬希大所藏沈石田山水圖卷

石涼詩鈔

卷六

四

石田興豪不受呼醉裂生綾爲此圖圖成咫尺若千里
浮雲瀕洞山模糊松蟠老枝半隱見路繞深巖時有無
世間此境定何所不是洞庭還太湖已無幽人結廬舍
肯放漁父容舸舫他山凡鳥不得入况有杖履隨泥途
一翁居中坐盤辟掃石獨引雙僮奴方今太平非避世
有道或是神仙徒琪花瑤草亦無數三秀之芝九節蒲
清寒逼人絕炎暑白羽雖輕安用乎此圖設色趨千里
坡樹依稀宋承旨石田法自董巨傳細觀經營無乃是
由來看畫不必工俗夫指點求形似春蠶見物繭卽成
意到揮毫斯妙矣白巖好奇世無前踏徧并晉遺幽燕

觀河不避禹門險望嶽直上西峰巔壯懷磊落不自制
尚欠江南山水緣明年預買三吳棹同向洞庭尋石田
畫中仙翁倘可見與子細問南華篇

姚定之園池聯句

憂病之餘久謝筆硯若游賞吟諷之樂固有不可
暇及者比緣公事來京師事竣將歸江南假宿
城東姚君定之園第凡十餘日花木陰蔚清興
灑然時方酷暑炎蒸爲之頓失有池可長數十
丈蓮花盛開芳敷爛然僉謂都下奇觀無以逾
此太常少卿喬希大常夜陪茶話月中因與散

石淙詩鈔

卷六

五

步水竹中登臺眺望塵慮盡忘予觸興成句希
大續之共得八首留之主人他日能言君子必
有屬和之者

月底雲林一望中

楊

池邊香霧隔冥濛高臺地絕人間

暑宇幽鳥聲迴柳外風茗椀愛嘗新摘菓

楊

蓮盃酣挹

旋分筍詠歸沂水真多興

宇

頗恨塵踪太劇匆

出郊風景暮聞蟬

楊

野意新涼共豁然空翠暗霑衣袂

濕宇紆迴輕與布鞋便南州愛客真懸榻

楊

東洛看花

動隔年始信山林在

宇

漫誇陸地有行仙

多緣共坐錦雲渠

楊

此興濂溪或未如歌聽采蓮香在

掬宇醉憐擎蓋碧初舒藕舫下覓雲根潤

楊

魚筍深看

白羽涼添樹底風

楊

清寒疑到水晶宮鐘聲暗度西林

寺宇花影宵移別院樞雞犬隔隣猶近郭

楊

兒孫繞膝

已成翁吳門別業依稀似

宇

却恐并州是夢中

隔苑涼聲送轆轤

楊

青青還詠水中蒲香風緩逐緣溪

步宇細語低聞對岸呼不遣蒼苔封白石

楊

漸看明月

上高梧乾坤樂事知應少

宇

已覺茲游興不孤

嘉樹垂垂綠滿堂

楊

坐來涼露濕衣裳炎蒸似與京塵

隔宇歲月空隨宦海忙花氣入簾香百和

楊

雲陰匝地

石淙詩鈔

卷六

六

曠重張追趨獨有從師樂

宇

聊復高歌一舉觴

久因多病罷幽尋

楊

暫假旌旄憩竹林入座蟬聲來樹

杪宇隔簾人語在花陰習池慣引山公醉

楊

韋曲新煩

杜老吟祇少終南對庭戶

宇

已勝塵土浣冠簪

吟對池頭十丈紅

楊

宛如湘浦挹秋風儂姿淨染霓裳

濕宇羽蓋香隨玉柄通都下奇觀今見此

楊

人間名卉

更誰同臨流欲和芙蓉曲

宇

復恐花神解惱公

宿杭氏草堂閱莊定山詩次韻二首

遠游心事已粗償却怪身非舊日疆塵夢覺來猶未覺
人生狂得且須狂門前五柳無彭澤天下名花有洛陽

會得一元消息意笑看浮世幾閒忙

詩債文逋各自償流年何用問衰彊自家芳草濂溪意

吾道春風點也狂嘉樹四時圍秀色短筇終日坐斜陽

秋園無限閒花在曠道游蜂故故忙

夏太常竹石爲湘南易坤賦

白髮當朝老太常酒酣身帶墨花香祇今素壁看疎影

風雨蕭蕭忽滿堂

景竹分明石丈隨楚雲湘水夢中疑鄉心尙隔紅塵路

長對楚人歌竹枝

晚逸堂爲杭守之賦六首

石淙詩鈔

卷六

七

新堂高枕潞河流偶脫樊籠此繫舟林密不知三伏暑

雨深還是一番秋客來載酒尋芳草興到裁詩謝白鷗

我有園居未成逸每因風景却生愁

夢覺迷途歲月長老將生計託耕桑祇憎飛絮撩人白

更怕鳴蟬聒耳忙山色望連庭樹碧秋風吹盡稻花香

及時不樂真何待况復佳兒是肯堂

小徑升堂自掩扉手栽槐柳近成園如君晚逸真堪逸

老我懷歸始得歸看竹已忘身是客采蓮聊製芰爲衣

秋風關塞雲鴻盡吟倚危欄送落暉

閒聽漁歌坐釣磯半生心賞未全違花深風雨春堪惜

鶴拂烟霄倦却歸靜裏乾坤吾與爾夢中蕉鹿是還非

秋來若問田家樂白酒新篘蟹正肥

閉門卻掃柰閒何半百朱顏未肯訖聊可優游惟局戲

最難驅遣是詩魔谷雲溪鳥同盟在水光山光引興多

密樹繁陰坐終日可容飛入一塵麼

坐臨流水聽潺湲日共孤雲自在還萬事不如歸去樂

千金難博老來閒故家書卷床應滿少日詩題手自刪

惟有舊游多過客柴門雖設未容關

接杭處士

二十年前德愛深重來無地可追尋題詩不盡通家意

石淙詩鈔

卷六

八

絮酒初酬挂劍心客死有靈懷返骨含生垂涕說遺金

君看身後多堂構已有聲名滿士林

遣興二首

野店鍾聲到枕遲無端鄉思入支頤大觀天地聊行樂

獨立蒼茫自詠詩多病兩年幼酒酸白頭雙眼亂花枝

江湖不隔還家路坐倚孤篷任所之

病憶三南夢裏家萍踪何地不年華愁懷對酒偏成醉

老眼逢秋易著花未了真禪猶色相祇應高臥是烟霞

謀生自笑機心拙也向青門學種瓜

居靜軒

茫茫誰是百年身渺渺烟波泥殺人便向靜中尋至樂
還於定後識吾身風清月白虛堂夜雲影天光活水春
此意分明如會得任從心上起經綸

題畫扇寄贈段德光檢討

塞鴈來還去吾生亦倦游風塵雙短鬢江海一歸舟山
雨茅亭暮烟波澤國秋詩成不相見聊得慰離憂

偶吟

昨日姚家池今日杭家園茲行亦多幸兩逢東道賢城
中看櫺花城東看荷花榴花開正好荷花開較早看花
隨處莫教違恐因風露惜芳菲待到家山開口日菊花

石淙詩鈔

卷六

九

須插滿頭歸

聞鳩

昨日晴今日雨耳聽林鳩向農語有酒莫便頻沾沾一
熟科徭債幾許昨日雨今日晴老鳩隔林猶一鳴沾沾
莫道酒錢少頃刻陰晴如世情

直沽

直沽重過日風景異當年舊暑無兵備新衙有海鮮塵
閉商賈市關問往來船惟是滄波月清光尚宛然

蔡村夜值風雨

顛風夜逐溪雲行急雨作吼如雷鳴穩送祝融差可喜

橫欺河伯難爲平黯黯長空昏海氣蕭蕭山寺咽鍾聲
樹蟬不號臯鶴避在物且爾嗟人情沙衝石走岸欲側
林葉捲落紛紛橫孤舟春撞不得定夢裏波撼滄江城
蓬穿木罅舟爲漏初猶點滴俄如傾衣裳淋漓燈火滅
裏頭寂坐神魂驚潞河登舟正澄霽一日變態須臾生
欲呼雨師訟風伯獨遺憂苦來相嬰平生矢志不愧作
末路豈更占陰晴杜陵廣厦念未了唐介風波身已輕
蒼天無言風雨歇起看河漢疏星明

書夢

生來無計答乾坤一飯從知是帝恩怪底夜舟眠不穩

石淙詩鈔

卷六

十

夢中猶自叩天關

瀛海道中雜作四首

北闕戀宸居西風悵別餘樹烟山色盡舡月海聲初往
事十年夢鄉心一紙書歲華空復暮猶自病相如
潦倒思鄉客遲徊遡浪舟樹連雲外寺城帶海邊樓病
濕偏愁雨年衰不奈秋偶然談世事猶動廟堂憂
天空秋有籟海近夜通潮獨樹如相待羣鷗不受招貧
餘詩券在愁仗酒兵消何用談生計故山隨老樵
四顧天無際歸心正渺茫秋風動禾黍落日下牛羊野
寺苔生院人家茅覆墻衣巾半沾濕知在水雲鄉

自述

會草封章達九天一官尸素恐妨賢由來心事本如此
祇是當時已惘然白首放歌無舊侶青山相對有新篇
滄浪濯罷歸來晚一棹西風萬樹蟬

誰放昏花阿堵中向來歧路錯西東萬峰明月隨孤榻
千里長河過幾鴻老去悲秋猶作客愁來衰鬢早成翁
翻思朝省沾恩日欲報涓埃未有功

阻風二絕

三日舟行剛百里昨朝風雨不曾開航頭一夜高於岸
知是上河新水來

石淙詩鈔 卷六

十一

船頭飄葉掃成堆把酒推蓬日幾迴猶勝蔡村村下泊
一燈風雨夜深來

有所見

沙頭候吏聽雄呼兩兩樓船動百夫便合停舟相避避
料應多是執金吾

武城縣

當日絃歌說武城停舟猶聽讀書聲聖朝文教非前代
小邑寧教獨擅名

作詩三絕句

久因案牘廢詩篇客路風花倍自憐老去縱餘精力在

也應不似十年前

偶然得句自家知人道今詩勝舊詩莫笑拋髮成底事
也勝蝸化戀枯棋

清忠亦是當年願道德全違末路心猶有未忘情處在
及時開口或微吟

舊扇二首

千年用舍一行藏此道分明白日光不是秋風多棄物
人心兀自有炎涼

當年酷暑藉仁風春意都歸掌握中骨力暗衰顏面皺
祇留清白舊時同

石淙詩鈔 卷六

三

納涼

倦倚航窗首重回一襟聊爲納涼開月中樹影臨流見
天際秋聲帶雨來宋玉有悲空作賦杜陵多病獨登臺
無端又是尋詩地烏度雲移落酒杯

一笑

落落長風捲岸沙倦餘行子合歸家訛言正愁市上虎
酒影一笑盃中蛇曳杖閒行隨野鹿看兒默坐數棲鴉
向來寵辱休重問只此優游度歲華

閱陳簡齋詩集

詩到晚唐人已厭末流誰遣又西崑簡齋故出坡翁派

蹊徑真趨老杜門 廟瑟尙餘高雅調 天機全謝剪裁痕
君看香色如花喻 不是須溪未易論

嘲舟子

南歸過洪當順流 南風放顛逆我舟 水流雖順風却逆
拍岸難施篙櫂力 舟人機變倉卒生 扯篷逆走還橫行
蓬張離岸趁流急 一日猶可半日程 舟尾居前首顛後
顛倒無乃非人情 怒呼舟人順我舟 風不我順盍少留

直河

直河之水直如弦 亦復千年在道邊 縱使封侯真可信
不將一曲受人憐

石淙詩鈔

卷六

舟中感興十首

澹澹微雲度悠悠 孤鳥還莽莽尊前事 番番衰後顏平
生曠達懷誤落塵網間 迷途非遠而已破夢覺關所以
慰我情賴此江上山 有口費吟哦有足窮躋攀行哉勿
復疑一笑發天慳

繫舟蔭高樹挂席揚天風 夕照變岩姿白雲行水中 塵
慮忽以忘豁然心境融 緬懷十年前何事不匆匆 倚仗
看牛斗銀河麗層空 扶桑豈無路清淺元相通 晞髮吾
所願至人苦難逢
歸鴻作意號風露 淒以秋所憂在矰弋 而豈稻梁謀萬

族各有託吾生本如浮雲山莽蒼蒼世事劇悠悠

諷詢得關中經畧窮西夏平生所交游期軼韓范駕抱
病復遭讒薄命委飄瓦涸餘西江鮒瘦比東郊馬稽首
戴君恩明明肆天赦此身倘可報不惜膏草野

落葉下空山秋意始蕭爽長河四十開舟航日來往兩
洪石峻嶒劍戟森相向魚龍獍欲鬥性命寄篙槳搖搖
蕩風波兀兀話疇曩誰知至險巖乃在人心上四顧忽
忘言松露滴清響

貧來學賦詩五言不充腹悶來與客奕對局花滿自亦
知天地間二者俱不俗此復不自能大笑立於獨何如

石淙詩鈔

卷六

付盃酒一醉萬事足酒醒坐披襟有書尙可讀心懸百
尺樓夢脫五斗粟夕霞誠亦佳可翫不可拘聊將無絃

琴靜和淵明曲
舟行及秋霽秋色明葦葭天高柁樓淺日落帆影斜故
鄉在目中澄江淨鷗沙愧非能賦才有句不足誇暮聽
金山潮朝餐北固霞持此不啻足悠悠送年華眾手劇
雲雨長途多覆車泯泯復波波浮生當奈何

向來年紀到胡不早休官人知進非易豈信退亦難先
皇天地恩有命重於山連章疏懇悃時荷溫語頒觀兵
虎貔壯揮劍霜雪寒臣身不自惜恃此方寸丹多病違

皇天地恩有命重於山連章疏懇悃時荷溫語頒觀兵
虎貔壯揮劍霜雪寒臣身不自惜恃此方寸丹多病違

成功謾言豈無端鼎湖望莫及血淚空沈瀾

宋朝西事興廷議仗數公三策戰守和持論各不同韓
公初主戰提旅當賊鋒至今好水川流血餘腥風范公
圖經畧志守不志攻雕陰扼其吭靈武城其雄大順屹
有築清澗引而通雖無賊俘獻已逼賊馬衝終敵賊膝
屈西顧聊從容臣本鉛槧儒豈不念除兇功成枯萬骨
生意隨秋蓬而沉兵家事勝敗誰能窮設險有明訓著
之易象中沙場四百里深塹連高墉一勞還永佚誓以
輸愚忠云胡曉曉者計不究初終凡民勿復道任耳紛
章縫茲事信有數不繫臧倉逢作詩侯君子庶幾希後

石滌詩鈔 卷六

功

微風動蘋花落日照野棠鄉心信歸帆溪草亦自芳江
南水竹居待我幾星霜昨歸不出戶今歸不下堂平生
性倔強與世爲低昂擗揄豈足異真樂吾未央月明楊
柳疎露下芙蓉涼聞道嗟已晚眷言惜流光

六言二首

去日祝融行地來時少昊司天不知幾番花落但見三
回月圓

南風北風時節上水下水孤舟天公自有成算人生何
必安流

和喬希大贈歐陽國占詩韻

高雲隨鴈度長江豪氣猶橫寶劍雙誰有心情關骨肉
早知憂樂繫家邦香消簾幙風回座秋滿梧桐月在窗
漫向舊游談往事久因多病謝春釭有身自分千金許
何力能任九鼎扛半載羈懷緣我苦一時士類爲君降
才名抱玉空勞獻詩興懸鐘不受撞夢覺孤舟相憶在
水聲到枕正滌滌

和喬本大贈歐陽國占詩韻

江南花竹盛郊居江上烟波接太虛義氣壯隨行處路
遠懷愁託寄回書隔年節序還三易一日顰眉定幾舒

石滌詩鈔 卷六

燈火同門多舊侶衣冠傾蓋總高車共憐貌比來時瘦
稍喜憂從險後祛滿耳秋風歌白苧半空涼露浥紅蕖
簷花坐落挑燈夜玉塵談生對客餘苦向水霜驅僕馬
不辭塵土浣襟裾家聲永叔元無忝烈士虞卿恐未如
心切望雲兼愛日夢懸竹笋更江魚碧連蔓草孤帆外
響落高梧一葉初欲向茅峰結真隱煩君先爲葺吾廬

秋興八首

世事經心白晝眠天涯風物轉淒然山鐘暝度長林月
沙鴈寒迷蔓草烟畫閣人翻傷別調白蘋洲繫采芳船
江南塞北無窮意過眼流光又一年

思鄉懷古正難任又聽高城急暮砧青嶂雨餘秋色迴
碧天露重月華深陶潛五柳終成隱杜甫孤舟一繫心
應是眼前同調少病來三月不聞琴

年年秋色鼓笳中王事匆匆歎匪躬玉帳論兵繞北鄙
金牌宣勃又西戎孤城畫角催殘照萬里黃雲沒斷鴻
回首江湖天漠漠荻花深處一漁翁

辛苦平生數卷書十年多事幾舟車夢懸魚鳥忘機處
身是風波利涉餘生入玉門真幸爾老思葦菜且歸與
捲茅昨夜風還雨破屋關情是舊廬

莫漫逢秋浪自悲秋來風日總宜詩客中對菊猶貪采

石淙詩鈔

卷六

七

病裏慵冠不怕敬心愛碧山還舊隱遠看疎竹更新枝
芙蓉江上憑誰問搔首無言憶所知

夜雨芭蕉思欲迷白頭吟嘯失羈縻翻愁舊路多荆棘
稍喜邊聲罷鼓鼙露下金盤天宇靜月明珠樹斗星低

艇頭把酒悠然坐喔喔前村又曉雞

倚棹江天百感生倦扶筇竹且閒行蕭蕭紅葉夕陽下
冉冉白鷗秋水明飲量暗隨詩力退路杠真向老懷平

蒼蠅不省寒將至何處飛來漫作聲

短篷聊繫白蘋洲一夜寒生萬樹秋塞北風回蘇武鴈
江南月滿謝公樓金尊綠酒邀同賞青海黃沙憶壯游

問道病來眠食減詩成還似舊時不

秋夜

耳熱不成寐臥聞長短更推蓬水氣入舉眼白雲生芳
草當年夢歸鴻此夜情蕭蕭幾林葉畱取寄秋聲

渡淮二首

孤舟醒短夢起聽棹歌聲淮海天無際魚龍夜不驚客
懷散煩鬱獨坐念平生南風尚作惡未敢計歸程
缸窗報夕霽月映清淮流風定舟帆穩天空沙嶼浮烟
靄自多態鳩鴈亦知秋足可供怡悅從今罷遠游

題扇面小畫次韻

石淙詩鈔

卷六

六

遠看飛鳥盡心逐去舟遙莫話紅塵事雲林遠市朝
歸帆信剛風千里不知遙回舟泊烟渚有夢入中朝

秋興

漠漠歸雲起亂愁思鄉何處仲宣樓關山千里歲月晚
風雨一番天地秋異國烟花驚觸目老年身世入搔頭
滄波落木無窮思慙負平生汗漫游

露下空江白鴈新天涯滯是未歸身形容老矣頻看鏡
世事茫然一岸巾知己漸看朋輩少客懷真向僕奴親
閒愁賴有詩消得復恐詩魔又惱人

渡江二十首

心驚詔獄眼添昏完壁歸來是帝恩不用臨風傷往事
餘生何以答乾坤

濃花萬點麗神州翻遣茲行作勝游歸到故鄉看物色
青山依舊枕江流

隔江遙望一舸開人道病夫歸去來却媿壯年雙健脚
不衝風雨即塵埃

風塵冉冉路漫漫一笑渡江天地寬合遣蒼頭持短刺
遍投親友說平安

黃塵脫屣一身輕十載無功恥聖明獨立江風吹短髮
渚雲汀草各關情

石澗詩鈔

卷六

五

江頭如聽可人招鼓世放歌歌沈寥秋色滿船月皎皎
水聲入樹風蕭蕭

江雲有意護歸舟影落孤帆故故浮何不從龍早爲雨
聞禾稼已無秋

歸鴻江上兩三聲白露洗空河漢明回首天南望天北
老臣憂樂未忘情

時清不著管寧帽暑退懶持袁紹杯三徑菊松故無恙
年年相對好懷開

世故撩人西復東園花開遍幾番紅從今老子都無事
江上尋詩滿袖風

五十五年知昨非北山心事悵多違自慚不及沙頭鳥
春去秋來舊處飛

手提文柄復兵權說著平生一莞然老去不尋方外事
睡烟歌月是餘年

潤州江山天下稀老我何事不懷歸金焦入望忽色喜
愧有新詩能發揮

只合烟波把釣竿虛名偶爾博高官多情江上團團月
猶照當年苜蓿盤

玉關人老貂裘敝白雪歌寒鐵硯存已辦輕車隨款段
尋幽日日水西村

石澗詩鈔

卷六

三

莫裏家園思欲迷春來花事委塵泥黃花未放東籬色
且趁香風看木樨

平生造物無多取惟有江山與不廉收拾詩篇在芻犬
今宵魂夢也須甜

秋風燕薊寒颼颼江南餘暑汗欲流亦知南北本殊候
炎涼勘破消煩憂

一尊休放酒盃空報答江頭拂面風故舊相迎莫深問
人生半醉半醒中

風霜飽歷信交難又見江湖白鴈寒說盡悲歡三百首
不逢知己不教看

石涼詩鈔卷七

明安寧楊一清應寧著

門人 北地李夢陽 武功康海 編輯

五月初二日拜徵命有赦小過用賢才之諭感而有作

一日天書降故廬過深山海荷滿除光生腐草心期外
身逐飄蓬汗漫餘精力久緣多病減聰明那復少年如
非賢誤被徵賢命敢惜馳驅戀隱居夢陽曰以下六篇
拔然紀事變吐心迹故
然勃然不可無之作也

石涼詩鈔 卷七

初四日拜總制陝西之勅越二日雨中渡江

拜勅匆匆便啟行敢因風雨緩王程亦知野性惟邱壑
浪說書生有甲兵西徼狼狽回舊節北山猿鶴負新盟
君恩罔極嗟難報不盡除兇雪恥情

再八關用前韻正德庚午五月安化王真鑄
叛詔起公仍總制陝西軍務

三秦人逐使車還玉勅金符曉度關轉覺臣身衰似柳
可勝君命重於山籌邊亭在頒新令體國堂深識舊顏
多少前賢經濟畧千年逸駕苦難攀

謁西嶽祠

仰止心勞二十年瓣香剛得拜祠前三峰坐奠中原地

一柱能擎西極天自有英靈作雲雨莫隨遺跡問神仙
扶桑弱水真何在便欲成吟愧昔賢

五月二十八日拜提督軍務勅書及白金文綺之
賜時聞元惡何錦等已就禽斬

義兵一日斬元兇驛使爭傳好語東諸將奏勲爭入疏
老臣雖出已無功勅符專制天恩重文武兼權地望崇
反側未安須鎮定願宣君德撫人窮

喜贈鎮西總戎

聞變提兵不自謀除兇雪恥志全酬衛青出塞空胡幕
李愬銜枚入蔡州河上始傳元帥令城中爭斬叛臣頭

石涼詩鈔 卷七

肘間金印尋常事鐘鼎勲名取次收

將至寧夏

奉詔西征駐節時元戎奏凱已先期苗民自逆三旬命
獵狁何勞六月師燈火家家開夜戶弓刀隊隊捲風旗
益兵加賦休重道財力于今兩不支夢陽曰
對切

寧夏書事

擊戎一統戴昇平何物潢池敢弄兵陸贄詔頒人泣下
令公師出虜魂驚陰雲掃盡天終大燐火消餘月正明
受命獨慙來已後敢辭心力為經營

賀蘭設險自天成河水西來半繞城邊戩粟餘多虜警

塞屯量一作荒盡少人耕山前鉦鼓黃雲亂帳下貌貅白

日明却恐路人閑指議登堂還是一書生夢陽曰西夏之弊正坐撤

煥廢屯耳人不知之安能道之也

水木暗郊居江南較頗如兵兼夷夏籍食仰漢唐渠丁

力抽應盡征科算不餘紛紛厚祿者保障屬誰與

事平志感

關西之西天盡頭賀爾外擁河中流溝澮繞田沃饒足

衣冠比屋絃歌稠朝廷分封作藩屏營衛列置蟠如蚪

鎮巡開府控夷夏百數十年無內憂誰其尸之失撫馭

忍將財力共誅求犬不吠盜猫庇鼠厲階生從葛與劉

石淙詩鈔 卷七 三

夢陽曰忠後來毒痛徧海內更比漁獵窮羅搜泥沙不

惜鎗銖盡萬目疾視官為讎逆王乘之得藉口挾持叛

將稱戈矛李姜新至不達變池火禍作延安周鎮城白

日恣屠戮流血濺地尸成邱帝聞日吁賦當討禁旅三

萬如猘貅腹心近臣出總督一一指授皆神謀謂臣一

清舊西帥往視予師運爾籌三卧江南聞命起衝風衝

雨驅官騶王憂臣辱分當死此恨合為西人酬豈知天

誅不容宿豪傑奮作趨靈州鎮西元戎妙節制內應暗

約將軍仇昂曾授首在頃刻逆黨一夕殲無留帝聞日

帥兵急罷二帥宜往宣鴻猷渠魁勿貸習從赦撫安之

計須綢繆夏人填衢拜漢節雲霧如豁天光浮市不易

肆農把耒頓使慨歎成歌謳遺業纍纍悉就縛檻車百

乘隨俘囚總督還朝臣留鎮杞人無識翻多愁荆棘根

存旋復長膏育病在難為瘳社鼠城狐尚逃死有日不

照陰崖幽臣身區區已許國會須抗疏陳寃旒夢陽曰此篇氣

格皆杜詩之史也

廣武吟

廣武城西邊塹邊黃沙白草何茫然我行旌旗耀天日

千騎弓刀相後先須臾直北風塵起炮火絡繹隨雙烟

羸衣擅帽胡為者百數十騎聲喧闐我士銜枚寂不語

石淙詩鈔 卷七 四

卒然相逢彼魂褻便遣輕騎畧追逐奔北不敢回頭視

山高日昃追難窮小醜何足當吾鋒不聞周詩詠薄伐

况我素不希邊功夢陽曰將畧堂堂氣下令收兵入城

去且秣吾馬囊吾弓人言此地此常事不道我公天上

至吾儕幸脫虎口中前日遺骸猶野棄中原無處無良

田此輩流落真可憐為王戍邊良不惡何止要貪生處

樂夢陽曰流

申衛道中

落日平沙遠西風白草新野豬傷稼盡胡馬過壕頻嶠

雪不知暑積花空復春相逢莫深慨吾亦未歸人夢陽曰佳趣

中衛渡河

兩渡河西去今朝還復東野烟隨蔓草沙水沒秋蓬豺
虎驚心後魚龍變態中故鄉何處所問訊北歸鴻唐陽

唐句

聞新政瑾賦

極知天意眷皇朝宗社神靈此鑒昭智比唐堯終殛鯀
仁如虞舜罷征苗莫陽曰二事適會成此一聯妙之又妙炎蒸直與秋風
盡氛祲都憑喜氣消若問漢家更化事舊時琴瑟聽重

調 莫陽曰廟堂之詩

聞徵命時已八疏乞歸休致

石淙詩鈔

卷七

五

勅使將恩下將壇傳車回首是長安葵心自保傾陽舊
鷺力終憐展步難事偶因人慚受賞身兼多病合休官
一封倘可回天聽歸向江頭理釣竿莫陽曰句句吐出肺腑

再入夏城

再入夏城兼撫禦無端案牘積如麻愁心滿貯頭顱雪
老態平添阿堵花文事久荒仍服武國恩未報敢謀家
韓公道德真成負杜甫詩篇浪自誇桑梓故人鄉信少
門墻諸子宦途賒形容憔悴秋臨塞風雨蒼茫午坐衙
鎮日驅蚊揮白羽有時對客岸烏紗開門數問山頭火
把筆頻揩几上沙困極貌貅猶作氣噬餘狐鼠尚磨牙

十年經畧慚無補一節平生誓靡他漠漠水雲空日暮
蕭蕭霜露已蒹葭誰將赤手青霄上掃盡陰霾見日華
莫陽曰平平蕩蕩寫盡意象無一字與力洗兵馬之流亞也

聞舊築邊牆自紅山堡至橫城高厚堅完儼然成

一巨障惜成功之難嘆前志之未遂感而賦此
經過舊築邊牆路儼作金湯百里雄豈為人言妨大計
祇絲身病廢成功長山巨浸拋來久白草黃沙望未窮
老去寸心猶不死仗誰經畧了餘忠

過鹽池韓鹽法之壞有作

兩池鹽利自天成往日經營頗用情且向人言詢得失
石淙詩鈔

卷七

六

謾勞國課較虧盈私多枉使公為虐法立誰知弊復生
已愧蕭何能畫一怪來多事幾紛更

平涼悼馬政之廢追憶先皇帝成命志感

勸憶先皇臨御日命臣監牧建行臺雖無十萬誇兵甲
何止三千頌牝驂兵力苦緣多事盡弊端紛逐倖門開
未遑釐正空歸去俛首無言聽告哀

過打狼山

車騎平明度打狼朔風吹土面如霜頗聞當道豺狼盡
雷取鞭笞制犬羊

孤山堡

簇簇青山隱戍樓暫時登眺使人愁西風畫角孤城曉
落日晴沙萬里秋甲士解鞍休戰馬農兒持券買耕牛
回思未築邊墻日曾得清平似此不

得東山翁重過六盤山詩次韻

幾載相思夢寐閒憐君謫戍我投閒鱗鴻無路通西海
猿鶴何心戀北山此去桑榆聊自適向來歧路苦多艱
通知稚子歡迎處春氣初隨律管還夢陽日

聞人道漢中事

相逢漢中人爲問漢中事政殘令復弛此階誰作厲有
兵不識國有地無遺利紛紛致攘徒來自川西地初焉

石涼詩鈔

卷七

七

甚微渺可以折筮治玩寇者爲誰彌文巧蒙蔽星星不
時撲漸成燎原勢重煩宵旰憂撫捕勤大吏彼氓亦何
知從亂豈其意分明盜兵革潢池作兒戲胡忘渤海言
面昧朝歌智居然恣屠戮爲此首功計番兵及礦徒剽
掠天防制如以賊禦賊進退誰適避寧偷從賊生懼作
迎降斃遂令漢沔間羣盜益昌熾村落莽成墟野烟浩
無際師久力漸屈饋餉遠難繼壯士饑而逃道途自相
視關津不敢詰將領莫能致仲秋交兵辰諸君自同異
貔貅被創傷狐兒未懲艾如聞制府來轅門稍生氣夾
攻本良策萬全亦非易成功在此舉莫使再顛躓人言

川賊與正坐科徵敵民窮盜斯起思之無乃是反本宜
急圖窮誅竟何濟邇來天監昭大奸伏礎鎖湯網解而
疎武戈藏不試寄語賣劍人太平今立至

潼關與仲與立夜酌話別限韻三首

別來長恨見君難信息惟應託羽翰朝論共推廉訪使
甲科初試法曹官剛風載路催行色直氣逢人話肺肝
公道豈徒華髮在陰晴須向未途看

看君猶記少年時愆漫相逢又別離世事不須傷塞馬

人情無乃逐枰棋玉關投筆身猶健金斗論心興亦奇
石轉江通交道在門墻猶自憶而師是夜與立追念補
齋丁先生故子詩

石涼詩鈔

卷七

八

及之○夢陽日金斗
玉關前未有道者

師門交契託而翁骨肉相看夢寐中久約不忘三益在
舊遊那復幾人同江雲變化心長戀塞鴈蕭疎信或通
升落莫關今日念要從天定見全功

再出關用原韻正德庚午十月
勅取馳驛赴京

千里承恩驛召還三邊休戚尙相關空將身跡驅塵海
豈有威名重雪山出塞偶緣隨驥尾入朝初喜識龍顏
夢陽曰塵海雪山驥尾龍
顏皆信手拈來更覺精切華峰一柱擎天在仰止徒勞

未易攀夢陽曰一柱擎
天自然之語

懷慶望太行山有感

駐馬羣懷望太行感秋千古意同傷草心不逐孤雲變
塵夢空隨逝水長痛欲捫瘡憐寇準老思回馭媿王陽
三南世業荒蕪在又負黃花一度黃

夢陽曰讀此篇知忠誠之本源

途中再具疏乞歸

關廷瞻望思依依又寫封章叩瑣闈心欲奮飛身苦病
壯思經濟老多違江湖夢與沙鷗狎風雨愁聞塞鴈歸
豈是孱愚甘自棄向來筋力不勝衣

夢陽曰七言之範履者中唐之調也

石淙詩鈔卷八

明安寧楊一清應寧著

門人 北地李夢陽 武功康海 編輯

奉陪閣老三先生過涯翁先塋席上聯句次韻

勝遊如坐舞雩風猶愧仙凡路不同一束生芻悲故老
滿庭嘉樹識遺功愁來頗覺詩懷減病後休誇飲量雄
無限春情何處寫東風無語杏花紅

次日再用韻奉呈諸老

每瞻臺閣想高風頗幸官曹吏部同夢裏江山猶作客

石淙詩鈔 卷八

春來桃李不言功清時退食聊尋樂白戰當場各擅雄
既醉不知歸路晚高城斜日帶殘紅

次賞芍藥聯句韻答北潭先生

負却芳菲無客看一尊相對祇同官風姿合作花于相
顏色不隨春事闌香溢薰絃晴晝永露敲仙掌夜窗寒
誰言信美非吾土暫得偷閒比合歡夢陽曰雅潤

再疊韻奉答涯翁先生

花發無緣共笑看塵蹤頗恨繫微官心驚樹鳥時窺砌
地隔園蜂不入闌千葉簇雲宮錦爛一枝承露玉盃寒
多情却羨西莊賞似欠車公恐未歡北潭與翰林諸先生同過涯翁西莊

有芍藥方盛開北潭因出前所聯句翁翻爲和
答予不得參陪高會故於和章末句戲及之

藥欄漫興

好花曾看未開時開遍紅芳却未知莫道病來清興減
也能隨意寫新詩

花落花開歲月深省中一本直千金休將春色輕拋擲
苦盡前時種樹心

韶光容易過春紅野草閒花忽滿叢留得藥欄三五朵
未容零落便隨風

繡轂春風自滿城彩雲紅雨亦多情不須隨俗相投贈
我亦平生厭鄭聲

石淙詩鈔 卷八

長日鈞簾坐夕陽高標不忝配花王任渠過眼豪華盡
根老猶堪入藥囊

好花開遍故園春猶踏長安陌上塵我正憶花花笑我
幾時歸作灌花人

紅粉堆中玉一團風姿宜向月中看狂香若共妖容盡
且免遊蜂著意干白芍藥

了得公家案牘勞偶然吟賞對同袍一時倡和爭傳錄
却恐京師紙價高夢陽曰八首似放翁

五月七日先皇帝忌辰悲感之餘次涯翁先生詩
韻二首

年年今日勸遊弓百辟攀號此恨同寢廟衣冠成異代
橋山松柏幾秋風乾坤合在名言外魚鳥猶涵化育中
欲報殊恩嗟已老病來那復舊顏紅

白頭攀望鼎湖弓猶憶含香侍從同周詠恩深餘湛露

虞絃響絕更薰風傷心遺詔龍沙外一清在邊 注目宸

容豹尾中六載歸朝無寸補輕車空踏軟塵紅夢陽曰

堂之氣自是大作開
賦至此心目豁然

後堂葵花

堂廂隙地皆葵錦雲爛然不減牡丹芍藥風致

且耐久顧不為時所珍謂以多故豈其然乎暑

石淙詩鈔

卷八

三

中清賞無逾此者暇觀而樂之得小詩數章

公署無長物戎葵誰所植于時炎熇初羣芳歇無迹退

食步前除滿目皆春色天天紅粉膩磊磊金杯側儻然

玉雪姿此種尤奇特真成錦繡林況與塵囂隔蜂鬚與

蝶翅可妬還可悅保茲傾陽心一寸不可滅譬之他山

石亦足成我德觀物動微吟一吟三嘆息

烈日自薰灼傾心或推移有身不暇惜而豈衛足為訓

述亦偶然傳者信不疑此物謂可某名同種或差惜芳

詎忍烹坐翫心神怡但恐秋節至風露忽以萎不如霜

中菊盟言慰衰遲

錦標高簇翠房深早向驕陽露寸心不是花神甘附熱
要從烈火試真金

朱門白屋兩相安俗客詩人總受看不似牡丹貪富貴

只隨公子醉雕欄

水陸紛紛各自珍偶然適興便相親極知異物元非貴

慎勿緣多作意曠

送孫指揮替職歸鎮江兼致意乃翁

綠槐疎雨墨光浮題贈江南萬戶侯不忝承家能學劍

總知良治善為襄鄉心遠憶王孫草壯志豪隨祖遯舟

欲向而翁問真隱青鞋到處許追遊

石淙詩鈔

卷八

四

奉壽滄翁鄉先生詩有引

先生今年六十有五六月九日其初度辰也僕

忝通家離合之餘始得一奉觴為壽俯仰疇昔

良用慨然輒賦排律一章用致岡陵之祝情見

乎辭

良辰木火聚奎躔泰運真符五百年繼照重離方啟聖

為霖六月故生賢兒時服拜宮中賜弱冠名從海外傳

正學遠尋垂絕緒頽波東障逝回川士林山斗唐韓愈

國史文章漢馬遷供奉官閒成偃仰樞衡地重佇登延

經帷顧惜敷陳晚帝制偏承簡命專身到黃扉添日髮

手扶紅日上青天雷震震撼心逾壯歲月推移節自全
總道化機歸變理固知政本出文淵巖巖太嶽孤擎外
矯矯蒼松特立前濟險人方思利涉逢危言亦仗持顛
交游已覺親知少濶別頻勞客夢懸老向君門隨玉步
慶陪賓館坐弧筵閱來變態多如許話到平生各惘然
天爲吾皇壽平格民於斯世想陶甄流年數合箕疇字
解愠風生舜殿絃今日温公初盛會司馬温公以六十
五歲作眞率會
他時衛武更新篇稱觴競出黃封美體物看同鐵杖堅
記取椿庭遐算在底須服食是神仙夢陽日贈滄翁
諸詩以此英健
苦雨次聯句韻三首

石滌詩鈔

卷八

五

春來相思久沈迷忽忽商飈又轉西天際片雲長作雨
街頭勺水便成溪病愁受濕衣頻換老怯衝泥杖每攜
何事蕭蕭連旦暮幾因如晦誤鳴雞

霧雨蒼茫未放晴月華纔出又雲生川橫陸地須桴渡
水入人家與榻平壯士苦心猶北伐農兒何計更西成
螢稀燕寂孤燈夜獨擁衾裯夢屢驚

兩旬風雨入新秋厭聽鳩聲起樹頭陰重未隨金令伏
雲深不逐火星流爲霖漫爾翻成沴志喜無端遂隱憂
世事關心眠不得坐呼童僕數一更夢陽日三
篇並佳

晴後復雨再作二首

剛道晴時俄又雨龍宮無乃欠吾詩照泥星出看仍黑
沒路泉生出每逼空擬叩關朝日駕可能揮劍向雲師
瘡痍病眼蕭然坐指點孤尊一解頤
十日陰無一日晴滿門苔色斷人行潦深空自傷禾稼
河挽應難洗甲兵客枕怕移沾濕處隣家驚聽壞垣聲
飛茅破屋知無數不盡憂時種種情

送大司馬王公翰英致政南歸

四方多事日司馬却辭官兩翼雲霄倦孤舟野渡寒老
成今益少明哲古猶難祖帳城東道都人作畫看
南去無多路因君益黯然漢池餘盜竊滄海入桑田已

石滌詩鈔

卷八

六

脫浮名累兼誇晚節全仙賜如可逐吾願執公鞭

題程海鶴贈行詩卷

伐木年來響不聞雨雲翻覆自紛紛蒼茫一緒今存否
請看元戎贈別文

辛苦憂時志未伸祇從詩畫見天眞怪來巨眼偏能識
海鶴風姿本出塵

送陸全卿亞卿督師勦賊

少司馬陸公奉勅督師征勦羣盜兵出之辰纖
雲不生天日晴朗三軍踴躍精采百倍衆知賊
不足平矣予旣與北潭東川二少宰聯句爲贈

又和得二章併錄上用爲凱歌之端

黃池何事久偷生仗鉞今煩漢列卿帳下珊弓飛鐵騎
風前白羽集神兵指麾叱咤妖氛盡談笑從容緩帶輕
直遣賣刀齊買犢春來時雨看農耕

狐鼠縱橫未息兵夏卿持節又專征功成萬里侯何羨
力大千鈞亦輕齊魯本非金草地絃歌終罷鼓鼙聲
戴盆魍魎應潛跡仰視中天白日明

次涯翁韻寄壽封少保新都楊先生

小春仙酒松花濃華堂壽彩桃顏紅岷峨江山舊奇絕
降神乃復生此翁姓名第一傳金殿有孫如此翁親見

石淙詩鈔

卷八

七

弧南正仰極星明日下重占慶雲現未老懸車世所稀
豸衣換著麒麟衣眼看盛事有今昨心已忘機無是非
人道西川民俗古閱閱空多誰比數名高不愧達尊三
福備真兼洪範五弟昆父子同策勲環珮追隨鶴鷺羣
周公拜前魯公後慶積袞袞流仍雲黃扉愛日心應切
良辰況是懸弧節白頭斯世豈無情猶向江湖夢宮闕
何必岡陵歌滿牋翁德自可通皇天三千甲子從寄傲
煩翁別著南華篇

題梅送達生任南昌訓導

一年車馬踏塵埃負園林舊種梅君到江南春正好

可能折寄一枝來

誰言名教苦清寒春到南枝滿意攀猶勝軟紅塵裏客
風標只向畫圖看

四靈贊

龍馬出河

惟龍有神不在下上潛見躍飛莫可爲象河馬圖出文
明之祥庖犧則之發天地藏

神龜出洛

天遺神物曰大寶龜國之興衰式克先知出書於洛與
圖合契演而爲曆彝倫攸敘

石淙詩鈔

卷八

八

鳳鳴岐山

所貴於鳳匪聲以色羽必千仞下須覽德西伯發政乃
鳴於岐寥寥千載云胡不來

西狩獲麟

麟兮麟兮毛蟲之聖五行具精不殺其性夫子老矣胡
爲來游嗟嗟天意其在春秋

送給事中王元凱致仕西歸

一疏回天遂掛冠蕭然行李出長安病來轉覺歸心切
老去翻憐退步難興入南山應獨往路經底柱得奇觀
猶懷骨肉通家誼那更臨歧是歲寒

滿目塵沙舊路微未歸人喜道人歸心盟不與年華別
足跡還因地勢稀釣汲深清分夜勺杯傳寒綠典春衣
江南亦是山陰地莫道扁舟與願違

涯翁以所書蜀道難詩卷見贈夜間偶取松雪書
併觀之感而有作

謫仙文字古今才對卷分明劍閣開合有神靈爲呵護

夜深風雨霎時來夢陽曰筆落驚風雨

愁絕巉巖勢欲摧白詩公字兩奇哉宋代王孫元學士

只將姿媚寫崔嵬夢陽曰評趙書太過

西涯宅上賞紅梅雜詩

石淙詩鈔 卷八 九

聞紅梅盛開公事方殷未遂開口之興欲以花

朝爲期參待清賞然不宜漏泄此意使東君知

之不及徑造者遠矣小詩奉博一笑

江南風味落天涯一樹橫斜望不賒已覺暗香浮別院

故知春色在隣家奪胎未敢窺仙骨具眼終能辨杏花

只隔花朝兩三日微吟吟罷許誰誇

將赴花朝之約得涯翁詩次韻一首爲請教之端

一春雙眼亂花枝偶向花朝欲賦之路隔西湖空遠夢

與深東閣已多時夢陽曰西湖東閣古今暗合矧又梅事公餘勝賞剛逢

雪病起高情不廢詩亦有閒愁祛未得且陪談笑倒尊

危

賞紅梅用前韻

設論綠葉與青枝踏遍香塵忽見之老去醜顏沾醉日
春來絳雪未消時溪山與裏憐新調冰玉堂中憶舊詩
花不負予予自負不將好景對芳危

賞紅梅席上遇雪再疊前韻二首以寒來命貧家

生計力止此耳當不復見督也

西堂曾此醉南枝盛事經年兩見之照眼紅芳如笑客

當筵白雪亦知時春風著物眞疑酒相思撩人漫入詩

縱使留連心尙在病來吾已謝深危

石淙詩鈔 卷八 十

孤根移自水雲涯未赴佳期意已賒風送寒香浮客座

雪增奇觀與詩家了將公事聊呼酒拋却春愁此看花

今夕定知何夕是好懷須向聚星誇夢陽曰韻藉語

聞有賞客在座病目不能徑造而不能不豔慕之

再用前韻一首以發諸公之興非實有所缺望也

諒之

長將玉雪比花枝別種風標更有之落日未醒姑射夢

軟塵如過灞陵時喜聞邀賞有佳客恨不追隨別詠詩

試向晚簷閒索笑滿堂春色照清危

答崔世興郎中兼奉東涯翁先生

春色無端上樹枝風晨月夕總宜之孤山處士微醺後
南國佳人聚笑時若比杏桃終異格偶逢霜雪更堪詩
幾回玉潤冰清地容我登堂數舉卮

只合山巔與水涯寄從南使驛程賒京塵不隔春風面
和氣今歸宰相家欲賦儒宗先有句未開庭院更無花
瓦盆一本誰遺我亦欲尊前對客誇

再疊前韻答東川敬所二少宰

折取江南玉一枝孤根隨地且安之已非仙骨能遺世
故點朱唇強入時老去顏容終藉酒箇中標格恐難詩
官居莫道無春色已辨明朝爛漫卮

石淙詩鈔

卷八

十一

答崔世興見贈

誰將豔色點寒枝應爲多情一贈之此後定知春有幾
向來長恐雪多時祇緣高調難隨俗不待全開已入詩
病起尙餘涓滴量醉翁心豈戀觴卮

夢陽曰梅詩凡十首風韻爭出

春林牧牛圖

東風入地萌芽生野水散漫陂田平杏花村裏清明節
樹頭布穀催農耕放歌拍手長林下半是農家牧牛者
自言牛背穩於舟更詫騎牛勝騎馬烏犍沙底和犢眠
老特徐行相後先却顧長鳴待其犢目光炯炯頭昂然
芳草青青暗郊藪牧兒叫呼隨犢走數幅烟蓑溪雨深

一聲羌笛山雲吼牛饑牛飽恆由人兒怒鞭牛牛不噴
物生有欲皆可制龍亦可豢虎可馴大化流行生意滿
斗柄斟調誰付管中原餓草仍塞途相國徒然問牛喘
嗚呼牛功在人牛不語坐食無功吾愧汝潢池弄兵今
未休安得賣刀齊買牛

履端曠闕爲孫南山賦

蒼顏擊壤屬時安過望天門拜履端教子看登唐甲第
承恩先著漢衣冠南山花竹年年茂春雨桑麻處處歡
不獨閒居知帝力杞人兼抱寸心丹

五月七日先皇帝忌辰志感二首

石淙詩鈔

卷八

十二

往事傷心恨未窮小臣身自際時雍人間何日忘宏治
天下茲辰痛孝宗海月不歸華表鶴殿雲猶逐鼎湖龍
極知鶴駕瞻依地空懸丹宸想御容

越朝長聽五更鐘清廟曾陪賦肅雍桑穀自消商太戊
犬戎終屈宋仁宗身隨日馭瞻重曜夢繞雲衢從六龍
欲寫新詩歌舊德太平無象可形容

夢陽曰二詩它人字字頌讀之淚下

約同寅二少宰看芍藥

好花重發舊年枝繞砌翻堦總未知春去酒盃終寂寞
病來詩興覺衰遲芳菲寶怕遊蜂妬窈窕兼愁過雨敲

我已負花君豈負慙時邀賞莫愆期

五月十二日詣闕上封事伏候勅旨

紫殿門深午漏遲一封瀝血叩丹墀臣言懇懇皆忠憤

天意明明合轉移苦矣邊兵猶未解傷哉民力已難支

向來無限憂時念宗廟神靈故有知慶陽日有韻之疏有犯之詩

涯翁以金莖露酒爲國賢地官饋國賢不敢自私

緘致江南壽其母太夫人次翁詩韻二首

一鶴南飛度海天遠分仙醞壽筵前通家亦有登堂顧

擬曠中冷佐惠泉

暖日高堂自啟封白頭登拜御廚供設誇春色濃於酒

石淙詩鈔 卷八

得似仙郎意更濃慶陽日二篇篇雋永

蔣少宰廂房賞蜀葵

退食從容散步時沿階花影畫差差隔年對酒成新賞

入座含毫續舊詩穠豔雨餘金粉膩紫房風過錦標敲

蜂鬚蝶翅憑相妒不遣芳心一寸移

再疊韻答二少宰

莫惜芳菲已後時向來紅紫漫參差未辭顏色聊隨俗

可信風情不負詩心怯酒兵愁未解眼迷花霧字全敲

傾陽亦是吾人性把翫無言坐屢移

三疊答蔣少宰兼柬東川

開向羣芳盡歇時淡粧疎影故差差品題不惜千金價

農圃曾收七月詩可爲傾心翻獨立恐因衛足漸成歎

慶陽日衛足屢用之此一句優兩川八桂皆知已直共衰遲志不移

四疊答蔣先生

名收爾雅已多時水摘團烹種或差盛事漫勞文部賞

傍人徒羨牡丹詩花能耐暑終遲謝葉不禁風亦偶敲

日雨晴當再約醉看繁影月中移

東川次韻併以賜鮪魚詩見示再答一首

正是冰鮮拜賜時賞花高興後先差不禁相思重呼酒

若比風情各稱詩老去未勝杯酌滿小時曾插帽簷敲

石淙詩鈔 卷八

魚花總是無情物莫遣心盟與世移

次敬所聽明妃出塞琴曲韻二首

胡琴幾闋寄哀吟回首天南白日沈抱玉自憐終有遇

賂金誰遣獨無心黃雲滿路鄉夢斷鴻雁一聲秋草深

莫向絲桐鼓新調是非千載少知音

唧唧寒蟬市地吟飄飄萍梗任浮沈淒涼如訴傷春恨

哽咽終含泣雨心金屋故殊胡塞惡玉容元隔漢宮深

多情翻賴毛延壽贏得詞人爲賞音

敬所與諸公同過兼辱佳章投贈遇病不能一一

和答先和談棋韻一首以識一時之興頗恨聞教

之晚耳

諸君風韻本皆同
偶伴閒情過病翁
棋力自甘雙馬下
酒籌俱罰五杯中
也知適意非真樂
縱未忘機亦至公
落日餘酣成獨坐
浮生何事不匆匆

次韻荅東川敬所二先生

自笑波波混混間
百年身跡此區寰
早知夢覺翻成夢
剛道閒時却不閒
老去寸心終抱赤
病來雙眼謾窺斑
兒童莫唱江南曲
草綠王孫尚未還

客散西堂日已西
蓬萊東望五雲低
關山遠道鄉心亂
風雨閒庭草色齊
物態寒暄隨燕雀
世途得失任蟲雞

石淙詩鈔

卷八

五

公家事了何曾了
撫景多情漫入題

再疊韻荅敬所

早有聲名桂嶺西
士林瞻望首頻低
夔龍事業心常在
班馬文章駕與齊
天外風塵憐海鶴
水邊毛影笑山雞
如公清鑒吾多幸
無限英才助品題

小坐微醺亦偶同
不教拍手笑山翁
夢迷雲樹蒼茫外
身在鳶魚化育中
老去青山謾作惡
愁來白髮恐難公
君看塵鞅馳驅地
好似楸枰太劇匆

人生半醉半醒間
役盡形骸不出寰
世味久甘秋水澹
心盟曾與白鷗閒
因談往事顏猶赭
欲挽頽風鬢已斑

霄漢勲名諸老在
倦來雙翼合知還

昭君怨

馬駝絃管去不還
朔風吹雪暗陰山
髻鬟繚亂眉黛損
生世豈識燕支塞
自倚朱顏天界美
不賂丹青心不悔
黃金有神解移人
何止妍媸能奪真
玉鞍慘澹啼紅頰
驚沙撲馬馬不發
馬上遙傳胡地辭
如訴如怨聲嗚咽
君王莫更傷蛾眉
妾自薄命非人為
自從漢女嫁胡兒
漢塞已省防胡師
亦知和親非得策
漢家將軍空虎貔
人生於世貴有益
玉骨胡塵豈輕擲
君不見宮中多少
如花顏烟霧銷沈
誰為惜

石淙詩鈔

卷八

六

次敬所續選官房詩句韻

本謂納涼好翻愁
日色侵推窗瞰河渚
垂楊蘸輕陰于
時炎煽熾蒼生企
甘霖浮雲如白衣
變態成蒙霧扁舟
胡為來蕩漾清波潄
可望不可就誰測
淺與深彤牆蔽
嘉禾濃綠方森森
高鳥自回翔潛鱗
亦幽沈涼飈應秋
至灑然襲衣襟因
思隔晨暑燭灼真
流金欲濯苦無泉
欲蔭還無林勞勞
塵鞅中豈不懷故
岑一官竟何補三
年負登臨陶鑄非
所能鑑衡本無心
賡歌久絕響公暇
聊微吟蓬萊天咫
尺如聽薰絃音

送楊少卿正夫歸省有序

太常少卿楊君正夫上疏乞歸省其尊甫少保
公於新都上念公伯子石齋先生爲輔導元臣
有不遑將父之情而季方之行併代兄事爲可
其奏且正夫近臣與國大祀又其才器爲時屬
望方將大受不宜久滯鄉邑特命官給驛舟蓋
榮其歸而速其來也余託交正夫父子兄弟間
四十年于茲矣願方以目疾在告不得躬餞之
爲賦近體四章爲贈兼致起居於公聊效區區
通家之義云耳

一日三公願不違川中人道小蘇歸恩將寶鑑供珍饌

石淙詩鈔

卷八

七

舞著宮袍勝綵衣魏闕遠還依斗望蜀山高不得雲飛

十年一省從今始要見庭椿四十圍

老仙林下自優游盛福全名取次收閣樹烏圍多鳳羽

天池鷓化有龍頭三槐五桂皆成蔭翠竹黃花正及秋

帝遣仙郎暫歸觀鯉庭嚴訓莫淹留

君恩予告給官程白日錦衣非夜行蘇轍才名還伯仲

楊修家世本公卿燕雲壠樹關離興竹笋江魚繫遠情

巴蜀似聞羣盜息祗應廊廟有鈞衡

夢陽日離譽人亦混形跡

太常官府本神仙又挾仙島下九天武署文曹皆譽望

舜禋周秩共精虔囊中只帶陳情疏馬上多裁漫興篇

留取平生經濟念廟堂公望佇登延

夢陽日四篇並佳妙

送王器之都憲致仕二首

不向黃塵較是非向來多事與心違君才可使今成隱
我病翻慙未得歸魏闕鵷鸞懷故侶武夷山水坐餘暉
因君寄謝林夫子亦欲相從問釣磯

次韻贈吳克溫少宗伯歸南都

甯庵之來余以公事方殷不得延致一話且詞
林諸故舊招延無虛日余亦不能奪也九月二
十九日始乘廟齋之暇請過邸舍清談數刻追
思往事悵然感之次諸公韻二首爲行贈兼東

石淙詩鈔

卷八

八

希大宗伯代一晤語云

清齋相對却盤餐暫會翻愁話別難光價自應傾藝苑
鋒鏖何止避棋壇心驚談虎頻睽隔慶洽從龍重合歡
明發不禁離思惡風高霜冷葉聲乾

中冷爲釀鞠爲餐亦欲相從會却難禮樂舊都稱得士
風騷今代詐專壇公餘不廢江山興家近長通骨肉歡

宮長白巖同調者共君詩筆幾曾乾

送彭濟物都憲總制軍務征蜀

彭濟物初爲秋官部屬時余嘉其器識亟稱諸
人人謂他日當以勲業自見比出守徽州嘗贈

之文以儒吏期之又嘗薦之劉東山司馬謂可
巡撫三邊不果用不知者或以予言爲過今年
春君以內臺重臣被簡提督京邊官兵征剿河
南羣盜仗鉞之初軍令肅然旌旗卒伍精采一
變不數月罪人盡得中土底寧而君之名亦赫
然以起始信余言之不妄矣蜀川盜未殄師久
無功朝廷壯君忠勇復命督師征之驛召詣闕
授勅以行蜀之公卿相喜慰欲賦詩爲贈且以
爲慶余爲賦二章俟川捷報至尙當執筆撰凱
歌爲諸公倡云

石淙詩鈔

卷八

九

兩川兵禍數年來戡定方資總制才天子已開麟閣待
中丞剛破蔡州回干戈擾擾青山瘦風雨啾啾白骨哀
早遣陽春生澗谷錦城花柳看重栽
二十年餘望策勳吳鈞親贈向離羣分符直許儒爲吏
仗鉞真成武更文雨後甲兵嗟未洗風前玉石恐俱焚
賢勞亦是吾人願今日登壇却愧君

正月十日神樂觀齋宿有述

夢陽曰以下七首皆與題稱

綸音親向玉階聞燈火齋堂坐夜分更箭早催行殿漏
明衣猶帶御爐熏盛時典禮瞻周洛往日封章陋漢汾
文識神天昭荅意君看日下有祥雲夢陽曰盛唐

十一日候駕用前韻

齊閣依稀午漏聞駿奔長記各壇分望回闈闔天仍近
坐有沈檀夢亦薰宴饗會須沾在錦篇章非是詠橫汾
龍輿鳳輦瞻依地佳氣亭亭覆朵雲

齋宮迎駕

鳴蹕聲中寶轍張兩階環珮正趨蹌春雲散彩籠仙仗
闕道回風引御香舊賜麟袍從換著新頒龍饌許頻嘗
明朝分薦星壇上休命眞慚此對揚

郊壇分獻得星辰

唱諧傳來奠獻齊燎烟高起望還迷天階下接星辰近

石淙詩鈔

卷八

三

雲路平臨嶽鎮低歌協重輝看並曜名占御筆是親題
三朝扈從臣今老慚媿崇班却濫躋
少年長奉屬車塵老入星壇奉幣新萬里光華瞻五緯
六宗祀典重三辰香從燔燎分餘馥禮並台衡接輔臣
時厚齋先生得夜明却向成禮占物色南郊草木已回春
寶湖先生得星辰

承天門候駕是日午後雪作

團團宮扇引爐烟閃閃朱旗簇綵旂萬馬踏空翻雪起
六龍扶輦自天旋舞兼干羽猶存古隊擁貔熊半出邊
人道聖心孚上帝賡將三白兆豐年

慶成宴書事

苑柳城花照眼新慶成開宴及芳辰班分黼座瞻天近
酒上龍厄獻壽頻歌調遏雲長繞殿舞衣回雪半隨人
兩朝舊事偏多感親見仙桃滿面春

題畫八首

秋雨芭蕉一葉敲梧桐岡上月遲遲藥爐茶竈真誰事
一曲瑤琴有所思

江南細雨杏花天草色青青柳帶烟物態逢春猶自得
王孫歸去定何年

滿目新杉夾舊松五更風雨撼遊龍涼亭羽扇悠然待
石淙詩鈔 卷八 三

莫負高朋策杖從

濯纓濯足自年年興到無妨枕石眠起看青天還洗耳
樹間恐有一瓢懸

綠陰深處有孤舟白日滄波水自流如此青山擅幽獨
也應脫屣傲王侯

蕭蕭古木帶寒鴉冉冉清溪映白沙寂寞釣竿無處著
不知高臥定誰家

三月緋桃花正開立都春色撲人來芳情不及幽禽樂
猶自栖栖九陌埃

孤舟一葉倚長松目送青天幾落鴻白草黃蘆秋瑟瑟

江湖猶自有漁翁

荅西涯醉後二首次韻

病裏乾坤似未寬塊然獨坐孰為歡多情空羨西堂醉
不向春風座上看

聖恩真與海波寬多少過從共合歡君已獨醒吾尚醉
漫勞青眼笑相看

得東山翁書病不能荅口占四絕句寄意

萬里東山一札來病餘雙眼為君開老臣無限憂民念
三復微言利溥哉

君在湖南吾薊北肯將心事託書郵怪來雙鬢多成雪
石淙詩鈔 卷八 三

不盡平生種種憂

傳來一札自涯翁老儀刑兩地同他日耆英圖繪裏
可容倦翼附雲鴻

一臥空齋兩月餘聖恩未許賦歸與錦衣肉食渾無補
慚負江東舊草廬

和西涯先生獨酌二首

相思不相見吾已負幽期病止陶潛酒愁深杜甫詩感
時眠未穩謝客起常遲料得微醺意堯夫獨自知

一臥經三月閒居事事憂真成病裏客悔不健時休過
眼烏歸樹傷心花近樓西堂有高興聊向句中求

言詩必如此作乃好

陸水村所藏盛子昭臨僧巨然江山清遠圖

董源畫法世無前誰其繼之僧巨然肖形伴色非所貴
點染妙在風神間武唐盛生近時起亦復經營極摸擬
細觀巧思入秋毫咫尺真同千萬里誅茅結屋柴桑徒
見不可得況可呼疎林密石相映帶幽溪細路時有無
如此江山清更遠竹杖芒鞋嗟已晚小院飛花空復春
開庭落葉無人管水村愛畫今劉侯殘紙斷墨勞兼收
予生嗜好畧相似却愧賞鑒非公傳塞鴻無聲沙月白
兩兩扁舟迥空碧幾時歸共舟中人長聽江聲看山色

石淙詩鈔

卷八

三

夢陽日杜格

涯翁先生初度之辰和所作者英會圖歌韻為壽
成功不居視若無間情早賦歸湖圖擁門賓客為稱壽
惟公與我同是文僥徒爬搔鬢髮秋霜改指點朋舊辰
星疎悲歡夷險飽經歷金石一念還當初是時朝廷方
偃武中原掃蕩無豺虎訂謀元自出綸閣勳蹟宜將載
盟府懇辭恩廕但求歸十疏回天謝簪組前身本是謫
仙人袖中光華五色文甘盤舊學帝所眷默運元化銷
氛塵雷風春撞坐可定苦辛調劑終能均伊周以上貌
莫覩富韓文呂皆其倫生賢固待作霖雨君看初度正

及六月三三辰幾回詔王文場事藻鑑盡收天下士至

今桃李蔭餘春館閣誅誅連省寺回首江南佳麗地招

公不來豈天意姓名司馬誦兒曹出處東山繫斯世一

年一賦樂天詩老去風情信有之要看百歲從今數更

閱三年是古稀少日相逢開口白戰彩毫長在手中

年仕路各參商我持節鉞公台斗祗將書札謾論心翻

為風波聊聚首西征起廢重入朝相顧幡然成兩叟劇

談深夜動清酌此意亦知非在酒宋朝者英十二翁丹

青照眼多名公奇蹤盛事絕無而僅有與君擊節三嘆

懷高風君今超然脫屣去獨向泥滓瞻蜚鴻少君八歲

石淙詩鈔

卷八

三

精采較君弱蒲柳不與松筠同力不稱心難奮庸早晚
得歸隨老農年年學製南飛曲願託鶴使附上雲霄中
底須同社自同調氣感聲應蚓與蟲猗歟休哉祥光午
夜垂桑蓬豈無羣仙駉鸞來自東丹霞金鼎倘可乞願
力薪水長相從

送北潭傅宗伯得請歸致仕

先憂心事苦難祛曾有昌言獻玉除一代文章唐學士
百年禮樂漢尚書平生直氣元無餒末路完名恐不如
歸去只愁眠未穩聖時徵詔有安居夢陽日二一篇整整
病來曾共乞歸田君去吾留獨惘然夢寐有懷終捧日

封章無力可回天瀛洲班駟攀難及霖雨商巖望正懸
他日停雲應憶我閒中詩句更堪傳夢陽曰鼎雖千鈞
鳥獲扛之便起

壽麓翁先生

公生正當明盛年前身元是蓬壺仙玉皇勅註金閨籍
日侍幃幄供御筵帝曰良哉此忠盡官事府事咸咨焉
秋霜烈日氣浩浩長江巨海芻淵淵披腹造膝近希有
退食未罷聞傳宣手持虞廷五色線密補衮繡光華全
成功不居益惕若妙用斂盡方寂然一封謝病優詔許
授簡爲著閒居篇消磨歲月盃中物陶寫性情囊裏絃
揆余初度及佳節中元之後仲秋前金風脩飭蕩餘暑

石淙詩鈔

卷八

三

玉宇澄澈明白纏堦庭尙留真四莢壽筭終期椿八千
帝遣羣仙下稱壽雲際駕鶴來翩翩豐隆驟乘望舒導
芙蓉垂旌羽蓋懸一翁疑是羨門子獨騎蒼鹿過芝田
蟠桃有宴今始見眞珠爲漿瓊作鮮雙成吹笙弄玉和
九奏萬舞聲誼闕琪花瑤草亦無數青壁千仞世人想
像難攀緣吾聞皇天壽平格公有勲德誰齊肩神仙荒
唐不須論爲善獲福此理昭灼無私偏君不見蒼松矗
空山拔地吾識良工有深意

靳充道得端溪石色純白琢而爲硯命之曰端玉
予爲銘之銘曰

謂剛可折惟正罔缺謂白可涅拭之無迹漸漬甘液不
溢而竭施而不伐湛然居默匪垢之合曷成我德若究
其用爲文章五色

歲寒三友圖贈胡質軒歸江南

朔風森嚴氣栗烈騎馬出門三尺雪伊誰爲結同心盟
欲抗玄冥挺高節剛貞古稱秦大夫此君勁直眞吾徒
姑射仙人冰玉骨不遺顏色沾泥塗歲晚相看作三益
萬紫千紅今有無我昔江南託深契幾年不見疑遐棄
良工貌入生綃中燈前把翫依稀是竹松無影梅無香
眞耶幻耶心彷徨願從美人一問訊遲我拂衣歸草堂

石淙詩鈔

卷八

美

寄贈傅宗伯先生

一封先我獨還鄉冠蓋如雲祖道傍天子重違歸老願
朝臣爭上乞留章秋風醉浥黃花露梓里光生畫錦堂
未必山林能穩臥志存憂國恐難忘

賦畫錦春暉爲白崇之母夫人壽

華髮垂垂坐晚暉春風又逐大郎歸新街已換金吾貴
佳氣看滋玉樹圍天上駟車明畫錦膝前朱履照重闈
白雲仕路多乖隔得似皇華願不違

送李都憲致仕

故老頻年半在山春來又復放公還身如黃鶴空中舉

心與白鷗江上閒新著好辭人競賞舊栽修竹手親劖
風波滾滾何時定却望丹厓不可攀

寄壽守溪王先生

不戀黃扉早乞身百年風日洞庭春青雲滿座耆英社
白首三朝柱石臣郊廟正須華國手江湖可少濟川人
相知亦有岡陵祝來歲乘舟正及辰

慶少師李公夫人朱氏六十壽

坐引南薰暑氣微捲簾春色映斑衣百年具慶祖孫在
一品重封今古稀坤殿歲朝先命婦壽觴晨舉獻慈闈
要將花甲從頭數直比岡陵願不違

石淙詩鈔

卷八

三

八月十六日涯翁宅上賞月二首

今夕知何夕西堂看月生縱然些子缺終是十分明草
露團猶濕林鴉靜屢驚南樓興不淺相對倒深觥

一別江鄉月五回燕樹秋嫦娥不改色人世自多愁玉
宇澄如洗銀河近欲流明年江上看高興爲誰酬

八月十六日夜賞月用涯翁原韻并限句首一字

席上作

此夜清光異昔年樹間驚見月仍圓風生寥廓雲收暈
露溢高寒鶴唳天共以賞心耐樂事還將詩興託賓筵
夜深劇飲休辭醉秋興於人覺更偏

再用韻并所限首字一首呈涯翁

此會相期已隔年樹頭明月又重圓風飄素影星垂地
露沁空階水接天共惜流光催短髮還驚佳句出芳筵
夜來怪得清如許秋到梧桐景最偏

涯翁惠家園胡桃石厚諸老有詩次韻奉謝

園果新勞採摘來翠盤擎到手親開品題直與龍鬚重
把翫休將鴨脚猜帝里秋風多異種相門嘉樹此深培
金鼇詩就爭傳誦不羨隨珠有萬枚

送劉彭一作彭年主事奉使便道西歸省祖母東川先生

石淙詩鈔

卷八

三

皇華便道許西歸公義私懷兩不違使節未曾辭上國
好音先已到重關黃封寄獻稱觴酒官錦裁成繡綵衣
慈竹生孫孫又子眼看蘭玉正交輝

五色琅玕叩帝閭卽看金部領除恩百年嘉樹懷前輩
三世賢科有後昆遠道采風多人詠西川負弩未堪論
英年正發青雲朝須記親庭授簡存

南京禮部尙書喬希大考滿之京夜話有述

南來消息已多時不道相逢却太遲纔以寒暄通慰藉
便從道義見箴規冰清槩苦心仍在燭短情長坐不辭
此後定爲經月住過從頻得話吾私

始聞君南來引領連日夕予時方在告望君慰幽寂如
何三月餘尙作千里隔忽傳弄璋喜旋聞炊白臧相見
涕猶零欲語聲更咽人生天地間完美不易得宗祧責
匪輕有子願已塞勸君須自珍勿爲苦相憶

吾生苦多過致身無遠猷緬懷同心人時有良藥投別
去二三載俛偃瞽而游年衰病日侵位重財不優乞骸
苦未遂素餐良可羞君今須見處庶以消我憂夢陽曰
真情語
聞涯翁宅上諸客用前賞月詩韻贈希大賀生子

依韻二首

別後懷人年復年寸心明月與孤圓如何夜雨青燈話

石淙詩鈔 卷八

完

長隔江東薊北天客裏悲歡憐近況吟邊風韻羨當筵
也知暫會情尤劇深坐頻教燭影偏

流光荏苒度中年驚見明珠掌上圖彩鳳將雛新出穴

玉麟呈瑞本從天龍龍夢已符佳兆湯餅詩還阻賀筵

萬事君今聊已足宜情鄉思較誰偏夢陽曰二偏
字比前勝

久不會希大聞在涯翁宅夜與諸客聯句再用前

韻一首

送君東郭是何年四十二迴燕月圓未去先愁分袂日
將歸已過授衣天青雲滿座多知己白戰通宵當別筵
怪得相望不相見書香亭上興猶偏

小酌與希大話別

猶懷燈火坐寒幃眼見雲霄接翼飛南去尙嫌書到少
北來翻怪會時稀江山勝概題將遍道德初心老不違
鄉思無端驅未得一觴那更送君歸

夜候涯翁聯句不至聞在聖公宅別有詩爲希大
贈行星堂舊侶獨不得參廁其間撥悶一首

一燈相對坐深更聽說西堂賦又成郢調未容巴客賞
隋珠偏照夜筵明推窗忽見孤鴻過隱几如聞落葉聲
老去正須朋好樂秋來送別恐傷情

希大夜過予辭有感

石淙詩鈔 卷八

三

予既作師生會別敘贈希大因憶近爲希大口
占數詩通錄爲卷有餘不盡之懷於是乎見之
工否非所計也

衰年重離別未別心已驚子行及秋暮感此寒螿鳴歧
路豈不多子懷久已平雖無兒女涕執手難爲情平生
報國身物望良匪輕我老百無庸遲子崇令名

涯翁約過相與聯句爲希大贈屬予選事方冗不
得赴因各起句令吏人遞傳相續共得八首并得
五言長句一首通錄贈之

三載相違一月逢楊笑談何事未從容停雲在眼翻疑

近李 舊雨關情轉更濃老去不禁離思惡楊閒來偏覺

賦詩情鱗鴻豈必傳千里李咫尺書郵尙費供楊

隔巷詩筒遞往來李一時幽抱爲君開病餘已廢揮毫

與楊檄罷還驚倚馬才似有神交同曲水李久知才望

重容臺雷歡不盡通家話楊憑仗深情送淺盃李

關塞風高落葉初楊太行西去鴈行疎漏聲遙送尙書

履李秋色長隨使者車池草夢回翻惜別楊江鄉地好

欲移居平生出處論難盡李聊復微吟意有餘楊

擬駐行軒當別筵李向來相望渺雲天歸心又逐征鴻

去楊陋巷猶堪匹馬旋道義幾人肝膽盡李勳名千古

石淙詩鈔 卷八

簡書傳丈夫末路須珍重楊豈向雲霄羨著鞭李

又傳新句入芳隣李時在李下里陽春恐未倫短日肯

虛良夜永楊暮年方識故情真官曹嚴重無私札李門

巷宗深有重賓忙裏博忙成一楊部試諸生李又將清事

惱閒人李夢陽曰此李結弱似詞曲

西堂如聽賦離歌楊南國高人興更多應謝遠梅移健

步李要從滄海藉餘波詩壇或恐傳奇事楊藝苑誰知

有別科猶喜催進非俗吏李箇中風景未容磨楊

廊廟山林調不同李欲將雙翼附雲鴻情深總爲門牆

故楊義重兼勞枯羽功翻雨覆雲空過眼李感今懷昔

各成翁閒愁萬種誰消得楊不在吟邊在酒中李

擬共高筵愧未能楊却煩佳句遣相仍不須風采來傾

塵李已向西南慶得朋少日相從今已老楊青雲隨處

可飛騰悲歡萬事休勞問李別有閒愁似杜陵楊日聯

句此八首最妙而公

五言聯句

君來一何徐君去何太急欲留恨未可相望恐無及幽

居懷平生楊老景侵七十情深倒裳衣力倦忘拜揖每

煩三南叟慰我百憂集庭花有新栽李手稿多舊輯通

家昔綢繆不見增鬱悒將歸留復止欲語意先入誰哉

石淙詩鈔 卷八

籍湜倫楊先讓游楊立真同握手戀壯豈臨歧泣幽襟

藉陶寫陳語羞蹈襲意得時起予李堂升從涉級文章

逐泉湧青紫如芥拾填篋相和鳴簪組共輝熠天曹助

清鑑楊邦禮聞雅執登高騁遐步學古得深汲石淙誠

浩浩白巖方岌岌物理諒有然李朋交非易翁篇章遞

相續應接不遑給緇衣好未已白駒去難繫蕭蕭風葉

下楊悄悄霜蛩螿哇荒每思鋤屋漏頻苦葺有跡寄山

林無緣謝城邑餘談信瑣屑李大隱人間習客來酒不

空輿到詩成什揮殘彩毫鋒染盡銅盤汁高歌爲離人

楊 河酌思彼挹籠燈燄猶短匣劍苔應澁文逢章甫盛

武念干戈戢周道莫倭遲楊皇華在原隰

畫龍

幽泉出石窟下注成洪河老松傍陰崖屈鐵迴枝柯神龍蟠其間變化難測摩日夕雲從之油然駭山阿吹噓石為走噴吐陸騰波蜚廉不敢瞋豐隆聽焉訶如聞歲大旱四野無青禾胡不早為霖遐邇沾滂沱焦枯頃刻蘇呻吟轉謳歌不然恣乖懶雖靈安足多我語龍不聞柰此蒼生何

和涯翁假山二首

經旬不到君亭子忽見巉巖入坐間醉後任眠元亮石

石淙詩鈔

卷八

畫

興來權當謝公山烟嵐暝帶雲根潤莓蘚秋生雨後斑不獨主人堪翫賞佳賓相過總開顏

構罷新亭更此臺一時心目兩幽哉愧無佳石為君贈

喜有新詩投我來錯落巧隨人意出瑰奇元出化工裁

平泉第宅知無數只羨裴公綠野開夢陽曰此篇聯不及前結則過之

元宵後三日崔世與席上次韻呈涯翁

通家猶記出南荆京國頻勞倒屣迎老去文章終典則平生出處自分明春風座上賡酬與冰玉堂中燕饗情燈火淹留歡不極屋頭明月又東生

蕭九成天趣園

九成作天趣園守溪王公發其義少師涯翁又

為賦之亦既明且備矣予復何言九成間持過

予因作短句十章他日君得告歸鄉游憩園中

令童子歌之君擊節聽之以為何如也

石壁

壁立自何年諸峰屹相向消得米南宮再拜呼石丈

盤石

吾跡自天設可琴還可奕世途多險巖何如坐盤石

源泉

宣尼歎逝者道體固難名任渠桑田變不解涸與盈

石淙詩鈔

卷八

畫

曲水

激水或在山而豈水性為世情已多曲君勿泛流厄

方池

老忘舊路津頗識源頭春主人不羨魚游魚常傍人夢

日乃是天趣

水碓

乘流自轉動為利勝桔槔終漸漢陰叟抱甕不知勞

釣磯

磯頭看水哉直自雲根瀉何須物色尋不是垂綸者

丹穴

神仙信有無丹穴依然存勿用往來之須念君王恩

漱清軒

層軒瞰碧溪日夕漱清冷風塵滿人耳吾欲枕其清

仰高亭

鄰邦故多賢後人須仰止由來思其德不在高山裏

涯翁約看紅梅不果赴和舊韻奉謝

西堂誰信此芳枝好事于今信有之君賞正當方盛日

我來會及半開時招邀未擬參高會想像猶能詠舊詩

寄語花神休寂寞且留春色照清危夢陽日風韻

涯翁以詩來趣將赴約再疊韻一首

右宗詩鈔

卷八

三

元是江南第一枝春風無處不宜之載將清酒酬新賞

了却公家恐後時君自多情容我到花如有意索人詩

祇愁病眼辭涓滴不盡燈前爛漫危

涯翁宅上賞綠萼梅用前韻

一種春風別有枝不應題品獨遺之點成翠額翻成態

洗盡紅妝不入時約向花朝先有夢賞當月夕更堪詩

痴頑未了公家債聊復偷閒一舉危

王郎中以父病乞假歸涯翁有詩次韻

勿藥占來喜更多不教雙鬢便成皤兒孫報到心兼慰

花柳春回氣轉和山下看雲攜鶴往田間擊壤和農歌

仙郎欲問長生事若比靈椿不啻過

乾寧世引恩榮錄為皇親壽寧建昌二公賦

幽燕之南瀛海東山川今屬王畿雄乾坤靈氣此蟠聚
乃產人豪稱秀峰秀峰先生本儒彥有賢伉儷家慶之
所鍾太陰入懷聖女孕天作之配吾孝宗虹流電繞是
何夕前星一點明青宮歷觀古來帝出震以嫡升儲真
罕逢雞鳴問寢旦復旦時見鶴駕隨軒龍元良位正國
本固日輪月彩光華重聖人繼離握乾歷萬方玉帛胥
來同端居慈壽母天下徽號兩上無加崇周家任如有
典則漢朝馬鄧皆下風惟皇推恩褒所自壽寧大國膺

右宗詩鈔

卷八

三

生封九原不作帝深悼昌國追封爵上公今壽寧侯既

克世建昌二難階並隆奎章昭回揭霄漢連雲甲第爭

穹隆太夫人金復多祉黃髮皓齒顏如童人間榮養誰

比數珍品盡出天廚供兩侯標格清如玉前身定籍神

仙中流車躍馬顧豈少持盈守約心冲冲不將絲竹競

燕趙直以書史親章縫乃知昌國澤未艾階下誦誦蘭

桂叢乾寧世引手親錄要侈國典昭元功更置彝訓昭

罔極為子須孝臣須忠吁嗟乎黃金鑲書鐵作券直與

河山相始終

和李繼伯席上韻醉後作

青雲何地問蒼天洛社耆英愧莫先客夢尚隨并舍遠
鄉心不逐塞鴻前人從綠野瞻裴度誰向春池憶惠連
是夜繼伯况 七步清才傾四座彩毫入手動盈牋
常伯先歸
共向通家憶達尊分明前輩典刑存一柱擎天應自許
七絃流水共誰論直將經業傳家學翻恨科名奪蔭恩
待隱賦成同調少似聞習隱舊名園

次崔世與李繼伯席上聯句韻五首

星聚當年更此堂其將高興佐華觴王猷未返來時棹
苟令應爵去後香舞袖翩躚驚滿座歌聲繚繞出迴廊
羣仙筆陣真無敵不羨生風戰堵牆

石洪詩鈔

卷八

三

興入騷壇便不廉坐移星斗下疎簾冰絃未厭頻翻調
毛穎應愁早退尖莫道勳名虛竹帛肯將心事負華鹽
祇應詩思清如水石鼎香泉取次添

喜逢仙客駐孤筵絲竹紅梅況闕研許國心期孤劍外
通家情話短檠邊餘歡更向詩中盡盛事須憑畫裏傳
對客揮毫吾倦已聰明不似十年前
夢陽曰說得透

龍門人望隔崔嵬冰玉堂中首重回已幸金蘭還管鮑
未論膠漆是陳雷百年同調幾人在一笑忘情萬事該
怪底清魔驅未得月華霜色共皚皚

情多不共酒俱闌自有春風敵夜寒舊雨設辭今夕醉

古音重續向時彈人於逆旅誰非客話到忘形始見歡
更向麓堂懷大老直從塵滓望雲蘿
夢陽曰五篇並慷慨多情

石洪詩鈔

卷八

美

石涼詩鈔卷九

明安寧楊一清應寧著

門人 北地李慶陽

武功康海



赤壁圖

我昔南遊尋赤壁居人指點無真識江聲月色大抵同
仰瞻懸崖各千尺誰為此圖圖者誰東坡老翁游宦時
洞簾入空木葉下扣舷放歌隨所之舟中二客亦同調
舉觴載誦明月詩乾坤無情節片改千古江山長在茲
江流如訴英雄恨山色欲爭文字奇吁嗟乎往事悠悠

石涼詩鈔

卷九

勿復道展圖臨風發清嘯

題畫一首

江南無處無幽棲拄杖獨往窮攀躋莫教送却歸時路
春雨夜漲桃花溪夢陽曰盛唐

趙千里畫

烟花樓閣參差起翠嶂丹崖粲如綺尋遊何必定芳春
如此秋光更可人扁舟一葉來何暮須向安流識歸路
君不見扶桑之西弱水東人間何地無方蓬

和西涯寫真韻

誰把丹青貌我公聖朝麟閣更加崇斯文共屬陶甄裏

吾道都歸出處中城市不妨高隱念簡書應錄濟時功
黃塵擾擾何時定却向蒼冥羨遠鴻

題竹贈王國用之新興

長依介石度年華雨後風神一倍嘉若遣蒼生皆潤澤
未論蹤跡是天涯右雨竹

曾移淇澳種家園白日晴空下彩鸞去見此君煩致語
缺來長恐舊盟寒右晴竹

和西涯先生漫興二十首

小徑疎籬曲曲通風光都入兩亭中花香鳥影飛揚地
獨坐無言萬慮空

石涼詩鈔

卷九

手種新篁高出牆醉眠白石穩於床崇堂密蔭亦何用
拋却塵心心自涼

相看俱是白頭人歷盡風波有此身猶恨塵蹤太匆劇
龍門不到已經旬

兩園花竹種俱成歲歲庭前春草生畱取自家意思在
興來策杖且閑行夢陽曰然

日日蓬門為客開兒童熟客不須猜底事東風亦愛客
當筵時送落花來夢陽曰杜

乞得山林未老身不妨詩酒見風神箇中真樂自理會
難語悠悠行路人

曲巷回廊隔市聲花徑不掃莓苔平多情山鳥解人意

何處飛來時一鳴夢陽曰杜

客至開尊各解衣愛山休問是還非酒闌客散夜初寂

明月自照主人歸夢陽曰天趣至此恐自解不得

亭下小峰綠綠苔主人詩興自崔嵬不用杜門卻賓客

也應無有俗人來

西莊果實太未稀房山鯽魚也自肥一般風味足可樂

何必故鄉方是歸夢陽曰杜

東風桃李滿門牆老去重開綠野堂只恐欲閒閒不得

酒道詩債一般忙夢陽曰杜

石淙詩鈔 卷九

園亭風日入清秋綠樹重陰護四周頗恨青山看不見

似應別起看山樓夢陽曰意外之意

銅盤墨汁幾曾乾欲謝清麈恐亦難晉代鍾王唐李杜

賸留遺墨與人看

短衣箕踞病中身俯仰茫然一岸巾誰道詩成無和者

與君同是未歸人夢陽曰詩必未歸人而後和乎

聞君抱病掩柴門數月不出城西村願得太平風日好

浮生何地不乾坤夢陽曰杜

竹底吟詩手自書盤餐未少菜兼魚不須更作江南夢

此興并州已有餘

天近銀河拂曙流巷深不隔市烟浮夕陽墮地鳥投樹

明月滿空花入樓夢陽曰晚唐

老將心事叩穹蒼一寸曾回白日目光身繫安危今幾見

更難全節是行藏夢陽曰三首步用故事少通秀

凌烟第一是何人憑仗丹青為寫神玉帶麟袍今命服

何須別著古衣巾

憂民憂國商保衡鏡中華髮幾千莖向來體力應全健

不似當年太瘦生

盤車圖次涯翁韻

空山雪霽寒漸流酒宿孤燭炊烟浮農家捆載力挽牛

石淙詩鈔 卷九

欲進躑躅牛應愁卑者在隰高者邱前村尙遠不得休

車隨斤斧壞即修牛力且敝盍少留沙駝力抵牛數頭

憤與戰士駝鎧矛換橐雖重何足憂車停牛歇載已收

取醉齊上高陽樓

和涯翁漫興後十首 脫失一首

世上幾多閒歲月浮生誰是散神仙風光如此不同賞

空羨日高花影眠夢陽曰晚唐

蕭蕭風雨浹旬多道上泥深半沒波莫羨東園能穩臥

向來曾歷幾風波夢陽曰說盡

老覺后山精力盡病愁元亮酒盃空百年強半歸何處

夢在春花秋雨中夢陽曰有味

煮海流金事果符分明天地一洪爐昨宵風雨來何處

淨洗炎蒸半點無夢陽曰亦說得盡

山中雨多烟草浮幽人閉門不出遊衝泥城市非我願

未脫塵羈可自由

數畝方塘數尺牆功成聊向此深藏青林日午鳥啼歇

花氣晴熏入畫堂夢陽曰晚唐

水面微風意入秋園亭溽暑不曾收繁陰匝地雨初霽

忽聽蟬聲在樹頭

畫長無事掩蓬門徑草巖花自結隣亦欲追隨坐終日

石淙詩鈔 卷九

此身猶是未閒人

閒來却苦詩為債病起還將酒作箴解識微醺有真趣

不妨開口一微吟

送高穎之南京光祿二首

丹桂陰陰映綠槐尙書門第舊崔嵬君看瑣闥題封筆

元是詞林樂育材北闕暫辭鸞鶴去南州重逐駟車回

兩京不是天涯別况復卿曹切上台

藝苑文章一代華諫垣清切幾人誇早知持論能匡國

更喜遷官是近家龍車千年多雨露鳳台三月富鶯花

送君未得隨君去却望仙騶意轉賒夢陽曰二篇整整

三星圖歌

今月何月辰何辰維嶽發秀還生申公生夙稟扶輿淑

玉雪為骨秋水神供事禁廷凡幾歲一見先皇勞簡記

簡向青宮侍我皇千載明良遂深契龍飛親錄侍從勞

鑲玉作帶蟒為袍一門圭組荷寵錫三代綸綍承殊哀

生平自許惟忠義氣雄萬夫名蓋世不將寵利居成功

一封懇作歸閒計玉勅傳宣親紫宸補袞還應思舊臣

公心謙謙不自有俯視聲利如埃塵金風脩脩掃餘熱

庭階尙留蕤四葉玉宇澄清灝氣浮正及高門弧矢節

登堂獻壽多簪纓彩雲覆地紫烟輕流蘇幕映金蓮起

石淙詩鈔 卷九

瑪瑙盤隨玉脰行仙凡不隔蟠桃宴輟亭駕午浮丹嶽

淋漓羽蓋森鸞旌帝遣三星並垂現憑誰為寫丹邱圖

人間安得如此乎仙鹿可馴鶴可呼願公翱翔入極歸

蓬壺魯歌三壽理不誣荷敷休哉黃塵茫茫白石枯仙

翁之壽不可以數計直與造化相為徒夢陽曰長江一

送唐雲卿歸江南六首

帝錫殊恩有人如具慶稀遙隨母氏去還載命書歸白

日明宮錦春風上綵衣無為念閨閣至樂在庭闈夢陽曰杜

格

老去吾多過秋來子又行孤燈獨自坐片月爲誰明江
海憂時念冰霜作宦情滄浪近吾舍曾與白鷗盟口此

首句何如字字
如玄之又玄

世豈憎人好吾方愛子才直躬翻速毀信口或深猜肝
膽竟難託年華苦易催爲山力須往九仞在親培日此

首不亞
前首

五載鬢成絲南歸未有期還因送君日憶我到家時池
水添新綠園花發舊枝樓樓豈吾願謾作北山嗤
爲別本作惡衰年重不堪歸鴻猶勸北落木又江南古
道我何有世情君所請逢人莫深語風月但清談

石淙詩鈔 卷九

七

落落苦難合君言實起予秋風惜別處江雨夢醒初白
首交應少青山跡久疎通家自解道不用寄家書

乙亥仲秋八月三日道祭文廟歸與客享昨醉後

和聯句韻

小軒涼雨送清秋賓主東南各唱酬殿上朵雲看共捧
樓頭五鳳爲誰修詩才對客滿成戲酒興逢時却未流
良會向來剛見此不勞投轄自須留

疊前韻答徐子容編修

詩才入座凜如秋投玉翻慙木李酬龍輔御筵心爲啟
木天金匱手親修涼生新月清如洗露浥銀河夜欲流

絕勝春園桃李宴不緣多罰未能回

荅曹汝學御史

遺祭初逢乙亥秋帝心誠敬媿難酬盤餐入夜多知舊
俎豆餘芬有脯修露下空階衣半濕風生虛院燭應流
烏台公事何時了暫得清歡豈浪留

荅安汝礪都諫

撫景空驚白髮秋君恩如海若爲酬化機自屬吾人運
衰職遲須公等修白日分明雲未斂太陰寥闊水空流
相知幸得陪深坐應有餘香數日留

涯翁和韻見寄奉荅一首

石淙詩鈔 卷九

八

八川虛堂白露秋忽傳佳句媿難酬尋常談笑皆風致
咫尺門牆尙阻修少日交規今皓首平生忠信已安流
願聞歲歲分神胙不獨東齋有客留

再疊韻寄崔世興少卿

小酌茅齋正及秋一時高興幾人酬平生道誼多知己
盛代衣冠總好修別去尙懸孤枕夢年來誰障百川流
崔卿只解題黃鶴不爲星堂片刻留

八月十三日過涯翁東園賞月席上和去年聯句韻

月色秋光年復年賞心何必問虧圓猶懷白雪陽春調
共挹金波玉露天缺處正須勞望眼興來長此醉芳筵

塵蹤役役驅難盡空羨詩情少日偏

荅曹豸史汝學用前韻

忙裏偷閒未是狂中秋吟賞歲為常天邊桂魄當秋淨
坐上龍涎入夜香隱隱玉繩星漸轉澄澄銀漢露初涼
柏台公暇聊乘興案牘關心恐未忘

次韻荅涯翁四首

先朝台輔地純用讀書人身到黃扉久堂開綠野新姓
名為世重出處任吾真亦有明農願東坡學製巾夢陽
句渾

石淙詩鈔

卷九

九

烏愁應泣江山賦總真東園吟賞地時復岸綸巾

半夜窗前月平生夢裏人朝端黃髮少世上白頭新往

事應多誤文情幾是真如聞村酒熟欲往試陶巾

老我未歸客空慙林下人一身隨物役千慮逐時新舊

學荒應久初心負已真朝來對青鏡短髮不盈巾

用舊韻荅涯翁東坡巾

妙製傳來不計年剪裁隨意得方圓從周敢謂時非古
取象無慙上戴天雨怕墊時成折角酒防側處異初筵
松風石壁詩家詠却羨仙翁此興偏

九日席上和曹汝學韻

不隨宋玉浪悲秋高興逢時可自由投轄正愁賓去早

看花翻恨酒行稠茱萸插帽故鄉遠蟋蟀在堂良士休

未怪白衣人未至蓬門猶幸擁仙駒夢陽日風流配
藉又是

荅安汝礪黃門

年如過隙影身是未歸人白髮看看盡黃花故故新淹

留嫌燭短傾倒見情真醉後烏紗側翻成折角巾夢陽
日風

情似

再用前韻謝諸客

城闕疎砧急暮秋老思閒散恨無由天邊白雁西風盡

江上青山落木稠同社故人期會合候門稚子望歸休

石淙詩鈔

卷九

相過且為留連坐莫便呼燈促去騶

送陳指揮還揚州

黑髮功名正未涯早看金紫照烏紗身沾雨露逢昭代

業有弓裘是故家天上歸心隨白雁馬頭秋色載黃花

故園只隔長江水鄉思因君轉更賒

畫雁

江岸蘆花秋簌簌江頭旅雁羣相逐啄者自啄宿者宿
叫入斜暉斷遺續秋來砂磧已冰霜去寒就暖爭廻翔
物生有性各自適何處江湖無稻梁高飛冥冥謝贈弋

惜取扶搖雙健翼惱亂游人萬里心驚起漁家數聲笛

昨夜南樓聞北風天長水闊雲濛濛何當便買舟一葉
醉來掉入蘆花叢夢陽曰古調如畫

呂紀雪圖

元冥令嚴氣栗烈釀作江城三日雪朔風捲地天冥冥
四顧青山黯無色是時同雲凍不收咫尺川梁成阻修
灞陵豪客方閉戶刻曲幽人難放舟山禽在原半在隰
欲飛不飛毛羽濕渺渺平沙落雁多蕭蕭古木羣鴉集
天寒日暮恆苦饑欲覓顆粒將安之長安貧者亦無數
邊用恤此禽豈爲四明畫史清狂客決皆大呼聲裂帛
畫裏風情祇自知賦罷令人三嘆息夢陽曰古調

石淙詩鈔

卷九

十一

牧牛二首

橫吹短笛隴頭行細草烟深暮雨晴生世但知牛背穩
人間聲利不關情

雨衰烟笠度青春沙草高眠軟似茵老特長鳴如有訴
向來問喘是何人

許旌陽

至人神劍本無私翹翹迹形亦有之今日洪州無水患
却容兵革盜潢池

呂洞賓

當年長醉岳陽樓鐵笛橫吹劍氣浮何物枯楊能有識

浪傳仙跡在城頭

送費平甫之貴溪司訓

吾鄉耆宿而翁是猶憶追隨在玉坡前輩風流餘典則
故家人物半彫磨科場敢謂遺才少名教從知樂事多
好是信州文獻地衣冠比屋聽絃歌

次涯翁韻贈蕭正齋院判

一回相見一欣然不獨龍門有舊緣謂涯翁門下醫到名家
能幾見老兼多病荷相憐宋清譽重身猶市董奉林成
跡已仙記取平生陰德在君看春意滿庭前

知名猶記十年前吏隱真同上界仙肘後軒岐時自展

石淙詩鈔

卷九

十二

鼎中龍虎爲誰憐高山流水稀人賞翠壁蒼崖有路緣
安得神丹能濟世直教民物盡熙然

和涯翁六言韻四首

海子橋西識面狀元門下忘年非才我猶坐食勇退君
方穩眠老去松筠同茂春來花柳爭妍歸心迢遞何所
已逐空江雁邊

杜甫不禁多病子長空自好遊閱來浮世變態白盡當
年黑頭塞上風塵匹馬江南烟雨孤舟君恩罔極未報
仕止同懷隱憂

至樂莫如歸去有錢難買閒身乾坤自容俯仰風月相

爲王賓心事行雲流水生涯竹杖綸巾向來舒卷何意
時止時行任真

身爲逆旅中客心是羲皇上人笑看雞蟲得失臥聽風
雨昏晨人間山斗在望天下安危繫身要識東園佳趣

黃花綠竹長新夢陽日四
篇並佳

墨竹

此君此客真同心日月乘興來相尋高歌醉拂琅玕曉
幽思曠入烟嵐深一觴一詠不知返世事紛紛誰付管
清泉白石共相依楚水湘雲長在眼坐久莓苔一欠伸
醉起任側風前巾亦知對竹自不俗肉食悠悠空路人

石澗詩鈔

卷九

十三

草堂種竹編籬護堂前堂後生無數主人頭白未曾歸

萬玉蕭蕭倚秋暮

待曙樓爲俞國昌作

樓頭山色淨朝霏夜氣方澄萬慮稀起看疎星垂碧落
坐迎初日上晴暉花含宿露濛濛濕鳥弄晨光故故飛
青瑣向來長待漏直將精白佐宵衣

立春

忽忽鴻鈞轉葭灰應履端都人誇綵勝童子薦春盤地
脈先知暖花枝尚怯寒陽和隨處動聖澤本來寬

除夕有述二首

守歲聊隨俗悠然伴數童寒餘幾刻臘春入五更風木
火爐長暖椒花酒不空迎新兼送舊忍在一宵中
兩歲平分處一燈深坐餘身猶繫朝籍興已在山居久
客童奴狎衰年故舊疎獨憐詩酒病不與歲俱除夢陽
日此

一篇字
字好

元日二首

又是元正節風光入早梅寒隨窮律轉春逐烏聲來別
院笙歌迴高城錦繡開履端同拜賜遙獻萬年杯
不厭屠蘇厚還驚白髮稀老將春共至心與事多違骨
肉頻年別聰明少日非倚誰調玉燭吾已愧黃扉

石澗詩鈔

卷九

十四

人日

冉冉歲華變蕭蕭旅鬢疎鄉心落雁後詩興在春初七
日陰晴半三生夢覺餘眼昏謝筆硯賦就遺兒書夢陽
杜各

郊壇分獻有述

午夜祥雲擁竹宮我皇精意已潛通祖宗並配天心悅
日月重華聖德同對越儼看神陟降駿奔長繞殿西東
鋪張亦是儒臣事欲賦陽春恐未工夢陽日
大手筆

分獻郊壇得夜明

夜色澄澄宿霧空直疑身到廣寒宮山河迴出虛明際
人物都歸鑒照中下瞰台躔方拱北回瞻羲馭欲升東

年年奉幣勞親簡愧有精誠佐聖躬夢陽日大筆

禮成東厚翁先生時先生分獻大明

碧雲仙路許追隨日月分壇並命時正仰光華能作配

極知臨照總無私聲傳韶雅歌初闕步入高寒下每遲

歸到人間看春色宮花已發萬年枝夢陽日大筆

東敬所先生時敬所分獻星壇

南郊分薦與君同月窟星垣位向東萬里乾坤光欲滿

一天經緯夜方中鷓鴣地近儒臣少時翰林春坊分獻無人虎豹

關嚴甲士雄燔燎餘芳叨共被祇將詩句頌神功夢陽日大筆

慶成宴有述三首

石淙詩鈔

卷九

十五

暖風香霧入簾清金殿從容醉玉觥一代君臣還禮意

萬年海宇自熙平龍蛇影動春旗擁韶濩聲諧鳳鳥鳴

感激獨憐無報稱願分餘澤徧寰瀛

紫氣浮空日滿臺絲旗朱纛一時開天依華蓋仙班近

路引香風聖駕來祀罷齊明餘敬止禮成歌詠共康哉

猶懷侍從含香日曾向先朝醉幾迴夢陽日敬止康哉

南郊重錫慶成筵乾飲親承帝旨傳恩比周王歌湛露

坐聞仙樂奏鈞天宮花綉爛金爲字舞袖迴旋錦作聯

欲獻幽詩當妙曲盡收和氣入豐年夢陽日此等作不可無此結

崔世興宅賞料絲燈二首

細剪清水色色柔向來光價動神州彩雲籠月寒生暈

寶氣浮空夜欲流天上絲綸宜有此人間金玉恐難酬

前宵不似今宵好深坐非關爲酒留前二日子邀世興賞此燈

屏燈偏照醉顏紅隔歲相看此與同雲錦簇來成五色

玉絲排處可千功空明却訝非人境瑣細翻疑是鬼工

關巧矜奇竟何益萬錢輕付一頓中夢陽日惜物如此惜人可知

王司馬宅賞燈看烟火二首

上元風日雨佳哉高宴還從節假開寶月窺燈穿牖入

紅雲將雨自天來葡萄色似并州品茵茵香分御苑裁

石淙詩鈔

卷九

十六

傾倒不知良夜永淹留翻恐漏聲催

休沐沾恩屬退公一時高興與人同金蓮色映流蘇幕

紫陌光生錦繡叢歌調入雲春對酒花香和霧夜回風

太平有象今真是聞說邊城已罷戎

賞燈席上限韻答諸客

偶因節假此觀燈却望鼇峰未可登春早已看花作陣

夜寒翻訝暖如蒸彩雲屏障隨時設碧水樓臺入眼層

坐上爲誰先得句烏臺柱史本多能右答曹參政汝學

七首一韻詞意無大高下然以格調律之則唐人之筆也

滿街華月照春燈樂事先占歲事登花萼樓中香霧合

芙蓉遠裏彩霞蒸啟來金鎖夜復夜幻出丹邱層更層

翻愧小堂能致客陽春欲和却無能右荅安都諫汝礪

幾日西堂試綵燈賓階頻枉故人登金蓮照夜光猶滿

火樹燒空氣欲蒸賽月星毬看箇箇舞風花片故層層

吳中節物今誰賦却羨多才范至能右荅徐太史子容

簇簇紅雲面面燈海山無羨架壘登翻疑夜色為晴晝

直道春寒變煥蒸錦樹飄殘花萬點彩屏排就玉千層

莫言韻險稀人和青瑣仙郎各擅能右荅俞黃門國昌

逢場作戲此張燈笑指西階讓客登清漏暗隨金鎖靜

春衣暖拂繡雲蒸良辰對酒千鍾少後樂關心百感曾

右宗詩鈔

卷九

十七

老朽謾論調變事素餐之外更何能右荅毛黃門式之

賞心同賦上元燈不羨星堂有客登樹火百枝銀海亂

錦雲千簇瑞烟蒸風清綺陌埃塵少月滿瑤台紫翠層

詩句本工來較晚子庚詩後至詞依金谷我猶能右荅周都諫子庚

金吾有詔放觀燈月市星樓處處登客裏清歡聊款謔

夜深和氣轉薰蒸虛傳霓羽雲中調浪說鼉峰海上層

和罷陽春誰再續吾鄉更有李唐能右荅李參史元伯

立春試筆和涯翁韻

神交心醉自髫年骨肉相看世有緣勿藥早占新歲喜

幾人爭誦好詩傳鴻鈞欲轉寒先避梅蕊半開香已圓

日日追隨公莫厭勝將雙鯉寄天邊

同年世講席上作有序

壬辰同年今在朝右都御史東宰王公廷來太

子太保工部尚書鶴山李公時器泊子凡三人

鶴山舉故事為松竹梅之會以齒為序是日併

會年家子都給事中金華潘君仲魯禮部主事

太倉姜君孟賓給事中東安許君穉仁右府都

事南昌周君彥實而鶴山之子主事述之則往

來侍宴諸君以次奉觴吾三人酒飲隨量然皆

盡歡極醉而罷席上吾口占一律再和一章用

右宗詩鈔

卷九

十八

紀一時之興四十五年晨星落落俯仰今昔為

之慨然

曲水恩波四紀來春風佳宴又重開宦途歷徧冰霜雪

歲晚真成松竹梅事在不勝離合歎情真一任淺深盃

通家世講今能幾莫笑衰翁醉欲頽

蒼松偃蹇百年來上東三友交歡眼共開家近淇園歌

贊竹李鶴位參商鼎媿羹梅子自平生道誼應同調兩

世衣冠各舉盃既醉不知吾已老相看猶欲障波頽

送孫檢討歸省

乞得天恩信馬歸太行山下是親闈慈顏喜溢春缸釀

梓里光生畫錦衣見說編摩須史筆暫教勸講輟經緯
黑頭事業歸應早忠孝從今兩不違

送汪司業之南京

帝遣儒臣蒞辟雍史才經業故稱雄龍蟠虎踞與王地
化雨春風造士功道德初心希聖在文章高價與兄同
東南豪俊應無數都屬司成樂育中

于堂中奉使南畿因得便道歸省爲賦古詩三章

話別

條風自東來萬物生華滋岸草茁芽河水盪流漸美
人戒晨興翩然向我辭司馬非閒曹子去欲奚爲豈不

石淙詩鈔

卷九

十九

念王事輕重故有宜置君帷幄中政論寧無裨君歌四
牡篇我唱驪駒詞平生道誼交相信不復疑胡爲此離
別棄我忽若遺青山有佳色新柳多柔枝畱君不可得
望君歸莫遲

雲卿去未返吾子今復行仕宦貴還鄉畫錦人所榮而
况白髮親倚門正關情辭家六七載潦倒憐吾生邱壘
缺莫掃骨肉難合并顧茲渺然驅非關時重輕願言化
黃鶴隨君共南征

太上貴立德次乃功與言立德乃其本譬如木有根本
根苟弗植枝葉何暇論吾鄉晚得子寶之如璵璠所寶

在行誼不在葩藻繁青雲始發軔素心願無諛緇涅不
再白圭玷難復完吾人希賢志何止韓范開莫學夸毗
子浮辭飾輪轅休哉慎所適勿憂行路難

題方朔偷桃圖寄壽蜀楊翁一元

度索之山萬仞高山前山後蟠仙桃花開結實六千載
直與元氣相遊遊丹霞作衣瓊作漿金母愛之不忍嘗
何物小兒能竊得化爲一叟鬚眉蒼叟今爲注神仙籍
種桃已見垂垂實欲往從之天一方峨眉崔嵬錦川碧
夢陽曰跌
蕩精神

恭題宣廟御筆扇面竹

石淙詩鈔

卷九

二十

太平無事日從容御筆香生解愠風紫殿雲深龍骨蛻
萬年瞻對想遺弓夢陽曰有頌有悲

送錦衣千戶彭冲代兄濟物都憲省墓二首

夢裏邱壘與願違聖恩今許季方歸心驚雨露還千古
手種松楸已十圍家學早知名教重世情休問賞音稀
年來誰上金城畧不獨諸羌避德威夢陽曰李正

汝兄勲望兩崔嵬勲在雲台望柏台三世裏封還一品
幾人文武是全才好官舊說金吾貴盛事今看畫錦回
須念秋風萎被冷佳音早逐寒鴻來

約齋爲周都諫子庚賦

茫茫太極初衆理同一原卷之不盈掬散滿天地間吾
人極功用造物相周旋萬殊自一本執要乃馭煩譬如
木有根柯葉斯阜蕃如水出有源滔滔互朝昏不然漢
浮涸榮悴如掌翻君庵故名約此意師曾願平生慎自
檢動止不踰閑博文先有地曰唯非謾言吾將探其蹟
有得斯喟然但恐上達妙不在言語傳

易書時與中毋不敬曰禮詩義思無邪喪貶春秋旨爲
學貴知要知要乃知止胡爲章縫士未究知止理譬如
不繫舟汎汎茫茫無涖多言祇害道務博徒爲爾納之矩
度中庶其弗畔矣

石涼詩鈔

卷九

三十一

大哉約之義惟儉乃一德以約能鮮失宣尼示民則謂
寧儉與固斯言有深惻吁嗟五陵豪服食華已極紛紛
主木妖甲第日充斥苟可快一時千金不自惜終恐伏
禍機成敗纔瞬息鬼神亦惡盈天道謙乃益所以君子
心朝警夕猶惕可欲恆取廉庶哉保終吉夢陽曰宋大儒詩如此作

姚定之東園賞牡丹次韻

春來幽思浩無邊又向花神一蹶然實怕顛風欺國色
誤疑紅雨落芳筵高標早占羣仙上勝賞猶懷十載先
頗恨塵蹤未得幾時乘與更驪連夢陽曰灑灑

安汝礪謝病還揚州賦古詩四章話別

相過尙嫌少况乃增離憂目斷南浦雲心逐長河流杜
鵲未浹月謝病章已投吾子年正彊藥石功易收胡爲
南歸興一發不可留我老日衰颯百病交相仇耳病蛙
蟲鳴眼病烟霧浮四肢病猶可心疾難爲瘳子歸尋上
醫問有神丹不刀圭倘可得予當向子求

人生貴適意還家胡不樂賢者天下心而豈戀邱壑君
生際昌運早膺司諫託筋躬時惕厲論事恆蹇謬籌邊
或借箸所見誠鑿鑿邊庭方報警羽書日交錯君心未
忘憂君去非屍脫慎哉千金軀有喜當勿藥

風雲莽無極鶯花易春晚賞燈能幾時夏令入小滿青

石涼詩鈔

卷九

三十二

芳眼電暗紅雨山頭亂此時還此別安能不悽惋別離
何足惜世情誰付管遲子崇令名勸子加餐飯

聞君欲習靜養病金山中茲山近吾家秀色開鴻濛山
雲首舒卷江湖西復東昔吾抱病時獨往無定蹤當其
與所適心與混沌融風疾忽以除不假砭炳功煩君語
山僧我將巢雲松夢陽曰四篇並佳

劉職方擢雲南少參贈別二首

職方不望屬朝紳一日南藩拜命新柔遠故爲經國計
籌邊可少讀書人炎荒絕徼旬宣地茹蕞餐冰仕宦身
莫向春明悵離別太平隨處是通津

雨雲翻覆故多端自保平生一寸丹往事閱來如夢覺
世途歷盡見行難百年風教通荒服萬里山川總漢官
桑梓滇南凋做甚贈君有念切纓冠

曹汝學擢南京太僕少卿贈別五首

國初重戎馬兩都各卿寺承平法易墮不獨馬政做種
額存虛名孽產無實利年年官字考牧勤命使鞭追
窮里閭朝補夕仍斃本緣人作奸而豈法爲厲終然無
寸毛輸以達燕薊一馬數十金民力苦難繼廟論豈不
知曰此今代制不調瑟當解告胡羊敢棄曹卿吾鄉彥
夙抱憂時志澄清擬官邪建白禪國是會將一寸丹爲

石綜詩鈔

卷九

二十三

此蒼生計如聞用世才事事有經濟夢陽曰頭一篇另
是一種後四首遂
入佳

南都本重地太僕亦美官公事苦不多地偏官自閑所
以伴我吟賴此環滁山巖洞有遺跡亭臺設奇觀釀泉
作春酒一飲怡心顏烟花自多趣谷鳥相與還醉翁非
曠達意在山水間吏隱有如此歧路空漫漫翻愁席未
暖驛召趣征轍

吾鄉得知已客懷未索莫忽聞君欲去對酒翻成惡交
游豈不多幾人肝膽託長風暗郊數烟花半零落千峰
隨客舟欲往不可過官曹近家園畫錦人所樂嗟予未

脫屣此與故不薄悠悠江天雲舒卷意無著送君懷舊
隱俛仰成今昨

仕宦貴還家君今衣錦行清尊洽朋歡白頭慰親情天
涯一飛鳥悵望心神驚晴雲淡初夕春潮暗江城君名
爲世重君才人所欽贈言豈終極獨坐念平生

江南數椽屋開軒富翠微把酒引山月臨池褰荷衣悠
然人境間而與塵事違一出六七載懷歸未能歸猿鶴
有深怨鷗鷺空忘機君歸語山靈幸勿嘲我爲栖栖豈
所願已悟前日非

假山爲曹少卿汝學賦

石綜詩鈔

卷九

二十四

江南無處無雲根結爲幽石春復春族分類聚品格異
震澤所產還超羣沈潛水府乍出沒吞吐不厭泥沙渾
夢陽曰堂堂之
作一瀉千里 倔強直與雷霆鬪偃蹇似作蛟龍蹲誰
將鐵網下採取怪狀奇形難具論城中見者驚且走共
疑鬼斧劈崑崙危峰硯丈人行環視培塿皆兒孫突
爾出仙掌素然開劍門孤撐挺相向衆附爭來奔洞如
神剌穴天劃倉卒變幻迷朝昏或時廉稜露鋒刃遊人
有手不敢捫夢陽曰稜
然難干 乃知匠氏無遺巧意象恍忽天
機存曹卿愛山自章布猶恨青山隔庭戶開園疊石今
幾年人道經營有神助潤州佳山亦無數布襪青鞋隨

舉步清晨舉眼便看山頓覺霏微起烟素落日長涵紫
翠痕白雲深鎖莓苔路客來攜酒共登賞有屏可倚橋
可度或眠贊皇石或撫淵明樹真邪曠邪兩不知對境
謾作曹溪悟尤物於人故有緣作戒平泉真已誤爲君
重和假山篇亦欲相從向遲暮

壽少師涯翁先生七十

白頭耆舊仰師臣出處年來總任真天上麒麟自風骨
水中龍馬見精神三言周嶽生申日猶記商巖夢說辰
山斗士林傾嚮久連朝稱壽走朝紳

蓉溪書屋爲金都憲舜舉賦

石淙詩鈔

卷九

三十五

錦江之水天下清錦江之花天下名紫紵映帶數百里
芙蓉點染秋波明何人結屋溪頭住問是君家讀書處
讀書萬卷筆有神一日乘風上天去雲霄力倦還故廬
滿家袍笏滿床書弓裘文采照南國物態直與人情俱
君今再起中台立地上又看雙鳳集故知秋色老偏宜
萬里鄉心夢還入君不見千林黃葉秋霜嚴錦窠簇簇
方爭妍拒霜之名亦安用花豔經霜翻可憐歲晚心情
更誰識舊日元都已無迹芙蓉銷歇溪水寒繞屋松筠
手親植夢陽日題
外生意

送張訓導蒞之嘉定

情別從容倒玉缸遠隨賓缸度秋江官無案牘逢迎累
地本東南文獻邦坐裏春風回絳帳立餘寒雪擁青缸
亦知名教還真樂況復凌雲氣未降

世思堂爲張編修政大參公作

鄉里衣冠盛一門向來弓冶未須論勳名兩世藩兼臬
科第三傳子又孫國有文章推史筆家藏綸綍戴天恩
雲仍官構從今始看取高堂舊扁存

送李元伯多史督理陝西茶馬

牧苑茶司次第開祖宗規制亦雄哉金牌玉篆從天降
霧鬣風駸匝地來夢陽日萬事總關經濟念一官還稱

石淙詩鈔

卷九

三十六

激揚材向來封事知多少親見重瞳顧屢回

劉希載南還送別

北上纒瞻尺五天懷歸又向白鷗邊撚鬚亭上人方迓
待隱園中榻正懸春水碧連南浦草夜虹晴貫潞河船
明年遲我波心事同試中冷第一泉
夢陽日

玉堂芍藥盛開梁厚齋先生攜酒同賞謂賞花賦

詩前輩故事因以東冬清青韻爲限各賦四首
新綠經旬忽滿叢更驚濃霧醉敲紅直從蓓蕾看來早
若比丹青恐未工故老風流詩尙在花王近侍論非公
亦如春夢真堪惜長日鈎簾紫禁東

花前清賞謝儒宗紅正翻階綠已濃共續紫泥封後句
誤疑仙子醉時容月中定引龍駕宿城上誰開錦繡重
應是託根皆得地閱來風露幾春冬

嫣然春色照高城一日堦前幾度行佳品未誇金帶重
孤標還稱玉堂評年來病眼長辭飲老去看花漫有情
未必花殘終寂寞芙蓉香遠更多清

好雨違時望未零春光深閱九重扇幾枝承露故仙掌
千葉連雲簇錦屏真宰無私均化育迴風有意薦芳馨
廟廊何限關心事一見名花眼自青

送徐用礪太守還任

石淙詩鈔

卷九

三七

衣冠鄉里幾相知猶記通家自小時爲士只因從政易

此心不爲作官移升沈有命安能慣毀譽從人笑不疑

聞說棠陰今滿地他年應有去時思

夢時日
名言

尙方曾借斬梟雄歷盡艱危命始通莫更容心諸口語

直須有意念人窮居常不廢吟興遇變方知保障功

欲解干將贈君去終教光采貫晴虹

石淙詩鈔卷十

明安寧楊一清應寧著

門人 北地李夢陽 武功康海 編輯

致仕志感二首

連章乞得老身回雨榭風帆日夜催父老忽驚吾已到

兒童偏問客從來新移棗竹和雲長舊種黃花帶露開

翰却前時雙健脚病來無力更登臺夢陽曰曾中流出語自別

猶記垂簷薦日流光五十一回春黃扉不是養病地

白首慙為坐食人野性自安隨鹿豕歲寒相伴有松筠

石淙詩鈔卷十

惟餘一寸丹心在長向空山羨紫宸夢陽曰公未嘗一出言而不忘君者也二篇氣格俱足

歸至京口舟中感興二首

繫舟蔭高樹挂席揚天風夕照變岩姿白雲行水中塵

慮忽以忘豁然心境融細懷十年前何事不匆匆倚杖

看斗牛銀河麗層空扶桑豈無路清淺元相通鬢髮吾

所願至人苦難逢

微風動蘋花落日照野棠鄉心信歸帆溪草亦自芳江

南水竹居待我幾星霜昨歸不出戶今歸不下堂平生

性倔強與世違低昂擲掄豈足異真樂吾未央月明楊

柳疎露下芙蓉涼聞道嗟已晚眷言惜流光

除夕偶吟

笑飲屠蘇最後觴向來桑梓願初償笙歌有意迎春至

兒女無端為節忙歸到頗嫌冬日短醉餘翻愛此宵長

因思二十年前事剛得三回在故鄉予自宏治辛亥至在鎮江僅三年耳將來未可量也○夢陽曰句意各稱

醉後得一首

六十年來忽已翁兒童猶自笑山公感今憶昔三生外

送舊迎新夜中夢陽曰二句當徹上下觀之不但除夕以前四作後五作不能道也柏

葉心情宜老境梅花消息問東風亦知俄頃為明歲燈

石淙詩鈔卷十

火笙歌興未窮

題竹屏卷予昔曾賦此今十餘年矣閱之慨然

為君重誦竹屏詩歷歷冰霜歲屢移梅月松風盟未冷

楚雲湘水夢還疑豈無俗客真能療縱有浮塵不受緇

日日城中飽粟肉為君重誦竹屏詩夢陽曰二句鏡中影不瘦自

幸不瘦

安汝礪訪予待隱園喜而有作二首

春城細雨半泥塗靜掩重扉不受呼候吏忽來傳子到

病夫強起喚兒扶眼看世事多新態道與心期是故吾

記取通家交誼在重遊此會未應孤夢陽曰只此便可及何必遠取

逸世才華致主身幾年平步入通津諫垣風采爭誇子
學士門牆喜得人汝礪乃新芳草碧波憐近別杏花春
雨及佳辰莫教桑梓長留滯聖主方思獻納臣夢陽曰
二篇情
眞景眞句
送謝逸

席上用韻贈何生

老去忘機不羨魚病來尋藥未容徐三千里外初停棹
四十年前此卜居掬水有源真活活野情隨地自與與
何郎亦是清狂客座上詩成要起予夢陽曰詩何嘗無
而不涉頭巾者
化於理者也

仲與立憲長致政家居自寶應訪予鎮江宿丁卯

石宗詩鈔

卷十

三

橋莊舍感今憶昔口占近體三首

病裏幽懷久未開忽傳好語隔江來故人相見翻疑夢
往事無端底用猜老愛閒居多水竹笑看春色在江梅
亦知此會真難得莫使深情伴淺杯夢陽曰忽與
景會故妙
海內交游幾是真會將肝膽向斯人兩三世裏通家誼
四十年來異姓親積毀不須驚眾口素心端可質明神
如聞秦汴觀風地道上羣豪尙避塵
把酒論心慰寂寥情多不待尺書招別君尙記庚午歲
子正德庚午與
仲君別于潼關念我遠過丁卯橋浩浩江湖飛綵鷁冥
冥風雨入花朝祗愁會合無多日離恨撩人未易消

提學林君廷元訪予丁卯橋莊話舊限韻三首

爲吏爲儒道本符亦知風紀稱師模誰譽誰毀君何有
公是公非世豈無北馬南船隨浪跡雨花風絮漫長途
向來寵辱休重問不遺初心愧故吾

衝風衝雨渡江來病裏逢君眼爲開政比陽城甘下考
教如胡瑗故多才太行山外雲千里揚子江心水一杯
多少蒼生思召父甘棠新頌有人栽

南去官程暫過聞白頭聊慰倚門親平生許國元無負
舉世憂民幾是真面帶秋霜消瘴暑心將化雨散陽春
猶懷被髮纓冠義更爲鄉人喜氣新

石宗詩鈔

卷十

四

次韻蒼林廷元

先生消息遠能聞老病年來不出村夢陽曰
老健欲枉高軒
過竹徑便呼童子掃蓬門一天花雨春方麗滿地棠陰
愛正存祗恐眼前同調少錦囊韜後莫輕論夢陽曰不
此專事
常如此

廷元出見素雲山詩畫次韻

百年憂樂正相關君道閒時我亦閒雲白山青君不見

石宗回首幾雲山

賞牡丹限韻

草亭西畔石欄邊夢裏春光近十年麗色正當新雨後

漉香時送晚風前牆頭過酒真多事是日隣人坐上分
題漫有絲不羨春園宴桃李豪吟空對豔陽天夢陽日此篇俊

初食鱒魚柬白石先生

酌酒看花興總宜多情還為薦江鱒正當穀雨開晴後
却憶冰鮮拜賜時丙穴謾勞工部賞東江猶動季鷹思
個中風味誰相偶賴有春園玉版師夢陽曰鱒非鱒誠莫匹者由是觀之
我公非但能用天下之才矣

席上倒用前韻柬白石是日為題鴻鶴山房併此

道謝

石澗詩鈔

卷十

五

君才端稱古儒師遺愛長留去後思入座春風今幾日
隨車甘雨故多時山亭勞記雲間鶴賓饌能供海上鱒
留取平生經濟念一官何地不相宜

陪白石飲余鴻鶴山莊

萬竹叢中一徑開雨餘荒圃半莓苔水環襟帶淙淙出
山送青蒼面面來柳外鶯聲時婉轉風前花絮故遲徊
亦知刺史淹留地曾為行春數往回夢陽曰淡淡有味行春字束往上面

無限風景

鴻鶴山莊再柬白石

芳草青青花未闌鳥鳴高樹聲關關君行載擁繡身服

我病聊倚鴻鶴山黃塵隔市心與寂白日遊絲春自閒
詩成草草不入調酒興爭似詩才慳

用韻題壽母卷

弓裘餘舊業菽水有贏資春色芳菲後高堂燕喜時仙
桃還子實慈竹見孫枝却望西崑路丹霞散玉池

錢宗玉先隴宗會堂次白石韻

丹符願往代華表揭穹林堂構諸孫在書香一脈深象
賢還令譽錫類是仁心祀罷存餘敬長如祖考臨

陸參戎分守肇慶有芝瑞次陳敦賢韻

山川呈瑞協靈芝佳氣長浮上將旗開罷九英旋復有
石澗詩鈔 卷一 六

古來三秀未云奇

邊燧無烟海不波將軍開府屬時和亦知瑞應圖中意
不是商山隱士歌

閱胡孝思近作喜而賦此

李杜文章是正宗眼看末學陋雕蟲龍門探後心逾壯
劍閣行來氣轉雄力謝陳言追古作更將時事采民風
詞場老覺鋒鋦盡已媿歐陽避長公

王主事諤思養堂

堂北年來只樹藪天涯遊子意漫漫亦知風木無時靜
欲蒼春暉轉更難鼎食翻增賢者恨綵衣頻動白頭歡

移忠錫類吾人事捧檄非因愛好官

聞胡孝思獨遊焦山

聞君獨往探名勝直上諸天最上梯老病無緣陪盛賞

山靈應喜得新題磯頭石刻苔全沒洞口桃花路已迷

落日長江望歸鷁潮聲猶在海門西夢陽日中唐之調

再柬胡孝思

兩山遊徧兩躡時蹤跡看來頗近奇獨往不緣同調少

幽情只許自家知鳶飛魚躍忘言地流水行雲漫興詩

了却公家聊爾爾不因風景滯還期

仲與立再訪予山莊會即辭去留之不得至江頭

石淙詩鈔

卷十

七

為風所阻兩日不得渡相知者邀請為甘露之遊

人生行止信有數不可強也口占一詩寄之

盤桓聊得慰佳期咫尺長江渡轉遲可是山靈留客賞

更疑風伯索君詩杜陵傍險衝泥日王子尋幽踏雪時

我病無緣陪勝會祇憑書劄寄深思

南園小酌次韻

南園集賓友此興近無多舊管題蒼竹新筍試碧荷驚

餌魚深逝知時鳥解歌相思須徑造俗客謾相過

雲卿賦碧筍飲次韻

坐對方池小宴開荷香故放襲人來金波暗入靈犀管

翠蓋高擎碧玉杯奇事相傳非魏俗新詩迭唱總仙才
病餘體力應全減莫怪臨風醉欲頽

閱江廷器關中遊舊卷偶題

江漢風流已盡吞西遊直欲到崑崙華山立馬看仙掌

底柱鳴橋遡禹門甫里生涯終筆硯子長足跡半乾坤

猶懷二十年前事長史文章卷尚存

見素得其子達進士報有詩九首示達予亦次韻

寄之

帖報泥金轉更驚家書字字戒持盈小坡心事吾曾識

直與而翁一樣清

石淙詩鈔

卷十

八

素翁學術希文上家教從知有義方若向幽微論心曲

荆舒有子故宜雋

誰言造物向公偏我亦年來得避賢除却塵心無一物

濯纓何必定清泉

極知為學是為山九仞工夫莫放閒俯仰乾坤如許大

只留些子在中間

行藏兩字愛公真老去文章更有神却媿病夫歸較晚

十年虛負水雲身

青山自比世情真翠竹黃花歲歲新莫問雲莊深幾許

太平非是避秦人

老覺閒中歲月遲春花秋月總相宜一元氣數今何在
欲起羲皇一問之

思君無計往從之歷歷星霜歲屢移一見君詩便心賞
此音先許三泉知二泉先

書來勸我辭賓客復道雲莊客亦頻野藪村醪總風致

先生元自不憂貧見素書謂子宜謝過客且言雲莊貴

慶陽日素翁心事非我公誰其知者然愚每恐讀斯篇者但以詩觀之也

見素臨滄亭次韻十首

幾載馳驅蜀道長聖恩今許老耕桑人來物色知何處
不在山鄉即水鄉

石淙詩鈔 卷十 九

坐倚青崖縱目長層樓高處是扶桑水光山色相忘地
不是無何別有鄉

清時才望讓公長會共南山詠有桑衰老無能負天地
夢魂空縹五雲鄉

寵利成功慮正長極知深戒是苞桑名韞利網日馳逐
末路誰歸桑梓鄉

寸尺何須較短長朝辭圭組暮田桑君看白首風波裏
比岸還應是故鄉

早卷當年計亦長隴頭禾黍屋頭桑無端又逐天風去
萬里烟雲各異鄉

高臥雲莊春晝長雨餘扶杖看栽桑里人熏德知無數
却被人呼君子鄉

白日清尊引興長蕭然風致古柴桑孤雲野鶴亦有意
伴我頽然入醉鄉

廊廟諸公各擅長迂疎只合課農桑水雲深處濯雙耳

縱有招呼不出鄉

生計歸來漸漸長男勤耕穫女蠶桑但教俯仰都無累

便是神仙不老鄉慶陽日斯十章亦伯平之絃也

焦山倡和詩有引

予自正德庚午起廢西征旋被召命竊祿于朝

石淙詩鈔 卷十 十

七閩寒暑矣金焦北固之勝寤寐不能忘頻年
引退不得遂丙子秋八月始奉允命休致九月

抵家則為病所纏杜門謝客日就藥餌詩酒遊
觀之樂心雖懸懸而力有所不能也越一年丁

丑秋重九後二日天日晴霽予體力稍康清興
浩發不自制乃攜三五童子坐肩輿扶掖登焦

山趙憲副叔鳴唐客部雲卿陪行已而眭育庵
拱貞朱友古德彰張湖田宗義劉鷗汀希載河

東沙汝南聞而往從之上吸江亭予偶發感舊
之嘆不覺成句雲卿請續成詩望金山再得一

詩衆次第屬和抵暮小酌江濱月明如畫聯句
得一首衆復和之予亦不能以默夜熱水晶庵
興餘相與續句衆亦有和者次日興復不淺而
予病又作匆匆而歸越二日汝南收原稿彙錄
之凡若干篇閱吾詩恍如醉夢中語而諸君吟
誦既賞各極其趣雖體裁音節言人人殊要之
暢攬性情模寫風物不作雕鏤叱咤語均爲治
世之音也希載請曰先生失之數年而得之一
日庸可棄予予曰諾乃屬希載錄爲一卷而識
其端

石溪詩鈔

卷十

十一

八年不到焦山寺今日重來一老翁新渚忽生沙島外
舊題多在薜蘿中聞雲野鶴心與寂流水桃花事或同
記取吸江亭上飲嘯歌休放酒杯空夢陽日
老氣
當年元氣闢鴻濛幻出金焦巨浸中天帝爲舒雙翼鳳
仙人空駕五彩虹龍龍負宜爾壯浪打雲靈翻益雄
尋幽訪隱渾閒事須錄狂瀾砥柱功

次月夜聯句韻

浩彩盈盈蘸碧波停杯誰續舊時歌風生素宇來仙吹
影落青天入絳河鯨飲不辭吞海盡桃投翻愧報瓊多
偷閒我已非年少老衲從今莫厭過

十年塵跡浪衝波空谷初聞伐木歌泛清悲經銀漢曲
采芝誰卧碧山阿文章道德心終負廟廟江湖念總多
怪底欲眠眠不得最難驅遣是情魔

秋雨限韻

築場時節望開晴厭聽蕭蕭徹夜聲百草不須愁爛死
三農眞恐失聊生菊因避暖花遲放詩爲悲秋句早成
誰向後時能獨立祇應物態是人情

張四老迪庵誕日題五老圖爲壽

高門昨日懸桑弧何人爲寫長生圖長生一星號南極
化爲五老舉手相揖來蓬壺月維九秋日念五古稱此

石溪詩鈔

卷十

十二

節爲天符仙凡路隔萬餘里帝遣金風導擁紅雲扶方
臆炯炯燄流紫白髮垂垂顏不枯饑餐玉霞渴沆瀣笑
指塵世皆泥塗迪庵壯年美且都老覺骨相非凡夫曾
向長生授眞訣年年此日光彩騰南弧次公龜鶴不足
羨頌頌岡陵祝豈誣五星作贊稱老蘇而我效顰辭則
燕祝翁之壽不可以數計要見茫茫海水盡化爲衢途
邊汝成自巡撫寧夏擢南京刑部侍郎將赴任便
道謁余鎮江話舊之餘口占二詩爲贈因憶己未
之冬汝成宿余丁卯橋莊話別詩甚多抱病以來
聰明不逮欲如前日之興已不得俯仰今昔爲之

慨然白巖司馬汝成同志友閱之必有以教我

病裏詩成手自書重逢又是十年餘已看精力消將盡

何止聰明較不如西去幾回勞遠夢南來聊得慰閒居

故人不道言衰甚猶有微言為起予夢陽曰真之又真公見人便傾倒肺

胸斯所以收一世之雄也

錯節盤根試屐新路頭夷險認方真嚼餘冰蘖渾忘味

夢陽曰何其苦歷盡風波有此身何其幸南國山川根本地西

曹才望老成人白巖會合多高興寄我篇章莫厭煩

汝成將別予遂飲逸老園再賦一首

乍逢仍別意躊躇暫憩南園水竹居菊露帶香秋澹澹

石滌詩鈔 卷十 十三

柳風入面晚徐徐祇緣抱病常辭酒縱使臨淵不羨魚

莫笑衰翁渾潦倒也能指眼為君書夢陽曰此篇純類唐者也它篇多唐派

口占荅邊汝成

抱病久忘言因君一開口逢時且為樂此興不在酒蕭

條水中荷零落風前柳多情惟此言長伴三南叟

冬至有述二首

忽忽流光逢至日不禁衰鬢轉多絲柳舒梅放春前信

陽長陰消夜半時老怯增年真大錯陸放翁詩身老怯增年愁隨

添線已成癡回看作客天涯道空對寒雲動遠思夢陽曰

謝結意

一氣浮葭管春光忽又臨履長懷聖澤來復見天心近

臘寒猶薄連朝雨正深病餘仍強飲飲罷一微吟

復周方伯公儀東弁詩

承寄示高作疾讀一過但見其妙徐徐咀嚼其

得意處峇已窺見一二謬以鄙見僭加評點至

於繁枝寸朽可指摘者亦復不敢相隱請自裁

擇不須過信吾言冬寒日短兼目病齒病欲再

加細玩以罄其愚而來使留已十餘日不能復

待殊負雅懷因嘆仕優而學此風不數數見閣

石滌詩鈔 卷十 十四

下遊南北閱關險患之餘而詩思溢發浩不可

羈非所養所負有大過人者能之乎持是以往

將來造詣殆未可量老夫少而學焉頭毛種種

終無所成就幸門牆之有人賦得五言一章用

識吾喜非敢為佞也

道德心無負文章仕益優江山隨地賞花鳥入春愁節

與冰霜誓功於筆硯收修江三尺在遲子繼前修

王堯卿自終南謁余鎮江話舊有述四首

終南鬱鬱澗水清且駛美人結廬舍乃在烟霞裏乘

風或振衣枕石還洗耳一出非所安早卷聊自喜宣尼

有客云可仕仍可止閒居不無事默坐惟省己太上貴
立德文藝斯未矣吾身備萬物一窮至理不畏蹤跡
深翻愁名譽起保終慎于始垂休百千祀
昔在京華日勸我宜早休翩然辭我歸許放山陰舟我
志苦不遂忽忽經五秋去年始得謝養河卧林坵夙約
耿未忘不恤道阻修相見疑夢寐披襟話綢繆烟橫芳
草渡雨暗滄江樓看君尙黑髮朝簪早已抽平生遼易
學消息探其幽我老百無庸亦欲知悔羞洗心聽君講
庶以寡愆尤

美人江南遊

及此春意回好鳥弄新聲和風自東來萬

石淙詩鈔

卷十

十五

物適所性觸目皆暢懷而況金與焦北固同崔嵬邊有
入層雲把筆摩蒼崖君勿吹洞簫潭底魚龍猜君勿放
長歌激烈山鬼哀花柳滿前川此興良悠哉歸尋明道
跡葆光終南隈

師道久絕響古風日沈淪嚮信有之何止越與秦昌
黎憂籍混餘子安足論况我素虛薄業荒道無聞門牆
亦多士子尤信且親時時效忠告不避流俗瞋羣輩未
底定亦復解吾紛節應利金石心可質鬼神迂翫豈足
師古道君所敦此意兩自會難語行路人夢陽日情到
理到景到筆
到然宋
格也

林主事達謁予話舊一首兼奉東乃翁見素先生
一別而翁十六春小坡相見自相親平生肝膽真堪託
四海交遊幾是真我病未忘憂國念翁才元是濟川人
行藏兩字憑誰問心事惟應質鬼神

猶懷二十年前事長挹光庭座上春管仲豈能忘鮑叔
希文今喜得純仁向來風雪驚心久此去鶯花觸目新
丁卯雲莊俱勝概獨慙衰朽負芳辰

寄書見素先生

冰霜歷歷見芳春聞道孤筵正及辰入以安危占出處
天將強健報清貧文章老去終名世仕止平生總任真

石淙詩鈔

卷十

十六

欲擬南飛歌未闕直從海鶴羨風神夢陽日四句殆
素翁傳神筆也

閱王堯卿詩文志感

六經文字日中天前輩儀型已邈然老去初心嗟我負
古來遺緒待人傳剛風早奮驅標俗奇氣全收入大篇
留取舊時衣鉢在向人那肯作春妍夢陽日斯篇
氣勝于理

送王堯卿還終南三首

高卧經年不出郊忽聞佳客過衡茅君才早向青山隱
我病初還白鳥交身逐野雲歸舊隴眼看江柳更新梢
盈虛消息先天數有易相留問意及夢陽日二句天機
自然眼中變態博

別君容易會君難不覺流光隔歲看渭北秋風鴈翻遠
江南春雨杏花寒貧如原憲非關病跡比陶潛早棄官
珍重錦囊瑤瑟在不逢知己莫輕彈

門臨清渭面南山花柳春來信步看遊者真源猶活活

自家生意這般般舊傳利器藏須密新註遺書補欲完
不學商人高索價知君未改寸心丹夢陽日詩貴瘦此句之瘦者也

閱王堯卿所著天地正氣編有作

下履坤輿上戴天君臣大義日星懸要將赤手扶人極
請看山人正氣編

正氣生來本浩然養成金石故能穿不然萬折在瀾裏

石淙詩鈔

卷十

十七

一柱安能挽逝川

把筆慚爲諸世文直從曾史究皇墳不收功業收忠義

扶植綱常意獨勤

夢陽曰三篇非本色語然此等論說不可無也

用徐子容唐雲卿韻贈別王堯卿

住近南山麓來從渭水濱舉觴邀海月決肯入江雲蹤

跡休嫌僻風情自不羣遙知爲別後亭館尙留芬

白髮驚春老青山引興多鶯花隨客去風雨奈愁何日

暮一尊酒江頭三疊歌不知從此別相隔幾關河

青年謝簪組愛子亦全真學道還希聖迹名豈避秦對

花傷遠別把酒惜餘春莫謂朱絃絕通家更有人

朱大參升之見過有詩次韻答之

一笑逢君是夢間相留聊得伴吾閒百年心事甘清苦

萬里風烟獨往還身未老時先許國路當行處肯辭艱

文章簿領皆常事要使勲名重雪山

再疊韻答升之大參病眼曹騰捉筆不能成字亦

各言其志也知此與尙未已當爲吮豪濃墨以俟

呵呵

吾衰合卧水雲間莫漫高吟羨我閒詩比行雲聊自適

身如倦鳥久知還鶯花未放春光老風雨繚愁歲事艱

暫得留歡須盡興與他時回首萬重山

石淙詩鈔

卷十

十八

三疊韻

園林深處隔人間花落花開意自閒老去方驚塵夢覺

年來長乞此身還拙同陶令性甘隱忠似王尊豈避艱

留取太平勲業在後人指點說高山

四疊韻

仕隱真同夢覺間浮生何用較忙閒迺將帝闕蒿呼祝

兼慰親庭畫錦還職在旬宣寧自逸心於稼穡早知艱

送君忽漫懷吾土天盡還應是故山

送朱升之大參還任滇南二首

相見無多日相違更惘然夢醒江閣雨自極楚雲天白

雪傳新調緜衣記昔年遙知他夜月西望幾虧圓夢陽日

南都稱國士西省重師樞口語非吾惜心盟與歲俱官

曹憐苦節世路涉艱虞天定人須勝兩賢論豈迂夢陽

送黎繡衣四川巡按三首

纔領徵書入內台即看總馬渡江來四郊棠樹陰猶滿

夾道壺漿擁未開獻納馳關憂國念艱虞須仗濟時才

治民欲贈無他物惟有中冷水一杯夢陽日鄉物八

利器曾從錯節看似聞風采動長安埋輪未許豺狼在

叱馭寧辭蜀道難直遣陽春回物色謾勞擊搏羨台官

石淙詩鈔 卷十

十九

病餘一老蕭然坐不遇相知不共歡

寄林有年御史謫武義丞

辛苦平生志未償道非關國叫穹蒼一官重試牛刀手

四海爭傳佛骨章愁極不禁兼抱病恩深猶喜未投荒

君家素老儀刑在汗簡同留百世芳

憂國憂民念總勞更於文字識賢豪江湖遠道閒舟楫

霄漢低飛惜羽毛捧日有心還入夢峨松無事且揮毫

亦知出處關名教莫漫臨風讀楚騷夢陽日四

和孫思和西莊聯句

白雲封石壁修竹蒼村莊烟火長林外笙歌古道旁漫

論傾肺腑兼得話農桑想像三時雨依稀百合香人應
誇二美吾亦詫微長幾日交歡地真教爾汝忘夢陽日
肺腑真村莊詩也吾亦
詫微長有吞萬象之氣

石壁詩

孫山之北有石壁焉高十餘丈長可五十丈巉

巖奇古孫思和請余觀之為賦一章屬善工鐫

之壁間未必不為將來故事也正德戊寅四月

二十七日

壁立自何年丹崖有路緣雲開繡幕裏春溢綵屏前不

陟龍門險還同鐵柱堅山光相映帶草色任盤旋禮納

石淙詩鈔 卷十

二十

南宮拜詩煩太史鐫地靈宜有此天作豈徒然坐語三

生外幽尋兩屐邊向來揮翰手空賦假山篇

石壁再賦一絕

蒼厓百丈自天成下有幽人此避名怪得攀緣今有路

向來吾已謝塵纓

聞馬次甫孫思和鄭中伯遊金山寄東一首

一別茲山今十載幽期空向夢中論孤根只許江龍識

絕頂真疑海月吞解道水雲還有馬再題濤檣豈無孫

鄭虔相伴成三絕留取風情石上存夢陽日馬鄭孫時

再疊韻

獨立中流瞰海門向來高興共誰論烟霞老去真堪隱

江漢西來俯可吞恨不名家逢李杜金山恨無李杜大家詩若為

住句壓張孫不知翠壁蒼厓裏幾處紗籠幾字存夢陽曰此

篇真黃

南濠吟為都元敬少卿作

環蘇皆濠南濠獨佳室廬櫺比舸艦雲來遠盼青蒼近

濯沅泗君子觀止僉曰雄哉有娥人居於濠之涯地喧

心寂匪俗則諧移家伊何郡城之隈濠是遠而以莫不

懷堂構則嘉煩竄我侵羨彼光福我幽我尋山亦豈不

遠水亦豈不深南濠之思難為平鼓峯岌兮觴清冷濠

石濠詩鈔 卷十

不在濠帶在心水有源木有本我因君發深省滇南京

口遙相望兩地風情同石濠君不見濠溪之濠廬山麓

古亦有然非我獨

薛荔園十三詠為徐侍讀子容作

翰林侍讀徐子容先生以所居薛荔園之十三

詠屬予有言且曰某之修葺此也非敢以為樂

也承先太史府君之遺意也予嘗見世之分題

謙風物者往往牽綴排比以為美談而非其實

侍讀君所取據事直書不拘排偶閑之山川風

物宛在目前予恨不得一造其地與不自制各

有短述意到落筆亦不拘體裁風晨月夕君試

令童子歌之不知能少中音節否

思樂堂

先太史處軒府君性至孝嘗構湖中奇石

先祖遂厥世事乃寢縉家食時追念先志勉強

太史娛親意兒賢願始償九原不可作一念豈能忘笑

語渾疑夢儀容儼在堂溪山與樹石物物繫肝腸

石假山

石產湖中頗奇巧山足半浸池水

石假奇峰峭壁胡為者石山真咫尺不解藏烟雲洞

石濠詩鈔 卷十

事多類此任吾真斯已矣

水鑑樓

樓瞰池水倒影可鑑毛髮

山樓瞰池水倒影浸秋月直須洞心曾何止鑑毛髮乘

閒一登眺灑然清興發

風竹軒

軒外有修竹千竿每風入竹其韻蕭蕭灑令人爽然

有傑構兮層軒掃隙地兮廡淇園鬱亭兮千百斯竿

猗軒之人兮洵美且賢俗客兮息交此君兮相對閒涼

聽兮徐來爽毛骨兮怡顏激金奏兮間玉協律鳳兮鳴

笙鸞鐘廟瑟兮搏拊恍神女兮珮環謝塵耳兮箏笛飽

清聽兮風泉如濯滄浪兮滌我煩抱膝兮坐嘯援筆欲

賦兮忘言嗟軒之樂兮不可設望三吳兮一水安得與

子兮相周旋

蕉石亭 亭畔有峰形如筆格植芭蕉覆之

巨筆如峰天削成偏題蕉葉寫風情主人非是繫瓢者

不厭蕭蕭夜雨聲

觀耕臺 臺在山頂山之外有田一區耕者歷歷可指

高台俯平田耕夫下可指力盡面無色膚傷血流趾嗟

嗟終歲勞博此盤中餐注目豈徒然要知稼穡艱

薔薇洞 洞口遍栽薔薇結為屏障每春時紅葩滿林綠葉如錦

山人多事斷雲根細剪紅綃護洞門莫遣落英隨水去

石淙詩鈔 卷十 三三

怕人疑是武陵源

荷池 池種荷花開時紅減字木蘭花白間錯若錦雲然

春光歸去滿目繁華無覓處池上芙蓉濯濯紅香秋雨

餘爛然雲錦如此天機誰管領把筆微吟吾識花中君

子心

柏屏 結柏為屏冬月獨蒼翠可觀

新枝蟠交吼老幹迴屈鐵一從翠屏開便與紅塵絕

以異凡木歲寒不摧折却笑金谷園錦帳徒為設

留月峰 此中峰也長丈餘奇而偉峰腰有竇如月

嫦娥亦好奇下憩雲間石劃然穿石去長留半規跡

通冷橋 山下有斷岸以獨石為橋每過雨山泉下瀉汨汨似雁鳴

岸忽忽其中斷水潺潺而漚流匪獨石以為梁望烟蘿

其難求

花源 池畔有源通湖中活水往往浮花而入

源頭瀉入活水波面浮來落花不用漁郎物色仙翁此

地成家

釣磯 山脚有石如磯俯臨池水可以坐而釣

悠然坐磯石塵慮忽以祛垂綸不設餌淵鱗方躍于亦

知君子心在適不在魚君不見沙邊鷗鳥解忘機物類

浮沈宜不殊

石淙詩鈔 卷十 三四

開涯翁為方石東山所作詩三公皆予同志友也

文章節概高步一世今安得復見若人者哉此卷

崔世與尚寶以贈毛給事用成子悵然感之有作

指點交游感歎頻年來多事益傷神乾坤落落幾大老

歲月悠悠三古人敢謂仕途全節少亦知公論蓋棺真

黃門解領同聲意不是崔卿不自珍 夢陽曰此篇讀之令人墮淚不但今

無斯人今何時矣

毛給事用成守制歸雲南過鎮江話舊得三首兼

以送別

舊遊自覺眼中稀老去真看萬事非二十年餘繞一叙

八千里外又言歸心同返哺慈烏恨身逐隨陽旅雁飛
留取向來經國念此身忠孝真相違

一從釋褐侍天廷給舍才名滿士林曾有昌言扶正氣
肯將直道負初心芳秋對月人重別遠樹停雲思轉深
莫笑老夫詩力退病來短髮不勝簪

碧雞山下彈棋日鐵甕城邊設酒時黑髮相逢吾已老
清才如此世方推風塵濛濛多新態水木悠悠繫遠思
便欲從君還未得倦指雙眼一題詩夢陽日三篇皆真
層又曰公提繫時事入詩如鳥獲
息思不費力然七言律爲優

古者自王宮國都以至閭巷莫不有學今庠序編

石滄詩鈔

卷十

三五

天下而鄉學之制多忽而不講蒙養弗端有以也
才不古若實基於此吾滇南毛給事用成家居時
慨然有志風化嘗布城中地建書院延請明師以
教鄉人子弟而躬督勸之甚盛舉也過鎮江以質
于予予謂書院古有之而今不敷數見用成之意
蓋欲端本澄源以爲成德達材之地此可與知者
道耳爲名之曰養正且賦四絕句以遺鄉之人俾
知所趨向云

王化千年跡已微後來蒙養全非知君有意敦風教
末學從今得指歸

聖朝庠校徧寰中鄉社猶資養正功讀罷詩書還習禮
此心何止發童蒙

一簞元來九仞基升高行遠在人爲吾鄉無限民間秀
不用擔簦自得師

上達功夫子細探莫將實理付空談要知作聖希賢意
小學分明是指南夢陽日四篇可與白鹿
學規參看有韻之經也

中秋日與諸鄉舊由金山乘月放舟而下酌酒高
歌情性甚濃抵焦山漏下三鼓矣諸客皆有詩予
亦賦得一首

畫船簫鼓坐推篷正及秋光九十中玉宇澄澄涼露下

石滄詩鈔

卷十

二六

滄波渺渺絳河空銀蟾夜泛金杯影桂楫寒生鐵笛風
怪底塵心消欲盡分明身在水晶宮夢陽日此篇
意淺詞麗

長安周君少安以進士節推吾鎮江三年矣才操
兼美凡所讞獄多得其情人甚稱之茲考績北上
被留被徵皆所必有恐不能爲一郡淹矣其父御
史君應文子提學時見其文藝器識在諸生中出
色旣登仕籍聲名日起衆期其遠到而不壽以歿
士論惜之予衰病久謝筆硯願通家君父子間於
其行情不能已爲賦二詩贈之兼以道舊故寓期
待云

手持三尺佐分符一郡冤民自此無始信經生能治獄
須知良更是通儒虞廷佇看朝陽鳳渥水會誇汗血駒
此去定應書上考向來清譽滿皇都

當年相馬識而翁駿骨今看子正同才不夫施摧折早
仁能有後報施公風神絕足飛黃外心事清冰苦藥中
見說邦人攀戀甚望騎驄馬過江東夢陽曰二詩譬之
眼江初導海湧東

七峰贊有引

山有峰舊矣近孫思和氏始標七峰之名因以
自號予述而爲之贊贊曰

右宗詩鈔

卷十

二十七

粵有大極乃開鴻濛兩儀孕和鍾爲七峰排空並峙拔
地成列疑然端居不聲以色法天之政象陽之奇楚澤
下瞰斗星低垂古有七人爲民作則亦有七賢以隱自
逸地因人勝人以地靈物物有極隨地賦形樂山仁者
與物爲體猗山之人惟日仰止

戲作絕句書於息賓軒

坤輿靈秀此山鍾誰錫佳名作七峰天亦好奇成勝賞
雲端幻出幾芙蓉

孫思和新建堂室予老不得與賀賓之列賦詩寄
之

誰門喬木鬱蒼蒼蘭桂堦前次第芳乃父遺安還舊業
佳兒肯構有新堂牙軸剩堪容鄴架綵衣長此薦萊觴
賓筵底事多和氣十月風光正小陽

孫思和新建惠吉堂寄賀一首

椿庭三世蔭仁風蚤向南山識隱翁種玉已看成
爲箕何止羨良弓光騰大廈歡生燕歌協斯千夢入熊
漫道肯堂還錫類祗應餘慶是陰功

遊茅山雜詩

丹梯百丈許攀緣萬古名山此洞天雲水望深行不極
烟崖勢險去無前十年舊夢心初慰兩腋清風興已仙

右宗詩鈔

卷十

三十六

不獨山人能愛客野花啼鳥亦欣然夢陽曰萬
物一體
月滿空階露氣涼曉來餘潤濕衣裳山林入望驚秋老
臺觀重來比舊荒謾向金陵稱地肺翻疑白石是神羊
身間只合尋真隱莫更桃源問渺茫夢陽曰自得如
此豈須更問他

上宮一首

上頭萬瓦碧參差側徑迴廊勢半欹鳥怯高寒棲不定
雲歸杳靄出還遲人間福地輸此物外真游更屬誰
歌罷戰然成一笑下山休問路多歧夢陽曰山間樓閣
每恨寫之不似側
徑迴廊勢半欹便如挂出上宮圖矣鳥
怯二句狀山之深妙之又妙

和張世安韻

山光下接洞中洞雲氣遠浮峰外峰出谷幽泉深送響
入林秋葉半翻紅看來世故祇如此可信名山不易逢
却羨留侯有孫子一編未肯博三公

和喬希大韻

落日丹楓照暮秋乾坤勝概此山收峰環台象分仍近
泉出雲根滙却流風雨不來心自喜刀圭可借疾應瘳
紅塵市上飛難入複徑回岡護已周

茅山和唐雲卿詩韻

世爭趨福地吾亦禮茅君鳥影向空盡簫聲歸洞聞遠
峰低列宿萬樹間秋雲明發下山去仙凡從此分夢陽

石淙詩鈔

卷十

二十九

得恍惚結之脈
落大手筆也

聽愛山劉生琴次白巖喬司馬韻二首

平生我亦愛丘山若道知音有厚顏但覺灑然毛骨爽
水雲深處放歌還

坐聞高調入塗山古意悠然破俗顏彷彿天王巡狩日
衣冠遙扈屬車還

何君子元以太僕卿擢都察院右副都御史巡撫

雲南將赴任道鎮江夜過予丁卯橋莊話舊未幾
卽別去予與子元大父提學公及郎中稱爲鄉曲
通還往子元又出子友西涯先生門下斯文道義

之好雅矣雲南子桑梓地巡撫得名儒惠澤所被
可量乎賦詩三章追送之公暇相憶其爲和之

一日新恩位望崇讀書讀律兩收功百年文教要荒外
萬里江山節制中兵甲未須論遠畧瘡痍應合念人窮
祇緣休戚關吾土被髮纓冠此意同

楚江西望路悠哉持節眞從天上來聖主尙勤柔遠慮
名卿方試濟時才半窗風雪孤燈在萬里寒暄一雁回
公暇不妨登眺樂儘多佳句入新裁

少小多才老更放瓣香涯老舊平生亦知夜雨燈前話
猶是春風坐裏情章疏兩朝經濟畧衣冠三世甲科名

石淙詩鈔 卷十 三十
臨歧爲解雙龍劍物望於君故未輕

東卿杭憲副八月間過予丁卯小莊以北行期迫
不及款留擬歸日相敘盼望久之比歸連雨泥淖
不蒙再過而病夫適在山莊又不及知聞之惘然
追無及矣良會之難如此哉鄙詩二章少代晤語
兼柬令兄世卿先生當必有以教我也

北上匆匆約會遲歸來猶擬話襟期如何載酒尋詩興
恰是題門返棹時山雨蕭蕭寒漏盡江天漠漠凍雲垂
梅花已露春消息好折新枝寄遠思

清尊空對燭花紅山館蒼茫細雨中開徑尙懷三益至

論文那復二難同英才盡入蘇湖教絃誦無殊鄒魯風
極目天南萬餘里倦遊無計逐雲鴻

閱鄒敘行殷文濟弈基次文濟韻

十日過從興未窮不堪風雪惱衰翁亦知郢調稀人和
何止棋家羨長雄

棋場三昧入機元老我猶能讓子先餘興未忘留不住
清魔翻慮攪春眠

棋局風情見二君尋常諧謔自超羣一籌一算休重論
世上雌雄恐太分

開來適性藉枰棋蜩化無端浪苦思信手贏輸皆足喜
石淙詩鈔 卷十 三十一

我心先得子瞻知鄒棋過於思故云

文濟與拱貞弈饒三子而勝戲次其韻

兩局能拚一襲衣知君高興欲雄飛自從刻曲乘舟後
詩社棋壇倍有輝

賸生棋力本肩隨忽漫饒三事亦奇莫便逢人誇國手
南都恐被白巖知夢陽曰白巖弈冠一時乃於賸殷發之斯太史公筆法也

再和濱竹詩韻

流光漸漸入新年之子飄迴雪夜船碧水丹山如送客
清風明月底須錢歸來已脫浮名累老去難禁別思牽
夢陽曰此句惟他日停雲兩相憶尙多詩句託人傳

日雅

鑒賞歌贈燕山葉原靜

畫家六法古有評氣韻生動由天成妙品在意兼在骨
不然筆墨徒經營前朝好手亦無數殘縑斷素令人驚
王維鄭虔不可見後人但知宋苑名近時愈變嗟愈下
模擬誰復探其精少年愛畫癖成性購求至與人相競
當時能畫三五家常持卷軸求商訂夢陽曰清無損匏翁謂
我今劉侯我笑不言心自慶王事執掌三十春圖史不
得隨車乘老歸江南理篋笥霉損蟲傷能幾賸舊知零
落不復存晚得燕山葉原靜白巖鑒賞今鮮倫昔曾向

石淙詩鈔 卷十 三十二

我誇葉君聞君攜家住淮甸折柬招至留彌旬果然名
下無虛士坐下咳嗽生風雲詩才字畫亦不俗何止丹
青能壓羣坐君遂庵翻卷帙信口高論吾不嗔判評品
格入骨髓不遺純駁差毫分夢陽曰公之前人人丹丘得盡肺腑不獨畫師
博士已莫覩如君者世間肉眼紛紛難共論我有鷺溪
七尺強煩君爲我圖滄浪墨汁淋盤試一掃但見元雲
漠漠橫高堂遠山霏微起烟素東影弱水西扶桑弄滌
迸石三千丈跳珠下濺寒聲激烈灑作江流長蒼茫直
與鬼神接奮迅恍若鯨龍翔兩翁笑語毛髮動山水之
樂樂無央王宰豈受人促迫象先不與世低昂得心應

手自成趣衆工浴筆徒誇張吁嗟乎胷中丘壑故有真
未須誇益先論人古稱孫陽善相馬脫畧形似看風神
君不見陶雲湖吳小儒隨意塗抹能賣錢風塵意態花
柳姿縱有佳處名教之中奚取焉費陽日論陶吳稍過愛君博雅
服君識一爲歌行壯行色君行蹤跡寄何方看畫吟詩
兩相憶費陽日此作如登礪石下觀巨野風雲飛揚一瞬萬里

石滌詩鈔

卷十

三

石滌詩鈔

石淙詩鈔卷十一

明安寧楊一清應寧著

門人

北地李夢
武功康

海編

送錦衣千戶馬汝礪

文才武畧兩稱賢著金吾二十年奉使曾持王度節
行囊不貯一文錢都門早結同鄉誼京口重逢話舊緣
公論在人須柄用丈夫晚操願彌堅夢陽曰囊無一錢
在武人足為麟鳳

送句容曹君時範赴南台

白筆重簪入舊京向來風采重台評也知激濁揚清地

石淙詩鈔

卷十一

不羨憂民報主情兩度過從慰衰病一尊傾倒見平生
鵬鵬六翮逢秋健拭目雲霄萬里程夢陽曰忠
厚雄傑

壽抑齋太保

君生正當明盛年前身元是蓬壺仙玉皇勅註金閨籍
簡侍東朝供講筵帝若曰都此良弼舟楫霖雨將賴焉
手持虞廷五色練密補衮繡光華全沃心造膝世能幾
人道君聖臣仍賢青天白日氣浩浩長江巨海胸淵淵
成功不居益惕若妙用斂盡方寂然一封謝病優詔許
授簡爲著居篇消磨歲月盃中物陶寫性情囊裏絃
坐令四海慕風采杜門卻掃只與一二知己相周旋於

奈初度及芳日二陽之後三陽前春回朔氣初轉律梅

向南枝先吐妍帝遣羣仙下稱壽雲際駕鶴來翩翩

登膠乘望舒導芙蓉垂旌羽蓋懸一翁疑是羨門子獨

騎蒼鹿過芝田蟠桃有宴今始見真珠爲漿瓊作鮮雙

成吹笙弄玉和九奏萬舞聲喧門琪花瑤草亦無數青

壁千仞世人想象難攀緣荒唐有無不須論天壽平格

此禮昭灼無私偏君不見蒼松矗空山拔地吾識良工

有深意夢陽曰前賦後
此超卓之作

送唐雲卿北上二首

雲卿北上伊邇過予丁卯橋莊言別適予將遊

石淙詩鈔

卷十一

紫府慨然同往尋幽覽勝各極其趣雲卿先辭
歸越三日遂行予衰病久謝人事例不作餞爲

賦二詩贈之

臥病經年不出城忽聞君去便心驚誰知紫府淹留地

翻作金臺盼望情與在溪山還夢想眼看花柳又春榮

丈夫無限當爲事汗簡勳名貴早成

蕭蕭行李已臨歧猶喜山遊不負期野草含花亦幽寂

松烟帶雨轉華滋遲君經濟自今日老我聰明非少時

明發贈行無長物匣中孤劍卷中詩夢陽曰山游之情
轉爲河梁之憶更

覺精神
抖擻

殷文濟過予待隱逸老一園有詩次韻答之

開園十載到於今喜遇知音惟賞心兩屐不嫌花徑僻

一枰長傍竹窗深醉眠石上殘林蘇倦憩池頭狎水禽

如此風光如此客不知身世有煩襟夢陽日四句讀之令人水雲興思

老去清遊不出園翛翛水竹已成村林間野鶴迎人慣

坐上飛花送酒繁兩地江山勞夢寐百年風日幾朝昏

太平乞得閒身在須識秋毫是帝恩

和韻送吳舉人文之

江空飛鳥盡雨過落花深抱病方孤坐逢人時一吟會

遲幾失子別易忽驚心猶有相留興開樽醉竹陰夢陽日四句

石淙詩鈔

卷十一

三

然見南山此篇有之

碧草迷青澗香塵動紫襦君才自賈董聖世亦唐虞寶

劍雙龍躍秋風一鶚孤獨憐為別後相望渺江湖

與孫廷賢話別二首

小結雲松在近郊故人忽漫過蓬茅二千里外師生義

四十年來父子交名教自應尋孔樂窮通何用卜羲爻

試看千仞回翔地覽德終歸彩鳳巢

少年英氣逼人來壯氣崔嵬老未衰不信驂騑終窘步

其憐梁棟有遺才龍光夜躍張華劍雲影晴浮孺子臺

見說芹宮多化雨滿川桃李為誰栽

師道蒼茫久絕塵泰山孫子更斯人貧甘苜蓿淡中味

靜挹梅花調裏春舊日朋游今復幾平生肝膽露全真

無言亦是宣尼教訓說紛紛莫重陳夢陽日三篇宋詩之高者

送鄉進士吳與成還吳中將赴會試

老去聰明不似初喜逢佳士自東吳誰為陸贄敢韓愈

已媿歐公讓太蘇客路春風鶯出谷朝陽文采鳳棲梧

科名亦是尋常事珍重平生遠大圖夢陽日首句每便及之邪

如此故開口

吳與成將行與吾鄉諸詩客遊金焦諸山極觴詠

之趣余聞而羨慕之老病不能偕往賦近體一章

石淙詩鈔

卷十一

四

兼以識別

有客東來亦好奇短筇孤艇鎮相隨將第一泉頭水

題徧金焦寺裏詩載酒正當為別路看花曾及未開時

如聞赴約多同調盛事誰云只自知夢陽日四句

和與成登城韻二首

獨立高城暮懷歸更惜春山川連梓里烟雨暗花津響

絕未粒久交憐白髮新斯文方屬望何止作詩人

落日街疎樹殘花送晚春夢陽日四句乾坤容縱目江海

羨知津懷古百篇壯感時千慮新昏鐘動城邑猶自有

行人夢陽日足為不知止者戒又日二篇真唐人語

多史葉君按治江南一年于茲風采甚著比在鎮
江忽聞江西兵變時承平日久武備廢弛殊甚且
倉無粒粟有警調兵無所於給上下憂之君策勵
諸司爲防禦計日簡練兵卒號召武勇示以紀律
人知自奮勸諭義民分糶穀芻至萬城中恃以無
恐仗天之威罪人旋即就擒君得代還朝予衰病
久謝筆硯目擊君之義氣風概有如是者爲賦二
詩贈之

年來風采動江鄉足有陽春面有霜不遣官邪逃法網
幾將民瘼疏封囊憂時每切懸樞陛問俗頻勞訪草堂

石淙詩鈔

卷十一

五

莫謂及瓜能了事內台猶待振頽綱

義氣君方激懦夫忽傳兵變自洪都除凶實抱勤王念
足食深懷固本圖政比盤根逢利器心如秋月映冰壺
柔風靡靡嗟誰挽百練真鋼世豈無夢陽日二篇足補
記載之缺亦詩之
也

贈陳豸史原習三首

神交猶記昔年曾老向江湖更得朋二宋文章清廟瑟
兩京風操玉壺冰君言直與周行重我病馮慚飽飯能
暫會不堪仍遠別一時情思雨難勝
病起重來侍玉除稜稜風骨壯年如直陳時事張庚節

不負平生陸敬輿復恐都人傳奏草漫勞司諫有貽書
留君未得空相憶又是江城細雨餘

高臥滄江七八年停雲相望幾茫然手中五石終華國
囊裏孤桐未絕絃渴極正懷商早雨愁多翻憶杞人天
送君更切吾鄉念多少蒼生望息肩夢陽日三詩一氣
鑄成渾渾更渾渾
賀王都諫存約買山韻

聞君鸞俸買青山山在層崖壑障間世外水雲身是主
春來花鳥意相關短筇路遶千年石小艇歌隨九折灣
除却清風與明月一時高駕許誰攀
平生性本愛丘山十載風塵一笑間夢入迷途雖易覺

石淙詩鈔

卷十一

六

念於斯世恐猶關海雲拖影低環屋野水流清曲抱灣
非不欲歸歸未得故山猿鶴設相攀夢陽日二篇
句工而情態

東王存約

承過丁卯莊病不得追隨爲媿爲負莊新構小
樓四面皆有牖各就向方扁之曰見山曰看竹
曰迎暉曰觀稼因用買山嚴韻一首奉謝倘不
吝高詠則溪山增重不但小樓之光而已君家
山在台之丹崖故末句云然

登樓舉眼見南山勾引清風北牖間東望曙光眠早覺
西占歲事念常關月中露下芙蓉院水面風生楊柳灣

不似丹崖高萬丈淺林疎砌豈難攀

王南渠殷石溪過予夜燈二君對弈約三局兩勝
謂負者當罰作一降詩石溪信口成句曰縱豎降
旗亦偶然予笑曰得無輸兆乎已而石溪果負因
續成律予與南渠俱和之石溪約再戰連負三局
又罰一首予亦和之相顧俱大笑勝負棋家常事
然亦吾人風韻所在不可不紀因各錄一通以歸
一二君庶他日有所考證云

臨枰一語豈徒然未約降時兆已先對壘分明成敵國
摧鋒只欲陷中堅志探虎穴無難事盟在雞壇有舊緣
石淙詩鈔 卷十一 七

願得焚舟終雪恥愛君須贈繞朝鞭

世事如棋一莞然當場何必較誰先心遊碧落詩兼苦
氣奪金城力未堅兩地萍蹤憐聚合十年文會許延緣
亦知勝敗皆堪樂若遇坡翁願執鞭

題畫壽王事方君豪父坦翁

仙郎壽乃翁意託丹青傳何以象翁潔餽鶴鳴芝田蕉
以供揮酒桂以揚芳妍桓桓石丈人晚節同其堅願翁
壽比鶴一鳴三千年

送王壽夫知金華府

繡衣持斧已多年刻薦今專郡牧權直遣冰霜回雨露

卽看鸞鳳化鷹鷂詩書世澤三秦舊伯仲才名二宋前
古婺自來文獻地好敦風教繼前賢夢陽曰此篇是送
御史除知府詩然
望之敘之
者至矣

得王陽明詩依韻寄答

聞變幡然作親提一旅孤櫓檣浮太白氛祲暗重湖慷
慨平原義周旋甯武愚成功何易易帷幄妙計謨
冰霜爲別日轉眼又春歸許國身方健除兇願不違寒
暄今契闊道誼昔因依抱膝渾無語陰雲暝夜扉
戎馬聞關際風塵瀕洞時心應懸社稷身已繫安危功
大難招已愁多恐易衰馮唐年未老終動漢皇思

石淙詩鈔 卷十一 八

多士從河飲俗儒徒管窺平生抱經濟應變益權奇風
雨孤燈夜鶯花漫興時彩雲何處見聊得慰相知

歷盡風波險履茲陽道亨通儒自適用大勇不須兵急
雨驚春夢停雲繫遠情中冷有元酒相見爲公傾夢陽
筆在格杜調高之又高
忠義之氣觸之勃然

用王陽明韻寄伍時泰廉憲

刺史勤王義中丞是指歸功成人共仰名出事多違赤
手烟霄接丹心日月依入鑿勤造父何處叩彤扉
淇都忽兵變舉目是瘵孤抱恨聲勝野流腥血洗湖平
生慕汲憇避難豈柴愚偃武從今日敷文仰聖謨夢陽
日體

擬此

江湖血戰日豺虎遘凶時祖述先賢賊王魯豈避危冰
霜節操苦風雨鬢毛衰獨立蒼茫外長吟有所思

相從記童稚數載不圓窺一得湖南雋遂為天下奇隴
雲吟望處江雨夢醒時未得談衷曲幽懷祇自知夢陽日無

限舍

荏苒歲云暮馳驅路向亨片言能折獄弱冠已知兵江
海十年夢乾坤千古情相望不相見肝膽為誰傾夢陽日此

五篇亦是杜格

寄彭幸庵

石淙詩鈔

卷十一

九

隴雲千萬疊何處是泉蘭莫訝寒暄少須知道路難長
容憑酒換冷眼索梅看天地恩無極應畱一寸丹

別來餘五載老況竟如何白水盟心在浮雲變態多江
山雙眼足歲月一杵磨獨有懷人夢時時攪睡魔夢陽日歲

月一杵磨於我公則得矣如
蒼生何期一句足隨時變

太學生鄒永裕自蘭州至得彭幸庵贈永裕詩卷

次韻一首

一枝翻寄隴頭春彷彿開緘見故人歲月任添塵跡舊
風神不減墨花新沙頭白鳥歸仍狎山下青松晚更親
莫道眼前同調少此生吾亦任吾真

渺渺泉蘭天盡頭可人臨發更須畱浪傳曹煥三生石
誰臥元龍百尺樓笑引清風歸兩腋醉呼明月上扁舟
江山南北多奇遇都付行囊一卷收

用韻寄幸庵

老眼慵開春復春病中詩句夢中人雨餘芳草年年綠
天際浮雲故故新坐挹希聲還大雅交憐異姓有周親

世情自古多翻覆莫太分明賈與真

卜築西津古渡頭息交會為幾人雷陶潛稅駕雲歸岫
杜甫傷心花近樓兩地青山雙短屐半生秋月一虛舟

公歸自覺金城重已有勲名百戰收

石淙詩鈔

卷十一

十

得成公寄示白巖賞花之作用韻一首且訂乘舟
之約云

兩地無因共看花偶聞清賞句還嘉衰顏我豈緣詩瘦
老病君應為國華秀挹南山佳氣繞香憐秋圃落英賒

故人不負乘舟約擬共看雲坐水涯

希大司馬扈駕至淮安歸便道過江訪余石淙精

舍感今憶昔悵然久之口占二首

淮浦歸來路幾程懷人兼作剡溪行時巡扈蹕君臣義
異姓通家父子情聊以江山供客興翻愁風雨誤秋成
連日陰雨亦知仕隱皆名教相對無言百感生

停雲回首意如何楊子江頭一棹過老去多情憐水石
閒來開眼看風波門墻舊侶影應盡燈火通宵話轉多
更約扁舟和月宿荻花深處聽漁歌九月十五日。夢
陽日四句讀之如
聽山陽
之韻

與希大夜話有作

有約相過幸不孤病翁強起尚須扶顏容已覺今非昔
形迹都忘子與吾不遺寸心違素學曾將隻手障雷都
人人解道能藏器可試盤根錯節無

觀奕

小窻剝啄坐鉤簾梳茗爐薰取次添三徑黃花秋瑟瑟

石淙詩鈔

卷十一

十一

一庭疎雨草纖纖佳期久託鴻傳札樂事先占鵲噪簷

司馬風情能鎮俗非關棋局可相淹用謝安
石事

九月十七日同希大過南園賦此

小堂深坐醉忘言餘興還過逸老園頗訝江湖在城郭
更誇塵市有丘樊風生水面迴波細秋盡林間落葉繁
猶憶六龍停馭日月華天影照金尊

南園書事兼以識別

潦倒天涯客歸來暮境侵鋤荒十畝地逸老百年心池
大深潑水城高半露岑未能忘物役聊以豁煩襟坐歇
丹楓晚行歌翠柳陰買秧魚作饌種竹笋成林小艇穿

萍破殘花費蝶尋望迷青玉塢香溢錦雲潯風動波成
穀日斜林散金橋形橫蟠螭鳥語雜瓊琳哇薦時蔬美
牆遮灌木森一亭疑坐月萬籟似聞琴憶作天王狩曾
勞御輦臨虹光消宿靄帝德格仙禽密邇袞裳坐温然
綸綍音扶行傳睿旨應制效微吟感激無能報馳驅又
不任六飛瞻漸遠九圍戴彌深司馬提兵旅從龍肅佩
簪登山增突兀觀海失蹄涔話舊秋方老留歡酒漫斟
霜風摧落葉寒雨急疎砧誼篤人稀及名高眾所欽相
逢忘爾汝作別歎商參欲贈臨歧劍終爲大旱霖祗愁
分袂後蕭索轉難禁

石淙詩鈔

卷十一

十一

希大謁奠先塋感愴之餘有述

細雨暗荒城蕭蕭珂馬鳴巖花含舊色壠樹動秋聲痛
腹橋公義生芻孺子精通家懷往事不覺涕縱橫

希大同東希宋盧師邵二家史自荒山往尋招隱

故跡觴詠甚樂余聞而羨慕之恨不同往作詩奉
寄

京口溪山此最幽君行頗恨失追遊亭空玉蕊名猶在
山有玉蕊亭
遺刻在焉 樹繞珠泉濺却流山有真珠泉東坡詩可
泉底真珠濺客忙
是太平無隱逸謾誇人世有蓬丘雲中古洞應奇絕合
賦新詩石上留以上十八日

東豸史希宋請予借希大自金山謁新構陸丞相

祠祠有樓甚宏偉席上用盧豸史韻

秋滿空山落葉深江頭風雨夕初陰夢陽曰有亦知枉

吏招遊興却慰邦人仰止心采采巖花供客賞蕭蕭林

籟雜蛩吟衰忠舊是清朝典明水祠官合自今夢陽曰

希大將歸南都余餞之丁卯橋山莊

秋風細雨晚蕭蕭厚盡荆榛見古橋樹色帶烟迷近郭

泉聲瀉月落寒潮未能投轄翻愁別有意尋幽不待招

裴相勳名公等在吾衰只合老漁樵夢陽曰

南山先生仙逝予哭奠之餘賦得二首

石淙詩鈔 卷十一 十三

猶憶登堂笑語溫向來多事不堪論忍聞哀些停歌燕

空把生芻代壽尊交誼不隨時序改老成雖謝典刑存

要知善積多餘慶請看蘭芽與竹孫夢陽曰向來多事

故身履其地者不知此若

欲因稱壽望容顏只隔重陽數日間杜甫幽期空北郭

陶潛佳興負南山黃花失色應憐王青壁徒高已倦攀

留得遺音在深谷靜聽流水日潺湲夢陽曰二篇

音於水恨無窮矣

贈謝伯一舉人用前韻

一燈深語坐來溫賓王東南細雨論萬古希音還伐木

七峰明月此開尊憂如賈誼心應苦潛比王符論尚存

短棹悠悠留不住恐因芳草憶王孫

用韻贈唐子畏解元

丰姿楚楚玉同溫往日青蠅事莫論筆底江山新畫本

閒中風月舊琴尊清時公是年來定發解文名海內存

長聽金聲愛詞賦天台未許獨稱孫夢陽曰此篇奇作

用韻贈段子辛

詩壇寒夜轉多溫明日陰晴未足論已共山頭揮彩筆

更期江上屬匏尊草堂和露題應徧石壁樓雲刻尚存

石淙詩鈔 卷十一 十四

聞說好奇兼好古風情真羨枕流孫

重遊七峰三絕句

三年重向七峰遊轉覺溪山一倍幽有意探奇兼訪隱

可容結屋伴君不

七峰開鑿自鴻濛萬里長江在眼中亦欲磨崖紀佳勝

向來詩筆已多雄七峰諸詩容題詠已多予不能益也

攀蘿躡蹬路逶迤老倦登山與每遲却愧壯年雙健脚

長因奔走誤幽期夢陽曰宜悔宜恨

題畫送謝梅岐歸閩

歲寒相別意悠哉不贈瓊瑤只贈梅歸向梅岐春正好

懷人須寄一枝來

謝公昔在東山任翠管嬌歌出每攜不似雲仍冰雪侶

任他歧路有東西

有足不踏風塵車有手不草封禪書茫茫天地誰知己

還指梅花是故廬夢陽曰三首前一首唐也後二首宋調耳

過仁濟沙宿孫思和莊舍感而有作

二十年來此約違勝遊今日坐忘歸兩江流水平沙斷

百里長堤萬柳圍沃衍人方資地利深清吾亦愛漁磯

滄波滾滾東連海為障狂瀾是化機

遊茅山雜詩

石淙詩鈔

卷十一

十五

登大峰

樹繞巖迴望轉高丹梯躡盡不知勞平臨星漢如攀接

俯視塵寰一羽毛捧日有心嗟我老凌雲欲賦為誰豪

玉台元圃無消息何處吹笙醉碧桃

獵獵西風吹鬢毛望中林壑渺雲濤飄殘木葉氣始肅

飛盡塞鴻天正高老去丹心空汗漫病餘餘足幾遊遨

非關不學陶貞白萬古君臣義莫逃

十年二度訪華陽過盡殘秋草樹黃山色參差開劍戟

泉聲宛轉奏琳琅太平法主遺址在貞白先生祀宇荒

解把苔通比榮利金陵老子句非狂

偶辭城市到巖阿草樹陰陰翳薜蘿福地地中今第一

洞天天下古無多舊騎白鶴能來否新煉金丹可乞麼

頗恨塵蹤驅不盡結廬無計奈山何

山遊晴霽累日照如早春喜而有作

暫出眞成十日淹風光煦煦草纖纖老天似助遊人興

下令元冥不敢嚴

年年車馬入山頻谷口幽人合見眞莫使溪頭洗塵耳

下流恐有飲牛人

華陽洞

石壁清而浚風光翠且重洞門無路入疑是白雲封

石淙詩鈔

卷十一

十六

渴飲沈澀汁饑餐玉台霞道人不出洞持此度年華

冷泠澗中水一掬清我顏山風灑然來吹破夢覺關

喜客泉

年來謝塵鞅對景胡不喜山泉亦多知動樂固其理

抱病不出城如此山泉何泉因客至喜我厭客來多

題華陽洞崖石

吁嗟此洞天乃在人寰裏神仙不可窮勝遊聊爾爾

用張世安詩韻

仙子何年闢草萊載看遼鶴又飛回溪山勝地多樓觀

唐宋遺碑半薜苔物外烟霞三館在城中冠蓋幾人來

亦知仙俗俱塵跡休薄雲臺問玉臺

句容曹御史時範結屋於大茅峰之麓即陶隱君

中館地也予得造焉為之賦此

關莽披榛一徑斜忽看傑構倚雲涯誰知異代神仙館
又作清時御史家坐引青山當戶牖醉眠白石掃苔花
君才可是真成隱况復勳名鬢未華

暮春偶懷彭幸庵寄東二首

華髮蕭蕭與歲添楊花飛盡坐鉤簾遠夷尚問裴中立
流俗翻情范仲淹已覺聲名重河嶽不將心事負齋鹽
江雲隴月年年夢彩筆何時得共拈

石淙詩鈔 卷十一

十七

西涯逝後誰知己南有雲莊北幸庵老去萍蓬驚浪跡
歸來風月但清談休官各詫林間一交道長懷益者三
若向寒暄論世味苦辛調盡合同甘夢陽曰奇之又奇

送揚州張都閫赴任湖廣

鳳凰佳氣連雞阜鸚鵡香風度鶴樓君去正當春色好
我懷猶憶少年遊那儲久已推勞績帥閫今方藉壯猷
留取素心冰凜在早看清譽動皇州夢陽曰起句壯麗

鎮江二府嚴君應階初以進士出令深陽治行卓
卓將徵入內臺局於例芟果陟佐鎮江五閱歲廉
靜慈惠民甚安之吏部屢薦為按察僉事不及命

茲考績北上將行作席別子鴻鶴山莊余雅厚君

又重斯別為三詩贈之

猶記登科十載前幾人才與操能兼花封故有甘棠頌
驥足翻因別駕淹閱道行裝只琴鶴希文心事本齋鹽
如聞方憲頻推擢何處輶車聳具瞻

郭外張筵先別我天涯獻績早推君官程曉逐桃花水
客思秋停鴈浦雲佐政賢聲惟撫字退公餘力更詩文
老年正藉良朋益愁見臨歧落絮紛

當年劍氣逼人寒未信盤根錯節難奉職肯逾三尺法
愛民何止一分寬酒辭滴滴心常醒詩向恩恩句亦安
石淙詩鈔 卷十一 十六

去近五雲承寵渥九霄雙翮看鵬搏

予既為三詩贈應階餘情有不能已者臨行復得
四絕句

聚處未知樂分攜却黯然不知從此去明月幾回圓
世有催科吏亦多刀筆徒君心故儒者作用自應殊
君行陟憲臺風采人須避復恐鸞鳳心終異鷹鷂志
老病廢文事書齋久積塵偶然拈秃筆題贈素心人
與諸客賞牡丹席上作

紫霞香溢瑞雲深繡轂歌鐘古復今為惜春光邀客賞
豈緣國色動人心移栽池館渾疑畫買向侯門不論金

一夜殘紅零落盡東園桃李自成陰

平生不解矜顏色偶為穠華一賦之遮護殷勤避風日
蒼茫彷彿見嬌施平章宅裏春長在洛浦園中種自奇
暫得留歡君莫訝心盟終許歲寒枝

東豸史希宋過子語及昔年提學事因憶華州關
中名郡東氏實郡望焉時希宋與其兄今南京戶
部郎中希節刑部主事希在諸生中才氣英發而
伯兄今駕部郎中希曾已領鄉薦俱嘗以遠到期
之主事不幸不祿而三君方駿駁向用詩贈希宋
兼柬希曾希節同致期待云

石淙詩鈔

卷十一

九

清渭滔滔幾派分華峰秀色八層雲掄材早識明堂器
相馬期空冀北羣舊事悠悠心印在新聲濯濯口碑聞
丈夫無限當為事看取齊名共策勳夢陽曰心印碑奇對

希宋按江南風采凜凜更望風多解印綬去傳
者或以為過嚴然玩愒之餘民蠹滋甚不嚴則無
以禁奸戢暴民何所於賴惟在我者有以權之不
為已甚而已如心之論君其有取乎哉

一從持斧下金鑿江左蒼生拭目看載路清風消酷暑
隨車甘雨慰彫殘朝廷綱紀須臺察郡邑澄清仗法官
莫謂過嚴聊假借一分嚴是一分寬

攬轡江東又一年動人風采眾爭傳南山有判誰撓法
白筆無私不避權世上浮雲驚易變懷中貞璧保須全
如心舊服宣尼訓春雨秋霜未肯偏

子遊茅山希宋豸史自金壇以書來問答之以詩
梯徧三降眼為開忽傳臺史有書來何心不得還同賞
空把詩筒當酒杯

予歸自茅山路出金壇河口希宋約許豸史伯誠
來會舟中話舊久之解纜而別時漏下三鼓矣次
日寄詩為謝

細雨蕭蕭釀薄寒深秋搖落水無滿荒村一棹來何客
石淙詩鈔 卷十一 三

夜半能勞兩多冠
足音空谷遠能聞一笑相逢坐夜分舊事依稀談不盡
明朝回首隔重雲夢陽曰二篇前未後唐

希宋得代還朝贈別二首
歸采民風奏玉墀一年舉措共稱宜爭看彩鳳來儀地
正及飛龍利見時驄馬都人行倘避甘棠南國去應思
黑頭事業須珍重明道希文好自期

鷺車無地不春陽白簡威飛六月霜不忝冠裳稱多績
未容城市有豺狼寸心好似中冷水一節真成百練鋼
定有昌言佐朝政幾人側耳聽封章

寄處州林守仁太守

撫卷長懷漢吏循清時郡牧見斯人如聞禮讓能為國
况復温良是近民道以濟時終不枉儒能適用始言真
四知莫夜何須畏自保丹心質鬼神

密恩為別又經年待隱園中楊已懸守仁嘗宿前輩風

流嗟我老後來人物讓君賢烟橫高閣多成雨路繞羣

峰正倚天二句用括著事官長政閑應得句懷人無惜簡書傳

秦鳳山亞卿園亭小酌用邵三泉韻一首

半生江漢夢猶新忽漫相逢幾故人君到正當新雨霽
吾衰還與舊書親憂先天下心應苦功在湖南筆有神

石淙詩鈔 卷十一 三

總為論交關道誼不須杯酒見情真夢陽日推句

和園亭聯句答鳳山

兩怕衝泥濘樓鐘忽報晴溪山還浪跡花鳥亦藏名水
氣陰連洞樓光半帶城不辭金谷罰君句已先成夢陽日無

有意如

與鳳山酌別一首

雨中車從過蓬茅萬斛塵襟此盡拋幾為登賢會薦剡
一從傾蓋便深交趨朝正及飛龍慶覽德重尋彩鳳巢
我老聰明非少日詩成猶欲杖推敲
度支新命屬名臣上為邦儲下為民經世正煩華國手

理財須用讀書人中州時雨當年化南楚甘棠萬樹春
霄漢勳名公等在老翁江上任垂綸

答馬豸史園亭韻

把酒看花意已闌一樽相對偶畱飲坐深泉石孤雲暝
面帶冰霜九夏寒別後懷人心共遠公餘適與句還安
怪來曉夢清如許柱史詩來墨未殘夢陽日妙句

送何汝周謁選北上五首

乃祖竹逸翁飄飄出塵姿典衣畱客歡有馬借人騎雖
老不出村聲問如懸馳爾父亦曠達子生更瑰奇當年
講英物不羨羣賢兒稍長入庠校操觚吐芬詞文場雖

石淙詩鈔 卷十一 三

未捷賢關已收之願交天下士才載居京師庭闈忽在
念歸養江之湄朝來奉親命束裝向我辭古人重養志
口體翻足嗤生才須用世况值更化時黑髮難久畱行
矣勿復疑

子行不可尼我懷益忡忡去帆帶落日征路隨長風衰
年苦別離况乃家素通一尊向江澣何以紓情悰贈子
金錯刀光華貫晴虹得志如我思好音託秋鴻

向來暑氣熾汗流沾葛衣蒼蠅撩我面白羽無停揮火
雲欲燒空高鳥不敢飛子行獨何之初聞使我疑須臾
清飈發萬物回華滋星月出霄漢玉宇無纖疵悠爾心

境融豁然襟抱披休哉任所適慎勿懷土爲

騏驎千里材調良故可貴美玉豈無光蘊藉乃爲瑞古

人重器識材美招物忌所以裴行儉不取王楊輩兢兢

有若無默默明如晦贈子豈徒然吾言有真味

對酒心不樂于舟方北向南風漾帆帆夕陽落波上此

別日已疏兩地勞相望江漁繫遠情蘆月懷高唱我有

七絃琴欲彈寫幽況今人知音難感之益惆悵多言勿

謂予予子大父行

菊泉

陶翁暮秋露屈子餐落英何如菊泉子臨流漱其清風

石宗詩鈔

卷十一

三

致故不殊後先與齊名

南陽有甘谷一飲百餘歲泉以菊而甘菊以泉而貴紛

紛厭梁肉誰知此風味

滕郡守約遊招隱山紀興一首

朝出虎踞門旋經鴻鶴山舉目望招隱森森青翠攢肩

輿歷丹梯直造浮雲端紫紵路若無恍惚非人間郡侯

政稍暇約我一日閒而我性疎野此興良不怪同遊總

儒彥相見各開顏不嫌方丈陋抵掌共清歡老僧朴而

貧非俗亦非禪因之訪遺跡咄咄竟忘言昭明讀書處

石案猶未剋彼隱戴公宅浮屠今踞燔寂實玉蕊亭凋

蕭萬松關惟有名賢詩膾炙人能傳侯曰此勝遊吾當

窮躋攀山頭覓三洞山下尋二泉探奇兼索隱慎勿辭

險艱大洞邃而迂懸厓互蜿蜒二洞稍明曠鉅石誰所

安可琴復可弈可以羅盤餐披搜到三洞小窟橫榛菅

鬼斧鑿誰施神驅不容鞭雲跟虎鹿跑真珠濺潺湲源

頭祇一勺流潤滋園田想當出門時溽暑尙未闌山顛

坐良久已覺絺綌單濃陰釀急雨老病怯高寒雨歇氣

蕭爽豁然襟抱寬修竹葉逾麗殘花色猶殷去城纔咫

尺乃有此區寰諸公各盡興雄飲吸百川彷彿飲中仙

白眼看青天夕陽度西嶺暝色迷曠野葉落隨流去飛

石宗詩鈔

卷十一

三

鳥和烟暈蟋蟀戒無荒呼僮促回轅作詩謝同遊聊以

識奇觀

許彥史伯誠夜過丁卯橋莊賦此贈之

古橋丁卯傍山莊忽報乘馳過草堂君有好詩能壓許

我無奇字合輸揚風回池沼波生穀雨足田疇稻早香

記取隔年題詠在至今蓬窗有輝光慶陽日奇對姓地
偶合兩信盡之萬

古之雄

忽漫相過慰寂寥坐聞空籟夜蕭蕭興如剡水還停棹

路異箕山不繫瓢細草孤村斜有徑清流曲澗遠通潮

衰年已謝人間事贏得閒身伴老樵

籬前桂花初開折三枝贈伯誠侑以一絕

夜深燈火泊仙槎剛及秋風桂始花折取天香贈君去
清芬隨地有人誇

次日用前韻寄伯誠

野橋流水護雲莊灌木陰中隱一堂結構幾年驚老邁
幽棲如此藉揄揚秋山入夜微聞籟巖桂逢時早放香

相國鄂州遺事在嘉名猶自託餘光夢陽曰隱藉更相
藉如幽花明月

石響

猗爾千古竟寥寥世態空憐艾與蕭興到不妨隨短屐

客來聊與醉長瓢坐聞牛隴秋橫竹閒看漁舟晚趁潮

石淙詩鈔

卷十一

五

到處康衢頌更化野人隨分自耕樵

王太史舜卿謫戍茂州過鎮江相見愴然因憶乃

兄堯卿感而有作共得三首併錄贈之

歧路豈不多君胡此行役朝為近侍臣暮作征客平

生忠信心偃仰無敵側江山助詩豪風露壯行色欲語

不得盡雲鴻渺南北岷峨故崔嵬劍閣何偏仄稅駕行

有期君恩本無極

汝兄在西州昂昂萬夫雄高視千古前關步無塵蹤寧

為叱咤馬不作羅網鴻季方踵其躅雲霄共飛翀仕止

各有存乃心王室中危言仗有道何暇恤其躬日月豈

不光江海豈不咨臣罪法當竄守節甘香窮

八年不見子一見翻成悲微生萬死餘毛髮渾未衰君

心無回曲神明相護持一觴復一豆遲子江之湄蕭蕭

黃葉下黯黯寒雲垂殊方亦王土蜀道無險巖義命夙

所安慎勿陋居夷材大用良難名出忌乃隨身及戒尙

口此意君自知夢陽曰歸田後遊
詩人闕以其妙也

石淙詩鈔

卷十一

五

石淙詩鈔卷十二

明安寧楊一清應寧著

門人 北地李夢陽 武功康海 編輯

金舜舉自南秋卿召掌都察院事過鎮江別予
話丁卯莊次日餞之金山共得詩三首通錄為贈

聖皇求治徵賢急左憲承宣上帝都人物權衡今有託
朝廷綱紀正須扶平生所學元儒者得志有為真丈夫
入覲從容問更化願言持久是良圖夢陽日世事以不
持人者敗多矣
一燈清酌夜沈沈話盡衷腸轉不禁異姓交親吾與子

石淙詩鈔 卷十二

斯文道誼古猶今荒城細雨秋增爽老圃幽香晚更深
此去定知成永別祇從雲海望鴻音

贈處臨歧意若何相過那更又離歌
軒顧才名未足多直遣關山巖虎豹還看江海靜風波
老來世事慵開口也向康衢頌太和夢陽日今人對古
人自奇亦詩之史
結句豈果
於志世者

喬希大自留都司馬召拜天官卿中外士夫以此
地屬望久矣而今始如願聞者稱快北上戒程過
鎮江別余喜慰之餘感舊惜別得詩五首情見乎
辭

君年十五謁門牆我亦年纔一紀強歷盡悲歡俱白首
別來風雨又重陽廟堂公望今方慰道德初心故未忘
折取黃花贈君去要從晚節挹餘香夢陽日因重陽生
出結句又實又遠

天部從容四紀餘直從郎署到尙書君看魚水交歡日
正及雲龍慶會初已向盤根誇利刃還從熟路信輕車
持盈亦是吾人事珍重成功寵利居

銓衡位重古天官風采凝然屬衆觀謾向甘辛諧世味
須憑砥柱障狂瀾山濤啟事才兼錄毛玠柴車化豈難
却憶往時真忝竊至今懷愧未能安

石淙詩鈔 卷十二

通家兩世竊交親荏苒流年四十春道誼相規猶近古
肝腸可託更何人秋深落木青山盡露下寒江白雁新
從此定知踪跡遠不禁離思欲傷神

衝風衝雨渡長江每為懷人到石淙京國舊遊能有幾
尙書高誼故無雙病來對酒心先醉老去揮毫興未降
暫得相過還永別離歌欲賦不成腔夢陽日五篇廟堂
之詩送吏部尙書

希大謁先塋祭奠志感一首蓋自希大還官南來
謁奠已三度矣
十載荒丘幾度行生芻長繫故人情如何風雨經旬後

剛值溪山一日晴，往事悠悠談不盡。長途渺渺恨難平，
祇因恩義深如許，說著相違夢已驚。夢陽日詩本情語
況道其實安得不

金山和白巖太保韻

龍宮高處擁禪林，高磴梯雲望轉深。醉向登山懷往古，
老隨擊壤慶當今。風波飽歷初停櫂，故舊相逢一解襟。
更欲烟霞深處隱，野雲孤鶴費招尋。

臨別用前韻志感

門牆多士紛如林，道誼如君晚更深。欲挽頽風歸太始，
亦知名教重於今。相過懼返來時棹，惜別愁分醉後襟。

石淙詩鈔卷十二

若遣佳音託南鴈，荻花秋水聽追尋。

東許伯誠彖史

承示佳什調高意新，把翫不能釋手。領教多矣，
不能盡和。聊用九日五言律嚴韻二首以代折
簡爲賞菊之約，不吝指疵，幸幸。

歸來無一事，花竹伴吟身。落日清秋暮，衰顏紫菊新。
病憐高興減，老愛舊書親。猶有忘言趣，停杯望可人。

菊花過重九，佳色正交并。采采憑軒看，栖栖信步行。
朋遊自來往，雲意乍陰晴。待得詩仙賞，孤芳合避名。夢陽

盛唐人
口中語

許伯誠彖史立冬前一日過小園賞花有送秋詩

次韻荅之

蓬門今日曉親開，三徑幽香手再培。彭澤風情慚我拙，
玉堂人物羨君才。品題花色存詩案，斷送秋光入酒杯。
是日秋盡莫道歲寒無翫賞，蓬園梅竹舊曾栽。夢陽日更於
賞花有趣

陸丞相祠用許彖史韻

大忠早秩匡山祀，明水新巖故里祠。遺恨直從南渡日，
壯懷空憶中興時。長江巨海英靈在，落日顛風義士悲。
直待我皇方雪恥，腥膻一洗到今茲。

石淙詩鈔

卷十二

四

瀕海勤王有義兵，手挽龍髯空報恨。令傳虎旅竟吞聲，
新祠故國瞻依地。不盡懷忠弔古情。夢陽日悲壯之
氣讀之髮豎

陳惟濬太常過丁卯山莊因憶己卯年相贈舊韻

識別一首

古橋莊舍此重經，又見西風木葉零。已識天心無改易，
故知宗廟有神靈。封章早屬中朝望，志節終留汗簡青。
堪笑百年塵夢裏，幾人情事解醒醒。

徐少參過丁卯莊有詩次韻贈之

朝省元無一刺通，却煩車從訪山翁。吾歸正坐衰年病，
君出方當聖治隆。此日從龍占利見，當年相馬覺羣空。

陰晴莫問君平卜造物於人本至公

林下音書久未通相逢猶喜未成翁瑣闥獻納封章在

藩省旬宣位望隆兩岸青山江月曉千章落木海天空

石淙穩坐君休怪廊廟經綸有鉅公夢陽日二篇更渾成天然之句對偶

工復

徐灣山莊卽事二首

衆山回合路紆徐傍險探幽與有餘井漚龍湫深透海

泉分竹筧下通廚醉疑白石眠仙侶目送浮雲過碧虛

消得清齋兼習靜王維休羨輞川居

孫村細路轉逶迤躡蹠攀蘿旨賞奇直向水窮山盡處

石淙詩鈔

卷十二

五

更逢雲散雨晴時野僧待客炊先熟沙鳥忘機狎不疑

老去尋幽聊自樂挂冠猶恨得歸遲

次吳獻臣亞卿遊金山韻

聞君此登眺剛得片時留天遠樓臺迴江空日月浮烟

霞雙短屐風雨一虛舟萬古波心柱天教障逝流

再用韻寄獻臣亞卿

不是春明別章臺莫漫留臣心思衣補吾道豈桴浮潮

落平沙月烟橫古渡舟風波向來惡今日已安流

唐豸史虞佐擢任陝西副使督學政過子丁卯山

莊話舊久之陝西予舊蒞地不能不爲一言之士

喜之漫賦二詩錄以爲贈

南巡久羨臺綱振西去期塢正學光合道冰霜迴雨露

卽看鷹隼化鸞皇巖巖太華孤撐壯浩浩三川底柱防

却憶白沙曾相馬未將風骨溷驪黃

正學於今未陸沈關西豪俊正如林驚逢舊路行春客

苦憶當年種樹心白璧連城須善賈朱絃清廟有遺音

橫渠派遠分河洛活水源頭與細尋

物望於今故未輕關中文柄賴持衡以今較昔難專美

絕後光前定此行渭北風烟隨地遠終南花柳入春榮

合將朱呂金華派去向西人共結盟

石淙詩鈔

卷十二

六

崆峒圖爲錢卷庵壽

崑崙東來萬餘里孕爲崆峒蓋天起桃花萬點映清溪

翠屏丹厓粲如綺固知開鑿自鴻濛誰其樓之廣成子

饑餐玉臺霞渴飲銀潢水千二百歲何足論直與天地

相終始昔者軒轅來問道百十數言存至理忽騎元鶴

翔空旻玩弄日月驅風雲歸來還向舊山住世人可望

不可親猗歟神仙之說知有無良工漫寫崆峒圖作圖

賦詩爲誰壽卷翁有道神仙徒生平胷次澹秋水傲睨

斯世如泥塗鼎中龍虎自看守若計年歲直待滄海揚

塵山石枯我遊崆峒陟仙壑決昔寥廓心願聞仙踪

茫不可覓但見玄鶴兩兩旋繞肩輿來我欲招之跨汝
遊八極國恩未報神仙於我何有哉子在陝西遊崆峒
山見兩玄鶴旋繞
前稅駕江南已遲暮遙望仙山隔烟霧煩翁示我南華
篇共向桑榆保貞素

雁塔題名歌爲許彥史伯誠賦

關西才俊多如雨奮奇挺靈先後起正德八禩癸酉秋
文場紛紛集多士廣寒宮中桂滿叢攀來六十五枝風
爭看舊紵拋衫白亦有亂花迎馬紅長安城南慈恩寺
塔下題名唐故事休云省試與南宮總是才賢彙征地
是時督學朱升之破例招延共舉危漫論雁塔題名好

石淙詩鈔

卷十二

七

不恨青雲得路遲九月九日氣始肅師生禮飲多忠告
翻笑唐郊得意時馬蹄跨遍江之曲三年一度杏花春
都城解避新郎君後生指點題名處他日朱書應幾人
雁塔題名他日有
至將相者朱書之許君高才眾所羨明經首捷春秋薦
卽隨春色上瀛洲又見霜風生鐵面二泉大書識題名
誰其圖之文徵明作圖賦詩豈無意不以宦達忘平生
我生亦是看花侶豪傑西州舊知與東塗西抹老茫然
一爲作歌歌盛舉夢陽曰長篇情事鋪叙
非不工然格調近時

許彥史伯誠奉命刷卷南畿駐節鎮江久之精明

振厲無度奸隱匿事畢將還朝過全作別不可無

述因命童子書數字韻賦以贈之四首

繡衣霜簡坐行衙卷牘如山聽搔爬老吏不能容一僞
先聲眞已懾羣邪猶懷下榻從傾蓋翻愧投瓊却報瓜
他日南巡應問我水雲深處泊仙槎

舊事新題取次論老遲知己怕離羣西樓望眼虛明月

南浦歸心逐暮雲正學自探張子厚先憂誰擬范希文

丈夫無限當爲事大節看留汗簡勲夢陽曰活
潑潑地

坐看明月上虛窗應爲多情倒玉缸早有英聲先列郡

尙留詩思繞澄江才高敢謂千人敵官重寧論九鼎扛

老病向來疎筆硯離歌欲賦不成腔

石淙詩鈔

卷十二

八

弼教從來是法官以儒飾吏世應難直看大筆追燕許
何止英風奪范桓燕子春泥沾落絮桃花新水漾微瀾
行行怪得都人避生怕風霜起筆端

伯誠會閒話及老親在堂悵然有感用所示詩韻

一首

怪底仙郎宦况微北堂顏采隔光輝春前寸草關情切
馬首孤雲入夢飛報國肯教虛黑髮好賢還復誦緇衣
浮雲世事何須問忠孝平生願莫違

諸客飲待隱園假山次韻

江湖容我一綸竿又開冰霜幾歲寒老去尚誇詩力健

情多不放酒盃乾衣冠自擁青雲座鋒穎誰爭白戰壇

山下兒童休拍手醉中天地本來寬

滕郡守約遊金山酒闌放舟至石排山俗呼郭璞

墓山石排列險峭奇古賦三絕句紀興

酒酣同上石排山怪石參差夕照間人道茲遊信奇絕

從今應不厭躋攀

巉峰峭壁排如畫好是神工斲削成太守好清兼好古

直從江底汲中冷

石排山頭多古刻水齧苔侵不可尋不用臨風吹鐵笛

中流如聽老龍吟

石淙詩鈔

卷十二

九

江南久旱素翁至一雨將沾足志喜一絕句

冬雪已愜春不再麥苗短短半枯蓼甘霖一注今三日

可是商巖帶得來費陽日體面氣象調笑贊頌四句盡之

送素翁被徵命入朝

大老歸朝屬眾觀太平魚水正交歡人間走卒知司馬

天下蒼生仰謝安遇主不辭行道晚許身休論濟時難

唐虞事業經綸了還向滄江理釣竿

夏于中員外以言得罪除名新皇賜還復舊官過

鎮江謁予出邵二泉詩次韻贈之

世事茫然一岸巾起句何寫詩重贈素心人相逢却醒

三生夢願幸猶存七尺身今向古求君不愧人從天定

語還真往年送于中有故人相見翻疑夢亦知人定天終勝之句請看陽道方亭日

葑屋朱門各自春費陽日物各付物便止如此

茅山雜詩

四月朔將往茅峰午後出城熱甚是夜雨作眾

意欣然或曰如泥淖何明晨天日晴霽道無纖

塵口占一律

好懷無限此間行造物于人似有情正苦亢陽俄作雨

剛愁泥淖忽開晴青連野色春猶麗白盡浮雲氣轉清

莫道病夫高興減箇中風月許誰爭

石淙詩鈔

卷十二

十

句曲道中

穩坐肩輿百里強恍疑身在水雲鄉詩懷直與春爭麗

野興還憑酒作狂竹影墮空岡鳳下麥苗蔽野隴雲黃

不須更問丹丘事塵慮于今已盡忘

素翁先生過于丁卯山莊初不及知比聞趣舟赴

之則已還矣小詩奉謝為請教之端

病起蓬窗眼倦開兒童驚報故人來雲隨野鶴書先到

路隔仙塵棹早回末路重逢天假便往時深坐僕生猜

鳳皇覽德今千仞容我烟蓑作釣臺

再用前韻柬素翁

習懶便開戶晏開忽傳好語自東來頻梳白髮年驚換
剛別青山夢屢回老去雲龍還共逐春來燕雀莫深猜
亦知仕止皆名教說說雲臺與釣臺

老朽誤蒙勅使存問有念舊尊賢之諭志感一首

老歸林下已華顛又見新皇御極年特勅遠頌勞問舊
誤恩非分愧尊賢心如野鶴忠猶在身是疲篤力不前
淺薄未能歌帝德祇隨擊壤頌堯天夢陽日自任自道

素翁將行偶過予家夜宿聯句次韻

今雨何來夜過門逢時無補愧饕餮素絲節苦丹心在
白雪歌寒鐵硯存古道百年君與我書香三世子還孫

石淙詩鈔 卷十二

十一

深情祇在蒨簷外坐久真看釣石濕夢陽日溫釣石人未之道

猶記雞壇敵血盟長宵短燭坐頻更豈因憂國偏成老
可是緣詩太瘦生霖雨正深天下望雲山還繫別來情
白頭事業須珍重世事於人忌近名

張石安有作隨口答之

選勝尋幽性所安衝風衝雨不知寒淵明故有忘言趣
好事紛紛莫護干

杖履優遊定幾年棋壇詩社幾延緣浴沂到處皆真樂
何必華陽去覓仙

登山偶述

水繞東西澗峰環上下宮天低疑斗墜地僻怪山童無草懷古心逾壯探奇興未窮茲緣良不薄頗恨石尤風

連日東風大作

大風次殷石溪韻

蜚廉逐塵駕彌望失朝昏却恐周末偃還驚宋鶴奔捲
筋憐杜甫叱馭愧王尊山行屢逢險誰送新詩到春雲五色屯

席上次殷石溪韻

佳期不爽興還奇頗恨尋幽已後時石溪金陵人相去咫尺今方到此
目送孤雲歸遠岫手磨蒼蘚認殘碑酒中慣得山泉喜

石淙詩鈔 卷十二

十二

花底長教野鹿隨復恐黃塵遮几席綠陰深處坐頻移

茅山巧石洞用殷文濟前韻

可是神工爲設奇留題猶記十年時精魂漫憶三生活
黃絹宜書八字碑擬著宮袍參石丈自移茶壺學天隨
贊皇過此休令見恐向平泉宅裏移

正德戊辰予在三峰與四明范原博手談有茲山

古洞天斯人今國手長句一章詞林士夫多和之

後十一年戊寅再與原博會弈於此詩云洞天還

舊跡國手又重來今閱三年重登三峰原博復偕

行老病不能和前長詩賦短句識之

洞天逢國手又是第二回泉喜遊人醉山有喜山迎宰
相來陶真白隱此山中宰相一杯聊適意萬事莫深猜日夕巖
姿好憑高首重迴

送戴絲材司副使還朝

纔看銜命自天來四牡駢駢又北回桑梓舊家依鐵甕
驂騑高價重金臺賢勞亦是平生願文采爭誇逸眾才
未得留歡翻惜別一尊臨發更徘徊

潘南山孔修先生自上虞命舟來訪余留數日歸
去此風不見于天下久矣先生高致當于古人求
之話間輒賦詩相投予亦次第和之

石淙詩鈔

卷十二

十三

兩翁一笑驚相見舊識南山是鉅儒老去望高天下士
平生讀盡世間書封章早已收彤管願采還應入畫圖
同向青山揮白首醉來吾亦詭吾迂

文明泰運自天開和氣光騰出地雷鶴使銜恩溫詔下
鵲聲將喜故人來知君夙抱匡時畧老我原非濟世才
高卧滄江心事足朝堂歌詠自康哉

一別居然二紀餘莫年深造定何如敢爲臣子難爲事
會著前賢未著書命駕肯辭千里遠交神誰道故人疎
相逢不作三秋歎喜有微言爲起予

承南山白浦二公過予小園聯句一首依韻奉答

回思七十年前事多在波波泯泯間吾道千鈞難任重
斯文一管漫窺斑風情不爲頭顱改出處還於氣運關
春盡林花猶照眼坐深溪雨共清顏源頭活水心能會
竹底繁枝手自刪鎮日酒通詩卷裏老來翻笑未能閒
南山之來余約留過夏南山偶發歸興不覺成句
余亦信口答之

南山指日定東歸過夏初期客恐違潘只恐欲歸歸未
得白駒吟罷復緇衣楊

南山翁常誦所作月下獨酌詩余深賞明月照人
白髮新之句翁疑取之太狹嫌於先世滿城風雨

石淙詩鈔

卷十二

十四

近重陽祇以一句爲人所傳誦余謂不可以辭害
意和韻贈之

行藏隨分意全真天地能容把釣身小艇一尊延客久
暮年千慮與時新心無俯仰方爲樂家有雲山不算貧
到處留題總傳誦漫誇那老是詩人

遊焦山次南山韻

老翁性本愛丘山已破浮生夢覺關坐引清風來竹塢
望迷春色滿桃灣百年湖海虛舟在萬里雲霄倦翼還
且向綠陰深處醉千金難博此身閒

題扇面二老圖贈南山

神交心醉一生餘激懦高風我不如一老白頭驚會面
手摩蒼壁待公書

焦山佳處亭次石上舊詩韻

浪打雲蘿此石存梵宮燈火共晨昏江山吳楚眞疑拆
風雨蛟龍不受吞望遠欲招東海鶴閒居聊慰北山猿
祇應佳處神能護蝕盡蒼苔尙露根

丁則山莊東南山先生一首弘治初年先生常上
疏請復通喪乃百年所無之正論也晚年深居累
薦未起大肆力於羣經補遺訂誤有功吾道良多
此二事先生大節故詩中及之若政事之優學識

石宗詩鈔 卷十二 十五

之富制作之工皆其餘事不暇論也

平生海內無眞識初見南山眼便青萬古綱常歸一疏
半生辛苦在羣經舟從綠野開時過調向朱絃絕後聽
擬逐雲龍相上下共將心事付蒼冥

題許由棄瓢扇面贈南山

至人於物本忘情却恐箕山亦近名願借當年洗耳水
盡從斯世濯塵纓

舟中別南山

風雨孤舟話乾坤萬古情此心還赤子吾道負蒼生未
別先愁別逃名更得名不知從此後肝膽向誰傾

常山王太守寄所作詩稿並惠蘭陵新醞致謝一
首

刺史功成獻績時棠陰滿地日遲遲早知素學堪從政
却喜高情不廢詩冉冉風塵看獨立泠泠曉霧聽孤吹
如蘭未雨心先醉更向醇醪一解頤

遊宜興二洞詩

張公洞四首

肩輿窳塊度岩壑古洞門深草樹交霹靂世傳龍舊攫
精冷嶽訝虎新跑擬尋丹竈雲千疊欲叩金函路幾切
喜共遺陵孫子至一杯聊向石臺敲

石宗詩鈔 卷十二 十六

翠微深處紫烟濃蒼壁丹岩故故重鬼斧何年鑿混沌
神鞭萬里驅蛟龍春塵墮石水自洗夜虎窺門雲爲封
東道不逢吾自樂羽人山茗尙能供

丹花簌簌墜芳芬落日陰風乍吐吞傍響曲隨雲磴下
探奇深向雪窩捫參差乍訝開仙掌恍惚還驚阻劍門
暗水成溪深幾許石房青瑟自朝昏

江山勝處奇偏積縱橫怪石如人立丹青照眼畫不成
虎豹當關勢難入啾啾石燕舞相拍灼灼紫芝香外襲
桃花溪遠望無際白羽竇深步還澁興闌日黑趣歸去
回首蒼岩高岌岌

善卷洞

往代遺踪此善卷陰陽融結幾多年鳳巢遠映瞳瞳日
龍洞深流汨汨泉劫火不燒神護守危峰突出鬼鑿鑄
為霖亦是仙家事解濟人間萬頃田

飛崖盡處露空嵌造物何年為啟緘明月下窺仙子窟
白雲深護隱君巖荀垂玉柱靈根閣壁幻丹堦怪石鏡
歲歲來遊吾不厭路間荆棘倩僧芟

一竇通明設象多兩泉深注繞陂陀乘流實怕迷舟路
看局虛疑爛斧柯龍叟帶雲歸絕澗鶴仙隨月下平莎
幽人只隔烟蘿外可聽移家結社麼

石淙詩鈔

卷十二

十七

湖汊扁舟迤邐尋使君多興與登臨巖心罅滴雲根潤
地底中空水洞深寶劍流光看欲躍白龍吹浪晚成陰
梵宮香火聊相託舊隱高風自古今

七月二十五日記異

嘉靖之元壬午歲維月建申日己巳蜚廉怒號東北來
急雨猛厲隨風至初疑蛟龍吼巨壑復訝雷霆鬪平地
長空轟虓坤軸動恍惚神靈驅百魅浪花千疊大于山
震走天吳奔鼉負江翻見底石露根屋廬在田魚入市
大木千尋如拔毛萬瓦飄揚飛蝶翅南艘北艦一時仆
未論千金輕委棄漂屍積齒塞川澗過者不敢張目視

夜半潮頭高數丈遠近呼噪聲騰沸江南老岸猶自可
哀此沙鄉禍尤熾死者滅沒隨洪濤生者扳援繫高翠
廩無遺粟竈無烟村雞不鳴犬不吠我時扶病坐復興
達旦彷徨不能寐耳目所及已如此比邑殘傷將類是
杞人過憂爾自嗤夸父狂逐終徒斃新皇御極海宇清
顧遣和氣成災沴洪範庶徵須省念此變無乃臣工致
人可勝天理則然為代民謠聊紀異

和馬彥史君卿立秋日丹陽行臺韻

雨霽暑留溽葉飛山報秋捲帷涼暗度近水與增幽封
事餘丹拙勲名正黑頭萬方樂嘉靖不作杞人愁

石淙詩鈔

卷十二

十八

送秋吟未幾那更賦迎秋白髮差差盡閒居事事幽雲
翹懷舞袖秋葉學簪頭却恐西風急翻增破屋愁

和馬彥史韻二首

歸來常以醉為鄉鎮日蓬頭懶下堂夜雨聲微蕉葉盡
秋風日麗稻花香避喧早得忘言趣留韻翻慚彼美莊
興味方深君又別雲霄回首路歧長
江城雨過淨纖埃憑仗飛花送酒杯老去寸心還自保
病餘雙眼為君開山陰興盡王猷返谷口詩成杜甫來
却愧木桃翻報玉亦知下里是凡才

賦詩余得天字二首

霽曉清秋萬里天一尊長日此盤旋烟霞深處迷樵逕
蘆荻陰中留釣船劇餘平分沙鳥席豪吟下瞰江龍淵
謝公漫有登臨興賓主東南未乏賢

秋深白露水連天勝賞兼勞太守賢旋釣活魚共野賞
戲歌村曲扣船舷狂來自采巖花食醉後思分犢草眠
赤壁風光須讓此莫因蘇賦羨當年

思和惠吉堂前有芙蓉二株余與諸客月夜賞之
賦此起興

晚筵花下坐忘還皓彩芳姿照醉顏好是嫦娥憐寂寞
故分秋色到人間

石淙詩鈔

卷十二

十九

月夜賞芙蓉醉中餘興得此是夜月比昨宵爲最
微雲點綴而花色增媚亦奇觀也

濯濯仙姿獨擅芳天公留爾殿秋光花中君子羞同調
江上西施故淡粧最好看時雲澹白更宜吟處月昏黃
任他霜後增顏色莫讓將名喚拒霜

月夜兩度賞芙蓉花尙多含蕊未發次晨童子走
報花發爛然盈樹間諸客喜甚復取酒共酌余又
戲成一絕

堂下芙蓉一夜開花神應是怕詩催詩翁無限看花興
分付花神著意裁

思和新卜吉壤爲南山翁歸息之地予造而嘉之
爲賦此

新卜佳城旋築臺四山迴合一谿開松楸鬱鬱將成拱
問是仙郎手種來

遊沈山

步入蒼苔印屐痕禪房餘興坐斜曛地形近接金牛去
山色遙從鐵甕分雁尾一灣依密樹芙蓉數點切層雲
省郎欲弔無尋處老衲沈檀取次焚

重遊紫府觀

瑤壇紫府潤城東名在乾坤福地中青鳥不歸空夜月
石淙詩鈔

卷十二

二十

碧桃初綻又春風嚴祠有像思神禹丹井無烟恨葛洪
漫說兩龍虛洞跡可將一滴助年豐

尋幽曾記四年前欲結雲松未有緣老去溪山猶作崇
秋來花鳥尙爭妍亦知興盡須回棹自信身閒已是仙
不用登高發長嘯詩狂或可動台躔

前歲聞有以素翁及余姓名同薦者且謂翁爲宋
璟余爲姚崇近始見其全文夫崇古稱救時宰相
豈易得哉聞而愧之漫賦一首寄素翁

烟霞深處兩山翁並入廷臣薦剡中君節固知如宋璟
吾才何敢望姚崇久妨賢路心應苦欲濟時艱道本同

麟鳳祗今歸網盡莫將蹤跡羨冥鴻

贈巡撫李司空士修

省臺官望兩巍峩數載馳驅宦蹟多劉晏才華終裕國
平當經義解行河聖心簡在茲徒爾民力東南奈竭何
多少焦枯須潤澤及時甘雨夏滂沱

平生心事足先憂辛苦經營雪上頭直遣一勞還永佚
終教怨去只恩留江湖萍梗交能幾風雨鶯花興未耐
欲得旌麾留數月向來沈痼待公瘳

重封雙壽爲李黃門主政父母作

名門佳氣鬱葱葱咫尺烟霞是岱宗百歲親庭看二老

石淙詩鈔

卷十二

三十一

一時恩誥荷重封瑣闥郎署名兼著椿樹萱花色並濃
見說宮袍勝綵服白頭如此幾遭逢

陸羽烹茶圖爲范原博賦

吾聞大羅天上茶有星日汲銀潢萬斛漱清冷玉皇應
憐世溷濁暫遣下謫爲人形江頭小兒啼嚶嚶誰其得
之僧竟陵長大如鴻漸于陸平生所著惟茶經香色味
種各差別水晶火候一一探其精遂令世人嗜茶不嗜
酒濁可使清醉可醒劉伶安用與婦祀盧同不待七碗
通仙靈功成翩然返帝闕至今設象懸青冥吾生偃蹇
抱茶癖陽羨之山頻采摘研膏焙乳勤僕奴滌煩釋滯

功須策嫩人索賦煎茶圖便覺清風生兩腋知君有意
謝翹生從此睡足日高曾襟無拍塞

登曹山絕頂次殷文濟韻

五更風雨霎時晴垂老猶能傍險行萬里長江雙目迴
半空飛鳥一身輕溪流曲曲東連海山色差差北繞城
到此塵心消已盡向來寵辱不須驚

梧山圖爲宮保大司空李公賦

內江有仁里舊以梧桐名仰瞻梧岡峻俯瞰梧溪清翫
然灌木中梧桐獨亭亭四旁無附麗玉立凌高冥傲人
屋其間相對如友生月上靜前觀風來和書聲綠陰散

石淙詩鈔

卷十二

三十二

繁暑蔭我軒前楹物色未足論孤標歷羣英君看最高
枝上有鳳凰鳴一鳴振周郊再飛儀舜廷帝曰此何祥
朝陽絢光晶風塵爲之息泰階爲之平緬懷故山梧遙
隔千里程作圖者誰子悠然會我情

苦旱行 六月三日

熯氣漫空金伏初火雲萬疊隨陽烏雷鞭不鳴電幟捲
雨脚欲墜看仍無遂令大塊一洪鑪煮石欲爛樹欲枯
崇堂密蔭如坐甕道上病暍何時蘇田疇裂坼禾半死
空聽水聲隨轆轤踏車未停水已竭巨沼剛存一池滂
手皴足腫面如土始信至苦惟農夫土龍芻狗竟虛幻

漫向舞雩勤匍誰爲韓子訟風伯欲效魯侯焚老巫
石淙衰翁病初起履不著脚髮不梳如惓如焚坐難定
大叫直欲排清都亦知亢旱本人召古有人早今誰辜
江龍有神能作雨乘雲東去不受呼比郡盡是斯人徒
龍不一視奈爾摩銀潢之水固不涸願借天瓢三萬壺
濡焦植休須與事且免餓葶填衢途不然吾將併訟汝
上天明明安可誣

孝思繫舟丁卯橋柳陰下予病不能往奉東一首
六月五日也

赤日燒空水不流古橋深處柳陰稠驅除大暑君能事

石淙詩鈔 卷十二

三十三

欲借清風數日留

贈毛用成給事

兩京司諫屬時名曾有昌言補盛平直遣荆公屈明道
肯教韓子論陽城王程不盡淹留與友道從探贈別情
却憶碧雞山下路一尊還爲故人傾

京江之會用成出林素翁所題扇相示予拙於書
不能書扇用韻識意並書此卷

良會那可數舊遊今不多鶴聲出蒼玉江色帶青螺眼
病書難續身閒客喜過酒闌與君別月彩散松蘿
六月七日天熱與用成小酌逸老園水竹居

暑氣林園薄聊爲避暑行炎蒸從此斷水竹有餘清揮
觴坐池月浩歌亦心傾魚鳥胡爲者悠然會我情

賦短句爲毛瑟庵贈

玉韞滇之山純美神所秘良工琢之出再琢乃成器温
温有餘潤皎皎無纖累荆產未足多崑出差堪配誰與
薦之朝嘉賓勤帝制瑚璉用則宜豈屑珩與珮元精孕
堪輿造物豈輕畀謂白不可涅至寶時或忌輕執如不
克况此連城貴休哉慎自將其勿易而視

蘆岡爲丹陽張令尹作

蘆花深處迴重岡幽人結屋岡之陽杜門謝客不可見

石淙詩鈔 卷十二

三十四

但聽孺子歌滄浪空江蕭蕭秋簌簌眠鷗浴鷺相馳逐
風來扣舷葉底歌月明載酒花間宿有時雲蹤試躋攀
露叢霜藥凌高寒翩然健翮忽騰舉謝却鷗鷺追鷓鴣
玉皇香案留不住剖符新宰花封去桃李陰陰春色濃
人道政成如敏樹誰把生綃貌作圖彷彿年來吾鑑湖
清風明月不用買蘆岡蘆岡何處無

楊柳枝詞 有引

柳溪在潤城之中官河之潯潤之隱君子楊翁
立夫居而樂之因以爲號溪水縈回柳陰茂密
清風徐來懷抱洒洒雖密邇閭闔如在林壑間

每火雲流金翁芒鞋野服憩其下暑氣頓失前
郡守林憲副廷元嘗爲書柳溪二大字翁之子
郡庠生琬奉以謁縉紳大夫士每爲詩以張之
夫官河之在潤城二里許沿溪植柳在在皆
然翁獨愛之且標以自號蓋屢居之人多逐末
幹蠹方寸憧憧日不暇給素翁敦禮好義年既
老悉以家政付諸子姪翛然物外而託於柳溪
以自逸焉此古曠達士之風也琬樂親之樂欲
託之篇章以圖其不泯亦可謂能子也已予雅
重翁爲賦楊柳詞命童子歌之以觴翁而書此

石淙詩鈔

卷十二

三十五

以爲之引

東皇回律楊柳新千條萬條漏洩春爭似藏春塢邊柳
不惹纖毫陌上塵

江水入城匯作溪參差細柳沿長堤不爲行人管離別
終年長伴隱君栖

柔條嫋娜蘸漣漪正是微風八面時明月在天人語靜
此情惟許自家知

高枝低枝密藏鶯千縷萬縷覆地陰粧樓舞榭都遮斷
會得幽人避俗心

陶令宅邊五株楷康一樹浪渠渠市橋春色清如許

流水桃花總不如

半烟半雨鎖溪橋水面風來鬪舞腰莫歎清秋易蕭索

明年依舊長新條

老翁息交萬事慵宅邊長愛柳陰濃縱然不是手新植

他日韋郎須斂容

三月飛花點暮春濛濛漠漠暗撩人主翁莫怪顛狂甚

終傍孤根落水濱

畫橋烟雨弄輕柔上有黃鸝下白鷗丁卯橋頭陰更密

一般春色一般秋

白雲溪畔雨晴時去看君家金縷絲教兒莫唱章臺曲

石淙詩鈔

卷十二

三十六

拍手齊歌楊柳枝

倪雲林墨竹

聞說雲林素好奇楚雲入眼忽參差嗟予亦是賞奇者

會聽楚人歌竹枝

寄送俞良佐都憲聞掌院之召喜而有作錄奉識

別亦少效古人贈處之義耳

喜承廷薦起漁樵又見徵書下紫霄綱紀地應歸懋簡

老成人合在中朝英風定遭羣僚肅逸志多從正色消

世味向來嘗已熟苦辛今日更須調

東邑甘棠有頌聲南台風采更時名爭誇法守兼經術

北羨書生富甲兵，鎮躁固宜持以靜。保真須戒宦之成，未能相見還相遠。不盡貽書贈處情。

見素林公九月十一日訪予石淙精舍看菊有詩

次韻答之

兩日菊花次第開，花神有意逐君來。南山佳氣浮書幌，老圃幽香落釣臺。江海波寒舟欲歛，雲霄翼倦鳥知回。考亭正切鄉關路，遺緒年來尙未灰。

送素翁致政歸雲莊二首

青年失脚下漁磯，八疏回天願不違。帝閔忍看賢者去，雲莊爭賀主人歸。便辭鸞侶尋鷗侶，還著荷衣換錦衣。

石淙詩鈔

卷十二

七

仕止無心聊爾爾，逢時非敢慕知幾。

借劍專征舊有聲，晚逢更化起秋卿。力持公是言多采，直遣明廷法爲平。仕路幾回驚逆浪，人生難得是完名。老思故舊惟公在，把酒臨歧各愴情。

次京師公卿贈素翁韻二首

聖主新更化，皇章舊率由。君今違廟論，誰爲蒼天休。泉石性成癖，行藏道與謀。臨滄亭上坐，幽思滿芳洲。忽謾相逢處，爲情豈可憐。別當寒菊後，歸及早梅前。力荷千鈞鼎，文成萬選錢。相期保遲莫，吾道日中天。

次舟中留別絕句三首

會時常少別時多，無計能留可奈何。頗覺行蹤太恩劇，扁舟回首隔烟波。

浮生擾擾路歧多，屈指交游今幾何。兩地心情猶不隔，書來還欲借餘波。

兩翁深語得詩多，報玉其如木李何。他夜懷霜對明月，綠尊空自漾金波。

再遊七峰漫興五首

縹緲庵居與世分，客來無語坐斜曛。主人心事清如水，不贈青松贈白雲。右白雲庵

白雲爲主月爲隣，鎮日高眠石丈人。留取山中三益在，

石淙詩鈔

卷十二

六

不知浮世有風塵。右卧巖

石路登登路轉難，熙春臺上正盤桓。願求再續雲天句，領取春光入肺肝。右熙春臺

層樓突兀枕高寒，歷盡奇嶽路幾盤。樓外青蒼攢列岫，闐然都入坐中看。右逸想樓

水氣蒼涼映閣虛，石闌干外柳風徐。莫嫌舉網渾無得，適興原來不在魚。右水雲舫

予訪孫思和宿新堂二度矣，忽見楮間之扁曰：青霞不知何人所題，笑而賦之。

誰將賓館扁青霞，衣上春雲約日華。燈火夜深人語靜，

鳳笙徐引入仙家

臥聽笙簫隔紫霞起呼雲侶問南華山人見我常留宿
不說仙家說相家

夏少卿于中謫守茶陵道鎮江謁予遂庵賦二詩

誌別

議禮年來聚訟頻力持國是屬吾人聖皇不為求循吏
遠郡安能屈近臣世上令名完有幾古來公論定方真
亦知州牧非遷客把酒臨歧莫愴情

自徐灣山莊歷鐵爐新庵二寺遂上曹山雜興共
得二首

石淙詩鈔

卷十二

三九

山似環滁四面皆翠微深處彩幢排風高病葉紛辭樹
雨過殘苔半蝕堦載酒欲陪狂客醉題詩聊適老翁懷
西遊幾度今差勝物態人情晚更佳
躡磴穿雲巒更巒詩懷酒興未容慳仰攀披葛疑無路
下瞰晴江却有山掃盡巖花供野坐濯殘溪雨破塵顏
翻思車馬天涯道空在波波泯泯間
年來塵夢未全醒一見青山眼更青池上波紋迴淺澗
風前蘭芷散餘馨雲過絕壁山疑畫龍隱靈湫水帶腥
老去登臨渾不倦十年車轍幾回停

雪中用殷石溪韻

不遣紅塵半點干野人知瑞不知寒垂垂花樹先春放
潑潑天機滿意看夢入西湖清未了興深東閣酒初闌
石溪漫有魚蓑句不用推敲字字安

殷石溪遷居用伍松月都憲韻二首

舊居忽更移新里近市分明是遠林屋外清風修竹淨
池邊紅雨落花深壯懷不作書空歎野興聊為抱膝吟
白下諸山應咫尺不妨多暇自幽尋

君才何止擅詞章冰檠聲華舊有光問字早呼楊子宅
結廬今比鄭公鄉柳風桐月隨時樂詩卷棋枰伴日長
如此年華容易度鬢毛未許上秋霜

石淙詩鈔

卷十二

三十

贈陸伯機載

仙舟泊河渚聊得話襟期綠酒新斲日黃花未放時還
因楚客賦益重杞人悲丁卯橋頭別雲山繫遠思

石溪將歸金陵用前雪中韻一首識別

每從京口憶長干兩地松筠共歲寒病起有人傳子到
詩成折柬送吾看交情不逐年華改歸興剛逢雪意闌
貧有新居心自樂陶潛容膝易為安

石淙詩鈔卷之十三

明安甯楊一清應甯著

門人 北地李夢陽

武功康海

嘉靖四年正月二十四日臣一清抱疴林下不意

謬以廷臣論薦承恩命起督師西征自度衰病不

能負荷上疏乞免既而使者齎勅符旗牌關防及

欽賞白金文綺俱至強起奉迎作詩志感

煌煌玉節引旌旄紫鳳銜書下碧霄心似老葵終抱赤

身如朽木恐難雕已無妙算紆邊計只合閒居伴野樵

石淙詩鈔 卷之十三

懇疏定知回帝聽移文休待北山招

乞免不允溫旨褒答有卿素以體國自許諒不在

趙充國馬援之下之論強起力疾趨裝賦感一首

西北風塵帝願多老臣承詔出巖阿便宜欲上趙充國

覆錄還非馬伏波十乘戎行新節鉞三邊精采舊關河

極知君命如山重感激渾忘兩鬢皤夢陽曰此篇雄渾

亦豎降旗也氣概又氣概

不必甲兵眼中無匈奴矣

次韻答之

部將門生半已翁衰齡還復起臨戎百年氣運時方泰

萬里雲霄日正中出入敢云稱將相姓名深媿識兒童
相知莫謾勤推轂夢陽曰亦是大作韻如自出

再疊前韻自述

少小承恩直到翁早持文墨晚兵戎四朝仁聖遭逢際

三鎮山川節制中遠視蒼茫驚目暗故知迎候訝頭童

甲兵數萬吾何有獨抱先憂似范公

黑髮勳名半在邊晚登臺閣媿妨賢餘生又逐風雲會

垂老仍都將相權仙掌巖巖擎太華龍門混混控三川

人言熟路驅車易却恐驚駘力不前唐詩曰堂堂整整

先是陰雨泱旬啟行之日始晴風色尚猛比登舟

石淙詩鈔 卷之十三

風頓止江波鏡平喜賦二絕句

旌旗閃閃渡江干遠近居人塞路看共道君王急西顧

特教師保蒞戎壇

積雨顛風忽放晴日華高射令旗明江神解助天心順

約束魚龍不敢驚夢陽曰神妙之算將標役鬼神乎

過高郵由廣濟河至界首驛東風徹夜作吼入寶

應湖風定波澄眾心胥悅偶賦一絕

渺渺三湖混太清畫船簫鼓坐空明東風也避王師路

萬頃波濤一霎平

途次有懷喬希大

尚書未老早還鄉病叟西征路正長
閱世半為忙境與作官難得好收場
悠悠汴洛通漳水渺渺關山隔太行
空把緘書傳候雁一尊何日話衷腸

因憶寄來詩韻奉次一首

身因抱病始懷鄉優詔許辭鷓鴣
行謾說山濤畱啟事早聞陸贄有封章
時行時止都無繫憂國憂民兩未忘
四海瘡痍猶滿眼上醫誰與問奇方

子先年總制陝西謝病歸江南宿鄭州察院有詩

題壁間人蓋不知為予作也比再起西征壁間詩
猶在今過求之壁新如泥飾詩不存矣默憶舊韻

石淙詩鈔

卷之十三

三

賦得一首

仗鉞還從此地過故鄉南望幾關河
風塵荏苒途應熟出入均勞歲已多
旒旒織文先十乘劍揮白雪掃羣魔
烟霞已負山靈約欲報君恩奈老何

唐鵬曰有餘情且有餘響

原詩無稿併錄之以紀一時之興云

浴罷西堂片雨過坐驚簷灑欲翻河
綠槐虛院涼聲早翠竹疎簾爽氣多
案牘已拋忙裏債茶瓜聊遣睡中魔
龍宮不借天瓢水奈此黃塵赤日何

夢陽曰開口便是相業

三入關用舊韻

雲霄倦鳥早知還又越剛風上九關
舉手未能扶日轂

彎弓猶欲射天山消磨歲月頻搔首
指點平生一汗顏却憶江南山水窟
儘多名勝待躋攀

夢陽曰後四句似未解

望西嶽

萬朵芙蓉鎖翠烟紫巖千仞八層顛
扶桑弱水蒼茫外積石龍門指顧前
獨望丹梯懷捧日浪傳仙掌可擎天
斡旋造化須神力早為蒼生解倒懸

夢陽曰此詩前一句是登後一聯是望

華州謁汾陽王祠比歲公卿臺諫齒及老朽姓名

或以汾陽相擬茲奉命節制諸軍於陝西祇謁王

祠下不覺自愧口占一詩

石淙詩鈔

卷之十三

四

一木能支大廈顛令公忠義可回天
威行朔漠三千里身繫安危二十年
直以丹心扶日月長將赤手障風烟
向來薦剡虛相擬追想遺功獨赧然

謁寇萊公詞

半畝荒基數尺牆宋家賢相表新坊
樓臺不用生前起祠宇能延沒後香
未拔一丁真負國縱為孤注已尊王
後人不建親征策和義終成禍靖康

夢陽曰實取虛用妙如點鐵唐鵬曰

五六亦斷案

四月二十一日發陝城阻雨越二日乃行病目甚

苦風沙雨後浮塵盡洗時方憂旱眾情胥快口占

一詩志喜

一雨通宵便放晴紅塵消盡路歧平即看麥隴回枯槁
可是天河洗甲兵渭北輕烟浮遠樹終南佳色帶高城
平生亦是并州客白首重來漫有情唐鵬日自是變理語

和王巡撫韻

金戈鐵馬駐嚴城苦為蒼生獨繫情屋外顛風驚客夢
車前甘雨慰農耕病懷無那兼憂國民力難堪敢論兵
塞上喜逢同調客笑談樽俎句先成夢陽日結似弱唐鵬日結亦有折氣衝

題扇寄彭幸菴開幸菴將遣其弟冲齋書來固原

江東遙望隴頭雲行盡關山不見君好是池塘春夢裏

惠連風月與平分

贈潘汝和方伯之山東

纓辭官馬又官船直遡滄溟萬里淵男子路頭牢著脚

泰山千仞豈無顛

六月賞蜀葵贈呂道夫憲長語意蓋為道夫而發

也

抗炎朱夏未全癡自保丹心似老葵誰道看花非我事
也曾看向未開時夢陽日此等句最風韻有味

官署賞葵雜詩有引

予在吏部時兩廂葵花盛開觀而樂之有詩比

至家園四時皆有花可賞獨不及葵謂以多故

然實不多見也茲西征歷邊城自春徂夏未嘗

見花固原後堂有葵叢生初亦不知其美數日

後花始放久之益盛五色交錯輝映庭几爛然

錦繡之林也崇牘戎馬之餘輒一造賞口占成

句家史記而錄之得十二章獨念江南賞花故

人無一在側為可恨耳

初見花

家園有名花夙昔夢見之晨起步前除葵生鬱萋萋輕

風薦微馨朗日耀其輝居然避春光抗茲炎熇威金盃

溢零露玉笋紛素蕤庇足豈不智蔓引將何為豈無桃

李顏緣多不入時君子貴有恆棄擲何足悲夢陽日此篇古調

醉西施

薰風輕颺輭紅孤零露微沾玉雪膚好是西施沉醉後

鬢髮斜插倩人扶夢陽日太近裏則嫌於脂粉

一丈紅紅葵花高出一丈

旌分幢列自成叢突出堦前一丈紅莫是牡丹重換骨

要將殊色試秋風夢陽日好句

千葉丹

世人看花愛千葉我愛葉多心不多
畱取傾陽方寸在
不然無奈此葵何唐詩曰公平生只此心耳

小嬌紅

嫩白嬌紅淺更深玉人斜倚碧窗陰
柔枝不受凡禽宿
蝶翅蜂鬚莫漫尋

采葵詞

采葵復采葵采葵餐其英佳蔬亦無數
何必葵之烹惜
芳吾不忍把翫傷衷情雖能斷人采
終恐風露傾勸君
采葵莫放手放手傷根葵不生夢陽曰惜

樂府 菩薩蠻

石淙詩鈔

卷之十三

七

繁華盡向春光了署中獨愛庭葵好
傾心苦為誰老天
應自知夜深清露滴曉起金杯側
忽扮道家紫瑤池飛
羽觴

黃葵

丹鼎芽初茁遊蜂釀始成紫陽冠製飛蓋入瑤京

白葵

誰將一片玉刻畫散天葩道人將換骨故故點丹砂

紫葵

博望乘槎去攜將馬乳回仙翁鍊成質製作紫霞杯

紅白葵

官妝艷相競霓舞紛駢羅芳姿不入賞人情
靜所多陽
日此篇調古句古
意古唐以上之作

晚葵

八月邊城暑氣消一庭佳色晚蕭蕭
雖然不及松筠操
若比羣花也後凋

寄壽彭幸菴太保

名高一代詩書將身是中朝保傅臣
闔外貌貅思駕馭
海中龍馬羨精神尊兼齒德三稱達
老憶交游幾是真
料得壽筵酣飲日蟒衣輝映白頭新
書前詩畢口占數語併寄為壽

石淙詩鈔

卷之十三

八

金風蕭蕭掃餘熱堦庭尚畱蕤兩葉玉宇澄澈銀河清
正是生申好時節皋蘭有林堪為糧黃河之水供壽觴
滿堂賓客齊笑語祝翁壽與河山長

海山王都憲在陝城寄詩次韻答之海山近得報

選兵侍將還朝宇駐節固原不得一會併此饒別

纔聽西來又北還蒼生休戚正相關動名早已騰朝野

靈秀元來孕海山不遺卓囊停白筆笑看青鏡尚朱顏

邊州只隔長安路東望輶車未可攀

坐鎮邊庭賴有人指摩談笑筆如神君看西府籌兵地

盡是中臺執法臣聊以寒溫通尺素不隨旌節送征輪

向來戎馬多彫敝調護煩公幹化鈞
三持節鉞鉦邊城指點平生一槍情報國無能空坐食
顛天有疏只歸耕古來邦政須圻父閫外邊籌仗本兵
願得太平戎馬息敢將民命博功成

開府行

旌旗盡拂烟塵開鉦鼓動地聲如雷路傍羣叟暗相語
不道我公今又來當年從公玉關道我是壯夫今已老
似聞軍令尚精明頗覺容顏半枯槁弓刀萬騎如雲屯
多是當年鞭策人部將生兒還拜將部卒亦復稱將軍
自公八朝佐天子功成身退誠善矣胡為乎來復此行

石淙詩鈔

卷之十三

九

遠涉沙場千萬里聖皇求舊溫旨褒君臣之義安所逃
不然七十二衰叟豈在絕塞風塵勞黃河水深金城高
我士酣歌馬騰槽亦知保障乃良策忍使赤子塗脂膏
羽書飛騎捷於鳥獵獵西風捲沙草劍氣晴橫紫塞秋
角聲寒咽黃雲曉不用彎弓射虜營坐銷氛祲回光晶
將軍帳前但飲博士女自織農自耕直遣羯胡齊北渡
我車旋指江南路經過到處題姓名他日知吾來幾度
夢陽曰杜體唐鵬
日公紀律固如此

賀萬壽節後詣文廟行丁祭禮有述

環珮趨鏘肅漢儀邊城五夜漏聲遲請看玉振金聲地

正及鸞鳴獸舞時四海文明符泰運萬年吾道際昌期
不隨百辟歌天保聊效封人獻祝祠夢陽曰
大作

中秋偶吟

玉露金波萬里思亦知天地本無私請看沙磧磧中月
還似石淙淙上時昔年自陝西總制歸曾有詩云為謝
石淙淙上月黃沙磧裏照著骨今用
舊病眼不禁深夜坐賞心已是隔年期老來伎倆無多
在報答秋光但有詩夢陽曰此篇
宛曲情勝

中秋值雨遂阻賞月之興悶賦一詩欲以明日為
期不知天意肯從否

塞上喜秋晴陰雲特地生正當三五夕不放月華明人

石淙詩鈔

卷之十三

十

望每多缺天心亦惡盈來朝氛翳盡皓彩發光晶唐鵬
日清
景無限等
閒便盡

十六夜月明如畫果副昨宵之願呼酒與客同賞

喜賦一章

璧彩燈光望轉濃一尊多興與君同月華此夜殊清絕
天意於人自感通坐愛秋堂分淨影醉疑仙吹落高空
嫦娥故故飛明鏡偏照當年白髮翁

師石淙史以與幸翁太保西津聯句詩見示依韻

奉荅

西來有鶴遠雲龍夢陽曰此篇
詩興轉濃絕塞沙寒迷朔雁

高城風細度昏鐘先憂後樂人千古戀闕懷鄉意萬重
明歲輶車過鄉邑荻花深處待過從

師石欲於九月朔日東巡子留駐一日是夜風雨
大作雖欲不留不可得也再疊前韻一首貽之

急雨顛風捲怒龍晚來驚見濕雲濃街頭汨汨添秋水
窗外瀟瀟亂曉鐘戀仰瞻天萬里鄉心回隔路千重
不須投轄君應在有約聯詩定肯從

九日無菊階下葵花數株妍麗如昨酌酒賞之得
三絕句

邊城風日此重陽又負黃花一度黃階下老葵如我意

石淙詩鈔 卷之十三

尚留佳色殿秋光

獵獵秋風掠樹枝葵心一點似當時芙蓉江上遠清賞

畱爾當軒侑酒卮

烈日燒空色正榮秋來霜露轉多清炎涼翻覆何須問

猶喜葵花不世情夢陽日三篇託物
寓情良不徒作

與曹黃門千德藍豸史玉夫夜話間索詩因請以

二君姓爲韻餘韻皆二君所出也

君才久已奪劉曹巨筆如杠每自操謾向邊儲誇腐朽

亦知民力盡錐刀陽春不厭酬巴調瓊玖翻慚報木桃

無限先憂心事在早歸青鎖接雙扉右贈曹
千德

彩毫隨意掃雲藍更喜詞鋒百戰堪興未盡時休返棹
事難言處且清談長城經畧吾猶負九鼎勳名君自擔
若問南歸定何日杏花春雨是江南右贈藍
玉夫

九月二十四日諸將官破賊獻軍門予與巡撫
王都憲共舉犒賞之典用曹黃門所寄詩韻一首

偏師薄伐虜心寒露布朝騰遠近歡早向軍門傳將令
不教時輩笑儒酸西風落木山容淨白草黃沙鴈影單
更喜中丞新駐節滿城花鼓詫奇觀夢陽日此等句却
不頭巾單字佳前
人少

送巡按鄭豸史得代還朝

石淙詩鈔 卷之十三

一從持節下盤坡賊吏聞風解綬多道路共傳春有脚

英才兼藉禮爲羅青年勅發青雲路白首詩慚白雪歌

遙指秦關望歸騎無由縮地奈情何

讀書讀律兩收功全陝山川按部中直躡丹梯凌華嶽

笑將長劍倚崆峒入朝人避乘聽路出塞聲先攬轡風

纔得相逢又相別題詩相贈意無窮

十月六日發程巡邊前一日雪

滕六知師出先清塞上塵野田渾失路沙草尙含春萬

馬寒嘶靜千山曉望新漁蓑何處所心逐大江濱

巡邊偶吟

一出頻看隴月圓朔雲回首隔晴川鄉心已落征鴻後
行色還當小雪前二十年來三建節兩總制一提督六千里外
五籌邊初受命經畧繼為巡撫并總制提督亦知保障為長策全陝蒼生
望息肩夢陽曰唐調唐雅

鎮戎道中

躑躅邊城路行行西更西曉寒風掠面日暖雪成泥策
馬頻經險看山漫入題平沙望不極客思轉淒迷夢陽曰二句佳甚對之皆未稱

雪中用蘇長公韻四首此詩昔年所得失其稿

未論見鷺與分雅聊為星堂誦雪車坐訝山川非色界

石淙詩鈔 卷之十三 十三

望疑金石有狂花金生花東風幻作梅千樹明月妝

成玉萬家莫向坡翁爭險韻翁才元自勝全叉

霰集初驚六出纖旋看如席漸成嚴呈祥自可占來麥

伴色何勞較絮鹽江上孤舟誰把釣梅邊處士獨巡簷

舊時同調今安在聊復微吟掃兔尖

色迷林莽失歸鴉凍合川梁利走車歲事三冬初見白

天機六出巧成花清尊劇飲便豪客寸鐵爭雄憶作家

破履先生莫愁絕有人鐵甲擁矛叉

乾坤一色失鴻纖灑氣生寒晚更嚴照室總成雲母障

聚庭或作虎形鹽影隨鸞舞潛窺沼意學梅妝巧墮簷

桑野幾成行樂地愁容無復上眉尖夢陽曰首皆穩帖

巡撫王公再用酸字韻見寄寧夏道中疊韻答之

邊成風雪乍生寒不為馳驅減合歡歷盡征途無險易

從教世味有鹹酸旃裘曉擻穹廬遁鐵甲宵憐衽席單

萬里一身方獨往詩成須借賞音觀夢陽曰亞於前和

破虜謠 有序

嘉靖四年八月十八日大虜在莊浪以數百騎

浮渡黃河入靖虜地方河外賊聯 劄立意在

探我道路窺我虛實將與套賊合謀入寇靖虜

將官出兵禦之斬其先鋒一人報至固原督府

石淙詩鈔 卷之十三 十四

發兵追勦賊見兵至伏山谷間兩日夜人馬饑

乏乃鼓譟而出我兵追之不敢逆戰經寧夏界

上虜居人丁畜由鹽池石溝中空以出將遁歸

套中督府先是已布置諸軍於各路按伏蓋防

套賊入境不虞寇自內出檄寧夏諸軍合兵追

勦賊迎戰數十合多所斬獲賊既不得逞乃委

其所掠并所用馬器以遁至邊牆邊兵遏之不

得出斬首數級賊無計率其輕騎復奔腹裏將

由舊路以渡我兵追及迎戰敗走又斬首數級

驅至河爭浮渡河漲胥陷沒焉尚有六騎達西

岸去賊僵屍澗谷墮崖塹以死者多馬匹死傷
枕藉道路諸軍既罷散猶有十騎奔至邊牆棄
其馬匹械器緣牆而出蓋自是花馬池定邊營
牆外數百里無復賊蹤矣諸將恐其報復未敢
掣兵然此印中之禽占利搏執非貪功好殺者
比當无咎乃采邊人之語爲破虜謠凡十章
天驕底事太猖狂夜渡黃河犯我疆一自轅門發兵後
犬羊何處可潛藏
將軍行擁萬貔貅腰間寶劍氣橫秋不獨虜兒驚破膽
邊頭豺虎也含愁

石淙詩鈔

卷之十三

五

大呼陷陣殺聲雄不見羣兒在眼中砲火雷飛箭星落
回頭一霎虜塵空
沙場塵戰月昏黃夜色慘淡星無光明早轅門報功次
將軍親驗血衣裳
迫虜墜河河水渾飽供河底蛟龍吞止餘六騎生歸岸
報向穹廬合喪魂
沙間虜騎骨成堆牆外兒郎爲乞哀只道天兵惟薄伐
如何匹馬不教回花馬池邊牆外虜人數十騎答語云
不來捨虜乞將酋首數十人在內者
放出等語邊人以斬殺
盡絕應之皆哭而去
千里沙場一掌平草間殘雪尚流星莫言斬首無多級

帝德於今本好生

將軍威武不可當千騎萬騎皆騰驤會須踏破天山缺
淨洗腥羶復故疆

白旆央央西出關三千鐵騎盡歡顏大將端居若無事
但聞人唱凱歌還

卧聽三軍飽欲歌亦知地利在人和怪來精采非前日
芻粟陳陳比舊多夢陽日既謂之謠不當以格調
言矣唐鵬日格調亦自不俚

巡邊偶吟四首

出門風雪莽愁人行至窮邊暖似春應是六陰消欲盡
一陽地底轉鴻鈞

石淙詩鈔

卷之十三

六

老將臨戎古有之周家方叔唐子儀不聞七十章逢叟
來總熊羆百萬師
年年此地遭狂虜今日巡行是坦途極目龍沙千百里
竝無一騎踏平蕪
韓公遺跡不須問范老經營說到今今代輿圖非弱宋
良工獨苦是誰心夢陽日此
首是杜格
塞上曲十首
萬里晴空宿靄收弓刀千隊擁貔貅瞳瞳曉日旌旗暖
獵獵西風鼓角秋
鐵馬金戈再入秦邊頭老稚盡欣欣誰知今日登壇將

還是當年仗鉞人

漢代封疆今虜巢轉輸征調使民勞犁庭掃穴非吾志
上策無如保障高

張公受降不可尋東勝一城到於今遂使豺狼卧門闥
辜負幽長河水深

大河以南地方千黃沙白草遠連天元是職方輸貢地
望中沃壤盡良田

黃河西來入城流溝塍曲曲環平疇地利盡多生意少
似聞財力盡誅求 指夏城

連年鐵甲成窮邊霜裏樓身草上眠為主反邊良不惡
石淙詩鈔 卷之十三 十七

忍凍妻兒還可憐
漠漠深山連大沙大狼長此伏機牙亦知田禽利搏執
不以遠裔勤中華

花馬池連興武營東有清水西橫城上得邊牆望環固
千里沙場如砥平

王門金壘勢崔嵬百二秦關亦壯哉天為華夷限疆域
河湟一水故西來 夢陽日十首俱杜
格末二首更高

邠州郵亭壁間有詩一首不知何人作其詩曰太
宰西征秉將權三秦豪傑滿軍前行筵頤指金貂

客盡是當年舊執鞭或以告予戲和一首

關外三持上將權五旬之後六旬前七旬之外重來此
潦倒空先祖逃鞭

花馬池官廳壁間有海山王公詩次韻一首
萬籟沈沈乍有無中天寒月半輪孤戍邊甲士和霜臥

出塞將軍藉草鋪白骨不銷千載恨金城誰獻萬全圖
旃裘遠道烽烟息不信茲行是畏途 夢陽日平
正英雄

任彘史象虞閱儲固原以十二月一日將之慶陽
予留之不可是日大雪阻不能發戲東一首

臥聽寒聲落瓦溝起看庭下雪成坵亦知柱史停驂興
不為人留為雪留 夢陽日足
為談柄

石淙詩鈔 卷之十三 十六
雪中偶作

至前風日暖如春至後驚看雪意新白滿田園占歲稔
凍迷川谷淨邊塵牆頭鐵甲光生色江上梅花冷笑人

無限歸心驅未得深杯呼酌雨三巡 夢陽日
纖細
固原與王昭大話問賦此因錄贈別

子當正德年危言犯雷霆時非諫議官而以諫得名君
恩大於天小謫不出京今皇御寰宇賢俊紛彙征舊物

已光復勇冠侍明廷手疏扣天闈甘作仗馬鳴豈不念
迂憊安能負平生驅馬出郭門遙遙戒官程蜀道固險

巖子心如砥平忠信隨所遇風波安足驚昔視關中學

抗顏謬橫經門牆子桃李藥籠子參苓悠悠三十載塵
鞅稀合并冰霜厲長途風沙暗邊城剛爲信宿留忽作
萬里行有懷不得盡欲別難爲情子行善自愛養晦還
居貞我病行且歸箴言蒞心盟夢陽日鋪
敘流動

寄藍豸史玉甫時在甘肅盤糧

獨騎驄馬向窮邊踏破沙場路幾千關塞早傳春有脚
山川眞見玉生烟殊方職貢通天竺聖代提封盡酒泉
到處觀風有章疏卓囊頻徹冕旒前

固原重建鐘鼓樓樓當城之中央俯視四境予爲
題之曰鎮西賦得三律然未足以盡樓之勝也

石淙詩鈔

卷之十三

七

西閣風高鼓角雄南來形勝倚崆峒青圍睥睨諸山繞
綠引潺湲一水通擊壤有歌農事足折衝多暇虜塵空
登樓不盡籌邊意渺渺龍沙一望中

設險眞成虎豹關層樓百尺枕高寒重城列戍通三鎮
萬堞緣雲俯六盤絃誦早聞周禮樂羌戎今著漢衣冠
分符授鉞知多少誰有勳名後代看

千里關河入望微四山烟樹翠成圍蒹葭淺水孤鴻盡
首藉秋風萬馬肥聖主不教勤遠畧書生敢謂識戎機
狂兒已徹穹廡通體國初心幸不違夢陽日三篇皆大
作恐樓不如詩

發固原論軍士

奉詔發古原朔風捲征衣山川愴離色冰霜厲餘威軍
士遮我道吞聲仍涕泗問公胡爲來問公何遽歸未來
我士瘠旣至我馬肥倉皇忽來去喜極翻成悲公初受
明命計將殄戎夷喜茲數月間戎馬不敢馳長城未就
緒套虜猶潛窺邇聞西海戎伏莽藏禍機公不念邊氓
翩然謁帝畿翻恐一簣功終爲九仞虧予方處非據聞
言增惕而茲事本天意人謀安所施平生體國心內顧
已多違不言吾亦解慚負明主知恩綸下霄漢待我以
黃扉臣心故未棄力不能奮飛肯以垂盡年冒昧貽評
譏有疏扣天關歸餐故山薇世事耳不聞安能較是非

石淙詩鈔

卷之十三

二十

茲聞新大帥銜命來督師作爾戰士氣恤爾寒與饑爾
往各自樹奚用懷我爲

過王母宮

廣成遺跡此崆峒東去仍過阿母宮元鶴有靈還石竇
碧桃無語自春風誰能學道超塵外轉覺談仙是夢中
十度往迴纔一上歸驂今日又恩恩夢陽日唐
調潘亮

涇州察院壁間有詩不知何人作次韻一首其詩

人前年舊戶烟
胡空築長戎窟不似新來夫將實

塞垣無事絕狼烟落日牛羊下野田老我經營惟內治
邊功端合讓來賢

永壽監軍莊郵亭壁間有詩不知何人作次韻一

首其詩後四句云金符玉節催征騎赤日炎天渡大江塞上風清連瀚海單于驚見舊旌幢前四

句志之矣

世情翻覆苦難降悔却輕身下石淙絕塞州塵車轍半

畏途風雨鬢毛雙荆岐北繞遙連華河渭東流直到江

尺寸未成歸去早空勞鐵甲引朱幢夢陽日唐調句好但河不通江耳唐

必方與

除夜有述

忽忽流光驚歲暮天涯蹤跡尚茫然鴻鈞暗逐三陽轉

寅斗先從半月旋老去形容非舊日坐深燈火又新年

石淙詩鈔 卷之十三

故鄉骨肉成寥闊空憶屠蘇到我前夢陽日唐詩

壽近山劉司徒七十

大雅今誰是長安早識君曾襟黃叔度心事范希文鋒

穎當場露絃歌宰邑間度支書上考渤海著奇勳峻擢

司徒重殷憂聖主分震撞身屹屹調護意勤勤夕聽雷

風變朝違駕鸞羣一塵都不染萬事總辭紛家近南山

麓舟橫渭水濱持竿時釣月曳杖或穿雲心遠禽魚狎

情融草木忻賦詩渾漫興飲酒但微醺七十今方慶期

頤未足云綺筵歌雜選寶鼎氣氤氳堂上椿生色堦前

桂吐芬高風朝士仰厚德里人薰許與稱知己睽違願

俗勞欲邀長日坐相與究皇墳

溫泉懷古

華清浴罷已斜陽胡孽終成禍有唐人世幾迴驚代謝

泉聲何自管興亡霓裳舞絕川原靜繡嶺雲深草樹荒

過客登臨歸去晚月華山色共蒼涼

浴泉二絕句

平生巾履本無塵我有盤銘不離身道上黃塵千萬斛

一湯浴得幾時新

雲竇淙淙空復深開元蒙恥到於今爭似箕山洗耳水

能洗世人名利心唐詩自別

石淙詩鈔 卷之十三

華山雜詠

松蘿爲徑石爲關歷盡崎嶇見此山烟火稀微青嶂裏

笙歌縹渺白雲間誰騎野鹿尋真隱自濯清泉醒醉顏

目斷長空飛鳥盡遠遊何事不知還右第一關

先生遺跡此山多蛻骨猶甯峭壁阿世上紛紛皆物化

此關參透更誰何

世路艱虞已慣經晚辭塵跡閉巖扃于今正際唐虞世

怪底先生睡不醒右希夷硤

老去尋幽興未慳每逢巖壑便躋攀谷雲黯黯低垂樹

澗水潺潺曲抱灣小徑斜穿蘿葛密殘碑半蝕蘚苔斑

平生不信難行路夷險都歸一笑間右青柳坪。唐

調發
謁楊太尉墓二首

公心自可質明神王密何曾是故人慎勿令人窺夜戶
流言傳播恐成真

關西人仰薦儒宗厚德宜膺四世封莫道經過頻下馬
家聲我亦託宏農

東繡史希宋居近華山因以華巖自號長洲文徵
明為作華巖圖時希宋已棄官不出將於是老焉

予為賦之

石淙詩鈔

卷之十三

三

巖巖蒼翠倚雲霄下有幽人正氣豪自擬逃名甘穩臥
非關索價浪為高羣峰並峙雄三極一柱孤撐奠六齋
老去迷途方夢醒眼看聲利等秋毫

三出關用舊韻

四十年來數往還君臣大義苦相關懷鄉好似夢中夢
報國敢辭山上山謾向龍門尋砥柱且斟清渭濯塵顏
病來已謝鷓鴣伴野鶴冥鴻自可攀

中牟公館與獻吉提學話舊用前所寄詩韻二首

遠從西嶠趣南裝忽得君詩抵夜光門外向懸鏡鏡節
夢巾先著菱荷裳宦情久與禪機寂世味惟應蔗境長

三十年前曾讓子知言竊比宋歐陽

斯文衣鉢自吾人出處平生各任真聖主有恩容病叟
太平無地不閒身百年風雨清明節滿目鶯花爛漫辰
便合同舟過江左烟霞深處醉餘春

聞朱御史士光擢守淮安賦一章為贈

聞君得代還朝去忽報專城拜命新畿內故為根本地
臺端可少老成人應將烏府風霜筆散作黃堂雨露春
莫道淮陽能久滯五雲回首是通津

渡江

去歲偶因西事起馳驅惟恃寸心丹恩綸却訝徵還早

石淙詩鈔

卷之十三

三

老病真愁赴召難萬里雲霄飛鳥倦一江風雨釣舟寒
太平勳業諸公在獨卧山林夢亦安唐鵬曰忠益忠蓋非苟為去就者

石淙詩鈔卷十四

明安寧楊一清應寧著

北地李夢陽
武功康海編輯

一清初入朝蒙恩加少師兼太子太傅江南故舊
有以詩寄賀次韻自述一首

五十五年道禁籍直從弱冠到衰遲四朝身際今仁聖
一品官兼古傅師失脚懶漁還自訟蹲池老鳳恐人嗤
故園松菊應無恙目斷孤鴻到海涯

廣信經歷何生周以公務來京師將行索詩為其

石淙詩鈔卷十四

父圖樵翁六十壽予於何氏祖孫父子相與四十
年有奇為作長詩俾持歸歌以侑觴云

崗山之高高嶙峋風雨變化烟雲吞長江浩渺自西極
濤驚浪打山之根狂瀾一決千萬里天作之山障其奔
故知靈氣鍾人傑逸老不作名猶存崗山樵翁號能子
標格楚楚丰儀温平生重義不重利有書滿床酒滿樽
淵明結社真成隱卜武輪邊還被愚樵翁今年壽六十
課兒耕讀稱嚴君手種青松已成蓋移來慈竹多生孫
藥爐丹鼎不須問善積自可通乾坤階前萬玉競長茂
秀色輝映庭前椿大郎南歸拜翁壽行橐廣貯詩兼文

予也通家自曠昔四十餘載稱爾敦壽筵賓朋知滿座
次我一席誰為尊翁無念我我將隱不在山莊在水村
采山之醴釀江水歲歲獻壽來翁門

恭和御製五言古詩韻

臣楊一清謹題六月十三日伏蒙皇上召至平
臺手授五言古詩一首賜臣頓首捧歸道路
歡傳縉紳交慶咸謂百年曠典今始見之願臣
庸愚何能堪此服以終身傳為世寶感恩莫極
圖報無由臣聞虞舜作歌皋陶載虞卷阿游歌
周臣矢音陛下神聖方駕虞帝趾美周王臣固

石淙詩鈔卷十四

不敢希望虞周之臣然沐浴清化中亦不敢默
以自棄謹依韻恭和一章錄上睿覽伏惟聖明
矜其愚魯恕其狂僭臣俯伏待罪無任戰兢臣
謹言

惟帝嚮南離重明照四方文謨與武烈前作後相望西
陲偶多事起臣督修攘臣志匪邊功所期民物康天威
仗馭被坐籌走氏羌分將老邊塞何意登廟廊召臣復
黃扉期之日贊襄奎章盛衰許爛然雲漢光君王自神
聖有位成忠良上下交斯泰君者臣之綱臣老心未棄
聖言殊孔彰欽承誓終始百世為傳芳

賦詩志感

曉承宣召叩平臺親捧裏章出閣來五色龍鸞下飛翥
九霄雲漢共昭回君恩過錄籌邊績臣老原非補衮才
正是明良交會日誓將忠盡效涓埃

次湖東先生韻一首

御座深嚴歷九門天威咫尺降謙尊萬年仁聖時方泰
千古賡歌道故存殿外薰風真解愠暑中甘雨共沾恩
老餘一寸丹心在敢負高乾與厚坤

送大司寇趙公得請致仕還壽光

離堂綠酒照紅顏卻望冥鴻未易攀我老不堪猶北上

石涼詩鈔

卷十四

三

君才可得便東還消磨歲月真成夢擺脫塵埃始是閒
賜勅賜詩俱異數賜金疏傳豈能班

吾姻友錢君克健領醫學正科之命以歸為作七

言長詩一首贈別兼柬乃翁屋舟先生少致訊問

之私云

宮梧一葉鳴新秋大火入夜看西流黯黯陰雲昏海氣
雨脚不斷風颼颼翻思前日暑方熾熖氣如烘無處避
一涼偏與老人宜管領清風入襟袂是時鄉心方浩然
何人又覓南歸船轉覺歡娛成鬱悒悶撥雅調為誰絃
我老江頭初穩臥承恩偶向黃扉坐舉足矚談班馬趨

擡眼怕見冥鴻過可人胡來胡又歸幽與不為鱸魚肥

舊恩重領新銜去至樂其如具慶稀江南名家武肅裔

業擅軒岐經幾世而翁屋舟鄉之望不說名醫說高士

我今身在五雲邊水竹江鄉情自牽陶潛開徑懷三益

承叔包羞食萬錢君歸拜慶翁心悅待我歸分好風月

丁卯橋頭丹桂香滄江墅裏黃花色栖栖未歸非為官

君恩如天圖報難亦知精力不可強早晚抗章還故山

吾家相隣君別墅丹杏滿林橘千樹君能醫人能醫國

坐食無功吾媿汝把酒臨歧更何言各適其適心乃安

一為作歌壯行色莫以近別生愁顏

石涼詩鈔

卷十四

四

送王參政之四川

聖皇不為勤西顧參政安能輟講官館閣十年推遠器
江湖萬里得奇觀周詩早識均勞義蜀道寧辭行路難
收拾江山在胷次篇章遣寄北扉看

送大司馬李公致仕

司馬承恩返故山廟堂公望尚相關身因憂國成多病
志不隨時合早還采采黃花三徑晚悠悠汴水一舟閒
吾衰強起仍無補聞說君歸有厚顏

石溪僉憲殷君文濟今年壽六十南京少宰蒲汀

李先生以公務來京師謂予宜有詩壽之君系出

丹陽於吾爲同郡居相比契分相投雅矣爲賦二章託少宰公轉致情見乎辭

釋褐成名二十年文章都下有人傳請看歸舍如懸磬始信爲官不愛錢去有遺恩懷赤子老將幽抱付青天六旬花甲從頭數直與靈椿共八千

吾生正及嘉平月歲歲勞君薦壽卮冀北風塵憐遠別江南雲樹繫深思天將壽考醅清節人仰清標羨好詞世事向來都不愛賓朋相對只枰棋

慨齋爲曹御史賦

澆風誰信可還淳物理應知備一身古道千鈞擔在我石涼詩鈔卷十四

聖皇三代治由人義如有得行須勇斷以崇功見必眞世事慨然成慨嘆要從張子問端因

柱史齋居非浪設平生有志慕前修吾人無限當爲事賢者須懷天下憂王佐有才終禮樂先民如作可商周不隨末俗矜標榜免作風花月露羞

十二月初十日有旨念臣一清拜起艱難免其朝參只在內閣辦事志感一首

聞道免朝新命下帝憐老病怯朝寒許身尙欲鷹揚健稽首翻愁虎拜難兩鬢早驚衰後白一心長抱少時丹已無尺寸酌明主更沐殊恩敢自安

荅湖東費先生賀章四首

免朝志感拙作遠蒙寵和敬疊原韻奉荅雅懷

天上彩雲傳一札光風八面失春寒寸心許國今仍壯一德和衷古信難未有涓埃裨交職祗將芹曝比金丹師臣才思應無敵咳唾成陰字字安

日黑有扣門者得公使持再惠詩至復此謝教扣門忽報傳詩到夜半青綾夢不寒早向金蘭知志合不因風雨嘆行難老驚世態如新白病覺衰容變故丹公有昌言頻入告聖皇一念在民安

三得佳章方欲屬和間忽復大雪二美爭奇光石涼詩鈔卷十四

奪人目適上下交修之際知感召之有自也謝教一章兼以志喜

三復公詩還自喜不知庭下雪花寒天心爲錫來牟瑞聖意方懷稼穡難已媿衰遲陪國論願從康濟學神丹請看少日魁廷薦曾向龍墀策治安

四得佳篇自分不復敢置喙矣與不自制再和一首

入夜彤雲昏暝色詰朝晴日破陰寒黃扉位接才非敵白雪詞荒和豈難草制金鑾衣漬墨校書石室手研丹向來恩命如山重便欲投閒却未安

荅秦鳳山司徒賀章

承和免朝志感鄙作詞高詞雅再疊原韻一首
奉謝適當修省之期天子方下恤民之詔故於
大司徒不能不致意焉公其以予言為然乎

物色漸隨春意轉雪花猶點鬢毛寒憂時杜甫兼多病
此馭王尊豈避難聖主恤民恩有渙明庭下詔炳如丹
東南財賦今應竭好為蒼生謝士安

白巖以少保吏部尚書致仕歸樂平其生天順甲
申至嘉靖丁亥壽六十有四矣三月十一日其初
度辰也予既不得從賀賓之列為賦近體二章寄

石淙詩鈔

卷十四

七

壽之

嶽降當年又誕申壽筵開處及芳辰岡陵不盡長生祝
天地能容未老身六十四齡塵外客一千餘里夢中人
雲鴻不隔燕山路莫惜緘書慰我頻

渺渺春雲接太行懷人無計與傳觴温公自入耆英會
司馬温公年六十魏國新開畫錦堂典禮早逢周柱史
四自願入耆英會

東溪王君時賜以江西參議致仕家居今年壽七
十三月二十一日其生辰也厥子應芳以文翰供
事館閣請予詩為慶予舊識時賜重其才器惜其

蚤卷而歸宜膺晚福為賦近體一章寄壽之

畫錦堂前壽宴張東溪桃李盛春光旬宜尚憶前參政
寅直無慚古奉常桑梓衣冠餘晚福弓裘文采足書香
七旬頌祝從今始直到期頤未可量

武進莊君起家進士作令寶坻歷遷河間守進參
政所至才名卓卓惠政甚多以無妄罷官家居且
二十年矣而民猶歌之不置古人去思當不是過

比來京師將自白既乃應詔論列時事上嘉納之
令所司采行孔子所謂是亦為政君其有焉今年
壽躋七十君之姻家甥陸質之以子素好於君因

石淙詩鈔

卷十四

六

其歸索詩贈別兼以為君壽云

猶記舟車涉瀛海頗聞父老頌循良清風不魏齊州水
遺愛會留召伯棠靜感物華多賦詠老憂民瘼有封章
石淙東去君家近歲歲緘詩薦壽觴

大中丞樂清高公以所輯宗祀集示予機務方殷
久未有以應也昨取閱之觀其所自敘誠得古人
合族反始之義公從政之餘而汲汲乎此可謂敦

本急先務者矣推之鄉國達之天下將不率是道
乎病冗不能為文乃取集中茗嶼諸題賦短句八
章以附諸名公之後以昭示公之子孫俾世守之

茗嶼

路盡山川是樂清地從人性得嘉名宋朝太尉雲仍遠
茗嶼今看世業成

盤谷

殿祠新構倚巖岨路在雲巖第幾盤誰向祠前植嘉樹
千年株引更枝蟠

宗會祠

不營宮室祇營祠水木悠悠繫遠思從此兒孫知統一
各尋世本認宗支

時思堂

石淙詩鈔

卷十四

九

昭穆誥誥萃一堂年年長此見芬芳亦知祀罷畱餘敬
臨在洋洋質在傍

環翠樓

環樓蒼翠倚雲霄水色山光入望遙太尉遺址今寂寞
不知何處認前朝

延月軒

小軒可可萬山中簾幙低垂棟宇空夜半推窗邀皓魄
松楸滿目起悲風

望雲亭

孤亭屹立翠巖巔一度登臨一惘然蒼狗白衣多變態

遼東化鶴幾時旋

世祀田

大夫蘋藻有圭田祇向春秋實豆籩巨室膏腴空萬頃
幾家能得子孫傳

子既為高氏宗祀賦七言絕句八首偶閱諸作信

口再得五言絕句如前數併書以歸之

茗嶼

此地誰造家公侯當返始肯堂世引之錫類歸孝子

盤谷

嶼北有深谷悠然李愿居安得昌黎筆大書播芳譽

石淙詩鈔

卷十四

十

宗會祠

積善故有根伊人孰無祖但知崇祖祀便能繩祖武

時思堂

朝焉登斯堂暮焉登斯堂霜露慘顏色默默增感傷

環翠樓

樓頭山矗矗樓下塚纍纍登樓一眼望有淚不停揮

延月軒

開軒邀明月明月方中天月在人不在俯仰心茫然

望雲亭

孤亭在山巔亭外何所有英英白雪飛四顧空回首

世祀田

求田爲子孫誰能遯宗祖俎豆寄西疇孝哉孫七甫

馮汝揚以兵部侍郎致仕近蒙起用兼左僉都御

史提督宣大偏頭三關軍務蓋其舊蒞地也子與

汝揚別十餘歲不期衰老之年復此聚晤而君又

別去君去予且還江南矣作二詩贈之兼以志別

朔漠風塵久未清北門鎖鑰借君行貔貅共逐新龍節

旌鉞重臨舊柳營已聽軍中呼大樹更從閩外作長城

邊功不是書生志要使齊民頌治平

久別相逢一紀餘笑看風雪滿頭顛及門弟子惟君在

石淙詩鈔

卷十四

十一

用世才名愧我迂老去閒情俱綠野重來春色又玄都

君歸有意尋吾隱好向烟波問釣徒

允庵爲司諫張懋登賦

粵稽允之義乃自虞書始堯舜恭與塞要之無二理中

庸語其至曰誠而已矣天道盡一言於穆恆不已聖人

德之純悠久無息止誰爲希望徒明道有遺軌聖人謂

可學爲之亦若是舉謨陳德舉遠惟自邇象形施惟

明克允斯作士末世喪其真巧僞隨風靡外飾紛何用

終然露底裏託以名吾庵方寸恆顧諟允懷道斯積所

進方無涖直諫君我友因之自忖己寡過願未能不敏

事斯語

送鳳山司徒秦公致政南歸三首

尙書何事賜歸頻聖主垂恩念老臣白首恥爲乾沒態

素心不作詭隨人十年鎖闥憂民疏萬里江湖把釣身

去住祇應吾道在暫時分手莫傷神

司徒風望滿中朝苦爲蒼生髮半凋官久益看邦計熟

病來自覺宦情消心驚彩鳳辭丹閣目送高鴻遡紫霄

桑梓故鄉今密邇相過不待尺書招

顛風日日捲飛埃鄉思離愁撥未開少我十年先引去

後君數月擬歸來門喧童稚爭迎主吟對江山數舉杯

石淙詩鈔

卷十四

十一

却恐先憂心未改還依北斗望三台

送少保天卿廖公得請致仕還東光

蓮章得請遂懸車鳳勅傳宣下玉除一品官階新少保

兩京才望舊尙書路經瀛海流方急到得山家暑已祛

我病龍鍾猶未退擬尋仙馭意踟躕

赤日當天方苦旱四郊禾稼已無春民星正待騰南畢

卿月胡爲遠北辰歸去尙懸憂國念老來兼作著書人

春明咫尺還家路風雨孤舟不問津

送大司空趙西峰歸廬陵

臨民不久更臨戎學在春秋一部中周雅舊歌戎有翰

舜廷新命若予工明農帝已嘉誠款勇退吾方走下風
好事西峰峰上月清光雷取照丹衷

送鄉士朱友古德彰遷京口

天涯塵土舊盟荒聞道君來喜欲狂質朴半生惟友古
馳驅千里爲觀光翻愁風雨妨行樂漫向尊鱸憶故鄉
三徑花開秋正好霜前畱我數枝黃

次羅峰先生小齋夏日詩韻

火中故故放猩紅玉潤星懸種或同莫羨春園桃李色
幾多垂實老秋風

魚樂盆池不在深也能漾玉也拋金漫論莊子臨濠興

石淙詩鈔

卷十四

七

聯寫襄夫觀物心

西湖移種手親栽雲錦逢時次第開不是天邊多淨友
花中君子肯虛來

小園芳花四季開花神長是怕詩催年來老却看花眼
獨把君詩誦幾迴

哭林見素先生三首

昨日雲莊凶問至朝紳相對總潸然寸心到死還憂國
一節平生不愧天故里樓臺無處起先秦文字有人傳
報公不獨名兼壽共說希文于象賢

丹陽古渡日初陰送別臨歧雨不禁萬種閒愁三日話

一料清淚百年心嘉靖癸未之秋見素得告致仕過鎮江而琴亡尙覺遺音在瀾倒方驚砥柱深一自尙方曾借劍英風凜凜到於今

四朝勳業萬夫雄海內人人仰素翁佛骨燒來韓吏部
淫祠毀盡狄梁公同心話憶金蘭舊異姓家憐骨月通
亦有生芻何處奠祇憑詩句寫哀衷

大宗伯白樓吳先生改南太宰加太子少保出上
親簡先生家姑蘇將便道一省先望而後赴任于

亦久懷鄉土未得卽歸賦詩爲贈情見乎辭

舊衙不殊新部改昨日秩宗今太宰六卿分職兩京同

石淙詩鈔

卷十四

古

官保加恩帝簡在自從翰苑儲才賢不下鑿坡二十年
司成奉常聊試耳石渠東觀終登筵作官厭南惟戀北
流俗紛紛真大惑莫言南去是開曹銓衡人物公之責
相逢無幾忽離歌雷公不能將奈何大河沙黃官道梗
長江木落寒雲多金陵之東公故里便道高秋訪桑梓
綠岸差差楊柳風紅波泛泛芙蓉水江南樂多無宦情
恨不追逐仙驕行登臨到處有高興佳句何止如陰鏗
懋恩堂爲白樓先生賦

曾向虎丘山上望山塘如掌舊名存白公堤古畱遺愛
太史堂開有懋恩畫錦漫勞誇將相平泉空自詫兒孫

一從宵構標惡後次第龍光照里門

恭和聖製除夕賜臣一清五言律一首

詔賜履端慶臘傳天語來三陽方納祐一德已深培帝
有陽春調臣非白雪才思深何以報惟日贊襄哉

正月初六日立春行慶賀禮羅峰先生有詩次韻

三首是日上時享太廟世廟賜上尊品物

兩年逢正旦六日又王春淑氣先回律光風不動塵君
才真和國詩筆可通神不用占雲色乾坤物物新

律三須將歲龍與享孟春彩雲籠閣道清露浥香塵慶

洽千年化誠通九廟神老臣無寸補白髮與時新

石淙詩鈔

卷十四

十五

午日明仙仗回風引御香旋分春茶餅飽食大官羊一
人勤禋獻兩廟共蒸嘗老病難奔走沾恩激寸腸

和羅峰先生齋宮謝恩韻二首

洪鈞律轉陽方泰天子知公德不孤一任殊恩先後降
君心常是舊時吾

未得拜恩酌陸謝勅教成禮向郊壇六卿三少猶常典

一德同心自古難

南郊大祀分獻羅峰先生得大明石門先生得夜

明一清以老病不能陪祀獨坐齋房中有述二章

對越心同兩曜懸相臣將事總精虔壇分天地圖方下

禮絕山川望秩前香霧散來春正暖宿氛斂盡夜無烟
未能奔走供禋祀獨坐齋居憶昔年

玉幣從容上界行六宗分祀首台衡人間共仰無私照

天上元知有代明仗影參差龍鶴動樂聲縹緲鳳鸞鳴

老臣未有裨明德祇向馨香迓治平

郊壇東木翁先生

年來衰髮益蕭蕭更向齋堂憶所遭一品久慚腰繫玉
兩朝重賜蟒為袍天連閣道風塵盡雲擁行宮劍佩高

往日臺衡公獨在亦知大老是人豪

正月十四日慶成宴有述兼柬同事諸先生

石淙詩鈔

卷十四

十六

日色熒煌照袞衣九重恩宴得攀依三千界上羣仙集
二十年前大老歸吾道早隨陽共長天恩不與露俱晞

三朝供奉臣今老慚愧初心與願違

曾聽周王歌湛露寥寥千載到於今天顏咫尺容分坐

法酒傳宣盡滿斟旭日漸臨堂左个彩雲高捧殿中心

孤卿保護新承命獻納能陪帝渥深

南郊祀罷宴明光親見紅雲捧玉皇閣學新陪天上坐

禮卿舊立案頭香共從春庭韶濩更續周詩詠鳳凰

瞻望袞龍應不遠為誰能補舜衣裳

宴上書事再得一首

羽仗鸞旗拂曙新
煖雲香霧八宮宸
風傳畫漏樓頭報
日照仙桃殿上春
一代明良周宴享
百年禮樂舜韶鈞
試從物色占和氣
大有年書正及辰

恭和聖製賜輔臣張少傅詩韻一首

肅雍相廟祀大孝能饗親
尚書秉貞白齋心對天宸
帝曰此孤忠有君宜有臣
志不在温飽所求吾道伸
於皇不世出不顯德之純
臣當釋福初已分致吾身
肯容一寸瑕少玷連城珍
君德自堯舜唐虞必吾民

和羅峰先生分獻大明壇二首

內壇第一勞親簡異寵
還應屢異才我病未能陪
奠享

石淙詩鈔

卷一四

七

君心端不媿公臺洋洋
天地真如在肅肅臣工
盡有來明日慶成沾錦
宴碧桃共覩聖顏開

奉幣供明薦丹霄信步
梯壇高塵界小天近斗
星低祀典三辰重清齋
萬念齊禮成東曙動恍
惚聽天雞

清平李侯五端以兵部
郎中出知吾鎮江府予
老病久不作詩而桑梓
之懷有不能自默者為
賦長詩贈之因憶鎮江
前此郡守固多可稱而
臺南林

一鶚樂平黎天與僊居
三存忠龍谿林廷元之
惠政得民為深近日長
安劉士奇能繼數公後
民方安之忽遷山西提
學副使以去予不能無
憾於吏

部也見山桂公為擇李侯謂予曰是足代劉矣予喜甚故併識之夫以李侯之才之識古循吏有不足為者予姑自鎮江之民所知者言之耳

皇仁如天覆九有詔問百姓今安否僉曰民安須郡牧古二千石今太守潤州咫尺帝都雄虎踞龍蟠在眼中長江西來渺不極金焦為障狂瀾東老我僑居餘五紀作守循良數人爾前有林黎後王林至今頌聲猶在耳長安之劉才且文民歌清靜如前人胡為奪之提學去悉使赤子雙眉顰桂太宰言公莫戚有李郎中與劉匹不然吾亦子潤民寸心豈敢忘疇昔李侯平生真好修

石淙詩鈔

卷十四

六

鄒魯之鄉儒者流丰姿玉樹出塵表心事璧月懸清秋一夜春雷從地起珂馬蕭蕭發行李潞洛朝垂楊柳風官河暮泛桃花水江南花柳盛春光君行無地不春陽人道福星臨鐵甕車隨甘雨入黃堂去年禾苗半枯槁生事不如山水好極知撫字是良圖莫遣催科為公惱病來久謝作詩魔早晚拂袖歸山阿佇立康衢聽民語為君擊節甘棠歌

送俞貞明赴任台州府同知

遷官未脫簿書累稍減遙迎僕僕勞別駕豈能淹驥足專城何止試牛刀青雲高步無塵土黃鵠低飛惜羽毛

聞說台南松竹茂與君同結歲寒操

而翁舊是吾鄉彥之子英年有令名科第久淹漸李邵
催科甘拙慕陽城器從錯節先知利心與中冷或讓清
莫道春明真遠別五雲回首是蓬瀛

題金山圖送太守之任鎮江

刺吏承恩出建章金山南望路茫茫持心好似中冷水
清譽應流到帝鄉

送木齋謝公致仕二首

中朝大老始來歸五疏回天遂拂衣八十被徵前有幾
三孤重拜世應稀明良自慶逢時泰仕止何嘗與道違

石淙詩鈔

卷十四

十九

不得相逢附船尾夢魂空逐海雲飛

公致仕時

年五十八

魏國重開畫錦堂江左豈

應無獨樂朝端方仗有平章已看白髮添新白不遣黃
花變舊黃猶有先愛心事在江湖雖遠未容忘

武定咸寧二侯各以新開芍藥數本為贈水南張

袞補之七峰孫育思和偶過燈前同賞次韻二首

折取藥欄春數本忽驚客舍有雲霞江南舊種知多少

應笑平章不在家

右荅張袞之

江南長共賞園花彷彿春雲帶彩霞同是賞心兼樂事

縱非吾土即吾家

右荅孫思和

書畢餘紙尚多思和三不可以白醉後再疊一章

三載風塵罷賞花醉餐花葉勝餐霞好是周王憂旱日
一宵甘雨慰農家時久旱得雨故云

職貢圖為建昌張侯題

張侯家藏職貢圖宋人筆意今或無巧分物態入豪末
老眼細看仍模糊憶昔承平當北宋航海梯山俱入貢

卉服毳裘雜漢番文身駃舌兼溪洞篚筐甲乙從編排
中有奇珍難具猜纔看名馬安西至又見馴象交南來

殊方壞篋亦無數北向稽首輸誠懷旗上高標登極綱
駟從揚揚塞衢路古來幅員幾萬里禹貢職方難盡紀

石淙詩鈔

卷十四

三

宋家方隅非漢唐圖畫所傳但如此當今中國有聖人

海外重譯皆來賓吾皇不受旅葵獻用物之外非所珍
龍眠作畫不著色千載黃金買真跡世間贗本空復多

一為作歌存賞識

送揚豸史終養回淮陰二首

一雨全消道上塵殷勤斗酒送歸人憂時原憲還非病

回馭王陽本為親此日陳情真孝子他時抗節是忠臣

翻思白首風波裏江海都迷舊路津

逢君無那送君行愁聽山陽笛裏聲薊北鶯花空過眼

淮南魚笋正關情三公不博三牲養天爵豈貪人爵榮

秋水方舟應待我可能乘興過江城

送谷君嗣興之丹陽有序

歷城谷君嗣興以進士出令吾鎮江之丹陽君
飭躬篤學予為丹陽之人喜之新守李侯亦東
藩之彥丹陽政俗一變至道不難矣故予詩云
耳君勉乎哉

疾風撼省樹急雨捎盆荷驕陽變炎熇老鬢益衰頹
瞻長安道病暍亦已多君行向南州溽暑將奈何農家
粒粒心日午方鋤禾乃知循良吏所急非催科奄奄待
盡徒忍復加焉訶於人苟有濟寧暇與他煩將一寸

石淙詩鈔 卷十四

丹為民起沈疴

吾鄉近作牧多出鄉魯英登山眇羣峰望洋極東瀛君
才更篤學辛苦究遺經甲第豈不顯温飽非平生茲行
百里寄霜刃初發礪丹陽俗文雅野曠山水清言游本
學道邑有絃歌聲宓子不下堂泠泠七絃鳴名教有真
樂遑與俗者爭古人重贈言貢諛非我情

夙興趨建禮天門尚殘月雨聲霏然來雲暗彤龍闕蒼
茫雷霆鬪詰旦不肯歇退朝逢使君過我告明發贈君
無長語但云民力竭功名貴及時壯老真倏忽保茲運
城珍慎勿貽玷缺

吳宗海豸史有弄璋之喜且彌月矣今日在予家
席上始得知之口占一詩為賀

解豸行春日熊熊夢又成大人占吉兆英物聽啼聲湯
餅非無約弓裘漫有情慶源知未艾衮衮更公卿

禮部左侍郎劉公舜卿近擢南京禮部尚書南都
國家根本之地上輟日講舊臣以往重邦禮也公

文行卓卓時望方隆廷議屢薦入內閣為禮書皆
不及命至是人或惜之而公自視欲然若以為勿

稱厥任者眾益賢之予因憶成化壬辰入奉廷對
公之祖父憲副公為御史監試見予策甚加賞歎

石淙詩鈔 卷十四

又亟稱諸人予與公交久且厚言念今昔有通家
知己之義為賦二詩以贈其行云

一日新恩下九天尚書南去興飄然龍蟠虎踞興王地
玉署金門上界仙形管春秋時筆削講筵仁義日敷宣

獨懷少小趨廷對乃祖曾勞鑒賞偏

三晉河山秀所鍾科名奕世羨儒宗賢良漢代元推董
典禮虞廷舊讓龍浦樹蒼蒼高葉曉江天漠漠晚烟濃

兩京莫作春明嘆咫尺蓬萊是九重
賦江草圖送人歸江南

江草青青江水平懷歸那更送人行要知他夜相思處

歷盡風霜有佳色孤芳應是避羣葩玉堂天近春先到
十月枝頭爛有花

朝回黃閣看黃菊日色纔臨露未乾却向江南懷老圃
秋容留我到家看

陳生應期儒而隱於商者詩有佳趣得章秋山之
傳予久不見之一日忽自京口謁予京師留數日
辭去口占三詩爲贈用勸其成

京口舊時派易洞還秋山立言根理道不在辭藻閒負
笈紛才俊先後窮追攀蘭若兼翡翠文采成斑斑陳生
性朴茂早得窺元關引觚吐芬辭八眼如瀾翻不作靡

石淙詩鈔

卷十四

三

鏤巧而逞脂媚顏信口道情性放歌發天慳味者不入

賞作家每傳看終當守弦轍勿謂知音難

子長昔好遊足跡遍四方遂以文名世橫歷班與揚陳

生本業儒胡爲隱於商周書遠服賈所志親之廣少年

游淮泗兼涉梁宋疆大河浩湯湯嵩嶽鬱蒼蒼中歲南

入楚巨舸浮沅湘與來賦鸚鵡醉後歌岳陽豈徒吞雲

夢或者隘入荒吾聞千金子坐且戒垂堂倦遊思稅駕

東書歸故鄉葆茲連城珍匱韞還深藏

年來吾家居見子不可得翩然駕方舟謁我來京國我

老病且衰猶作天涯客足難任拜揖眼不辨黑白夙與

暮始歸款語夜數刻雪意忽冥濛朔風撼林樾沈沈動
清酌黯黯愴離色春來吾亦歸漫勞遠相憶

茲壽卷爲蘇光祿母壽

九重錫命下宮墀正及高堂拜慶時有子志爲天下士
何人不羨女中師萱花座上明珠翟慈竹堦前映玉卮
亦有岡陵能祝壽願看丹屋到期頤

送戶部郎中徐中望擢守保定

除書朝下大明宮却望金臺在眼中收守豈能忘國計
朝廷應是念人窮雙旌閃閃明秋日五馬蕭蕭背朔風
誰向燕山伐貞石他時深刻紀遺功

石淙詩鈔

卷十四

三

度支賢屬南畿彥許二泉兼鳳山舊時人物凋零後

之子才名伯仲間莫以催科輕撫字亦知民事本艱難

漢朝循吏多超擢前輩高蹤定可攀

葉原靜爲徐中望寫松石圖賦此贈之

度支之屬出羣材承恩出守古金臺誰圖歲寒壯行色

託物比興何悠哉畢宏韋偃今已矣燕臺葉生近時起

解衣盤礴坐中堂徂徠寫向筆鋒裏虬枝恍忽騰烟雲

鐵幹力可排風雨古稱堅貞秦大夫巖巖之石相倚扶

松不可凋石不枯安得此人如此圖

十一月朔日恭賀長至令節因憶自成化丙戌入

朝至是六十有二年矣雖出入中外而拜慶則同
是日當天子頒朔之期亦稀遇也共得鄙作二首
憶從髫歲謁明光六十三年拜履長萬國衣冠隨蹈舞
四朝鴛鴦接班行中天紫氣浮華蓋午夜祥雲覆玉堂
衰老更逢陽道長獨慚無以答君王

子月天開符泰運一陽先自與春期請看詔錫履長日
正及臚傳頒朔時玉管氣浮灰已動黃鍾律應物皆知
老臣拜慶無他祝祇誦周家萬壽詩

陽岐書屋爲學士張君崇象賦

荆南之南陽岐山繡林佳色相迴環諸峰對峙拱且揖
石淙詩鈔 卷十四 三
寶蓋突立如龍蟠長江西來出其下日月吞吐烟雲繖
面山結屋何爲者縹軸牙籤插盈架虹光高射斗牛間
書聲下徹魚龍舍楚地無勞三獻求燕臺未論千金價
鳳毛采采文五章翩然乘風來帝鄉昔鳴在岐今鳴陽
舊山八望耿不忘荆南千古揚輝光

送大司徒鄒公得請致仕南歸

連章得請遂言歸萬里江湖彩鷁飛勇退自憐因老至
直躬甘分與時違醉斟春水烹魚笋飽向南山采蕨薇
明哲古來多遠畧急流寧肯蹈危機

司徒風望滿中朝苦爲憂民髮半凋優老看頒丹詔下

投簪非受赤松邀江天漠漠冥鴻盡雲日蒼蒼浦樹遙
吳楚一帆元不隔可容結社話漁樵

石淙詩鈔

卷十四

三

姓晉

石淙詩鈔卷十五

明安寧楊一清應寧著

北地李夢陽
門人 武功康海 編輯

元正早朝有述二首

萬炬薰蒸失曉寒五更環珮接鸛鸞班分玉筍隨稱壽
制聽金鑾賜履端一統山河周職貢百王典禮漢衣冠
衰翁一曲猶能賦不是陽春和豈難
春王正月曉朝天銀燭輝煌萬燎連靜聽雞聲催漏箭
遠看旂影隔香烟鴻鈞暗逐三陽轉寅斗先從半月旋

石淙詩鈔卷十五

試向靈臺望雲物定知大有是今年

新春自述二首

嘉靖四年今八年病翁一出久妨賢應憐齒髮全非我
何止聰明不似前臺省同朝無舊侶門牆多士盡華顛
從頭點檢平生事祇恐中心或媿天
七十六年衰病叟四千餘里未歸身一壑一壑本自足
旅進旅退非吾真寸心未敢負天地垂老豈知逢聖神
笑看春草又新綠歲晚相對惟松筠

早春 去歲十二月十七日立春

春風半月已先回怪底南枝爛漫開復恐北枝春意淺

東皇故遣賦詩催

有以白蠟點為梅花覆水中云其自生者坐客信
之家僮不覺失笑余為解之

乍見依稀亦可人無端幻出水中春兒童莫漫相嘲笑
世事方癡大認真

郊祀前二日微雪次日駕出微雨人情胥悅賦詩
志喜

聖皇肅肅奉郊禋天意明明鑒享真巽二先驅消宿凍
滕六扈蹕清浮塵萬馬不嘶金勒靜周廬入望龍旂新
致和薰蒸忽成雨草木盡沾天地仁

石淙詩鈔卷十五

慶成宴有述

憲廟十三年丁酉老臣初與慶成筵四朝簡在恩兼厚
七裘重來寵更偏虎拜嵩呼隨蹈舞滿斟乾飲聽傳宣
鴻臚傳旨官人每滿斟日華已照仙桃面既醉還歌湛
露篇

和韻答崔岱屏索襄陵酒 有序

承以詩索襄陵酒此酒遠致所貯不多且公之
鄉物而反索之我可乎戲答二章

襄陵之酒清於水共飲翻愁不我過但得此心如此水
醉鄉爭似在無何

襄陵正切侯門路鄉郡豈無從事過不是白衣無可遣
陶尊未乏奈公何

岱屏惠黃米酒甚佳再用韻奉謝

君家釀黍亦自好愛我攜尊每見過醉取襄陵同入口
不知風味是誰何

元宵應制七言律詩十首

三五佳辰正月中宿氛斂盡夜無風銀花火樹參差出
月色燈光遠近同雲物已占年大有天心元與帝相通
侍臣莫獻甘泉賦聖代詞章陋漢雄

黃纒高張扇影開六龍扶輦御瓊臺玉關金鑰通宵啟

石滌詩鈔

卷十五

三

寶馬香車塞路來萬炬有輝如白晝四方無事即蓬萊
堯民只解安耕鑿皞皞焉知帝力哉

萬花簇簇錦爲棚彷彿霓裳下玉京春借火雲消夜凍
天垂珠宿麗空明百年治化逢嘉靖萬國謳歌仰盛平

要與細民同此樂宋仁宗是我皇情

彩雲深處動歌鐘星輟觚棱火照空龍管聲遲留夜月
獸爐香細引春風輕寒已向三陽盡樂事須教萬國同

蠟炬燒殘人語靜玉繩低轉鳳樓東

何必霓裳奏彩虹上元佳氣鬱葱葱九霄鸞鳳回翔外
平地魚龍變化中蠟炬夜燒銀漢曉仙桃春醉御顏紅

吾皇自是光明燭葭屋寒崖此照同

元霄燈影接蓬萊萬里烟霄霽色開寶樹騰輝明八極

金蓮散彩照三台上元好是千金夜九奏頻供萬壽杯

聖主要同民庶樂盡收四海八春臺

寶樹樓前散綺羅百年風月此宵多天邊鸞鳳乘雲下

海上神仙駕鶴過翫賞正誇春不老愛勤還問夜如何

昇平奏罷人沾醉出聽康衢擊壤歌

煌煌火樹照彤牆簇簇金燈引御香春比尋常增富貴

月當三五倍輝光如聞彩鳳鳴丹墜眞見紅雲捧玉皇

野老不知天上事却從燈底話耕桑

石滌詩鈔

卷十五

四

纔八王正萬物新隔年半月已回春花明禁苑迎丹雘
綵結蓬山對紫宸燈火九衢非獨樂笙歌五夜盡歸仁

淵衷更念窮邊士賜食推衣降勅頻

煖風時送御香飄和氣融融玉燭調大地春回堯歲歷

鈞天樂奏舜簫韶嚴城衛士閉金鑰何處仙翁駕彩橋

更箭沈沈歌管歇君王又視紫宸朝

五言律詩四首

萬國來朝日元宵慶賞時彩雲高簇簇明月故遲遲歌

徹蓬萊島花連太液池春風如有意先上萬年枝

玉殿春暄座珠樓月滿空果拋紅萬顆花簇錦千叢

氣全消凍香塵不動風願將此樂事推與萬方同
玉陛春如海燈山錦作堆星移珠斗下風引御香來火
樹千枝亂歌鐘萬疊催衣陸色養親獻萬年杯
御水通星漢香風起陌塵金門方與假玉漏莫催頻解
服遺邊將開蒲賜國人汀花兼岸柳次第總回春

送大司馬靜庵胡公得請致仕還鄉二首

中朝司馬去何之病得歸閒荷主知志本無私甘自默
言常過激任人嗤官登極品家如水憂在蒼生鬢有絲
我老未歸君早退江雲回首動遐思

南入炎荒暑霧深東來絕塞苦寒侵一生不作脂韋態

石淙詩鈔

卷十五

五

萬死難移鐵石心曾聽高山驚古調更從烈火試兼金
年來已覺同遊盡欲賦驪歌恐不禁

戶部左侍郎王君載卿得旨致仕猶荷廉正可用

之諭夫廉正二字正君之平生受用處也惟帝知

之夫復何媿予忝有葭莩之雅不及一見而別為

賦此詩追送之

一官清白幾人誇歸去猶勞帝旨嘉祇有寸心能許國

更無一念在謀家情牽南浦丹邊草夢隔元都觀裏花

從此黃塵初脫屣睡烟歌月是年華

誨齋為達宗周賦

退食歸來眼正昏有人持卷過子門誨齋不是空盲者
誨到無言勝有言

君今出宰花封去好把絃歌誨邑人學道本為儒者事
亦知善誨自吾身

臣一清構樓於江南私第崇奉先朝列聖今上皇

帝所賜誥勅璽書諭荅宸翰及節頒經籍制書事

聞上賜名寶翰且命工部造額給與臣既入謝志

感有詩得三首

御筆親題寶翰樓即看龍扁降神州江山動色風雲壯
星日流輝瑞靄浮曾擬載歌歌舞幣已慚三接接康侯

石淙詩鈔

卷十五

六

載天履地渾無補老去唯應臥一丘

新構層樓載玉音直從憲廟到當今聖神千載遭逢日

忠孝一生酌荅心拜賜仰瞻天在邇受恩直與海同深

求歸豈是甘忘世短髮年來不上簪

二十沾恩七十餘白頭追感意何如黃麻紫誥今王制

縹帙琅函古聖書倬映天章雲拱爛影搖星漢夜窗虛

南歸它日瞻依北斗光中是帝居

送錢生迴南歸

病起題詩送子行鄉愁萬種一時平兩年京國交歡地

三世通家骨肉情可信驕陽翻酷暑故知薰蒸有遺聲

送生却憶吾歸日八月秋風白鴈鳴

賦詩送客因憶金焦二山

妙高臺上振衣處三詔洞前濯足時坐對兩山時著眼
大觀千載一題詩雷霆變態風雲舊草木衰榮日月遲
亦欲早歸歸未得海鷗汀鷺莫相疑

歸興憶京口諸山莊

春雨桃花渡秋風楊柳灣石梁坐終日好鳥鳴關關雲
水徜徉處魚樵問荅間門前喧稚子如候主人還右丁卯橋

夢入滄洲野分明是舊遊山城潮夜月野水澗田秋草

石淙詩鈔

卷十五

七

長迷津渡花深隱釣舟五年不歸去吾已媿沙鷗右滄洲別墅

小小茅庵手親結獨向白雲深處歇亂篠叢中注一泉

滙作靈湫流不竭洞簫三弄潭龍吼子規數聲山石裂

曹王峰高幾千尺俯視長江如正帛巖頭老松誰所栽

風雨蟠枝迴屈鐵鷗鷺羣飛不怕人機事已共機心滅

青山笑我不歸來徒把風情向人說詩成寄語謝山靈

肯使烟霞成久別右西莊

鴻鶴冥冥事已遙清溪曲曲下通潮鏡中白髮誰能變

江上青山可待招興到登臨隨短屐客來傾倒醉長瓢

郡城相望無多路也得幽居遠市朝右鴻鶴山莊

題宋人雪圖

老狂醉圖盈尺帛幻出江城萬山雪六月高堂試一懸
頓遣炎蒸成栗烈雪中萬物總風神堪笑世人惟附熱
閉門高臥者為誰漢代司徒至今說灞橋驢子興亦高
後賢相效如一轍西莊山水肖此圖我往常逢雪時節
古木鱗張矯欲騰峭峰壁立危難越徑滑猿猴不得上
水冷鼈魚詎堪掣鴟鴞飽肉鷗鷺饑眼底悲歡各差別
探奇有意入幽深僕夫先愁凍指折門前老梅亦可人
聊對南枝自怡悅看圖動我南歸興心欲奮飛飛未得

石淙詩鈔

卷十五

八

早晚承恩返故山樂與農兒頌三白

閱古山桂先生詩文有作

長因季子識元方前輩儀刑故未忘說理似曾窺建洛
摛文無乃失班揚亦知江漢流終遠可恨人琴早併亡
多少白頭風燭盡九華山色永荒涼

濯谿為張生濂作

松下有清泉萬籟空中落我纓本無塵安用臨流濯
任邱邊生何持子為其父汝成尚書贈別詩卷閱
之愴然賦題卷末

指點門牆一浩嗟黑頭英俊盡霜華參苓貯籠曾醫國

桃李逢春早放花三世公卿還有子幾人骨肉是通家
感今憶昔無窮意瀛海茫茫望轉賒

夢與屋舟翁夜話丁卯橋山莊

不見屋舟三四載一枕分明夢見之二老白頭今夕話
萬松明月此樓詩蘊雲江樹懷人地紫蟹黃柑逐我時
聞道山亭盡蕪廢煩君修葺莫遲遲

介福壽徐母王太淑人也介福有堂少宰徐先生
奉其母而作也曷名乎介福取制詞中介晚福之
語侈上恩昭王言也

石淙詩鈔 卷十五 九
福之介矣維帝之恩既簡既嘉絲綸春溫龍鸞騰霄降

天之門有飭厥躬有婉其容宜其三從因德聿崇封君
之配少宰之母維帝之恩維流斯長維峙斯久

福之介兮維母之慈有淑其儀是日女師相彼夫子克
羞饋祀率其素履振振麟趾維母之賢家人所視

福之介兮維歲之晚母聖善矣慶斯衍矣曷謂其晚澤
斯遠矣維堂孔閑維母所安維子志養匪色爲難母安
其孝子安其慈眉壽無疆自天錫之

介福三章一章章十五句一章章十句一章章十四
句

贈棠陵方憲副

廿載一官遠外憲提刑須用讀書人手中三尺飛霜厲
筆底千言倚馬眞山寺題詩榕葉雨野田觀稼柳花春
試將白刃揮盤錯始信昆吾別有神

送南京太常卿方先生之任

幾載懷人幾月逢忽因爲別歎萍蹤兩京才望今文伯
三品官曹古秩宗南國山川秋正好後堂花竹晚逾濃
中年我亦叨清署塵土飄慚老去容

寄題京口諸山

長憶波心亭能清塵外心乾坤自高下魚鳥任浮沈徑
轉層樓險雲深古洞陰道人吹鐵笛如和老龍吟

石淙詩鈔 卷十五 十

幾向金鰲宿長岡兩岸鐘江山斷吳楚風雨葭蛟龍賓
主東南會詩書童冠從誰家釀春酒鯨飲老能供金

焦山未可至聊向夢中尋白石眠雲處青松匝地陰撼
城波影動到海水聲深三詔懷高隱翻然我右焦山

北園山頭坐長松翠擁幢高雲浮絕島傑閣俯晴江地
僻人遊少天空鳥去雙平生好登覽臨老氣難降右北園

伴鷗行爲呂進士父宗美作

可人避喧遠郊扉朝向江頭水始歸笑呼羣鷗作伴侶
機心不動鷗不飛興來直向沙碣坐聽泛春聲相荅和
黃塵滌盡萬慮空誰道鷗能閒似我乾坤此鳥亦悠哉

不與宿客相徘徊
謫僊筵上時時過
杜甫舍邊日日來
相親相近自容與
昵昵如同兒女語
多情憶我滄洲野
白鷗是賓吾是主
渠不負吾吾負渠
白髮風塵吾媿汝
鑊玉作羽雪爲毛
乘風兩兩相遊遨
浮湍戲渚不啻足
那更滅沒隨雲濤
吁嗟乎滄江未寒
山谷盟介甫相隨
如友生我心亦與
地俱靜蚤晚歸來
鷗莫驚

題魏文侯不失虞人期圖

積雨沒深淖周行
成嶮巖而况郊野
問寸步皆陂池君
侯朝戎僕肅駕將
安之曰我將出獵
不爽虞人期戰國
方虎鬪詐力以相
馳持信者爲誰流
俗翻相嗤凡物類
石淙詩鈔 卷十五

石亭爲陸質之作

石心不可轉介于
保貞吉世事莽難
窺君子慎恆德翻
覆雨雲態萬變忽
朝夕靜固者惟石
特立不肖易伊誰
扁石亭因之測深
識葵梅有蕭索松
篁或摧折雷風任
春撞此石終不泐
持行苟如石福壽
可兼得如山不騫
崩如川流不竭主
人顧斯亭勉旃休
自畫吾家有石淙
體物良有益此意
須默識多言真大
惑

題玉川子煎茶圖畱別七峰生兼訂掃雪煎茶之

約云

孫生不嗜酒懷抱
常醒然家近陽羨
山採摘春之先讀
書有倦時一飲睡
魔蠲世人枕糟醅
如夢復如顛我欲
擊其蒙置之清冷
淵陸羽不可非茶
經世猶傳狂哉玉
川子七碗希飛仙
我病欲止酒夢生
苦延緣茲歸及殘
歲白雪飄滿川雖
無當家姬呼童自
烹煎孫生本清士
猶滯風塵過名成
合早歸無負煎茶
篇

題畫松

朔風捲地寒凜烈
千巖萬壑無顏色
貞介獨餘秦大夫
力抗元冥挺高節
燕山有客清且狂
平生臺素久擅場
石淙詩鈔 卷十五

題畫竹

八月九月天氣涼
解衣盤礴開精神
揮毫吮墨鬼神泣
寒飈颯颯生高堂
須臾幻出數株鐵
徂徠乃在身之旁
潛龍出壑鱗甲動
恍惚與倚杖鬚眉
蒼歲遠心事此圖
識吾識良工有深
意

題畫梅

密竹嚴霜路不分
草堂深坐絕知聞
吾歸亦有袁郎興
不爲仙翁爲此君
家住淇園故不造
更於霜裏見風標
歲寒好結同心社
不獨蒼松是後凋

我家池亭中梅花映池月
歲寒和氣生灑然清興發
誰為貌此圖冰肌玉為骨
感之憶江南孤山隔燕越

致仕出城途次口占

北風吹土黯衣裳
久客懷歸意渺茫
六十年來三致仕
四千里外七還鄉
予自中書告南歸歷官
君臣義重
真難報天地恩深
敢慙忘遙想家園籬
下菊清香不改
舊時黃

附刊王李諸公詩

王守仁

楊遠庵待隱園次韻五首

嘉園名待隱專待主人歸此日真歸隱名園竟不違巖
花如共語山石故相依朝市都忘却無勞更掩扉
大隱真隱市名園陋給孤留侯先謝病范老竟歸湖種
竹非醫俗移山不是愚對時存變理經濟自成謨
綠野春深地山陰夜靜時冰霜緣逕滑雲石向人危平
難心仍在扶顛力未衰江湖兵甲滿吟罷有餘思
茲園間已久今度始來窺市裏烟霞靜壺中結構奇勝

附諸公詩

遊須繼日虛席亦多時莫道東山僻蒼生或未
知
芳園待公隱屯世待公亨花竹深臺榭風塵暗甲兵一
身良得計四海未忘情語及艱難際停杯淚欲傾

李東陽

送楊應寧三首

我馬識君門每過還自止官途亦多歧所識能有幾朝
遊樂方劇暮別情未已平生道義交豈獨愛文史此別
良獨難黯然而已矣
君年十三四蚤以奇童稱蚤詔入翰林時人羨登瀛甲
第豈不貴中書地亦清終為遺珠歎不使四海驚我年

雖稍長學業竟何成送君滄江去江樹遠含情

君本滇南人還生嶺南地巴陵非故鄉京口亦何意莫
問東西蹤浮生本如寄松楸巖成陰桑梓鬱交翠所至
各榮懷功名無留滯吾生半南北歸與子同計舊業空
衡湘僑居託幽薊向來金陵路展轉勞夢寐造物不我
仇卜鄰願當遂此意君獨知吾言諒非戲

送楊應寧提學之陝西三首

君來幾日前屈指算君程君行幾日前使我夢先驚問
君孰為來問君孰為行倉皇六載間展轉萬事并欲語
不得盡欲別難為情

附諸公詩

君從滇南遊意不在金寶歸裝詩篇富遠目江山飽遺
蹤念並墟舊事懷父老重惟宗祧計擇後良亦早建能
爾大觀孝足慰昭考之子孫瑜姿兼聞堵文藻愛之不
可見見彼昆弟好通家情所關茲事况不小願君自珍
惜遠向風霜道

江南形勝地可遊亦可居君居僅六載乃有田有廬種
菘晚成筭買秧秋作魚官程正發軔歸計已有餘君行
世所重君才此方於試看一家業經營我不如不如南
歸去衣冠就樵漁有興苦未遂送君意踟躕

讀柳拱之員外嚴宗哲主事楊應寧舍人倡和長

句戲欽韻一詩

詩壇森嚴陸復精白戰雄氣難忍西鄰有客與亦酣
 醉晚重圍目雙眸居然地隔如秦越或者神交同白積
 故知宮角本精靈復恐圓方不相準向來蹇鈍費鞭策
 已分驚駘謝麟批夾餘萬念偶一生痛木經秋發孤菌
 諸君才力各強健東飛俊鶴西飛隼擬隨磅礴共盤旋
 弱羽真愁向空墮霜天閉門坐不出背擁寒爐曲成蚓
 強呵凍墨吟小詩力困冰毫如荷盾枯腸夜渴吻亦乾
 綆短餅空誰為引回首不如年少時滿堂坐客誇聰敏
 韓公道德日已負后山精力空應盡逢場作戲亦偶然

附諸公詩

三

不覺詩成爲韻窘文章同時不易得三傑古稱吳富尹
 君今並是湖南英鄉邑吾猶限封畛閒官未免鉛槧累
 戶外催通時接軫長歌終曲誰使予歌罷獨吟還自晒

楊應寧母安人受封詩

老去逢恩不自知半生勤儉鬢成絲家如夫子長存日
 身似郎君未貴時拜億登堂晨賀早醉沾開閣夜歸遲
 百年桑梓瞻依地一度生辰一獻詩

次韻楊應寧久旱三首

三復來詩百感侵寂寥雲漢有遺音終風漫挾揚沙勢
 畢宿空懷好雨心坐待庭苔封蟻垤夢驚潭樹作龍吟

原田已恨冬無雪更入新年恐不禁

萬里長空晦復明夜窗推枕畫還驚眞看夏日流金石
 不見天河洗甲兵耕種有期空盡力流離無地可聊生
 綠衣年少誰言事已試君王駐輦情

雪晴和應寧諸君韻二首

雪後餘寒滿素練坐看庭彩動星蟾紅塵迴與東華隔
 貝闕高疑上界瞻牆外經過知馬跡城頭指點見山尖
 聚星堂上多勅敵白戰通霄恐未厭
 冰溜無聲欲墮簷雪花何力更窺簾山橋路滑車猶險
 村市寒多酒正甜甲第好開雲母障貧家空照水精鹽

附諸公詩

四

眼看珠玉裏中盡却怪詩人太未廉

聞應寧遊西山以雨不果戲贈一首時久旱

載載金山夢玉泉北來雙袖幾便旋杜陵雨怯期空負
 赤壁風高興已仙農愛午雲籠苑樹客驚春浪打湖船
 蒼頭也識蒼生意解爲遊人一莞然

寄應寧提學用留別韻二首

天上詞垣近省闈十年毛羽愛追飛南池水煖鷓重化
 西華風高鴈未歸絕足風塵須獨步初心道德肯相違
 網羅刺有求才意未放山林老布衣
 聲價曾傾翰墨林聖朝風教竟誰任冰霜故有回春力

梁棟應勞種樹心猶記籍分中祕久更無名謁外臺深
纔看白髮窺青鏡又逐離情上短簪

次嚴宗哲太守留別韻兼寄應寧

宦轍南來萬里身二川西望入三秦從知太守多名士
更喜監司是故人滄海夜驚鯨力破碧霄晴指鳳毛新
他年記取留詩別庭雪初回柳未春

送柳拱之憲副之岷州兼柬應寧提學宗哲太守

蜀雨秦雲萬里程賢勞還屬使君行山連舊鎮遙分省
勅換新官尚典兵味少漸知鹽酪美地寒偏覺毳裘輕
殊方卻喜同鄉話不負鷄壇下馬盟

附諸公詩

五

題米南宮真蹟卷贈遂庵太宰先生

偶得南宮多景樓詩一首筆墨清潤蓋得意書
也因憶遂庵博古好學而此詩此景又其所卜
居地舉以贈之復追前韻二首書於卷後予遊
江南常登此樓目擊其勝及遂庵既定居而陽
羨之田已棄坐月亭中無我足跡他日展玩間
未必不憮然太息也

懷古心猶壯探奇卷屢開眉鬢嗟我老匱韞待公來寄
遠難憑鴈論文重舉杯他時臨賞地歸坐月中臺

中秋獨坐有懷遂庵太宰

坐久夜方寂望深秋更高霧奩開月鏡塵海靜風濤憂
國頭空白懷人意轉勞汲生猶卧病何力謝官曹

用韻答遂庵

嶽麓峰前湘水陰思歸無計豁煩襟亦知吳越非吾土
未必功名是我心地上青山隨處有鏡中華髮逐年深
故人只在鄰州住空谷他時聽足音

月下賞菊限韻柬遂庵太常先生

不隨春蝶夢滕王又送秋蟬過綠楊佳客到時非舊雨
好花開處亦重陽爲園恨少青山地插帽羞看綠鬢郎
長對此花還此客縱教多病也身康

附諸公詩

六

次遂庵韻二首

一官心事苦難償筋力空驚六十強病後漸看留客少
老來翻愛作書狂南園折柳逢秋色北郭看山帶夕陽
數月閒情今兩度餘生消得幾回忙
丈夫弧矢志終償精力君應較我強定遠功名那用達
子陵風態且須狂東遊關里瞻文廟西上金山望岳陽
回首漢家營牧地夢中猶覺簿書忙

借得紅梅一珠盆花盛開偶與遂庵太宰輩觀之

漫賦一首借梅者崔甥世興

休勞北客問南枝綠影紅香信有之滿坐光風流轉地

半窗晴日上來時煖貪春睡濃如酒冷笑霜髭白為詩
今日定知誰是主客來聊與倒芳卮

喜雨疊前韻簡邃庵

老年風骨歲寒枝人意花情雨得之病後朱顏還誤酒
春來好雨正逢時花緣別久應思主我為愁多強賦詩
寄謝東鄰楊太守肯將涓滴共開后

聞邃庵自得紅梅再疊前韻

載酒尋梅興未涯移栽仙館路何賒冰霜晚節元同調
桃李春風別是家三弄已聞琴八操五更應夢筆生花
芳鄰擬卜千金價老朽從今莫浪誇

附諸公詩

七

石淙賦

聳山骨兮峭嶸中潺湲兮水聲初濺涓以汨滴忽碎奔
兮鏗鉤或在遠以疑近恆自昏而徹明感天機於一觴
眾竊為之不鳴信江南之絕境乃萬類之至精彼瀑布
兮可擬崑蹄滂之足稱爰有三南居士比象引義取石
淙以為名客從湖南而過者曰此非洞庭之波乎碧浪
千頃青山一螺揖靈秀於衡嶽激清風於汨羅昔子之
既溥既長來遊而來歌興懷於楚水之坵寄跡於北山
之阿校風景於臺芒繫孰寡而孰多居士不荅如茲淙
何又有自滇南而來者曰此非昆明之漪乎平地仰曠

從天下垂建長江而直瀉指翰海而同歸昔子之乃祖
乃父生斯聚斯倏星移而地改方挹彼而注茲訝江山
之不可復識抑疇是而疇非居士乃憮然而嘆曰嘻有
是哉吾固知石之為石淙之為淙也吾方手拊鐘鞮耳
聞春撞應噫氣於大塊引希音於清商挾涼飈以助爽
與皓魄而爭光達大觀於無外諒至美之難雙蓋將濯
纓乎萬里之流振袂乎千仞之岡若乃東山在吳以象
舊邦東坡在黃遂名四方彼二東者之偉蹟豈三南之
敢望且夫石者吾知其為堅淙者吾知其為激匪徒觀
物以適懷抑亦將身而比德蓋將礪我粗鈍錫我宿癖

附諸公詩

八

赫塵垢於七情激芳華於六籍嗟人生之有涯見道體
之無息彼羣分而類聚何物非兮大極殆不知石之為
淙淙之為石也於是二客携酒與琴遊於淙上荆班雜
坐林歌迭唱北南俱失賓主皆忘慨聚散之殊塗顧行
藏之異尚三人者各適其適渺不知其所向也

李夢陽

石淙精舍記

昔周子起濂溪之上倡明其學天下宗焉其後自濂溪
徙廬上遂名廬山之溪曰濂溪名其堂曰濂溪之堂今
天下之學宗我師楊公而公亦自安寧石淙渡徙鎮江

於是築精舍丁卯橋名曰石淙精舍嗟乎事固有偶同者非謂是哉愚往觀眉山蘇氏愛陽羨山欲徙之蓋卒不返眉山今其墓在郊郭之間曰亦峩眉者是也愚謂此特文章士不足法及觀周子自濂溪徙廬山則又訝曰茲非有道者爲邪蓋天壤間物無常主自吾之所自出言濂溪也眉山也石淙也固吾土也自天壤間物言吾安往而不得主邪嗟乎古今人用心豈異哉愚不佞少幸從公游以故得竊聞石淙焉石淙有虎丘之坵曹溪之溪螳螂之川自昆明池來者奔流千里其地崩湍激石兩崖菰葦交合水汨汨循其間冷然金石之音故

附諸公詩

九

曰石淙石淙視二子故土吾不知其孰愈乃若丁卯橋負山帶江據東南之會上游之地其泉石巖壑之佳要不在廬山陽羨下也陽羨姑置勿論且廬山其志奚爲者耶顧卒幽抑不見于世今公際明天子拔茹擢用功著邊徼顯名四夷利澤在社稷天下其遷也登橋据水厓坐石磯不一再吟嘯去矣故金焦大江之雲不能奪涼固之塵而甘露鶴林之情不能已龍沙鴈塞之行也雖然君子豈以此易彼哉故孔子曰樂則行之憂則違之夫廬山豈固濂溪意邪愚不佞徒及公之門力不足濬流楊波南瞻石淙特望洋耳是何敢言記

聞余師楊公誣逮獲釋踴躍成詠十韻

六苑中丞府三邊大將旗先皇親授鉞報主獨舉帷朔漠威名壯風霜鬢髮衰功高元避賞道大不容時獄吏輕周勃朝廷重子儀未論遭鵬鳥先已縱塗龜北固潛夫早東山起謝遲蛟龍沒海闊日月倒江垂杖履金山寺文章鐵鑿碑終賴陸贄詔四海漸瘡痍

附諸公詩

十

石淙詩鈔後跋

抱樸子有言梁益之間風氣清貞其中多異人夫人何以異異乎能清能貞而已吾滇自白飯王屈周宣王時王于白崖間傳至元末前後千八百餘載乃替莊豪之裔九隆之後鄭趙之倫中承其乏或數百年或數十年皆未若白王之延且久也計此數千年內十室忠信十步香草豈無魁倫冠能彬雅之才為坤文井曙光而流傳者經學自漢尹珍始相業自明吾宗文襄公始文襄生於景泰五年甲戌十二月在天順間以奇童薦十三齡當成化二年丙戌入朝為翰林秀才壬辰成進士歷

石淙詩鈔

跋

一

中外六十三年游膺節制經略遂躋揆席重保傳凡三致仕七返鎮江生平以范文正先憂之志為己任以堅白不磷縉之守持之終始其參贊於密勿喉舌於丹展錄圖之側者不可得而翔實也其匡靖屯險修增防禦詰兵定邊鋤奸引賢汲汲於持盈救奢澄政恤民之大者於關中奏議獻納稿詳之而其愛君慮國憂時憫物規迺友僚之誠則一一形之於詩先生石淙詩今存十五卷凡若干首不矜為詭奇險僻汗漫之言而灑落敦摯皆出之天趣而適于自然風骨在子美子瞻為近而五古沖淡尤逼似王孟子美子瞻限于選而先生之遇

過之其忠愛之忱未有以讓二子而恬謐蘊藉二子亦

不能及也吁以先生之經德秉哲赤衷坦度真可以盟

金石質鬼神者而乃為劉瑾朱寧等所沮既罷休者數

矣而先生鴻毛視之曾無帶芥于險詠間蓋天道不能

有陽而无陰故天下不能皆君子而無小人先生有不

得行其志之時先生以為是固然無足怪也或曰清貞

之氣多梁益何以文襄後少有再為保傅者應之曰有

文襄之位則間焉能志文襄之志者不乏也袁蘇亭滇

文滇詩之刻具其略矣適予同年生樂固坪將以石淙

詩付梓屬余校其魚虎余深幸得讀文襄之詩更望此

石淙詩鈔

跋

二

刻之速成使吾滇人皆知所以志文襄之志也校畢乃

沐手而為之跋于詩後時嘉慶二十年乙亥維夏月之

四日石屏後學宗末桂森謹跋

石淙詩鈔後序

嘉慶乙亥刊刻楊文襄公關中奏議既成將以石淙詩鈔付梓客有自詡能詩者謂余曰奏議尙矣詩非文襄所長無刻便詢其故曰用典複句未鍊也余曰異哉子之言詩也將誇多闢靡以爲能堅僻詭異以爲奇耶夫詩之旨不外溫柔敦厚而忠孝實根本之所存但使發摭性情言皆有物涵養精粹歸於自然則能合天地之正聲舉可以不朽文襄博雅冠有明楊升庵殿撰奉命祭江謁先生於京口叩所學莫窮涯涘乃傾佩稱一代偉人則苟探囊中所有隨物而付又何難在珪而方在

石淙詩鈔序

孟而員今觀其詩隨意舒卷中間拈引故實皆人所習見習聞而用之反覆正側神明變化總能氣機敷與其聲韻叶和至於鴻章巨典經綸世務千端百緒他人蒼黃拮据莫從應付者先生探喉而出舉泰山不啻鴻毛此豈撫拾餽釘泥於迹象者所能髣髴萬一先生曰詩至晚唐人已厭末流誰遣又西崑子今乃欲以堆磊彫鑿之形加多於先生不既爲先生竊笑哉且夫先生所大過人者道德功名也父仕化州同知歿貧不能歸流寓鎮江而心戀石淙形諸詞賦慎擇宗嗣萬里還滇謁祖墓則曰可憐鬱鬱佳城地吾父游塊尙未歸是知

非輕去其鄉者性嗜飲而力戒之止酒十一篇直自肝膽流出蓋奉母教保身以爲世用也當其時歷仕四朝出入將相所輔既未必明聖之君而劉瑾江彬之流煽惑於中鄭宏實鍾之輩鳴張於外西北鄙烽烟聲息連年震滅凡先生所設施類皆振殘起敝收拾於灰燼之餘而時議比之姚崇中旨期以方召力出所學拯救時艱是豈得逍遙於明窗靜几效書生含今茹古謳吟篇什以爲樂而崎嶇戎馬之間調和鼎鼐之暇情有所注不廢咏歌揖讓俯仰正大和平固不待推敲工拙鏤血斷髭而後成章也抑夫人死生禍福之交驚心動魄則

石淙詩鈔序

語言失序或積怨成怒謗誹難平非涵濡義理充足於中能自勝於天人之際乎先生心迹光明能見信於君子未嘗不見留於小人宦寺之害猶可言也璵璠瑄韜之黨陽爲推崇陰實擠排詔獄被逮奪秩誣贓當此之時恐亦有自失常度者乃觀其見新月渡江諸篇木栝在手之時依然憂國憂民之念而雍容遜順不激不隨然後知先生之政績邊功所以赫然人望者無往非忠孝積聚而成而非石淙詩集無以徵其忠孝之實是烏可以不刻客曰此固然矣而詩之品地亦有辨李空同不亦曰唐宋調雜乎余曰嘻子奈何徒以調言也吾

師崛起楊與李力挽一髮回千鈞此獨非空同之言乎
夫唐人咏物風流自以蘊藉爲高宋儒談理曲盡正不
必故作留遺豈程朱張邵諸子之作竟可以爲未承大
宗而廢之耶空同曰唐宋調雜余則謂無唐無宋乃楊
文襄之詩也今試綜而論之五古冲雅恬適居然五柳
家風餘則雄渾博大直趨老杜門庭間有推闡太盡類
宋人者而無非書寫性情本天地自然之音以合於温
柔敦厚之旨則既不失三百之遺而堪垂不朽矣又何
必唐宋云子不知詩言固妄耳子自謂能詩而言若此
而余不辨人或因子言而禍文襄並將詩教從此而晦

石淙詩鈔

序

三

矣豈不深可惜哉客語塞而退乃校刊既畢工書此跋
後以識向往時嘉慶二十一年丙子春正月中澣彌勒
後學固坪樂恆拜手書於昆明學廡之吾鑒吾齋




常

評

事

集



常評事集序

夫物有至壽而不朽焉者其道乎文者道之華也道不朽故文亦不朽是故道者天地之始羣物之祖也天地其闔闢乎羣物其生死乎而道則常運而不息是故海水之為瀾也有聚散而海唯悠悠焉爾矣故曰晝夜者生死之道也是故人受天命之中以生也其道同唯夫氣之萃也有消濁物之蔽也有淺深譬如水之清而穢諸塗譬如鏡之明而蝕諸垢聖人者洞然而至清廓然而至明與道為一者也故其文與日月明與天地並焉衆之去聖雖殊也苟反於道則其歸也一而已矣是故伊傅顏孟之徒奮乎千世之上而神采精英至今燦然其弗滅也唯夫人生也弗知夫同蔽也弗知夫反是故剛柔判善惡出矣剛善者氣多豪邁柔善者氣多肅雍而惡者始相遠也是故其氣豪者其志慷慨以慨故其詞多洋洋焉其氣邁者其志壯以烈故其詞多洸洸焉其氣肅者其志狷以介故其詞多冷冷焉其氣雍者其志冲以紆故其詞多瀟瀟焉夫此類也

常評事集序

山西省文獻委員會印

聖人之文弗如也然皆可以麗世而垂邇不朽也已矣是故晉產如常樓居子者彼所謂豪邁之士也是故其幼也達能文而好古其出而為評事也方在弱冠而獨超然俯視一世故其所為辭若層宮殿若神鑪而莫可窺也是故賈誼樓居子則乃託意用酒既又放形洞靈之墟以自浼焉故其所為穆若玄穹洞若幽察而莫可窮也是故微毀樓居子則又就移壽判禦寇而報期捐軀故其所為奮若震霆矯若翔龍而莫可攀也是故取則樓居子則又歸臥橋山之陽養晦以自適焉故其所為蕩若鈞天悠若雲門而莫可挹也是故起憐樓居子則又颺颺如也豈難如也得年才三十又四而乃又遽爾已矣噫天何奪我樓居子之速也孔子曰四十五十而無聞焉斯亦不足畏也已夫以樓居子之才而又方在壯年使其不死反身而求道以蹈焉則其所就當繼六經而傳也奚翅浚騷駕選已乎噫天何奪我樓居子之速也樓居子既沒之三年會稽太守南瑞泉子者北遊而南放于平陽太守王玉溪子者避而與之遊乃出所收樓居

子之集而示之瑞泉子覽而歎曰惜哉其可悼也已矣哉吾不復見樓居子清廟遺音黃鐘蕤籥猶幸得見是集焉則是亦可傳也於是校而歸之玉溪子玉溪子乃遂刻之而樓居子之沒也始不朽矣樓居子名倫字明卿沁人玉溪子名濬字公濟開人瑞泉子名大吉字元善渭人三子者同舉幸未進士而瑞泉子之與樓居子者友也又自夫幼幼者也玉溪子初亦為沁水令故知樓居子者其二子若也使其不死豈止是邪孔子曰朝聞道夕死可矣嗚呼其真可惜也其真可悼也已矣瑞泉子曰予校樓居子詩得古詩四言三首五言二十首七言十又九首律詩五言十又四首七言十又一首排律五言七首絕句五言十又二首七言十又五首凡百又二首夫所謂樓居者託仙人好樓居之意以自況也故集中有仙人好樓居篇樓居子之出也初為大理評事故曰常評事集云

嘉靖戊子夏六月癸亥瑞泉南大吉撰

常評事集序

山西省文獻委員會印

新安後學羅文瑞書

常評事集卷之一目錄

賦四首

丹賦 擬符體

石樓賦

別懷賦

筆山賦

樂府 二十一首

上之回

烏棲曲

放歌

陌上桑

當窗織

常評事集 卷一 目錄

述別

大堤曲

妾薄命

四言古詩 四首

乘馬 三章

樂字

沁水常倫 著
邑人韓范編輯

常評事集卷之一

山右叢書初編

賦

丹賦 擬符體

有物於此產於北坎交於南離者可少艾朽可神奇無父無母先天而生非日非月煥赫其明乾坤不能包其大鬼神無以測其靈為道之祖互萬古而莫能名凡愚蠢蠢皆然無覺就正聖師願聞崖略曰此夫浩浩廣博不擇人者與神而有信靜莊真者與先死而後生者與得類而同征者與潛伏而謁時者與日暮途遠倒行而逆施者與息以為祖天以為師日以為符月以為期動赤欽黃薪立為基其甘若醴其滑若脂一獲永獲龍師雲龍百昌莫殫請歸之丹

石樓賦 有序

常評事集 卷一

山右叢書初編

夫石樓吾邑之名山脈自太行沁寔經焉我大司徒季公取以自稱倫無似雅辱國士之眷故不揣蕪劣爰造茲賦雖詞之精典少致仰止之私云其辭曰

維太行之盤紆兮屹雄鎮乎四州胡厥脈之遐衍兮鐘茲山曰石樓鞠嶠嶠兮散嶽嶸嶸兮崑崙崑崙兮天巧而神奇冠星辰兮蟠地絡仰捫九關兮俯睇乎雲霓之承躡峰隰翔翥兮樂積遠古之冰壘谷幽邃而窮窅兮蹊蹊巖巖以傲折扶桑左顧兮迥右盼乎流沙眺崑崙而指弱水兮紛奇觀之已涯厥壤沃而佃潤兮茂委以夥木松桂蘭蕙兮椒蘭樸檉奇鳥異獸兮紛紛疾疾巢林薄而遊岩麓環沁流之泱泱兮順趨乎淇海之遙也時潏川而滋汨兮勞軋乎廣陵之潮也遇有碩人降兮后皇是輔重華作兮護龍躍武伊尼阜之效靈兮嶽降自天茲邇覽而越聽兮吾始乃徵其洵然進作忠以事君兮達哉括默乎功成禱斯樂以高臥兮履坦坦兮怡情茶研簡于峻高兮被草木以麗榮

名與名之亡極兮於何幸兮山巖於是稱歌曰鞠彼南山麟與行兮仁者樂之
名孔揚兮威鳳歛翻千仞罔兮山中藏桂樹兮羊兮魏闕延佇能可忘兮歸來
蒼生望兮

別懷賦

耿中宵而不寐兮符携手而不釋何予身之獨留兮猶驚鴻而遠適嗟天時之
悒悒

清白露下且霖雨之淫淫兮山擁塞兮煙霧慨文豹之深伏兮反想夫龍魚之
澁藏忍遊子之長徂兮衡周遯兮魂將雨霜愷異時之全盛兮蒼在抱余弱冠
結二姓之婚媾兮葦衣冠兮華館曾歲月之幾何兮予抱歿而離尤賴 后皇
之明聖兮賤臣得予告兮西州遂携女姊而來歸兮汨乎六載之淹留始予考
之不諱兮竹迨追兮我外舅背予大父之丘墳兮鶴原曾不得以歡親願吾生
之非薄兮世已矣夫焉求時能訣絕于骨肉兮因念夫狐死之首丘復前却之

常評事集 卷一

二

山西省文獻委員會印

落燕兮違雁戒乎垂堂女鸞鷗之卓犖兮曳泥甯之倘羊鵬飛鴻之冥冥兮惻
飲儀而樽觴淚縱橫以沾臚兮恨別促而晤長氣紆軫而誰語兮予真舍我而
翱翔成秋蓬之轉薄兮追婢媵兮春華攬雲軒臣予予兮聊飲泣而作歌曰
山川留滯春徂秋子復乘我購娛愛道路阻修日月驟離別何其色重觀保體
千金行善

于中野庶來復 下叶月夜古天字

筆山賦

山形照石色借驅神兵加斧鑿儼乎大鏡之開涼乎寒玉之削雄一邑以掛鬼
鏡三晉而棠箬極萬仞之盤旋峰五峯之立卓疑天上之飛仙遺神中之筆開
以天草爲穎毛化硯池爲滄瀛石立人形崖崩虎攫怪奇奇雲翻落落東則
沁河浩蕩山環其中萬頃一碧泛綠浮紅波搖明月浪拍長空可登兮可釣可
浴兮可風一瀉千里莫竟其別南則小山玉立狀若崑崙黃沙崑崙翠柏成叢

乾坤秀氣造化神工肩武夷兮丹山碧水太行兮怪石危峯若紀計之有盡
雖九章而無功于是自西而望則雲林縹緲有山翕然煙霞出沒光景連綿
鎖樞人之路花迷仙子之岳鄧楚山兮六六巫峽兮三三自北而眺則山名
賦屬一參一差一弛一張集岐山之瑞來沁水之陽異兩石之分立若一刃之
所傷玩斯山也則浩渺乎若憑虛御風而不知其身之幾許聽聽乎謝塵羽化
而不覺其心之猶祥也客有自西方而來者零以告先生先生曰噫吁嘻此吾
志也試爲子言之粵彼晉陽實予之鄉山塵雨連天之一方胡馬依風丹葵向
陽故皆知外之不足貴抑亦思本之不可忘第欲早尋乎青山之郭將以晚拂
乎綠野之堂聽子言之是是使我心而皇皇客乃俯而嘆曰於哉物華兮天寶
人傑兮地靈惟山川之秀乃豪俊之鍾蓋聞筆山之所由美因究筆製之所由
與故夫太極抱負造化蘊藉神機之破鬼物之泣雲漢昭回日星分汲此天地
之所以爲筆也鳳鳥有威麟獸就殊隻字哀燕片首斧抑群后賦否天王黜陟

常評事集 卷一

三

山西省文獻委員會印

此春秋之所以爲筆也雷奔電厲懸露滴畫南山鴻飛西適出入有袖迅
速無覓此學士之所以爲筆也實該事工衷奮賤的一夫所言萬世所道正人
直書絕惡如敵此史氏之所以爲筆也今先生名著于海宇望隆于公卿筆端
霜華筆陣風生吐胸中之綿繡燦筆下之醇醪驅海海兮祝滴煥星斗兮文明
固將以經綸之大手寫天下之太平而晉之山名爲筆者又奚足以爲先生之
經營哉雖然蕭齋始號古以別名後之因之是則是憑或越大山水成扁夫軒
亭脫姓字以專美與詩人而結盟緣小子之何誠惟先生其自評與其千里之
徒慕孰若一覽之稱情慨筆山兮何幸共人琴兮俱清乃歌曰沁之水兮筆山
仰高風兮難攀挹先生之清兮與斯山而班班先生亦起而歌曰筆之山兮沁
之淵身清流兮心高于顛予之號兮子之宜良有得兮我心之同然客喜而笑
相爲欣樂月落空客去不爾先生援筆而書拂琴而操蓋有得於高山流水
之調也

上之回

上之回雷震鼓電揚旂八駿舞雙龍飛人間曾不足徘徊更欲鑄鼎擬軒后脫屣妻子乘彼白雲歸

銅雀伎

慘慘西陵望悠悠化繁深繼帷朝夕奏陵樹鬱成林薄質非真願悲歌徒至今別有承歡者椒蘭異寸心

烏山樓

斑駁搖轉嘶春風腰環玉重錦結重背樓倡女辭嬌面高調唱琴瑟耶盼鏡臺尙繞脂粉香雲鬢初試金鳳凰含羞凝眉耐催促欲前不前影華燭烏山樓楊柳烟曲房夜宴金屏前笑脫寶簪叩翠柱聊且聽耶歌玉樹

善哉行

常評事集

卷一

四

山西省文獻委員會印

龍不易章風不更彩玉抱堅貞磨而不敗丈夫處世行行虎步時止則止復何回顧知機其神猶豫禍大伍井逆旅李曉稅駕高商山中多紫芝卓哉黃綺尤矣吾師

放歌

樞下開龍殿匣中繡寶刀魚服大羽箭多半仙皂鵬拂塵命徒侶長嘯出東郊猛虎不再顧秋水有潛蛟時哉勿重陳臨風焚六轡

東飛伯勞歌

春來飛燕秋歸鴻巫楚兩行相從誰家艷色絕代人鮮粧袂服照東鄰珠簾繡戶藏春粧玉臺寶鏡對花光可憐年可十四五嬌翠山來解歌舞風前花落溝水流空餘窈窕誰可求

陌上桑

日景城頭花轉照羅敷家羅敷晨起粧青鏡雙鴉錦衣被明月寶鏡輝時霞

續續行採桑盈盈步淺沙傾筐時顧盼唐棣無顏華遊近逢五馬謁廳期同車兩兩看鴛鴦各各在水邊使君亦智若賤妾豈偏家

放歌行

道路周旋凡幾日石榴花發垂朱實蛾眉之月俄下弦梧桐一葉驚風前不謂使人悲落木紙綠撫景惜芳年芳年去去東流水無情日月雙丸駛幽蘭蕙桂且夕芳去燕來鴻迅如矢悠悠轉覺行路難紛紛未見眼前是有身不願留塵凡性辦海濤山嶽時胡爲人後人復憐丈夫自有制命權所貴我身壽天地植辱豈值浮雲烟無須遠遊期八極歸謝時人返自然

其二

我久絕塵緣塵緣與我絕自視六合交眇然胡與越乘閒即縱醉不識富與貴富貴良悠悠得失非我愁我愁遠未逢不得凌滄洲滄洲何處玉城十二樓世人妄謂厭氣之所結不知實在扶桑之東頭鳳麟如雞大金玉輝丹丘鼓煉

常評事集

卷一

五

山西省文獻委員會印

立黃激水火但見日月往來于方圓之際無停休昔聞園土作愚人作愚人我輩稍難或是分萬一於天真不然少小混濁世如何便能汲汲求隱淪淪淪之人乘紫雲乘紫雲非有神童董童子輝借冊黃庭自解生氤氳

當窻織

當窻玉手織流黃一日才成半匹強千絲萬絲那可數斷斷續續儂心苦

采蓮曲

素月開歌扇紅裙舞衣隔江聞笑語隱隱神歌歸

其二

棹發千花動風傳一水香傍人持並蒂含笑打鴛鴦

其三

沼月並舟蓮荷花陸江水笑學鸞窗開小小新蓮子

蓮子

晤對樂居人浮客促歸思曉月欽未光僕夫儼相迎遠送越郊垣願言不遐棄
故歡難莫追新賞或可冀 一册

可冀還伊何維胸南山陽托宿蓬萊關飲饒勝盡歸幾桂迥見招幽蘭不可忘
唯靈俄西隱乘鳩仍彷彿 二册

彷彿款未極戎車已在門時哉不我假東轡候朝暉且夕復再易嬾變意彌敦
滯滯長驚鴛鴦傾中曲言 三册

款言止林丘騷歌終別促卷卷情不忍成成分平陸仰瞻浮雲翔背飛雙鴻鵠
行矣加餐飯惠音竹金玉 四册

結客少年場

結客多少年鞍馬何翩翩馳過邯鄲娼夾坐唱鳴絃醉一然嗜劍挺起當筵
壯士行何避輕賈入幽蘭斷彼管者頭漆之爲飲器生當持報君死當爲鬼厲

大堤曲

常評事集 卷一 六 山西省文獻委員會印
襄陽女兒十五餘耳後雙懸明月珠日暮放歌堤上去春風習習動羅襦

仙人好樓居

蓬萊何所有擘擘多靈芝金銀爲樓觀海氣欲凌池玉塔鍊起鳳實柱刻盤螭
明月交精輝白楹廳四遠下瞰神紫首上拂扶桑枝間雨燭龍照耀黃金墀
中有神化翁綰約好容姿藥笈鼓大塊元氣由噓吹迢迢先浩劫來去方無涯

妾薄命

已矣復已矣奈何當奈何妾身自薄命忍賦展顰歌

四言古詩 四首

乘馬 三章 莊集侯

乘馬既馭僕夫啓途之子何之駕言西徂衣冠濟濟飲饒於郊林初出日候兮
迢迢青繩白壁實隲我心侯行自保遲子好音

畫馬

吁嗟瘦骨曾馳千里鐵道尙龍君胡棄爾

樂字

月白風清天高地闊浩浩中立云胡不樂

四日 樂與中作

勞勞行役徂江之東我憂炎熱慰此雨風曉曉曼天密雲不雨今此野首命懸
稷黍愧無神術叱彼毒雷響答滂沱江海摧頽八荒普澤年盡大有後天下樂
陶然樂酒

常評事集 卷一 七

七

山西省文獻委員會印

常評事集卷之一終

常評事集卷之二目錄

五言古詩 四十首

怨情

望山有懷故居

東樓偶然作

飲酒

王侍御公濟過沁水別

秋夜懷王公濟

客行篇寄山中所知

宿太行寄懷馬仲房

大風

大醉後題大雲寺閣柱上

杜工部

李翰林

風雨留樊莊四叔家縱筆

東初風雨在韓王村作

寓言

東樓偶然作 又三首

述情上大司徒李公

飲酒 又一首

寓咏 四首

送何邦瑞之京

常評事集 卷二 目錄

山西省文獻委員會印

答李仲甫

懷古蹟 三首

夜酌

遊仙二章寄外舅陳洗馬先生

司馬文園

陳思王

陶彭澤

奉勅大司徒李公

山居懷王公濟

秋夜詞

常評事集卷之二

沁水常 倫著

邑人韓范編輯

五言古詩 四十首

怨情

金屋貯阿嬌 拔庭非龍顧 賂金愧顏色 持扇悲執素 徒使濃華歇 坐惜芳時度

緒帶緩春愁 玉屏隱朝霧 在昔妬媚媚 妾身豈永慕 所嗟按圖人 多為圖者誤

望山有懷故居

羈步局重城 流觀狹四野 高高見西山 鄉愁飄似瀉 天際望不極 延佇聊瀟灑

落葉歸故根 山雲滿挾橫 無情何有適 何以慰離者

閨情

長空燦明月 河外澄清光 搖搖片雲間 時星耀微芒 羽山啼日夕 炎熱為感商

常評事集 卷一

山西省文獻委員會印

清閨不能寐 攬衣起開房 羈離號林木 徘徊深正傷 蘭蕙被階除 諒美非時芳

離居不可致 離思復難忘 憂來可奈何 獨掩羅衣裳

東樓偶然作

雅好逐萬物 近覺寸心慵 臥起重樓上 窓牖俯喬松 白雲變日夕 南山蒼翠重

寒泉垂網練 高鳥度空明 景閱春秋變 氣受天地清 翹首觀大象 低首覽幽經

飲酒 三首

仙人東樓上 笑盡瓊卮酒 片月忽飛來 皎皎當窓牖 月明酒復甘 酣歌不釋手

興長嗟漏短 倏忽天將明 北斗看漸杪 躡躡亦既鳴 今日如昨日 念之心平營

百年去安極 消息此虧盈 聖訓尚休否 人世更衰榮 庶幾竹林下 可以稱蓬生

王侍御公濟過沁水書別

鄉縣吏人喧 候騎揚鞭急 辭陶結歲時 遲君欣佇立 望望日欲暉 鼓吹滿城入

共歡明月圓 爾知客寐濕 別鶴送凄琴 羈愁且復及

秋夜懷王公濟

月麗西南隅涼感動綺疏如響何繁唧唧聲除燈火度閒房鳴鴻渺太虛
起坐詠北風揮琴意有餘所懷獨不見秋氣悲何如

客行篇寄山中所知

客行千里道塵土緇裳衣鬱鬱胡不樂思欲復西歸逝者如斯夫朝露待日晞
人生一世間乃與願相違黃鶴舉何適鸚鵡棲何卑撫劍獨嗟叱臨歧浩徘徊
因風寄黃綺管安非所希

宿太行寄憶馬仲房

盤紆太行道行行衝北風伏馬疲日暮息徒蒼莽中之子倏異域晤言時與同
展側不能寐撫劍臨前楹明月望霄漢四衢羅列星咄彼參與商使我心冲冲

大風

勢急過崇朝聲殷起初曙五岳欲東頽萬水逆西注皇矣漢祖詞雄哉楚臣賦

常事集 卷二

所願列子遊颺歸返天路

大醉後題大雲寺閣柱上

謝公昔高臥挾妓東山遊豈榮黃閣貴不顧蒼生憂轉緩聊暫出江漢乃安流
國器良有待局促非吾倚

杜工部

少陵本曠達神秀鐘華峯兵戈陷巴蜀白首悲固窮編彼周漢遺誰為百世雄
茫茫延六季綸脫紛離齒尙友良卓然一掃鉛華空曠哉走巨壑皓若攀游龍
長懷阻今昔寢瘡掛高風

李翰林

白也稱楚狂長嘯隘八極吐論譏仙才浩歌知酒德藉藉陰何間逸駕時凌逼
及用嗟未幾風塵遂長謫寂寞彭成居千載為惻惻徒傳臆巨鯨幽渺詎可測

風雨留樊庄四叔家縱筆

駿馬背連錢拂拭錦鞍羈夜飲黃河山朝登太行巔道逢玉童子袖出洞壑篇
却馬留岩室從茲千萬年

冬初風雨在韓王村作

支離醫天字層岩秘陽精風巢多棲鳥冥鴻無停征澄波下木葉虛除寒雨零
零雨非潤物北風淒以肅志士感歲時豈伊嗟桂玉短褐被山阿兀然抱幽獨
幽獨將何如在昔多窮居雞鳴起冥海取樂於琴書歲晏亦已矣懷春緒有餘

寓言

萬物靜自化天地初不知玄液入五內融滑若流脂殘者近少艾腐朽為神奇
未須鞭八駿目眈即希池

東樓偶然作 卷二

自古賢達人恒言傷春齒妙理無窮門似是非精詣一息冥至道譬諸一日死
誰能為此言吾師關尹子

常事集 卷二

其二

東園桃李樹芽枝綠相生春華始天葩秋葉儻凋零上士體微妙超然神欲行
有生即有盡常道自冥溟

其三

狂士偶坐忘童子為焚香寂照滿天地不覺松風涼剎然見明月長嘯歸岩房
閑留日月住且獨與相羊

述情上大司徒李公

微軀何薄劣弱冠侍清朝為郎非所好移病歸東臯自慙終滯計七見發天桃
風塵屢傾瀾琴酒餘逍遙欣遇日月新不辭那國勞職司期死報宿貴非所要
時命乃大移愛管風自招縱鱗越下流鐵網投蓬蒿幸親謝太傅東山時見招
過垂國士願期我以雲霄在昔嗜玄典先民仰清高長公一仕漢巢父獨辭堯
心事倘逢白丹紫嬉以邀

飲酒

狂醒困旬日不敢開微酒鏡忽自笑何以慰當年冉冉歲云暮谷風行踏旋
四序寒暄變百年陵谷遷根今甘碌碌懷古傷漫漫賢哉天魯國醒者沉荆淵
達矣荷鍾翁死生不入心當杯燭宜乘無為負新愜

寓詠四首

幽居觀物理遠取有餘情鏡燈明月滿香結鮮雲生曲池雙桂樹烏棲夜夜聲

其二

末季安天折鏡鏗特永年有盡皆大夢茫茫誰後先乃知延命術未足升雲天

其三

靈藥隱異名玄文秘微旨經傳函關獨書授圮橋履張華徒博物倚相虛散史

其四

世人嗜黃白傾家求至真萬失冀一得欲富速長貧詎知懷玉者披褐遠風塵

常師事集 卷二

送何邦瑞之京

獨與故人別不任故鄉情秋山望無盡繞樹秋蟬鳴酒酣脫實劍贈子願口行
橫琴聊寫興別鶴調淒清

答李仲南

翩翩李公子琪樹臨風前過我羅雀巷慰我伐木篇慰我支離人勉以東西緣
疲蹙不任策冥鴻謝絃絃止止每自足數數欲誰妍茂陵慚小技海嶽憶真仙
因君感神宇吐意寄言筌

懷古蹟三首

達人良有托下士紛相猜二豪昔大笑於今安在哉君看醒酒處萬古一高臺

其二

中散性嗜煨風流絕世塵雖稱養生論未解鞭羊真向生汝賦地重迥亦傷神

其三

漢祖揮長劍時清歌大風業垂兩都盛雄驅萬世功啓亂非朝夕山陽嗟爾公

夜酌

爍爍雲中光悠悠下燭照旅雁亦何哀高枝喧暮雀長夜殊未央旨酒聊自酌
適意非獻酌屬良獨樂嘉時難展得掩成已如昨醉彼桃李蹊豈伊綏如獲
時蒸蒸魄蛇求仲羞尺蠖長嗟不滿百所須千歲藥唯哉形獨留長勸竟焉托
念我宿昔居雲霞望冥冥歸來姑射山仙人長綽約

遊仙二章寄外舅滕洗馬先生

巍巍太清上梵炁千萬重金闕榜大赤中居鶴髮翁文始扇其側談道放鴻濛
厥初立大塊治土仰空青水火幻二物萬古旋其中玄化浸相長綿綿用無窮
縣此詔來裔倏然開群蒙

其二

梅生育仙骨葛子達靈籙在昔高上人接罔陷神仙榮翁歌帶索萬世稱名賢

常師事集 卷二

我生免賈賤况富大馬年脫畧依山阿亦惟欣永延時哉難再得行矣復何言

司馬文圖

長卿詞賦雄蛟龍潛江溪滌器不足煎題橋聊自矢遊梁竟蕭索賦漢何華綸
網駕剛風會驅弩良亦侈晚節淪茂陵移病老桑梓徒聞身後書登封太山曲

陳思王

思王冠鄴下本自不世才婉孌退柔翰渾落千人開時名籍朱邸高風傾雀臺
連璧豈相下入室生翠精曳泥幸自裁圭桐已再載嗟嗟箕與豆千古為悲哀

陶彭澤

陶令冲散徒由來達人曾雅德浮潛輝流譽邁時秀代謝占斯須出處乃邂逅
塵俗眩紛華王謝遍綰綬沉酒非酒淫稅駕聊自守燭世著醇樸丹衷良可觀

奉謝大司徒李公

崑崙泰華峙崑崙溟渤深開闢儲元氣造化寧無心唯公天所挺鸞鳳中仙

功成在寰宇身退乃山川山川來谷風高會開東閣
壯猷仰笑言周旋瞻躡鑠君子綏福履昔出詩人歸如海之不竭如岳之不蹇
帝典詢黃髮赤鳥一朝還

山居懷王公濟

夏山滴蒼翠樓閣俯芳林白雲開遠眺玄典慰幽心
素琴時在御澗酒時自斟
持此足自樂恨不同所欽仰願西飛鳥情馳金玉音

秋隱詞

輝輝粉黛粧盈盈鏡奩影結東鄰芳春願盼情流景佳遊選樂方馳情暢幽境
雲際構重榭花間飛並綆舉秋蕩輕颺揮汗浹垂領側矣道傍觀危哉聊見避

常評事集卷之三目錄

七言古詩 十八首

萱竹園

長安大買行

陳氏山莊送吳子還澤

寄吳子

醉時行

徐魏二生歌

思歸吟

謝王公濟貽書苑歌

夜望行

去歲行

祝莊行送葉子良器之東昌

敬亭行奉贈張中丞公

書孫秀才壁

憶昔行

真卿帖歌 有序

黠馬行

城邊行贈蔡典史震

詠筵山

五言律 三十二首

常評事集

卷三 目錄

一

山西省文獻委員會印

經海子

復會南瑞泉元善度上得孤字有懷趙

北匡文賦

出飲郊外值雨

琵琶

玉泉亭

贈任侍御

與馬君房遊玉清宮

和王公濟過韓信嶺

聞大同變有感

同年會歸贈黨員外

竹

軍中示所知

病中偶然作

阻雨大覺寺宿次大司徒李公韻 二首

月

客睡

岩居

懷昔

治城南小園

贈鄉人孫忠

重城

棠廡馬

別李仲南

挽趙生

撥四

八月十五日夜飲翠閣堂

倚樓 二首

春日經始逍遙亭

失題 二首

五言排律 八首

寄黃少府

與馬使君自玉清宮登楹山不盡興而

還

詠簾

東韓苑洛汝節

飯信園

寄贈方伯李公

遊楹山寺得然字

代贈黃少府

常評事集

卷三 目錄

二

山西省文獻委員會印

常評事集卷之三

沁水常倫著

邑人韓范編輯

七言古詩十八首

萱竹園

籬籠含露滴秋花霜鏡著草封丹砂塞雲流光北堂曉蜀銅開月孤鸞老修蛾
凝黛四千年誓移海水轉青山帝命雲章授神蠟機分織女呈天巧天龍日下
吟芝田海上仙期拾瑤草

長安大買行

長安大買舊屠酷金多甲第開通衢花迎步障百餘里猶能施錦屋椒塗芙蓉
照耀金屏紆鳳凰不動垂流蘇就中妖艷多名姝鮮粧袪服世所無少搖宛轉
青氍毹如意不避紅珊瑚山房清夢馳九鳥華燈夜雨聞歡娛有時爲貝開珍

常評事集卷三

山西名文獻委員會印

厨門前雜選飛龍駒趙琴高張蜀絃舒玉盤次第來駝酥當筵氣岸左右呼綵
衣奔走蒼頭奴酒酣羅列咨啖哺撫兒指僕讓江湖自矜百萬輸兩都五侯七
貴同樽胡縉掖之子何區區

陳氏山莊送吳子還澤

經旬何倏忽惟樂苦不足寒風催斜暉匹馬送將歸青絲載酒青山頭茅堂歌
舞醉離愛山下水流去無盡此情與子共悠悠酌白酒烹黃鷄人生樂事苦不
齊與君大笑且盡醉醉後分馳任馬蹄

寄吳子

前時乘匹馬送子青山下昨暮剖雙魚得君尺素書三復恍如見顏色置之枕
中常卷舒憶昔提携縱行樂座裏仙人多綽約歌聲直上巫山雲舞態迥迴綠
嶺鶴長醉詎知日月移大歡豈擬江湖闊人生樂事不可長相思寒律轉青陽
卽愁門前五柳樹青背日夕擬離腸

醉時行

黃鶴乘我去於今二十年尙憶風露夕飲啄下芝田謫來人世不得返日飛月
轉時相煎欲隱金馬門薄俗情高賢草衣藜杖謝諸吏珠宮貝闕期翠仙吾兄
夙夕有仙骨骨肉與我爲世緣卽欲攝景凌青烟待君獻策承明前拂衣携手
長颯然

徐魏二生歌

昨日高會今病醒猶憶臨觴如建醜徐子雅遊固相契魏生傾蓋遺忘形笑言
已覺白日速嗚絃乘燭喧紅亭豈獨嗚月使倒行欲瀉銀漢來金瓶吁嗟乎昨
日之樂如夢中安得車馬常相從

思歸吟

朝思歸兮白日長暮思歸兮夜未央悠悠哉悠悠哉我心傷

謝王公濟貽醫苑歌

常評事集卷三

山西名文獻委員會印

故人握中和氏璧慨然授我不少惜嗚呼古道久茫昧神物隨化無真跡單思
豈前妙今古耽玩枕中忘且夕乃知三十年前非去日茫茫嗟面壁連日誦君
詩低頭服君書不信尋舊染試較今何如陶治有法度何況泣鬼雨梁元氣俱
運來落魄百不耐尙抱二辯猶爾爲青春歸來山川麗白日宛轉窓牖遲紫雲
久割端溪妙藥毫盡獵中山委威君忍負千年望閉門且矢十年規

夜望行

月出高城偶翹首飛鳥三匝啼城柳黃姑織女限河梁南望箕星北看斗男兒
墮地常自強時來賈販亦侯王羽毛棄擲眼前事胡爲鬱鬱令心傷

去歲行

去歲偶來遊燕趙不謂留滯長安適半年館穀乃寄人自笑謀身何草草買舟
復作壽春行南北相望雲浩渺千里遊遊類轉蓬百年悠悠不自保古稱沈憂
令人老攬鏡似覺容枯槁男兒三十亦不小浩歌歸去誰云早

祝莊行送葉子良器之東昌

開元以前數名祝天下獨有端溪石欵祝傳自葉氏莊贖古神光啓幽僻南唐祝官開諸山呵叱山靈不敢借至今片石重南金瓊瑛珪璋珍几席葉氏之澤宜衍長百世果鍾尙書郎少年拾筆登省堂籍籍海宇稱文章即今出守股肱郡虎符丹戟生輝光君不見荆璧稱無價卞和聲亦揚祝兮祝兮名益彰名與名兮其無疆

敬亭行奉贈張中丞公

東南有山何盤紆千里雄鎮吳楚郡下盤地絡摩天極渾茫直與元氣俱雲霞之間走龍虎長江淼淼看杯盃丹丘日夜環珎長松樞石洞多幽爽白龍黃鶴紛下來仙翁羽客時常往靈異豈直方外居高標屢中詞人賞每愛康樂來遊篇李白長吟絕可憐遠遊往往托夢寐一聞公名神爽然得非山靈默有符榮被草木光雲烟君不見謝傅一爲蒼生起東山之勝今猶傳我公庸業時仰止

常評事集 卷三

三 山西省文獻委員會印

流芳奚濟萬斯年

書孫秀才箋

世人笑荆璞卞和龍川足仲尼志當時楚狂歌風衰丈夫寄懷各有托傍人未必能知之吾聞海外有丹丘中藏五城十二樓行將脫屣棄妻子一劍凌霄恣遠遊

憶昔行

憶昔十六汝鄧遊朱顏黔紫裝裘馬馳千里射百中左右馳服雙吳鉤傲岸不爲物所屈春陵雅節非吾儔座中食客日常滿浩歌擊筑喧高樓腐儒舉蹈促規矩而我聞之還掉頭北遊携策于明主遂沐深恩侍冕旒壯心感激圖死報欲請長纓分北憂詎意漢廷薄少年芥黽貝錦紛相贈然移病茂陵下種瓜樹柏營荒丘哀謝歸來樂阿里開鸞走馬同沉浮出亦非我榮處亦非我愁翟公門巷任羅雀海客忘機隨羽鶴囊中曠世長生術來雲亦欲凌浙洲吳門

長醉漢天子眼前飛議何啾啾

真卿帖歌 有序

是帖得自亡友張主事鵬程久失之矣近屬治裝偶獲於帙中撫迹興懷能不惻然乎因係之歌兼寄劉侍御

故人遺我書一帙絨之三年字不滅荒原宿草復經春人世悲憤成永訣治裝明日余西歸散帙糾紛驚在報滿堂決背來淒風展玩徒令心懶懶長罹兵火後公書大字欲殘多斷草書獨此細作行送勁鈎連三過折背藏不啻百黃金重襲於今惜顏色故愛長留席上珍重情誰洒山陽血眼中之人何寥寥嗚呼慟逝兼傷別

贈馬行

我家標上青海驃據鞍八尺行步工追風躡影烏翻覆誰其匹者江之龍憶昔淮南討兇寇數萬義兵操甲冑當時馳騎如雲屯營中獨見爾馳驟我昔與爾同生死奚忍見爾在泥滓吁嗟學世誰孫陽陰翳接天房星藏

常評事集 卷三

四 山西省文獻委員會印

城邊行贈蔡典史

樂恬養樂憲蘇建城朔方各開千里檢遺利不可忘遠屏甸奴萬餘里山川北走皆金湯胡騎近飲長城窟代郡懸門多失亡天子臨軒授黃鉞將軍五道出長楊時議仍開榆塞紫月滿遙防秋草黃移書那國徵軍軍獨聞吾子才且良通山斬谷不憚遠飛烽列陣遙相望大城小城鐵不如高鳥却度雲烟翔胡兒叩鞍長歎息漢兵超距吹樂康丈夫樹業方未艾聖代立賢還無疆眼前勞子未足喜蕭蕭聞已達明光

詠筆山

平生愛作名山客那直筆山鄉之陌數點危峰天外清一曲寒流望中日紅塵不與俗人爭清景豈用錢買成飲酒賦詩樂郭山吟風弄月傲江城日尋糜鹿爲僑侶笑倚草窗歌白苧肯讓梅溪處士家更憐東山先生駐謝安風流自出

塵浪跡江山屬後身展圖筆難爲計水遠山清太道人

五言律 三十一首

經海子

秋水明人眼乘葭十里秋西風搖雉堞晴日甍柱樓柳徑斜通馬荷蕞暗度舟
東隣如可問早晚卜清幽

復會南瑞泉元善度上得孤字有懷趙北厓文載

高會如昨日西風下井梧感時悲舊約懷遠阻長途夜飲歡相對秋吟與未孤
丹心期可久黃髮故人俱

出飲郊外值雨

夙夜勞爲具中途冒雨來愁傾簪外溜惟覆堂中杯碧飲浮烟重紅舒返照開
重城知未闔吾獨得遲回

琵琶

常評事集 卷三

五

山西省文獻委員會印

紅袖揮金撥朱絲紫玉屑團團懷夜月幽咽瀉春泉白雪關終宴背雲邊連天
悠悠時斷續引恨似當年

玉泉亭

武帝時乘輿金與駐翠微至今看草樹猶以被光輝泉迸聞仙樂雲流見世旂
亭高重回首冉冉下斜暉

贈任侍御

高風洶行部此日暫停輪羅雀尋窮巷乘鸞問野人梅花吹笛晚竹葉泛杯春
別鶴常明發淒琴慘放親

與馬君房遊玉清宮

叨陪金馬客重得玉清遊蓬閣瑤壇增松樞石洞幽撫景同謀醉憑高一散愁
大夫能賦者下士若爲酬

和王公濟過韓信嶺

漢代推轂武將軍第一人龍奇緣顯足功大不容身帶礪山河在丹青廟廟新
長陵一杯土寂寞亦三秦

聞大同變有感

天王大一統成卒敢橫行中丞亦何罪頸血瀉邊庭報國恨無地扼腕氣不平
咽嗚喬雄劍涉入大同城

同年會歸贈黨員外

草開得春晚華筵白日初歡齊千里外重十年餘玉舉酬浮蟻銀絲薦鱸魚
歸來策匹馬三度從高車

竹

庭竹娟娟色虛堂肅晚陰翠交紅果潤清陰碧苔深涼月侵水鏡流風送玉琴
歲寒終不改長此護雙林

軍中示所知

常評事集 卷三

六

山西省文獻委員會印

丈夫志四海拔劍遠從征報君期馬革愛國舞難聲不受千金賞寧邀萬代名
功成拂衣去湖水一舟輕

病中偶然作

我生本疎懶近復病相侵永日惟高枕薰風且紫琴山背連岡迥草綠閉門深
不解催運莽勞勞日月心

阻雨大覺寺信宿次大司徒李公瀨

避雨棲靈境息徒偃月山倏魚思遠迥倦鳥羨知還坐即蓬窻下行惟茅屋間
前峯閉絕勝泥潦滯高攀

其二

淹留三宿外擁塞四山環霧隱青岩鹿苔綠碧石斑甬甍無暫息日月有餘閒
桂玉牽愁思長吟助客顏

月

二月至六月盈虧馬上看歸來茅屋下又見桂輪寒側想天衢迥重嗟行路難
驚鳥三匝樹已得一枝安

客睡

客睡愁中減中宵步月華勞勞身有思數數智無涯雲想睡轉星言營鹿車
明當逼五嶽擇勝了丹砂

岩居

岩石新發興野趣舊相諧萬物皆中賞寸心不甘虞卿書自著陶令酒常酣
何限狂夫意當從智者談

懷督

行行窮趙境懷督思悠哉徒念山川迥其如日月催卿心芳草際旅夢白雲隈
祗恐迷歸路時時首重回

治城南小園

常評事集 卷二

七

山西名文獻委員會印

卜築城南地悠悠閱歲華門思陶令柳徑假邵侯瓜預擬昔春至同留白日斜
不妨從老圃酌酒足生涯

贈鄉人孫忠

爾愛鄉子國遊遊東魯鄉因留一廬地遂解百金裝故里懷丘壠春風餘畫堂
還如雲際雁一歲一迴翔

重感

兩地看兒女三年盡喪亡永懷常忽忽不敢問蒼蒼語暫回首猿啼愁斷腸
那堪啓巾箚時見故衣裳

紫駟馬

草黃機駿骨瘦影立沙頭誤蹶追風足長誦泛駕羞冰合交河水塵驚絕塞秋
即道驚臨盡橫門復壯遊

別李仲南

頗慙新知樂終銷生別魂論心同雅道在耳有玄言山送琴尊盡門催車馬喧
懶題招隱賦芳草遍平原

挽趙生

衛玠清羸甚談棋復損神舊遊如昨日哀訃訝傳人巾櫛虛新婦箕裘悲老親
我心如橋木感激亦沾巾

撥悶

芳草郊原合歸心且夕俱移文勞往復促駕候馳驅近市驚塵滿登樓落日孤
幾回瞻過雁三匝見啼鳥

八月十五日夜飲翠閣堂

憑軒呼月出共酌故山秋素魄非恒滿清光吝勝遊納涼新醉好卜夜盡懽留
誰兮笙歌散團圓惜下樓

倚樓

常評事集 卷三

八

山西名文獻委員會印

徙倚重樓上倚然一望開亂鴉棲樹合百雉接雲迴乘月興不淺臨風賦易哀
蕭條懷郭隗騰跨愧燕臺

其二

久滯歸田興還驚上國春憑高聊縱目撫景倍傷神多病真違世浮名豈庇身
茂陵行謝渴未許著書頻

春日經始逍遙亭

抱疴踈吏事官舍有餘清絲樹經春合黃鸝盡日鳴旋移山石至新搆藥欄成
曠達懷中隱千秋萬古情

失題 二首

不分春歸疾天風故放狂桃花與榆莢無那性飛揚
其二

誰容回青帝侵曉首朱明持醪不盡醉迎送若爲情

五言排律 八首

寄黃少府

白髮未滿鏡背袍
還解歸鶴翔遠雉
堞翻狎泛漁磯
藜杖尋丹穴
荆扉假翠微
長辭彭澤粟
閒采首陽薇
昔仕琴為樂
茲躋金莫揮
高風清薄俗
懷子思依依
與馬使君自玉清
宮登棧山不盡興而還

雲臥留仙境
蹊遊入梵宮
賞心千載遇
携手數宵同
扶杖百尋上
當杯四望通
遠林低礙日
近竹細吟風
駐蓋景初靜
揮絃調未終
興長嗟暮短
岐路忽西東

詠簾

剪削湘君節
梭拋織女絲
波紋疑水潤
霞綺恍天垂
妙曳瓊钩響
光宜錦帶姿
綺花開麗日
繡鶴舞流離
歌歛梁塵繞
香麝失戶遲
知君歷歷濁
長此奉光儀

東韓苑洛汝節

秦川當北斗
靈氣產雄才
東省山濤人
西藩召伯來
安人傳萬姓
節帶擬三台

常評事集 卷三

九

山西省文獻委員會印

按部臨山邑
前驅入憲臺
門羅除鳥雀
車從下蓬萊
言笑青春返
周旋白日廻
曉看長者轡
竊感不燃灰

飯信圖

余幼渡淮
詣漂母祠
因餽飯信
所亡從融
矣近閱故
藏書冊
偶見是圖
追念昔遊
遂賦其事

昔我涉淮水
停棹眺楚城
側聞漂母義
遐想王孫居
松柏新祠
旌兼博故
國餘
丹青茲展玩
今昔倍躊躇
誰謂千年下
猶圖一飯
初憶當時
逐鹿寧久
食無魚
孰哉雌彫
粹登壇
遂發舒
諸侯無
固壁
馳將盡
回車左
廟開劉
重前驅
促項除
剖封榮
帶礪
移王
耀鄉
闕策
食施
良薄
囊金
報匪
虛功名
雖不
竟樹
立亦
渠渠
寄贈方伯李公

冀州今重地方
伯古專征
國器惟瑚璉
君王借龍
靈秦川
蕃牧馬
洮水靜
屯
兵中外
欽揚
歷旬
守屬
老成
暫留
西土
化入
輔秦
階平
蔽昔
甘棠
愛千秋
餘令

名

遊極山寺得然字

繁廼豁屐度
高下木森然
碧殿雲標望
丹梯樹杪懸
窮尋逾勝境
行樂慰芳年
欄轉流蘇合
疏排翡翠連
梵花麗綺席
仙吹瀟朱絃
振袂凌千仞
叩杯眺八埏
消溟好去便
笙鶴醉浮天

代贈黃少府

支離仍佐邑
隱逸已經春
遐想東山客
兼借西土臣
秉心慚製錦
展興羨垂綸
浮世名終幻
棲岩懶是真
薄遊子亦倦
行接海關馴

常評事集 卷三

十

山西省文獻委員會印

常評事集卷之三終

常評事集卷之四目錄

七言律 十一首

壽鄭老八表

送劉大行使占城

夜陪祭皇陵

錢王明府公濟考績

寄劉潤之侍御

登武安王寨訪趙秀才廷璋

題南園壁

寄任子充時從兄任授詩

別蔡典史震

春別外舅滕恪撰先生

答王平陽公濟登城之作

五言絕句 十六首

感別

日暮

寄俞希德希陶兩秀才

登樓

兔

風雨留樊莊縱筆

常評事集 卷四 目錄

山西省文獻委員會印

樊莊 二首

去鄉

感別 二首

畫馬 二首

翠閣論

風雨留樊莊四叔家縱筆

樊莊 又一首

七言絕句 二十五首

步虛詞 五首

楊柳詞四首和南瑞泉元善之作

伏城驛壁見劉潤之南元善詩有感

畫

小畫寄從兄秀才

寄俞希德希陶兩秀才

送何邦瑞之京

德勝寺賞牡丹 三首

登樓

過德勝寺

聞大同事重感 二絕

沁水道中

玉清宮賦題

和王公遊魏姑射山作 二首

贊

仙贊

樓居先生傳贊

銘

老母庵銘

傳

辛元傳

引

玉溪引 有序

雜著

談博 有序

附錄

常評事集 卷四 目錄

山西省文獻委員會印

祭常明卿文

大理寺右評事常君墓誌銘

常評事傳

張銓

常評事倫小傳

錢謙益

常倫小傳

朱彝尊

常評事集跋

常評事集卷之四

沁水常 倫著

邑人韓范編輯

七言律 十一首

壽鄭老八袞

丈人舊隱長安市谷口無慙鄭子真
常日追陪驚望鑠異時賓客倍情親
靈桃遙送千年實弱水潛通萬里春
早晚定乘黃鶴去鸞鷟知與赤松隣

送劉大行使占城

象郡舊傳青瘴外平生虛擬畫圖中
近聞馳義浮滄海遂感深恩下碧空
符節光輝通嶺月樓船縹緲送天風
祗應文藻傾夷俗未羨葡萄入漢宮

夜陪祭皇陵

山包清路接杉松迤入朱門步晚風
鱗鱗傷心思駐蹕龍飛回首淺號兮
雲旌

常評事集 卷四

山西省文獻委員會印

恍見遙天外露冕陪殿中拜仰皇圖
垂曠大還瞻佳氣滿秋空

錢王明府公濟考績

朝天遠上三年績製錦聲馳百雉城
雲際飛飛不返日邊珂馬寵相迎
山川愁阻懷人渺江漢徒增戀闕情
多病浮名真自棄勿因辭賦感長卿

寄劉潤之侍御

日望長安千里餘風吹銀漢落雙魚
情深交誼勞垂念性癖疎慵任卷舒
窮巷一區楊子宅下簾三復老叻書
幽閑轉覺滄洲穩更欲乘桴遠卜居

登武安王寨訪趙秀才廷璋

兵戈遠憶前朝寨桐屋猶存漢將臺
翠蓋衝泥乘逸興玉盤行酒集群才
晴鄰野寺聞鐘鼓夜話荒亭籍草萊
獻策明時愁子去散懷他日共誰來

題南園壁

繞堂幽境剪荒蕪夾戶烟霞擬畫圖
植栢種槐存遠計栽花插柳暫供娛
清秋

散酒時能醉白日看山興不孤
虛比茂陵淹駟馬實拚此地老潛夫

寄任子充時從兄任授詩

半年不見黃生面八月深增宋玉悲
絳帳傳經聞遠約青衿歸詠喜相隨
提携况近寒花節登眺何妨落木時
多辦金錢市牛酒從君數醉向東籬

別蔡典史震

九節千尋歸鄉縣去日官僚獨故人
車馬郊迎款復會林丘數過倍相親
忽驚離別留寒夜預擬飛騰望早春
才力看君矚墨蹟莫將衰髮歎風塵

春別外舅滕脩撰先生

敢於骨肉擬乘龍幸藉松蘿寄遠蹤
金匱秘文時見歸玉堂多暇日相從
病移館室遠趨走歸臥山扉遂懶慵
芳草不勝遊子望春風回首丈人峰

答王平陽公濟登城之作

使君暫出承明廬天子遙分金虎符
暇日高城舒眺望片雲遠道倚踟躕
謝

常評事集 卷四

山西省文獻委員會印

暉詞翰非時敵黃霸功名與世殊
會見徵書還魏闕無勞能賦歎江湖

五言絕句 十六首

感別

下馬別諸叔上馬淚沾裳
故愛思林竹能容小阮狂

日暮

日暮涼蟬咽草陰蚯蚓鳴
不盡秋雲望何如宋玉情

寄俞希德希陶兩秀才

鼓吹喧清夜樓船泛玉人就中多
醉客不負爾情親

登樓

十尋松倚樓朝登散客愁
夜看牛斗氣銀漢傍人流

覓

韓信傷雲夢馮驩誇孟嘗
何如依素魄宛轉作霓裳

風雨留樊莊縱筆

老農占積雨飢雀自成羣詎知威風翻沾濕因背雲

樊莊 二首

平子歸田日虞卿指印年春秋千古意詞賦萬人傳

其二

劍氣雲霄上丹光日月中澄江含寶鑑靈籟潤天風

去鄉

去鄉日益遠懷土情彌深道傍無賴柳日日攪離心

感別

寒木千萬枝遊子千萬思寒木發陽春遊子來何其

其二

紛紛相送者行行返故鄉故鄉無限樂浮客不能忘

常師事集 卷四

畫馬

匈奴近和親馬肥首蒼龍種聞咬嚼嗟爾剛多肉

其二

駿馬趨駘嘶兩人亦佇立千里試霜隨隨岐養神力

翠閣詩

山翠下空塔亭間滿花竹朝往潛忘歸夜遊時乘燭

風雨留樊莊四叔家縱筆

朝愁山出雲暮厭盆傾雨莽莽復朝朝此意當誰語

樊莊 又一首

癡兒何擾擾問會復求田誰憐當日主朽骨閉重泉

七言絕句 二十五首

步虛詞

竹枝楊柳隨人怨桃葉桃根兒女情濁世新詞君莫唱清宵聽取步虛聲

其二

閉關絕粒久拋書萬古烟雲護草廬東嶺徘徊留白日北窓高臥抱蟾蜍

其三

日抱滄州霞綺開五城十二玉樓臺逍遙中有諸仙聖盡是虛無一氣來

其四

河源清比玉無瑕銀漢迤迤搖浪花群飛乾雀知秋至棲滿牽牛識女家

其五

六熬零首海山高日月周旋神樹腰四鄰豎子偷綠木踏折南枝落絳桃

楊柳詞四首和南瑞泉元善之作

道傍楊柳持作鞭欲進不進紫駟馬徘徊歎息行路難落日離憂不可寫

其二

常師事集 卷四

怪折陽關枯柳枝行行今已是春時客愁幾到新豐醉應是桃花撲酒危

其三

垂柳垂楊滿近川邯鄲歷歷走幽燕阿誰明月吹光笛一夜青青連接天

其四

青樓楊柳密弄烟千絲萬絲不可數此時少婦歌楊花應望天涯淚如雨

伏城野壁見劉潤之南元善詩有感

擬句北風懷柱史新詞楊柳憶仙郎行吟燕市應同醉其奈烟花蜀道長

盡

蕭蕭斜日丹楓下渺渺寒雲白鴈哀扁舟橫笛秋江穩故國驛船歸去來

小盡寄從兄秀才

羽湖雁天驚再困山川滿地未安厝鴉鵲原上應翹首鴻雁雲中數望得

寄俞希德希陶兩秀才

放船淮水酣歌夜最愛卿家督弟兄他時方外能尋我携手豈處處行
送何邦瑞之京

一別長安已六年後君此去若登仙故人霄漢如相問爲說重樓只醉眠
德勝寺賞牡丹 三首

青苔幽境暫徘徊快憐名花半未開漫留詞客清平調爲借三郎羯鼓來
其二

寂寞濃花古佛前自開自落已多年于今上客留歡飲百倍精神對管絃
其三

長安城內曾相識金谷園中賞更新相逢今日空山裏冷雨淒風惱殺人
登樓

醉倚南樓望北山山中日月有餘閒但令對此常酣酌何用虛名滿世間
過德勝寺

常評事集 卷四 五 山西省文獻委員會印
無數青蓮月宇開好山入戶水繁稠時從數騎田間飲醉引笙鐘幾響來
聞大同事重感 二絕

亂兵五堡久縱橫日暮雲中任鎖 流血再侵邊帥幕白頭誰念蔡中丞
其二

大若不制不可制何時赫赫天兵至消息不忍問路人浦使空山泣狂士
沁水道中

處處人家蚕事忙盈盈秦女把新桑黃金未遂秋卿意駿馬嘶嘶官道傍
玉清宮戲題

玉函金簡數行書鶴背飄飄上碧虛群仙瑤殿收封事應喚人間久謫居
和王公遊莪姑射山作 二首

野亭酌酒水游溪畫出崔嵬鏡裏山接籬倒載山翁醉落盡青天白日未還
其二

河東城西姑射山蓮花秀出洞雲開欲借使君行樂處吾將從此謝人間
贊

仙贊 一息內定萬物皆我出定入定無可不可神妙谷神精合至精若按圖而求此
翁之實其於恍惚杳冥耶

樓居先生傳贊 先生生燕趙不知其世籍族氏所始燕趙故多慷慨故先生少好游俠談兵擊
劍有古豪風云甫弱冠則折節讀書好治百家言尤遠黃老嘗曰近儒而兼釋
了一而事萬職未而崇本此天道也故嗜之不輟往往自誦傳異人時固有莫
信者矣性嗜酒空醉時輒歌咏若無人輒有非之者弗顧也嘗病免歸田止于
樓日飲詠探玄理若將終身焉因自號曰樓居云

贊曰臨鸞之於鵲鶴燕雀之於鴻鵠古之人命之曰自適其適各知其知也觀
先生之跡其取適而逃知者與信斯人也固非數數求滿人者矣先生本居樓
號樓居于聞之公孫卿曰仙人號樓居豈謂仙耶

銘 老母庵銘 良藏坎環兮真人虛金銀樓觀兮擬海隅中有羽士兮抱虛無朝伏陽烏兮夕
瞻蟾玄珠寂照兮與瓊符散髮鬢鬢兮曳華居若翔翔兮故踟躕卜茲山兮千
萬餘永勒吾銘兮台爾徒

傳 辛元傳 辛元字紫倩其先東海人景祖歷劫翁以混極育化稱其後世澤漸漸往往散
處民間故辛氏子孫多不肖矣至元生而慧亮放達性好遊天下事無所不說
者及冠資囊中裝值萬金賈遊事遂以貴雄西川西川故多佳麗元安之弗念

常評事集 卷四 六 山西省文獻委員會印

先生之跡其取適而逃知者與信斯人也固非數數求滿人者矣先生本居樓
號樓居于聞之公孫卿曰仙人號樓居豈謂仙耶

銘 老母庵銘 良藏坎環兮真人虛金銀樓觀兮擬海隅中有羽士兮抱虛無朝伏陽烏兮夕
瞻蟾玄珠寂照兮與瓊符散髮鬢鬢兮曳華居若翔翔兮故踟躕卜茲山兮千
萬餘永勒吾銘兮台爾徒

傳 辛元傳 辛元字紫倩其先東海人景祖歷劫翁以混極育化稱其後世澤漸漸往往散
處民間故辛氏子孫多不肖矣至元生而慧亮放達性好遊天下事無所不說
者及冠資囊中裝值萬金賈遊事遂以貴雄西川西川故多佳麗元安之弗念

者及冠資囊中裝值萬金賈遊事遂以貴雄西川西川故多佳麗元安之弗念

者及冠資囊中裝值萬金賈遊事遂以貴雄西川西川故多佳麗元安之弗念

者及冠資囊中裝值萬金賈遊事遂以貴雄西川西川故多佳麗元安之弗念

歸也爲任俠自號朱離君從僮客數一輩日以縱放爲好其客最狡者五人皆
陰爲權利而孟明者爲冠首即元有嗜樂成曲爲招致各當其意所欲爲用是
馳騫日廣不事生產人皆謂之浮生云初崑人中生元外戚也素於元至深其
人獨負血氣數附護朱離君亦憐之兩人者相爲倚重東海兒歌之曰微辛父
氣爲主舍中翁誰爲宮及元之客蜀也不禮於中生中生聞之亦怒絕不與通
坐是亦失執貧不能自振矣客有說中生者曰生何拒若主之深耶朱離君習
雖狂躁然仙才也足下必欲計久舍此無所與可其銳于易動輕出者用群奴
故耳足下誠能返之除室與居徐說以道德之言強以清虛之宴宜無不從者
中生然其計乃厚具招元使者數返中生乃駕自往迎元元不得已強忍詣中
君酒數行中生起爲壽因字謂元曰靈情公天下奇士也始吾與公素昧平生
托造化幸得侍君遊然僕非公亡以爲主公非僕亡以自存雖天下至昵不是
踰也今公舍雅遊狎姦細洵自娛矣竊恐一日覺發吾縱不惜朽下土公忽忽

常評事集 卷四

七

山西省文獻委員會印

將安之乎即能改圖則安固之業雖億世可也元乃伴聽之因避席謝曰君休
矣行當爲君改之于是中生請舍處元飲食起居皆曲爲之防居無何其故僕
數輩陰守之而元亦數數問出中生恐之客復有說中生者曰子之守若主亦
陳矣盍求安之之術也中生曰奈何客曰子昔留久放之徒而處之以幽曠之
地是宜其不從也茲尙稱 女留此人少壯而愈癡竊慮一朝風雨奄及則長
必舍子而他適矣且吾聞朱離君外雖剛陽其中未必有也誠得柔貞之婦以
佐之苟意念相孚可不強而自固矣走里中袁氏子體柔懷良偶也子盍往
求之中生大悅乃從黃負媒焉黃負者戊己校尉黃壤之婦也先是媒十餘往
往皆不字及負往媒乃字行十一月至日令元親迎之既婚元大說果屏舊
習黜故僕深居幽寂悉如客計焉明年懷息其子亦神異不倫朱離君夫婦咸
重之穆不敢逸稍上試而已矣後遷泥丸居泥丸者九年元乃携中生并其
妻子始爲探藥滄州遂不返世傳以爲仙去云

贊曰詩稱其何能淑載背及滿言附比之賦均也中生兩資客計卒正其志以
及其身可謂明哲矣朱離君買蜀爲任俠及其一言自悟能返正以上遊豈不
誠大丈夫哉夫以歷劫翁之事觀之則其事遠矣

玉溪引 有序

玉溪似玉也有二義焉溪色玉色溪聲玉聲澗淵三子公濟德可玉
此因取以自稱溪在沁予沁人也故贊托琴心以寫其趣其詞曰
紫芝榮晚冥鴻且秋坐盤石兮臨溪流素琴高張神宇逍遙目光波之紫玉耳
瓊瑤兮聲幽想像溪仙兮德明潤而道腴汪汪湯湯激揚徽音振清冷而莫與
倚乃宮商參發角徵雜揉心得手敏景合與符但覺其寫真播妙於五絃坐忘
乎浮世之煩憂願賦此曲於芙蓉之玉匣將以遺溪仙兮登遠遊

雜著

常評事集 卷四

八

山西省文獻委員會印

談博 有序

西臬任子以象戲自喜時或窮日盡明不少釋手嘗見雙陸既之近稍
稍當局矣夫象戲奕類也雙陸遞準投子孟堅有言博轉於投不專在
行殆博之流乎丘壑多暇作談博以遺之
客有問於樓居子曰昔仲尼稱博奕之爲賢奕之傳尙矣故桓譚擬論班固陳
旨王耶號爲坐隱支遁稱以手談其他國手名賢圖譜紛然何可勝言近世雙
陸者博之流也或曰肇於陳思或曰入自夷域說家無定說學士不加以品題
雖較奕未優要之適閒徵樂其致一也豈亡說邪樓君子適爾而笑曰小知有
師小道可觀客既叩寧借洪鍾之小鳴乎析理縱談事著明矣大其制局方
廣地維嶺矣訣騎黑白陰陽分矣門梁以別內外限矣月月相直星星相當天
文綢矣疾運剋除返復倏忽人事喬矣隻則見持耦則亡虞存詩人棠棣之義
彰往察來明乎得失得大易消長之概勿貪敵資慎守我居避賢擊虞蓋孫武

戰陳之奇頌爲內據門爲外樞梁過蘇魏有王公設險之威撞門踰頰明遲暗疾田文之脫秦強撤底守死時至潰敵趨襄之保晉陽彼騎被執我家無隙非際之拔旂食馬餘騎觸險赴垓下之潰圍風或不競外馳內救較計索情後舉是求漢高之選用智之柔也氣豪和應憑凌大呼心愉手敏敵無所措唐文之馳破竹是務也內梁馬逸則劉外以障之長圍勢也因投縱擊單騎以調之老師智也局勢常鴻溝馬江勝負先後則神則者強單點孤立滅寇作北機折玄微則食餌者厄是故三才擬之形詩書爲之徵蘊伯王之略躬才智之雄該具崖略古今可方矣推其至也則必忘疑食傍若無人有遺世獨立之趣懸遞待投不怨勝已有樂天知命之樂因系之辭曰

附錄

常評事集 卷四

九

山西省文獻委員會印

祭常明卿文

維嘉靖四年歲次乙酉十二月乙酉朔越十有二月丙申平陽府知府年生王湊謹以牲醴庶羞之奠致祭于

故大理寺右評事常明卿先生之靈曰弱冠飛騰聲動禮闈試政前遊晤言不違君授大理負才召識左遷壽春忤時常歸嗚呼哀哉昔予治沁寔君故里今守平陽東望伊邇好音好惠高義相擬閉君北征忽沉秋水王盧李杜風流相似古之才人終多如此嗚呼哀哉元化混關循環宇宙遠古非先終天非後殞殞非天老期非壽君獨慕仙乎又何咎所可哀者母孀妻幼焚燬百年叔姪親守君祝諸叔如父之厚今君不幸寧忘汝救與言及此寄哀感舊志君之行銘石是授載潔其賜載陳其豆庶或有知致詞爲伯嗚呼哀哉尙鑒

大理寺右評事常君墓誌銘

晉之才子曰常君諱倫字明卿其先山沃人後徙居澤州之沁水曾祖曰瑜授

馬營倉大使以子執官贈大理寺左評事祖曰驛贈文林郎陝西道監察御史父曰賜舉進士歷監察御史至陝西按察司副使母張氏封備人弘治五年十一月十一日生明卿明卿生而風神秀異警敏絕人五六歲能誦書賦詩爲奇語驚其大人于時學士大夫見者奇之正德五年庚午年十九矣舉于鄉得亞元明年辛未與予舉進士同觀禮部政授大理寺右評事才高氣豪不自檢然開口言笑有普人之風嘗譙集於所親酒酣議論風起則其座人人有忌其才者假封事短之乙亥夏遂以考京官例得外補明卿告病歸臥于端氏別業丁丑冬丁副使公薨既服闋又二年辛巳爲 今上嗣統之初補壽州判官有能聲嘉靖元年冬山東盜起流劫河南犯鳳陽明卿率民兵禦之保其境三年甲申春以事獲咎于上官乃棄官歸數日有報陞知寧光州竟未履任落職家居游藝得枕中法爲書滿酒道勁直與普唐人爭上下簡傲皆可珍玩有校正書法一篇詩則宗李杜上窺魏漢矯矯多自得意有賦讚古歌行五七言近

常評事集 卷四

十

山西省文獻委員會印

體絕句若干首文效司馬子長而不爲蹈襲語有序記誌論雜著若干篇爲畫不學而妙絕精於音律善 張 銓

常評事傳 縣志卷四山水遊文

張 銓

公名倫字明卿其先山沃人後徙沁水曾祖瑜以子執貴贈大理寺評事祖驛贈監察御史父賜山省解舉進士歷陝西按察司副使公生有異徵風神穎秀警敏絕人五六歲時能誦書賦詩爲奇語咄咄驚人見者莫不嘆賞性好弄從父宦邸遇容袖觸手揮酒已則擲筆嬉戲去父慨寬之曰此吾家千里駒也踈曠何妨時出所爲詩文質之當代文人李崆峒何仲默輩一時聲噪士大夫間正德庚午年十九舉鄉試第二人宴鹿鳴日歷階而升請與第一人覆試藩臬諸大夫慰解之曰子固應下爲主司徑細耳始唯唯而退明年辛未成進士授大理寺評事公性木落折蒙放歸爲拘簡又負才凌駕儕輩一日譙集於所親酒酣議論風起則其坐人忘者假封事中之遂用考功例謫外補壽州判官時

山東盜起流劫江淮公募死士設方略禦之寇不敢犯直指使者行部公故人
也以郡倅遇公公弗堪辭稍不遜大被折辱遂棄官歸亡何轉寧光州不赴
家居放情山水流連聲伎常以安石太白自比性善飲飲輒數斗或累夕日不
醉醉則索筆疾書頃刻滿壁常曰豈有旋翻故紙而後爲文者乎有貴人求贊
其像公大書惡語軸端左右錯愕已而徐取續成之其曠達善戲謔多類此以
故人皆目公爲狂而公益深自負所交遊必海內知名士不卽勢位傾一時視
之藐如也文學司馬子長詩宗李杜上窺曹魏多自得語書法遒勁似顏魯公
而瀟灑有晉人意畫不學而精妙尤工樂府小詞盛傳澤沁間伎兒優童成彈
絃出口歌之至今不廢曰常評事詞也里居既久忽欲入京補官道經潞安晨
起衣緋跨馬出郊舞劍疾馳馬渴赴飲墮水死聞且見者無不悼異之年僅三
十有四所著有校正字法一編評事集四卷寫情集二卷行於世

贊曰余嘗聞長老言先生好談神仙曰仙人好樓居因自號樓居子以今考其
常評事集 卷四 十一 山西名文獻委員會印

生平蓋有玩弄宇宙颺颺出世之意焉倘亦東方太白之流耶世每皆文士無
行先生視親孝交友信居官廉所由與放乘禮法者異矣豪氣未除醜醜以死
人至以俠名之嗚呼是未可與耳食者道也

常評事倫小傳 詞評事倫小傳

錢謙益

倫字明卿山西沁水人正德六年進士除大理寺評事謫潯州判官遷知寧光
州未上卒年三十有四明卿多力善騎射時馳馬出郊與侯家子弟俠少年較
射同知爲常評事奉大白爲壽輒引滿揮鞭去又時過倡家宿至日高春徐起
赴朝參長吏訶之放然曰故賤時過從胡姬飲不欲居樽耳中考功法調判庭
晉御史罷歸益縱聲伎自放酒間度新聲悲壯馳鹿書畫好彭老房中法謂
神仙可立致從外舅騰洗馬飲大醉衣紅腰雙刀馳馬渡水馬顧見水中影驚
蹶刃出於腹潰腸死平陽守王濬爲收葬之有常評事集四卷其巾淮陰侯詩
中原豪傑至今猶傳之

常倫小傳 明詩錄

朱彝尊

倫字明卿沁水人正德辛未進士除大理寺評事謫潯州判官遷知寧光州有

常評事集

王元美云常明卿善沙苑兒騎驎嘶自負朱
詩少曠陳馭子云明卿氣骨高朗頗能自運

常評事集跋

昔愚過沁水慕常子明卿之才一見莫逆數從宴遊輒酣暢賦詩洋洋乎瀟瀟
乎雅音嗣起也竊歎其才而已夫亨衢濟濟而斯人獨落落以亡悲乎悲乎明
卿既歿之四年愚至汾陽見太守王公出斯集則謂一元曰子爲書之以傳愚
聞而悲覽而喜喜斯集之過而悲明卿之不過且壽也夫不過且壽者命也斯
集之傳者才也才者名之實也立言建業之餘也人之所恃以不朽者也古之
人常以名壽並稱竊惟名之不朽斯壽之大者而已遇不過無論焉故悲餘而
繼以喜也嘉靖戊子

常評事集 卷四

十二

山西名文獻委員會印

常評事集卷四終

曹爰子詩集
二卷附錄一
卷

光緒丙申孟夏之月

仁和 高棨 書眉



錢唐嘉惠堂丁氏
以天一閣本重梓

夏爰子詩集卷上

明 仁和江 暉 著

五言古詩

葵萱

種葵南園中葵生鬱蓋
蔬綴瀼露灼爍蒸層雲
朝榮候朱晞夕秀承清
曠揆時周十稔經歲揚
三蕢衛趾殊鮑傷培莖
忘漆慎萋萋恆自傾
藹藹安所芬無為萎芳
質在苒同蒿蕘若若丹
棘姿婀娜多奇芳英花
赤星粲密葉翠霞張荒
首藉靈粹藁藹避容光
流蔭溥白華凝和並青
裳麤麤紛相從鸞鳳時
來翔清芬忽以落嘉卉
委秋霜烏鳥號

夏爰子詩集卷上

枯林芝蘭空自傷莫寧
南陔萼永悵西山陽

望雲圖

晨葩發南陔離羽羈北
林遊子在萬里江湖週
且深還盼望故鄉庭木
鬱鬱參昊天何悠悠孤
雲結纖陰流光被幽溥
邈邈依高岑瞻茲卷舒
態契我睽聚心餅曷亦
云恥鼎釜安所任宛鳩
拂脩翰睨鳥留好音安
得其高翔逍遙澧溪溥

題畫雪山

重陰冪巖阿密蔽封林
杪微茫碧宇低浩蕩銀
波渺颯旋噤唬猿靈迴
滅飛鳥羨彼山中人衝
寒入元祿鼓棹題洪流
攀梁陟危嶠相逢兩無
言迴顧意俱了幽蘭良

自馨白玉為誰皎挺此清貞
姿遐思凌雲表榮枯一幻
夢胡為逐紛擾

別文衡山

達人抱奇璞中美呈璠璣
揮翰落朝霞擣章浴尾閭
履素光自守束帛來蒲輿
畫接渠屋開延之承明廡
雅調振金石靈符擬圖書
願此冥寂懷厭曳金門裾
投簪下鸞坳脩服旋椒墟
逍遙釋塵氛罔象探元虛
豈無匡濟猷志與紛華疏
冥鴻不樊涸高鵠安林居
何事同蠅鷃蓬起徒茶据
倚杖尋陂蘭垂竿引汀蕘
鳴琴發雲關音響一何舒
清風激百世霄壤馳芳譽
寄謝夸毗子呢訾焉所如

夏爰子詩集卷上

別劉子謙

西北有佳人容華若桃李
結髮辭嚴親託身事君子
羅襦雜綺帶被服一何靡
自謂藉蘭輝綉繆互終始
孰知風曠變那鈿忽已禡
悽惻懷笱梁遲回視篋綺
流星寂蘭房膏沐何由理
昔為照乘珠今為覆杯水
揮涕整絲桐哀音中夜起
世俗賤蛾眉為誰揚皓齒
日月有望弦陵阿亦頽圯
何況閨中人盛滿安能恃
君恩倘未虧返願頽倚徒

橫江何沆漭四顧無涯津
陰風激高浪嶼嶼成頽湮
長蛟出幽室巨鯨奮鬚鱗
杳幻倏萬態迴湍接高旻
天吳吸重鐘羅鱗來伉伉
何為客遊子鼓柁盤龍濱
沿洞冒

潔流澗溪安所濤馮夷夾帆驅奇相口與鄰行路古之
難況此多艱屯維防倘不固一跌虞沈淪念子傷風波
蹇產多苦辛

宵鳩鳴寒汀音響悽以悲悠揚落林葉嘹唳分流漸借
問爾何鳴云是傷乖離憶昔騰霄路鸞鶴相追隨高聲
薄風度健翮衝雲披往來闐闐開烟濤轉逶迤一朝蒙
霜雪鍛羽清江湄璠璣墮沙礫蒿檝翳英芝時世迭沈
浮蹈躑傷卑羈徘徊顧儔偶涕下如縷糜何當風雨會
濯拂重伸眉

天運無停機變化一何速四時更迭謝寒暑互往覆雷
霆簇晝陰霜霰棲林谷萬卉隨隙光安能久蕃育高木

直表子詩集卷上

三

析爲薪豐園變爲陸傷彼蘭蕙花凋零並蕭寂豈無芬
潔資榮悴交倚伏黃鍾混瓦缶瑤瑛雜魚目高蹤墊泥
沙遠趾忽已蹙清濁竟同流賦命安可卜植根久不虧
莖英任摧剝遲彼陽春輝揚翹更馨馥

重雲結元陰離瑟張高樓黃鳥聲參差河水東西流眷
言陳古歎握手增綢繆爲汝歌去婦感昔懷好逑爲汝
歌橫江路險無安舟離鴻鳴遠渚幽蘭悴涼秋塵網咸
若斯悵別意悠悠晨星忽已落去去安可留暫蹶豈傷
曠微瑕無掩球願言保令德素履崇矜修窮通未可期
何爲重夷猶

元夕觀燈效六朝體

華燈布春堂豔叶芳霄翫金牀落翠鬢髮搖青案麟
鬚拂苙鮮約籠薰蘭煥彪文五繡垂密繪千花亂瑛枝
倒月屏珊綴牽雲幔螭蟠綵霞蒸藟蕪琳波澳鷓細團
蓮芬輝澄影鸞翰娟娟寶鏡懸歷歷靈珠貫玉女飛電
光銀梁度星粲玻璃漾錦紋丹碧開珍觀九微良自妍
四照一何爛火樹藉熒煌冰壺競璀璨盃傾恍虹吸榻
下竊霞散昭明性與諧穠麗麗胥衍對景申瓊章參躑
候橫漢

贈別馬積石

祗命發京華逝將旋故疆樽軒耀金城四駱何駢駟山
川鬱沙磧道里悠且長冥冥黃昏色陰裔裔寒煙翔白登

直表子詩集卷上

四

控鷗隅桑乾遡龍荒悲笳終夜鳴烽火揚朱光闕闕相
陽鏡糺糺張掖狼翟道饒犂氛藪水橫波洋崎嶇倦行
役引領膺沸湯和鸚衛華羽文蔚珍奇芳何況鷓鴣姿
呈靈候朝陽避繳豈不娛陟遐翻自傷楊子悲路歧蘇
卿感河梁踟躕日已晚行行慎嚴霜

嚴霜被朔原迅商薄高冥沙紫翳頽日氣合元雲停清
泉澗迴流霰雪紛以零在再歲云暮百卉摧芳馨周行
無安軌四望同榛荆曉曉豺狗墟總總狐蟻洞鴻鴈鳴
中霄揆景揚修翎素翹濯河漢逸響流虹星逍遙歷澄
虛翺翺釋寒汀我願從此鳥夷猶無飛翰附翼感扶蓬
離羣惜流萍昔爲芷與離今爲涓與涇一聞白駒歌塞

耳不能聽徘徊獨愁思佇立稿我形

形稿夫何為喚聚不我期疇昔圭璋器交彩揚彤輝茅
茹盡策征封菲無遐遺吐氣騰風雲揚靈比龍螭良會
未及終奄忽生乖離貞夫委溝壑哲士盤林涯譬彼蘭
蕙花翻隨秋草萎蕭秀何蕪蕪垂莖當路達出門送我
友轉盼增淒其秦馬追西颺越江匯南涓馳流各異勢
重晤安可知揮手一長歎塵襟迷寒歧願君勗恆思以
解長渴飢

渴飢何所營悵望誰知己邂逅枉光儀綢繆固終始玉
律和陽春金徽契流水傾蓋歎鶯遷彈冠迅鵬起懷貞
璞並陳遺戾衣借觀寥寥桐內陰渺渺丹川浹分麾各

亂髮子詩集卷上

五

一隅相去幾千里蓬轉誠自勞瓊頰一何侈驅車駿臺
側結珮旋鸞止浩氣溥霄霞高標振文軌矢此傾藹心
裕我加爾美蕪婉圖永諧中更不能止四時交變化萬
物何其靡天運無常培繁華安足恃習習谷風生令我
憂如燬豈無寶雲絃置棄誰為理攬轡西山岡翹首頻

長企

長企勞我神置棄勿復論離心各殊向鄰里成燕秦契
誼苟不虧道遠分更親龍劍會有時雲珠不常湮卷舒
安足虞令德心所珍赫赫金張第荒址飛煙塵寥寥揚
子居高芬播八垠衡門足棲遲朝野期經綸亭亭松柏
姿豈從時屈伸粹積光有孚彝宣良潤身無為任嬉逸

繁藻虛璘瑤振纓各努力贈言衷自申清吟動林木慨
慨多苦辛

送楊昇菴西祀

澄江抱岷嶓頽秩揚舂舂委蛇下天衢逍遙披雲汀雙
流汭滄濟九折凌瀟溟參差芙蓉漾灼煉珠瑕熒漢碧
凝金纏雲芳流玉屏綠蕙垂谷幔朱櫻綴厓星淙淙錦
文駛晶晶羅光停摘藻潤泓源濯纓契清冷鸕鷀振高
響孔翠揚修翎遐探信云美祇命靡遑甯蓬觀啟元籍
丹幄陳洪經無為久容與虛此編華青

苦熱行

亂髮子詩集卷上

六

炎蒸鬱長夏天地為我爐陽精奮高馭灼爍凌雲衢鶉
火揚朱烟金石盡焚枯莎雞鳴我側青蠅傍我趨袒跣
長歎息氣結不可蘇安能避塵籟託跡林泉隅涼颺下
清簞我心良已愉悲彼夸父徒衝炎空自愚

壺中吟贈林處士

南望壺中山巖岫何嵯我晴嵐飛高天蒼彩交盤羅深
林鬱雲構椒蘭萃其阿靈廳竟晨夕芬馨揚修柯中有
元樓士逍遙恣委蛇振巾歷重岡濯足卑層波騰凌紫
霞上中心迴且和九光映朝日六氣搖明河霄扉啟閭
闔翠節紛僊僊迎置瑤華堂芳景迴琳坡銀榜炫丹方
珍瑩紫芝蘿羣仙倏來從簾櫳鳴相過珠盤薦瓊英覓
裾結星珂樹石生虛涼琴心激清歌地真越遐紀身逸

神自適豈無朱輪華轍軻歧途多

贈東明沈尹

驚鷗發任壑淇澳馳急流田野何蕭條黍稻不盈疇飛
鴻聲正悲箕斗皖以稠念子祇初服懸鵲義所尤華球
無潛輝靈蚪不塗游丈夫志四海盤錯安足恟衍衍武
城絃斤斤穎川鉤弛張與民宜績凝在共猷惠心鑿幽
薄何懼澤不周行矣崇令名無爲重夷猶

壽尚書九峯孫公

沃晚瞻嘉種熒耳耀峯岬澄川無涸流修翮凌霄馳君
子昭令德積裕休所綏策跡九峯陽珍蘊何離離陟荆
扈奇璞循澧紉芬蘼粲粲裝黃裳皎皎揚素絲伊昔遺

夏爰子詩集卷上

七

世氛章紱非所羈朝賸蔭蒼蔚白駒徒繫維繫維夫何
爲振纓將候時蒲輪應赤伏金幹來彤墀覽輝鳳鏘鏘
遵渚鴻翹題鼎寶和雉膏卿雲披茵芝令儀叶珪璋雅
調諧韶龍代工翊元化周衛清且夷願言崇德基岳立
終不移高標冠南楚克享頌靈期

祀劉篇爲寶夫祖母作

蒼蒼梧桐華芊芊女蘿枝迴颺薄林麓榮光忽以摧託
根豈不固盛衰各有時淑人勵峻節感此增愴悲堅貞
終自凝紛香安可移一爲黃鶴吟涕下沾霜帷

孤鴻歷寒渚哀鳴懷匹儔逝途邈冥冥願瞻多隱憂雙
飛永無期何以舒綢繆同塵良所望義激中自猷遺維

未振羽翬將安投徘徊靡歇緒深衷託旋流

良人既有違族緒亦云圯念昔事魚蘋質心恪終始芬
苾將誰承婉變惟宗子鞠拊信自劬愁思曷能已電勉
工杼機慙勲飾筐筥舒憤訴穹旻願言培明祀

天道昭以夷精貞薄霄漢條梓鬱蔥蕪叢芝炫璀璨繩
繩殊未央藹藹一何衍應社金已光虞堂綬方煥蕃祉
旣我由聲烈日以繁附彼柏舟章永茲彤管讚

贈別汪子宿

元雲夢清昊寒蟬鳴我堂朔風聲正悲珍木墮鮮芳鴻
雁何冥冥儵然獨南翔在苒歲云晏嘉會不可常供帳
出金城攜手臨河梁襄裳欲從之道路阻且長佇立吐

夏爰子詩集卷上

八

高吟喟焉傷我腸

五言律

贈王體民

南州王巨尉漢日孝廉船異代仍芳澤高名迥後先秋
原丹羽變蘭薄白華懸金管湘東紀應神琬琰傳

送王參戎之遼東

仗鉞推英選揚麾樹遠勳陣開龍豹略威震犬羊羣雷
鼓搖邊月星旗捲朔雲行看沙磧外萬里淨妖氛

端午賜扇

東陛傳堯箑南薰被舜絃文翻十鶴繪彩動雙蟬光
泱雲霞潤寒飄雪月娟願將龍水鏡時助五明鮮

次五老會韻

伊函隨上老幽禽動佳辰
激舞凋林葉雲傾媚壑鱗
懸車依地勝擊壤契天真
抗跡雲霄外應嗤歧路人

贈隱士

避世尋幽境雲眠枕綠琴
暫驚迷蝶夢還契撫鷗音
翠篠棲嵐影丹芝抱谷陰
元心託魚鳥碧淵瀉深林

壽馬方伯

第迴庭微舊城春逕竹幽林
芬停鶴鶴汀暖下鳧鷖月
抱金芝麗雲蟠碧樹流自能
娛綠野不必羨丹邱

遊邵園

淑風添野興澄旭豔垌華轉
逕蘿烟折穿林蕙鶴斜遊

寶鏡子詩集卷上

九

蜂閒綴藥翔燕遞縈沙因其麟洲侶翩翩弄紫霞

代人贈張參戎

推轂淮泥地論兵江漢風能游千里鎮豹略萬夫雄星
擁刺犀劍霜懸飲石弓燕領終授鉞麟閣早圖功

題扇

採秀綠羅幌迷花皮石梁翠屏通隔色珠瀑濺林香虹
落琴樽靜霞盤几簟涼擬招鷓鴣侶隨汝詠滄浪

題十愚詩卷

愚溪

致柔宜柘水守黑傍楫堤霞境開仍斂煙花浣更迷忘
機隨浴鷺朝影罷燃犀應共消芒適無須羨冉溪

愚橋

八帆橫積翠虹跨石梁高河迴虛填鵲壺傾失戴菴援
藤忘絕澗搆竹冒奔濤試訪莊蒙侶觀魚樂在濠

愚柱

八桂盤銀地離披隱玉霄獨鍾岑嶺秀不受小山招膏
火煎曾避川泉潤已饒鴻濛方雀躍早晚下扶搖

愚柏

亭亭堤上柏磊砢邁羣芳麝集香潛掇鸞依影欲藏青
銅低溜雨翠黛迴擊霜材大知難用非君厭棟梁

愚竹

三逕琅玕翠幽清獨此君虛心時注露高節擬排雲試

寶鏡子詩集卷上

十

劍羞猿術裁牽引鳳文主人休問姓祇欲憩清芬

愚柳

陶令門前柳移根傍赤城鵲巢甘處劣蟬翳欲遮明帶
月枝猶濯臨風絮更輕冥邱觀化日左肘忽叢生

愚花

幽花縈澗谷冉冉若雲屯豈借雕剪巧翻嫌錦繡繁巡
簷頻索笑倚檻共忘言且莫悲流水溪桃漸可餐

愚果

碩李君家果芬華青綺齊仙源曾指樹嘉實自成蹊瓊
玖光頻襲瓊瓶美自攜元雲如可咬從此輯天倪

愚鳥

南枝多越鳥來往恣雲林祇遊虞羅密何妨蒼莽深洶
河流不竭填海石虛沈獨會幽人意誰誰寄好音

愚鯉

河洛靈終祕江湖樂未違避星沈劍彩驚月暗珠輝繪
歇磻溪釣琴張涿水微丹書曾一擲木葉其翻飛

題瀛州小景為楊時明題

蒼林疑若木弱水渺烟濤日鏡搖朱鳥霞峯湧玉壺琴
張頰貝闢笈隱紫芝翻靈氣雲霄接時看麟鳳遊

桂亭

構室依巖桂敷英拂絳霄錦林移合浦珍幹接招搖色
引青霞落香隨皓月飄自能丹石餌不羨玉梁標

夏子詩集卷上

七

吳御醫歸隱

負鏡辭蘭室餐霞臥管川玄珠流杏月丹龍落芝烟空
烟蚪紛映囊芬鶴並旋自今鴻術就紫館待騰騫

齋夕

閨寂祇林夜清齋獨不眠輪金遙聽偈塵玉漫談元樹
淨延黃月窗虛度柳烟聚星憐昔詠悵望鳳池邊

花散龍堂夕燈傳鹿苑幽梵香飄座禱春色抱簪流磬
迴風頻擊簾疏月自鉤連鬪霄漢侶瞻望滯追遊

中秋望月

九霄澄灝氣萬里澗清輝鴈影金波動烏鵲寶樹飛拭
盤延露醕開鏡炫霓衣叢桂南山迴王孫尙不歸

壽蕭正齋

負鏡張鴻術還丹侶鶴羣帙傳金匱祕函啟玉機文龍
竹淹壺月鶴芝沸鼎雲上池瑤木接休氣日氤氳

前上陵德勝門

先皇巡狩日此地卽行宮拜舞千官肅飛揚八駿雄雕
弓開塞霧鼙鼓振山風今日繁華歇重過恨不窮

前上陵出郭

白馬映冬輝青衫裏翠微谷虛瑤雪斂天淨綺雲飛風
甸吟梧葉霜林落雉暈龍光煥陵宇疑觀玉旂歸

望西山

天鎮接虞峻岩巒聳具瞻壁虛香霧合洞古翠雲潛寶
梵馴鸞鶴珠林閒杞柁無因測金鼎登陟挽龍髯

同馬太史宿學亭

旅宿依山館霜鐘徹夜推蘿煙流淨榻松月墮虛窗名
豈文龍並吟慚赤鳳雙遙瞻藏鳥地萬騎擁雲幢

謁劉諫議祠

諫議名祠古經行我暫登沙寒迴遠鵝林暝滯高鴈壁
劍衝星動爐香雜霧蒸精靈如未改藉爾翊諸陵

期鄭諫議不值

野曠氣森蕭冬行與寂寥虛疑龍劍合實少竹林招鳴
鳥飛還散香芝迴自搖鄭莊迎客地悵望白雲遙

望諸陵

寒日淨煙沙諸陵隱翠華丹崖盤虎豹蒼壁走龍蛇
古奉林細篋叢夾殿斜山川有靈氣流動雜明霞

詞康陵三首

月皎暮霜清冬陵苾祀明山椒流玉瓊淵藻散金盛
殿閒犀象寒霜暗戟旌六龍飛不返空結抱弓情
松柏晚陰陰玄宮抱紫岑衣冠留月殿弓劍落霜林
逕轉猿聲合沙紫鳥跡深翠華雲霧裏瞻對欲沾襟
五柞淹珠葆干杉閔玉襦靈山鐘自肅虛殿佩仍趨
雪暗蛟龍蟄雲寒鴈雀呼塵沙迷列岫何處訊蒼梧

下陵

石殿月輝閒風城騎影還路紆仍草樹日斷更雲山寒

賈爰子詩集卷上

七

炬連星發驚枝避鳥攀元門緩行袂回首只摧頽

山行大風

歲暮山風急塵途遲爾借驚鳥搖殿日飛豹散林
轉疑傾嶠雲危欲墮崖安能附鵬翼搏擊快幽懷

沙河

鷗鳥度晴臯煙沙斷古濠紫苔銜日淺蒼榆暮雲
靜留寒鴈溪平失巨鼇燕壑對岑寂祗有朔風號

遊元福宮

幽境遠元津清林隔紫塵鶴銜珠草潤龍吐玉華
新雲氣流三殿山芬走百神行逢偃佺子高論契天眞

冬至

今日明光裏彤雲繞座屯雪舒芸草細風綻荔枝紫
光玉輝龍袞黃鍾徹鳳垣聖圖隨日運長景照乾坤

訪顯靈宮

元宮闢引散朱日杰登臨靈石紫簾色香雲落檻
陰花文仍赤玉芝藥自丹金興迴瑤天表吟清紫
鳳林

登紫極閣

迤邐攀瓊閣迢迢入紫虛九龍盤象粲八景颺
光疏凍拂霞珠落窗邀日馭舒靈華如可擬從此
鑿金書

飲虛白亭

仙館開珍宴靈砂澹碧輝杯搖松霧縉佩引蕙風
非朱樹團芝蓋青蓮曳羽衣鸞歌度瑤管會逐綵
雲飛

賈爰子詩集卷上

七

送文安尹

鳥影層霄落花光海國芬涼颺逐征蓋百里撒
炎氛劍起搖津電珠還斂浦雲棘鸞應刷羽石
鵲已含文

壽鄒尹

鴻寶眞儒祀丹符令尹符鳴琴邀白鶴飛
馬下青鳧庭繞三瀛樹池芳五月蒲祗應探
玉葉分潤起羣枯

顯靈宮集得霞字

璇室班龍氣琪林翠鳳華揚裾拂清漢搖筆
散明霞簪迴荷風八窗虛竹日斜金尊聊取
醉何必駐丹砂

觀張曹王馬四子詩

病麻耽朋贈吟清滌座塵山花絨寶葢天綺
繡星辰搖

棟蛟津浩蒸衣豹霧勻喜從沈俗裏披見獨醒人

九日和馬太史韻三首

菊綻瓊筵覆霜懸碧漢傾清才聞水府高韻動承明未
獲追陪地空懷悵望情芝蘭今尙好鸚鵡莫先鳴

佳節愁中度寒花空自開才徵良友棄居僻野人來酒
憶閭公宴歌聞宋主臺西湖舊遊處何日泛舟迴

秋宵不能寐起視露淒其元論誰傾座幽懷獨舉厄松
雲時斷續簷月遞參差壯髮猶勝帽飄風任爾吹

感聞

南極雲山阻中天貝錦盈如何去與住俱似羿中行迂
拙甘衰病飄零寄友生秋風蓬戶底蕭瑟旅魂驚

夏彥子詩集卷上

七

胡太守邀飲北樓

潔牧高樓地清宵良宴開霞雲流草樹風月動樓臺爾
負元暉望余非太白才斯遊不可再把酒獨徘徊
小逕紆巖磴幽軒藉石臺披蘿堦月淨引篠檻雲開遠
鴈來歌席飛泉落酒杯興饒歸路晚不惜漏聲催

臥病吉祥寺

炎蒸苦行役多病臥禪家囊遲三年艾心懸百煉砂琴
書淹竹日枕簟淨庭花向晚涼應發時聞白鹿車

夜發三山

解纜三山下揚帆萬里遊江湖仍下榻雲月共行舟萍
覆魚龍淨沙棲鴈鷺幽客懷殊不寐獨立詠滄洲

夜登昆盧閣

紺閣俯蒼巒登四望遙千巖懸月觀萬柵宿星杓鶴
下汀雲細鵬翻海霧消松聲來靜牖疑聽玉壺簫

宿保鄣亭欲訪可泉不果

旅宿敞清樓山川繞棟浮金波翻石壁銀漢接湍流螢
渡楓雲晚蟬鳴荻露秋空懷剡溪興未擬泛輕舟

西野

野築俯梁川樓遲思覺元披軒迎槍竹拂逕散鳧鷖月
浪搏沙炯雲峯八戶懸無因似山簡留醉習池邊

壽隱士

銀鬢紫丹頰金砂縮翠氛簫和鳳吹裾杖曳螭羣月
臥衣裳淨霞餐鼎鬲芬還逢赤松子元祕許相聞

賀子卷

周卿有二子千里驥昂藏寶劍涵秋氣雲珠動夜光螽
鳴沙草綠風行岫桐芳斟酌題名處應懷蕙芷香

舟中翫月

清月橫舟舳游人獨夜看迎流霞綺散欹岸雪花搏色
借金尊潤光生玉珮寒祇憐一片影飄泊信風湍

嫦娥

中天飛寶鏡留影照霜娥靜試霓裳舞嬌憐桂樹歌翠
鬢疑玉露羅襪浸金波卻羨星躔女年年一渡河

天津

樹杪雙流會危檣夾岸扶雲霄盤巨鎮日月表雄圖海
濠城樓溼天連島嶼孤要知設險意本只為京都
舟倚使君灘冬行路不難雲開雙下榻海畔一登壇遠
豹潛隨霧高鴻迴漸磐卻愁尊酒散輕楫送飛端

南溟宅夜集

張宴今何夕冠裳集故知黃金揮醉蓋白雪動歌辭瑤
席臨幽色松窗納遠屣清燈照形穢窈窕愧君姿
遠樹層陰散空庭落日斜衣冠陪下乘詞賦接仙葩石
榻流清徹金尊映碧沙明星東漸起仍醉繫雙囑

舟中翫月

河漢淨浮烟冰輪迥出圓兔驚隨浪湧龍喜抱珠眠風
起能無量星稀只自懸清輝應不減夜夜繫舟前

酒集限韻

海月出浸滂松風響素琴妙來金馬客清對玉壺吟萬
古風流跡三杯感慨襟夜珠知並發酬贈愧瑤音
不費黃金屢言尋白玉標開樽墮簷月解佩散林鸞醉
遣花驄出狂將綵筆搖無愁歸路晚蓮炬雜星燒
碧月颺燈青文塵雙照亭為航中聖酒來訪少微星劍
映蒼松古琴彈白鶴靈釐鯨如可掣努力向滄溟

謝政志喜五首

不為相如病那堪張翰思自憐凭枕倦翻愧挂冠遲歲
月年將老雲山與願隨扁舟下南浦莫負鹿門期

不才慚瓦缶多病困蓬蒿幽檻迷春蝶深林集暮猿喜
隨吳市隱愁聽楚江騷試拂滄洲釣猶能掣巨鼈
赤紱投丹禁青鞋入翠微雲芝盤月潤冥鶴抱虹飛舒
卷隨亭塞榮枯有是非林泉暫長往不厭故山薇

雲戶焚魚珮烟汀放鶴舟寂寥傷白石浩蕩想丹邱挂
席牽風穩垂竿颺月流故園松竹在聊得慰窮愁
野徑紅塵迴山城白日斜披襟謝泉石倚杖躡烟霞
浴穿春苻鶯流趁午花元思隨風覽不必弔長沙

舟次阻風

古岸風烟合荒林日月昏危檣隨鷁退崩石雜鯨奔浪
急翻江柱沙圍隘海門飄零益枯槁誰為賦招魂

宴鄒子宅

藻麗鄒陽宅幽蘭芬正繁元雲盤綺席朔氣蕩金尊珠
樹花紛墮銀河浪欲奔長吟非郢曲授簡愧梁園

送巨石弟還京

伏枕憐子病揚舲念汝勞芝雲封逕蘚荻月映汀蒿水
落龍蛇遠霜清鴈鷺高愧無臨海作翻入掛舷謠
曉龍柴扉寂秋江檜鷁催別離經落葉衰颯已寒灰露
浩翔鳧迴雲凝斷鴈哀騰鸞羨脩羽聊得慰離顏
池草青芳變園桐赤葉飛西樓歌風雨南浦亂烟霏龍
劍光徐拆鸞鏡響乍稀長安傳庭館花萼憶餘輝

送東陵外舅

風雨心何切雲天誼獨俱危踪深繚繞遠道更艱虞去
住憐黃鶴升沈感白駒靈蛇已泥蟄慚愧報恩珠
不惜關河恨應憐泉水情蘿雲飄石洞蒨月帶冰清喜
共馴鷗會愁聞去鴈聲烟沙迷北徼何處訪青城
郊坰重把袂江漢迴浮槎萬里思吟絮三秋怨折麻雲
林搖月葛風消散霜葭轉覺柴門靜喧棲但暝鴉
五言排律

初夏集隆禱寺限韻

紺殿招尋境蓮華澹碧滋龍參禪日定鶴度梵雲隨瓊
砌翻紅藥琪林炫紫芝螭鐘和靜景鳧鼎駐遊絲攀錫
還空界傳杯蕩幻池楊張金利見幔卷玉毫垂玉露曩

韋子詩集卷上

九

潛繞幢虹鶴倒窺檀花翻綺繡迎葉綴琉璃鉢振陀山
象輪聯慧海滙燈曇三昧解珠動六塵遺寶藏開般偈
瑤碑揭竺詞鏡光從此照永惜覺緣遲

壽李太夫人麻氏

仙壇散秋霽種若散芬華麟脯曾充鼎鷲衣郁綴霞圓
喧仍莖葉堦淨更蘭芽饒錦陳庭几箱經出幔紗芝紫
丹棘粲鶴繞翠暈斜青女登珠珮飛瓊炫寶琳綺筵羅
縹李瑛饌進胡麻塗谷梨初實崑林棗已花松音流月
管菊葉慘雲砂應藉青吳調頻邀白鹿車

集余子字詠雪限韻

蕭氣落高冥同雲翳北溟凍聯萃澤素輝通廣庭青

露珠懸箔斜飄瑤飾局竹封翹翠色蘭擬更幽馨淨縞
張梁苑晶鹽疊謝庭散花龍女度垂羽鶴唳停寶樹榮
千蝶瑤臺綴萬星欣聞郢中調不羨剡溪舸

壽周老敬所蔣公

鴻鈞丹地啟鸞閣紫霄懸道協階平日神逢嶽降年風
雲隨查湧麟鳳對時妍畫鹿今迎轍非熊昔會吹巖廡
曠赤烏金石望朱絃一德股廷建三符漢闕連經綸天
宇莫矧亮帝猷宜禮敷圭璋備勳華琬琰傳北山盈棟
柱南極挂星躔鶴舞萊臺樹芝流玉鉉烟翠霞袍拂爛
朱日棟浮鮮桂嶺丹砂潤金莖碧露涓調和遂元化四
海共陶甄

韋子詩集卷上

十

送家宰整菴羅公

華省羣工表台階百揆先樞擬聯北斗象設巨南天陸
漸鴻儀肅雲翔鳳覽娟驕開穆野舟楫濟高川伊昔
金華侍兼裁玉府編直詞昭哀鉞高思灑霏烟藻衍鸞
池潤芳翼虎觀鮮鉛青移綵筆朱紫籍明銓曠日銀章
麗澄江水鏡懸九流承典則八柄總才賢猷擬張謩著
聲隨鄭履傳華挂輝絳嶺寶鼎灌香泉懿德徒欣仰清
風愧贈篇

送周老熊峯石公東歸

三靈歸舜歷九祭率周章肅肅丹符啟菲菲碧鬯將命
頌元輔肅儀採肆師良天轉星辰履花迎錦繡裝玉衡

聯瓊彩金鼎散蘋芳佩引燕姿潤旌搖樹涼臨沂思
濯漢涉泗飯升堂絲竹穿蘭振龍蚪結怡長雲霞蒸乳
豆日月麗宮墻已測尼邱藎還瞻岱岳光秦松盤道迥
漢柏倚巖張篋奠紫青鸞鐘懸振哲陽池洽涵鶴羽峯
律綴蓮房神宴沙鷗集人欽澤鷺翔山原增奕奕道德
更洋洋壯陋周南滯奇探孔壁藏風雷千古祕禮樂百
年昌問俗仍觀化明廷望對揚

方塘爲汪少參題

繁流形地絡流派引壘波麗色浮丹藻清芬散絳荷雲
繁雙繡合風蹴萬珠羅靜壑虛潛虬飛梁迴駕鷁鵬搏
疑上漢馬出想呈河羨爾觀濠興曾耽在澗過魚淵初
息釣鷺渚會鳴珂夙抱迴淵志今乘鎮海艦濟川知有
略題柱喜重過澤演蒲溪潤光敷荔浦和愧無流水調
聊贈濯纓歌

賀學士中峯董公推封

天闕榮輝下雲門淑鷺翔開先駟出渥叶瑞鳳鳴岡壑
嶺原鍾璞蓬登早兆瓊瑤鈴傳鶴麻絲錦照龍壑署啟
龍樓迴旆依虎觀傍彤庭推類錫紫誥重稱揚壁壘
珠翰金花製綺囊鸞音迴里開鸚喜溢闕堂星祭芝泥
色霓飄竹徑芳緋袍搖綠野翠帳擁丹房秩變熊幡舊
儀添象服光珈錫新壺泉石儼巖廊澤引初翠苜芬
承故植棠沙鷗吟孔繡簾燕賀章章列几逾華釜張庭

陌綵裳月珥明桂嶺霞錦拂梅梁集樹懷應豁循咳樂
未央行看白玉管雙美載琳琅

壽學士石門翟公母太夫人

繡輓懸嬰節珍筵布萼闌樽澄彤日漾珈瑩翠雲依玉
燕徵朱紱金魚綴彩衣堦迥丹棘影林島白華菲楊枳
繁籬沼蒲荷下禁犀鼎芬麟鑿脯軒色雉盤羣天漢
章迴山河象服輝赤鳳翻管簫玄鶴報珠璣芝駐瑤臺
月蓮含碧沚霏增城九霞氣時逐薊門飛

贈司空陳公之任南都

北斗依龍館南昌引鹿駟寶符占赤伏瓊省接元冥
檜楫堪川濟松楸兆嶽靈師雲流浦躡月吐陵焚夔鼎

賀學士詩集卷上

光迥鉉鳧鐘響發型地平金鎮峪秋杳翠微亭玉佩搖
蒼水銀章祭定星座閒宜几杖臺迴著儀刑翠麓鳴鳩
羽丹霄翟雉翎闕瞻囊欲縮宸注履疑聽蓉劍刺翻利
珍蘭晚更馨懸知監範地身外卽丹青

儲麗中宅酒集雪後限韻

青瑣雲邊榻金闈霧裏旌風流時一會藻翰舊齊名
雪搖樽白樓烟晃簡清欲仍看玉樹醉欲倒金莖酒
晴多侶林鳥晚自驚預拚乘興返銀漢落邊城

贈中丞東臯姚公節度兩廣

初閱明窗麗培植兩鎮堯寶鎔翔鳳苑珠湧臥龍
寶金流蛤霞洲玉散珖銀編含瓊脉石鼓洞星杓象嶠

涵靈粹蛟門結瑞饒蓉崆時振結簪麓早搏鵬榮楮丹
青鑲純鈎組繡稜雲邱符鳥夢溪月協影引肆雅三歌
徹爲南二始昭汗質窮馬負揆藻謝蟲雕冬用細嵐箭
春升錦撥標望推清廟瑟班重太微朝蘭署先頒管椒
壇贊炳管臺清惟俎豆皋擁更鑄壽學圃西河祕贈聯
北斗迢緇帷森鶴集錦帳候鴻鸚建隼蒼梧外乘馳絲
桂標光風生五嶺時雨潤三苗聲擬洪鐘叩規同木鐸
搖氣吞羅峽露詞吐荔江潮禮倡任延化書頌陸續條
育我玫瑰肅采菲漫絃調

賀閣老石齋楊公考績賜宴四十韻

衡緯臨岷甸邱雲燭輝空赤泉流藻潤錦水蘊珠融箱

重爰子詩集卷上

三

雀遺環遠堂魚降鶴同俎芬綵列鵠璜瑩北畋熊豹飾
垂三祭羔纒備五總商門章款款虎觀議融融碩譽聞
皋鶴禱儀見渚鴻礪金光繞漢蒼玉氣凌虹不憚馮河
力深圖柱海功石鈎陳府緒球竹奠房東渭璽囑迎代
樹塵預珍窺巖廊推素節社稷仗丹忠踰濟簪繁蓋差
我棟蔚隆拔茅兼駿骨夬覓牯牛幢瑟拊鑄音聞梅調
鼎寶豐華蟲依舜衰雉避殷彤開霧明岐日吹塵淨
宛風壁淵龍聳躍元扈鳳騰神琬琰傳遐邇山川象始
終蘭臺編莫罄麟閣繪難窮晉接開渠屋周詢冠合宮
撫辰熙庶積會歲告庸公車服襲章重綸絲禮敷充芳
應齊和豔華已邁疇翫擁泥函澳鴻盤綠緜茂謙沖

流地德變理遷天工赤烏安恭履黃裳暢美衷誠符九
官讓詞咸四門聰西昇輝方麗需雲色已蕪秩筵當宴
銅嘉錫值生松周典房蒸具虞庭葉飢蒙笙簧礪與酒
鐘鼓貺形弓鹿食時遊野風鳴正集桐簋樽聯坎缶徵
角振齊儂授几容仍攝張屏澤更洪穆紫甘氛密露泡
夢蕭濃魴鱧紛麗鬪蠶萊鬱發叢溶歡澄碧並雅調柏
梁通報擬岡陵重休偕柞葉蓬卷阿遊詠處千載仰龍
提

五言絕句

姚園分韻限體走筆得張字

步日遙天近依雲錦席張停杯玩流水濯足契滄浪

重爰子詩集卷上

三

庭樹散年芳山雲簇苑張登臨時極目空界正蒼茫
衣拂薜蘿香巵吞琥珀光飄搖霄漢外不必奏迷陽
開影閒杉篁禽聲呀管簧幽居隔塵鏡萬里翠霏長
風日灑春裳烟花亂羽鳩乘閒但取醉吾亦晒吾狂
端午賜符扇絲纒和石亭韻

金馬班聯邇珍函錫自公休揚殷箭重庸顯舜車崇

重爰子詩集卷上終

直愛子詩集卷下

明 仁和江 暉 著

七言古詩

五馬行贈馮鄧州

君不見吳垌駿馬凌驕驍似儻權奇白如練九達長驚
軼昆雞萬里超騰逐奔電懸峯瀟瀟弱木摧玉轡郁郁
華雲迴空郡喜識飛龍翼伏應倏起翔麟材月明星動
聞聞開颯然沛艾彤墀來漢帝頻欲濯注水燕消不數
黃金臺一人天附充五馬口噴紅光沫流赫識途何用
極西崑涉遠還應鑿東野錦障鷲和雍且都安能先後
隨韓盧已向芝田擲瑤草更臨壁絡呈丹圖

直愛子詩集卷下

大嶽歌送陸元望

大嶽何岩巖玄林結青霞北冥之真人來往馳瓊車飛
蓋蔭八虛楊旂垂三花赤洞龍泥開玉簡然後琳宮繡
壁紛增華五臺九路靈光遮二十四湖交洽訝香鶴吐
烟霧參差隱蚪蛇石英標磊砢琨枝郁交加梯盤翠微
巖嶠俯蒼莽踪上與霄漢通霓裾列如麻朝下鸞鷲夕
遊麝麝香薩紫極中含金沙知君此去探奇葩絳袍孔
纁非足誇赤城芳菲籍楠杞玄圃曠蕩騰騶驂有時生
羽儀儼然脫塵匣銀榜鱗裳或可親待余共泛凌星槎

壽願中翰母

洞庭花柳琪林遶嬌彩耀靈耀堂翠藥笈先占白壁徵

芝圃會續玄珠祕早歲風烟截絳河雲機頻斷錦文梭
翰研宛稱青鸞鸞鬱鬱疑聯火玉珂六月南薰滌蒸鬱
金草琳英競蕃蒂朱鳥紫楫竹籟幽丹魚振壑荷波欬
碧藕交梨薦綺盤瓊虹搖麗縹霞蟠穹山橘柚連積樾
玄圃琅玕動紫蘭玉樹光依釧墀闕綵毫詞灑瑤臺月
鶴羽常懸苞柳樓鴻音正及晨葩發瓊章珍帙頌長春
適寄南崑綠景新不必墉城邀羽鶴早聞璇室下班麟

稽山歌壽董使君

稽山蒼蒼入紫霄香爐天柱參崑崙松篁錯落龍蚪臥
琅玕杳靄虹霞飄使君卜築臨山趾白石為牀鹿為几
謝安高臥東峯雲賀監長吟鑑湖水湖水浩浩雲門開
丹鳥珠雀從天來金蓮桐柏聚可掇恍如控鶴凌仙臺
仙巖對景搖華液芝菌芬馨薦瑤席千盤翠壁紫霏烟
百道飛泉漱晴碧君家瓊樹舒奇芳奕奕高標白玉堂
瑤盤遙寄玄青露吸此可以增顏光顏光蔚蔚無衰改
少微南極揚朱彩君不見若邪溪上薜蘿閒樵風靈鶴
依然在

直愛子詩集卷下

蓬萊篇壽開老孺菴毛公

蓬萊高出溟海東層崖杏嶂摩青空蟹影迴盤瀉烟霧
愁波洶湧涵星虹孔旂遙接紫華上璇作樓臺銀作宮
銀宮休氣紫晴島積翠披丹映瓊草石淨時懸觀月鏡
林虛忽起藏珠鳥麗境奇蹤天下聞靈敷秀結何縹紛

明璜璀璨蟠溪月白帝縹緲高邱雲高雲溶溶月炯炯
濯素凝華照彝鼎長庚北挂臨三臺壁門丹地眞蓬萊
黃扉對闕蒼龍見扈閣披圖翠鳳迴明公之生本靈異
山嶽爲儀江海器已聞商礪金銑笑復見虞裳藻蟲備
七月蓬萊風散涼大火西流珠露光塔前南桂含朝露
席下幽蘭生夕芳雕盤錯疊琅玕寶瑤琴頻傾沆瀣漿
琅玕沆瀣相輝煌仙鶴對此爭來翔仙鶴翔白鶴舞落
霞飛宿芙蓉浦析木盈盈在庭戶君不見桑田不變海
不波蓬萊之中樂且和方壺員嶠安足數揮毫請紹松
高歌

別邵指揮兄弟

蘇舜欽詩集卷下

五

長安大道花凝綺甲第千門開城里畫檻彫窗拂日鮮
翬軒藻棟連雲起繡旃瑤席聚瑞貂翠袖珠環擁玉簪
揮椀號呶易童投擲盤袒跣稱盧梟香車寶馬凌霄漢
五侯七貴頻遊宴獸炭宵燃許史廬珊瑚畫碎金張館
復有膏疇巨錦堤便蕃珍錫交琳琅築園將同上林苑
穿渠直引昆明池乘時藉葉何輝絢轉日回天動雷電
叱咤能令神鬼驚援推坐使川陵變美君兄弟皆超羣
裳綉含章揚素芬推轂每延章甫士披函時誦盤孟文
十八侍中雍且粹鷄鷄會刷搏空超流水游龍未足移
凝脂點漆何容譬暫下塔墀抽碧簪豈誇廊廡陳丹金
積哀獨抱陽秋讖傳喜常堅松柏心落木蕭蕭歲云暮

蘭橋遙逐歸鴻渡靜清沙狎白鷗澄江湛濟開黃霧
攜手河梁惜路歧天涯忽動故人思他年挂席東南去
虎泉驚嶺還相期

銀河篇壽王進之母

天衢秋夕華雲涼銀河耿耿璇爲梁彩婺流輝度闔闔
舞旌芝駕陳琳堂琳堂休氣紫霄宇瑤席綺幃傍清泚
鶴羽聯翩擁翠鈿蜘蛛絲絡繹黏紅綫玳瑁佩搖丹扉
百枝光動七襄飛盤承玉露團清鏡梭落金霞點絳衣
太清城闕鴻濛上銀傍瑤臺兩相向月兔毫鄰娥館寒
風鯨鱗並昆明漾葵華本大北方辰靈秀仍鍾析木津
早聞香粉迎波淨更識絳羅炫象新執羅夜月飄彤艷

蘇舜欽詩集卷下

四

寶帚珠珈巧流瑩鶴嶺曾諧子晉笙蓮壇會接方平磬
氛霾中道截河央河鼓冥冥罷服箱貞心化石安能轉
歲歲支機瀚海傍機絲欲斷章逾瑋輝蔭瑤枝一何皎
不數金光照社符虛傳絲蓋懸鈴兆仙郎亦擁旄頭靈
奉使曾乘上漢舲復伴常陳懸閣道羽林隨護太微庭
芳辰會值穿針節幾度開襟理蘭橈五色鮮芬落翠房
和霏細灑纖埃撒錦樓百尺瓜筵開蠟鳧鏤果交盤迴
清商聲繞紫虛外霓裳絳節橫空來八瓊迭奏昆鐘吼
何美壙城下王母鸞彩紛繁空洞瓜螭燈迴映沈淵藕
秋桐秋冷天榆芬華粗疑飄火玉文畫屏迢遞銀河畔
屏塵眞如五寶雲

贈陸容之太守

謝家玉樹交春滿西堂夢池草鴻姿蚪響誰嗣芬
四明三鳳知名早長君四十已專城彤旌旖旎峯明
開庭日靜鳥雀下清句花積鷗鷺迎玉鏡冰壺照瀟水
龍潭瑩澈蛟波平仲氏含香丹省傍青綾錦帳何輝煌
闕闔宣風動爐竈白雲西火騰蘭芳季也舒翹陟龍禁
燃藜汗竹朱烟揚鈴飄華蓋鸞坡靜花映蘋霄鶴麻光
分麾簪管聲同調白璧丹芝總靈曜錯落主璋奠闕宮
續紛鏞磬懸清廟禁城淑氣轉芳春輯瑞庸車王帛陳
龍鑣馭日青旂變熊軾朝天絳節新是時周王宴鎬京
袞衣絢爛承方明賓庭涓露霑蕭葉仙館流輝遍棣英

直羨子詩集卷下

五

雪亭

玄英策馭颺風揚同雲泱泱朱明藏寒氣蕭蕭度冥朔
澗流動谷摧羣芳雷霆闕曜蜴伏飄然霰雪盈堦堂
墮絮飛花何歷歷平垆迴麓同茫茫冰凜蔽遠龍苑
黃竹哀聞皎駭翔獨有山中鷓鴣侶撫松漱石恣徜徉
行轉嶮林探絳藥坐依姑射生顏光梁苑疑傳昏授簡

刺溪何美夜歸航山中之樂洵洋洋瑤華璧彩爭輝煌
試聽西裏梅花曲已振庭前蘭水香

送唐平侯任交臬

平侯夙具青雲姿淵蒲洲荔芬芳奇高標千丈聳嵩嶽
瑩器萬頃光琉璃談經直究康成祕析禮真傳慶氏遺
白晝珠輝動元圃青霄鵬翼翔天池金門射策知名早
畫省含香退食遲一朝謝病歸南壤樓鶴潛魚足幽賞
拂衣耽臥羅浮霞倚杖閒學曲江莽高詠滄浪十四春
林雲扃岫何森爽紫極初開龍御中丹心未遂鷗盟放
翻思振絳接廷鷄更見摛章驅苑象去歲南宮桃始紅
鉛朱校藝與君同和鳴欲擬遷喬鳥扶直不數生麻蓬

直羨子詩集卷下

六

共取琳球薦清廟願令綠耳生長風傾蓋有時交有道
軒然氣意凌霄虹玉軫幾聞流水調陽岡喜見棲鳳桐
今年送君贊交臬岸柳飛花蘭茁雪人生去住安足論
天下經綸仗時哲龍洞霜生身繡寒駭屐風度朱輪赴
令著鬱林水月明聲揚碧海鯨鯢滅贈君寶劍鋒光烈
請君拭拂無摧折

答惠北屏且訂春山之約

咫尺寒城斷林樾尊羅襟各烟月相期欲採山畔薇
冰霰蕭蕭芳卉歇玉笛瑤徽更憶君冥鴻流響碧江聞
春深丹洞如可訪共躡琅玕嘯紫雲

送參戎萬鹿園之留都

霜空灑溲搏鷹鵬丹嶠飛木雄風飄乘絨揚麾下南極
翠鞋赤羽摩雲標將軍少年蘊黃石林猿卻走潭蛟斥
二十鳴弦入澤宮超距穿楊拓朱戟三十飛芻泝淮泗
牙橋破浪同鱗次噴玉爭誇紫燕林剗犀早識青蛇利
黑頭今已執金吾錦裘繡帽明霄衢羽林環列天駟趨
熒惑機槍避斗樞烏龍分張電雷坼熊虎搖曳虹霓紆
銀鞍玉帳光繚糾鏡錫喧闐鉦鼓吼會見貂纓屬燕頤
頻聞鶴圃歌狸首萬里長城鎮石頭鷺水遙通江漢流
不獨鴉羣聳鳴鶴還隨臺上鳳凰遊鳳翥澄江江不滿
鍾山突兀積霞盤鐵鎖盡撤珠輪安花迎彫轂開樽俎
綺錯周廬遍羽千兔置豹裘真堪擬耿耿長劍當天倚

直隸子詩集卷下

七

洗兵無用天河水河清時有龜圖起麒麟繪閣逼青冥
彝鼎旌常更勒銘功成倘伴赤松去待子控鶴浮滄溟

贈朱廣文

廣文少年力稽古韋編綿叢鑽研遍志迴羞呈脫穎錐
遂窮竟失穿楊箭邇來皓首尚青衿茹蘗縷鷄含素心
濯纓自愜滄浪詠扣角無須白石吟一朝偕計鴻都下
任陟阜比稱醇雅堂前未落揚震魚堦畔猶驅鄭虔馬
緇帷遙擁藻堂清灼灼文星照楚城沔鄂雲流桃李燦
洞庭波湧蛟龍鳴朱瑟洪鐘聲已售何必金門曳華綬
寒芷芳沾湘水波披藍稱動湖中圓

贈新樂楊尹

井原終日飛塵沙并嶠百里無桑麻悲風蕭蕭振猛虎
落木慘慘啼飢鴉闔闔明照中土爲驅仙令臨畿輔
赤縣時飛鏡蓋雲青林幾濯隨車雨瑤軫徐調白日等
冰壺迴列和薰鼓卽看郎宿傍霄清炯炯流輝映綺城
梧枝旖旎丹鸞集麥穗葳蕤彩雉鳴只今獻最來雙鳥
一日聲名迅喧赫闕下銀魚擬降緋沙邊石鵲應揚翮

昔遊篇

贈余懋賢刺鄧州兼
憶其兄方池太史

丹楓颯颯燕雲秋沙冥霧裊雙旌愁停驂對酒盡惆悵
聽我臨歧歌昔遊汝兄當年富篇翰鯨翻鸞炳昭遠觀
鸞谷初遷藉玉輝龍門久陟成金斷爾時見汝才質殊
穿楊製錦升霄衢邂逅論交卽傾倒廢歌蘇飲爲歡娛

直隸子詩集卷下

八

那知事勢忽紛糾萬里風烟各回首汝兄乘槎斗牛邊
汝亦持符鄧城守京洛分飛兩神劍芙蓉散彩蛟螭吼
人生去住隨轉蓬形骸嫋嫋搖金風丈夫有才須世用
盤錯豈必悲途窮鄧城蕭瑟鳴哀鴻四望榛荆杵柚空
村童野老競除道遲爾愷悌蘇疲瘵洪鐘擊釜由來重
閭閻早倡安居頌鸞鳳終難枳棘棲榘楠還待明堂用
別後如傳春草篇和章應許羊何共

送江仁伯

江生江生舉杯擊案歌莫哀吾能慰爾紆軫磊落之傀
材河轉星沉春夜杳迅馳宿霧繁樓臺古來萬事盡朝
舞繁花終日飛塵埃鳳鳥何須競鶴鷄蓬萊已數捐蒿

萊君不見烏臺鸞渚何清麗朝叩天關暮荒裔又不見
朱輪墨綬華堂開折腰俛首借輿僮丈夫得位盡如此
壯心翻逐功名摧大雅朱絃久寥寂紫燕奔虹咸伏櫪
羨君吏隱超世喧莫爲擅寒動嗟成金陵龍虎抱碧沼
蛟螭旋鐘度雞山緇帳靜瑟鳴鶴宇青衿鮮藏器衷自
娛括囊志方遠風雲感會各有時獻納彤庭未應晚

明山行壽人

明山岩峙丹霞峯嵐華燦發金芙蓉石屏玲瓏散烟霧
蘿磴杳靄盤蛟龍輝動流珠林色濃澗澗環薄波洶溶
玄壑靈谿望不極鶴鷗時下聲噤噤中有逸人希夷子
杖藜被褐依虬松抱嬰鍊液宜自美砂泉芝蓋行相逢

直髮子詩集卷下

九

棟塘爲李封君題

幽人卜築臨陂塘千章夏棟盤青蒼潭影汎瀾蕩林色
花陰杳靄飄泉香芙蓉交良明窗翠翔鳳疑舒寶崖祕
珠寶凝黃鸞鸞棲瓊瑩莖墜綠蛟龍避沙白霞牽石毅聯
霄澄星炫金鈴鮮蓋迴泠泠下芝露叢深細細搖蘿烟
棲遲自協紉芳性攀撫時賡采薇詠陰匝雲關碧簾閒
籟流月几瑤琴淨綵筒曾帶湘流清移根鄞野愈昭名
苦心不受螻螿啄直幹甯同樗櫟傾珍標迴照荷衣美
願竹陶松安足擬君不見薜華幾謝梅李摧棟枝方綻
凌風葉

畫蘭

紺堂女練搖金光座前宛覺蘭蕙香淨萼蕤蕤結文繡
修整錯落敷珍琅輝輝幽清冠群卉汪離薜荔徒榮芳
已傍楚陂團墜露更垂晉沚紫流蘭繪工况極丹青妙
寶地珠林藉煌耀灼燦能添慧日鮮蔓延直共慈雲葆
根盤石壁摩霄起擬落靈峯隔塵峭瑤影紛臨空界張
玉毫散作迷川照吾鄉上人支遁倚度杯飛錫邀雲洲
三生劫透蓮花步入解禪通貝葉流披圖指點動色相
授簡索我幽蘭謳芬馨自稱曇筵薦龍女天花不足求

壽崔來鳳父母

昔有玄都崔文子擊蛻打鶴喬山裏煒也駝蛇歷玉京
希眞杖雪尋蘆止芝圖奕奕傳芳風後來繼者江都翁

直髮子詩集卷下

十

金鈴珠藥五華疊脫落瀾濁存虛沖乃知仙枝別有種
不比塵界徒雕鷲早愛名山遊暫縮天臺綬立馬揚帆
度碧林石梁橫巨霞峯秀青鳥還如出尙方丹砂不必
求句漏歸來石榻緣滄海玳瑁珊瑚綉互光彩揮塵猶驚
若木摧移柁頓登桑田改樓臺十二層城阿巨龍不動
三山在星珮霞裾更眞匹緋桃紫柰充瑤室炫服天街
轉七襄俯看清漢銀波溢仙郎筮頂攀飛虹十年簪筆
蓬萊宮琳池鷗鳳迎彤旭翠苑麒麟下碧空朱萼白華
盤寶樹白雲望入琅霄中幔亭高宴當嚴冬絳雪玄冰
瑛液濃懸藜磬雜靈和鐘蟄淵振起蒼精龍三晨八景
時來往朱密青芽日應長萬劫瑤英不足多致身闕苑

何蕭爽

浣溪歌壽學士託齋温公父

浣花溪水照青城丹景元儲并落精霄霞繞珠輪淨
螭象紛蟠玉壘清明公居傍溪之浹鍾祕開先響何瀾
赤管青縑闌握芳金提瑞雋棠陰被投簪早賦歸去來
豈令岫幌荒蒼苔杖牽蘿月磨廓伏綸狎蕙風鳧鴈迴
背郭堂成聯綠野澄江離畔開香社採藥鳴琴塵籍遺
枕流漱石幽襟瀉更仰流芬播玉枝承輝振彩豔丹墀
蓮山迴陟滄溟破藻鑑高懸隔日垂白華文梓交蕃阜
錦語瑤函為公壽綺饌鮮陳丙穴魚瑤尊州倒郇筒酒
緋袍孔繡服視瑞色榮光遞繞溪鸞章絢爛環丹竈

直髮子詩集卷下

七

鶴吹參差徹紫泥蒼顏真共岷峩久芝草琅玕日盈畝
試問成都賣卜人赤斧山圖能擬否

燕京三月飛塵沙青城紫陌連狹斜鐘鼓喧闐盈戚曉
金貂絡繹向侯家勢欲恩光互輝赫膏圃甲第何豪奢
已樹曲旃環繡幙更新閣道通金華曲旃閣道緣霄起
萬戶千門役無已南甸分催花石基西岡杳致珊瑚屺
轉日回天誰不憚恍覺遊龍動流水故人咸集武安門
遊士爭趨冠軍里羨君直操堅且孤甯甘泛泛隨鷗鳧
李尋真售東垣說劉偉終遭北寺誣貝錦蒼蠅徒自飾
明珠白璧焉能污古來出處信有義冒譴豈即非良圖

君不見拂士扣關皇怒烈枉朴張威禁墀血雲中橫卒
妄稱戈温詞厚資恩施迭天心好惡不可常雨露雷霆
安有節不須揮手歎窮通已幸全生保明哲駿臺柳色
慘離衣回風颯颯陽和微赤虹欲射龍蛇見黃霧仍飄
金鐵飛鳴呼動草貞松世所稀壯懷雅調君莫違安得
淨雲迅斂碧空淨頓令四海蒙光輝

鳳蕭引三章壽周時伯父母

交梨丹實黃紫華泉芬石瑩搖琪花芙蓉為衣菌桂車
振英採藥調雲砂瑠盤玉露厄錦霞琳腴珠液瑤胡麻
續趨鵬鶴從臾席丹城玄谷生青芽皓旭遙迎上漢槎
瓊樓綽約珍蕉菲含風吸露燈炎輝珠珈象服光簾閣

直髮子詩集卷下

七

初蘭蘭首芝充幃雲章霧殺出瑤機駉馴鸞鶴耕聯翠
玄冰流華海已微幔亭歌接朝霞飛銀漢迢迢照蔚衣
鳳凰樓上簫管和琅琳迭奏寶雲歌貫簪玕寶桐鈔柯
殷翎早振天池波紫泥花錦光瑤瑤濼繡霞裾火玉珂
揚裾振芾雲中過金縷琳彙續星羅閣嶠增城樂事多

贈李生兄弟遊南膠

李生兄弟琅玕姿青衿瑤瑤光離離鵬鵬聯翩刷得起
躡蹠蹠蹠排風馳昔時鬚巾氣已奇冰顏漆髮垂芟臠
盡鑽冬几局芸慢蟻習春絃振芴池一朝負笈長安道
芝華棟莠呈芳滋已從鳳閣探光化更歷鴻都被秩彝
只今解纜金陵去文机絢爛灑江酒東膠鑿瑟時薰繞

南國樓臺皓旭垂
槐市緇帷兩相向
壁梁高接青雲遠
燕亭送爾秋色移
嚴霜颯颯寒颯颯
把贈雙桂枝
攀取芬馨無後時

延福宮作贈玄素鍊師

長安三月韶華流
鳴鳩乳燕聲相求
問柳尋花動芳思
揚鑣汗漫琳宮遊
琳宮真人曳羽裳
倒屣迎置丹雲房
顏堪青桃照瑤席
慙慙勸我飛霞觴
塔前玉笛度空翠
清音絳景同飄揚
醉踏瑤臺指壺嶠
開函欲授長生方
朝明無停機玄髮
漸衰改因憶繁華
遊冶郎銅圓金谷
今安在塵網悠悠
三十年悵望芝田
隔溟海安得從君
物外蹤斑麟黃鶴
空相待

真愛子詩集卷下

三

送李臬使防禦棣州

使君壯略凌霜電
持斧賽帷歷東甸
日湧咸池引豹幢
雲生岱岳隨熊羆
憶昔青城膏壤聯
繡江蓉沚平如練
絃誦千門魯化餘
鉛絲萬井齊風扇
綠約朱英大野陳
山疊瑤窻明堂薦
玉簡搖華發翠厓
金泉蕩彩回瑤堰
何年氛霧起滄溟
遠有塵沙暗清寶
猛道朝看從壯歸
邱城暮聽狸雞遍
况逢乳虎號當衢
悉使哀鴻若投繯
杆空澤竭徵無已
磬懸鎖列生猶綫
潢池未擬淨風烟
萑澤應須仗喬彖
宵旰憂民不忘戰
錫鏡鉦鐸推時彥
振武期攀夾谷戈
濟時眞鄙聊城箭
爽鳩刷羽恣搏霄
文牙揚鱗恍飛颺
樽俎能銷兵革煩
鉏鋤盡是矛鉞變

五星順轉三柱凝
林鳥和集鯨波奠
流澤長添普濟渠
華助迴映靈光殿
吾兄今亦東藩居
勢輟旬宣不遑宴
朋寮喜遇音講同
仁想聲聞共輝綸

題御史椿萱圖

君不見沙堤柳娟
質嬰霜迅凋朽
又不見清塘荷柔
芳搖蕩隨風波
繁華蕩豔安足恃
歲月冉冉寒氛多
豈如南山靈株北
堂草郁郁仙英不
知老鐵榦嶙峋
龍虺盤丹葩絢爛
珊瑚葆玉堂仙客
才且都披練示我
仙英圖玩圖恍若
琪林接絳芝朱樹
紫蓬壺君家嚴君
本仙令雙鳧搖曳
澄霄映製錦時成
赤玉文種花頓使
青芽盛句漏丹砂
噴石梁旌陽羽蓋
流瑤光懸紫磬擊
紫鸞舞

真愛子詩集卷下

古

三疊琴鳴白鶴翔
峴瞻亦近瑤臺侶
幔亭高傍銀河渚
雲染珠珈七寶聯
霞飄繡闥三花貯
琳鳳腹香絳景留
斑麟脯色翠玉浮
九微燈炯綠軒訝
八瓊歌動飛瓊詠
仙英千載仍蒸灼
柳絮荷花幾零落
人生壽命信有因
玄圃桃源豈遠實
五色粉圖非所珍
祗將取象凝天真
金莖布有青黃露
遙寄瑤盤和玉津

壽錢醫士

穹窿山色頽霞聯
石英桂液凝芳烟
天池迴闢華嚴顛
瑤波漾漾浮青蓮
洞庭錦壑丹苞頰
鶴亭甘井相繚纏
錢翁鴻術通微玄
抱黃迴紫樓其峒
背壤晴開種杏田
恍如珍樹交琪苑
長桑早發金匱傳
蘭室閒披玉版篇

玄珠搖光瑩更鮮上池流水清漪漣
刺犀劍磨膏龍涎
鎔砂鍛璧飛朱鉛五禽迭戲神鶴卷市樓擬識壺中仙
負鏡驂牛遍八埏軒皇簡置明堂前九宮之談素理宣
審知廣樂張鈞天齊孺絡陽經十全號門安敢誇鏡滿
白羅僵伏赤蓋還糠犬奔仆青蛇懸知君此術真奇價
壺中日月滋曼延琉璃庭宇松篁樓石扉訖啟香林妍
青黏漆葉揉芳荃六草三芝寶氣連已能學掇盈筐簞
服食自可躋遐年疎齒方墮綠髮卷顏光郁郁心陶然
玄氣始廓陽和旋碧雉振羽青鴻翩是時南極輝霄躔
荔花柏葉爭便娟琥珀濃傾玳瑁筵琅玕影落賓雲絃
幔亭迴列琳腴駢歌聞白鶴舞文牌行須即乘訪箋佺

直愛子詩集卷下

七

倏忽雞犬鳴雲邊鱗裳羽葆虹霓旆紫清碧漢恣踟躕
源桃陂竹紛芊綿洲麟臺鳳齊驅先左扶翠鶴右瑤鸞
應憐螭蟄時凋湮遄揚寶筏臨迷川顛童盡浥靈砂泉
景風浴澤何明燭回看陵海頻更遷

天姥吟壽贊善汝湖謝公母太夫人

越岡休氣通玄圃搖颺雲霓駐天姥瑛室欽崑寶笈藏
金庭空洞瑤花吐鶴嚮虹幢往復迴鳳笙虎瑟鳴相催
錯落珍圖五嶽見繽紛珠鳥三瀛來簞磴芥阿粲彫劃
石梁遙對霞光赫萬丈丹峯繞薜蘿千盤翠壁懸桐柏
岡靈含粹本符人天姥楊芬儼降神操嚴霜雪貞蕤振
儀著山河象服新謝庭玉樹花如綺班女東征未堪擬

藻煥雲章下翠鸞機凝霞繡盤文雉秋湛霄虛銀漢清
滿華澄逐月輝明鳳腴麟脯琅盤薦菊液蘭漿碧翠傾
素臺歌發飛瓊共絳芝光射丹砂重彤管曾昭化石名
錦筵應致如岡頌

天津阻風歌

十月望前潮水平繫舟沙岸窺天清須臾月暈烟濛莽
已知潮迴夜半風濤驚初聞颯颯楓樹鳴再聽雷兩雙
崖傾鷺飛鴈叫沙滾滾城頭筋吹銜無聲此時馮夷乘
浪雷天鼓海若含笑飛追舞魚龍變幻眼欲昏巨鼇湧
出三山不復睹憶昨揚帆辭帝都三朝遂造天津圖買
魚沽酒頗快意風波何事還相驅把劍徘徊轉不樂斷
蓬折葦舟遽落呼兒解纜瞰中流浪打潮翻勢更惡君
不見鯨鯢前鼓溜蛟龍復盤窩吾甯岸坐崖行不渡河
風乎風乎將奈何

直愛子詩集卷下

七

壽學士敘菴李公母太夫人

天穹景清颺乍涼蔥蒨休氣紫高堂碧蓮噴吸玄露瀼
丹棘芬迎珠鳥翔玳筵載啟稱琳觥佳辰良慶洵樂康
絳芝動色琨樹芳迴依鸞渚裊龍裳孫枝蔚列仙臺郎
卸階鉞掖含清香緋袍寶帶紛趨踰庭前倏覩黃金光
白華朱萼林芝陽鳥神弱棗交輝煌榮社粲粲蕃以長
霞文雉繡垂鳴琅向夕九微燈錯張王母遙下雲旂陽
駢羅珍果開丹方斑麟之脯琳瑯漿介壽年年樂未央

幾看鷓鴣凌蒼蒼

七言律

遊姚園用亭溪張公韻

曲徑層欄翠苑開
琪花錦石巧繁迴
蟬蟠香鑊蓉峯秀
虹跨重甍藻棟材
芹日暫驚沙燕語
草屣初送野蟬哀
林園芳勝傷遲暮
不惜金魚換酒來

錦園朱夏綠樽開
高嶂摩空日月迴
揮塵漫添乘鶴興
落毫眞乏擲鯨材
珠簾雲捲千林淨
玉笛風生萬壑哀
回首可憐芳逕夕
飛花片片逐人來

珠碧堆瓊太華開
瀑流疑蹴百川迴
形翻翼鳳誰加贊
巧逼雕龍幾化材
露澗荷盤淵簡立
雲傾蘿磴嶺猿哀
直愛子詩集卷下

白沙翠石堪乘興
載酒尋花日日來

贈葉國光刺興化

魚書早屬維揚俊
紫綬青春照越州
簾影壺冰溪月綉
帷褰鍾石嶺雲流
哀鴻無復鳴蘆渚
神雀遙看集荔邱
萬戶弦歌饒淑韻
南荒如視鳳麟遊

挽尹洗馬

冥夕文星落上台
楊風蕭瑟有餘哀
笳聲斷壑麟失
囊管香殘舍鵬迴
細雨移旌棲遠道
浮雲拂石駐玄臺
他年掛劍楸梧下
祇有寒烟鎖綠苔

挽葉叔晦

虹葦霜飛玉樹凋
旅魂漂泊更誰招
松埋萇嶺三年碧

懸吼胥江萬里潮
春草鳩鳴川月冷
宵枝鵲泣棧雲飄
九重泉路交期盡
流水高山漫寂寥

空庭梅月

香嶂叢梅漾月梁
幽清眞作野人居
綃橫露檻金波斷
鏡轉霞帔碧落虛
翠羽衝花翻菡石
玉毫流彩襲羅裾
赤城猿鳥毋相狎
注目層霄下鶴書

贈別湯時敏

蓬山早識踐龍管
靈氣長懸玉樹林
豈謂回風翻漲口
遽令奔浪折江心
離羣鴈鷺傍下驚
網魚龍故故深
側悵登坡舊摘藻
朱絃白雪尙餘音

直愛子詩集卷下

太

楊花飛雪奈愁何
且爲湘纍賦九歌
芳草不堪春鷓早
荒林况復夜猿多
風煙經眼憐新隔
魍魅窺人喜乍過
月落橫江天柱杳
雲山寥寂想鳴珂

天畔疑雲畫不開
霰珠搖落聚沙埃
孤蹤自信移山志
嚴譴誰憐倒映才
赤電頓驚池鳳起
白蜺翻蹴海鯨回
懸知楚澤行吟地
花墮霜空皓髮催

朔風吹雨散金華
四座離歌且莫譁
軒蓋不須論世網
琴樽聊復慰生涯
荷裳豈逐黃金鑠
貝錦難添白璧瑕
歧路紛紜園閣遠
上林啼絕鍛翎鴉

三黜曾聞柳士師
百年直道爾應隨
蘭焚始覺芳馨累
蓬轉翻爲汗漫期
鶴廡宵凝梁月色
豈江春結樹雲思
華裾短褐皆黃壤
不必書空泣後時

和閩老遠菴楊公韻

几杖禮隆師保地台衡芒屨斗樞寒鐘彝共觀充庭重
樽盃無憂納牖難象德祇應蒼玉佩調元眞抱紫金丹
商巖一起甘霖遍不數蒼生仰謝安

碧江曾振切雲冠江上松杉共歲寒仗鉞總鈞皆有待
褰帷和鼎不辭難盤沾承露綸章潤閣啟凌烟繪筆丹
出入勳名昭遠近龍沙麟藪盡綏安

黃閣兩登深變理鴻鈞一轉撤祁寒輝迎陽鳳祥誰並
氣接雲龍會獨難絺繡每彰繁藻綠齊房應兆蔓芝丹
晴開夏屋光風汎緩步鸞臺赤舄安

黃扉清切漸鴻磐温樹時留鳩月寒立運經綸圖密勿
更憑舟楫濟艱難瑣歸熊卜確溪碧錦帶風圖層閣丹
雉尾雲開惟畫接卷阿高詠播長安

恩浹臺端禮數寬不煩鶴筍裏宵寒卽看裾珮趨踰緩
翻識樞衡幹運難劍履光紫釐禁紫絲綸色炫鳳池丹
祇將眞亮酬天賦早致亨衢五緯安

三朝補袞更登壇玉鉉光聯畫戟寒威播龍堆先服遠
謨陳螭陛尙圖難位擬星岳儀增迴動勒山河誓已丹
披霧獨逢千載會憑河候莫九圍安

迴立巖廊傍玉璽瓊瑤頻拂禁花寒符開赤伏名先著
調入朱絃和更難薇苑幾沾灑露白藥階時駐瑞雲丹
喜瞻閭闔臨黃道梁棟嶙峋碧宇安

羽儀高振絕鷓鴣玉燭初融禁籞寒志合不殊投石易
道堅誰謂彌金雞梅調雉鼎芬逾郁桐植風岡葉未丹
天柱嵯峨凝北極五雲多處泰階安

送閩老白樓吳公展墓
紫泥雙逐錦帆歸江轉吳臺樹影稀袍鶴畫衝梁駟起
函鸞春傍碣嶼飛袖庭蓮嶼雲霞細樂壤楸城日月圓
南望中臺移舍次延陵宿草倍芳菲

贈張茂才還鄉
北溟初起硯池魚刷羽鷗霄萬里餘垆落烟雲鷓鴣擁
林垂月露藥花疎六文已著圖龍藝八會仍推變鳥書
畫繡卽看光竹逕禁城春色滿行車

贈韓廣文之長沙
文帆雲畫沂星潭岸芷汀離色互綠書笥未淹幽薊北
琴帷遙振嶺湖南花燃鹿洞丹旄嫋藻煥龍堆翠靄含
靈麓符篋今見石風零亭榭稱奇探

壽人母
丹林鶴竊鹿花菲點綴秋光入苜蓿色倚金莖開綺繡
香流瑤水動雲霏臨風欲綰麻姑佩帶月時搖織女機
蟻桂粉披藉芳澤玉梁重見彩霞飛

壽陳虛白
長夏琪林播五芬朱天龍虎鍊眞文蓮卮曉注瑤臺日
芝鼎晴蒸綵幔雲暎映金花丹鶴遶簾飄玉管翠鸞分

芝鼎晴蒸綵幔雲暎映金花丹鶴遶簾飄玉管翠鸞分

太清汗漫藤蘿外笑躡虹梁狎紫氛

送張子陽奉使靖江

華蓋滄溟振羽翰仙槎秋夕泛輕滿周原樹落鳴雛遠
水國葭疎過鴈寒霜淨赤帷紆竹苑霞綃朱蕩簇茆墀
况逢繡里將甯念不惜荆江道路難

太素草堂為田進士題

羣峯突兀草堂開雪霽雲扃鶴鶴迴卷幔銀河翻嶠岫
峯林碧落抱樓臺綃橫疎葉飛烟細練挂寒蘿返照來
不必彫文絢丹牘清虛應欲遠氛埃

乞芙蓉

天淨江花抱夕輝錦堂芝薛護芬菲金莖迴望仙人掌

直愛子詩集卷下

三

石壁虛疑玉女屏拂席博疊飄月露綠林杖屨趁雲羅
茅簷秋色傷遲暮不惜餘光照芟衣

贈徐國華參軍入番

結綬西南萬里遊幕清蘭竹駐雲幽山開銅鼓通邛道
水夾牂牁會笮流樽俎豔閑消稜色衣冠春麗變椎髻
封狐雄虺行須慎龍馬旄牛莫浪求

和韻別趙僉憲

負鏡懸壺霄漢遊玄珠光動上池頭形庭未擬留齊瑟
鏡水惟應泛蠶舟海內風塵驚燕雀江天雲霧宿鳧鷗
莫將春色空濡滯望入南疇夢已秋

贈吳惟德奉使淮府

桐離微鳳並光華刷羽遙隨上漢槎瓊轉庚樓指寶月
旌停滕閣綴珠霞金函曉發茅壇瑞綵筆時題兔苑花
歸日故人絃管地江梅芬映鷓鴣斜

贈牛道顯尹中部

扶風赤縣迴西都星彩花芳錦繡圖軒岫松杉丹景駐
秦城樓閣翠霞敷即看雉鶴馴朱瑟曾有琳球瑩玉壺
百里風塵應展驥九天雲漢待翔鳧

寺中齋宿

龍壇秩祀炳蕭烟鹿苑清齋擁若旃爐嫺夕薰迎座暖
花然春色吐軒妍慧燈靜喜金雲繞法鏡閒窺寶月懸
鳳釐遙贈分水曲磬鐘猶擬接鈞天

直愛子詩集卷下

三

贈王內翰參知四川

瑞衣新拭散金華八月西隨上漢槎江抱玉輪高避鳥
殿開石棧曲藏蛇藻移池鳳搖丹日儀刷桑鳩振彩霞
早擬承明重席召院蓮遙映紫薇花

贈丁德卿守撫州

絳符輪下蘆熊馴繡谷旌遙建隼新山鳥依依迎蓋下
江花故故照衣頻石龍雷動蓉潭雨金柅雲蒸柘嶺春
東序金鑰眞莫並符章無藉玉爲麟

壽尚書石潭汪公

星迴春臺先振履烟濃秋坂早懸車琴張白石搖琅竹
纓濯滄浪拂錦藻清苑舊馴瑤島鶴閒塔輕擲碧山魚

天邊鴻鴈盤雲起早寄仙庭玉笈書

壽對軒盧處士

嚴陵蒼翠疊琅玕閒傍丹臺正鵬冠蟾鏡霄橫瑤洞迴
虹梁秋對石樓寒杯延芝露吟青鶴杖引桐雲下紫鸞
溪瀾潺湲仍七里羊裘應欲侶垂竿

憶汪得之參廣

憶昔同趨供奉班金闈瑣闥五雲環
寶劍遙分繡水閒熊羆儀禮座迴薇花棠葉照輪斑
交南消息霜鴻渺極目風烟萬里山

進國史和石亭韻

細素新裁太史編汗青欣值中興年文弘漢觀星辰紫

直棗子詩集卷下

七

光接周謨日月懸玉佩錦綉承錦帙函奕奕擁珠旒
然藜材豈矧坳稱載筆班叨驚筍聯

又和閣老鸞湖費公韻

蘭臺休氣裊扶輿玉笈新呈石室書簡接麟編光虎觀
旒開鳳覽照螭除天球貽則傳丹玦星履敷猷傍紫虛
劍烏未忘成鼎日羹墻應憶察衡初

榮壽春熙哀榮秋永二圖為沈侍御題

林泉春試繡雲衣每日江亭坐翠微綺製鸞鶴迴薛月
鏡潭鷗鷺狎松霏花迎杖履芝泥映霞落琴樽竹運輝
會植瓊枝庭畔發青鸞初傍紫霄歸

金花遙降五雲中光勳玄邱瑞彩融鶴取舊歸瑤瑛迴

鶴章初映錦幃空堂屬橫杆虛秋月山圓松楸急暮風
慈竹蕭蕭丹羽變臺鳥時集白華叢

壽人母

壺山遙望石梁懸班服初停絳節鮮庭迴樽疊羅粗瓊
春深花柳蕩雲烟芝函彩圖類鸞駐楛杖芬華翠鶴旋
不必金沙慘瑤液珍筵今已慢亭聯

贈陳石亭使楚

彫桐會發赤茅光天轉文星度楚疆竹苑樓臺開繡藻
蘭汀烟月振瓊芳行探太史浮湘跡詠歷騷人和郢章
虎觀龍池清切地未應雲石滯江鄉

挽司徒韓公

直棗子詩集卷下

七

靈嶽雲凋墮石梁號風大鳥匣林翔瓊瑰倏慘蒼秋色
圭璧虛磨綠竹光氣薄星虹留劍履動垂日月動旂常
已聞故笏傳丹閣會有新碑照碧岡

贈林以吉廷尉

繡斧光分照棘壘彩桃蒼柏倚雲開花明曉甸盤淵石
木撼春江吼雷雷萬里即看鸞鶴迴三山重謙鳳凰來
紫垣執法聯樞轄白簡丹書次第裁

贈涑水令連君

令治之替久矣古也厚生今也重賦古也循道
今也繁檄核之者亦是之因故俗澆而民弗立
連君之令涑也不泥於時而田里是開庠序是

崇於是乎知務矣張生昆季服其化而悅之告
于史氏乃詠以贈焉

赤縣光風繞鵝車
莪蒿叢鬱倚蓬麻
弦歌畫響傳三柳
俎豆春芬映五華
錦製早看新雉陌
緋頰應疑北灘沙
知君桃李多珍麗
不數河陽滿境花

贈中陵廣文

風淑春江漾綺霞
縹緲惟高拂鵝庭
斜臨波擬辨青萍
實摘藻先徵綵筆
花石壁過雲流電
雨金鐘出水吼龍
蛇莪蒿蒼蔚中陵
色桃李還舒滿苑
華

送何巨卿僉臬湖南

花驄春簇錦雕鞍
轡攬衡陽斧鉞寒
雲白蘭司烏舊纜
霜清柏府集初搏
洞庭波浪魚龍抱
湘嶼樓臺日月盤
擬識風聲傳萬里
早隨鴻鴈到長安

贈張用猷守建甯

朱輪紫綬照芳衢
碧水丹峰入畫圖
錦帳雞香留鷺筍
彤幘熊彩振麟符
華星會徹延平劍
青漢仍回合浦珠
琴瑟聲調鸞鳳集
武夷從此更仙都

贈楊乾叔參議之湖南

桑鳩新傍楚雲飛
沔鄂晴光照紫微
赤管謾揮鸚澤藻
葵衣紛扈鶴樓非
湘花夾岸黿鼉渺
澈日經春薜荔輝
試振朱絃清廟調
翻諧郢雪和應稀

贈曹上舍南歸

載笈垂璫霄漢遊
仙槎二月下龍湫
沙迴雲日江光轉
波靜蛟龍樹影流
松竹更連金粟迥
鳧鷖猶對石帆幽
韶芳重引烟霞興
瑤草琪花任爾求

贈何廣文之長沙

汀城朱夏裊烟霞
澗茆陵莪擁座華
寶璫嶙峋騰瑞鳳
珠泉隱見走靈蛇
壇張鐘鐸槐薰細
署接鷗鷺荔日斜
甲第膏粱何足慕
門庭桃李歷生涯

齋夕次韻

朱火遙通太乙堂
青藜分照紫微郎
月疑蓮燭臨瑤戶
風想花鈴度碧廊
閣道晴開環魄寶
玉繩宵耿聚奎光
上林春色連蓬觀
花氣先舒百和香

直隸子詩集卷下

美

淑夜瑤燈集闕邱
青霄彩筆記紛游
星懸遠隔涵寥廓
雲染明衣稱曳曳
鸞鶴羽搏風旋苑
色梧華搖月蔭葉
流玄思擬就甘泉
頌遠贊淵忱六幽

送沈揮使致仕歸宿

鹿輿春發捲戎塵
龍劍宵明徹少微
玄思已窺黃石秘
仙途應伴赤松歸
都梁風煖花芬細
硤石雲低樹影稀
共羨將軍魚鳥陣
早從野客薜蘿衣

贈王揮帥還杭

鐵騎衝雲散五花
揮戈萬里淨烟沙
旗懸楚壘鏡聲滿
轂轉吳壇劍氣斜
白晝風霆吟虎豹
清秋江漢變龍蛇
卽看黃塞推橫草
不必青門學種瓜

贈秦懋南之任白下

金陵畫省亦蘭芬赤管遙隨霄漢分虹壓澄江涵石彩
鷺盤高閣綴花文金爐向夕團青鶴錦帳經秋扈白雲
千里不須重贈策翔麟騷裏舊空羣

贈王廣文之任汜水

三川文圃控羲臺赤日靈圖接席開絃籥流音搖渚藻
矜攻團瑩綴垣槐風融河漢蛟龍動雲淨塔堂鶴雀迴
竹苑芳林足幽賞不須歌飲惜茅苔

贈顧德仲刺惠州

博羅秋盡海冥冥符竹晴開島嶼青層嶺烟扉熊館麗
澄潭虹日鰲波停搖謳越唱皆絃誦瘴草炎花亦必馨

重葺子詩集卷下

壬

齋院松亭圖畫裏畫簾閒對紫雲局

壽葉用明母

瑤臺燈散九微光碧澗蓮舒五色芳腸落瓊霞秋鵬彩
盤傾玉露夕凝香白華淨綴璇珠樹丹棘穠紫翠房
潘浹每宜停鶴轡萊衣頻得照麟裳

七夕過牛渚磯

我乘七夕渡雲濤千尺懸磯枕絳霄銀漢迢迢移玉珮
金風細細引瓊簫花光巧織龍文錦石影斜填鵲羽橋
試向南涯尋月渚何須西極犯星杓

白洋河阻風

江河滿地信輕舟萬里飛騰入素秋哀鷗嘯空雲葉斂

長鯨吸雨浪花浮虛涯忽送紗幃冷古木還牽錦纜愁
歲歲飄蓬歸未得歸途猶自苦淹留

舟夜乍寒

桂柁蘭檣已納涼條然冰雪灑黎牀荒村鼓角喧寥沈
曲岸波濤析混茫楓葉乍驚今夜赤菊花猶綴昔年香
那堪江漢常為客愁對雲沙聽露螢

遊甘露寺

揮苔曳杖鍾秋陰樓閣欹崎霧氣沈孤嶼鑿空鸞鷲墜
寒江湧地龜鼉吟杯傾琥珀愁心醉句入琅玕野興深
回首松風促游旅明朝別袂空禪林

野寺攀登結暝陰江波山雨自沈沈繡衣暫許迴馳步

重葺子詩集卷下

壬

草蓋還能聞鳳吟秋氣蕭森丹葉下嵐光隱見紫蘿深

投壺檢帙移雲榻聚鶴參龍見石林

送學士郭公之南京

草歇明光轉鳳闈地分清切敞瑤屏官高流霧圍丹篆
江日銷雲畫綺衣閣靜畫懸珠樹色塔融秋動玉麟輝
靈奎迴見衝南斗碧漢還應接太微

和韻寄宗伯東江顧公

荒徑遙開萬壑前碧林分映百花然琅編畫啟芝烟落
榻杖春回辟月懸劇喜紫苔朱紱換不妨貝錦素絲連
河汾未識王通易洛下徒瞻郭泰船

華絳輕投清禁班編帷高倚紫芝山林虛鶴鶴時棲息

天淨鷺鴻任去遠詠寄滄浪移月棹興隨巖磴啟雲關
金章赤管終何適瑤草丹花迴自閒

遊姚園得枝字韻

春苑晴光覆翠蕤疎亭野逕轉逶迤穿林鷺鴨衝霄振
拂磴貧難抱日移雲石娟娟輝錦溜花茵晶晶颺瑤枝
知君藻思憐芳潔共引流觴泛習池

三月花芬披滿枝雲舒日灼光離離清庭藉爾更容色
嘉樹娛人留歲時錦石晶瑩青玉案丹霞縹緲黃金卮
沐蘭學蒞信云美折藕攀藟將俟期

送武昌判

郡庭花郁楚雲開屏軌星懸漢闕迴麗逕山川連錦繡
晴城鷺鶴隱樓臺風流准藉浮湘興文藻應憐弔屈材

莫道南天聲跡遠衡陽鴈影數能來

七言排律

贈問老熊峰石公致仕

熊耳岩巖聳翠屏懸車歸去臥蘿局遙瞻赤舄移泉石
正想朱絃振廟廷舒卷烟霞浮碧岫盈虛日月轉滄溟
豈耽鼎鼐恆調液會值旂常已著銘鴻去高磐遵遠陸
鷗浮細浪狎幽汀簪裾喜隔樊中鳥軒轅何殊水上萍
谷溜迴聯金筍直巖花紛照玉壺焚林虛鷲鳳回苞彩
澤霖蛟龍閣曜靈松菊每開三徑屢菱荷徐引五湖舸
晴窗詎覺桑榆晚寒圃偏添檜柏青賡有圖書披露幌

無須竹木萃雲亭絲桐幾拂招同調樽年頗傾避獨醒
綠野漸看蕪粵秀丹丘仍攬紫芝簪青門不獨稱疏廣
阜帽兼宜伴管甯康鹿共欣馴樾莽麒麟翻惜在郊坰
功成梁柱輻機箭閭美圭璋裕典刑緝昔撞鐘隨几席
重慙鼓瑟忝門庭百年江漢光徒被數仞官牆見未惺
莫罄緇帷清角操祇應白首太玄經心馳山斗因依地
時雨和風限曲陁

七言絕句

和御製春早詩

鸞輅龍旂霄漢來苑花池藻綺霞裁笙簧細奏金宮樂
瑤璐紛陳玉府財

直愛千詩集卷下

三

雲蓋星幢下九天光風隨泛鳳林邊虞絃直擬南薰詠
過沛橫汾美未專

禁禦遊絲動玉宸翠華丹羽闕句陳魚龍並抵雲烟夕
鸞鷟羣翻柘柳春

蓮葆芝房燕蝶親金鈴綵勝賽花神上林臺榭通壺嶠
紫氣時縈玉輦春

濯龍春沼吼珠泉錦纜牽風鼓吹傳鳳舞翩翩承日轉
鶯歌細細切雲緣

洛水流風萬古情周京靈囿百花榮韶芳故傍蘭芝泛
絲霧縹霞度城平

隴中吟別胡承之

燕陌清霜落木斑
風塵颯颯暗千山
送君遙憶橫門道
錦柞幽萑未可攀

蒼徑丹崖啟竹扉
西還仍服芰荷衣
雲林自信鷺鴻迴
風樹愁看燕雀飛

太華山中躡紫氛
沙鷗原鹿轉堪羣
芙蓉已變葦園月
檜柏猶盤鄭谷雲

谷口玄壇幌薜蘿
琅玕交縮岫雲多
瑤琴細觸芝烟落
不必滄浪白石歌

岐山鸞鷲已推翹
渭水熊羆誰更招
沙白松青雲霧冷
祇應藜藿老漁樵

湘歌送劉克柔

直棗子詩集卷下

三

風散春蘋楚澤香
桃花夾岸錦雲張
迢遙翠節層霄下
粉水翻搖五色光

洞庭南望九江青
貝闕龍堂結杳冥
御籍璆琳把蘭若
清芬繚繞徹湘靈

石鏡金燈紫翠浮
衝花拂月下蘆洲
輕橈遠艤春空淨
江漢茫茫雲外流

葉嶼花潭競巧妝
霏烟片片落三湘
霓蒸林色喧鸚鵡
日映臺華引鳳凰

黃鶴仙樓擁碧山
晴光縹緲綠雲閒
振裾倚杖披巖磴
瑤草金芝好自攀

岳陽樓觀五湖開
水淨沙明日月迴
試拂瓊芳輝鶴浦

徐敷繡藻潤龍堆

夜渡清溪

月沉河靜水無烟
獨倚中流欲進船
兩岸蘆花涵夜色
數聲漁唱白雲邊

橫江詞

時過橫江風波甚惡故作此紀之

橫江七月足風波
萬里蕭森摧芰荷
巨鼉一鼓三天暝
雲霧鴻濛無渡河

浪湧長江沙石摧
流雲噴雪勢繁迴
清秋小艇乘風過
何啻瞿塘五月來

日落烟重沸急湍
風迴山倒碧江寒
可憐江畔思歸客
盡識人間行路難

直棗子詩集卷下

三

雷鼓闐闐震石磯
風旗颯颯掩秋輝
鱗鯢蹴浪江雲濕
萬里長空鳥不飛

颺颺吹雨溢江流
龍電熒熒蜃霧浮
飛濤直上三千丈
疑躡雲梯天際游

巨浪敲天天戶開
雲豬噴出雪山來
梁磯月落秋猿泣
牛渚風生夜鶴哀

聯句

贈主僧

千載瞿曇更善神
舒摩珠潭月映鮮
新探元獨解鸚鵡林
偈 飛錫徐開虎踞塵
蓮繞燕雲金海麗
江香浮梵窟

玉毫春 林 此生欲度真如境
不道閑身是幻身

紺宇檀旃碧月流崔寒通雞樹失更籌飛虹亦是三生
石舒舒化鶴還棲萬劫邱寶筏搖空開慧界江金田悟法
精瀛州愧無玉帶堪持贈一偈猶能爲汝留崔

曹爰子詩集卷下

三

曹爰子詩集卷下終

重愛子詩集附錄

廣德州童謠二首

新來江太守自古不曾有居富若居貧服衣只服舊乘馬不乘車與飯與齋豆到任未經年立事皆歷久不用站堂夫革去民快手火夫不打差錢糧得寬宥盜賊盡潛蹤刁奸都縮首與民開太平與民生福壽德政理黃堂歌謠童出口百姓受深恩無福難消受家家祝告天祝告神明祐但願江老爹子孫位三公金印大如斗翰林院江青天仙風吹下守桐川明若鏡水般廉包直不入伎難干衣布服飯蓋鹽免夫擡轎馬行前理民事洗民冤但施政令不加鞭戶不閉門不拴盜賊潛踪犬

重愛子詩集附錄

睡眠事簡息訟消然刁民惡戶去搖船坊長不辦酒里甲不陪錢火夫差不打萬民齊賀太平年

廣德州守江侯去思記

呂盛

政不期人之感而人自感之斯可以觀德矣蓋民不難感亦不易感也撫我則德虐我則仇施報之道捷於桴鼓之應響為政者可不畏哉廣德守江侯浙之仁和人也起家進士以庶吉士上章請知廣德州事歷任未久詔入翰林編修距今六載矣民猶思之不置此可見德政之孚而人心之公也侯名暉字景孚號峯粵山人其政則農桑學校是急次之以抑強植弱平徭息訟取力於隙而百廢興殖財於儉而民用足約俗於正而異端

誦出不坐乘食不尋味家童以事受賂繩之以法不為姑息也宦官催督公務禁止饋送不畏權貴也至若車駕南巡萬乘之師數月之費畿內郡縣勞於承應擾擾不息廣德前此災傷民不聊生侯處置有方供具悉出於公而不以煩民民於困路中得此一蘇尤為感激至民謠有恤民隱省民錢之句且公居寂寞無妻子之奉力勞於案牘而心逸於吟咏然優於文墨者多不足於政事長於政事者或不工於文墨文章政事兼而有之天下作牧如侯者幾人哉民荷惠愛愷悌之政如子之於慈母然一旦失其恃而遠其庇其能已於思乎方議立碑勒侯政績以圖不朽而猶未之敢也嘉靖丁亥歲

重愛子詩集附錄

二

巡按直隸監察御史李公儼臨州鄉民施貴陳鳳鳴輩具情告批檢閱舊案廉訪州民具見本官律已愛民之實州司申覆詳允適池州府二守張公邦教來攝州事遂命工伐石發書徵予文以相其成公名進士亦豈無所見而率意為之哉蓋以侯之功德在民心民不忍忘其德而立之也從民願也况余素受知愛於侯者且家屬邑自觀其儀容耳濡其政教猶得因之以發其好德之私願非幸歟雖然侯之績莫可殫述而侯之心誠不忍吾民矣在則民安之去則民思之假使上出於干譽下涉於獻諛則去未必思思未必久而斯舉也未必待今日矣又奚足取哉詩曰樂只君子民之父母書曰民

罔常懷懷於有德恩前竊負其義而歸之匪惟聚一州
一邑之思抑以示勸於將來

明河南按察司僉事直愛江公誄 邵經邦

夫麟遊致瑞不能延世之永鳳矯挹輝夫豈馴羈之及
蓋理有常存質無並立象垂經緯而景星慶雲忽焉開
出勢窮嶽河而醴泉芝草鮮其長生矧夫特靈而爲人
曠今而爲美者乎若乃瑤雕璜珠之徽玉凜璧瑩之潔
隼孤鶴介之行鶴鳴鳩飼之仁疇既無匹踐亦寡蹤膺
胡於今速其有古是使皇矣秘寶至哉愛文百紳擗膺
凡冠隕泗矧余知己者哉嗚呼哀哉有明故翰林院修
撰今陞河南僉事直愛江先生浙之偉人也系出於侍

直愛子詩集附錄

三

中參政及大宗伯文昭江公其父也母夫人王氏厥昆
三人長號瑞石今京兆尹季號巨石主尙書禮部事先
生貴介之特芳華之裔故以顯承世德匹休思皇兼善
孫謀齊驅胎教及夫措辭筆削傳習春王策褒羣英並
魁當世至於玉堂繼陟金馬流芳龍門載興蘭臺伊麥
是固益衍而益揚也若乃盤詰譽錯擗偃聲險阻深博
厚高際雲漢實子雲之所甘心宗師之所退殿者也遠
於義輕干駟辨重一介琴鶴不隨僕馬自代貪泉之不
能移廉石之不足羨肆其忠犯人主底活黎黔狐蹤潛
斂鴻陸言旋口碑賢於蔽芾墮淚幾於峴山尤有格心
之聞侍經之譽講幄方親頤印倚亡然而直躬自任矢


心無忒弱不嗜進壯而遺榮朋輩負慚時論稱借故能
注情背日行義填昆忠孝不妨出處皆得尤復率禮不
越績學有恆頤隱不遺幽玄竟造乃或命棋終日談藝
崇朝行酒合歡素歌自狎余亦嘗從事焉及乎鳩營之
拙旨蓄之劬廩無餘積筭無見資奈何宜室孔艱弄璋
未遂單單子身形影勿類嗚呼哀哉質本豐腴是嘗肺
疾痼升魄降瘁於寸晷嗚呼哀哉爲之誄曰

大聖藏天哲士凝神至人無生達者免身身之所來不
能以拒及其所去云胡吾與吾之無與何履不富遊乎
逍遙出乎有無休乎大塊同乎飄虛但彼先生至命達
道棄世無累免形從好厭彼坳堦樂此灰槁命無不生

直愛子詩集附錄

四

道無不名生也卓犖希代之英祥發峻儀慶昭洪度三
葉五公肅雖丕著道也偉瞻兆人之傑鼎湯鹽裁川橫
犀楫巖標萬仞莫喻其嶮憶昔之初若彼春陽皎皎其
昇孰也可量而斯之後譬之秋月悠悠其遠曷也其竭
是謂達生是云善化彼庶而耆人百其舍懿彼先生今
也則亡道之云可德則何孤朝乏翼猷國虧恆幹官削
道揆士弛箴諫嗚呼哀哉膏屯麟螽和忝瑟琴鸞絲無
調蕙帳無溫濯矣先生莫虞其載懋此樂只嗇彼保艾
尙有綬承以著其代嗚呼哀哉顯顯文昭世曰大賢廟
食庠庠歷已有年先生繼之有輝其前玉耀重淵珠媚
層川逝矣千秋永懷嗚呼哀哉



聖

訓

詩

選



雪山詩選序

雪山詩選者麗江世守雪山木侯知州之詩也。詩自少性能而嗜之竺故篇什與為多焉。不迷其始發南園公嗣人外史禹山愈光藩伯實所愈符兄弟皆與雪山為文字交序其隱園春興及庚子稿再山則稱其朗潤清越間發奇句實所兼其筆法詩有有心隱之逸焉侍御中溪李君仁夫復稱其得詩人句法樂府音節秋官海華君體仁序其玉湖遊諸什謂得山水於形狀之外地以文顯景因人勝嘗與郎宮雪山詩選

卷上序

湖仙藻並傳執國子亦因中臯梁子霄正絃其萬松吟卷泊仙樓瓊華序之已得攻梓矣夫雪山世守邊園獨稽古嗜學於輕裝緩帶之餘刻燭擊鉢於燕寢清香之暇非其時出之姿倚反之賢何以繼緣情綺靡於古昔而獲美譽璧悅於士林哉中臯子又屬予合前數集彙選其尤將錄之玉湖精舍以傳予感雪山之神交於千里楚音於空谷乃因南園諸公之批評選十一於千百於雪山始音得廿四首隱園春興選十四首庚子稿得廿二首萬松吟卷得二十首玉湖遊稿得十一首仙樓瑤華得廿三首總之校一百十有四首是足以傳矣豈

在多乎昔人云曹子建詩名冠古惟吟清夜之篇謝文集盈編祇誦澄江之句若南梁王籍蟬噪林愈靜鳥鳴山更幽北齊蕭愨芙蓉露下落楊柳月中疎以聯傳王灣海日生殘夜崔信明風落吳江冷以一句傳思子之五車盧殷之萬首今靡子遺豈非多之為累詩曰九變復貫知言之選予豈遠自謂知言哉以雪山之知己也故因中臯子以復弁書為雪山詩選序云是歲嘉靖己酉六月廿四日成都楊慎書于高曉之一

雪山詩選

卷上序

二

雪山詩選目錄

雪山始音

春園詩次張月鳩韻 二首

寄友人莫靜夫 一首

兵旋懷友人 一首

贈補羽士 一首

復寄滇友鄒本愚 一首

友生務之同遊雙峰別業 一首

步秋野 一首

九月東籬敘飲 一首

雪山詩選 卷上目錄

訪微君樊雪須留飲小洞 一首

夏日留飲三松水亭 一首

遊癡堂寄題愈光 二首

簡復張舉人 一首

冬日簡答譚明府 一首

次無心野逸閒詠 一首

草亭釋悶 一首

絕句 一首

石竇山三鶴野僧來訪草亭 一首

南浦小景 一首

三

塞上曲 一首

杜鵑詞 一首

曉行 一首

南湖晚眺 一首

招隱 一首

春興

春興詩 十四首并序

庚子稿

登迎仙樓 一首

暮居玉山院 一首

雪山詩選 卷上目錄

曉登雪樓 一首

秋晚眺中湖 一首

遊湖上寺 一首

西園述事 一首

題雪山 一首

遊九十峯深處 一首

八月廿四夜與衆客飲于清槐亭 一首

遊湖 一首

依韻寄友人楊雨溪 一首

次許玉林遊湖述韻 一首

四

嘉靖恩賜輯寧邊境四字一首

華馬國一首

胡拍詞一首

賞牡丹一首

和古韻一首

宮娃詞一首

飲春會一首

春遊戲題一首

席間卽事一首

律花一首

雪山詩選 卷上 目錄

采蓮詞三首

自種柳一首

冬日喜飲一首

自述一首

題燕用趙雲坡韻一首

題青機女一首

飲中詠春香一首

仲春諸友醪飲南園杏亭一首

雪蓮勸飲一首

榴邊春女一首

觀湖遇雨一首

秋興二首

江村晚眺一首

七夕宿于玉峯東泉一首

覽鏡一首

書字一首

送李揮使一首

萬松吟卷

和月鳩扇寄升菴韻三首

雪林一首

雪山詩選 卷上 目錄

雪樓一首

登嶽一首

述懷一首

席間新得小春皓月雙娥侍飲喜作一首

題樊隱林壁一首

濟川橋望秋一首

訪東陂小亭一首

五月過乾海地一首

曉行白浪滄一首

末秋雨晴步郊晚眺西山蘭若一首

春日曉起有感一首

病中寄板橋山人一首

疊三池登明詩臺韻一首

病起一首

賦得高澗秋景一首

題三松繪卷一首

玉湖遊錄

栗鶴溪去任遣使送歸从矣是日舟中偶得回書

慰我記之一首

晚晴獨詠一首

雪山詩選

目錄

七

適興二首

觀采蓮一首

醉和禺山便寄集韻一首

醉宿舟亭一首

和韋蘇州寄全椒山中道士韻一首

絕句四首

湖上得垠溪商憲疊韻以答一首

登望湖樓一首

詠晚一首

秋末泛晴一首

仙樓瓊華

書迎仙樓一首

醉題樓壁一首

樓傍建茶寮遂賦一律一首

短述一首

遊仙詞一首

聞松一首

秋眠早起一首

晚霽一首

望樓一首

雪山詩選

目錄

八

獨寢感懷一首

升老簡來命作高曉十二景詩續書于後十二首

升翁遠寄太白古木竹石畫刻雪景一幅並詩一

律依韻獻詞一首

雪山詩選卷上

雲南叢書集部

雪山始音

靜江本

春園詩次張月塢韻二首

老境城南十畝園東風桃李爛盈門百年且趁今春話

萬事不勞明日論南園批佳句是句是句鸞翻野蝶風初靜南園批物體是

嶺趁溪魚水乍喧何處看尋好懷抱獨甘書味頓忘殮

徵君晚節尚幽園五柳春深綠遶門市遠日唯林叟過

心閒時速野僧論銜魚江鶴將雛立摘果山猿引子喧

下築畏人存晚計新蔬小摘共兒殮

寄友人莫靜夫

雪山詩選

卷上

沈痼無聊久廢詩羞將短髮亂還吹鴻歸故澤晚何急

南園批歸故澤急四字意工矣下句亦稱雨滴空階秋正悲放浪形骸唯獨

往疆移棲息豈多枝蕭然老我無佳慰雞黍近來誰共

期南園批儘有杜機軸非今日詩家所能

兵旋懷友人

老別傷悲羽檄飛廢詩輟飲驚亂歸夢春瑤草自懷想

落日金戈愁指揮南園批似杜踵旋數望魚書至抱坐猶疑

虎帳圍卻笑豎儒驅萬虜終心不棄子房機

贈蘓羽士

烈士風標獨異常百年身世兩渾忘陵晨白髮梳千下

未午黃庭鳥數章飯嚼胡麻延仙湯融枸杞注仙方

復寄滇友鄭本愚

雪山老去奈於居夢遶雲城音信疎頭髮不梳三月後

柴門緊閉二年餘苦遭病肺唯高枕泥殺愁心神讀書

夜木不堪無限意題詩遠寄一雙魚

友生務之同遊雙峰別業

雙峰別業西湖面板屋松垣三四畦鋤月耕雲硯自在

開山出水真幽棲晴看稚子牽黃犢夕聽鄰翁呼白雞

自此不期願朋友貪尋酒伴醉如泥

雪山詩選

卷上

步秋野

緩步南野秋風清蕭蕭落木雨初晴田頭赤子戲牛背

山外夕陽歸鳥聲亂寇晚村憂出沒慰民新稻喜收成

杖藜轉覺東橋暮何處清笳客思驚

九日東籬叙飲

令屬重陽久雨開西風几杖盡君陪白衣去後無人問

黃菊開時有客來南園批此等句其自瓦餅香透茱萸

酒木客詩非元亮才升菴批用東坡山中木擊節浩歌

天欲暮東籬飲醉玉山饋

訪徵君樊雪須留飲小洞

四晦城南橋袖森故人不久日相尋寒枝月挂青猿影
紫蔓風牽小洞陰南圃批佳不是今日雲南詩 斑甌注茗山泉活鐵
筆塗松水墨淋曲徑草交人不到清風明月柴門深

夏日留飲三松水亭

炎畫水亭蒼雪涼南圃批聲律好學杜不得其名 薰風搖颺藕花香玉

杯行酒莫辭醉錦軸題詩好自狂南圃批此用白鳥劇詩酒卻老成

飛沙小雨濃雲亂擁失斜陽老夫更有山居興短褐青

巾引杖長

遊癡堂寄題愈光二首

哀牢四月鶯花盡麗水經秋鴈信稀杯酒不妨山客醉

雪山詩選 卷上

暮雲常帶野人歸衰年膝痛知陰雨晚歲昏近夕暉

富貴畏人貧肆志灑然曾次更無機

五月玉龍山雪光南圃批是句 柴門晚閉月蒼蒼南圃批起承儘

有杜 團盃淡吃黃精味小罐香歎翠柏湯林間嗜酒益

疎放醉後題詩更發狂十載不期遊世客一句長是坐

藜牀

簡復張舉人

玉山書屋絕低小人臥北窓無外誼鳥散雪林開旭日

暖遺風磴舉朝暗年光入夢易為破時事驚心難與論

衰老不堪交接好一緘日寄張舉人

冬日簡答譚明府

天寒忘置楸日短廢歌吟客淚揮江漢淒風起樹林老

將筋力憊愁散酒杯深一簡通消息故人知此心南圃批此篇佳有

杜意

次無心野逸閒詠

園居野逸翁迥近寺門東簡盡侵蚪蚪桑蠶咒蜂齋刻

蠶泉引細種麥雨來豐不與凡夫契終心慕德公

草亭釋悶

避暑林泉寂孤亭逸興多枯梨盤蝥穴竅石壘蜂窠小

雨凝樵徑輕烟帶女蘿箇中無偶語倚杖一高歌南圃批通

雪山詩選 卷上

住

絕句

洞口雲迷水自潺蒼崖苦竹麝香眠劉郎去後無人到

只有桃花似舊年

石竇山三鶴野僧來訪草亭

山僧訪我本無心鶴引猿勾到密林卻認十年留偈別

一塵江海屬高吟

南浦小景

白白蘆花遠遠樓相思一片故人愁北城明月懸雙杆

南浦清風泊小舟南圃批佳

塞上曲

刁斗深夜鳴烽烟報虜營將軍不惜死躍馬寶刀明

批甚似唐人

杜鵑詞

山前杜宇哀山下杜鵑開腸斷聲聲血郎行何日回

批可取似唐人語故也

曉行

曉行山色中澹月籠新松人影過橋盡寒滿袖風

批近似古作

南湖晚眺

雪山詩選

卷二

五

鴻鵠集圖沙鷗鵲立古楂煙花三月暮春水滿漁家

可

招隱

十年招隱客歎息無知音懶設陳蕃榻空彈叔夜琴

隱園春興并序

楚人舊居玉龍山南之十里宅前有五畷園園中植桃

百根為丹霞隱種竹萬竿為翠雪亭亭邊鑿石為池池

上結草為一鏡堂左右弱柳數株青松四圍隱映清池

遊魚亦可翫也又以日及為籬雲根作墻蔭繫系畦短

鋤白柄其餘花木果卉皆自手植

春風蝴蝶日暖蜜蜂此則園中之所有也然而玉峰高

聳瀑布傾流鏡湖有月則漁歌欵乃龍村有市則人語

蹻誼筆架當門文峰對屋青郊綠野牧笛樵歌晨鐘白

上之鏗鐘梵唄馬鞍之嘹唳紺園夕霽僧掃落花酒肆

禁煙人沽濁醪其餘石洞夷邨官橋野驛猿猴攀緣麋

鹿倏忽此則園外之所有也夫求其志者隱也是以雪

山隱於園而興於春因作隱園春興一百章筆之於卷

以俟同志者覽焉

春興詩十四首

名園依綠林遠近插峰岑石室琴書靜坳局草木深感

雪山詩選

卷上

六

時三復歎憂思一沈吟迥棄甘幽獨真懷不世心

薄暮雨侵林初春鳥下岑柳垂沙岸綠水漾石池深引

鳳吹笙曲騎牛扣角吟漫題蔬藪興野曠樂余心

獨屋倚空林崔嵬左右岑惱鸞飛絮盡喜燕掠花深夢

引陳搏睡愁牽杜甫吟艱難何敢恨且慰固窮心

老賢歸竹林一老依松岑白首長蔬藪青巾護益深鄰

丁邀客謙墨叟引童吟我有田園樂那能識此心

藥甲滿春林攜鋤步曉岑鹿行殘雪印鳥散白雲深晚

節憑誰顧夕陽空自吟病來惟避世參慕許由心

落日影穿林餘光映絕岑鹿皮衣衰鶴髮幅巾深稚

子尋源去愚公良杖吟世人多錯謬苦用百年心

種藥園依林燒丹屋背岑翠圍山疊疊綠遠水深深枕

石閒堪臥看雲逸稱吟徵君何所有一片紫霞心

游思翰墨林作者仰高岑獨處交游冷幽居歲月深澄

懷無遺夢撥悶且微吟千載無絃意誰知雪隱心

檻外起叢林仄巔聳翠岑海棠醺日暈社宇喚春深不

作莊周夢還爲梁甫吟逸屐誠簡畧可以息機心

幽居祗樹林翠觀對青岑月擁芸窗白帘垂草肆深詩

名狂客著酒憶謫仙吟物役形骸外貞幽抱素心

新句

雪山詩選

卷上

七

無營廢易林有句寫樓岑做漏簷牙隙滂沱瓦溜深剝

時緣壑步薄暮倚欄吟撥眼看時俗惟多對食心

南移玉鶴林趾向北村岑蒼苒封塘暗唐蒙引洞深苔

衣頰補破羽扇一揮吟覓句新愁散聊舒抑鬱心

天棘蔓垂林雲根石嵌岑鳩喧庭樹蔭鳧浴野塘深長

遠臨風弄孤琴待月吟坐來堪習靜那復有蓬心

屋短可屈林垣高不蔽岑新霽雷雨潤古澗湊流深飛

瓊愁何在披書喜欲吟孤松吾老友勁節歲寒心

雪山詩選卷中

雲南叢書集部之四

庚子稿

麗江木 公恕卿

登迎仙樓

月上欄軒東海東蓬萊佳氣鬱葱葱續檐啟幙廡慶翠
巖醞浮結琥珀紅樹密翳驚猿嘯冷山晴乍喜鶴盤空
景純漫有遊仙作誰見安期與羨翁

春居玉山院

玉嶽嵯峨映雪堂年年有約賞春光飛紅舞翠秋千院
擊磬鳴鈺蹴踘場暈日醉聽羣鳥啁暖風時遠百花香
好山好地堪爲樂莫厭尊前累盞觴

雪山詩選

卷中

曉登雪樓

瓊瀼初曙曙色分海萍東上日初昕鈎簾忽起棲檐鳥
俯檻俄看出洞雲集霞逼人衣欲厚朔風吹面酒應醺
誰知百尺無炎鬱五月松濤捲地聞

秋晚眺中湖

一眺中湖斷晚霞晴波溶漾可乘楂月鈎映水魚驚鈞
風遂橫舟鴈落沙石壘林窠蘋葉暗篠編魚鳥蓼莖遮
吹來腐發欺人冷喜伴汀蘋與渚花

游湖上寺

鴉歸吏散已閒心散步西遊寶刹深秋淨水暮樓閣影

雨晴山和擊鐘音林間古塔驚人望湖上高僧伴我吟
留宿莫能歸履晚明朝屬椽恐來尋

西園述事

西園北峙石溪連四顧林巒靄暮煙千載不磨崖上字
一時因寫醉中篇風搖鳳尾猗猗竹水接仙源活活泉
我媿雲仍承世廕願言繩祖懋先賢

先祖麥宗生七歲不學而識文字及長傍通吐蕃白蠻諸家之書至今崖畔尙存大字

題雪山

北郡無雙嶽南滇第一峯四時光皎潔萬古勢龍從絕
頂星河轉危巖日月通寒威千里望玉立雪山崇

雪山詩選

卷中

遊九十峰深處

探幽遠入林僻徑轉難尋雪漏斜暉影山藏古雪陰鳥
蘿懸樹密潭水出磑深闕地無人到寒猿日自吟
八月廿四夜與眾客飲于清槐亭

釋悶飲清槐能招眾客陪夜闌三換燭漏永百巡杯月

上巘飄捲風停象眼開偶驚疊恥矣雙引鳳頭回

遊湖

我作采蘋客乘舸行水中殘陽挂疎木薄霧鎖諸峯北
聖體履雪西來颯颯風臨流一揮手魚鳥頻相逢
依巖寄友大楊雨溪

西風動客愁薄暮倚高樓樹合晴雲擁山分急漲流征鴻能怯夜病葉不禁秋遠眺懷君切一樽何日酬

次許玉林遊榆海韻

素舫遊榆海迴瀾最可觀水光浮白塔波影漾蒼山地接東西岸城運上下關仙槎隨汎汎島嶼隔塵寰

嘉靖恩賜輯寧邊境四字

輯寧邊境自天來跪捧黃章向北開金書滾龍蟠御宇

玉音聖篆煥雲雷

華馬國巨津州名昔元世祖駐蹕於此而封

政暇西巡華馬國鐵橋南度石門關北來黑水通巴蜀

雪山詩選 卷中

東注三危萬里山壯月鳩批

升菴云書經纂言注引樊綽書麗水為黑水一名祿神江羅些城北有山即三危山其水從羅些城三危山西南行上流出於西羌吐蕃下流南至蒼壁城又南至雙王道勿川有瀾浩江西南來會南經驛謁之東而入海羅些乃南詔吐蕃南北相距之地雪山世守此津知之必真三危之山在麗江無疑矣

胡拍詞即古胡撥四樂器也

醉酒酥團蘸可汗四絃齊拍甚淒酸若教引出昭君怨

馬上誰人淚不彈

賞牡丹

引翠攜紅飲玉卮樂遊笙管不停吹醉中只恐春歸去把火看花夜睡遲

和古韻

夢醒沈蘇五夜時杜鵑曉月海棠枝起來欲看庭花落

宮娃詞

學舞霓裳翠袖低初收雲髻未全齊長門不識君王面

飲春會

一七先驚入月時用王建宮詞語

春遊虎題

雪山詩選 卷中

官家春會與民同土釀鴉竿節節通一匝蘆笙吹未斷

席間即事

春宴英華載滿頭玉船橫舉鼓詩籌雙鬟撥盡整婆曲

惜花

東風幾日吹狂吹萬片飛紅迷草池蝴蝶不知春已去

采蓮詞三首

石榴裙掃足如霜折得紅蓮滿抱香羞向人前女兒鏡

手遮西日看湖湘

不與嬾知去采蓮袖中偷得雇船錢出門不識西湖路

恥問人壽是那邊

弱袂長鬢湯水中釧文釵影入荷叢鳴柳驚起韓朋鳥

一箇飛西一箇東

自種柳

雙楊初種幾經春始見長條已拂塵萬縷綠陰堪作帳

一枝不許贈行人

名曰喜飲

曉閣熏香雪未晴淺斟膾炙舞茵橫嬌娘斜立朱幃下

雪山詩選 卷中

十指紅蠶弄錦等

自述

漢唐宋元世歷宜豈須誇腰繫黃金重誠心報國家

國賜誠心報國金帶故云

窺燕用趙雲坡韻

秋社引雛歸春社引雛飛舊巢還未動不用補新泥

月

題背機女

颯颯風搖袂翩翩蝶送衣斜簪那悉茗背立錦雲機

飲中詠春香

肥浣都梁水衣熏迷迭烟好風吹馥郁如遇蕙蘭仙

仲春請友釀飲南圃杏亭

醉飲南圃流觴送杏亭殷葩多狎獵粉絮正飄零

豐運勸飲

杯行白棗連等聽卡三絃蠟淚堆盤滿貪歡不肯眠

榴邊春女

有女臨丹若橫柯袖手凭領邊懸絡索衽下綴胡繩

鵲橋遇雨

倚欄微顧湖奔雷忽有無霧漫山吐墨雨急水跳珠

秋興二首

雪山詩選 卷中

落霞催薄暮野渡望舟還古樹飄殘葉平湖浸遠山

步出郊肩望山椒日脚紅空雲埋落木水寺動疎鐘

江村晚眺

江上層雲合江村結暮陰漁燈半明滅風雨葦花深

七夕宿于玉峯東泉

悲及宿東泉祈寒不著眠谷簾垂木末河鼓度天邊

覽鏡

借覽青銅鏡香奩出繡囊喜看今日面不改舊時紅

書字

紫硯烏皮几鸞箋竹穎斑玉蟾金滴子橫對水晶山

送李揮使

華聊輕蹙踈回勒莫奔忙風急雲翹捲霜寒紫電光

萬松吟卷

和月鳩扇寄升菴韻三首

寄來佳製滿琅函坐惜窓含綠羽杉月上峨嵋明四蜀

雪銷巴水鰲孤帆念無隱士耕莘野昔有賢君夢傅岳

重與故疾書問去征鴻迴便付封緘

近欲詩柄正開函語鵲頻來屋後杉埜渡漫尋殘雪徑

江行遠帶夕陽帆華名已透金閨籍麗漢新攜玉嶽岳

昨日保羅飛使至佳音報我數重緘

雪山詩選

卷中

七

匡時典策且盛函自理衡欄負野杉萬里入淹瑤館客

三秋不挂錦江帆渭濱尚有垂綸石雒土猶存臥雪岳

愁想博南翁未了新詩同付一書緘

雪林

白天碎碎墮瓊芳高詠如繡古錦囊四地山河皆淨域

五城樓閣盡仙雜玄英黯淡松全白素萼飄零竹自香

古詩竹雪有香之句後人非之予在壁洞琳園無問色

玉龍書屋遇雪之際竹真有香也

雪樓

重架構墟陵北顧仙人居此勢崢嶸石巖疊疊瑛塵滿

瓦壑平平玉屑盈百丈稜層雲母耀三危咫尺水晶瑩

登嶽

各嶽皆巖孽象蓋登登雲路雪中行極巔遠瞰諸山小

平隨遙閱六海平

冰影眩眸寒凜凜雷音動耳響訇訇身游碧落空人世

東望皇都日月明六海乃永寧北勝大理浪穹劍川刺失六處海子觀如平掌也

述懷

麗江西邊西戎地府近西域烏四郡齊民一姓和所屬

蜀民通姓和權鎮鐵橋垂法遠極在金沙江隋史萬歲

雪山詩選

卷中

八

也兵威銅柱賜恩多嘉靖二十年為大慶事擇選慶

中恒運平蠻策關外長開捍虜戈憂國不忘驚馬志赤

心千古壯山河

席間新得小春船月雙娥待飲喜作

新得雙娥自沆沙星眸宛轉鬢飛鴉飾春金買纏頭錦

選月鏡照繫臂紗猿臂豈勝腰若柳龍媒難換面如花

肆情不肯隨呼應竝倚朱屏影半斜

題樊隱林壁

竹影寒淡半畝陰數重門徑自幽深隔籬山色清如畫

透室泉音澗似琴不檢麥飯蛙化蝶且看書架蠹生蟻

徵君獨有煙霞志我恨無能伴隱林

濟川橋望秋

濟川橋畔望清秋
曲甸平洲豁遠眸
木落江空橫斷雁
石欹野渡縉虛舟
雕胡莖脆經寒露
菘藿叢深動晚颼
日影落山寥廓甚
蕭蕭爽氣逐東流

訪東陵小亭

波上重屏對楚平
水尤峯色各分明
昔邪瓦上茸茸發
蔓數垣邊細細生
遠眺樵邨牽逸興
近求漁塢寄幽情
只緣俗事撩人甚
來倚汀亭眼自清

五月過乾海地

雪口詩選 卷中

九

偶經乾海地廣莫似難過
山到平原盡江迴曲岸多
樵村依遠麓牧徑轉危坡
正值農栽後嘗嗜響白歌

曉行白浪滄

岸響江流急陵寒浙浙風
斷猿哀曉月窮鴈唳秋空
漁隱蘆花白樵歸柿葉紅
馬蹏霜徑冷去去遠林通

末秋雨晴步郊晚眺西山蘭若

收雨杪穠節蒼旻寒漸威
雲移山似動風送葉如飛
叢晚紺蟠戲巢空玄鳥歸
遙聞暮鐘急岐路行人稀

春日曉起有感

牀側支頭隨散情
忽聞簾外有鳴鶯
夜來記得遊春夢

柳下花前一字行

病中寄板松山人

多病無聊歲月遷
故人相見定何年
一書消息憑南鴈
寂館停雲亦可憐

鹽池登明詩臺韻

高臨臺際望城東
海氣雲容眼界空
白鶴青龍時隱見
題詩須待浣溪翁

病起

曉曉新梳髮呼兒
捲幙紗平生行樂
慣病起即看花
賦得高潔秋景

雪山詩選 卷中

七

風林下葉滿汀洲
數點輕鷗叙面浮
笛弄遠腔舟泊晚
筇撐瘦影樹橫秋
漁家渡上全栽竹
壑寺山邊半隱樓

萬縷為蘿懸落照
柴扉對掩暮村幽
升菴批
前聯佳

題三松繪卷

平灘淺港曳回艇
碧岳蒼崖轉綠坡
遠樹模糊雲氣重
急湍鳴咽水聲多
茅村雙舍門相對
漁浦樵溪徑合過
曉色垂陰天欲雨
沙翁料理舊藤蓑

雪山詩選卷下

雲南叢書集部之

玉湖遊錄

麗江木 公恕卿

粟鶴溪去任遣使送歸久矣是日舟中偶得回書

慰我記之

鶴溪南去兩經秋今日人迴解我憂詩思亂於原上草
宦情輕似水中漚笑看魚擲盃重把喜見鴻歸淚莫流

珍重此書來萬里數教鳥使好收留中溪批起得好

晚晴獨詠

湖草青青湖水平晚將無雨天漸晴挂帆不管柳花亂
蕩槳那妨唯鳥驚頻吟短句向誰詠獨對芳尊聊自傾

雪山詩選 卷下

鴨頭橫倚醉眸望惟見龍峰春雪明中溪批

適興二首

混俗多年日自愁且將身世寄浮游有錢買斷湖邊樹
贏得漁人繫釣舟

瓊峯遙對飲春醅煙柳重重護錦旆醉坐磯頭看魚躍
莫難輕動煥風回

觀采蓮

娉婷仕女度芳洲指袂臨流皓腕抽摘得碧圓競歸去

賦歌橫繫木蘭舟中溪批得樂府音節

醉和禺山便寄集韻

年來懶惰怯親書祇愛蘅臯坐釣魚明月一竿長作伴

生涯與世日蕭疎

醉宿舟亭

獨游深自飲一醉泊輕舸月冷鳴虛籟風高卷怒濤霜
空寒鴈唳野岸斷猿號借枕漁蓑困通宵未解袍

和韋蘇州寄全椒山中道士韻

雪山清且狂遠作玉湖客四顧圓青松一竿橫釣石得
鱖活村醪醉歸日已夕舟繫淺沙傍步隨鷗鳥跡中溪批得

絕句四首

雪山詩選 卷下

我欲采芳芷因茲晴日暉浣紗素足女回望雙鷗飛中溪批宛

寒裳涉蘭汀冷怯金風吹遙憶楚江客相期知幾時
妾心如秋水妾淚如秋波不見良人久憂思將奈何

采菱復采菱采菱不盈把匹鳥游波心行人莫亂打

湖上得垠溪爾筵疊韻以答

逍遙湖上芥坊堂秋水蒼蒼日自涼爾筵遠來題墨客
仙查橫去問漁郎杯銜竹葉時看雪縉眉蘆花晚釣霜

它日垠溪於我會桂燒同漾坐餘皇

登望湖樓

山郭雨初收湖光迥入樓日殘漁集岸天冷鴈橫秋樹
響驚愁思村春急暮颺孤吟憶王粲望斷碧雲浮

詠晚

清翰搖搖信晚風漫歌銅斗自從容涓邊背立玄裳使
草畔拳棲碧繼翁酒醒漱湖稷一掬與來觀嶽雪千重
于今脫卻塵中網且伴漁家整釣蓬

秋床泛晴

淒日俄凋遠浪生此心惻惻對時驚誰渠石上推還啄
郭索沙傍走自橫撼撼枯荷鳴聲發蕭蕭落木下澄清
輕帷半卷牽注縵滌氣陵人怯載行

雪山詩選

卷下

仙樓瓊華

書迎仙樓

百尺元龍憑玉嶽仙人與我好樓居霓旌嫋嫋迎鸞馭
翠葆垂垂引鹿車霞觀羽衣鸞碧落風隨天樂下瑤虛
山圖圍客時為侶黃鶴玄猿日共娛升菴批山圖圍客善用文選

醉題樓壁

家住龍山山上山翠巖丹壁從雲間有時仙子來為伴
雪作肌膚霧作鬢升菴批體句俱新

樓傍建茶寮遂賦一律

新築蒙山埡林深翠影稠瓦錯繡玉浪石鼎沸銀酒松

葉和煙變雪花帶乳浮北窗驚午夢稚子汲泉流

短述

藥珠樓透玉欽嵌雪色雲容競秀崑雞犬不驚幽闥地
萬松清景隔仙凡

遊仙詞

素華殿上遊仙客鸞旂逐隊雲軒飛金鶴蕊開秋月冷
遙見嬌娥飄羽衣升菴批佳句

闌松

喬柯震雷來秋風夢枕春撞驚睡濃蓬然爽氣通回漢
洶若海翻集在空升菴批幽思奇句

雪山詩選

卷下

秋眠早起

秋夕眼高檉飄然夢覺華句怯寒珠箔護畏冷繡屏遮
象榻依靈囿虹窓對梵家曉鐘還未動殘月落山升菴批亦是清思

晚霽

晚霽來登眺風掃面面開宛重縣古木仙友放高臺阿
閣雲初散岑樓雪滿堆三山應可到海鷗幾時回

墨樓

翠絳浮日氣瓦獸欲催頽樹響鳴天籟泉飛殿地雷石
罅隨風散花窟向瑤壘上有吹簫女何時鳳凰來

獨寢感懷

彫林橫菊枕金幌桂香浮落葉驚秋思寒砧擣夜愁獨
眠殘月墮孤夢沈空遊未曉荒雞唱天風迴入樓升菴批全

升老簡來命作高峽十二景詩續書于後

翠岩曉靄

日暮翠屏開俄看觸石來海光分縹緲林影共徘徊升菴批此首絕佳

碧澗朝霞

蟠木天籟唱扶桑海色開青青通蜀嶠丹氣迴紆來升菴

雪山詩選

卷下

五

批用蜀都賦行丹氣而為霞最切題且見懷鄉之意妙句也

菱塘去帆

夕照歸颿急魚龍吐浪腥好鏡中誰蕩漾點點滌風船

水雲歸舫

水光看滟滟雲影去迢迢升菴批見歸意愁人動

晚颿

淨耳山帶

山腰橫玉局滄暑溼雲生升菴批伏後天將雨先

白氣縈

羅縠水榭

羅縠飲滄溟斷如雙杵形升菴批寫曉來看海際雲密

八村漁火

洲渚如碁局家家快晚晴漁翁收網漁婦蒸松明升菴

九寺梵鐘

連然多古刹晨夕響蒲牢自說禪林靜誰曉鐘聲

何南死刻畫燭首屹寒峯皎潔千重玉楠樛百尺龍升菴

雪山詩選

卷下

六

批狀景體物如此乃佳非泛用龍者

東林桂月

秋空蟾窟炯金粟遠浮香淨埽銀河影姮娥笑醉狂

梨園春遊

蕊女春遊豔鉛妝晚更鮮千株垂素雪風景似樊川升菴

此首尤秀出

蓮池秋泛

滿船紅紫漾醉唱采蓮歌畫鼓聲相應波心逐隊過

升翁遠寄太白古木竹石畫刻雪景一幅並詩一

律依韻獻謝

古木陵新霽玄空鏡影垂
鷹寒拳玉爪鷺冷拂銀絲
隱隱之狀故云雪葉疎還密雲根怪且奇
青蓮謫仙子曠世
得心知

奉次空侯十六韻

漢宮新製後珍柱水晶絃
都闈原無識蠶叢始得傳
象環穿翠縠錦袋綴朱絲
鳳頸橫張態龍身束李娟
哀音流蠟淚歡奏逐航船
感慨思鄉客徘徊賞夢仙
犀梳垂晚髻雲多墜香肩
坎坎聲鳴咽亭亭體浪假
指藏星自散懷抱月何圓
節綵玫瑰飭脩明絡索懸
唇開丹果點甲蘸紫英
鮮一筆憐秋雨雙彈慘暮天
融門分十二斗

雪山詩選

卷下

七

酒質三千獨羨昌齡引誰
廣麗玉篇霜寒籠碧袖風細
裏華旃若有師消在芝山
喜欲顛
雪山此詩清麗綿密情態曲盡
而用事精確賞音者當具眼
以請刻之石以傳

升菴楊慎跋

110 NM 01 1.1.1

000

金子齋集

蔣氏慎脩書
屋校印申
如月著給丙
厓如屋
厓如屋
涂月著給丙
厓如屋
厓如屋
厓如屋

此明人金氏昆仲子有子坤詩集也檢家俞邵補明史藝文志云金大車子有集二卷上元人嘉靖金大輿子坤集二卷大輿弟與大車今得此二集卷數全不符未知何故余因其宋蘭揮藏舊鈔本收之且子有五上春官不第而卒余亦同此遇阨然子有年四十四而即沒余遇阨則同享年已優於子有矣生平所好在詩故借其弟子坤受業於顧公華玉之門華玉固詩壇老宿也金氏昆仲還道來師遂與吾吳諸君子相識可見師友之益不可廢余近年喜吟詠無可師凡友皆師也若者是吾師而效之若者否吾師而戒之學問之道豈不在朋友講習哉觀二公之題後及傳於此道三致意焉吾揭此以示兒孫俾知世守云道光癸未中秋後三日石湖

申月時也秋清逸士記十一年六

子有祖籍江甯又與余貫合亦一奇也堯夫

百七題辭

金大輿印

金子有傳

明進士文林郎前河南陽府推官同里友生陳鳳著

金大車子有氏江甯人自號方山子父賢舉進士仕終延平知府母馬孺人生子有子有生而外極敦龐內寔明慧延平公自仁和令徵入爲給事中子有方弱齡學舉子業已能作奇語爲京師諸名輩所賞異歸試有司輒捷然委蛇退讓身若不勝衣絕無少年紈綺之習鄉人相語謂延平公有子延平公出守大名從如大名舉業之暇博綜藝文上窺姬秦下窮騷選固不探厥精玄昭我典式有所屬綴非古弗程得之左史戴記爲多間規權南華極其肖似詩法孟襄陽劉隨州結體設格卓然唐人遺響每搦筆執卷往來庭廡間頃刻立就歲已卯歸自大名始識予時北海馮子汝強游學白下有名又因子以識馮子把臂語合定交鉛槧之間嘉靖乙酉都憲王公存約尹應天進諸生卓異者親視其業子有與予與今楊嚴州全卿許文選仲貽璋預焉是秋同諸君舉於鄉丙戌下第歸司寇顧公華玉文苑宗師方請養家食乃偕其弟子坤暨予二三同志往從之游顧公慎許可所愛重者惟子有一人已丑復下第與今謝宮直應午修文會於清溪之上時賢畢集於時雄壯奇拔則有若高汝州近思博雅典則則有若馬國學承道清新秀朗則有若令弟文學子坤皆極一時之選子有兼綜諸長詞義雙美每一篇成同社咸歛衽輟思焉爾後謝子以壬辰許子與予以乙未先後登第子有樓

百七

一

金大輿印

棲青袍竟以旅卒悲夫初子有之屢上南宮也與許子及子同舟往返相得甚懽然方進取之際恆有憂生之嗟心竊怪之又嘗賦詩有不堪搖落逢秋日况復蹉跎入暮年之句時當壯歲忽出此不祥語不意竟成其讖也子有生平重道義而輕財利延平公所遺田業不啻千金悉遜諸弟經營出入諉之僮僕有所欺隱不較也人有負其息者召而讓之聞其貧更遺之金以遺去死之日無留貲其行義皆今人所難云娶沙氏揚州人歸甯於家子有往從之因病而死無子一女尚幼妾徐氏所出也死時年四十四歲

贊曰余聞諸子有云仕進易得文藝難成天既畀人以精華更求榮達壽考未之有也蓋若以自解余觀古之文人子美

百十七傳

三

金大輿字子坤

浩然以窮死子安長吉以歿死天道固然獨子有乎哉子有遺詩予從子坤掇拾之與謝子許子共定次為百篇被之梓以行皆精絕可傳遠雜文數十首別錄為卷臧其家

金賢字士希江甯人上世本籍永平國初始徙江甯子男四大車大輿大輶大帆大車進士有文行大輿府學生善詩並稱於鄉

金大輿字子坤

大輿字子坤大輿之弟同學於顧華玉才行高秀並著名字拓落為儒不獲占一第雅不事生產貧日益甚遂室汗下脫粟不厭而處之泊如南都貴人多訪之避去不答所與遊者雖貴猶屢下之黃滔父謂其不以壯暮而廢吟不以泰約而較詠所得於詩者深矣其沒也友人郭第賣所藏古鼎刻其詩行世

百十七傳

三

金大輿字子坤

羽伯與子坤掇拾遺詩定為百篇

金大輿字子坤諸生有集同上

金大輿字子坤諸生有集同上

金賢子大車大輿大車字子有弱冠即為京師諸名輩賞異

詩法中唐每搦筆攤箋頃刻立就大輿字子坤曠達豪邁以
弋釣自放卒後郭次甫以漢鼎售四十金刻大輿遺集同治

上江兩縣志卷四

金大輿字子坤號平湖諸生性曠達豪邁不問家產名日起
不研究文尤輿衍詩亦超逸父卒遺產千金悉推以予諸弟
人有負所貸者召責之已稔其赤貧更遺以金著有方山遺
稿陳作霖金陵通傳

金大輿字子坤號平湖諸生性曠達豪邁不問家產名日起
而貧日甚著有詩文諸稿卒後其友郭次甫曰子坤極有義
氣交遊中乃無好事者梓行之余囊中僅有一漢鼎若售去
可成此舉適與人以四十金買之其集乃刊成焉同上

可一叙錄

五

金陵書畫
蔣氏校印

金大輿子有集二卷 金大輿子坤集二卷明史藝文志

金大輿子有集二卷萬卷堂書方山遺稿二卷金大輿子坤

集二卷同治上江兩縣志藝文

送金子有陳羽伯春試七律一首息園存稿詩十三

哭金子有五古一首息園存稿集一

浮湘集後有金大輿跋

五言古詩

詠懷

陽谷升羲和，鵝晦沈濛汜。轉轂冉冉歲，云逝振風厲。
庭階沈憂從，中起仰瞻候。鳥翔俯睇丹，黃塵零露惜。
凝華驚夕萎，渥丹移白日。少壯復幾許，含志不可為。
榮名豈足恃，委懷在吟哇。庶以窮餘紀。

黃節婦詩

在昔茂年時，高族委弱質。天難哀匪忱，中道失良匹。
涉水川無梁，凌虛鳥無翼。願言思君子，悲憤交胸臆。
零露沾我庭，淒風入我室。竑獨嗟靡依，所幸孤息鞠。
育盡餘年幼，勞豈追恤之。死矢靡他，此心如皎日。
卓哉貞淑姿，斐聲渺何極。

丙七

子有一

金陵叢書
丙集卷七
江甯金大車印

述感二首
枯林辭宿鳥，深澤潛游魚。潭潭王侯宅，肅肅飄華裾。
志氣獲所託，周旋常與俱。朽荻資春育，斷蓬藉風嘘。
草玄揚子雲，閉關常晏如。

世網何維繫，始願差已非。進處世路險，退苦生事微。
駕言涉遠道，行行至郊圻。流雲麗迴野，白露朝已晞。
中道逢仙人，念我將安歸。寒衣邀我去，去入雲山隈。
大漠相與旋，玄鶴相與飛。高揖謝塵鞅，常與世人違。

贈圯上人

11476

11475

上人修定慧，游心在兜率。閉戶謝緇徒，空山守孤寂。
照榻一燈明，垂簾雙樹碧。蟻鳥聽翻經，翩翩階下集。
踟躕忘早晏，閉門日已出。觀空獨大千，面況滯形跡。
往聽演三車，坐我維摩室。永夜說無生，超然悟曩昔。
山月照禪關，天香噴經席。語餘山鬼遁，坐久爐煙息。
願託清淨理，世網辭維繫。歸途雜詩

矯矯玄丘鶴，求食來人間。飛翔愧羣鳥，飲啄良苦艱。
忽見百尺松，偃蹇在空山。茂葉寒霜榮，孤根厚地蟠。
願言斂修翎，永此相周還。

我昔游齊東，數醉村家酒。今日經故途，訪之寂無有。
惆悵憩空林，偶值蒼顏叟。為言遭歲凶，饑寒苦奔走。
布褐不掩形，藜藿不充口。溝壑半流離，十室空八九。
我聞泣沾裳，貯立不能久。寄謝當塗人，此意還知否。

丙七

子有一

金陵叢書
丙集卷七
江甯金大車印

弱冠理玄訓，文苑思馳聲。奔走二十年，飢寒苦躬耕。
苟祿非所甘，恣我遺世情。王充論潛夫，子雲著玄經。
昔賢獲我心，務身後名助。設事鉛槧姑，以畢餘生。

吾愛陶淵明，飲酒恆自足。一官差折腰，輕徇五斗粟。
飄然賦歸來，三徑樂松菊。比跡黔婁生，簞瓢任窮蹙。
嗟余抱微尚，庶以追遐躅。琴書可消憂，不受樊籠役。

七言古詩

行路難

君不見滄浪水，乘潮流入污渠裏。君不見荒苑蓬山鳥，銜墮

名花叢人生窮達無定跡百年悲歎嗟何益五陵躍馬去不
還簪前白日空朝夕

徐子堂所藏山水圖歌

徐君高臥呼不起掀髯長嘯深山裏村翁杖藜晨叩門四壁
蕭然見圖史山環水抱深復深門前正對清淮水飛泉噴空
吼萬牛長川捲浪絕兩湊千章松樹偃蚪龍顛崖蟠根勢將
圯劃然萬竅號天風隔水笙簧生兩耳江航逐浪慘不分沙
鳥衝人驚復止知君於此養性靈物表瓊瑤絕泥滓江草江
花坐未歸天葩競吐臨斜暉手持南華閱長晝日暮流雲空
濕衣春日潛行春山道羽士談玄坐碧草斷橋流水無人過
百年身世知者少沈郎系出石田翁尺素橫掃生春風高山
流水稱絕調醉來指點丹青中峯迴地轉路莫辨踏花更有
仙人逢瀟散如游雲門寺突兀疑登天姥峰嗟余夙有耽山
癖欲向山中守岑寂世網牽人不可逃滿目黃塵歲華逼街
杯把釣有餘情馮高陟險嗟何及撫此直欲凌蓬壺詩成對
君三歎息仙源濁世從此分空堂風雨勞相憶

贈別鄭三

鄭家兄弟如羣王扁舟來游衛水曲扶筇躡履縱幽尋旅舍
蕭條數竿竹伯也獻賦志未酬翻然遁世蒼山陬醉中累月
忘梳頭熟睡不知春與秋仲也瀟灑炯雙眸穉穉人世乘虛
舟道逢仙人號浮丘同騎黃鶴恣天游季也窻前窮竹素况
復冥搜兼妙悟子雲靜草太玄經相如夙構長門賦江南野

金陵叢書 蔣氏校印

客疏且迂騎驢出入常與俱十年別去洛城裏二仲焚焚伯
兄死道消消息真無此日逢君在京邸風塵滿面華髮生
夢裏相看浪驚喜君懷寶劍猶蹉跎我亦拂枕歸山阿江海
放浪幾風波醉來還爲叩角歌強顏於世計益訛丈夫未遇
奈若何呼盧擊筑且縱飲他日重逢白髮多

牧瓶行

杖節漢關道遠叩單于門朔風吹沙白草沒海浪浴日黃雲
昏臣年未老身爲虜此生蹤跡溼塵土大糞收瓶不足嗟未
報君恩心獨苦朝牧來青海海水滔滔節常在暮牧游燕山
憑高不見玉門關節旄易落心難變尺素驚傳上林雁壯年
荏苒空白頭生還北闕歲將宴歸來空館闌無人土花蔓草

金陵叢書 蔣氏校印

秋復春手持舊節謁明主蕭蕭空對茂陵樹長安復視漢官
儀回首胡天淚如雨嗚呼憶爾黃鵠不同征死生一別難爲
情

與舍弟子坤高近思陳羽伯燕集

金陵佳氣鍾豪賢騷人崛起爭後先兩賢並驅何卓犖筆陣
落紙翻雲煙吾家令弟策高足短詠長歌匹羣玉晴窓幾出
白雲篇巴人遠避陽春曲方山野客非爾儔年仗四十多窮
愁騷壇縮手不敢騁銜杯把釣同遨游天生爾才必有用凡
樵豈卽淹驂騑蹇予從此游吳越青鞵獨探南山巖晤言今
昔難可常當歌且醉金尊月

陳九鼎飛來山房

會稽山水何盤鬱沃洲天姥紛相逐天際飛來海上山凌空
橫跨耶溪曲鳴野山人紫府仙振衣來結山中屋山中石洞
其陰陰丹楓古檜凌青岑石鏡照磨魑魅泣飛泉澗壑蛟龍
吟山人欲向山中老風塵不涉長安道朝從海上望羣仙暮
入雲中拾瑤草山人有田燕不耕閒作靈均餐落英山人有
官辭不受門前獨種陶潛柳採山釣水有餘歡富貴於人亦
何有高辭大篇入冥搜興來揮翰不停手偶然醉落人間
隻字珍藏抵瓊玖近窺李杜遠曹劉始知立言真不朽前身
云是賀知章謫仙風雅今存否今年訪我山鄉中掀髯大叫
心神同語我山中有至樂蝶蛾一洗羣山空虛疑放棹山陰
道恍惚驅車太華峯嗟余苦破世網縛十年旅食西復東翹

百一子有一

五

金陵叢書
蔣氏校印

首山中不可去劃然長嘯生悲風

五言律詩

漂母祠

王孫去不返淮水亦東流宿舛封遺冢行人說故侯荒祠黃

葉暗寒渚白蘋秋一飯猶懷德空悲雲夢游

祝禧寺訪馬承道

地僻秋堂靜琴書此盍簪短檠禪榻暗微雨梵鐘沈絡緯鳴

莎徑松杉繞石林擁琴不能寐山氣夜蕭森

道中贈同行許仲貽

扁舟歸舊隱客路幾登樓以我十年長同君千里遊愁顏對

明燭永夜聽奔流勿謂凌空翼君知黃鶴不

淮陽道中

宵發清江浦朝來白馬湖村童拾蘋梗水鳥集菰浦牽纜雨
初歇發舡人競呼居民盡南語漸喜近歸途

江行

水闊涵雲氣天空散月華停舟候潮至挂席覺風斜地轉煙
中樹山藏海上槎夜投漁浦宿燈火亂棲鴉

幽居

依依人境外削跡散幽情放棹晚潮至開門春水生青禽溪
上浴黃鸝雨中耕長日江村靜惟聞伐木聲

送尹復之之任臨海

十年巖壑侶相送出雲林路繞吳山遠舟行越水深看君爲

百一子有一

六

金陵叢書
蔣氏校印

政日慰我濟川心吏隱滄江畔無勞念故岑

途中送洗子桂奇還嶺南

落羽同棲息相逢湖海闊余從江左隱君向嶺南還獨夜蟻
聲苦千峯鳥道艱兩都如已賦遲爾入燕關

遊楷上人山亭

病起身猶健登臨興不孤石泉當戶瀉山鳥入雲呼敗葉秋
皆墮寒煙晚欲無此中堪閉戶還擬著潛夫

過陳羽伯池亭釣魚

楊子開池館新秋兩度過蟲聲依斷岸竹露滴寒莎坐對垂
綸客時聞鼓柁歌誰言失路者門巷有藤蘿

游龍仁寺

落葉迷幽徑垂簾鎖斷垣溪深晴浴鷺樹老盡啼螿海氣庭
前障天花雨外翻坐來清梵永盡日不聞喧
過徐山人水亭

湖光山橋路來尋處士廬庭開招隱館案積養生書攀樹鷺
幽鳥投竿得巨魚何年隨杖屨於此賦閒居

山行遇雨

野鳥鳴山館江流抱石門松楸千嶂雨煙火數家村石擁泉
聲碎龍瀨水氣昏衝泥情不惡下馬倒芳尊

贈大方禪師

錫杖西來日乘杯海上過一燈明彼岸萬劫渡恆河說法馴
龍虎裁衣製芟荷雪山不可去於此對維摩

百七

子有

七

金陵叢書
蔣氏校印

朝陽洞尋三玄和尚

尊者辭空界來隨世上緣穿林探虎穴飛錫瀉龍泉鉢探松
枝露牀迷石洞煙相逢仍綠鬢出定自何年

送陳羽伯之南陽

漢代南都地君今理故墟旌旗問民瘼父老迂軺車野渡春
潮泐寒沙夜月虛平生懷古意應訪臥龍廬

經廢寺有作

金身隨雨臥紺戶藉風開聽法龍辭樹翻經石掩苔籐花簷
際晉木魅洞中來澗道十年檜山僧手自栽

舍弟子坤郊居過訪

谷口棲和靖山中見陸雲清蟻林木挂遺水石渠分入夢驚

池艸登樓數雁羣開樽同對月酬勸各成醺
曉起

爲花迷曉夢亭館散存愁歲去人空老江寒水自流千峯欣
稅駕十載欲登樓揮架遺書滿應同李鄴侯

南鄰

白髮南鄰叟藏身水石間長辭五馬貴獨對萬峯閒瓶粟貧
常乏山松醉亦攀時時邀我坐明月踏歌還

虎洞

靈山通上界羸馬陟迤岑天淨峰如掌風悲虎出林空巖春
畫冷石洞夜壇陰漸悟真如性還同出世心

道中懷許世貽

百七

子有

八

金陵叢書
蔣氏校印

問道窮愁日論文旅食年揚帆渡淮海驅馬入燕幽豹隱安
余拙鵬搏見爾賢重來嗟往事翹首各風煙

下第後長安旅邸贈馮汝強

獻賦不得意騎驢燕市中一尊孤館夜萬里古人同鯨吸愁
空在龍蟠道未窮與君從此別江海伴漁翁

崔鎮

淵棹清河境閑行古渡前嘉禾千畝合茅屋幾家連倚樹聞
啼鶉沿流數過船田間逢父老兩兩說豐年

臥病

抱病經時節愁多白髮仗依依人蹟遠隱隱第門深久雨市
塵淨晚涼庭樹陰夜深人語寂悟我坐忘心

送汪汝玉守思南

謫宦從吾道高名世所傳
陰山藏厲鬼瘴水發蠻煙
十日天邊寄孤帆海上傳
中原萬餘里復會定何年

游天界寺

清磬虛巖迴疏燈古殿陰
慈雲籠梵刹法雨淨禪心
霧溼青林重龍潛碧澗深
無生嗟未悟華髮日相侵

贈道士

太乙餐霞客巖棲隔萬重
芝田產玄玉法雨召蒼龍
弱水空中渡安期海上逢
洞門飛鶴去應有白雲封

寺中柬大方和尚

棲跡禪關迴空堂掩落暉
香燈侵榻冷鐘磬入雲微
演法傳

丙七

子有

九

金陵叢書
蔣氏校印

初地明心悟昔非殷勤語
支遁幸與爾同歸

郊居

迴野千峰抱空堂萬木攢
隸叢原上艸鶴下水中田
地溼疑朝雨山深作夏寒
一枝聊可息白首任泥蟠

小亭初成有作

亭子山村畔開門面石溪
布袍沾曉霧蔬圃滑春泥
窻檻清波映簷牙碧樹齊
茫茫江漢上容我一枝樓

和子坤池亭夜坐

愛汝雲亭好開軒露坐時
娟娟升霽月冉冉墮新池
舟泊黃墟畔詩成白雪詞
此中幽勝意惟有臥龍知

晚興

向夕披衣坐亭臯黠不分
滄波留返照華月度流雲
野鹿空林見疏鐘遠寺聞
銀魚吾未見免向碧山焚
山中柬高近思

閉戶南山下因君憶往年
狂歌瑤殿月醉語石堂煙
白鷺洲前笛清溪渡口船
清遊亦中絕出處信蒼天
馬承道山中過訪

寂寥山館夜欣對鮑參軍
氣挽三湘水才曠五嶽雲
穿林邀月色移棹亂鷗羣
莫厭頻來此談詩入夜分
雪夜別陳九臯

我看南浦月君憶北山薇
旅館孤燈別寒江一棹歸
暮雲懷李白春艸夢玄暉
莫訝離人苦窮途雪正飛

丙七

子有

十

金陵叢書
蔣氏校印

道中憶王大子新

瀟灑王摩詰江鄉臥白雲
山中驅馬足溪上狎鷗羣
春入新詞好堂連碧樹分
勞勞雙鬢白湖海正思君
陪徐子仁宿瑯上人房

平野千林兩衰年七尺簾
獨衝青嶂暑來訪白頭僧
蔓艸荒禪榻虛堂耿佛燈
勿嫌山館寂長嘯對孫登

晴

早起占天象檐前霽色分
虹收十日雨風掃萬重雲
草樹晴蒸暑漁樵曉作羣
殘流仍未竭橋下水云云

瑯上人房

歲晚依清淨招提費遠尋
一燈懸夜榻雙樹散秋陰
妙法真

如性高僧支道林空階灑慈雨爲我洗塵心

七言律詩

贈陳太史石亭文

南宗心法宰官身靜夜談禪悟往因苦向金鑿辭儀值來尋
寶筏渡迷津榻依天竺峯頭月衣帶長安陌上塵願況風流

同晚節青鞵常采故山尊

游能仁寺

驅車南國破朝煙醉掃蒼苔石上眠九月霜清蟬嘯苦請天
風靜磬聲傳不堪搖落逢秋日况復蹉跎入暮年問水尋山

聊爾爾擬將窮達信皇天

寄許仲貽

子有

十一

金陵叢書
蔣氏校印

十年高臥謝人羣南國交情我共君潦倒泥塗空白髮翻飛

羽翼上青雲龍頭仙榜春恩重鴻侶承明曙色分他日相思

招隱逸于旄還駐楚江濱

送謝侍御應午還朝

柱史行春返帝京江亭攬轡憶澄清繡衣遙指天邊路驄馬

頻嘶白下城鷓鴣幾行瞻遠羽豺狼滿路避霓旌近臣補袞

憂君急不盡河橋酒數行

徐氏西園燕集

王孫高館碧溪濱池畔笙歌隔岸閒珍鳥春鳴雕檻樹珠泉

曉滅石樓雲鶴翻松露檐前落風引天香席上分幾向華林

醉長日夜歸雙袖帶餘芬

懷陳汝芳

隱居偃仰一遊盧懶向權門試曳裾淮水秋高行對月濠梁
春罽坐觀魚十年緇好憐同病千里停雲憶索居爲報年來

無一事衙門閑看養生書

濟陽道中

西北風塵摧斷丘旅魂中夜鬱鄉愁漢庭未上孫弘閣濟水
頻經太白樓候鳥翩翩迷遠浦輕帆颯颯帶春流十年來往

青袍在嶺得霜華兩鬢秋

送馮汝強歸遼陽

故人豪氣亦縱橫仗劍東來萬里行聞雁忽驚遼海夢驅車
直下汶陽城邊亭隱隱諸峯隔野戍蕭蕭匹馬鳴知爾登臨

子有

十二

金陵叢書
蔣氏校印

多逸興長途應得問山名

清涼山

危欄深鎖萬峯攢草樹秋深白露溥華頂半空聞鶴唳大江

千里見龍蟠疏林鳥下松陰亂絕島雲蒸海氣寒細雨重陽

驚昨夢黃花猶折醉中看

登虛龍山二首

百丈重巖草樹齊古簾垂引躡雲梯山間曉霧浮窻近江上

陰雲壓樹低塞雁橫空迷北固淮流帶雨入青溪吾徒飛動

悲遲暮散髮空林聽鳥囀

登登石徑上林丘雨灑平蕪草色柔故國朋徒吾獨老清秋

煙月幾同游空山古澗澌聲急落日寒江水氣浮漫落頻年

雙鬢短將因幽賞臥涪州

寺中答高近思二首

長向長干寺裏來高辭逸興愧君才
夜壇得句驚山鬼秋壁穿雲破徑
苔明月聽簫緱氏嶺芳春對雨越
王臺重來往事隨流水笑指山桃五
度開

遠公石室舊棲遲清梵名香繞夢思
寶塔凌空明法界藕花含露淨天
池禪心已悟三生夢世事空悲兩
鬢絲同病憐君遠相訪夜窻風雨
說幽期

過秣陵山居

首夏江村新雨歇驅車獨過秣陵西
遙天三伏風雷蕩落日重巖虎豹
棲袁紹忽逢河朔飲杜陵常憶浣
花溪白頭欲遂

南七

子有

十三

金陵叢書
蔣氏校印

郊居樂閑看征人送馬蹏

寄陳羽伯

山中苦憶棄繻生易水燕山對月明
兩地雲泥空世路百年生死見交情
晨鐘長樂雲中聽春隴秦淮雨後耕
簪弁荷衣從此隔與君十載愧齊名

弘濟寺

大江西拱秣陵城江上靈山逼太清
飛閣俯臨秋水闊懸崖平對暮朝生
龍蟠古洞嘘雲氣風撼長波雜雨聲
重擬天晴移短棹來看海月夜深明

牛首山二首

牛山隱隱挿天高瘦馬衝寒氣益豪
禪室倒懸層塔影龍泉

11500

11499

遠引大江身躡飛磴凌空界手蒸名香
製緇袍獨坐山堂
僧睡窓霜林長聽夜蟬號

十年不到牛山上臘日衝寒此重過
古佛三生疑夢寐舊題半壁罨藤蘿
辟支洞口香燈暗天闕峯頭虎豹多
欲學無生逃世網齊心常得對維摩

送湯太守之郡

使君才望推荆楚早歲彈冠帝里過
濟濟諸生爭學禮翩翩五馬看鳴珂
曉風旌節傳青野春雨樓船泛素波
南國頻年困饑饉勿云爲政重催科

觀蔡九達平盧開圖

平倚層城百尺樓楚天不盡碧雲浮
山藏海日千峯暗地湧江濤五月秋
石竹巖花晴冉冉名香清梵夜悠悠
披圖追憶攀躋地指點風煙說舊游

南七

子有

十四

金陵叢書
蔣氏校印

雨花臺觀月

高臺上與碧雲齊

坐看冰輪出海西吳苑參差雙闕迴
楚天高闕萬峰低燈懸村落昏初見
帆出江煙遠欲迷疑向廣寒歸路晚
滿身風露夜凄凄

山中對雨

高樹長風攪夜深

江雲挾雨結層陰龍含毒霧天俱障
水長重瀨石半沈乳燕將鳩銜黑霧
行人驅馬出青林自將鼓瑟消貧病
豈怨山中十日霖

贈蔡內翰九達

贈蔡內翰九達

1677/1021R

清朝散吏鬢毛斑江左詞人數往還
綵筆調高追漢代玉堂官冷壓仙班
醉攀春柳晴看月臥放晨衙早閉關
他日思君尋舊隱荷衣衝雨洞庭山

雨後山行

昨夜風雷慘不分漢西朝涉水法云初晴
山木留殘雨入暮江樓擁溼雲文藻空
然傳社友泥塗何意傍人羣栖遲邱壑
真吾事鶴唳鵝唳不厭聞

七言絕句

遊楷公房一首

惠遠翻經在法筵藤蘿咫尺障諸天山
僧洞裏頭如雪手植高松不計年

百七 子有一

二五

金陵叢書
蔣氏校印

送張子汝益

三十年前杏苑紅曲江春醉兩翁同
子今獨有吾翁在與子相逢說夢中

與君三賦獻長安風雨江湖客夢寒
短褐飄零仍故國鬢絲燈影夜相看

送方子

積雨長途四月秋行人江上泛扁舟
千巖怪石凌空起百道寒泉夾樹流

宿班上人房

雙林斜帶暮山青散亂天花墜滿庭
坐對名香僧入定長風和雨落殘經

和雨落殘經

29

別金二錫之
江艸江花待我歸離亭酒淚對斜暉
豈知人世多歧路落羽還從兩地飛

百七 子有一

一六

金陵叢書
蔣氏校印

浮湘稿詩序

詩也者志之徵也志蘊諸中而言出焉言之不足形諸歌詠而詩成焉是故之其所樂而暢如也之其所戚而悽如也之其所思而悠如也之其所激而憤如也之其所困而鬱如也雖言以材達人以代更而跡有顯晦情有慘舒各隨所之焉君子遯辭以審音揆衷以度德作者之志可窺矣吾師東橋顧公以直道忤權奸謫刺全州感時觸興一寓於詩題曰浮湘藁記其地也愚嘗受而卒業焉其氣隱鬱而弗舒其辭沖寂而弗華其調悲楚而弗耀其憂心之存乎其抱濟世之志而弗獲伸矣乎是故以恤民隱以敦禮教以尊道經以詠皇

百七

十七

金陵叢書
蔣氏校印

澤以表懿風其經綸之蘊不得大行於天下而思試於一方有遺憂者矣夫君子之得志也雍雍衍衍如將有獲非其達之謂也幸其道之行焉耳其不得志也迢迢奕奕如將不勝非其窮之謂也憂其道之廢焉耳道行則澤溥道廢則民殃君子每用情焉昔少陵之志自比稷契而憂國憂民雖一飯而不忘託之聲詩藐焉寡偉匪辭則工志所寓也讀公之詩而不知其志非知言者也公今歷官御史中丞階則崇矣而卒不獲大伸其志諸門下士乃請是集梓行之其有感焉乎哉嗚呼後之尙友於公而求其志者將于是乎有徵矣江左金大車撰

刻金子有集後語

余少與金子有謝應午陳羽伯諸君讀書於青溪之上時稱爲莫逆交乃子有搢筆成章頃刻盈紙豪蕩奔逸各中程度未嘗不歎其受材之靈異如此云乃其神情疏朗體貌脩適如長松磊落野鶴飄蕭豈不絕俗君子哉使列之金馬著作之庭誠足增光黼黻方軌前秀乃五上春官遭奇落第伏枕淮海齋志而歿傷哉夫柔脆易折飛揚早削古今才人多有子有強立淵邃胡遽闕殞耶此不可知也或謂子有舍醫自信誤啖熱劑故暴亡非其命也斯則造化由人修短在我豈其然乎豈其然乎亡六年羽伯葺其遺詩刻之梓詩凡若干首諸體略備往來商訂刊落凡十倍茲蓋存其精華可述者

百七

一八

金陵叢書
蔣氏校印

蔣嘉靖壬寅仲冬既望吏部文選司員外郎石城許穀記

金
子
川
集

蔣	廬	如	厓
氏	校	月	涂
慎	印	著	凡
脩	甲	始	吉
書	寅	丙	秩

金子坤集序

吳郡黃姬水志淳父撰

金子坤氏其先西域默伽國人也高皇帝握圖御宇互地來
王厥祖以歸義授鴻臚卿者始入中夏賜姓啓宇遂爲金陵
人至子坤父延平守東原先生以進士起家於是金氏彬彬
文學矣子坤少歲與伯兄子有同門學才行高秀俱著名字
時大司寇東橋顧公儒林宗匠特加甄藻榮問益馳蔚然江
左子有假乙酉懸天鄉薦早世子坤游思墳籍極意述遺通
覽六緯窮研五際發藻奮董生之帷綴語妙君房之筆其於
詩也古體非建安元康不涉於目近體非貞觀開元不著於
胸率芳咀映揚芳吐豔凡平生豪宕憤激慷慨之懷一於詩
發之其氣弘以暢其詞賡以應其調和以雅其音范以玄鑄

金子坤序

金陵黃氏校印

自精心可稱高手昔人謂陶靖節爲古今隱逸詩人之宗子
坤其庶幾乎余交子坤二十餘載見其有耽詩之癖方其壯
也清華縱逸飛蓋則嘲風月鳴鏢則賦江山至其暮也恬夷
淡泊擁四壁而含毫撫一瓢而吮墨夫子坤不以壯暮而廢
吟不以泰約而輟咏其所得於詩者深矣余幼習聞先君所
著典錄曰默伽國產龍馬麒麟及讀班孟堅西域傳曰西域
多珠璣珊瑚虎魄璧流離今子坤生於中夏是即龍馬麒麟
珠璣珊瑚虎魄璧流離也適竟終身淪沒不得與遠方珍異
並登天府悲哉郭道人次父以瓢笠之資爲子坤刻集集成
子坤走書寄余吳門命敘簡首余讓不文書三至而操觚然
豈盡知子坤耶嘉靖中元甲子七月七日

又序

東嘉侯一麟舜昭甫撰

金子子坤詩若干首郭山人次甫編梓之語具黃子淳甫序
中詳矣適余復奚言哉雖然余傷夫至物之難知也夫美玉
混於礪石鯢鳥繫於枋榆良驥困於鹽車雖矚目者而鮮弗
覈之以爲是庸璞凡鳥下乘已及其登清廟凌扶搖一日千
里適始目駭耳迴莫不咨嗟其絕奇豈一物也而貴賤異哉
其遭使之然也吾恐藝物者使至物爵而不彰令庸璞凡
鳥下乘埒而湛溺之也惟士亦然夫子坤固天下之士也自
先公起家頗饒裕又有伯氏才且達而子坤不有也能心解
力學爲諸生其文操管立就同舍生皆推前子坤而子坤亦
自信不後於人也適竟落拓久爲儒不獲占一第又雅不事
生產而貧願日益甚所居蓬室汚下脫粟不厭而子坤處之
泊如也此其於富貴貧賤何如哉且夫人非有樂於其心必
不能輕易其所好富貴者人之好也今子坤其困若此卒不
易則其發憤著見於詩終老不倦有以也讀子坤詩無以藝
物者藝子坤其庶幾乎余言哉且友之不爲友久矣余聞郭山
人以瓢笠游五岳亦貧士也適能出資爲子坤樹不朽此不
惟以財通而又能與人善其觀文人相識彈而吝且技書何
如也然則郭山人亦略可觀已

金子坤序

金陵黃氏校印

金子坤集

金陵叢書丙集之七

五言古詩卷上

金大輿子坤

贈禪僧

諸佛久不作禪要不可聞紛紛緇衣徒迷惑喪其真我師造
 佛海舉世少其倫觀空識虛妄妙悟知來因已解八正途再
 達五行津天魔不得擾獲鳥皆來馴眾物體不累雲心所
 親我志愛煙霞委懷在林壑常訪開士家追遙伴鶴古槍
 舒舊柯修篁變新篁縱橫只葉翻散亂天花落我學本迷方
 苦海恐失腳踏法請機要因病示良藥入耳祛塵襟服膺解
 羈縛始信大智人身心得解脫願示西來旨清淨求依託揮

丙子坤

金陵叢書
丙集卷七
金大輿子坤
印

手紛華徒山中甘澹泊

與文源朱二過溧陽道上二首

侵星發徂輛悠悠即長路家人前致辭問我將焉赴躬耕苦
 早乾何以資朝暮衣食事奔走晨寒犯霜露楓林號夜鳥栖
 草宿寒兔輕煙動虛里崩沙依淺渡淒淒浮客心黯黯長天
 霧迢遙思孔桴獲落嗟莊瓠去去返蓬蒿脫粟安所素
 路歧苦奔峭村舍多蕭索遠水明石渠疎雨散林薄唧唧棲
 鳥喧澹澹油雲幙頽陽即主人野飯開山酌窮途賴所歡言
 笑解寂寞丈夫江海心何事勞羈縛弭權息遠游長歌耕負

郭

移居二首

素心厭爲雜移居入窮巷本無卜宅心所貴寒輪轉草蟲鳴
 樹根秋花放階上三徑竹陰多一尊時獨賞荆扉白日掩事
 罕絕塵想不見古臺樹今來唯草莽願言謝天罰窮居逃世

綱

浮生本過客何必事安居苟有達觀心華門當晏如種豆滿
 園圃飛鳥鳴階除瀟瀟原憲宅寂寂楊雲廬興至對尊酒暇
 日觀羣書嗜彼懷居徒美哉輪奐俱不謂百載中所寶已丘
 墟焉知陶淵明虛室閑有餘
 奉送伯兄方山子春試三首

丙子坤

金陵叢書
丙集卷七
金大輿子坤
印

關送周親朝發石城下夜泊揚子津况我雙飛鷺羽翮臨當

分去矣勿復言揮涕要旬襟

歲暮風凜冽野曠多愁雲塗塗白露積霏霏素雪深窮猿嘯
 喬木飢鳥嗥空林旅岸苦奇側荒峭愁崩奔客子倦行役游
 人多苦心感彼既翁咏凄然懷所欽
 懿親怨言邁載陰天氣寒去家綿以邈誰與相爲言耳聞苦
 寒調心切黍離歎飛鴻鳴子側飢獸號子前感此歲云暮况
 復懷所歡阻勉服王事勿爲遊子顏君子圖鼎勅宵人甘泥

下第後與文源游城南諸山四首

涼風起庭樹淒淒百慮興借彼素交人郊原怡我情候雁鳴

曲池蜻蛉啼前楹感此青陽暮徒傷素髮增班荆坐碧草一
尊相與傾賴爾倚靡交庶幾慰友生

披懷適迴野把臂遊丹谷翳翳重基煙呦呦澗下鹿清風迴
廣陌白露凝高木三命有終極但看鳥過目滌蕩散情志何
事勞羈束人生會有時隱憂徒自促窮達聽自然何煩季主
卜

我昔抱微尚所願不苟安在富恥充黜居貧無憾顏三徑欣
已足二仲時周旋道勝無得喪理來齊悲歡獲我同心人相
與過南山鳥鳴澗下松雲飛重基顛感時欣有適把酒已陶
然達生會自省此道誰可言

觸事心不爽相與游遠郭暫解樊籠役逍遙對崖巒浮陽映

百七

子坤一

三二

金陵叢書
蔣氏校印

曲嶺迴飈振長薄陰壑動哀響秋花散奇萼唧唧蒿下禽皎
皎雲間鶴高下固殊調性充成自若胡爲懷百憂苦爲生慮
縛請看桑楚戒將心入玄漠

春日雨中訪許刑曹子夏二首

行行近北郭遙望鍾山岑青陽聿將暮草樹亦已深南眺玄
武湖雨氣昏前林山桃發紅萼水鳥揚清音感時欣有適眷
言懷所欽載過許玄度言笑諧我心開軒瀉清醕揮杯彈素
琴懷哉種豆詩隨彼白石吟人生會有時胡爲愁苦侵長謫
示諸子嘉會當重尋

我本丘壑人遠謝當途客感爾緇衣心往往尋君宅鍾山當
戶青長松檻外碧和風席上來疏雨飄廣陌圖書清我心尊

酒忘形迹頽陽返傲庶期君圖景夕

與朱二坐月

日暮天無雲明月昇東方暉暉散華彩冉冉揚清光良友枉
蓬戶露坐持霞觴汝移鐵甃家就我清溪旁素交感知己日
夕升我堂雖無翠釜珍中廚辦黃梁一觴自斟酌萬事真毫
芒人生百載中歡笑不可常況我多隱憂髮髮早已蒼若不
委窮達終日徒徬徨請君且安坐清光遽未央

春日游東山艸堂四首

弱齡志溪谷嘗期汗漫游愧無晨風翼雅懷邈難酬值此芳
春時開尊對林丘羅戶佳花發繞石寒泉流田父相對語欣
此桑麻稠樓遲一杯酒聊以忘吾憂

丙七

子坤一

四

金陵叢書
蔣氏校印

城郭無遠心郊墟發真樂間逸慕輕鷗清厲憐孤鶴仰視朝
霞翻俯聽飢鳥啄梵宇發清韻巖花燦奇萼垂釣引游魚班
荆動春酌樹影何扶疏峯形殊磅礴清曠豈覽賞幽棲欲永
託惜哉婚嫁幸世網嬰難脫

皎皎中天月照我芙蓉塘波光動微影宿鳥棲我旁村歌忽
四起發聲清且長潛魚爲我出清風爲我揚金鼎瀉清醕野
酌亂離橫露坐忽已久嵐氣襲我裳勿爲沾衣惜清歌遽未
央

負疴厭羈縛馳心在林莽振策共行游瀟然事幽賞斐斐嵐
氣多悠悠山路廣棹歌應谷音鳴榔遍川響崖傾嶼亦過道
阻峯猶上境曠心志舒揮杯失惘惘感彼種豆詩誰能復康

想

春日與朱二自塔山泛鑑湖探禹穴一首

春風攪白日使我春興翻沿流過禹穴婉至桃花源孤村野
水白樹密棲鳥喧攜手石門路山深滿煙霧藤垂崖可攀溪
淺水能渡鑑湖草尚青蘭亭跡非故蹇余愛攀躋落日綠丹
梯不見古時客空看舊日題今古俱可憐人代相推遷徒羨
遠城鶴千載方來旋且謝塵世擾濯足山中泉

伯兄忌日一首

白日坐幽獨誰識憂思深緬懷同袍客淚下不可禁古人謂
天道福善與禍淫此語想虛誕造化本無心何適明德士禍
患徒相侵昔爲匣中玉今爲地下塵完士荷休咎策足要路

丙子

五

金陵叢書
廣氏校印

津迷惑不可測此理誰能陳聽彼既翁咏淒淒傷我神

下第後與朱二過牛山二首

明發借所歡振衣過山麓煩暑既蕩盡素秋天氣肅汕雲滯
遠郊輕雨灑幽谷岸花疏且紅澗草萋還綠哀鴻叫沙渚寒
蟻噉草屋緬懷蘇門嘯嗷彼窮途哭浮生若蠅塵繁華鳥過
目且盡盈觴酒聊以慰幽獨

載酒出城郭行行適遠甸維時秋未深草樹猶葱蒨薄雲時
往還高嶺互隱見命席倚重基垂釣即孤岸達生多遠心隱
憂徒自患倚伏豈預謀得失匪前算一觴且共揮身外非所
羨

塘中亭子初成一首

抱膝愛丘壑綠崖築幽居雖無垆壘工清曠情可舒陶子樂

容膝諸公甘舛適達人貴適意豈必輸免俱山桃發富戶岸
柳垂前除青柯集鳴鳥碧水浮游魚禾黍被阡陌鷗鷺戲菰
蒲高天豁朗霽和風飄輕裾朋徒時枉臨命僕具園蔬一觴
自斟酌清言常晏如悟彼蟋蟀吟逍遙百慮祛
贈吳而待二首

正音絕遺響斯世多漫漶伊人振大雅矯然卽高岸摘藻發
春華舒文邁時彥遇我乘淮間頗有窮途歎君本豫章材願
我溝中斷尊酒敘情親高言咏文淵別離忽幾時星霜驚屢
換何時芳訊來庶幾慰朋串

長風自南來白日何杲杲高車出城郭鍾山拾瑤艸采采空

丙子

六

金陵叢書
廣氏校印

盈懷不見同心好引領望爾室山川一何遐憶子執手時玄
言極幽討感彼知音稀念此離羣早永言停雲章中心怒如

稿

中秋夜中林堂對月二首

望舒發海嶠照耀周華園主人命僮侶開尊共盤桓舉觴盡
浮白雜坐皆文談樹杪清風集草間白露溥高堂出鳳管中
厨具熊膳撫景修作玩即席倡高言緬追金谷會婉見蘭亭
賢巴人嗣餘響商榷歌此篇

金素動四野佳氣集林塘中天圓景來冉冉揚清光芳池含
微波流螢耀中堂良韻侈高會促席飛華觴楚舞振鼙鼓吳
歎坐空桑絲竹間哀響雲霞互低昂人生宇宙中歡譙不可

常名園秀且麗秋夜清且長醉歌淹永夕清光未遽央
草堂爲風雨所破謝諸君修葺一首

重淵動黑蜃商羊躍且鳴霖潦積累月深巷無人行我屋四
五間半爲風雨傾雖無求安心頗懷昏墊情良友篤高誼爲
我載經營編蓬既已飾土階亦已平圖書滿案間花竹倚前
楹滿條揚子宅聊以樂吾生

夏日郭山人問疾一首

溽暑重暄澗湫隘增煩襟臥疴北窗下遙見鍾山岑流雲麗
高樹蒼翠鬱深沈白鳥沒遠漢玄蟬鳴青林撫鏡匡牀間驚
此年髮侵行藥步前除疲弱力不禁感往念不淺悲前憾已
深賴爾素交人庶幾慰我心

丙子

七

金陵叢書
蔣氏校印

與何元朗郭次甫宿半峯庵明日再過華嚴寺

我來同二仲茲山已信宿再訪華嚴僧行行入幽獨山徑曲
且深禪房秀而復殿角鈴語喧林端香氣馥亭亭遠嶠松懸
翳當窻竹清曠滌煩襟幽深暢心目馴鳥下食臺孤蟻嘯喬
木釋典破煩惱老氏戒止足浮生無百齡矧伊心形役高咏
逍遙篇誰能更羈束

登陀山

伊余江海心將窮川嶽眺茲山何崔嵬深林極窅窳峭壁掛
飛霞遠水明照照巖虛鳥道孤地迴哀峻叫婉轉無平坡軒
豁有孤嶽登高望北海微茫見煙嶠村落幾人家荒原多野
燒高咏紫芝篇側想滄溟釣卓哉遐心人願已頗同調百歲

總須臾一月幾歡笑胡爲世網拘空貽達者誦

七言古詩卷中

秋日登高咏懷

迢迢臺上望山川寂寂江煙冑野田遠樹依微雙闕外歸鴻
縹渺夕陽邊夕陽遠樹翻紅葉萬井縱橫連帝闕朱門重疊
車塵多青樓窈窕歌聲隔古槐高柳澹朝煙苑草園花動秋
色秋色撩人不自由琴樽歌板鳳城遊雙雙載酒青山曲兩
兩鳴鞭綠水頭水山山邊難重陳寶馬香車意氣新此時蔣
詡惟三徑此日陶潛自一尊秋來忽擬閒居賦興至還將漉
酒巾誰謂閑居常寂寞已見歌聲滿寥廓消遙不繫比浮雲
清風難馴似孤鶴尋水常飄范蠡船杖書不上楊雲閣夜月

丙子

八

金陵叢書
蔣氏校印

桓伊笛流水伯牙弦乘桴思舜海擊壤咏堯天堯天應有風
凰儀高翩翩成鐵羽悲投珠反爲行人怒獻璧翻令楚國疑
蹇躓玉樹康莊上騏驎鹽車伏路岐魚服自甘成漫落牛衣
誰復歎淒其登高聊騁望把酒獨搔首訪古問吳宮探幽尋
楚岫一代繁華盡可憐六朝山水空如舊南觀桃葉帶通津
淮浦西風動白蘋深山自信藏文豹淺轍誰悲有酒鱗世路
緜交誰贈縞江皋閑慢欲垂綸商歌雖少合長鈇楨依人寂
莫虛堂成楚奏飄零短褐有秦聲飛騰自負平生氣搖落空
牽此日情莫言貧賤長可欺莫言富貴長可守陳梁羅綺不
重開王謝樓臺復何有吳宮晉代總荒涼只欲尋仙不死鄉
臥龍高蹈無知者抱膝長吟梁甫章

和顧孝符謝康裕卿贈刀一首

昔有星隕化爲鐵良工鑄之成寶刀金精靈氣自協數寒光
燦爛沖霄得揮手頓訝斷金石噓氣可以分秋毫孫博引鏡
忽自見郭翻墜水驚潛蛟龍鱗鞞赤戎繚玉匣靜夜常呼
號光芒怪見秋水薄金環側掛明月高吳鉤躍舞不足數千
將百鍊非其曹康郎壯有四方志腰懸白刃同游翔年來忽
遇周山生杯酒誼氣千金輕笑談舉手脫相贈因之見我陳
雷情當階出精驚且喜滿座颯颯寒風生叔世交情不復古
古人然諾棄如土相逢誰復呂虔心莫怪人靈比射虎周山
本自尙書家少年豪氣凌雲霞醉裏一言重白璧吟成五字
飛天葩三刀已入平生夢萬卷今看破五車我老青山一布

丙七

子坤

九

金陵書畫
蘇氏校印

衣聞君高誼思頻飛昆吾割玉翻爲鈍鉛刀入手生光輝豐

城縱有雲間氣雷煥張華事已非

金陵歌送程后臺

君不見金陵王氣常不休金陵江水長自流龍虎千年抱帝
闕星辰萬里羅皇州碧沙遠帶清江浦芳艸迤連白鷺洲夫
子彈冠列京兆金陵八邑齊歌謳三年奏績明光殿金陵送
者誰不羨旌旆朝辭白下城樓船夜泊青山岸我送君行至
江口踟躕不去重回首短褐飄零人棄捐夫子於我情獨厚
慷慨憐才過古人論文道誼兼師友感茲知遇欲沾衣極目
憑高燕子磯煙樹雲帆看不見獨向金陵掩舊扉

王生行寄王仲房

王生磊落七尺強遠世脫俗多慷慨興來捉筆洒湘素滿堂
颯颯蛟龍翔高篇長咏世希有驕驕腰裏馳康莊放浪常游
山水鄉壯游只欲如子長南下天台看石梁龍門鑑湖飄孤
航琴尊詩卷取自慰浮雲富貴真穢穢往年寄我山中作木
難火齊呈珠囊茂先已矣雷煥死龍泉北斗徒生光君有長
才世不愛窮途知己復誰在爾衡有刺無可投田文好客嗟
殊代卽今湖海動風煙孤裝知向阿誰邊愁聞笛裏關山月
夜泊風波何處船去年聞爾向越州浙東太守能相留清歌
終日醉不休眼前暫慰羈旅愁丈夫有志在四海安能栖栖
守一邱古來才大世所須莫因踴躍廢居諾而今海內方多
事好待公車早上書

丙七

子坤

十

金陵書畫
蘇氏校印

哀吳中

君不見三吳自古說繁華朱戶雕梁十萬家春到青山爭拾
翠秋來綠水採荷花士女游人青雀舫玉孫公子七香車香
車雀舫相追逐歲歲驕奢歡不足金尊取醉青樓娼銀缸夜
聽吳歛曲自言歡賞復年年誰知海上動風煙五湖不見尋
芳棹三泖俄驚泛虜船吳岫亂麻堆白骨橫塘衰艸徧戈鋌
虛徵惡少摧驕虜浪說將軍有控弦七德龍韜誰解識五戎
虎賁只空傳陣雲朝結青天上殺氣橫侵太白邊長洲苑外
居民散楓橋路上行人斷金鼓聲連海上雲鐵衣光照湖邊
岸甲士孤城守戍樓舉頭卬落盡墟丘荆榛亂塞無平路沙
岸奔崩有急流征役何時返關山道路遠青春念鄉縣白日

易晚帶甲臥荒原負戍行神堰雀羽動烏號龍文架寶刀
柘林重妖氣溟海湧波濤鼙鼓金鋌不還安慘霧愁雲白日
寒當時盡說江南樂此日翻知塞北難槐槍豈終極鼎魚時
假息勤王交廣軍勇悍知無敵上將分符領重兵招搖映日
轉旌旗龍城王氣千年在魚海妖氛有日平

託贈西門仲氏

坏山樵人年十七放鷹走馬坏山陽二十讀書了大義下筆
洒洒蛟龍翔二十有二歸故鄉文人辭客隨處生平好義
重然諾脫略世態多慷慨人事茫昧不可料天道幽遠誰能
量伯也成名忽早世仲也瀟條空塔嶺廿年射策苦不偶四
愁七哀徒自傷干將莫耶豈不利苦侵土蝕無精光世事反

百七 子坤

一一

金陵書畫
蔣氏校印

覆嗟已久眼底浮名直堪醜鳳凰不及鴛鳥鳴渠黃卻立驚
駭走海鶴神蛟不可羈青林白石自冥栖東尋故蹟過秦望
遠訪名山入會稽雲門禹穴發長嘯天台雁蕩窮攀躋醉後
山中袒跣叫狂來石上蹤橫題已看立言成不朽浮雲富貴
終塵泥而今海上風煙動白骨如麻死者眾國賦軍儲遞相
催羽檄飛符日轉送見金不學魯連辭哀時誰作賈生慟志
士幽人空淚垂經時離亂有餘悲已嗟身世終難料况復虛
名何所爲君今踳躑不須歎滿地兵戈行路難且爲言笑對
兒女村沽濁酒醉青山

姚元白中林堂玩月得洲字

中天月出海西頭冉冉清光徧十洲征人塞外關山夜織女

機邊團扇秋金盤流景臨方沼玉宇含輝映畫樓誰家擣練
驚離思何處吹簫引客愁此時主人開綺席此日高堂恣驪
游中林堂上光先入德慶階前夜已幽白苧歌殘更楚調青
衣按拍動吳謳授簡賦詩驚倚馬把杯問月看牽牛麗藻似
堪追梓里幽偏誰復讓菴文談不覺明河落劇飲何妨白
露收明河白露須臾改水邊曙色揚光彩城頭鼓吹鳥初飛
歌鐘已散香猶在共說嘉賓總建安更愛主人如北海尊中
有酒不盡歡眼前歲月復誰待也知身世非金石也知江海
動烽煙難期來歲今宵月未必清光勝往年請君見月須拚
醉莫惜林頭沽酒錢

賦得琵琶亭送朱子价赴任九江

百七 子坤

一一

金陵書畫
蔣氏校印

君不見琵琶亭畔江水明蘆花瑟瑟秋風驚夜潮落木動清
響猶似當年哀怨聲江州司馬去已久長歌獨在今人口從
來萬事若翻雲此地空悲昔人有我送君行出石頭雙旌五
馬趨江州亭中舊有尙書跡岸上新迎郭細侯訟庭清簡日
無事好向長江看碧流

牛山逢楊伯海

我生滿散樂疏曠城市羈棲苦塵袂秋來曬履牛山中愛此
羣峯散奇狀坐對青林成主賓幽禽野鹿時相向半壁俄聽
長嘯哀諸天颯颯秋風來蘇門林木動清響鸞音鶴唳空驚
猜舉頭見是楊伯海頓令孤悶生歡懷楊生世系出關西生
綃絹素畫且題雄詞健筆凌雲覓探幽探藥尋丹梯讀書夜

照生青藜楚人不辨連城玉龍泉太阿空塵泥我今與爾俱
落魄斫地悲歌有餘樂放棹長江泛碧流振衣高嶺看紅葉
江海逍遙不繫船雲霞清厲看孤鶴蹤跡聯翩山水鄉百年
人世任徜徉何時共遂虛放去結屋天台跨石梁

江上別朱子潔

歲晚易惆悵賴爾相爲樂云胡別所歡誰與共盤薄豈無執
手好愛爾重然諾開帆如鳥逝極望已寥廓北風吹江江水
寒孤舟遠去隔重灘輕鷗亂下沙洲白風葉晴連遠岸丹
衣未盡青山晚回首長謠白日輝欲知別後思君意江水東
流好自看

五言律詩卷上

丙七

十三

金陵雜詩
蔣氏校印

送周老攜琴謁河南王府一首

我住依三徑君行與八公束書辭帝里操縵入王宮洛浦羣
峯秀淮流一水通挂帆江上日應有大王風

固城湖玩月

片月挂湖上清光獨夜看山城晴自溼水國曉多寒靜覺鄉
心急貧知客路難欲將江海意都付一魚竿

與朱子潔再游虎丘

兩度名山上重來憶昔遊青山無舊業滄海有孤舟梁鴻馴
原並溪鷗暖自留愛君耽靜寂落日在林丘

送王偉立水部監兵器北上

謀臣將牧馬志士起聞鷄傳檄催弓劍乘流動鼓聲風聲先

北虜行李帶春泥揮手即長路蕭蕭征馬嘶

高淳縣別朱二

人世多離別他鄉復送君暖風嘶馬急積雨細流分客思迷
春艸長途空暮雲旅游方寂寞益倍惜離羣

九日山中獨飲一首

昔日龍山飲徒聞車馬喧何如村舍靜松菊滿荒園閑與孤
雲會清憐野鶴翻陶潛今不作真趣可誰言

贈陳孟錫一首

淄川懷舊德日日護棠陰解印餘孤劍還家有素琴野鷗依
靜渚芳草伴閑心陶令歸來日終年只苦吟

與王子新游茅山

詞客山中宿仙人海上來異花當戶發靈藥繞壇栽石上清
流過松間紫閣開情逢句漏令揮手謝塵埃

奔牛

風帆如去馬月裏遇奔牛人語山村夜蟲鳴水國秋旅遊鷗
落木鄉思憶登樓自笑浮名客幾心散海鷗

遊虎丘

挂席穿雲樹長歌入虎丘到門松徑合繞寺石泉流暝色迷
秋界蟬聲滿成樓浮生迷梗迹飄泊類輕鷗

宿虎丘

高士愛巖居僧中玩佛書雨花飛寶塔楓葉墮階除石室鳴
金磬空廊響木魚夜深趺坐久自信得真如

秋日山居雜興

雲去高巖出風迴細竹斜煙霞生野徑燈火隔漁家寂寞山

樽酒淅涼野樹花秋清山夜宿明月見栖鴉

樹枯樵客動村靜野禽多細路綠青草寒溪蕩白波勞生空

短髮任蓬且酣歌忽掩蓬門去田家試一過

看雲依碧嶂拾蟹下青田竹嶼澄秋水荷衣上野煙谷寒金

氣積歲去玉衡旋逋客時相待綠溪理釣船

夜過張道人水樓聽經二首

羣籟夜深息村廬聞磬聲黃綠山路小野曠月華明細觀天

花色光生智慧燈因茲悟禪寂益遣薄浮名

水鄉多網罟俗尚捕魚禽不有道人出誰生智者心妙香飄

丙子坤一

丁五

金陵書
唐氏校印

水閣清梵出楓林但使念常在無勞地布金

冬日與許刑曹遊翠屏山

慧日明金象慈雲露石門共來尋靜者長嘯入荒村霜重湖

痕落鴈歸嶺樹昏真空吾已解浮世信乾坤

閒情依白社杖策入青山樹色經冬去溪聲盡日閑巖高雲

作障寺古石爲關叢桂凌霜發狂歌醉亦攀

將往越中留別小子

我行探禹穴別爾向山陰放棹春潮闊閉門芳艸深孤裝爲

客日異國念兒心沙岸慈烏集哀哀聞夜音

謁禹廟

空山神禹廟放權一登臨疏鑿江山遠乘流歲月深陰廊過

野筍古木響春禽獨訝梅梁去爲龍向碧潭

曉發龍江關

柳色青山近江光白日長揚帆辭故國揮手上孤航水鳥銜

魚過晴花出岸香幽探吾所癖高枕聽鳴榔

江上別陳元甫還江西

送君江上路心遂斷雲飛野飯投孤館寒霜照客衣烏衝黃

葉下潮帶白蘋歸故國方兵火山中畫掩扉

山居友人攜琴過訪

高士獨攜琴長吟過竹林我懷山水癖君有伯牙心晚唱漁

人過朝飛野雉香雍門不可作於此益沾襟

答陳鳴野宿許石屋山居二首

丙子坤一

一六

金陵書
唐氏校印

許詢耽靜寂康樂問山名野老能同席山僧伴獨行亂峯浮

曉日遠水抱孤城聞爾幽栖好令予遠思生

茵閣千峰轉柴門一徑深水禽時去住山老日浮沈白屋對

知己孤雲共此心紫芝歌一曲盧谷有餘音

聞王水部言許刑曹新構精舍寄贈一首

宰官栖息處結屋倚雲根海氣籠芳樹江聲到石門山圍三

畝宅竹繞一孤村好爲留鷄黍重來共綠尊

許子夏與青門沈懋學游靈谷寺二首

陶潛過白社潘岳愛秋天梵宇聯鑣去清尊石上傳溪花留

返照澗水發孤煙朱紱情疏關青山且醉眠

郎官休浣日結客問三禪拂藪尋遺蹟觀空悟往緣翻經猶

有想心寂自忘筌落日深林黑猶聞過法筵

對月懷朱二文源二首

我有幽憂疾賴君相與寬如何秋月好不共把杯看野色侵
行李寒波蕩木蘭感茲搖落日更覺別離難

誰道同心客寒裝事獨征秋風催短櫂落日孤城近別誰
言易離心自獨驚有懷愁永夜明月倍含情

泛固城湖游雲山洞

固城湖上寺臺殿倚蒼山石洞盤雲入松門映水魚歌連
碧遠草色度溪問獨客春愁日因之一解顏

送文二歸蘇州

往年俱客路相識是他鄉壯志知還在顛毛訝已蒼草書供

百七 子坤

一七

金陵叢書
蔣氏校印

伏臘詩卷記行藏少日都門別相思春艸長

送金老移家入山一首

鹿門歸去遠投老脫繁華綠水宜垂釣青山便寄家門連樊
子稼原有邵平瓜自識浮生理朝朝看種花

贈朱士學少府

聞飲貪泉後清操益更堅車前留轎去戶外有魚懸五斗誰
能戀一丘常晏然緒風垂柳下終日聽鳴蟬

送郭次甫游西嶽

西嶽遙天外東吳野客過側身綠翠壑攀壁引青蘿玉女夏
泉冷蓮峰夜月多知君振奇藻高咏勸嚴阿

病起與諸兒游靈谷寺

蘭亭修禊日羲獻亦同時我去尋山水攜兒入化城空階留
樹色石壁散溪聲病後身猶健登臨自覺輕

游三山宿臨江樓二首

古殿開青嶂層巒枕碧流春潮翻海岳落日戲陽侯水闊藤
蕪遠天清島嶼幽脫憑高閣上燈火見魚舟

白石三山路青春二仲過緣崖窮鳥道倚檻看鯨波夜靜潮
聲急江空月色多酒酣雙樹下醉答榜人歌

送黃淳甫還蘇州二首

春來黃叔度言返白鷗磯驛路經殘壘山花照客衣桂尊臨
水酌蘭葉送潮歸日暮龍江外孤帆去若飛

抱璞誰相問栖栖江海間把杯常自得帶索有餘閑碧艸春

百七 子坤

一八

金陵叢書
蔣氏校印

離夢清尊浣別顏虎丘山水麗長日好躋攀

送五湖張老還洞庭二首

張翰驚秋色江臯動去船孤裝投澗壑五兩挂風煙碧落聞
新鷓鴣林響暮蟬白頭歧路別淒斷伯牙弦

三吳離亂後遠客念鄉關一權寒江外千峰落日問湖光迎

短袂草色上危欄想到幽栖處東籬菊正斑

同郭次甫遊攝山雜韻四首

北山多異艸言可攝人生石乳凝高洞金光長細英寺留梁
代碼雲接舊臺城採藥閑依止應看毛骨輕

棲霞寺

徵君禪誦處棟宇尚依然過客尋遺跡豐碑記往年松崖開

十地蓮座刻諸天消歇傷前事空門欲問禪
千佛巖

蓮宮依石嶺金像儼層臺盤磴松雲合斜風花雨來高低成
色相窈窕入莓苔歲去莊嚴改瞻依此日哀

訪文德承耕寓

雲臥巖栖處虛檐古樹齊乘風翻白竺照夜有青藜三徑通
羊仲四山唯鳥嘯桃源在何處於此欲同栖

懷郭次甫

與君分手處憶在攝山邊獨往傷歧路孤裝寄客船身輕隨
去住世難怯烽煙老去同心少因君重惘然

送吳而待春試三首

丙七

子坤一

十九

金陵叢書
蔣氏校印

東書來粵嶠獻賦上燕臺別引催飛蓋離歌促酒杯柳寒疏

翠落裳晚亂紅開狗監無勞問君王正愛才

叢桂臨霜發淮南有客招夢懷江令筆身佩呂虔刀紅洩江

楓下青疏厓艸凋孤帆看漸遠離思逐歸潮

粵嶠知名客年來得締歡數奇憐我困義重別君難庚嶺嶺

雲遠燕山冒雪寒曲江應有作一寄故人看

幽居

寂寞荒三徑衰遲戲五禽拋書眠北牖倚仗看青林生事從

疏闊乾坤任陸沈儘教黃髮暮不負白雲心

籬落豆花滿階除蒼蘚多微雲翻早雁輕雨滴寒莎負手看

青竹牽衣愛綠蘿滿條楊子宅獨酌有長歌

身世憑誰問行藏只自知一尊方獨酌四韻忽成詩緒風翻
去葉零露泣疏枝人世從歧路誰堪味五噫

老去成疏懶詩書性獨偏閑看楊子賦細讀馬蹏篇綠水綠
垂釣青山忽在前不愁金錯愕時有賣文錢

仄徑叢殘艸頽垣隱細花青鞵尋社遠阜帽任風斜院靜添
秋色憊虛駐晚霞荷簞翻豆圃把酒問漁家

涼風歌蟋蟀秋日賦閒居酌醴愁心薄談空俗累虛果懸隨
鳥啄詩罷命兒書何必顏淵氏當年獨晏如

元日同文德承黃淳甫郭次甫訪半峰大士
結駟投林繁空門問遠公名香飄竹外清梵落雲中巖樹梅

丙七

子坤一

二二

金陵叢書
蔣氏校印

送顧孝常別駕之大名府尚書公有義齋堂

佐郡承新寵昭車指魏川親朋齊出祖去住各淒然遠戍秋

雲薄長途暮雨懸尚書垂義範美政有家傳

君行司牧馬逸足木超羣年少垂朱紱高篇動白雲秋風變

艸色落日亂江文魯頌千年後於今獨見君

昔日吾先子茲邦惠澤多題名餘舊石棠樹有新柯憶我曾

遊處看君馴馬過晤言從此隔離夢繞關河

秋日同金在衡過天界寺

支公禪誦處竹徑晚陰陰有客叩山戶臨風聽梵音階下幾

間鳥雲中雙樹林對此寂無事因生不住心

老去厭紛華來尋靜者家午香飄石鼎中飯出胡麻古樹秋

生耳疏枝晚綴花蒲團對支許終日共趺跏

秋日同朱仲開明府侯師之秀才游靈谷寺

遐觀同二妙總辨覓禪關人境常多事空門盡日閑飛霞生

戶外流水出花間倘許常依止經年擬不還

西風涼意早古殿起秋雲雁塔丹崖迴龍池碧浪分陰廊餘

畫壁斷碣有苔文盡日無人跡呦呦見鹿羣

夏日顧孝先園亭

南陸朱光薄西堂碧樹稠披襟忘滯暑坐久忽如秋隔岸玄

蟬細翻池白鳥幽通家元累世終日可淹留

秋日送顧孝符過大名省親

虎頭何處去魏博省親開水國青蘿晚山城白鴈飛暫虛姜

百七 子坤

二十一

金陵叢書
蔣氏校印

氏披還著老萊衣知爾歸來日荒園艸尚非

顛懋基席上賦得秋蟬

月皎桐陰合玄蟬集露梢夜冷飛難急風沈響易高一枝聊

自息疏綏遂行飄飲露空慙我芳筵亦屢叨

與陳元甫游城南諸寺

輕霧含龍界疏鐘出象筵支頤招隱地翹首淨居天黃葉喧

高樹青山起夕煙乍晴谿谷煖落日尙黃緣

過穆陵關

青齊驅馬去曉度穆陵關樹色雲峯外鷄聲野戍間平沙無

積艸深澗有澄灣登頓疲山路風塵慘客顏

沂水道中過教寺

村落藏孤寺疏松一逕幽經年無客到終日有寒流青壁銜

初照黃沙擁斷丘平生江海性下馬一登樓

與姪子汝良登青州城樓

麗樵滄海畔南客一登臨四野平沙合孤城遠樹深古隄無

積水飛閣有栖禽日落山風急悽悽傷遠心

彌陀寺

客路過龍界聞經禮象筵殘碑留海國古殿紀齊年柿樹千

章合楸花四月鮮登樓時極目旅況一凄然

遊雲門山得微字

怪石凌空起松門一徑微磴危緣閣上寺古見僧稀我抱煙

霞癖因之此振衣醉憑青嶂石下見白雲飛

百七 子坤

二十一

金陵叢書
蔣氏校印

大雲寺

海嶠標孤刹雲門幾比丘沙痕成浪迹疊石似危樓深洞何

年鑿羈人此日游登高瞻北極隱隱見滄州

與姪子汝良遊廣福寺

四面松杉合中林一逕開僧房依亂石畫壁暗深苔風捲堆

沙入雲移海氣來滿條空谷裏松栢暮生哀

宿駝山看日

半夜駝山上滄溟見日生石牀還就枕遠戍始鷄鳴海嶠風

偏急龍湫水獨清杖藜山下去回首暮雲平

雨後聞蟬

一兩生涼思羈人感歲華蟬聲初到樹客夢不離家海北人

借異江南去路賒故園兒女在夜夜卜燈花

賦得張心甫清癩窩

高士賦閒居坐對一牀書懶從春艸變靜愛夜窗虛忽動蘇門嘯時看濼水漁翻嫌耕谷口辛苦學長沮

送方戶部出守南甯二首

剖符過象郡熊軾出龍關艸色牽鄉夢離歌慘別筵金章輝

露冕銅柱拜羌蠻五袴民誦遠賢聲滿世間

送君辭白下飛旆逐長風琴鶴離亭外山川別思中桂樽臨

驛路竹馬逐兒童莫爲分襟苦雙魚粵水通

七言律詩卷中

送張道人北上

子坤

一一三

金陵叢書
蘇氏校印

持齋卻掃廿年多何事鄉關謝薛蘿卷掩殘經辭白社帆開

初日渡黃河曹溪密義何人問客路傳雪祇自歌知爾慈航

超苦海長途不遺慎風波

人日客部朱子价席上得憐字寄楊升菴太史太史蜀人名

慎謫戍滇南

人日梅花自可憐折來誰爲寄西川八行欲附銅魚使四海

爭語白雪篇滇水山川增氣色錦江花柳隔風煙何時一櫂

穿巴峽得就楊雲問太玄

冬日喜郭次甫見訪

尋真借嶽幾經霜歲杪扁舟入建康丹藥駐顏看世界青山

隨意是家鄉庶放逸氣浮三島郭秦賢聲滿四方願我老爲

婚嫁累白雲行海意空長

與李伯承彭子股兩省郎登雨花臺席上

省郎文酒此追歡四月山高氣作寒雲壁倒懸通遠水天花

飛盡見空壇青山街日明珠樹阜蓋翻風倚石欄候吏莫教

催去馬且舉危石縱奇觀

經臺高起帝城邊說法神僧去幾年寶塔穿雲迎十地琪花

含露繞諸天松杉遠近行煙合宮闕參差白日懸嬌鳥似知

歡賞意故翻清韻到賓筵

午日鄒深陽席上

旅途作節正懷鄉地主邀歡錦席張竹葉細頰同北海榴花

初放亞東巖清歌暫過雙龜住妙舞徐看百戲長且盡歡娛

南七

子坤

一十四

金陵叢書
蘇氏校印

拚酩酊真言書劍客殊方

懷本空大士

長途行脚掛三衣錫帶空山白鶴飛釋子彌天傳法遠兵戈

滿地故人稀何方乞食堪持鉢幾許歸心共息機行止本來

非有意任他春艸自芳菲

寄何元朗內翰

何遜攜家返故鄉長途秋色正荒涼旋開石徑新花塢卻憶

金陵舊艸堂茶磨留連攀桂樹楓橋煙月咏滄浪娥眉度曲

高樓上翹首吳門幾斷腸

寄朱仲開明府

悔聽弦歌別故山即拋繆芻謝鳩班尊中綠酒堪遺世袖裏

丹沙好駐顏
搖筆動驚金石奏
著書常掩碧蘿關
金陵山水多佳麗
遲爾雙鳧數往還

懷侯舜昭

嗟君匹馬獨還鄉
秋雨瀟瀟道路長
遠戍不堪聽
獨雁孤村何處是
重陽酒酣逸氣看
龍劍野日寒雲上
鷓鴣狗監知君詞賦好
天門終爲薦長楊

寄顧孝常別駕

渭水寒多木葉稀
關河離夢思依依
故園花艸迷幽徑
異國風煙上客衣
朱轍行春鳴駟牡
白頭消日有漁磯
孔融自分通家誼
極目長天翔雁飛

懷郭次甫

攝嶺分襟經幾秋
孤裝何處泛扁舟
烽煙滿路難爲客
時序驚心易白頭
西入函關常採藥
東瞻吳會一登樓
莫因異縣甘長往
好爲同心續舊遊

贈青城毛侯部

知君原是謫仙人
游戲金門作帝臣
曼倩寓言聊玩世
梅生作尉是藏身
省中玉樹從人羨
海外丹方祇自論
他日罷官歸故里
蓬壺方丈好尋真

賦得

草色新年綠正多
征人遠去隔交河
含情空對青團扇
有恨誰傳黃鶴歌
蒹葭寄書憑隻雁
芸窗無黛畫雙蛾
鈔弓躍馬蕭關外
何日鄉關奏凱過

百七

子坤

二一五

金陵集卷一
蔣氏校印

春日閑居

春來蓬戶映花開
野色蒼痕滿徑間
爲把酒來還藉艸
因看兒戲一團圓
山禽水鳥俱相狎
葦柱幽蘭醉亦繁
帶索行歌供玩世
百年心蹟有餘閒

江上別朱二

江皋五月飛梅雨
別淚雙看酒客衣
細艸亂侵青嶂輭
孤帆時近白鷗飛
共嗟叔世同心少
莫道浮生見面稀
最是秋來明月好
知君清夜不相違

寄姚鴻臚元白

通爾亭台一黯然
琴尊常共綠池邊
園花自解生幽徑
鄉信何時到遠天
朱紱曉趨丹鳳闕
青囊春坐釣魚船
知君走馬

百八

子坤

二一六

金陵集卷一
蔣氏校印

紅塵裏憶我聽爲白晝眠

九日宿半峯卷
星滿長空谷滿川
繩牀託宿伴禪疏
鐘晚度雙林月九日
慈看鴻雁天路黑
林深人跡少名香清
梵思悠然我聽慧遠
談經夜人世昏昏總醉眠

小歲懷朱江州子价郭山人次甫

去年小歲郎官舍
凍倒銜杯與賦詩
今年小歲雲分去何日
長歌星嶽時江郭
朱紱馳五馬雲山黃帽探三芝
嗟余白首淹鄉國
獨夜寒燈憶夢思

與陳鳴野客中守歲得盤字

星迥野漢歲方殘
短髮添霜愧鶴冠
午夜清尊開并開
百年

良晤共椒盤乍逢節物驚時換夢繞關河怯路難明日春生
東郭外官梅花發好齊看

懷徐元甫

聞君獨往揚州幾處煙花入酒樓行有新詩應自遣世無
知己莫輕投法雲舊寺迷青艸瓜步寒潮蕩白鷗翹首雲山
獨不見晚風斜日長離憂

懷郭次甫

孤裝遠去獨何依渺渺寒雲上客衣把臂晤言誰不有同心
叔世似君稀尋真石洞凌丹壁採藥雲門上翠微見說僑居
留白下遠城仙鶴幾時歸

經王子新故居

丙子

二十七

金陵集書
蔣氏校印

溪上羣鷗去不來柴門還向綠楊開一杯誰奠孤墳土四國
空傳八斗才朝菌暗侵圓畫室含桃空倚讀書台龍蛇書法
留真蹟披對令人有重哀

懷黃淳甫

吳門詞客共追游歲暮離羣使我愁烽火幾家驚白晝煙波
何處是滄州孤裝寂寂看龍劍匹馬蕭蕭過虎丘聞說五湖
堪避世幾時同去狎輕鷗

江上逢次甫時余將往北海次甫欲過金陵前住然山者久之

飄蓬人世各東西江上逢君思欲迷水國幾看清漢月雲山
常聽夜鳥曉青州路遠憑鳩杖白下花深信馬驥此去王孫

何日見江潭春艸正淅淅

真州逢昆麓吳宗高

平陵十載憶逢君蕭寺清歌幾夜分山逕獨尋芳艸去陵塘
常看白鷗羣分襟歧路驚秋月回首長途有暮雲此日緜袍
江上贈故人知我獨殷勤

客舍病中懷康裕卿兼寄顧氏兄弟

越客僑居建業城白門花月幾同行別來窮海青春歌望入
長天春鳥生離恨自爾隨積草鄉心翻厭聽流鶯虎頭兄弟
追歡日無念又圖病馬卿

游別公山

朝公消息有高王事去千年擬自留金磬已銷清梵歌行

丙子

二十八

金陵集書
蔣氏校印

空掩碧山秋翻經壇在人稀到呪嶺泉深水獨流真境尙隨
灰劫變東林迥首重夷猶

高塘王山莊燕集

帝子邀歡背郭堂青山臺榭任徜徉穿花黃鳥曉珠樹繞砌
朱欄護石梁細艸輕煙承鳳箴舞衣歌扇出鴛妝梁園花月
留人醉今日渾忘是異鄉

夏日新樂王山莊燕集

君王雕閣畫生寒冰簟珠簾對藥欄錦席翻歌呈楚舞美人
調瑟按齊執名花異艸迎階出畫袴朱衣盡日看莫訝少微
臨北海江南詞客暫交歡

發青州

一見西風生早涼
羈人此日倍懷鄉
白門舊業青山遠
滄海孤裝客路長
暗舫鳴榔依故壘
斷雲連雁叫寒塘
穆陵關外風沙裏
征馬蕭蕭正夕陽

拱穆樓留別春卿宋仁

麗樵秋色淡孤城
載酒憑高送遠行
滄海別離鷗雁影
黃沙道路聽蟬聲
女牆日落荒原白
極嶺雲深故壘平
海北江南千萬里
臨歧揮手欲沾纓

劈峰勝福寺留別周伯森桂史

窮巖幽谷比丘家
石上寒泉擁細沙
雲橫碧艸天難盡
樹掩青山日易斜
苔破乍驚停馴馬
路深何處問三花
雍門回首人千里
蘭漿清江聽軋輪

丙子年 二十九 金陵 曹氏校印

別郡博趙吉夫

秋雲如縠月如霜
衰艸疏林客路長
短劍帶星歸故里
寒砧積歲滯他鄉
空堂蟋蟀驚時暮
極浦滄浪泛去航
海北微官君莫戀
江南山色好徜徉

早春同張心甫暨厥子伯任仲立登冶城宮

仙臺勝望帝城寬
淑氣靈光四面攢
宿艸乍青明白石
早梅初發映朱闌
神君笙鶴三山遠
福地煙霞盡日閑
暫卻塵襟恣幽賞
晚風林薄動高寒

月夜與王祠部話舊

與君千里隔風煙
感舊懷恩數黯然
舉首乍驚雙鬢改
論心卻憶十年前
輞川花近燒丹竈
淮水榔鳴插鯉船
灰劫莫教

傷往事且看明月共黃緣

贈冶城劉鍊師

冶城紫氣滿三花
知是長春道士家
袖裏有丹消日月
山中無處不煙霞
不惹老去頭如雪
自得長生棗似瓜
願我塵勞多白髮
請君真訣變黃芽

元日同都護曾澄子過普德寺一首

條風纓轉正新年
都護邀予問講筵
忍舛乍青連白社
曇花初下自西天
開法似曾過紫嶺
憂時常是看龍泉
我於色相都無著
醉倚長松石上眠

元夜與朱二話舊一首

簾鼓喧喧然九枝
紫光接漢似星垂
歌連九陌千門劇
月滿空庭午夜遲
火樹花飛珠錯落
闌缸風度影參差
白頭厭對兒童戲
與爾相看說舊時

秋日與秋門徐比部宿棲霞寺雲谷上人山房

仙郎乞假白雲司
暫向東林問遠師
仄經蟲喧零露後
空堂人語夜燈時
天花不著山中樹
細水爭流石上池
灰劫莫教傷往事
且看明月倒金卮

朱九江曾乞蒲團於焦山湖上人上人製之而江州物故矣

因與郭山人會非安宜挂之墻上亦猶季子之於徐君也感而賦此

宰官習靜有心期
曾乞蒲團向遠師
白社尙留裁日影
黃泉無渡聽經時
空憐玉樹將趺坐
猶想名香手自持
挂樹此時

丙子年 三十 金陵 曹氏校印

人不見西風洒淚墮頭枝

和郭次甫雪中會葬朱江州之作

孤舟歲杪去何之欲赴江州會葬時千里冰霜悲遠道百年

生死見心知未干空掩蒼苔還人世猶傳白雪詞一自林宗

揮涕後驚看墮樹有枯枝

五言排律卷下

送幻菴和尚赴徽州講經十六韻

梵嶺曾開法龍宮早悟禪三空超聖諦八正契真詮異縣遙

瞻禮他方識化緣離譴籠世界妙辯得彌天竺典繩林說蓮

經石洞宣比丘方剛教菩薩妙行權言下事迷悟歸依俗處

捐浮杯秋水上飛錫暮雲邊獨掛三衣去行將一鉢前法門

丙子

子坤

三十一

金陵叢書
蔣氏校印

看柱石覺海見舟船父老焚香侍緇徒奉席筵殊方知不二

勝業滿三千幽鍵通金鑰玄關發秘傳梵書留舊榻石鼎龍

新煙少別應三臘遊方是幾年法雲回首隔縹緲白共淒然

雪中與林司諫登報恩寺塔

白雪罷龍界清樽列鳳城躋翠層塔週遊覽四郊平鎖鑰推

名客梁園作賦英報書邀我入結駟伴君行興過山陰權歌

翻郭曲聲竹林開雅集蓮社問詩盟雙闕看銀樹重城見玉

京祇園凝落絮覺海訝澄泓細逐慈雲入輕兼法雨生白毫

應借色紺殿有餘清峻覺風聲急寒知酒力輕聖朝稀諫紳

常此遂高情

天界寺觀孟蘭會

化城修勝業深夜法燈懸施食聞山鬼焚香達梵天九幽賈

慧力一乘是真詮秋氣籠雙樹經聲答細泉比丘揚法鼓拈

越佈金錢并鐵過龍界歸依同象筵世途悲八苦覺路習三

禪煩惱迷空性虛恬結靜緣倒懸應解劫苦海得超然我佛

濟語有慈悲滿大千覺花明寶地甘露降金仙火宅施香雨

迷川渡法船人天俱雜沓神鬼盡騰騰居士身應度頭陀行

可傳白毫光普照青嶂月初圓木爲求初地誰言福田此

生方會理他日有青蓮

同南海集惟敬集黃淳甫得暉字兼送梨子

避地兵門客幽栖獨掩扉儲居三徑開客到一尊揮烏几披

新籍朱繩拂舊微把杯心自逸說劍氣常飛展散生涼思開

丙子

子坤

三十二

金陵叢書
蔣氏校印

憲近落暉蟲聲翻神壘竹色上征衣有客來成嶺游親在帝

畿風煙同去住誰氣得因依覽喜星期合先愁雲會稀王孫

從此去江神正非非

初度日山中示朱二

日月自相代倏然過杪秋鏡懸新鶴髮衣攬舊貂裘農圃嗟

生事琴尊撥旅愁淒涼歌白石慷慨看吳鉤懶慢嵇康僻酒

遲蔡澤游我應知隱豹罕笑狎羣鷗倚樹時聽鳥觀魚忽泛

舟丹楓鳴草閣白苧動沙洲落落人難合蒼蒼理獨幽半生

嗟失路一語會封侯自古類如此非今獨可尤達人惟造化

世態信沈浮川拙開三徑無媒臥一丘懶從青艸變閒任白

雲悠共爾且行樂吾生應未休方期同汗漫遐覽歷神州

懷許子夏法曹三十五韻

世路輕貧賤惟君獨不然先施能枉駕後進得隨肩愧我聲
 華海勞君記憶偏笑分官署米常給酒家錢引酌徂清夜論
 詩造極玄高秋探澗壑長嘯拂雲煙舊好慙子薄新知賴爾
 賢青鞵拋俗久朱紱照人鮮陳榻常箕坐巢亭許醉眠挂帆
 歸越國翹首望吳天別路固如此離心獨慕焉因懷元伯約
 實泛子猷船天竺春攜榼西湖日叩舷清流歌歎乃高嶺去
 黃緣湖艸連天闔山花近日妍襟期真酒脫蹤跡日聯翩選
 地登雲壘觀魚過玉泉茅齋連玉榻竹徑看春田晤語時分
 夜留歡欲判年苦緣生事累不禁別情牽去去重回首遲遲
 懶著鞭袂從江口散人指石頭還落日餘飛鳥輕風響細蟬

丙七

子坤

三十三

金陵叢書
蔣氏校印

秋日山居雜言詠情一首
 紫陌炎氛去青林爽氣浮遠尋坂曲磴野望入高丘水落菰
 葦斷天清嶼嶼幽戲魚翻月浦鳴雁落星洲日暮途傷遠時
 窮髮覺秋鶻懸看憲服貂敝訝秦裘海嶠驚兵馬江壖狎水
 鷗蓮宮隨坐臥桂樹得淹留桑落迎秋熟菱歌入晚悠馮唐
 雖易老榮啟本無憂倚伏原難定浮沈匪自由詎知垂釣者
 終會翺成周

春日游永福寺得庚字
 欲問無生理隨緣入化城曇花晴亦雨貝葉落還生砌古簾
 常縛心空鳥不驚虛堂傳石磬密樹叫倉庚鹿過平蕪亂雲
 開遠水明野塘翻白小側岸戲青旌碣石從殘草平臺半落

丙七

子坤

三十四

金陵叢書
蔣氏校印

山花成獨笑江月看虛圓玉樹遙天隔魚書驛使傳何時聽
 白雪誰與弄朱弦高詠停雲賦常懷伐木篇轄制誰問訊楞
 散賴陶甄酒債緣愁積情真任俗愆虛亭幾書卷委巷數茅
 椽半落心機去蹉跎歲月遷空階留碧艸故榻有青氈俛仰
 心無累虛恬性所便幾時同眺望述作滿華箋

七言絕句附六首

白下春游山八首

江南春暖杏花多拾翠尋芳逐隊過滿地綠陰鋪徑轉隔枝
 黃鳥近人歌

春風飄徑百花香處處曉鶯鶯碧樹長不比桃源迷歲月儘教
 游子玩流芳

鳳凰臺上艸如煙兩兩紅裝嬌可憐笑折桃花翻彩袖醉攀
 楊柳落金鈿

雙飛蛺蝶戀青莎逐隊游魚泛碧波共買杏花村裏酒來聽

失路偏生感他鄉復暮春水流芳艸開花落鳥嘯頻悽託慙
 雙鬢漂流笑此身雲峯思滅迹魚海欲垂綸獨掩青山戶常
 思粉署人知予深鮑叔投分比雷陳祖席懸珠火題詩列上
 賓高車過委巷飛旆別城關漸覺離羣久翻疑別恨新感茲
 分俸誰翹首欲沾巾

桃葉渡頭歌

長干寺前花不稀
淺紅深白映山扉
樓頭載酒看山坐
隄上行吟踏月歸

何處佳人阿娜妝
青山初日照流黃
輕羅半掩金條脫
春寺燒香繞畫廊

臺城東望樹蒼蒼
玄武湖春碧水長
晴雪亂翻飄蝶繞
錦雲如砌宿鴛鴦

白馬金鞍游冶郎
醉攜紅袖上梅岡
銀鈿金雁春風裏
指點江山坐夕陽

馬公子凱歌三首
不因投筆學班超
自是生來膽氣豪
曾磨弄兵翻蟻穴
英雄

丙子坤一
三十五
金陵書
蔣氏校印

破敵有龍韜

猛將今看馬伏波
桃花金鏡擁雕戈
玉京已道知名姓
銅柱標功不算多

駢弓寶劍勢崩騰
陷陣摧鋒首自登
逐北三軍過鐵壁
捷書一夜到金陵

秋日獨過華嚴僧舍尋果惠上人
六首
遠嶠西風落葉長
天北嶺朝霞老去翻
嫌塵世扶筇獨訪僧

倚伏從來無定隨
緣且度年華試問羽
侯阿開何如布褐山

家
淡淡輕煙谷口青
青古樹山腰西嶺寒
花可探南山叢桂休

招

白雲片片山路丹
楓隱隱招提短
樹獨尋勝事長
林隨意樂

朱二在秣陵寄之一首
寂寂荒村畫靜蕭
蕭疏樹晴寒望
遠獨眠寒舍遣
心自把魚竿

附
送金子坤還江甯
宋延年
西風忽動穆陵關
辭客飄飄振遠翰
離緒正隨秋草亂
鄉心長對月明看
雍門古渡人初別
白下疏簾菊未殘
到日定知尋舊侶
題詩應是滿長干

元夜送金子坤高淳設教
馮惟訥
帝城欣賞接芳年
四座吞聲悵別筵
客思不隨三調緩
離心欲共九枝然
馬融列帳吞風暖
阮籍窮途夜雨懸
一自懷珍下南土
勿云泗上有遺編

聞金子坤自高淳回奉寄
許應亨
杏花村裏野人廬
四壁空餘滿架書
江左水雲陰別院
石城山月照閒居
短書寄後峰回雁
長鈇歸來食有魚
生遇聖明猶未達
獨憐詞賦似相如

贈金子坤
黃姬水
豈因貧賤事干謁
閉戶著書無斗糧
猶恥王孫一飯惠
未忘俠烈五陵狂
黃金散盡留顏色
白髮悲來歌慨慷
相對秋風

丙子坤一
三十六
金陵書
蔣氏校印

丙子坤一
三十五
金陵書
蔣氏校印

丙子坤一
三十五
金陵書
蔣氏校印

丙子坤一
三十五
金陵書
蔣氏校印

丙子坤一
三十五
金陵書
蔣氏校印

都市酒青天不語泣干將

寄金子坤社長

海樵陳鶴

秣陵西望路千盤海月江雲憶共看莫怪年來無雁至亂離

偏覺寄書難

積雨束金子坤

張士淪

積雨閉幽居蕭然一枕書氣蒙松徑合涼沁竹窻虛几上香

沈火階前溜決渠試探文苑客寂莫竟何如

丙子坤一

三十七

金陵書畫
馬氏校印

遺文

悼舊賦并序

昔向子期因嵇康呂安作思舊賦陸士衡感親故凋喪作
歎逝賦潘安仁因東武戴侯作懷舊賦予才謝古人言慙
藻雅然感昔悲今其情一也數年之內四海知己零落殆
盡武林許子夏終於比部郎北海馮汝強汝威終於進士
南海吳而待終於刺史河兩尙東臨終於縣令數子並有
超世之才與予締好古誼無以加也天不憖遺先朝露
嗚呼知音好士叔世所鮮徵之前代則九原不與候彼將
來則百齡難待吾非斯人之爲痛而誰爲乃賦之曰

丙子坤一

三十八

金陵書畫
馬氏校印

得彼僑祿其何修獨與世而殊絕悲羣生之短期勿遷化而
奄滅感諸人之早世恒心馮而氣結昔我素交別歲時之詎
幾多玉毀而蘭折嗟嗟子夏榮名鄭晉藻振金聲形標玉樹
今也雲分昔焉星煇擬遺翰之婉然嗟形神其焉去北海馮
君結游鉛槧同心共貫龍劍齊耀隋珠雙口摘藻春英揮毫
雲爛爲歡幾何一朝魂斷若乃南海吳子飛聲粵嶠志薄雲
霞高言凌世卓然名家奮志沒地旅楓天涯亦有河內尙生
氣煥心平文雖不腆信心友朋時奄忽兮長往慰瓊蕊兮無
微嗟嗟數君我憂則憾我樂則欣箴我之失博我以文惠過
緇袍誼重黃金情金石之永固道膠漆之難分雖湖海之異
姓婉骨肉之周親謂遐年以攜手麻報德之有因悲晏天之

不弔恨生死兮殊羣羣宿艸蕭蕭墓門於是僕本恨人中
心切切追念夙好散步山椒慨大暮之不曉悲谷風之長
把音容於想像憶往昔之翔翔真蟬蛸之閱世信日及之在
條於時躍靈西頽羣雀於飛毒娛心之既寡恨人世兮多遠
慨余年之冉冉觸景物以生悲嗟數君長寢不悟寂寂松
邱萋萋薤露覽終古以共然伊何人之能度故曰人何世而
不新世何人之能故重曰天長地久有終極兮彭殤俱盡同
虛寂兮何短何修其致一兮優游娛老永終吉兮解我心累
遺末迹兮

游三山賦并叙

無然居士溘落閒居感玄髮之易凋歎青陽之難駐迺與

百七

三十九

金陵叢書
蔣氏校印

友人山南郭歷崇岡披積莽覽山川之佳麗樂品類之咸
亨遂泛長江登三山振衣長嘯于于如也客曰登高作賦
將紀勝游於無窮摘藻舒文欲立高言於不朽知斯游不
可以無作也子盍爲我賦之予曰唯唯其詞曰

當余年之弱冠兮希往蹟之高衢窮墳索之場圃兮將用世
以爲期何遭命之奇薄兮乃坎懷而卑棲獨慷慨以自憐兮
豈阻樓於幽居將登箕山以抗節兮浮滄海以爲嬉慕達人
之大觀兮何唐生以決疑愍流俗之未悟兮獨超然而先知
去世路之巖險兮將高蹈乎天衢感暮春之和煦兮遂盤薄
乎郊墟惜芳艸之如積兮愛旭日之悠揚嘉木被於原隰兮
麋鹿戲於高岡潛魚躍於清沚兮龜雉游於汗濱鬱芬藹以

雲蒸兮丹氣舒而四張舉桂權以容與兮迺順流而放乎長
江歷三山之峻嶒兮觀流水之洋洋玄嶺巖巖以嶙峋兮顛
波奔突而相將勢瀟汨以澎湃兮流蜃燿而縱橫歷洲渚之
縹渺兮承杜若之芬芳思瓊蕊以爲食兮飲沆瀣以爲漿期
性命之可度兮邀羨門而翔翔看欄四陳於崇基兮板桂樹
而徜徉漫即醉而康樂兮幽情形而外揚意飄飄以遐舉兮
志渺渺而臨雲觀古今之須臾兮撫四海於一塵獸耽耽於
廣壑兮鳥嘒嘒於長林感萬物之得所兮悲人生之常勤嗟
三命之有極兮將蕩滌而怡神豈世網之可羈兮終鴻舉而
離羣彼世之不我知兮聊述意於斯文亂曰

百七

四十

金陵叢書
蔣氏校印

浮生若寄豈終託兮惆恍惚惘惘徒自虐兮貴賤隨化何厚薄
兮逍遙順適毋自縛兮何思何慮游玄漠兮優哉游哉聊以
樂兮

跋

右金子有子坤詩合集二卷明金大車大輿著皆顧華玉弟子也華玉在正嘉間久主壇坫金氏昆仲親從問學其漸染可知是木有黃蕤甫手跋爲宋關押舊抄有士禮居藏章及秦味經饒竹汀兩先生印又容鏡一章未詳何人可云珍秘既校印華玉集復從宗子戴丈假得此本附入丙集以見明季吾鄉文學之流遠也子有子坤詩一矩燹唐人子有雜文尤茂美陳傳稱有文數十首今所得僅華玉集序一篇仍從顧集補入者則所佚多矣子坤詩編次舛謬卷上中下又似有脫失檢黃俞邨補明史藝文志金大車子有集二卷金大與子坤集二卷今本卷數亦不符長夏無俚粗囑寫官釐定

丙七

四十一

金大車大輿
顧氏校印

菟翁跋雅欲自附謂子有五上春官不第已亦同此遇阨又鄉貫與合爲奇余謂翁則相方是白裕年少與偉幹侅父耳若不佞較之其異同之故庶猶可言二金籍江甯余敬恭桑梓列在後生此一同矣二金其先西域默伽國人余淵源宗教信仰有歸此亦一同也二金別耽禪悅又心同嚮往者焉子有弱不勝衣有憂生之嗟又輕財重道義其詩曰世網苦維繫始願嗟已非又苟祿非所甘恣我遺世情余且夕寡歡遺時坎珂稍稍閱世思欲引避此又一同也二金博雅榮問早馳修文高會時接大師方外論交爲樹不朽余才愧通達聲名無聞鮮友朋講習有弟早世身後名不可知以云遇阨今人自未優于古人也雖子有棲樓下第旅死淮壩子坤落

拓爲儒不獲仕進然歷世數百年流傳百數十篇一若有神物護持使後人悼生才實難傷國寶終阻供其評論亦有若可幸矣又豈易跋及者哉寫裝訂爰廣菟翁之意用代書後鄉後學蔣國榜識

丙七

四十二

金大車大輿
顧氏校印